





XVI c

*lim 2*

beaute 3  
Fable 2  
N° 464

Antamienito de Alcala





Ayuntamiento de Madrid



circunscrito por Mechee (1847)

I 70.



**Les Genealogies faitz et gestes**  
des saintz Peres Papes/Empereurs/& Roys de Frāce/ Côte-  
nāt les heresies/ scismes/& cōcilles/guerres/& aultres choses  
dignes de memoire aduenues/tant en la Crestiente que aul-  
tre pays estrange/& Barbare/ durant le regne dung  
chascun diceulx Compose en latin par le tres  
renomme/& scientifique Hystoriogra-  
phe Iehan Platine, Et nouuelle-  
ment translatees de latin en Frā  
coys En Lan Mil cinq cens/  
& dixneuf, A la louan-  
ge de dieu/& exal-  
tation de nos-  
stre Foy



Ilz se vendent a Paris sur le Pont Nostre Dame  
A lenseigne de la Gallee. Et au Pallays au second  
pillier de la grande Salle: pour Galliot du Pre,

ne 7821

**Avec le priuilege du Roi nostre sire.**



Privilege de ce present Liure,



Rancoys par la grace de dieu Roy de Frāce: au Preuost de Paris Seneschal de Lyō / & a tous nos aultres iusticiers / officiers / ou a leurs lieux tenans Salut, Receu auons l'humble supplication de Galliot du Pre Libraire / demourant en nostre ville de Paris / nous suppliant que luy voulussions parmettre Imprimer les genealogies / & faitz des sainctz peres Papes / Empereurs / & Roys de Frāce / en figure / puis Iesuchrist / iusques a p̄sent / a laquelle chose faire luy a cōuenu frayer grās deniers auant q̄ icelles iprimer / & trāssater / & ordonner inhibitiōs & deffences estre faictes / de par nous / a tous Imprimeurs / Libraires / & aultres quelconques, quilz neussent a Imprimer / faire Imprimer / ne vendre: lesdictz liures / iusques a quatre ans apres / ensuiuans / finis / & accomplis. A compter du iour / & datte que lesdictz liures seront acheuez Dimprimer. Parquoy nous ces choses cōsiderees a icelluy suppliant auons permis / & ottroye: de grace especial p̄ ses presentes / quil puisse faire Imprimer lesdictz faitz / & genealogies / touteffoys q̄ bon luy semblera / en faisant / ou faisant faire de par nous / Inhibitiōs / & deffences a tous / a quil apartiendra quilz ne ayent a Imprimer / ne vēdre lesdictz liures sus nommez / iusques a quatre ans apres ensuiuans / finis / & accomplis a compter du iour & datte q̄ lesdictz liures seront acheuez de Imprimer. ¶ Et ce sur peine de cent Marcz d'argent: a nous a appliquer / & des liures quilz auroyent venduz / ou Imprimez: affin quil se puisse rembourser des traitz / & mises quil luy a conuenu faire auant que iceulx Imprimer. ¶ **SY VOVS** Mandons & commettons par ces presentes / & a vng chascun de vous sur ce requis sy comme a luy appartiedra que de nostre present grace & ottroy Vous faictes / souffrez / & laissez ledict suppliant iouyr & vsr paisiblement / & plainement ledict tēps de quatre ans durant / sans luy souffrir / ne parmettre / estre mis aulcun destourbier / en aulcune maniere / en faisant / ou faisant faire lesdictes inhibitiōs / & deffences susdictes de p̄ nous a nous appliquer a toutes p̄sones: quelz quilz soyēt / quilz nayēt a Imprimer / ne vendre les liures susdictz / sans le vouloir / & cōsentemēt dudict suppliant. En contraignant a ce faire tous ceulx quil appartiedra & qui pour ce seront a contraindre royaulment & de fait. Nonobstāt oppositions / ou appellations / quelconques faictes / ou a faire & sans preiudice dicelles: car ainsi nous plaist il estre faict. Et en cas de debat / lesdictes inhibitiōs & deffences tenant. Nonobstant comme dessus / & quelconques lettres subieptices / impetrees: ou a impetrer: a ce contraires / mandōs & commettons a tous nos Iusticiers / officiers / ou a leurs lieux tenans & subiectz: que a l'execution dicelles soit obey. ¶ Donne a Paris le. XXI. iour de Mars. Lan de grace, Mil, CCCC, & XVIII. Et de nostre Regne le cinquiesme,

Ainsi fine De Moulins,

¶ Par le Roy a la relation du Conseil,



¶ Le Prologue de Lacteur Iehan Platine de la  
vie des Saintz Peres Papes / enuoye au Pape  
Sixte quatriesme du nom,



Plusieurs choses sont vtilles / & necessaires en la  
vie Humaine, de quoy nul nen fait doubte, Les  
Philosophes ont beaucoup escript, Et les Mathe-  
maticiens ont pense & precogite de grandes inue-  
tions: pour extoller les engins & entendemens des  
hommes, Et affin que ie ne soye menteur / n'esse  
pas grāt chose de scauoir & cōgnoistre les secretz  
de nature / & scauoir la nature & influence des ci-  
eulx / & diceulx nous auoir donne & baillie la sci-  
ence doctrine / & art: combiē que nostre seigneur  
dieu qui auoit toutes les choses faictes & crees / icelles auoit mises loing  
des yeulx des hommes mortelz: affin que quant nous regardōs les cieulx  
& la beaulte diceulx & ordre si bien apposee / nous debuons bien parfai-  
ctemēt louer la diuine maieste / & pource on ne scauroit nyer quil vient  
vne grande vtilite aulx hommes de scauoir & comprendre icelle sci-  
ence de Philosophie / & mesmemēt a ceulx qui ont / & vsent dentendement /  
& engin / & a ceste cause plusieurs sont frappez / & esmuiz de la beaulte di-  
uine / tellement quilz delaissent / & contennent les choses terriēnes / & hu-  
maines / & se efforcent de mener vne vie celeste en la terre, Mais comme  
dit le Poete. Non omnia possumus omnes. Cest a dire vng chascun ne  
peult pas tout faire, Pourquoy il a este besoing de chercher / & trouuer la  
voye par laquelle vng chascun peult paruenir a la haulte felicite / affin q  
icelle ne fust seulllement pour les Philosophes, Cest la cōgnoissance des  
choses faictes: lesquelles / l'hystoire / & cronique contient tout / nō pas seul-  
lement ce qui auoit este faict en vng temps, Mais cest la maistresse de no-  
stre vie de tout temps & anciennete / demonstrent ceulx qui sont dignes  
de regner & auoir gouuernement / & pareillement ceulx qui ont este vi-  
cieulx / & non dignes dauoir este Empereurs / Roys / & Princes / ne obte-  
nir aulcune domination, Par les hystoires / & sciences on peult paruenir  
a Prudence / Force / Atrempence / & a toutes vertuz, Parquoy il nest riens  
plus digne de louēge / q voir / lyre / & scauoir les faitz & gestes des anciens  
vertueulx / qu'on peult aprendre / par les hystoires escriptes / que les anci-  
ens auoyent en grant honneur & vertu. Parquoy ilz faisoient faire des  
statues & ymages a la semblance de leurs predecesseurs / & les faisoient  
mettre aulx lieulx publiques & temples / & le faisoient pour le prouffit  
& vtilite des hommes, Adoncques combien debuons nous extoller / &  
magnifier les hystoires escriptes: car elles ne sont point muantes comme  
les statues / & ymages ne les painctures / Mais elles nous exprimēt les sta-  
tues & ymages des haults & excellens faitz des princes & aultres gens ver-

Virgile en ses  
bucoloques,



tueulx avecques lesquelz vous pouez parler / & vous conseiller / & les en-  
 fuyure: comme filz estoient plains de vie, Et oultre ie ditz que scauoir /  
 & lire les hystoires qui contiennēt les vies faitz / & gestes de hommes fert  
 & vault beaucoup / pour estre eloquent / beau parleur / & humain a toutes  
 choses faire, A ceste cause tres sainct pere prince & seignr de toute Theo-  
 logie / & Philosophie considerāt la grāde vtilite & commodite diceulx,  
 & mesmement le prouffit de la monarchie de leglise, Vous me auez mā-  
 de & commāde que ie misse par escript les faitz / & gestes des Papes: affin  
 que leurs glorieulx faitz ne fussent periz / & perduz par negligence de es-  
 cripuains: car par la sueur / peine / labeur / & sang des sainctz peres Papes  
 la foy crestiēne a este multipliee / & augmentee / & mise a honneur, Et  
 aussi affin que les sainctz peres Papes qui viendront cy apres / en lysant  
 les vies / gestes / & faitz de leurs pdecesseurs fussent incitez / & plus enclins  
 a ensuiure leurs biens faitz / & fouyr / & eūiter ce que doibuent fuyr & eua-  
 der, Mais ie scay bien que aulcūns diront que iay entrepris ceste oeuvre  
 a faire frustratoirement: pource que plusieurs ont escript au parauant ce  
 que ie cōfesse, Mais touteffoys ien excepte Damase: car iceulx nont gar-  
 de aulcunne ordre / ne eloquence / ne composition aornee: pource que di-  
 sent quon ne doit point escrire en beau stile / ne eloquent les hystoires  
 & choses sacrees, Mais contre telz ignares & non scauans ie leur peulz obi-  
 cer la science / & doctrine de sainct Augustin / sainct Iherosime / sainct  
 Ambroyse / sainct Gregoire / Leon / Cyprian / & aultres / & dece me suf-  
 fit: car ie veulx ensuiure lauctorite de Cicero qui dit quil nest riens si in-  
 culte difficile / & horrible quon ne face resplēdir p beau lāgaige / & biē  
 aorne, Mais ce nōobstāt ie ne veulx pas nyer quil ny ayt grande difficul-  
 te / & bien affaire aulcunefoys a escrire ainsi elegamment: pour ce quil  
 est besoing aulcunefoys de mettre aulcuns motz: qui ne sont pas trop de  
 bon latin: comme il apert en nostre Theologie / dont sont plusieurs fort  
 esbays, Mais ilz ne sen doibuent point esbayr / se iay voulu faindre & faire  
 des noms & vocabulaires latins: pource quil mest aussi loysible: comme  
 auoit este aulx anciens qui en auoyent fait de nouueaulx / certainement  
 ie veulx faire fin a mon prologue. ¶ Et ne se esbaysent les lecteurs: pour  
 ce que ie na uoys pmis que de escrire les vies & meurs des Papes / & iay  
 escript avec les faitz & gestes des Empereurs / Roys / & Ducz, Mais qui bi-  
 en considerera les faitz des Papes / & des empereurs / soyent connexes en-  
 semble, Si tu regardes bien les premiers empereurs qui estoient fort ad-  
 uersaires aulx Papes / & a la foy Crestiēne / & les derniers empereurs ont  
 fort fauorise aulx Crestiens / & Papes, parquoy lung sans laultre estoit bi-  
 en difficile de bien lexprimer & escrire, ¶ Or le lisent les lecteurs de  
 bon couraige / & filz y treuuent quelque fruct / ou prouffit en lisant ren-  
 dent graces a toy tres puissant pere: car iay voulu obtemperer tres voulē-  
 tiers a ton commandement / & voulente,

¶ Cy finist le prologue de Lacteur,



¶ A haulte & tres illustre / & puissante dame  
 Ma dame Marguerite Duchesse Dalancon &  
 de Berri / & Contesse Darmignac,



Neuoluāt les hystoires gestes & faitz des nobles  
 roys de Frâce / voyant & lisant lez dueil & regretz  
 q̄ aultrefois auoit euz le tres excellēt / & saige roy  
 Charles le quint / en son temps roy des Francoys  
 quant luy souuenoit / & venoit a memoire / le  
 temps de son ieune aage / ou quel temps nauoit  
 vacque / ne estudie aulx sciences / & liures faitz / &  
 composés en langue latine / & mesmement pour  
 les hystoires / gestes / & faitz vertueulx / des anci-  
 ens qui eltoient escriptz en latin / dont il estoit ignorant / & peu scauant:  
 pourquoy aulcunes fois arguoit / reprenoit / & regrettoit le temps de son  
 adolescence / & ieunesse / pource quelle est la plus congrue / apte / & conue-  
 nable: pour aprendre toutes sciēces / que aultre aage de l'homme: comme  
 accepte & dit le saige Aristote / & aps luy le magnifique & eloquēt Mar-  
 cile Ficine en son liure de vie saine / pourquoy le noble roy bien conseil-  
 le: pour acquerir / scauoir / & comprendre ce quil auoit perdu: fist transla-  
 ter plusieurs beaulx liures de latin en langaige Francoys: au moyen des-  
 quelz / & par la lecture diceulx liures / il sceut & congneut les hystoyres /  
 & aultres sciences: lesquelles au parauant luy estoient incongnuz: telle-  
 ment que puis apres fust repute & appelle par tous roys crestiens / & aul-  
 tres princes / le saige Roy: comme plus amplement est cōtenu & escript  
 en plusieurs croniques. ¶ A ceste cause tres noble / saige / & magnifique  
 Dame: pource que vous estes desirant scauoir / & cōgnoistre les gestes des  
 anciens / vertueulx / & que aulx bons religieulx / & aultres nobles person-  
 naiges donnez faueur / port / ayde / & secours / comme fait aulx fatigues &  
 laissez la source exuberante deauvīue / de pure fontaine / si charitablemēt  
 que sil conuenoit dicter / & publiquement narrer / & dire les biens faitz q̄  
 continuellement vous leur faictes / ie nay langue qui le peult exprimer /  
 ne plume qui le peult escrire. Vous estes la Margueritte fleur de chaste-  
 te / sur toutes eslite / se a icelle violete blanche estes comparee / en vous re-  
 donde humilite / par la verdeur qui est au tour / de la fleur force virilite a  
 resister contre toutes vanitez mondaines. ¶ Or ce a pierres precieuses / ou  
 perles de valeur: on fait de vous comparāson / ie peu z biē dire que vous  
 estes lune des Marguerites: de quoy parle nostre seigneur en son euangil  
 le qui dit qu'on ne doibt mettre deuant les bestes porcines telles Margue-  
 rites: car ilz nen sont pas dignes. Mais icelles garder / & obseruer: comme  
 vng tresor: pour contempler les haulx / & diuins faitz de nostre seigneur  
 Iesuchrist. Touthoys: comme dit Monsieur Sainct Iehan Euangeliz-  
 ste / dont ie porte le nom / moy indigne: quil nest besoing q̄ lentende mēt

aa,iii,

Sainct Ma-  
 thieu en son  
 septiesme cha-  
 pitre,



humain vacque tousiours/& soit en oraison/& contemplation, Mais se  
doibt esbatre & recreer aulcunefois a esbatz solatiueulx: comme de lire ou  
faire lire volumes/& liures des gestes actes & faitz des vieulx/& anciens  
Peres: pour apprendre/& retenir les biens faitz/& euitier les mauuais faitz  
& actes diceulx. Parquoy ma tres redoubtee Dame/me cōfiāt aulx grās  
vertuz dont vous estes plaine & remplie ie me suis vng peu euertue / &  
ingere vous dedyer/donner / & presenter vng humble / & petit present:  
pour vous occuper/quant vostre vouloir se adonnera, ¶ Cest le magnifi  
que & tres fruitieulx liure de Iehā Platine/quauroit fait des vies/gestes/  
& faitz des sainctz peres Papes. depuis saict Pierre. iusques au tres sainct  
Pere Leon dixiesme a present regnant, ¶ Lequel liure iay voulu mettre  
& translater de latin en Francoys, Par celluy vous congnoistrez cōment  
nostre saincte foy Crestiēne/a elte augmentee depuis la mort/& Resur  
rection de nostre seigneur, Et pour icelle plusieurs sainctz Peres Papes  
ont este mis a cruelle mort/& martyrez, ¶ Vous congnoistrez les faulces  
& iniques heresies qui ont este extirpees arrachees/& adnichillees: p les  
sainctz Concilles generaulx/& eglise Rommaine, ¶ Vous congnoistrez  
les haultx/& excellens faitz des Empereurs Roys de France: dont estes  
venue/& yssue, Et les honneurs/preeminances/dons/priuileges irreuoc  
ables: que les sainctz Peres Papes / & siege apostolique leur ont donne/  
Et pareillement vous congnoistrez les biens faitz que les Roys de France  
auroient faitz a leglise Rommaine/aulx Italliens/Lombars/Venitiens/  
& aultres nations, Et les guerres que le noble sang de France auroit fait  
contre les infidelles/Turcz/& Payens, ¶ Toutes lesquelles choses: com  
me croyt & arbitre mon petit esperit: aulcunefois donneront quelque  
mouuement de ioye/& consolation/a vostre noble cueur: en glorifiant  
le nom de dieu: qui vous doint prosperite/sante/bōne vie/& Paradis a la  
fin de voz iours/& a la noble/& royalle maison de France, Amen,

¶ Plaisir fait viure,

¶ La Marguerite est vne fleur  
Qui contient toute couleur  
Cest la douceur qui tout consume  
Pour resiouyr L'espoir de L'homme,



# La Table Indiciaire du nom des papes

¶ Senfuiuent les noms de tous les Papes qui ont este  
puis nostre seigneur Iesuchrist/iusques au Pa-  
pe Leon dixiesme a present seant en la  
chaire monsieur saint  
Pierre.

I	¶ Saint Pierre apostre ct martyr premier du nom	fo.iii
ii	Lin martyr premier du nom.	fo.vi,
iii	Clet martyr premier du nom	fo.viii
iiii	Clement martyr premier du nom	fo.viii.
v.	Anaclet martyr premier du nom	fo.ix.
vi	Euariste martyr premier du nom	fo.x
vii	Alexandre martyr premier du nom	fo.x
viii	Sixte martyr premier du nom	fo.xi
ix	Telephore martyr premier du nom	fo.xii
x	Higine premier du nom	fo.xii
xi	Pie premier du nom	fo.xiii
xii	Anicet martyr premier du nom	fo.xiii
xiii	Sother premier du nom	fo.xiiii,
xiiii	Eleuthere premier du nom	fo.xiiii,
xv	Victor martyr premier du nom	fo.xv
xvi	Zepherin premier du nom	fo.xvi
xvii	Calixte martyr premier du nom	fo.xvii.
xviii	Vrbain martyr premier du nom	fo.xix
xix	Pontian martyr premier du nom	fo.xx.
xx	Anthere martyr premier du nom	fo.xx.
xxi	Fabian martyr premier du nom	fo.xx.
xxii	Corneille martyr premier du nom	fo.xxii
xxiii	Lucin martyr premier du nom	fo.xxiii
xxiiii	Estienne martyr premier du nom	fo.xxiii
xxv	Sixte martyr second du nom	fo.xxiiii.
xxvi	Denys premier du nom	fo.xxv
xxvii	Felix martyr premier du nom	fo.xxv
xxviii	Eutichian martyr premier du nom	fo.xxvi
xxix	Caius martyr premier du nom	fo.xxvi
xxx	Marcellin martyr premier du nom	fo.xxvii.
xxxi	Marcel martyr premier du nom	fo.xxix
xxxii	Eusebe premier du nom	fo.xxix,
xxxiii	Melciade martyr premier du nom	fo.xxx,
xxxiiii	Saint Siluestre premier du nom	fo.xxxi
xxxv	Marc premier du nom	fo,xxxiii,
xxxvi	Iule premier du nom	fo,xxxv,

aa.iiii.



# La table

xxxvii	Libere premier du nom	fo. xxxvi
xxxviii	Felix martyr second du nom	fo. xxxvii
xxxix	Damasus premier du nom	fo. xxxviii
xl	Sirice premier du nom	fo. xxxix
xli	Anastaise premier du nom	fo. xl
xlii	Innocent premier du nom	fo. xli
xliii	Zozime premier du nom	fo. xlii
xliiii	Boniface premier du nom	fo. xliii
xlvi	Celestin premier du nom	fo. xliiii
xlvi	Sixte troisieme du nom	fo. xlv
xlvi	Leon premier du nom	fo. xlv
xlvi	Hylaie premier du nom	fo. xlv
xlvi	Simplice premier du nom	fo. xlv
l.	Felix troisieme du nom	fo. xlv
li	Gelaie premier du nom	fo. xlv
lii	Anastaise second du nom	fo. xlix
liii	Symache premier du nom	fo. xlix
liiii	Hormisda premier du nom	fo. l.
lv	Iehan premier du nom	fo. li
lvi	Felix quatrieme du nom	fo. lii
lvii	Boniface second du nom	fo. lii
lviii	Iehan second du nom	fo. liii
lix	Agapit premier du nom	fo. liii
lx	Silvere premier du nom	fo. liii
lxi	Vigille premier du nom	fo. liii
lxii	Pelage premier du nom	fo. lv.
lxiii	Iehan troisieme du nom	fo. lvi
lxiiii	Benoit premier du nom	fo. lvi
lxv	Pelage second du nom	fo. lvii
lxvi	Gregoire premier du nom	fo. lviii
lxvii	Sabinian premier du nom	fo. lix
lxviii	Boniface troisieme du nom	fo. lix
lxix	Boniface quatrieme du nom	fo. lx
lxx	Dieu donne premier du nom	fo. lx
lxxi	Boniface cinquiesme du nom	fo. lxi
lxxii	Honnore premier du nom	fo. lxii
lxxiii	Seuerin premier du nom	fo. lxii
lxxiiii	Iehan quatrieme du nom	fo. lxiii
lxxv	Theodore premier du nom	fo. lxiii
lxxvi	Martin premier du nom	fo. lxiii
lxxvii	Eugene premier du nom	fo. lxiiii
lxxviii	Vitaliam premier du nom	fo. lxy



# Table Indiciaire du nom des papes

lxxix	Adieudonne premier du nom	fo, lxxv
lxxx	Don premier du nom	fo, lxxvi
lxxxi	Agatho premier du nom	fo, lxxvi.
lxxxii	Leon second du nom	fo, lxxvii
lxxxiii	Benoist second du nom	fo, lxxviii,
lxxxiiii	Iehan cinquiesme du nom.	fo, lxxviii
lxxxv	Conon premier du nom	fo, lxxix
lxxxvi	Serge premier du nom	fo, lxxix
lxxxvii	Iehan sixiesme du nom	fo, lxxx
lxxxviii	Iehan septiesme du nom	fo, lxxxi
lxxxix	Sisine premier du nom	fo, lxxxi
xc	Constantin premier du nom	fo, lxxxi
xc	Gregoire second du nom	fo, lxxxi
xcii	Gregoire troiziesme du nom	fo, lxxv
xciii	Zacharie premier du nom	fo, lxxxvi
xciiii	Estienne second du nom	fo, lxxxviii
xcv	Paul premier du nom	fo, lxxxix
xcvi	Estienne troiziesme du nom	fo, lxxx
xcvii	Adrian premier du nom	fo, lxxxii
xcviii	Leon troisieme du nom	fo, lxxxv
xcix	Estienne quatriesme du nom	fo, lxxxvii
C	Paschal premier du nom	fo, lxxxviii,
ci	Eugene second du nom	fo, lxxxix,
cii	Valentin premier du nom	fo, xc
ciii	Gregoire quatriesme du nom	fo, xc
ciiii	Serge second du nom	fo, xcii,
cv	Leon quatriesme du nom	fo, xciii
cv	Iehan hu ytiesme du nom. <i>Joanna papa.</i>	fo, xcv
cvii	Benoist troisieme du nom	fo, xcv
cviii	Nicolas premier du nom	fo, xcvi,
cix	Adrian second du nom	fo, xcvi
cx	Iehan neufiesme du nom	fo, xcvi
cx	Martin second du nom	fo, xcvi
cxii	Adrian troisieme du nom	fo, xcix
cxiii	Estienne cinquiesme du nom	fo, xcix
cxiiii	Formose premier du nom	fo, c,
cxv	Boniface sixiesme du nom	fo, c,
cxvi	Estienne sixiesme du nom	fo, ci
cxvii	Romain premier du nom	fo, ci.
cxviii	Theodore second du nom	fo, cii
cxix	Iehan dixiesme du nom	fo, cii
cxx	Benoist quatriesme du nom	fo, cii,



# Table Indiciaire du nom des papes

cxxi	Leon cinquiesme du nom	fo. ciii
cxxii	Christophle premier du nom	fo. ciii,
cxxiii	Serge troisieme du nom	fo. ciii,
cxxiiii	Anastaise troisieme du nom	fo. ciii.
cxxv	Lando premier du nom	fo. ciii
cxxvi	Iehan vnzieme du nom	fo. cv
cxxvii	Leon sixiesme du nom	fo. cv,
cxxviii	Estienne septiesme du nom	fo. cvi
cxxix	Iehan douzieme du nom	fo. cvi
cxxx	Leon septiesme du nom	fo. cvi
cxxxi	Estienne hu ytiesme du nom	fo. cvii
cxxxii	Martin troisieme du nom	fo. cvii.
cxxxiii	Agapit troisieme du nom	fo. cvii,
cxxxiiii	Iehan trezieme du nom	fo. cviii
cxxxv	Benoist cinquiesme du nom	fo. cix
cxxxvi	Leon hu ytiesme du nom	fo. cix
cxxxvii	Iehan quatozieme du nom	fo. cix
cxxxviii	Benoist sixiesme du nom	fo. cx,
cxxxix	Don second du nom	fo. cx
cxl	Boniface septiesme du nom	fo. cxi
cxli	Benoist septiesme du nom	fo. cxi
cxlii	Iehan quinzieme du nom	fo. cxii
cxliiii	Iehan sezieme du nom	fo. cxii
cxliv	Iehan dixseptiesme du nom	fo. cxii
cxlv	Gregoire cinquiesme du nom	fo. cxiii,
cxlv	Iehan dixhu ytiesme du nom	fo. cxiii
cxlvii	Siluestre second du nom	fo. cxiii
cxlviii	Iehan dixseueufiesme du nom	fo. cxv,
cxlx	Iehan vingtiesme du nom	fo. cxv.
cl	Serge quatrieme du nom	fo. cxvi
cli	Benoist hu ytiesme du nom	fo. cxvi
clii	Iehan, xxi. du nom	fo. cxvii
cliii	Benoist neufiesme du nom	fo. cxviii.
cliiii	Siluestre troisieme du nom	fo. cxviii
clv	Gregoire sixiesme du nom	fo. cxviii
clvi	Clement second du nom	fo. cxix
clvii	Damase second du nom	fo. cxix,
clviii	Leon neufiesme du nom	fo. cxx
clix	Victor second du nom	fo. cxx.
clx	Estienne neufiesme du nom	fo. cxxi,
clxi	Benoist dixiesme du nom	fo. cxxi.
clxii	Nicolas second du nom	fo. cxxii



# Table Indiciaire du nom des Papes

clxiii	Alexandre second du nom	fo.cxxii
clxiiii	Gregoire septiesme du nom	fo.cxxiii
clxv	Victor troisieme du nom	fo.cxxviii
clxvi	Vrbain second du nom	fo.cxxix
clxvii	Paschal second du nom	fo.cxxxi
clxviii	Gelaſe troisieme du nom	fo.cxxxvi
clxix	Calixte second du nom	fo.cxxxvii
clxx	Honore second du nom	fo.cxxxix
clxxi	Innocent second du nom	fo.cxl
clxxii	Celestin second du nom	fo.cxli
clxxiii	Luce second du nom	fo.cxli
clxxiiii	Eugene troisieme du nom	fo.cxlii
clxxv	Anastaise quatrieme du nom	fo.cxlii
clxxvi	Adriam quatrieme du nom	fo.cxliii.
clxxvii	Alexandre troisieme du nom	fo.cxlvi
clxxviii	Luce troisieme du nom	fo.cxlvi
clxxix	Vrbain troisieme du nom	fo.cxlvi
clxxx	Gregoire huitiesme du nom	fo.cxlvi
clxxxi	Clement troisieme du nom	fo.cl,
clxxxii	Celestin troisieme du nom	fo.cl
clxxxiii	Innocent troisieme du nom	fo.cl
clxxxiiii	Honore troisieme du nom	fo.cl
clxxxv	Gregoire neufliesme du nom	fo.cl
clxxxvi	Celestin quatrieme du nom	fo.clviii
clxxxvii	Innocent quatrieme du nom	fo.clviii
clxxxviii	Alexandre quatrieme du nom	fo.clx
clxxxix	Vrbain quatrieme du nom	fo.clxii
cxc	Clement quatrieme du nom	fo.clxiii
cxc	Gregoire dixiesme du nom	fo.clxvi
cxc	Innocent cinquiesme du nom	fo.clxvii,
cxc	Adriam cinquiesme du nom	fo.clxviii
cxc	Iehan.xxii, du nom	fo.clxviii
cxc	Nicolas troisieme du nom	fo.clxix
cxc	Martin quatrieme du nom	fo.clxx
cxc	Honore quatrieme du nom	fo.clxxii
cxc	Nicolas quatrieme du nom	fo.clxxiii
cxc	Celestin cinquiesme du nom	fo.clxxiii
cc	Boniface huitiesme du nom	fo.clxxv,
cc	Benoist vnzieme du nom	fo.clxxviii
cc	Clement cinquiesme du nom	fo.clxxix
cc	Iehan.xxiii, du nom	fo.clxxxii
cc	Benoist douzieme du nom	fo.clxxxv



La table du nom des Papes.

ccv	Clement sifiefme du nom	fo, clxxxvi
ccvi	Innocent sifiefme du nom	fo, clxxxviii
ccvii	Vrbain cinquiefme du nom	fo, cxc
ccviii	Gregoire vnziefme du nom	fo, cxcí
ccix	Vrbain sifiefme du nom	fo, cxciií,
ccx	Boniface neufiefme du nom	fo, cxcvii
ccxi	Innocent feptiefme du nom	fo, cci
ccxii	Gregoire douziefme du nom	fo, cciií
ccxiii	Alexandre cinquiefme du nom	fo, cciiií
ccxiv	Iehan, xxiiií. du nom	fo, cciiíí
ccxv	Martin cinquiefme du nom	fo, ccvii
ccxvi	Eugene quatriefme du nom	fo, ccxi
ccxvii	Nicolas cinquiefme du nom	fo, ccxx
ccxviii	Calixte troiefme du nom	fo, ccxxv
ccxix	Pie fecond du nom	fo, ccxxvii
ccxx	Paul fecond du nom	fo, ccxxxiií
ccxxi	Sixte quatriefme du nom	fo, ccxli
ccxxii	Innocent hu ytiefme du nom	fo, ccxlií
ccxxiii	Alexandre sifiefme du nom	fo, ccxlií
ccxxiiii	Pie troiefme du nom	fo, ccxliiii
ccxxv	Iule fecond du nom	fo, ccxliiii
ccxxvi	Leon dixiefme du nom	fo, ccxlví

**¶** Fin de la Table du nom & nombre des  
Papes de puis nostre feigneur Ihe-  
fuchrist Iufques a  
prefent,



## Table Indiciaire

¶ Senfuyt la table de ce present liure, intitulé Platine de la vie des Papes/ puis nostre seigneur Iesu-christ/ iusques a nostre saint Pere Leon dixiesme a present seant en la chaire Saint Pierre,

De la Natiuite de nostre seigneur Iesu-christ / que signifie le nom de Iesus / de l'occision des Innocens faicte par Herodes,	fo. ii.
Du temps que nostre seigneur estoit sur la terre / de saint Iehan Baptiste / la cause pourquoy on ne receut a Rome nostre seigneur cōe dieu,	fo. iiii.
De saint Pierre / la diuision des prouinces / par les Apostres / du premier siege papal / de l'empereur Libere / & Callicule,	fo. iiii.
Des miracles saint Pierre / de Symō Magus / du baptesme saint Marc du trespas saint Iaques le Iuste / de Saint Estienne / & de la conuersi on Saint Paoul.	fo. v.
Des epistres faictes par saint Pierre & saint Pol / de nostre seigneur / le quel rencontra saint Pierre / lequel luy dist, Dñe quo vadis / du martyre saint Pierre / & saint Paoul / des bastimens & edifices de Nerō / & de sa mort,	fo. vi.
De l'empereur Galbe / Orho / Vitalle / & leur mort / du martyre du pape Linus / & de Iosephus Historiographe	fo. vii.
De l'empereur Vaspasien / des Actes des Apostres faictz par saint Luc de l'empereur Domitian / & de sa cruaulte / & mort,	fo. viii.
De saint Iehan Euangeliste / de son trespas / & de l'exil & trespas saint Clement / de l'empereur Traian / du pape Anaclet / & de la quatriesme persecution de leglise / & plusieurs martyrs,	fo. ix.
Du pape Syluestre / de la mort de Traian / de la tour / & mort de l'empereur Adrian,	fo. x.
Du pape Alexandre / & pape Sixte / l'institution de faire leau beniste / & mettre leau au sacrement / du pain a consacrer / & de la commemoratiō des trespassez,	fo. xi.
Du pape Thelephorus / du ieusne de Karesme / des trois messes du iour de Nouel / de saint Felix euesque de Lyon / du pape Hygine / de l'empereur Anthoine / de leuer les enfans sur les fons de baptesme,	fo. xii.
Du pape pie p̄mier / de celebrer la feste de pasques / la peine des prestres qui lessent tōber du sang du calice / du sacremēt dūg archeuesq,	fo. xiii.
Du pape Anicet / & Sother / de saint Denis / & Egesippus / de l'empereur Commode / l'institution des nopces / & du pape Eleuthere	fo. xiiii.
De la mort de l'empereur Commode / de Lucian roy de Bretaigne / institution de manger toutes viandes / de Galien medecin / Julian iuriste / de l'empereur Helye,	fo. xv.
Du pape Victor / institution de baptizer les enfans en cas de necessite en toutes eues. Du pape Zepherin / de l'empereur Seuer / institution de recepuoir a Pasques le corps de nostre seigneur	fo. xvi.
	bb. i.



## Table

Du pape Calixte/de Origene docteur/& de son pere/la,v,persecutiō de leglise/de Bassan empereur/des sainctes ordres aulx quatre tēps/& du iour des quatre temps,	fo,xvii
De Tortulian orateur/des louanges de Origene: par sainct Iherosme/ du pape Vrbain premier/de lempereur Marc Anthoine/& de Helio- goballe,	fo,xviii,
Notable de lempereur Anthoine/de sainct Valerien/du pape Pontian de lempereur Albine/de trois legillateurs/ Iulle Frontone/ Vulpian/ & Pol,	fo,xix,
De lempereur Alexandre/& de sa bonte/de Origene/du pape Anthere /de la mort de Maximinien/& son filz,	fo,xx,
Du pape Fabien/de lempereur Gordian/du premier emperur Crestien institutiō de faire le sainct Cresme,	fo,xxi
Du pape Corneille/la,vii,persecution de leglise/de sainct Ciprian/ des corps sainct Pierre/& sainct Paoul desterre/du martyre du pape Cor- neille,	fo,xxii
Du pape Lucin/de la huytiesme persecutiō des Crestiēs/ du pape Esti- enne premier/ne porter les vestemens de leglise sy nest en faisant le sa- crifice	fo,xxiii
Du pape Sixte,ii,du martyre sainct Estienne premier/de sainct Laurēs & du pape Sixte,	fo,xxiiii,
Du pape Denis/de la diuisiō des eueschez/& paroisses / de Quintilian empereur/& de sa mort/du pape Felix/institutiō de chanter la mes- se sinon que en lieu sacre / & de la neufiesme persecutiō des Cresti- ens,	fo,xxv,
Du pape Eutichian /institutiō de benistre les fructz/Iheresie des Ma- nichiens/le martyre du pape Eutichien/du pape Cayus p̄mier du nō/ des sainctes ordres distinctez/que vng payen ne peult accuser vng cre- stien,	fo,xxvi,
Du pape Marcellin premier/de saincte Agathe / saincte Luce / saincte Agnez/& de leur Martyre dix mille Allemans occis/les saintes escri- ptures bruslees/& de la,x,persecutiō des crestiens,	fo,xxvii
Du martyre du pape Marcellin,	fo,xxviii
Du pape Marcel premier/de la mort du pape Constāce empereur/de la mort du pape Marcel/des dix mille martyrs/de saint Cosme/& sainct Damian/de linuentiō de la Croix/du pape Eusebe p̄mier,	fo,xxix
Du pape Melchiade p̄mier/de Lactēce/de la mort de Maximine empe- reur/du martyre du pape Melchiade/& plusieurs aultres mar,	fo,xxx
Du pape Siluestre /de Constantin Empereur/du concille de Nycene/ Lheresie des Sabelliens,	fo,xxxi,
Deffensce aulx prestres ne tenir femmes / qui doit consacrer le cresme/ leglise sainct Pierre/& sainct Pol ediffiees par Constantin	fo,xxxii,
Les eglises & monasteres ediffiees par le pereur Constantin en plusieurs	



# Indiciaire,

lieulx,	fo,xxxiii,
Du pape Marc premier du nom / en quel temps Escosse fut conuertie a la foy / de ceulx qui ont mal escript de Constantin / des signes precedes la mort de Constantin,	fo,xxxiiii,
Du pape Iule premier / institution de chanter le grant Credo / de l'empereur Constance / de Athanaise euesque / ne faire concille sans l'auctorite du pape / de l'office des prothenotaires / ne faire conuenir vng clerc de uant vng iuge lay,	fo,xxxv,
Du pape Libere premier / du concille fait par les heretiques a Myllan / scisme en leglise / de l'heresie de Donat,	fo,xxxvi,
Du pape Felix, ii, la mort de l'empereur Constance / la diuision de l'heresie des Arriens / la mort du pape Felix	fo,xxxvii,
Du pape Damase premier / de Iulian l'empereur / du temple de Iherusalem edifie par les iuisz p le comandement de l'empereur Iulian,	fo,xxxviii,
Du pape Sirice premier / de la mort de l'empereur Iulian / & Domitian / institution de chater Gloria patri & filio / les oeuvres saint Iherosme aprouees par leglise / institution de dire le Confiteor deuant la messe / de l'empereur Valentinien / & persecution des crestiens,	fo,xxxix,
Du pape Anastaise premier / de la mort de Valentinien / de saint Hylaïre / de l'empereur Gratian / trente mille Allemans occis,	fo,xl,
Du pape Innocent premier / de l'empereur Theodose / de la mort de Gratian empereur / de saint Ambroise / & l'empereur Theodose / de Claudian poete	fo,xli,
Du pape Zozime premier / institution de ieusner le samedi / du roy des Gothz,	fo,xlii,
Du pape Boniface premier / la prise de Rome par les Gothz / de ne recepuoir les bastards aux ordres / scisme entre boniface & eulale	fo,xliii,
Du pape Celestin premier / du trespas saint Iherosme / de Theodose le ieune empereur / le trespas saint Augustin / institution de dire: Iudicame deus / du concille de Ephese	fo,xliiii,
Du pape Sixte, iiii, / du roy de France Theodorice / de leglise nostre dame de Maiour,	fo,xlv,
Du pape Leon premier / de Attila & de sa mort / du concille de Calcedone / qui premierement fist les letanies,	fo,xlvi,
Du pape Hylaïre premier / ne eslire successeurs es benefices / du pape Simplicie premier / de Zeno empereur	fo,xlvii,
Du pape Felix, iiii, du baptesme Clouis / de l'inuention du corps saint barnabe / du pape gelaïse, i, de Iehan Damascene q fist les senteces,	fo,xlviii,
Du pape Anastaise premier / de Mazence abbe de poitiers / Miracle de la trinite / de l'empereur Anastaise / du pape Symmache premier / & du scisme qui fut en ce temps,	fo,xlix,
Du pape Hormisda premier / de la ville de Paris / de la mort de Boetius Seuerus,	fo,L,
	bb,ii,



## Table

Du pape Iehan premier du nom / de Clouis roy de France / & de sa mort de l'empereur Iustin / & Alaric roy des Gothz,	fo, li,
Du pape Felix, iiii, Du pape Boniface, ii, de Priscian / des liures des digestes / & code faitz par l'empereur Iustinian / de saint Mor / & saint Benoist,	fo, lii,
Du pape Iehan second / & Agapit premier / du pape Siluere / & de leurs faitz,	fo, liii,
Du pape Vigille premier du nom / de la prinse de Romme / & persecuti on du pape Vigille,	fo, liiii,
Du pape Pelage premier / de Totilla roy des Gothz / Romme bruslee / le trespas de Iustinian,	fo, lv,
Du pape Iehan, iii, / la trayson conspiree contre Narsis lieutenant de l'empereur / de saint Germain euesque de Paris,	fo, lvi,
De Benoist premier / & Pelage second / de l'empereur Libere second / de l'empereur Iustin / & Maurice / des Moralles faictes par Saint Gregoire,	fo, lvii,
Du pape saint Gregoire premier / des institutiōs faicte par saint Gregoire touchant lestat de leglise / de la robe nostre seigneur: laquelle fut trouuee en ce temps,	fo, lviii,
Du pape Sabinian premier / de l'empereur Maurice / du papa Boniface troisieme du nom,	fo, lix,
Du pape Boniface, iiii, du pape Dieudonne premier / de l'empereur Focas: & de sa mort / la sainte Croix rapportee en Iherusalem,	fo, lx,
Du pape Boniface, v, de Dagobert roy de France / de Machomet / de ne tirer vne personne hors de leglise par force,	fo, lxi,
Du pape Honore premier du nom / & Seuerin premier / dou sont venuz les Agarenes,	fo, lxii,
Du pape Iehan, iii, & Theodore premier / de Rothaire roy des Longobars / de saint Vincent euesque de Beauuoyz / de l'empereur Heracle / & de Constance l'empereur,	fo, lxiii,
Du pape Martin premier du nom / & Eugene premier du nom / de la cruelle bataille entre les Rommains / & les Longobars / & cruelle occision des Francoys,	fo, lxiiii,
Du pape Vitalian premier / de Adieudonne premier / du peuple de Perce fait Crestien / de l'institution des orgues en leglise	fo, lxv,
Du pape Don premier du nom / & Agathō premier / des signes venuz au ciel / de la mort Dagobert / de Constantin filz de Heracle / de la, v, synode de Constantinoble,	fo, lxvi,
Du pape Leon, ii, ou ont este celebres les six synodes / institution de bail-ler la paix a Lagnus dei,	fo, lxvii,
Du pape benoist, ii, & Iehan, v, & de l'emperenr Iustinian, ii,	fo, lxviii,
Du pape Conon premier / & Serge premier / & des gens de bien estat en ce temps / de lidolatrie de Iustinian,	fo, lxix,



# Indiciaire,

- Du pape Iehan, vi. de Pepin maistre du Pallays / l'institution de dire  
Agnus dei, fo.lxx.
- De Iehan, vii. Sifine. i. & Constantin. i. papes des mauuais meurs de  
l'epereur Iustinian / du corps saint Benoist aporte en Frāce. fo.lxxi.
- De la cruaulte de l'empereur Iulian / de mettre les ymaiges des saintz &  
martyrs aux eglises / de ne escrire les nom des empereurs qui estoient  
heretiques. fo.lxxii.
- Du pape Gregoire. ii. & de ses vertus / de la guerre Charles martel contre  
les Sarrazins fo.lxxiii.
- De la peste qui fut en Constantinoble / de l'empereur Leon & de ses cru-  
aultez. fo.lxxiiii.
- Du pape Gregoire. iii. & des Allemans confermez en la foy de nostre sei-  
gneur Iesuchrist / du secours du roy de Frāce donne au pape contre les  
Gothz fo.lxxv.
- Du pape Zacharie. iii. des dons faitz a leglise par le Pape Gregoire. iii.  
& autres matieres. fo.lxxvi.
- De la mort de Liudprande roy des Longobars / du trespas Charles Mar-  
tel / l'election de Pepin au royaume de France. fo.lxxvii.
- Du pape Estienne. ii. lequel vint en France demander secours au roy Pe-  
pin contre les Longobars / & de la guerre des Francoys / & des Longo-  
bars. fo.lxxviii.
- Du pape Paul premier du nom / des Turcz / l'institution de chanter les le-  
tanies. fo.lxxix.
- Du pape Estienne. iii. de l'epereur Constantin & de ses mauuais meurs /  
du trespas de Pepin Roy de France. fo.lxxx.
- Du debat d'entre le pape Estienne / & Constantin antipape / & de Constā-  
tin lequel eut les yeulx creuez. fo.lxxxii.
- Du pape Adrian premier du nom / des guerres entre le pape / & le roy de  
Sicile de Itallie. fo.lxxxiii.
- Du roy Charlemagne lequel desconfit le roy des Longobars / des dons  
faitz par l'empereur Charlemagne a leglise de Romme / & de l'hon-  
neur qui luy fut fait en la ville de Romme : apres la conqueste de  
Itallie. fo.lxxxiiii.
- De l'abolition du royaume des Longobars faicte par Charlemagne / de  
la mort Constantin empereur d'orient. fo.lxxxv.
- Du pape Leon. iii. de la guerre des Hongres / & des vertueulx faitz du pa-  
pe Adrian. fo.lxxxvi.
- Des persecutions du pape Leon / & de son retour a Romme / du couron-  
nement de Charlemagne empereur de Romme / & de la diuision de l'e-  
pire pour lors. fo.lxxxvii.
- Des Saxons : lesquels vindrent demourer en France / le trespas de Pe-  
pin filz de Charlemagne roy des Italles / de la mort de Charlemagne  
de l'institution des Rogations. fo.lxxxviii.

bb.iii.



# Table

Du pape Estienne, iiii, & Paschal p̄mier / de l'empereur Loys de Bonnaire, Et de Lhotaire son filz roy des Italles,	fo. lxxxviii,
Du pape Eugene, ii, des villes d'Italie subiectes a l'empereur Loys de bonnaire / des eglises edifiees par le pape Paschal / de la guerre en Aquitaine par Loys de bonnaire,	fo. lxxxix,
Du pape Valentin, iiii, Et Gregoire, iiii. du corps saint Marc apporte a Venise, Et des Sarrazins qui descendirent en Italie,	fo. xc,
Du corps saint Barthelemy apporte en Italie / du droit de l'empire / du vestement des gens deglise / du trespas de Loys de bonnaire / & de l'institution de la feste de toussaintz / & de Rabanus homme notable,	fo. xci,
Du pape Serge, ii, Pourquoi on change le nom du pape en l'eslissant, de la guerre de Lothaire / & Charles le chauue roy de France / de la diuision du royaume / de Loys filz aîné de l'empereur Lothaire / Roy des Italles,	fo. xcii,
Du pape Leon, iiii, Institution de ne estre au dessus du prestre quant il chate la messe, des Sarrazins lequelz voulurent prendre la ville de Rome,	fo. xciii,
De la cruelle occision des Sarrazins, des, iiii, oraisons / des portes de Rome, du tribut des Angloys pour leglise de Rome,	fo. xciiii,
Du pape Iehan, viii, Et Benoist, iiii, du corps saint vincent, Et de Loys roy de France empereur,	fo. xcv,
Du pape Nicolas, i, des dons enuoyez par l'empereur de Constantinoble au pape Nicolas,	fo. xcvi,
Du pape Adrian, ii, du corps Saint Clement / de l'obstination de Vulgaires,	fo. xcvi,
Du pape Iehan, ix, Et Martin, ii, de la creation faicte par le pape Iehan de Loys le balbe roy de France, vii, empereur / du concille de Troye, des gens de non estant en ce temps,	fo. xcvi,
Du pape Adrian, iiii, Et Estienne, v, des Normans faitz crestiens / & tributaires aulx Francoys / du monastere de Cluny construit / & d'ung miracle de saint Martin,	fo. xcix,
Du pape Formose, i, Et Boniface, vi, d'ung empereur mange de poulx / Et quant l'empire faillit aulx francoys,	fo. C.
Du pape Estienne, vi, Et Rommain, i, du corps du pape formose lequel fut deterte,	fo. ci,
Du pape Theodore, ii, Et Iehan, x, Et Benoist, iiii, de Guillaume conte Dangoulesme / du concille assemble a Rauenne / du roy Charles le simple / & des hongres lequelz descendirent en France / & Allemagne,	fo. cii,
Du pape Leon, v, Et Christophle, i, Et Serge, iiii, Et de berengier empereur,	fo. ciii,
Du pape Anastaise, iiii, Et Lando, i, Et du pape Serge: lequel vint en France, du debat de l'empire.	fo. ciiii,
Du pape Iehan, xi, Et Leon, vi, des sarrazins dechassez d'Italie / du debat	



# Indiciaire,

- du pape Iehan / & le Marquis Alberic / de la mort dudit Alberic, fo, cv,  
 Du pape Estienne, vii, Iehan, xii, & Leon, vii, de Berengaire empereur,  
 iii, du nom / de la desconfiture des Hongres, fo, cvi,  
 De Estienne, viii, Martin, iii, Agapit, ii, papes / de la guerre d'Italie, de  
 Hugues capet roy de france, fo, cvii.  
 Du pape Iehan, xiii, de Oddo abbe de Cluny, des Senateurs instituez a  
 Rome / de la translation de l'empire aux Germain / de l'empereur  
 Otho / & des signes apparuz au ciel, fo, cviii,  
 De Benoist, v, Leon, viii, & Iehan, xiiii, papes, Que a l'empereur apparti  
 ent a eslire le pape / de la punition des mutins de Rome faicte par le  
 pereur Otho, fo, cix,  
 De Benoist, vi, Et Don, ii, papes / du pape Benoist lequel mourut en pri  
 son / des Hongres conuertis a la foy / de saint Edouard roy de Angle  
 terre, fo, cx,  
 De Boniface, vii, Et Benoist, vii, papes / d'ung cardinal qui eut les yeulx  
 creuez / de la mort de l'empereur Otho, fo, cxii,  
 De Iehan, xv, xvi, & xvii, papes / de l'empereur Otho second filz de Otho  
 premier, fo, cxiii,  
 Du pape Gregoire, v, du scisme qui fut en ce temps / des electeurs de l'em  
 pire / & de la lignee de Charlemaigne expiree, fo, cxiiii,  
 De Iehan, xviii, & Silvestre, ii, papes / du roy de france Robert / de la cau  
 telle & deception du diable vers le pape Silvestre, fo, cxv,  
 De Iehan, xix, Et Iehan, xx, papes / de aucuns prodiges apparuz au ciel /  
 des faitz du roy Robert, fo, cxvi,  
 De Serge, iiii, & Benoist, viii, papes / de l'empereur Henry de Bauieres  
 premier du nom, fo, cxvii,  
 Du pape Iehan, xxi, du scisme en leglise / la vision du pape Benoist / &  
 d'une fontaine de sang, fo, cxviii,  
 De Benoist, ix, Silvestre, iii, & Gregoire, vi, papes / du scisme qui fut en  
 leglise / & de la vision du pape Benoist, ix, fo, cxix,  
 De Clement, ii, & Damase, ii, papes, fo, cxx,  
 De Leon, ix, Victor second papes / & des Sainctz hommes estans en ce  
 temps, fo, cxxi,  
 De Estienne, ix, & Benoist, x, papes / du concille de Florence / des iuiifz chaf  
 sez d'Italie / & de l'exil du pape Benoist, fo, cxxii,  
 De Nicolas, ii, & Alexandre second Papes / de l'institution de eslire les  
 Papes, fo, cxxiii,  
 Du pape Gregoire, vii, les parolles de l'election papalle, fo, cxxiiii,  
 Du pape Gregoire: lequel fut prins en celebrant la messe / & de l'empe  
 reur Henry lequel fut priue de l'empire, fo, cxxv,  
 De la nathematization de Henry empereur / & des promesses par luy fai  
 ctes au pape Gregoire, fo, cxxvi,  
 Des statutz & sainctz decretz faitz par le pape Gregoire, bb, iiii,



## Table

Du pape Victor, iiii, du siege mis deuant Romme / & du capitolle abatu de la mort du pape Victor par poyson mis en son calice / & des signes veuz au ciel,	fo, cxxviii,
Du pape Urbain, ii, du concille de Cleremont / de Goddefroy de buillō & pierre lhermite,	fo, cxxix,
De l'occision des Turcz par les Crestiens / & de Bauldouin premier seigneur Dasie,	fo, cxxx,
Du pape Paschal, ii, de lordre des Chartreux / & Cisteaulx / de la prinse Dantioche / de la Lance dont nostre seigneur Iesuchrist fut perce au coste,	fo, cxxxi,
De Iherusalem prins par les Crestiēs / de la mort de Gaudefray de buillon / & aultres choses dignes de memoire,	fo, cxxxii,
Des antipapes qui furent en ce temps / du concille de Troye / & dou sont venus les Colonneys,	fo, cxxxiii,
Des terres de leglise recouuertes sur les ennemis / du pape & cardinaulx, mis en prison / & de l'empereur Henry, iiii,	fo, cxxxiiii,
De saint Bernard abbe de Clereuaulx,	fo, cxxxv,
Du pape Gelaise, ii, de Bauldouin roy de Iherusalem / & de la descōfiture des crestiens deuant Iherusalem,	fo, cxxxvi,
Du pape Calixte, ii, de la fuitte du pape Gelaise / & de son retour a Romme / de lhonneur qu'on fait au pape quant il est esleu,	fo, cxxxvii,
De la paix entre le pape Calixte / & l'empereur Henry, iiii, de la desconfiture des payēs deuāt la ville de Iherusalē / & de Bauldouin roy de Iherusalem,	fo, cxxxviii,
Du pape Honore, ii, de son eslectiō / de Hugues de saint Victor qui en ce temps regnoit,	fo, cxxxix,
Du pape Innocent, ii, du concille de Cleremont / & de Reins / de Lothaire empereur,	fo, cxl,
De Celestin, ii, & Luce, ii, papes / de Fulque roy de Iherusalem conte dāgiers / de la croysade qui fut partout lors,	fo, cxli,
Du pape Eugene, iiii, du nom / de l'empereur Emanuel / & des traifōs quil fist aulx Crestiens,	fo, cxlii,
De Anastaise, iiii, & Adriā, iiii, papes / de la ville de Damas / de Richard de saint Victor / qui lors estoit,	fo, cxliii,
Du pape Alexādre, ii, de l'accord de Bauldouin roy de Iherusalem / de la translation des trois roys de Millan a Coulongne,	fo, cxlv,
De la ville de Alexandrie / du trespas de saint Thomas de Cantorbie & a quoy fut tenu le roy de Angleterre pour sa mort,	fo, cxlvi,
De Bauldouin, iiii, Roy de Iherusalem le preux / de Phelippes roy de France,	fo, cxlvii,
De luce, iiii, & Urbain, iiii, papes / & Pierre Comestor / qui fist lhistoire eclesiastique,	fo, cxlviii,
Du pape Gregoire, viii, de Guyon roy de Iherusalem / & des Turcz	



# Indiciaire,

occis	fo, cxlix
Du pape Clement. iiii. de la croisade que fut en ce temps / du Royaulme de la pouille / la mort de l'empereur Federic / et du Roy d'angleterre lequel par force occupa l'isle de cypre	fo, cl
Du pape Celestin. iiii. de la guerre des sarrazins contre les Crestiens / du Roy Richard d'angleterre et Saladin	fo, cli,
Du pape Innocent. iiii. de triumphe Saladin apres sa mort Altercation de Lelection de L'empereur de la Croisade que fut en ce temps,	fo, clii,
De la Prinse de Constantinoble par les Crestiens / saint dñiq / de L'empereur Otho / du Roy D'angleterre lequel se redit tributaire au pape Innocent du concille tenu a Romme,	fo, cliii,
Du pape Honore. iiii. de la prinse de Ierusalem et Damiette,	fo, cliiii,
Du pape Gregoire. ix. la cause par laquelle les Roys de Naples et Sicille se disent Roys de Iherusalem / de Lodre Saint Francoys / de L'empereur Federic Anathemathize.	fo, clv.
De Sainte Elizabeth canonisee / et de la grand occision des Crestiens par faulte de conduitte,	fo, clvi,
De la Confederation des Geneuoys / et Venitiens / de la lance et esponge vendues aux Venitiens / de la naissance des Gilbelins et Guelphes,	fo, clvii,
De Celestin. iiii. et Innocent. iiii. papes / du concille de Lion	fo, clviii
Des Mauuais vices de L'empereur Federic / de Saint Loys Roy de France / de la mort de L'empereur federic.	fo, clix,
Du pape Alexandre. iiii. de Bernard et Cōpostilan Glosateurs des decretales / de Saint Loys et ses freres prins par les sarrazins.	fo, clx,
Du Commencement du debat des Venitiens et Geneuoys,	fo, clxi
Du pape Urbain. iiii. des Geneuoys vaincus par les Venitiens et pisés / de L'empire de Constantinoble tourne aux grecz / de Bartolle / et Hostiense.	fo, clxii,
De Albertus Magnus / de saint Thomas daquin / de l'office du sacrement de lautel,	fo, clxiii,
Du pape Clement. iiii. lequel fut aduocat et marie / de Charles Roy de Sicille.	fo, clxiiii,
De L'empereur Conradin / et trespas de Saint Loys,	fo, clxv,
Du pape Gregoire premier du nom / des oeuvres saint Bonaueture / du meurtre commis par aymon de mōtfort / de la paix entre les Venitiens et Geneuoys,	fo, clxvi,
Du pape Inocent. v. du concille de Lion / de la mort du pape Gregoire,	fo, clxvii,
De adrian. v. Iehan. xxii. et Nicolas. iiii. papes Du pape Iehan lequel fist plusieurs liures.	fo, clxviii.
Des Eglises faictes par le pape Nicolas / de la translation du corps de la Magdaleine.	fo, clxix,



## Table

Du pape Martin.iiii.de la conspiration faicte cõtre les frãcoys.	fo.clxx.
De Guion bonate astrologien/du Roy Darragon excommunie pour ses demerites	fo.clxxi.
Du pape Honore.iii.des miracles Sainct Martin pape /de la mort du pape Honore	fo.clxxii.
Du pape Nicolas.iiii.de Sainct Loys de Secille de lordre Sainct Frã coys/des Gibellins prisonniers & occis	fo.clxxiii.
Du pape Celestin.v.de la guerre entre le Roy Dangleterre & le Roy de France/du nombre des gens estans au couronnement du pape Ce lestin	fo.lxxiiii.
Du pape Boniface.viii.de la feste Sainct Pierre Celestin	fo.clxxv.
De la Fuite des coulounnoys pour la paour du pape Boniface/du grant tremblement de la terre/& du Iubile lan mil trois cens.	fo.clxxvi.
Des blans Gibellins & Guelphes noirs / deffences ne porter argent a Romme/de dantes poete du concille tenu a Paris	fo.clxxvii.
Du pape Benoist.xi.& de Phelippe Le bel Roy de France.	fo.cxxviii.
Du pape Clement.v.du Siege de Romme translate en France/du mar quis Dast tue en prison Par son filz	fo.cxxix.
Des Venitiens Interditz/le trespas du Roy de Naples des Factions en la ville de Millan	fo.clxxx.
Du lieu ou se prenoit au temps passe la courõne de fer/des diuisions des Itales/de Lempereur Henry couronne a Romme/& Comment par vng Hostie fut empoisonne.	fo.cxxxi.
Du pape Iehan.xxiii.du nom.du debat entre les electeurs/de Lempire/ de Linstitution de lordre des Cheualiers de nostre seigneur Ihesu christ	fo.clxxxii.
Du debat dentre les Gibellins & Guelphes	fo.clxxxiii.
De Lempereur Loys duc de Bauiere/de Nicollas antipape. Cordelier & marie.	fo.clxxxiiii.
Du pape Benoist.xii.de Francoys petrarque Italien poete.	fo.clxxxv.
Du pape Clement.vi.le Iubile de xl ans en xl/ans & Plusieurs matie res des Florentins	fo.clxxxvi.
Du Roy Robert Roy de naples & de sa mort	fo.clxxxvii.
Du pape Inocent.vi.de la ville de auignon achaptee Par le pape Cle ment/de fainct Yues.	fo.clxxxviii.
De plusieurs Guerres & debatx entre les Venitiens / & les Geneuoys , Fo.	fo.clxxxix.
Du pape Urbain.v.du duc de Venise tue dũe cognee & de Bartolle Iu riste lequel pour lors viuoit.	fo.xc.
Du pape Gregoire.xi.disciple de bede	fo.cxc.
Des Geneuoys chastez par les Venitiens du Royaulme de Cypre /& du pape Gregoire lequel se tenoit en France	fo.cxcii.
Du pape Urbain.vi.du trespas du pape Gregoire des Remõstrances fai	



# Indiciaire

ctes au pape par les cardinaulx.	fo, cxciii,
De la discention dentre les cardinaulx / et du scisme qui fut en leglise,	fo, cxciiii.
Des Venitiens vaincus par les Geneuoys / de linuention des Canons & Bombardes,	fo, cxcv.
Des traicties de paix faictz entre les Geneuoys & Venitiens,	fo, cxcvi
Du pape Boniface. ix. & trespas de Loys duc Danjou.	fo, cxcvii,
De Iehan Galeace lequel print le tiltre de Milan	fo, cxcviii,
Du pays de Millan / & comme ce met / des guerres des Italles / en plusieurs lieux	fo, cxcix
Du pape Innocent, vii. & des choses auenues de son temps,	fo, ccci,
De la guerre des Rommains contre le pape Innocent / de la ville de Pise prise par les Florentins,	fo, ccii,
Du pape Gregoire, xii. & Benoist antipape / & de la famine que lors fut a Romme,	fo, cciii,
Du pape Alexandre. v. et Iehan, xxiiii. pape,	fo, cc, iiii,
Du pape Iehan lequel fut citeau concille de constance,	fo, ccv
Du pape Iehan lequel fut desmis de la papaulte & mis en prison / & de plusieurs heretiques brusles,	fo, ccvi.
Du pape Martin, v. du nom	fo, ccvii,
Du contenu de la bulle du concille de Pauie & de Phelippe duc de Millan	fo, ccviii,
De la paix entre les Venitiens & le duc de millan / de la Riche maison des medicis.	fo, ccix,
Du concille de pise & senes / & aultres mateires	fo, ccx,
Du pape Eugene, quatriesme / du trespas de Pierre lue & du pape Martin	fo, ccxi,
De la guerre dentre le pape Eugene & Phelippes duc de Millan,	fo, ccxii
Des officiers du pape Eugene / de chasses de Romme / & du concille assemble a Constance	fo, ccxiii
Du trespas de Lempereur Sigismond & plusieurs guerres de Italie	fo, ccxv,
De Platine acteur de ce present liure / & du pape Felix de Sauoie & des Grecs Reduis a la foy par le concille de basse,	fo, ccxvi,
De Francoys Sforce duc de Millan.	fo, ccxvii
De paix la entre Francoys Sforce & Phelippes duc de Millan / & de la mort de plusieurs personnes.	fo, ccxviii
De la Canonization de Sainct Nicolas de Tollentin / et trespas du pape Eugene,	fo, ccxix,
Du pape Nicolas	fo, ccxx,
Du trespas de Phelippes duc de Millan	fo, ccxxi,
De Francoys Sforce duc de Millan. de lan Iubile / & du couronnement de lempereur Federic	fo, ccxxii



# Table Indiciaire,

Des Alobroques ditz fauoisiens/& dung homme conspirateur , lequel fut pendu,	fo,ccxxiii,
Du pape calixte,iii.docteur en chascū droit / de la canonizatiō de Saīct Vincent	fo,ccxxv
De plusieurs Prodiges & trēblemens de terre que furēt alors au Royaulme de naples	fo,ccxxvi,
Du pape Pie,ii,& de sa naīssance	fo,ccxxvii,
Du pape Pie lequel fist la paix entre le Roy de Frāce et le duc de Bourgonne,	fo,ccxxviii,
De la mort du pape pie/& de la pragmatique Sanctiō,	fo,ccxxxi,
Du pape Paul.ii.& des abreuiateurs chasses de Romme que le pape Pie y auoit mis	fo,ccxxxi
Du pape Alexandre,vi,du couronnement Dalphonse Roy de Naples du roy charles.viii.qui cōquist le Royaulme de Naples/la Iournee de fornoue & de nouarre	fo,ccxliii
Du pape Pie,iii,du nom/et de ce que auoit intention de faire,	fo,ccxliii
Du pape Sixte,iiii,du nom/et des liures cōpillez par luy/du Iubile des festes Institues par luy	fo,ccxli
Du pape Inocent,viii,du nom/de la guerre/qu'il eut contre Ferdinand Roy de Naples Saīct heliopolde canonize	fo,ccxlii,
Du pape Iule.ii,du nom/du cardinal Damboise/de la maison de Gailon/du pape Iule qui prenoit son plaisir a la nature & condition des pays/La Iournee de rauenne & de la mort du duc de nemours,	
Du pape Leon.x.apresent seant en la Chaise saint Pierre Et de lalian ce entre luy & le treschrestien Roy Francoys.	

¶ Fin des Notables de ce present Liure compose par Lhytorigraphe Iehan Platine.

## Registre de ce present Liure,

aa bb a b c d e f g h i k l m n o p q r s t v x y z &

A B C D E F G H I K L M N O P Q R

¶ Chascun cayer contient troys fueilles  
sinon le cayer de R ou il y en a quatre





**N. NE DOIBT DOVBTER** Que ceulx  
qui ont este excellētemēt iustes singuliers ont ac-  
quis vne grande partie de la vertu de noblesse, cō-  
me dit lauctorite du philosophe Plato. qui diuisa  
se noblesse en quatre parties/lesquelles nostre seig-  
neur Iesucrist redempteur & roy auroit toutes  
eues: car sa noblesse & gloire est plus grande que  
celle de dauid/ sa sapiēce & doctrine/ que celle de  
salomon/ & iamais homme viuant neut tant de  
vertus, Le benoist iesus fut ne & vint en ce mō-  
de de la lignee & tribu de Iuda tresnoble lignee fort ancienne pour lema



De nostre seigneur Iesuchrist.

pire des hebreulx, A ceste cause le prophete Iacob dit, Non auferetur  
 ſceptum de tribu iuda quoad venerit qui mittendus eſt, is erit profecto  
 expectatio gentium, Ceſt adire en langaige francoys, Le ſceptre royal ſe  
 ra touſiours en la lignee de iuda iuſq̃s a ce que celuy qui doit eſtre en-  
 uoye ſoit venu car ceſt lattete & expectation des humains, Mais combiẽ  
 de roys / de ducz / & gr̃s preſtres de la loy de icelle lignee & tribu de iu-  
 da en ſont yſſu & venuz, quāt a preſent nen parleray, pource que les hy-  
 ſtoires & liures tant du viel teſtament que du nouueau en ſont aſſes de  
 mention, Apres pluſieurs guerres & diſſentions qui durerent long  
 temps entre ariſtobole & hyrcane filz du roy alexandre: Et les enfans  
 du grant preſtre de la loy pour la domination & principaulte, Car vng  
 chaſcū deulx vouloit dominer ſur le peuple de iudee & obtenir le roy-  
 aulme Finablement ce voyant les romains baillerent le royaulme des  
 iuiſz a herode qui eſtoit eſtrāger / ſon pere eſtoit de idumee & ſa mere du  
 pays darrabie, leq̃l herode quāt il eut obtenu ainſi le royaulme des iuiſz  
 fiſt tuer & occire tous les g̃s lettrez & clercz de la natiō des iuiſz / & oul-  
 tre fiſt bruler les liures ou eſtoient eſcriptz les genealogies & lignee des  
 iuiſz. Et la cause pourquoy ce faiſoit eſtoit affi quō ne cōgneuſt au tēps  
 aduenir dont il eſtoit yſſu & venu, Et lors ceſſa lauction & empire des  
 iuiſz / pourquoy la ſentence du prophete daniel dit Sanctus ſanctorum  
 venerat / car la benoiſte vierge marie auoit deſia conceu du benoiſt ſaict  
 eſperit & enfante en la cite de bethleem en iudee, lors que regnoit vng  
 nomme Cynum preuoſt de la contree de ſyrie, lan que la ville de rom-  
 me fut faicte ſept cens cinquante & deux, & eſtoit au temps que Augu-  
 ſte ceſar regnoit a romme monarque du monde ou par tout auoit faict  
 paix & tranquilitẽ en grant honneur & felicite, tant avecques les roys  
 ducz & prouinces que aultres nations barbares & non ſubiectes a l'empī-  
 re de romme / tellement que vng chaſcun faiſoit villes / citez / chaſteaulx  
 eſtant en honneur felicite & louenge de auguſte ceſar, les appellant ſeba-  
 ſtes ou ceſares / pour dōner louāge a ſon non ceſar, Et iceluy ceſar regnāt  
 pluſieurs roys de eſtranges prouinces le venoient veoir leſquelz il recep-  
 uoit tres benignement & par beniuolẽce iceulx rēdoit ces amys & obli-  
 ges a ſon vouloir & plaifir, Il regnoit & viuoit avecques les citoyens de  
 romme & iceulx gouuernoit tres humainement, tellement que contre  
 ceulx qui eſtoit mal faicteurs il ſe monſtroit trefort doulx & amyable  
 enuers ſes amys tres liberal, Mais pour acquerir amys il eſtoit tardif re-  
 gardant les causes pourquoy on faict amys & la maniere de les entrete-  
 nir / mais depuis qu'il auoit acquis aucuns amys, pour iceulx entretenir  
 il eſtoit fort ferme & conſtant aulx ars liberaulx, touſiours eſtoit eſtudi-  
 ant tellement que nul iour ne ſe paſſoit ou que ne leuſt ou que ne ſcrip-  
 t ou q̃ ne fiſt oraiſon au ſenat / aulx cheualiers / ou au peuple / pour la cho-  
 ſe publique ou domeſticq̃, & ſe delectoit auoir avecque luy ſaiges gens  
 philoſophes & orateurs & historiographes deſquelz deſiroit & aymoĩt

De Herode  
 qui obtint le  
 royaulme de  
 iudee & de ſa  
 cruaulte,

Ceſar auguſte



la doctrine come de saluste/liue/virgile/horace/asine/pollion/messale  
 coruinié/qui estoient de ce tēps & par lesq̄lz ont este escriptz les faictz &  
 gestes qui le redēt cōme immortel, Iceluy cesar se glorifioit quil auoit  
 trouue la ville de romme faicte de terre brique & de ais/mais que icelle  
 auroit faicte toute de pīrere de mabre, Et cōbiē q̄ par les glorieulx faictz  
 & gestes que auroit faict iceluy cesar auguste fut fort glorieulx & ma-  
 gnifique, Ceneantmoins la benoiste natiuite de nostre seigneur iesu-  
 crist qui en ce temps fut ne le rendit plus glorieulx, laquelle natiuite de  
 nostre sauueur fut en lan de la creation du monde cinq mille cent qua-  
 tre vingtz & neuf/le redempteur iesus nasquit de la vierge marie sa me-  
 re sans douleur/car ce nestoit pas vng part ne enfantemēt humain mais  
 diuin & sans corruption virginalle fut ne & mis en petis drapeaulx,  
 Et alors que le doux iesus fut ne comme dit Eusebe docteur de lesglise  
 que aupres du fleuve de tybre de romme sortit de terre vne fontaine de  
 huylle qui tout le iour courroit cessamment en demonstrent au peuple  
 humain la grace de nostre dieu iesuscrist, Et Oroze dit que ce iour que  
 nostre dieu fut ne auguste cesar fist vng edit a romme que nul dorena-  
 uant ne se appellast seigneur/laquelle chose pourroit estre que cesar de-  
 uinoit que le prince & seigneur du monde estoit ne & venu en terre,  
 Et oultre manda & fist edit que tous ceulx qui estoient subiectz a lem-  
 pire de romme fussēt mis & rediges par escript affin de payer pour cha-  
 cune teste le cens ou aultres sommes de deniers / comme si faillloit quil  
 rendist compte de tout lempire de romme quil gouuernoit, Et pour re-  
 cepuoir les cens & recongnoissance des subiectz de lempire de romme  
 fut estably propose & constitue de par cesar lempereur vng du senat de  
 romme nomme Cyrinum, Or estoit paix vniuerselle tāt aux champs  
 que aux villes & telle que iamais on y auroit veu au parauant / & aussi  
 les prophetes auoint appelle Iesucrist roy seigneur & maistre de iustice  
 & de paix, Le huytiesme iour iesucrist fut porte au tēple pour estre cir-  
 cuncis/car il nestoit pas venu pour abroger & rōpre la loy des iuifz/mais  
 pour icelle parfaire & accomplir, Comme dict saint Augustin, la cir-  
 cuncision cestoit vng signe du testament entre dieu & les hommes, Et  
 le treiziesme iour les trois roys dorient le vindrent adorer qui se appel-  
 loint magi / car le peuple de orient ainsi appelloit leurs roys & les saiges  
 Et combien que la vierge marie neust besoīn de purification selon la  
 loy de moyses/neātmoins icelle loy ne vōlut contempner ne briser / lē  
 fant iesus porta au temple, Et quant Symeon qui estoit homme saint  
 & de grande religion le vit & tint entre ses bras remply du saint espe-  
 rit/lappella son roy son sauueur iesucrist, Car le nom de iesus valut au-  
 tant a dire cōme sumitur, Et cristus vnction de roy / & en ebreu est dict  
 Messias, & aussi que les romains a leurs empereurs baillēt les robes de  
 pourpre en signe de dignite aīsi faisoient les hebreulx qui oīgnoient leurs  
 roys Et pareillement la tressaige prophete anne dit plusieurs prophe-

Le tēps q̄ nos-  
 tre seigneur  
 Iesuchrist fut  
 ne,

Eusebe do-  
 cteur de legli-  
 se,

Oroze,

Saint augustin

Que signifie  
 le nom Iesus,

Que signifie  
 le nom crist &  
 messias,

2.11,



De nostre seigneur Iesucrist,

Herode fist  
tuer ses deux  
filz,

Le meurtre &  
occisiõ des in-  
nocẽs faict par  
herode ou fut  
tue son filz,

Sainct Ieros-  
me,

Iesus en laage  
de douze ans,

cies & louenges de Iesucrist & pareillement les sybilles auroint anoncé & prophetisé de la natiuite de Iesucrist. Or apres que la solempnite de la purification & recognoissance de lenfant Iesus premier ne de la vierge Marie selõ la loy de Moysé, la benoiste vierge & Ioseph sen allerēt avec Iesus en nazareth au pays de galilee & depuis parlāge de dieu fut Ioseph admonnesté en dormant quil sen allast en egypte & menast avec luy la vierge marie son expouse & Iesus pour la fureur de herode qui auoit de termine & precogite la mort de Iesus / mais icelluy herode alors ne peult mettre a execution sadamnable voulente pour ce que il fut accuse par ses enfans / cest assauoir Aristobolum & Alexandre pour la cruaulte enuers Auguste cesar ou il fut, Et depuis par simulation eschappa de lac- cusation de ses enfans / lesquels depuis fist pendre & estrangler / combien que ilz eussent este nourris en la court de Auguste cesar / & depuis fist tuer & occire tous les enfans qui estoient en bethleem & lieu circonui- sins de laage de deux ans & au dessoubz pour ce que auoit ouy dire aulx troys roys / & par les prophetes auoit este dit que en bethleem naistroit le roy des iuisz & fu si cruel quil fist tuer son propre filz qui estoit de laage de deux ans ou enuiron / en laq̃lle detestable cruaulte Augulte ce- sar en eut grande admiration & len desprisa fort disant quil aymeroit myeulx auoir este pourceau de herode q̃ son filz. Car les iuisz selon leur loy ne mengeussent poinct de chair de pourceau a ceste cause ne nour- rissent aucuns pourceaulx, & pource ilz leurs sont misericordieulx doulx & paisibles, Ioseph apres que il eut demoure par sept ans en egypte & que il congneut que herode estoit mort villainement frappe du saint feu il sen vint en iherusalem avec lenfant Iesus & ny demoura guere pource quil ouyt que le filz de herode nomme Archilaus regnoit aulx parties de galilee & sen vint demourer en la cite de nazareth. Pourquoy lenfant fut appelle Iesus de Nazareth. Car comme dit & alegue mon- sieur saint Ierosme pendant le temps que nostre seigneur Iesucrist fut demourant en egypte les simulachres des deulx ydolles tomberēt tous & ne bailloint plus de responce & oracles & la mort daucuns dyables sensuyuit comme auoient dit les prophetes, Ecce leuem nubem descen- det & mouebuntur simulachra egypti ab eius cõspectu & cor egypti in medio tabescet. Quant Iesucrist eut douze ans vint avecqs ses parẽs a la feste en ierusalẽ, Et aps q̃ la solẽpnite de la feste fut passeẽ ne sen retour na avecques eulx, Et quāt ilz virent quil ne venoit avecques eulx furēt fort angoisseulx & plains de grande sollicitude pour le querir & cher- cher & retournerent en ierusalem au temple ou le trouuerent avecques les maistres legislateurs & docteurs quil disputoit contre eulx, car il estoit fort prudēt & saige & plus q̃ laage ne requeroit / mais comme dit le uangeliste la grace de dieu & vertu estoit en luy, Et apres que il ouyt & vit ses parens qui le queroient & qui le admonnesterent de retourner / sen vint avecques eulx, mais quil auroit faict depuis laage de douze ans



iufques a trente ans qui fut baptise de saint Iehan filz de zacharie ie nen parleray point / car ailes daultres en ont parle, Mais vng nomme flauius Ioseph iuif auoit escript en grec / les gestes / & antiquites des iuifz / en, xx, liures, Et quant vint a escrire du temps de l'empereur Tybere, Dit & escript que en ce temps fut Iesus homme saige, fil est licite de l'appeller homme, Car il faisoit de merueilleuses oeuvres, Docteur des homes & a iceulx disoit & enseignoit la verite, Et plusieurs de la nation des iuifz & des gentilz print en sa compaignie, Cestoit le Christ, Mais icelluy Iesus les princes de nostre gent iudaïque le presenterent a Pylate: le quel contraignirent a le crucifier, Mais ceulx qui laymoient: noobstāt ne le laisserent point, Et au troysiesme iour apres sa mort: tout vif sapparut a eulx, Et beaucoup de prophetes diuinemēt inspires de ce que dit est / & plusieurs aultres choses & innumerables miracles qui estoient a auenir auoiet predict. Et encores iufques a le iour p̄sent persēuere le tres excellent & noble nom des chrestiens qui est venu / & descendu de luy & le genre, Et se mesme hystoriographe Ioseph dit que saint Iehan baptiste estoit vray prophete / & a ceste cause est reppute enuers les hommes en grant honneur & reuerence / & quil auoit este tue & occis par le commandement du filz du grant roy Herodes / vng peu deuant la mort de Iesuchrist, au chasteau de Macherūte / non pas que Herodes eust crainte de luy / ne de son royaulme, Mais pource que maītenoit Herodiade seur de Agrippe femme de Philippe son frere / avecques luy par incestes nopces / & infame copulation charnelle, Cest celuy Iehan de qui nostre seigneur Iesus dit, Entre les enfans de toutes les femmes / iamais ne naskuit si grant comme Iehan, il fut occis / & semblablement le sauueur vray filz de dieu de iustice / de verite / & de pitie, Lan dixhuitiesme du regne de Tybere / & de sō aage, Lan trēte trois, Iesus fut accuse des iuifz qui ne gardoit poit les festes / & sabatz en guerissant les malades en tous temps, Et q̄ prepoisoit le baptisme a la circuncision & q̄ cōmādoit quon megast des chairs de pourceaulx qui estoit droictemēt cōtre la loy des iuifz, De la cruelle mort de Iesus les cieulx baillerēt leurs signes, Car le soleil fut en si grande esclipse a l'heure de sexte du iour quil sebloit q̄ fust mynuīt toute obscure / & en la cite de Bethanie cōbien q̄lle soit loing de Iherusalem fut fait vng grant trēblemēt de terre, Et plusieurs edifices de la ville de Nycene tūberent par terre & la ville du tēple de Iherusalē qui separoit les deulx tabernacles fut rōpu & decire en deux, Et fut lors ou y vne voix de lieux sacres & p̄fons du tēple: qui dit a haulte voix Hierosolymitains: & vous habitās de Iherusalē vous seres trās mis de ses lieux icy & chastes, Aps q̄ Tybere fut amōnestē p̄ Pylate de la mort Iesus de la sciēce & doctrine: il le rapporta aux senateurs de rōme & cōmāda quon fust vng tēple pour hōnorcr Iesus cōme vng dieu / mais les senateurs lēpēcherēt pource q̄ pylate nē auoit p̄mieremēt escript au senat: mais a Tybere, Et a ceste cause firēt vng esdit / & cōmādemēt quon chassast tous les cresti-

Du tēps q̄ nostre seigneur estoit sur terre selō Iosephus,

De saint Iehan baptiste,

*Le don de la ville  
et non la ville*

Pourquoy on ne receut a rōme Iesuchrist comme dieu,

a,iii,



## De saint Pierre premier pape,

Pylate se tua  
mesme,

De la peniten  
cede Pylate,

ens de rōme, Promettāt or & argēt a ceulx qui les accuseroiēt, Mais Ty  
bere deffēdit sur peine de la mort quō ne leur fist nul mal, Les aucteurs  
& ceulx qui auoiēt pourchasse la mort de Iesus furēt pugnīs, car Iudas se  
pēdit & la finist sa vie / & Pylate apres plusieurs grandes calamites / luy  
mesme se tua, Combien q̄ plusieurs ont escript quil festoit repētū & fait  
penitēce & quil auoit merite ēuers dieu grace & pdō, Les iuisz ont pdu  
leur liberte, encores p̄lēmēt portēt les peīnes pour la mort de Iesus no  
stre roy & pape, Et au plus brief q̄ iay peu quasi toute sa vie iay escripte /  
affin q̄ plus facillemēt ie puienne a ce q̄ iay intētiō de faire & escripre /  
pour estre gracieulx aux lisans, Pour la grāde fontaine de lēpereur des  
crestiens descendue de Pape en Pape iusques au Pape Sixte quatriesme

## De saint Pierre premier Pape,

*Ense coronatione p̄an lūi,  
cūm p̄dūit, cūm dū  
Bib dūm, lūm, lūm:  
Dūp nōro, Roma lūm.*



Pres la mort de Iesuchrist & resurrectiō que les  
iours de la feste de pēthecouste furēt passēz q̄ les  
sainctz disciples eurent receu le saint esperit: il  
ont presche & ple de Iesus en plusieurs lieux / en  
diuerſes & plusieurs langaiges / & se aulchuns di  
ceulx ont este de grande doctrine / ou erudition /  
sauroit este saint Pierre & saint Iehan, Toute  
leur vie estoit & regardoit a cōmune vtilite & ri  
ens propre ne vouloient auoir / tout ce quon leur  
donnoit & quon leur mettoit deuant leurs piedz  
par deuotion il le partoient entre eulx pour subuenir aux necessites de



nature & aulmōner & donner aulx pources, Les saintz disciples partirēt & diuiserent entre eulx les prouinces qui sensuiuent, Saint Thomas eut la prouince des parthes, Saint Mathieu ethiopie, Saint Berthelemy iudee la grande, Saint Andre scythie, Saint Iehan asie & demoura en ephese & apres grans labeurs & sollicitudes de ceste vie alla en lautre mode, A saint Pierre prince des apostres il eut galace pontu bythinie & capadoce, Il fut de la natiō de galilee dune ville appelee bethesai de frere de saint Andre, Il tint premieremēt son siege en anthioche p sept ans au tēps de Tybere qui fut heritier de Auguste cesar, Et tint lepire p le space de, xxiii, ans, il nest point a mettre entre les bōs empereurs ne aussi auecques les mauuais totallemēt / il estoit homme de grāde literature & eloquēce / iamaïs ne faisoit guerre ou fust present, mais p capitaines & legatz faisoit les guerres / quāt il suruenoit murmures ou seditions entre le peuple incōtinent il appaisoit tout p belles parolles douces & blādices / appelloit & cōuoquoit plusieurs roys a luy, Et quāt il les tenoit iamaïs ne les rēuoyoit en leurs royaulmes, Et ce fist a Archilaus roy de capadoce, Et du royaulme de capadoce en fist vne puince / il bānit plusieurs senateurs de romme, Et cōfisque leurs biens / & plusieurs aultres senateurs fist de diuers tourmens tourmēter / & luy mēmes aps les tuoit, Il occist vng orateur nōme Gallus filz de polio / & fist tuer voconius orateur du pays de Narbone ainsi quil estoit aux baings / & fist emprisonner Drusum, ¶ Mais neātmoins il nestoit pas grāt exacteur de vectigaulx & succides / car ainsi que les gouuerneurs des prouinces vng iour luy dirēt quil failloit haulcer les subsides & gabelles, respōdit saigement disant que vng bō pasteur doit tondre les brebis / nō pas les deuorer & estrāgler, ¶ Apres la mort de Tybere Claudius calligula occupa lepire / il estoit filz de Drusi Auguste cesar nepueu de Tybere, Cestoit vng hōme plain & rēply de tous maulx / & ne fist ne aux chāps ne a la ville nul beau faict, Cestoit vng pilleur auaricieux & si fort luxurieux quil eut compaignie de sa propre seur, Et estoit si cruel que par plusieurs fois il disoit a haulte voix, le voudrois que tout le peuple de romme neust que vne teste & vng coul ie le ferois couper, Tous ceulx qui estoient banniz & mis en exil fist tuer & occire, Et la cause fut pource q il auoit reuocque vng homme qui estoit banni & luy demanda que faisoient & disoient les bāniz & quelle chose le plus desiroient, & il luy dist asses imprudemment, qui ne demādoient que la mort du prince, A ceste cause tous les fist tuer, Et souuent se compleignoit que de son temps qui regnoit il nauoiēt grandes calamites ou fortunes afin quil fust memoire & souuenance de luy / comme il estoit aduenue au temps de Tybere ou furent vngt mille personnes tuees a cause du theatre de terracine qui se rompit & quassit, Il fut tressort enuieux des faictz escriptures & liures de Virgile & de Liue, & ne se faillut guieres qui ne fist oster & abolir tous leurs liures statues & ymages qui estoient en toutes les estudes

a, iiii,

Les apostres diuiserent les puinces entre eulx,

Le p̄mier siege papal fut tenu p saint pierre a anthioche

Nota de lepeur Tybere,

Lepereur calligula,



De saint Pierre premier pape,

disant que Virgille n'auoit point despit aumoins qui fust grant & que ses oeures estoient de petite doctrine/& que Tite liuie estoit trop lent & tardif en histoire & auoit trop de l'age, Et du sage Senecque & de ses liures disoit que cestoit arene ou grauiers sans chault calce ou mortier Il deliura de prison Agrippe filz de Herode que Tybere auoit fait emprisonner pource quil auoit accuse Herode/& le fist roy de iudee, Et en uoya en exil Herode en la ville de Lyon, Et se fist luy mesmes adorer commedieu & mettre son ymage au temple de hierusalem, ¶ Finablement il fut tue & occis par ses familiers apres quil eut regne trois ans & dix mois/

Agrippe filz de Herode de liure de prison De la mort de Calligule,

Il fut trouue deux petis liures en ses coffres, et en l'un diceulx auoit imprime vng poignart, & en lautre vng cousteau ou espee, Et estoient escriptz les noms des plus grans senateurs & gentilz hommes de la cite de romme, Et les notes destinoient la mort diceulx, Et oultre furent trouuezdans vng coffre plusieurs sortes de venins lesquelz Clodius cesar fist iecter en la mer a cause desquelz poysons grande quantite de poissons moururent, Et la mer les iecta aux riuages de mer, Il ma pleu & ay voulu escrire les faictz de ses hommes infames & monstrueulx affin q plus facilement il apparust que les hommes/& le monde estoit infect & perdu si nostre seigneur dieu neust enuoye son filz Iesus en terre, Et les apostres lesquelz par leur sang precieux ont renouuele & rachapte le genre humain comme fist Lycaon /ou aultremet tout estoit perdu, En ce temps estoit saint pierre auquel nostre seigneur dist, benoist es simon beryona a qui la chair & le sang ne ta pas reuele /mais sa este mon pere qui est aux cieulx, Et tu es pierre & sur ceste pierre ie edifieray mon eglise, Et te bailleray les clefz du royaume des cieulx & puissance de lier & de delier, Apres que saint pierre eut visite les eglises de Asie & icelles conformees en la foy & reprouue lopinion de ceulx qui tenoient la circuncision & l'approuoient, Il vint en italie la seconde annee que Clodio tenoit lepire oncle de Callicule, Et obtint & rendit subiect le pays de Bretagne que deuant Iule cesar ne nulli apres ne osoit assaillir, & les isles orchades, pareillement mist a lobeissance des rommains & chassa les iuifz de rōme pour leurs seditōs & fist cesser les murmures & tumultes des iuifz en iudee mises dessus & exitees par vng mauuais & faulx pphete & y furent tues aux portes du temple de Ierusalem tretemille iuifz, Le iour & feste de pasqrs par le comandement de Clodio & tout ce fist cumantū capitaine de lempereur/& en ce temps par tout fut grande charte de viures, Et ce auoit pphete agab, pphete, Et quant clodio fut assure de ses enemis il pfist les edifices aqueductiues pour faire aller leau a rōme q auoit comencees gaius empereur, les edifices & ruines ecores de presēt on lesveoit a rōme pres saint Iehan de lathra, Apres Messalina femme de Clodio pour sa lubricite fut tuee & puis prit contre droit & raison Agrippine fille de son frere pour femme, laquelle apres quil eut regne empereur par l'espace de quatorze ans lempereur poisonna en luy baillant a manger des chapignons, Saint pierre en ce

L'empereur  
Clodio,

Trente mille  
iuifz occis le  
iour de pasqrs,



temps la vint a romme qui estoit le chief de tout le mōde/pource quil veoit q cestoit vne ville cōuenable au saint siege apostolique & auoit sceu que simon magus y estoit qui par ses ars magicques subuertoit & gastoit le peuple de romme & croyēt quil fust dieu Et desia auoit vng tiltre entre deux pons ou estoit escript en lettre latine, Symoni deo sancto, ceste statue cest du dieu symon, Ce symon estant en samarie il feignit vouloir estre crestien & se fit baptiser par philippes lung des sept diacres/mais en apres en vīa tresmal & fut vng baptisme feinct & simulē, il fut aucteur de plusieurs heresies tenāt auēc luy Selene vne femme impudique & luxurieuse compaignie & fauorifant a les malefices, Vng iour symon magus appella & prouoca saint pierre disant que par miracle fairoit resusciter vng enfant mort & par charmes & art dyabolic que fist vng peu remuer lenfant/mais il ne se leuoit point, Et quāt saint pierre ce vit au nom de dieu commāda a lēfant quil se leuast ce que fist incontinent Simon magus eut grāt despīt pour le peuple qui estoit present. Et a ceste cause dist a saint pierre quil volleroit du capitolle iūsq̄s a la mōtaigne auantaine & que saint pierre en fist autāt affin que on cōgneust leql estoit plus ayme de dieu & plus saint homme luy ou saint pierre, Or ainsi que symō magus volloit a layde des dyables qui le portoiēt en lair saint pierre pria nostre seigneur dieu quil ne permist le peuple de romme estre ainsi trompe par symon magus ne par art magique Et incontinent symon magus en volant cheut a terre & se rompit vne cuyssē & peu de temps apres mourut en la ville de Arece/ou fut menē par ses cōplices pour ce que il auoit este vaincu par saint pierre pour euitē la honte & deshonneur quil auoit receu de la folle entreprise quil auoit fait contre saint pierre, Et de lheresie & fondemēt de symon magus, ceux qui ensuyuent son heresie & secte sont dictz symoniacles hereticques qui vendent & achētent les dons du saint esperit & qui afferment & disent que les creatures ne sont pas faictz de dieu/mais de linfluence des cieulx & vertu diceulx, Monsieur saint pierre depuis ne cessoit de prescher au peuple rōmain la foy de iesuscrist par parolles saintes & bonnes exemples demonstrent au peuple, Tellement que saint Pierre commanda a saint Marc que auoit baptize qui se surnomma Iehan qui escript les euangilles de nostre seigneur dieu/car saint Pierre le congnoissoit quil auoit bonne foy & estoit orne de grandes & louables vertus & de bonne vie, Monsieur saint Ierosme dict que saint marc estoit p̄stre en israel/cesta sauoir Leuite, & fut cōuert en la foy de Iesucrist & qui depuis en italie escripuit les euangilles lesquelles furent confermees par saint pierre & de present sont publiees en la sainte esglise catholique, Et depuis fut enuoye en egypte cōme philon iuiif qui fut grant homme de litterature & prescha & enseigna le peuple & fist & reduisit en la foy lesglise de alexandrie & mourut le, viii, an du regne de lempereur Neron, & fut enterre en alexandrie & ou lieu de

Clodio prit a fēme agrippine fille de son frere qui depuis lempoisonna,

Saint pierre resuscita vng enfant mort,

Simō magus envolāt cheut a la priere saint pierre & de sa mort,

Saint marc euāgeliste fut baptise p saint pierre,



## De saint Pierre premier pape,

luy vng nomme Anianus fut mis, Et vng an au parauant saint Iacq<sup>s</sup>  
 le iuste frere de iesucrist fut occis, Et dit on quil fut engendre de ioseph  
 & dune sienne femme aultre que la vierge marie / mais selon lopinion  
 dautres docteurs fut filz dune seur de la vierge marie mere de iesucrist,  
 Egisippus hystoriographe, apostres il fut sanctifie au ventre de sa mere & ne beut iama<sup>s</sup> ne citre  
 ne vin ne mengea iama<sup>s</sup> de chair & ne fist faire ses cheueulx ne barbe  
 ne se laua ne entra aulx bains ne auoit vse de oygnemens, ses robbes &  
 habillemens estoient de lin & entroit pour faire son oraison in sancta sa-  
 ctorum du temple, lequel lieu nestoit permis a tous detrer / & la faisoit son  
 oraison pour le peuple & le salut des ames / & pour ce que il estoit touf-  
 iours a genoulx & fort longuement il auoit les genoulx comme ceulx  
 dung chameau, Et les prestres de la loy des iuisz le voulurent contrain-  
 dre de regnier iesus estre filz de dieu le pere, Et pource que nen voulut  
 riens faire le getterent du hault du pinacle du temple / & luy cheut / se re-  
 leua sur les genoulx & les mais iointes en priant pour ceulx qui le per-  
 secutoient, Mais ce neantmoins digne perche dung foulon il fut tue &  
 occis, Iosephus dict & raconte que la destructi<sup>o</sup>n de hierusalem seroit adue-  
 nue pour sa mort, Cest celluy iacques a qui nostre seigneur se apparut  
 apres la resurrection faisant la benediction sur le pain / Et iceluy ro-  
 pant dist, Mon frere & mon amy megue ton pain / car le filz de lh<sup>o</sup>me est resu-  
 scite de mort a vie / il fut trente anseulque de ierusalem & iusques au  
 septiesme an de lepereur Neron, Et fut enterre aupres du temple avec  
 vng epitaphe / & iusques au temps de lepereur Adrian estoit encores lepi-  
 taphe saint Barnabas Cyprian qui se surnomoit Ioseph Leuite fut mar-  
 tyr deu<sup>ant</sup> q<sup>ue</sup> saint pierre souffrist martire, Et fut avecq<sup>s</sup> saint Pol apo-  
 stre des gentils, il escriuit vne epistre seullem<sup>ent</sup> aulx esglises combien  
 que icelle soit dicte apocriphe entre les escriptures saint Pol qui se no-  
 moit Saul, Il fut de la lignee & tribut de Beniamin dung chateau de iu-  
 dee nome giscal qui fut pris & destruit par les romains / & saint Pol & ses  
 parens sen allerent en tharse & cicile & depuis enuoye par ses par<sup>es</sup> en  
 la ville de ierusalem pour estudier / & fut son docteur & maistre Gama-  
 maliel homme prudent & sage / il eut mandement du grant prestre du  
 temple de la loy des iuisz pour persecuter & faire mourir tous ceulx qui  
 disoient que nostre seigneur Iesucrist fust dieu, Et fut a la mort de saint  
 Estienne premier martyr, Et ainsi quil alloit a damasce pour persecuter  
 les crestiens spirituellement fut conuerti a la foy de iesus & fut appelle  
 le vaisseau esleu & print le nom de Pol du preuost de cypre qui estoit  
 proconsul lequel auoit par sa predication conuert<sup>y</sup> a la foy de iesucrist  
 Et apres que saint Pol avec saint Barnabe eut visite plusieurs villes  
 retourna en la ville de ierusalem & la fut esleu par saint pierre saint  
 iehan & saint iacques apostres des gentils, Et, xxv, ans apres la mort de  
 iesucrist fut mene avec vng nomme Plutarque a r<sup>o</sup>me comme cy-

Egisippus hystoriographe,

De la mort  
saint Iacques  
le iuste,

Saint barna-  
be,

Saint estienne  
premier martyr

La conuersion  
saint Pol ou  
fut mue son  
nom de saul,



toyen de Romme, La seconde année que Neron occupoit & tenoit l'empire de Romme, Et demoura a Romme par l'espace de deulx ans ou disputoit continuellement contre les iuifz / & depuis fut deliure des prisons par Neron & commenca a prescher a Rōme / & a lors fist & cōposa plusieurs epistres / iusques au nombre de, xiiii, aulx Rommains vne epistre aulx Corinthiens deulx / aulx Galathes vne / aulx Ephesiens vne / aulx philipēses vne / aulx Colosenses vne / deulx aulx Theſſaloniques, ad thymothea deulx epistres / & vne a T ytus / & vne aultre a Philomena, Mais l'epistre des Hēsbrieulx quō dit que auoit enuoyee / & qui est escripte en son nom est incertaine pour la difference du stille & du langage / & plusieurs disoiēt quelle auoit este faicte par mōsieur saint Luc / ou saint Barnabe / ou saint Clement, Saint Pierre auoit aussi fait deulx epistres qui se nomment canoniques: & dit on q la secōde epistre de saint Pierre n'est pas faicte de luy, pour la difference du stille de la premiere, Il fist deulx eueſques saint Linum & Cletum qui āministroient les sacrements au peuple Rōmain Chrestien / & aulx estrāgiers & pelerins fideles, Monsieur saint Pierre par ses saintes predications & āmonitiōs salutaires fut tellement repute a Romme quilz le tenoient pour dieu / & ne sen salut guerres quilz ne ladorassent comme dieu, Pour quoy Neron ce voyāt trāchīna & proposa de faire mourir saint Pierre, Mais il fut ammōnestē par ses amis commēt Neron le vouloit faire mourir, Et pour euitē la fureur de Neron quil sen allast / ce que fist / & ainsi que sen alloit & eut passē la porte de Romme en sen allāt par la voye de Appie enuiron demye lieue cōme dit Egesippe, rencontra nostre seigneur dieu: & en ladorāt luy demāda fire & ou alles vous, Et nostre seigneur luy dit ie voys a Romme pour estre encore crucifie, Et est de present audit lieu vne petite chapelle / ou sont escriptz ces motz, Domine quo vadis, Et lors monsieur saint Pierre vit & pēsa bien que cestoit son maistre qui approchoit / & incōtinēt retourna a Romme & subitemēt cōsacra saint Clemēt & luy commāda leglise & siege apostolique en disant telles parolles, Celle mesme puissan ce ie te baille de lier & de delier ou absouldre que ma bailla Iesuchrist, Et comme vng bon pasteur garde de proposer les biēs mōdains au salut des ames, Et peu de temps apres saint Pierre & saint Pol par le commandemēt de Neron furent martyres & mis a mort le dernier an de son empire Cest assauoir saint Pierre fut mis en croix la teste en bas & les piedz en hault & ainsi lauōit requis saint Pierre / qui se disoit indigne destre mis en croix comme nostre seigneur Iesuchrist, Et fut enseuely en la voye au reliane pres les iardins de Neron / & tint le siege, xxv, ans, Et ce mesme iour saint Pol eut la teste coupee par le cōmandemēt de Neron / & fut enterre en la voye ainsi qu'on va a ostiēse, Lan apres la passion nostre seigneur dieu, xxxvii, Apres la mort de saint Pierre & saint Pol fondement de leglise & saint siege apostolique Neron par sa cruaulte fit mettre occultairemēt le feu en la ville de Romme / & apres que le feu par le-

Les epistres  
faictes par  
saint pol,

Epistres fai-  
ctes par saint  
Pierre,

Cōment dieu  
portāt sa croix  
rēcōtra saint  
Pierre qui sen  
fouyet de Rō-

me,  
La chapelle  
domine quo  
vadis,  
Saint Pierre  
institua saint  
Clemēt pape  
de Romme,  
Du martyre  
saint Pierre &  
saint Pol,



Cornelius ta-  
citus,

Les edifices q  
fist Neron a  
Romme,

De la mort de  
l'empereur Ne-  
ron,

space de six iours eut brule & fait grant domnaige en la ville de Rome, Print des faulx tesmoings a poste & les suborna en leur baillāt argēt afin quilz dissent que sauoient este les Chrestiens qui auoyent mis le feu a Rome/affin quon ne dist que cestoit luy, Au moyē dequoy cōme dit Cornelius tacitus hytoriographe fut prins grāde multitude de Chrestiens/lesquelz furent tous occis & mis a mort & gettez au feu/q par plusieurs nuitz on ne veyoit aultre lumiere que de leurs corps, Et la cause pourquoy auoit fait mettre Neron le feu au tour de Rōme, disent aucuns que cestoit afin quil vist Rome bruler en rondeur en forme d'une roue, Il ne demādoit a voir que ruines & deformites des edifices/ & afin quon fist les rues plus grandes/ car a son plaisir & apetit estoient trop petites & estroictes, Cestoit vng homme plain dinconstāce/ luxurieux infame & cruel qui tenoit des coustumes & meurs de son oncle Lempereur Caliculle plain de tous vices abhominables, Cestuy Nerō fist occire & tuer la plus grant part des sanateurs de Rome & en ieulx & banquetz publiques chantoit & dansoit cōme font les bateleurs & gens de petite conditō, Et estoit si luxurieux qui luy faillloit yser & lauer de oygnemēs refrigeratifz & pescheoit en la mer & riuieres avecques des rez dor & les cordes estoient de pourpre, Toutes ses infametez ordures & pechez cacha & mussa au cōmencement que vint a l'empire de romme tellement que vng chascun disoit pour sa douceur & beniuolence que seroit vng bon empereur & qui les gouuernerait tres bien au temps a venir/ tellement que vng homme pour ses demerites fut condāpnē a estre decapite & ses biens confisques/ & pource il faillloit que a la sentence il mist son signe manuel de sa main/ dist deuāt que la signer, Je voudroie que ie ne sceusse escrire faignant quil estoit marry de la mort de celuy homme, il fist plusieurs edifices tant a Rōme que dehors: il edifia des estuues q nōma les estuues de Nerō, Et vne maisō doree ou auoit entree a se spacer & pourmener de trois mille pas: & soubdainement & en peu de temps fist faire tous ces edifices, Et oultre fist faire le port de ance qui est trestort sumptueux edifice/ mais sa cruaulte fut si tres execrable q son maistre Seneque fist mourir/ & Marc/ Enee/ & Lucain le poete/ Agripine la mere/ la femme nommee Octauienne & le philosophe Corneton, Or pour la grāde cruaulte de celuy Nerō le peuple rōmain print & cōceut cōtre luy si grāt ire & enuie quil fut pris & atache a vne fourche mene publicquement & batu de verges par la ville de Rome & jette au fleue & riuierē du Tybre: may de ce eschappa & sen fouit biē deux lieues en vng petit lieu dū sien seruiteur Libertinien: ou se cacha & la se tua luy mesmes en laage de, xxxii, ans apres quil eut regne empereur a Rome, xliii, ans,

¶ Le second pape de Rome apres saint Pierre fut Linus, autrement dit Lin en francois,





In estoit de la nation Tuscaïn / & son pere eut nom Herculaïn : & tint le siege de Rōme depuis le dernier an de l'empire de Neron iusques a Vaspasien / & entre ce regnerent empereurs Galbe / Otto / Vitalle qui ne tindrēt gueres l'empire de Romme / car Galbe fut de noble lignee : & luy estant en Espagne : fut cree empereur p les cheualiers : incontinent que sceurent la mort de Neron & senvint a Romme, Mais pource que cestoit vng hōme auaricieulx & negligent / qui roboit & pilloit le peuple de Rōme : il fut espie & guette par Otto / & aupres du lac courciē on luy couppa la gorge : auecques vng noble ieune enfant nomme Piso, Lequel auoit adopte a filz : & ne regna que sept moys empereur. ¶ Et puis occupa l'empire Otto qui auoit este fort familier de Nerō : & estoit iceluy Otto tout effemine / negligent / & mol / au fait de guerres : pourquoy lors fut cree empereur Vitelle qui estoit en germanie, Et ainsi que ledit Vitelle venoit a Rōme il fut guerroye par Otto : par quatre batailles desquelles en trois fut victorieulx. Mais a la quatriesme qui fut en Bebria : il fut subiugue & veincu : au moyen dequoy il eut si grant despīt que se desespera : & luy mesmes se tua apres quil eut regne empereur par trois moys. ¶ Lors regna empereur Vitelle tout plain de vices : il estoit grant beueur & meugeur / & mengoit a toutes heures tellement que pour luy & par son commandement fist aprester deux mille poissōs & sept mille oyseaulx pour son soupper. ¶ Or quant vitelle sceut q les cheualliers auoiēt esleu Vaspasien empereur : luy estant en la destructiō de Iherusalem : & que sen venoit a Romme en grant puissance de gens darmes pour obtenir l'empire, Il se delibera de laisser le gouuernement de l'empire : mais de ce faire fut desenhorte par ses amis : tellement quil assembla gens darmes : & contrainit Sabiniē frere de Vaspasien auecques les Flauiens de eulx retirer au capitolle : & lors il fist mettre le feu au capitolle : & la furēt tous brules & ars, Mais quant il vit que Vaspasien estoit venu a Rōme : pour estre empereur : il vit bien que ny auoit pitie en son cas, il sen alla cacher en son palais dedans vne petite chambre dont il fut violement & hōteusement tyre & mis hors : & fut despouille tout nu / escorche & iette dedens le fleuve du Tybre, ¶ Or en ce temps Linus fut le successeur de monsieur saint Pierre, Combien que aucuns hystoriens aient voulu dire que ce fut monsieur saint Clement : & puis Linus & Cletus, mais monsieur saint Iherosme les reprent : quant il dit que le quatriesme pape qui fut mis au saint siege apostolicque en la ville de Romme apres monsieur saint Pierre se fut monsieur saint Clement, Et certainement le second pape apres monsieur saint pierre cest Linus / & Cletus le tiers,

b.i,

De Galbe l'empereur &amp; de sa mort,

De l'empereur Otto &amp; de sa mort,

De l'empereur vitalle &amp; de sa vie,

Vitalle fut vif escorche &amp; iette au fleuve du Tybre,



De Cletus, III, pape & premier du nom,

Iosephus iuiſ  
fut amene a  
Romme par  
l'empereur Va  
ſpaſien,

Du martyre  
du pape Linus

¶ Et ſe aucuns hystoriens latins tiennent que apres ſainct Pierre a eſte pape ſainct Clemēt, Ce neautmoins il a eſte ſi doux / ſainct & modeſte quil a cōtrainct Linum & Cletum eſtre papes deuant luy / & obtenir icelle dignite papalle pour donner exēple & obuier au temps aduenir a ambition / combien que ſainct pierre en ſa vie lauoit inſtitue pape par teſtament de ſucceſſion. ¶ Linus pape ordonna que les fēmes euſſent vng voille ſur leurs viſages & face quant entreront a legliſe: en ſon temps il fiſt & ordonna dix prestres / & dix huit eueſques: il eſcripuit les faiſ ſainct Pierre: & meſmemēt la diſputation ſainct Pierre contre Symon magus En ſon temps fut vng nōme Philon iuiſ de Alexādie: qui fit pluſieurs oeuvres: qui furēt ſemblables aux oeuvres & ſtilles de Platō. En ce tēps fut amene a Rōme Iosephus grant hystoriographe des antiquites & faiſ des iuiſz par Vaſpaſien & Tytus ſon filz, Et de la captiuite des iuiſz fiſt ſept liures leſquelz donna a Vaſpaſien & a ſon filz Tytus: leſquelz furent mis en leſtude de Vaſpaſien: & pour ſon grant engin & grande doctrine luy fut fait a Romme vng ymaige & ſtatue. Et oultre iceulx ſept liures / il eſcripuit & compoſa, xxiiii, liures des antiquites iudaïques / commençant au commencement du monde iuſques au, xiiii, an de lēpereur Domician. ¶ Le pape Linus touſiours demenoit vie ſaincte reſuſcitant les mors / & chaſſoit les diables des corps des creatures: il fut decapite par Saturnien conſul de Rōme / neautmoins quil euſt chaſſe le diable hors du corps de ſa fille. Et fut enterre pres le corps de monſieur ſainct Pierre en vaticane. Apres qui eut regne par leſpace de, xi, ans & trois mois / &, xii, iours: & fut martyre la, xi, Calende de Octobre. Aucūſ diſent que Gregoire eueſque de Hoſtience auoit translate le corps ſainct Lin pape en legliſe ſainct Laurens & iceluy magnifiquement enſepuely.

¶ Cletus, III, pape & premier du nom,



¶ Cletus fut Rommain / ſon pere auoit a nom Emilian. Sainct Clement lammonneſta de prendre la charge de la papaulte: laquelle ne vouloit prendre ne accepter. Mais cōtre ſa volente luy fut baillee: il eſtoit bon clerc / de bōne doctrine / & louables meurs eſtoit repute: & entre les creſtiens hōme de grant dignite: & fut du temps de Vaſpaſiē & de Tytus ſon filz: cōme dit Damafus: lequel ſucceda a vitelle. Et p leſpace de quatre ans luy & ſon filz mirent a fin & deſtruction la ville de Iheruſalem: & fut deſtruite la ville: & le tēple abbatu & rue p terre: & dix cens mille hōmes tues / combien que Iosephus qui eſtoit iuiſ & prins en la bataille: a qui luy fut ſaulue la vie par Vaſpaſien: pource que luy auoit predit la mort de Ne-



ron & que en brief il seroit empereur de Romme, Dit que en la destru-  
 ction de la ville & cite de Iherusalem mourut tant en la bataille que de  
 la grant famine qui y fut / vnze cens / mille hommes / & cent mille furent  
 prins & furent vendus publicquement, Et peult estre verite & non con-  
 traire a la raison / car alors quil furent assallis cestoit au temps de pasques  
 que tous les iuifz de iudee le assembloiet pour faire leurs phase azimes &  
 pasques / & a tel semblable iour q les iuifz auoient occis & mis a mort no-  
 stre dieu, Cōme tous prisonniers en Iherusalē / furent deffais & tues hō-  
 teusement / pout les enormes rebellions quil faisoient cōtre le peuple rō-  
 main, ¶ Apres la grande victoire contenue par Vaspasien & Titus son  
 filz des iuifz: il entrerent a Romme en grant triūphe eulx deux estant en  
 vng beau cheriot / & Domicien venoit apres monte sur vng beau cheval  
 blanc, Et encores de present sont a Rōme en la voye neufue les enseigne-  
 mens & antiqualles du triūphe / comme les chādeliars les tables de Moy-  
 se de l'ancien testamēt qui estoient au temple de Iherusalē qui furent por-  
 tes au triūphe, Vaspasien auoit telle humanite que neautmoins q fust  
 victeur & triūphateur des iuifz / voulut que tous ceulx qui estoient de  
 la lignee de Dauid / ou ceulx qui estoiet venus & issus de lignee & famil-  
 le royalle fussent honnestemēt traictes & les auoit en grant honneur, Il  
 estoit si clement & doux que aucuns qui cōtre lu y & la chose publique  
 auoient cōmis crime de lese maïeste de parolles les pugniffoit seullemēt  
 en leur remonstrant leurs coulpes & fautes / & puis leur pardonnoit, Et  
 ne tenoit cōpte des mauuaïses parolles qu'on disoit de luy / & ne luy sou-  
 uenoit des inïures / oppropres & inimities qu'on luy auoit faictes / toute-  
 fois il estoit fort studieulx damasser grans trefors, Mais il ne pilloit ne ro-  
 boit les biens d'aultruy & icelles pecunes que affembloit cestoit pour dō-  
 ner: car a donner il estoit fort liberal & magnificque: il fist parfaire le tē-  
 ple de paix que auoit cōmence Claudiuscesar & commença le theatre  
 qui est vne chose amirable qu'on voit encores de p̄sent / il fut reprins vne  
 fois de ses amis pource quil estoit trop liberal & qui donnoit tout: aquoy  
 respondit que nulle p̄sonne ne sen doibt retourner triste de deuāt la face  
 & p̄sence du prince, Et disoit oultre q du iour qui ne donnoit riens il per-  
 doit le iour dung amy / & mourut le second iour de son empire: dont fut  
 faict grāt deul de tout le peuple Rōmain cōme sil eussent tous pdu leur  
 pere, ¶ Cletum pape segouerna si bien en la papaulte q leglise par luy  
 fut fort augmētee, De ce temps estoit sainct Luc medecin de la natiō de  
 Antioche qui scauoit bien les lettres grecques, & fut cōpaignon de saint  
 Pol en plusieurs pelerinaiges que fist saint Pol / il escript vne euāgille  
 qui est fort louee de saint Pol & rediga & mist p̄ escript les actes des apo-  
 stres cōme il auoit veu / & vesquit quatre vings & trois ans: il fut marie  
 en bythime & mourut en cōstāt noble ou fut eleuely, Sainct Philippes  
 estoit en ce tēps en sythie ou p̄scha p̄ l'espace de xx, ans en la foy de Iesus  
 & passa p̄ Asie pour venir en Iherusalē ou mourut, Et aps q saint Clet  
 b, ii,

Des fais de lē-  
 pereur Vaspas-  
 sien,

La liberalite  
 de Vaspasien,

La mort de Va-  
 spasien,

Saint Luc fist  
 les actes des  
 apostres,



De Clement, IIII, pape & premier du nom,

pape eut fait & ordonne, xxv, p̄tres cōe luy auoit cōmande saint Pierre il fut par Domicien martyre & enseuely p̄ saint Pierre, La cinquiesme Calēde du moys de may, Et regna pape Cletus douze ans / vng moys / & vnze iours, Et lors fut le siegē apostolicque vaccāt p̄ l'espace de, xx, iours Et quant il fut martyre furent plusieurs crestiēs avecques luy entres lesquelz fut enuoye en exil flauie domicelle niepce du consul clemēt pour ce quelle estoit crestienne,

◐ Clement premier du nom, IIII, pape de Romme,



De l'epereur  
Domicien,

Lement estoit de la ville de Rōme du car-  
tier de la mōtaigne de Celine: son pere eut  
nom Faustin & fut du temps de l'empereur  
Domician qui fut le neufiesme de Augu-  
ste / & succeda a l'empereur Tytus son tre-  
re: il fut semblable a Neron & caliculle &  
non semblable a Vaspasien son pere: ny a  
Tytus son frere / au cōmencemēt de son re-  
gne par aulcunes annees: il fut modeste &  
continent, Mais subitemēt il cheut en tous  
peches: il fut luxurieulx / paresseux / ireulx  
cruel, Pour lesquelz peches / il cuyda ga-

La paresse &  
oyfuite de l'ē-  
pereur Domi-  
cien,

ster & destirper la vie & renōmee de son pere Vaspasien & de Tytus son  
frere, Plusieurs des nobles de Rōme fist tuer / & les aultres ēuoya en exil  
ou il les fist tuer: il estoit si remis / lache / paresseux / & non challāt / q̄ luy  
seul en sa chambrea tout vng poin sō esgu piquoit & tuoit les mouches,  
Tellement que vng iour lon demāda a vng sien seruiteur de chambre:  
qui estoit avecques luy aquoy il foccupoit: lequel fist telle responce par  
ioyeufete / nully: non pas vne mouche, Et fut si presumptueulx en sa fo-

La cruaulte  
de Domitian  
& de sa mort,

lye quil se fist nōmer & escrire seigneur & dieu: & cōmanda quon lado-  
rast cōme dieu: il fut le second apres Neron qui p̄secuta les crestiens: il  
fist chercher & enquerir entre les iuisz: qui estoient ceulx qui estoient ve-  
nus & issus de la famille & lignee du roy Dauid, tant par tortures questi-  
ons que par tourmens: & iceulx qui furent trouues estre descendus de la  
ligne: il les fist tous tuer occire & destruire, Et tellement incita cōtre luy  
la diuine puissance quil fut tue par ses gens dedans son pallais apres quil  
eut regne par quinze ans empereur de Rōme, & fut infamement enseue-  
ly & enterre par Philix en ses suburnes & faubours en la voye latine, En  
ce temps estoit saint Clement quatriesme pape apres saint Pierre, Car  
Lin fut premier / & Cletus le second / cōbiē que plusieurs latins disent  
qui fut secōd apres saint Pierre comme apert & est signifie par l'espitre  
enuoyee par saint Clemēt a Iacques euesque de Iherusalē disant / quāt  
Symon pierre se vit aproucher a la fin de sa vie luy estāt au meillieu de  
nous freres crestiēs prit ma mai & dit, Le te cōstitue euesq̄ de rōme: car tu  
maseste cōpaignō depuis q̄ feus venu a rōme: mais ie ne voulois prēdre



si grant charge & la fuyoie tant que ie pouoye en me excusant: mais disoit tu conseilleras le peuple de dieu / & aulx grâs vagues & vuides de la mer icelluy peuple cheminant tu consoleras & aideras quil ne perisse en mer, Car tu en as la puissance, Mais ce neautmoins monsieur saint Clement estoit si modeste / doulx / & amyable / & non ambicieux quil prefera & permit estre deuant luy papes, Cestassauoir Lin & Cletus / come dessus a este dit & narre, Saint Clement fist vne epistre au non de leglise de Rome aulx Corinthiens: non moindre que celle que saint Pol fist aulx Esbrieulx, Il fist plusieurs epistres lesquelles ne sont preceus en leglise: pour cause quon ne scait si les a faictes, Et en ce temps monsieur saint Iehan euangeliste filz de Zebedee frere de saint Iacques viuoit encores ce fut celuy qui a escript le dernier les euangilles: apres saint Mathieu / saint Marc / & saint Luc, Lesquelles euangilles par eulx faictes confermer pour abollir & confondre vne heresie des hellioniciens qui disoient que Iesuchrist nauoit point este deuant la vierge Marie, Mais saint Iehan escripuit sa nature diuine & icelle magnifista: quant il fut en exil en lisle de Pathmos par domitien luy estant en icelle isle escripuit lapocalipse.

¶ Apres que Domitien fut tue: lempereur nerua obtint lempire / & tout ce que auoit fait Domitien par le senat de Rome fut reuoque: & par tant saint Iehan retourna en ephese, Apres plusieurs esglises par son commandement construites & edificees: il fut aage & fort vieulx & sen alla de semonde en laultre quarantefix ans apres la passion nostre seigneur, Saint Clement par religion exemple predication & doctrine / couuertit plusieurs payens en la foy de Iesuchrist: pour laquelle cause le prefect Tarquinian & Mamertin laccuserent enuers lempereur Traian: tellement que par le commandement de Traian fut banni & enuoye en vne isle ou estoient deulx mille crestiens qui estoient banis & cōdempnes a mourir & couper le mabre, Or come en icelle isle ny eust point deau / & la failloit aller querir a trois lieulx loing, Saint Clement estant en oraison: vit en vne montaigne vng agneau ioubz lequel pied par sa priere & requeste sortit vne fontaine deau doulce & en furent tous les habitans recrees, tellement que plusieurs payens se conuertirent a la foy Iesuchrist, Et quant Traian le sceut il fist getter saint Clement en la mer / & luy pendirent au col vng ancre de nauire / & incotināt apres / le corps vint au riuage de la mer / ou fut enseuely par les crestiens: & fut faicte vne esglise: de laquelle esglise diuinement sortist vne fontaine: & fut fait la, xix. Calende de Decembre, lan du regne de Traian le troisieme: & fut pape par, ix, ans deux moys &, x, iours, En son temps fist des notaires par sept regions qui escripuoient les faictz & gestes des martyrs: il fist dix prestres aux ordres de decembre & deux diacres / &, xv, euesques / par sa mort le siege de leglise de Rome vacca par, xxii, iours,

Saint Iehan  
euangeliste fist  
le dernier les  
euangilles,

Saint Iehan  
euangeliste alla  
de semonde en  
laultre,

Le pape Cle-  
ment fut enuoye  
en exil,

La mort saint  
Clement,

¶ Anacletus, V, pape, Et premier de ce nom,

b.iii.



Traiam empe-  
reur,



Nacletus estoit de la nation de Grece de la ville de Athenes / son pere eut nō Enthioche, Il succeda a pape Clemēt au temps de Nerue Traiam empereur qui estoit espaignol / son furnom estoit Vulpiē crinitium, Cestoit vng homme fort expert aulx fais de la guerre & submētoit a luy & a lēpire de Rōme tous Roys & puīnces & augmēta beaucoup lempire des Rōmains / il subjuga Armenie / Assyrie / Mesopothomye / Sceleuce / Babyloē / & iusques aulx iudees & la mer rouge / & fist faire nauīres / & ba-

Anaclet ordō  
na q̄ les clercz  
ne porteroient  
les cheuenlx  
ne barbe longz

La tierce per-  
secutiō des cre-  
stiens,

Le martyre  
sainct Ignace,

steaulx pour aller aulx iudees les subiuguer & destruire, ¶ Anacletus apres quil eut este conforme en leglise de Romme, Il ordonna que les euesques ne les clercz ne porteroiēt barbe ne grans cheueulx / & que vng euesque ne seroit sacre du moins que partroys euesques / & que publique- ment les clercz seroiēt appellez a recepuoir les ordres & nom pas secretem- / & commanda apres que le prestre auroit consacre le corps nostre seigneur & vse que tous crestiēs receussēt le corps nostre seigneur / & qui ne le voudroit recepuoir / sen alast de lesglise / & par ce moyē lesglise de dieu croissoit a merueilles, Ce voyāt par Traiam l'empereur que les cre- stiens multiplioient si fort de iour en iour, & que au moyen de ce lempi- re de Romme en pourroit encourir en quelque inconuenient, Lors com- menca la tyrannie / & troisieme persecutiō des crestiēs / ou fut tue & mis a mort grant nombre de crestiens / & entres les aultres sainct Ignace: qui fut troisieme euesque de Antioche / apres sainct pierre fut condempne a estre deuore par bestes sauuaiges & Leons / & ainsi quō le menoit par la ville de Romme & que rencontroit des crestiens: il les cōfermoit en la foy de Iesuchrist, Disant il ne me chault de tous tourmens du feu / des be- stes / ne des diables, Mais que ie voye mon dieu Iesuchrist / & que aye sa fruition, Et quāt il oyt les hurlemēs & tempestes de lyōs qui le venoiēt deuourer, Commenca a dire, ie suis le frument: ie seray moulu entre les dēs des bestes affin q̄ ie soye trouue le paī pur & net, Et mourut en lan de lēpire de traia le, xi, Et les relicqs du corps sōt en antioche, Or ce voyāt p̄ Pline le lecond qui gouuernoit la prouīnce, La grande & cruelle psecu- tion des crestiens escripuit a Traiam l'empereur les innumerables milli- ers de crestiens tues & occis / & que en eulx il ne trouuoit nul mal / ne pe- che / & ne faisoient riens contre les loix Rōmaines / sinon seullement que au matin il chantoient des hymnes a vng qui disoient Crist leur dieu / & qui reprouuoient Laurentius adultaire / & aultres vices qui nestoient en eulx / par quoy Traiam eut pitie & commanda quon ne persecutast plus les crestiens, Mais ceulx qui estoient prins & presentes fussent pugniz / & fut tue & occis en icelle psecution sainct Symon euesque de Iherusalē



filz de Cleophe / & ptant estoit affin de nostre seigneur iesuchrist, Icel-  
luy Symeon fut mis en croix en laage de six vingt; ans; Et ce que cy  
dessus est dict a este faict au temps present non pas au tēps du pape Cle-  
tus comme dict Eusebe au tiers liure de son histoire, Et Damasus dict  
& monstre quil ya grant difference entre Cletum pape & Anacletum  
de la nation / & ausli du genre & maniere de mort / car cletus estoit rom-  
main & soubz Domicien mourut / & Anaclet athēniē soubz traian lem-  
pereur, Icelluy anaclet fist faire vng cymitiere a part pour enterrer les  
martyrs, Et fist les ordres vne fois en decembre ou fist cinq prestres / &  
trois diacres & six euesques en plusieurs lieux / & fut martyre, & lors vac-  
qua le siege apostolique p treze iours, il fut pape p neuf ans / deux moys  
& dix iours,

¶ De Euariste sixiesme Pape & premier de ce nom,



Variste estoit grec filz dūg nomme Iudas  
iuis de la cite de bethleem / & du temps de  
Traian vint a Rōme / lequel traian se mō-  
stra bon iusticier & esqual a tout chascun,  
Pourquoy tousiours depuis quāt on a vou-  
lu faire & creer vng Empereur ou prince /  
on disoit qui soit ausli eueux que fut Au-  
guste & ausli bon que Traian / car il estoit  
si doulx amyable & priue quil visitoit les  
malades & gardoit les conuiues des festes /  
& qui le iuitoit a soupper ou dīner il y al-  
loit volentiers / tellement que son humili-

Traian empe-  
reur,

te & doulceur aucuns la reputoient vice / pource qui se monstroit si fa-  
milier / mais il disoit que vng prince ou empereur se doit monstrier tel a  
ses priuez & familiers, comme Iulian prince les veult auoir familiers &  
priuez, il distribuoit les richesses & honneurs aux gens vertueux & qui  
lauoient bien merite, A nulli ne faisoit iniure / il fist de beaux edifices /  
comme le port de Encōne / & lenuironna de grās & haults murs pour le  
garder des vndes & vagues de la mer: iamaiz en sa vie ne pēsa ne fist que  
ce ne fust pour le biē & vtilite de la chose publique, Et aps quil eut plu-  
sieurs victoires il mourut du flux de vêtre en la ville Isaurie en sceleuce  
Il regna empereur dixhuyt ans & six moys / & furent apportez ses os a rō-  
me / lesquelz furent mis en vng vaisseau dor & mis sur vne colonne quil  
auoit faict faire en vng lieu public que on veoit encores & est de cent  
quarante piedz de hault, ¶ Comme dict Damasus Euariste Pape diuisa  
les tītres de romme aux prestres & ordonna que sept diacres garderoiēt  
vng euesque quant il prescheroit pour la cause & stille de verite / & quō  
ne receust laccusation du peuple contre vng euesque, Il fist trois fois les

La mort de tra-  
ian,

Le sepulchre  
de traian,

b.iiii,



De Alexandre, VII, pape & premier de ce nom,

Gens lettres  
estoyent en ce  
temps,

Du martyre  
du pape Euari  
ste,

ordres en decembre /ou fist six prestres /deux diacres /& cinq euesques en  
plusieurs lieux, En son temps fut papias auditeur de saint lehan euan-  
geliste, Tertulian /& Lactace /Formia /& Quadrat disciples des apostres  
lequel soustint tressort leglise par sa doctrine & industrie contre les he-  
retiques /car come Hadrian lempereur estoit a Athenes y fist son yuer /  
& qui faisoit sacrifier aux ydoles chascun affin quil eust occasion de pe-  
secuter les chrestiens, Quadrat lu y presenta & bailla vng liure appelle  
& intitule le liure de honnestete de la foy & religion des crestiens quil  
auoit faict & compose ou estoit la foy des crestiens /& pareillement aus-  
si fist vng philosophe nomme Aristide, Mais quant Hadrian les deux  
liures commenda & escript au cosul minutien dasie quon ne occist aul-  
cun crestien si n'aparoissoit estre de crime accuse, Aulcuns disent q le pa-  
pe Euariste fut martyre le dernier an de lepire de Traian /mais les aul-  
tres historiens disent qui fut martyre du regne de lempire de Hadrian,  
Apres quil eut tenu le siege apostolique par neuf ans dix moys & deux  
iours, & fut enseuely pres le corps saint Pierre en vaticane la sixiesme  
Calende de nouembre /& vacqua le siege par dixneuf iours,

Alexandre septiesme Pape & premier de ce nom,

Hadrian em-  
pereur,



La tour de Ha-  
drian,

Lexandre estoit rommain & de la ville, son  
pere eut nom Alexandre /il estoit homme  
daage /mais il estoit vieulx par science bon-  
nes meurs & vertuz /& fut au temps de le-  
pereur Hadrian, Lequel au comencement  
persecuta les crestiens /mais puis apres co-  
me sera dict quant il requist leurs religio  
foy & pitie /il fut aux crestiens fort doulx  
& amyable, & les rommains l'appellerent  
le pere de paix, sa femme fut appelee Au-  
guste, il estoit bon latin & bon grec /& ap-  
porta de Athenes beaucoup de liures dont fist vne belle estude /& fist plu-  
sieurs loix /& se delectoit auoir les liures des philosophes, Cestassauoir  
Plutarque /Chermen /Sixte /Agathoncle /Ocnomai /Et pource que les  
Atheniens demandoient des loix il leur en fist composer par Dracion  
& Solon /& leur donna beaucoup de dons /& leur fist refaire vng pot qui  
auoit este rompu & destruit par le fleuve Cephysus, Il fist arome pour  
luy vng sumptueulx sepulchre & vne tour qui porte son nom encores  
quant a present /quon appelle la tour de Hadrian ou se tiennent les pa-  
pes & se fortiffient qui est dessus le fleuve du tybre /& oultre fist la vil-  
le de tyburtine /& fist vng mur en bretagne de huyt cens mille pas qui  
diuisoit les barbares & non subiectz a lempire de romme a ceulx de rom-  
me, Saint Alexandre pape apres plusieurs choses quil fist ordonna &



establit que en memoire de la passion de Iesuchrist deuant quon consacrer le corps de dieu en la messe / quon diroit ces motz. Qui pridie quam pateretur &c. Iusques a ces motz. Hoc est corpus meum, qui s̄ot les motz sacramentaulx. Et oultre institua la maniere de faire leaue benoiste / & quon y mist du sel / & quon dist certaines prais̄ons / & que icelle eaue fust gardeẽ & mise aux eglises & maisons pour chasser les dyables & mauuaises pensees, & si ordonna quon mist de leaue auecques le vin ou calice quant on veult celebrer messe & cōsacrer le corps nostre seigneur, Laquelle chose signifie que nostre seigneur Iesuchrist est conioinct perpetuellement auecques leglise, Et quon fist le pain de quoy on chāte de pure farine de froment ou ny eust point de leuain / & deffendit quon ne cōsacrast plus en pain leue / affin de confondre lopinion des ebionites heretiques, En son temps fut Agrippe dict castor qui fonda par sa science & doctrine les liures & oeuvres de lheretique Basilide, Et mourut icelluy basilide au tēps que Chocebas gouuerneur des iuiſz persecutoit les chrestiens & les tourmentoit de diuers tourmēs, ¶ Mais Hadrian empereur le confondit / & mesmement tous les iuiſz / & leur fist deffence de ne habiter en Hierusalem / ne entrer en la ville, Mais que icelle ville de Hierusalem fust seulement peuplee & habitee des chrestiens, & fist refaire les murailles / & il fist faire de magnifiques & sumptueux edifices / & la fist appeller Heliā de son nom / & y fut constitue sainct Marc qui estoit gentil / euesque de Hierusalem, En ce temps furēt martyres pour la foy de dieu, Saphyra / Anthiochene / & Sabine romaine / Fauorie / Palemō, Herode Athenien, Marc Byzantin & plusieurs aultres, Apres q̄ Alexandre pape eut faict trois ordres au moys de decembre ou fist cinq prestres / trois dyacres / & cinq euesques / en diuerses prouinces, ¶ Il mourut martyre auecques Euence & Theodore dyacres, & fut enseueley en la voye nomētane ou il fut martyre a sept mille de romme, la cinquiesme none de May, Et fut pape par l'espace de dix ans / sept moys / deux iours, Et vacca le siege apostolique par vingt cinq iours,

L'institutio de faire leaue benoiste,

De mettre de leaue au sacrement de la messe,

Institution du pain a chāter de pur froment & nō leue,

¶ De Sixte huytiesme Pape & premier du nom,



Il estoit de Romme, son pere auoit nom pasteur ou comme aucuns disent Heluidie / & fut du temps de Hadrian / iusques a Vere & Annicule cōsules de romme, Cestuy Hadrian est mis & repute entre les bons princes, il fist refaire Alexandrie que les romains auoient destruite / & fist faire Pātheon, Et quant il voulut mourir il fist ces mettres & vers, Animula / vagula / blādula / hospes / comesq; corporis, Quo nunc abibis in loca pallidula rigida nudula, nec

Les vers & mettres de Hadriā plāt a son ame,



De Sixte, VIII, pape & premier du nom,

Gens laïx ne  
doient tou-  
cher aux vais-  
seaulx sacrez,

Ordōnācetou  
chāt le myste-  
re de la messe,

Cōmemora-  
tiō des trespas-  
ses,

Sainct Peleri,

vt soles dabis iocos, Cesta dire en frācoys, Ma petite ame douce hostes-  
se & compaigne de mon corps/ou yras tu a ceste heure/tu ten yrastrem-  
blāt/poureuse / & toute nue aux lieux fāgeux & plains dordures. ne ia-  
mais ne me bailleras ioye ne esbatement / comme tu fais de present, Li  
mourut en la ville de Putelle ou fut enterre Ciceronianne, ¶ Pape Six-  
te ordonna & establit que les gens laïx / & mesmemēt les femmes ne tou-  
chaissent aux vaisseaulx sacrez ne aux corporaulx depuis quil sōt sacrez /  
mais seulement les prestres, lesquelz corporaulx ordonna estre faictz de  
fin lin. Et oultre ordonna que les euesques qui auroient este appelez p  
le pape / quant ilz sen retourneroient ne fussent receuz du peuple / si na-  
uoient lettres du pape / par lesquelles le pape saluoit le peuple, Et quon  
chantaist quant on chanteroit messe, Sanctus sanctus deus sabaoth, Car  
au temps passe on ne le chantoit point, Et quant monsieur saint Pierre  
celebroit messe disoit seulement loraïson Pater noster, Jaques euesque  
de hierusalem / saint Basile & aultres ont augmēte le mystere de la mes-  
se, ¶ Pape Celestin ordonna le commencement de la messe, Sainct Gre-  
goire ordonna Kyrieleyson, Thelephore pape Gloria in excelsis deo &  
les collations, Le pape Gelaise premier du nom / l'espistre & euangille  
Sainct Hierosme, Alleluya fut adioust & pres de leglise de Hierusalē  
& le symbole ou le grant credo fut ordonne par le concille de Nicene,  
Et la commemoration des trespases pape Pelage la fist & ordonna, Et  
le pape Leon troisieme ordonna lencens. Et Innocent premier pape du  
nom la paix, Et Sergie pape Agnus dei, Et lors les francoys qui estoiet  
chrestiens demanderent & requierent au pape Sixte qui leur enuoyast  
vng prelat pour les endoctriner en la foy de dieu, Et leur enuoya pape  
Sixte vng nomme Pelerin citoyen de romme, Et apres quil eut presche  
& conferme en la foy les francoys & galloys / en reuenant a romme il fut  
occis au lieu ou nostre seigneur dieu sapparut quāt saint Pierre sen ala-  
la pour la fureur de Neron, & fut enterre pres le sepulchre de saint Pi-  
erre. En ce temps viuoit encores Aquila iuis qui fut grant interpreteur  
de la loy de Moyse apres les soixante & dix interpreteurs qui furent du  
temps de Philadelphie, ¶ Apres que le pape Sixte eut faict troys ordres  
au moys de decembre / ou fist vnze prestres / vnze diacres / & quatre eues-  
ques en diuers lieux, Il fut martyre & fut enseuely en Vaticane pres  
saint Pierre, Il obtint le siege apostolique dix ans / trois moys / & vingt  
& vng iour, Et le siege de leglise de Rōme ne vacca que par deux iours  
seulement,

¶ Thelephorus, IX, Pape & premier du nom,





Elephorus Pape estoit de la nation de grece: & fut du temps de l'empereur Antho- nin / qui fut extraict de Gaule: & pour sa beniuolence fut appelle pere de paix: fort humain / doux / pitiable / & deuocieux, Tellement qu'on lacomparageoit a Neume Pompilian, Il fist faire deux portz a Rome, Cestassauoir / le port de Terracine & Caiette a ses despens, ¶ Telephore Pape institua & ordonna que six sepmaines deuant pasques on ieuneroit, Et si ordonna qu'on chanteroit au iour de feste & natiuite nostre seigneur trois messes, La premiere a mynuict / que nostre seigneur fut ne en Bethleem, La seconde au matin quant le soleil se veult apparoir / quant fut cõgneu par les pastoreaulx, Et la tierce a plain iour quãt nostre seigneur & redempteur sapparut a nous, Et oultre fist & ordonna qu'on chanteroit deuant que consacrer le corps nostre seigneur lymne, Gloria in excelsis deo, En ce temps estoit Iustin philosophe de Naples: qui composa vng liure contre les prestres: qui donna & bailla a l'empereur Anthonin / & a ses enfans: & vng dialogue quil fist contre Triphon prince des iuiſz: & contre Martion heretique / & en son temps regnoit vne heresie qui senommoit Valentiniane: & disoient ces heretiques que nostre seigneur & redempteur Iesuchrist nauoit riens prins du corps de la glorieuse vierge Marie: Mais par icelluy estoit passe purement comme par dedans vng canal ou fistulle, ¶ Et en ce temps saint Fotin euesque de Lyon / aage de nonante ans: fut pour la foy de dieu martyre, Et apres que Telephore pape eut faict quatre ordres au mois de decembre: ou fist quinze prestres / huict diacres / & treze euesques, Et fut martyre & enterre pres le corps saint Pierre, Il fut & regna Pape vnze ans trois mois / & vingt & deux iours, Et vacca le siege par l'espace de sept iours,

Lordonãce du ieune de karesme,  
L'institution des trois messes du iour de noel,

Saint Fotin  
Euesque de  
Lyon martyr,

¶ Higinie Grec Dixiesme Pape  
Et premier du nom,



Anthoyne le  
piteux,



Higin fut grec: de la ville de Athenes: & son pere estoit philosophe: & fut pape après Tellephore: & fut au temps de Anthoine le piteux, Et pource qu'il fut vng Empereur vertueux sa vertu me contrainct den escrire quelque chose auant que venir a la vie du pape Higin. ¶ Cestoit vng Empereur qui aymoient mieulx garder ses prouinces que les augmēter: & disoit qu'il aymoient mieulx garder vng de ses citoyens que occire ou tuer mille ennemis, Mais le contraire faisoit

Grāde solēnité a dedier les  
eglises,

A baptiser en  
sans vng parai  
& maraine,

Martion heretique,

Domician l'empereur qui estoit bien aise quant y m'estoit ses gens d'armes en perilleuse guerre: afin qu'il nen reuint point a romme, car il haïssoit la multitude de peuple: & craignoit la fureur d'eulx, ¶ Il estoit de si bonne iustice que quant aucuns Roys ou princes faisoient guerres les vngs aux autres: & qui leur madoit qu'ilz cessassent leurs guerres qui de leurs differens & guerres il vouloit determiner & faire droict, Incontinent cessoient & de luy sen alloient tous contens, ¶ Higin pape de Rome fut si prudent qui reduisit le clerge de romme de degre en degre: & ordonna que sans grant solennite les eglises ne fussent dediees: & ne fussent augmentees ne diminuees sans l'auctorite de leuesque ou metropolitain, Et deffendit que les demourans du boys ou pierres qui auroient este a dedier ou faire eglises ne fussent couverts a edifices ou choses profanes, Mais seulement a la construction ou edification d'une autre eglise ou monastere par la permission de leuesque & non autrement, ¶ Et ordonna vng parain & vne maraine a tenir les enfans au sacrement de baptisme, Et oultre ordonna que vng archeuesque ou metropolin de autre eglise ne condāneroit vng euesque luy seul sans appeller les euesques de la prouince, Et que la cause fust discutee & cōgueue entre eulx, Mais aucuns ont voulu dire que pape pelage fist ceste ordonnance, ¶ En ce temps estoit saint Policarpe disciple de saint Iehan euangeliste: euesque de Smynee/homme de grant science & doctrine, Et vint a romme ou reduysit plusieurs qui estoient deceuz par les heresies de Martion & Valentinien, Et vne fois ainsi que saint Policarpe alloit son chemin/il rencontra Martion qui luy demanda si le congnoissoit point, Et lors saint Policarpe luy fist responce qu'il le congnoissoit le premier filz du dyable: car il disoit que Iesuchrist n'estoit pas filz de dieu le pere createur: & depuis il fut brusle comme heretique, ¶ En ce tēps regnoit vne autre heresie de Hermogene, Mais Higin pape fist troys ordres au moys de decembre: & fist quinze prestres/ & cinq dyacres/ & six euesques, Il trespassa & fut enterre pres saint Pierre en vaticane la troisieme yde de Ianuier, Il fut pape par quatre ans/troys moys/ & quatre iours, & vacca le siege de leglise de romme par quatre iours,





Le Pape estoit ytalien du pays Daquilee,  
Son pere auoit nom Ruffin: & fut du tēps  
de Marc Antonin, Cestuy Antonin tint  
l'empire de Rōme auecques son frere Au-  
relie commode par, xix, ans: & triumphē-  
rent des Parthiens, Et peu de temps apres  
Commode frere de Antonin mourut dū-  
ne maladie de apoplexie, Et par ce moyen  
Antonin gouerna l'empire tout seul, Et  
estoit si constant & modeste q̄ iamaiz pour  
guerre ou fortune ne mua ou chāgea sō vi-  
saige ne sa cōplexiō / & estoit tousiours dū-

Anthoin em-  
pereur,

ne forte: il estoit grāt clerc, Frō to fut son maistre qui estoit grāt orateur,  
Et pour la sagesse de Antonin chascun l'appelloit philosophe: car il di-  
soit tousiours ceste auctorite de Platon. Si les empereurs estoient phi-  
losophes / ou les empereurs vouloient philosopher ou estudier en philo-  
sophie: lors on verroit les villes & citez en toutes vertuz croistre & flou-  
rir, Il estudia soubz le philosophe Apolloniū & Sexte nepuēu de Plu-  
tarque: & fist faire a son maistre Frontin vne ymage & statue au capitol  
le: pour luy dōner hōneur / pource qu'il auoit este son maistre & prece-  
pteur. ¶ Le pape pie cōuersoit & auoit grant familiarite auecques vng  
grāt clerc nōme Hermes: leq̄l fist vng liure qui nōma le pastoral: qui dō-  
na a Pie: ouq̄l liure disoit que l'āge en guise d'ung pasteur ou bergier luy  
mādoit que la feste de pasques fust celebree au iour du dimēche, Ce que  
fut depuis faict & ordōne p pape Pie. ¶ A la requeste & priere saincte  
Praxede / dedia vne eglise ou lieu ou estoiet les estuues de nouat / en lhō-  
neur de saincte Pudentiane / seur de saincte Praxede: & y fist plusieurs  
dōs: & y celebra messe p diuerses foyz / & y fist des sōs q̄ luy mesmes be-  
nist / & plusieurs y baptiza au nō de la trinite, Et ordōna penitēce aux p-  
stres qui sōt negligēs / quāt ilz celebrēt la messe q̄ par leur faulte laissent  
cheoir du calice du sāg de Iesuchrist. Si le sāg chet a terre doiuet faire pe-  
nitēce p, xl, iours, si chet sur le linge p, iiii, iours, & si tūbe en aultre linge  
p, ix, iours, & en q̄lq̄ lieu q̄ le sāg soit cheut / on le doit a la lāgue leicher  
si se peult faire: ou q̄ le lieu soit nettoye / & la nettoyeure soit bruslee / ou  
mise en garde en lieu saict auecqs les reliqs. ¶ En sō tēps fut Apolinar-  
re euesq̄ hieropolitain: leq̄l fist vng liure de la foy de dieu / & le dōna a lē-  
pereur anthoine secōd, & fist dautres liures cōtre les heretiqs qui disoiēt  
q̄ le saict esperit nestoit poit venu aux apostres, En ce tēps regnoit vne au-  
tre heresie / quō disoit seueriane / dicte a seuerie aucteur de lheresie, Et ne  
mēgeoiēt chair ne beuuoiet vin / & ne tenoiēt poit le vieil testamēt, Et de  
puis q̄ pape Pie eut faict au moys de decēbre, v, ordres: ou fist, xix, p̄stres  
xxi, diacre: &, x, euesqs, il mourut & fut eterre pres le sepulchre saict Pi-  
erre, la, v, yde de Iuillet, & fut pape par, xi, ans, iiii, moys: &, iiii, iours, Et  
vacca le siege par, xiii, iours,

Hermes

De celebrer la  
feste de pasqs,

La penitence  
des p̄stres qui  
laissent tumber  
du sāg de Iesu-  
christ en cele-  
brant,

De lheresie se-  
ueriane

ci,





Nicet estoit de la nation de Syrie, Son pere auoit nom Iehan de vico murco: ou cōme diēt Damafene de humisia, Il fut au tēps dantonin / cōme iay diēt cy deuant en la vie de pape Pie. Cestuy Antonin tousiours estudioit en philosophie: ne pour guerre ne bataille quil fist ne laissoit a philosophe, Il vainquit en bataille les Germain marcomanes / les Scades saramathes & diceulx avecq̃s son filz Cōmode les subiuga / dont il eut a Rōme grā triumphes,

¶ Vne fois quāt cestuy empereur voulut aller a la guerre / & nauoit argent pour stipēdier & souldoier ses cheualiers & gēs darmes: fist prēdre tout son biē: cest assauoir ses ioyaux / bagues / & mesmement ceulx de sa femme: fist tout porter au marche publicque a Rōme / ou lieu nomme le marche de Traian / & au plus offrant les fist vēdre & deliurer: & dicelle pecune paya ses gēs darmes: mais quant il fut reuenu de la bataille triūphateur de ses ennemys: a ceulx qui auoient achapte de ses biēs meubles bagues / & ioyaux / leur rendit largēt: & aux aultres qui ne voulurēt recepuoir largēt ne rendre les biēs quilz auoiēt achaptez: non pourtant ne leur en fist aulcune griefue ne mauuaise chere, Il fut liberal a tous / tellemēt q̃ les tribuz que luy deuoiēt aulcunes puīces leur remist & quitta les papiers ou estoient escriptz les biens a luy confisques: les fist tous apporter au lieu & marche publicque / & les fist brusler,

¶ Il fist des constitutions & loix qui deroguerent & furent plus douces que celles quauoient faictes ses predecesseurs empereurs qui estoient trop seueres & cruelles: & pour les grans biens qui faisoit au peuple de Romme, Il fut tant ayme que vng homme estoit repute sacrilege qui nauoit en sa maison son ymage & remembrance,

¶ Le pape Anicet affin que leglise rommaine par lasciuete daulcuns clerz & gens deglise / par leur deprauē & mauuaise coustume ne fust deshonoree: ordonna que nul clerc ne portast grās cheueulx / selon le cōmendement de Lapostre, Et pareillement ordonna que pour consacrer vng euesque seroiēt troy euesques du moins, Laq̃lle ordōnāce & statut apres furent confermez par le Synode & conseil de Nicene, Et quant on consacrerait vng archeuesque metropolitain / tous les euesques de la puīce ilz seroiēt appelez & doiuent y estre, Et oultre cōme diēt Tholomee / ordonna que vng euesque ne pourroit accuser de crime son metropolitain / sinon par deuāt le primat ou le saint siege apostolique, Laquelle ordonnāce & statut / le Synode de Nicene & lauctorite des papes ont confermee, Il institua aussi que les archeuesques ne sappelleroyent point primatz / sinon par tiltre singulier: car iceulx par leurs meri

La douceur de  
Antonin,  
Anicet statua  
aux p̃stres ne  
porter grans  
cheueulx,

De consacrer  
vng archeuesque,



tes sappellent patriarches/les aultres archeuesques/ ou metropolitains.  
**¶** Au temps du pape Anicet vint a Romme Egisippus/ comme il dict & afferme/ qui dict ledict Anicet estre dixiesme pape apres saint Pier-  
 re/ & y fut iusques a Eleuthere/ qui fut dyacre de Anicet, Cestuy Egi-  
 sippus loua fort la foy de dieu/ & fist plusieurs liures & histoires: depuis  
 la passion nostre seigneur iusques a son temps: quon appelle lhistoire ec-  
 clestiastique, Il escript contre les ydolatries qui faisoient tombeaulx & tē-  
 ples aux mors/ comme fist lempereur Adrian: qui en lhonneur de son  
 seruiteur nomme Antinoy: lequel il auoit & vloit en ses delices: ordon-  
 na estre faicte vne agōne & bataille en la ville Antinoy: laquelle auoit  
 faict edifier au nom de son seruiteur/ & au nom de luy la fist appeller,  
 Et y fist & ordonna des prophetes qui estoient au temple, aulcūns disent  
 que en ce temps estoit saint Denis, **¶** Les historiens sont fort variables  
 en leurs escriptures, Les aulcuns disent que pape Anicet fut deuant pa-  
 pe Pie: & les aultres mettent pape Pie: & pourtant sont les histoires va-  
 riables & incertaines du temps, Mais quelque chose que ce soit pour lan-  
 tiquite de lystoire & negligēce des historiographes qui estoient pour  
 lors: il souffist les choses qui sont aduenues vng peu deuant ou apres les  
 escrire que du tout les laisser, Apres que la pape Anicet eut faict cinq  
 ordres: lesquelles il fist au moys de decembre: ordonna & crea dixneuf  
 prestres/ quatre dyacres/ & neuf euesques, Il fut martyre & enseuely au  
 cimitiere de Calixte/ en la voye Appie: la quinziēme kalēde de May,  
 Et obtint le siege apostolique par quatre ans/ quatre moys/ troys iours,  
 Et fut le siege vaccant apres sa mort par l'espace de dixsept iours,

Egisippus hi-  
 storien

Saint Denis  
 fut en ce tēps,

**¶** Soter treziēme Pape & premier de ce nom,



Oter estoit de la nation de Campanie du  
 pays de Fonde, Son pere auoit nom Con-  
 cordio, Il fut au temps de Commode: leq-  
 l fut a tous incōmode, comme dict Lamprī-  
 dius & Neustreus: commun auecques son  
 pere sinon qu'il battilla cōtre les Germais  
 cōtre lesqz fut fort eueux au moyen des  
 cheualiers chrestiens qui luy ayderēt en la  
 bataille: Car en lost de lēpereur Cōmode  
 y auoit grāt faulte deaue, Tellemēt q son  
 ost & exercice lāguissoit: & p les prieres  
 des chrestiens grāt habōdāce deaue du ciel

Lēpereur Cō-  
 mode,

descendit/ & par la grant habondance des eaux les Germais & les Sara-  
 mates furent noyez & perilz, Laquelle chose auoit atteste par lettres pa-  
 tentes ledict Cōmode empereur/ & depuis qu'il eut eu victoīre des ger-  
 mains & sarmates retourna a Romme ou il vesquit auecques toutes luz-  
 xures obscenites & ifames: & nauoit en luy ne pitie ne vertu: mais se ex-  
 tercoit comme faisoit Neron a batailler & battre auecques les bestes en

c.ii,



lamphiteatre avecques gens infames, Il fist tuer plusieurs senateurs & mesmement les plus nobles saiges & industrieux, Mais le pape Sother mettoit sa cure & entendement du tout a faire statuz diuins, ¶ Il ordonna & institua que les nonnains netoucheroient point a lautel/ne porteroient lencens sur lautel quant on feroit le sacrifice, Il institua pareillement comme il appert par vne epistre quil enuoya aux chrestiens ditahic/que vne femme ne seroit point solempnellement mariee/ne legittimement si le prestre ne la benissoit:& que les parès dicelle avecques pōpes solempnelles a la coustume des chrestiens la baillassent au mary:& que les paranymphes la gardassēt, Et icelluy statut auoit faict pour plusieurs superstitions quon faisoit aux mariages pour obuier aux perilz & ars magiques quon y faisoit. Mais neantmoins Gratian dict que ce decret icy fut faict par le pape Euariste: mais ie laisse aux hians a qui il le voudront attribuer/ou a Sother/ou a Euariste, ¶ En ce temps estoit saint Denis euesque de Corinthe, & comme dict Eusebius: qui fut de si grande & merueilleuse industrie & eloquence/que non pas seullemēt les euesques de sa ville & prouince/mais le peuple des aultres prouinces/par ses epistres endoctrinoit:il fut instruit de la doctrine de saint Pol lapostre, En cētēps aussi fut Theodosien Dasie disciple de Tatian qui escripuit a la louange de la foy chrestienne plusieurs liures, Il cōfondit Appellex heretiқ/qui disoit quil ignoroit le dieu quil adoroit, Cest heretique appellex disoit que nostre seigneur Iesuchrist nestoit point dieu en verite:mais quil estoit apparu homme en fantasie, Aulcuns disent que en ce temps nasquit & vint lheresie Cataphrygaron qui eut cōmencement par vng nomme Montanus, En ce temps fut Clemēt euesque Dalexandrie:il fist plusieurs liures/& son disciple fut Origenes:fut pareillement Pineton du pays de Crete:qui fut fort eloquent/& Heroan Gramairien, ¶ Apres que le pape Sother eut faict cinq ordres ou moys de decēbre:ausq̄lles fist, viii, prestres, ix, dyacres, xi, euesq̄s, Mourut & fut enseuely au cymitiere de caliste en la voye dappie, Il fut pape par, ix, ans, iiii, moys, xxi, iour, & vacca le siege apostoliқ, p, xxxi, iour, ¶ Eleuthere, XIII, Pape & p̄mier de ce nom,

L'institution  
des nopces  
folepnelles,

Saint Denis,

Appellex  
heretique

Le capitol  
de rōme  
brusle p  
foudre



Leuthere fut de la nation de Grece:& du pays Nicopolitain: Son pere auoit nom Abondio:& fut au temps de Anthonin Commode Empereur:la vie duquel empereur fut si infame villeine & detestable: que la ville de Romme en receut plusieurs peines & ruines: car en son temps le capitolle par fouldre & tempeste fut brusle/& les liures q̄ les anciens auoient avecq̄s grāde diligēce escriptz:& faitz escrire:qui estoiet en vne belle estude furent pareillemēt



bruslez: dont fut dommaige: & les maisons qui estoient aupres du capitol:  
le, Et depuis laquelle fouldre fut mis vng aulre feu a romme ou furent  
bruslez les temples de la deesse Vesta: & le grant palays de Romme, Et  
fut quasi brusle lamoytie de Romme/ou furent pdus beaucoup de biens  
car tout se brusloit depuis tout le hault iusques au bas, ¶ Cestuy empe-  
reur commode fut si fol & temeraire qui fist oster leffigie & ymaige re-  
presentant sa teste qui estoit mise & apposee au coulonsier & theatre: & y  
fist mettre vne effigie & ymage en forme dune grosse teste a sa semblan-  
ce & portraicture, Et si voulut par sa folie & temerite faire nommer le  
moys de decembre & appeller Commode: & comme auoit faict Augu-  
ste cesar le moys daoust. Lesquelles choses apres sa mort furent abrogees  
& mises au neant/ & depuis appelle lennemy du genre humain, Car sa  
vie fut trop odieuse aux viuans pour ses vices & infametes quil faisoit/ &  
faisoit faire commettre, Il fut estranglé en la maison de la deesse Vesta  
apres quil eut occupe lempire par douze ans/ & sept moys, ¶ Eleuthere  
pape qui fut successeur du pape Sother: receut lettres & epistres du roy  
de bretagne nomme Lucian: par lesquelles il requeroit ledict Eleuthe-  
re pape quil voulust le recepuoir luy & les siens au nombre des chrestiens:  
parquoy le pape Eleuthere enuoya p deuers le roy de bretagne Lucia,  
Cestassauoir Fugasse & Damien: qui estoient deux gens de bien/ & bons  
chrestiens/ qui introduyrent & monstrerent au roy & au peuple la foy  
chrestienne: & depuis icelluy roy & peuple baptiserent: & en ce temps la  
estoient en bretagne, xxv, pontifices & euesques/ quon appelloit flami-  
nes: entre lesquels y en auoit troys quon appelloit archiflammes: au lieu  
desquels depuis comme dict Tholomee/ troys archeuesques ont este co-  
stituez/ & au lieu des prothoflammes furent instituez en la premiere  
eglise patriarches, ¶ Et ordonna le pape Eleuthere pour euer les su-  
pstitutions que nully ne refusast a manger de toutes manieres de viandes q  
humaine nature voudroit & appeteroit manger, Eten oultre fist &  
establitvne ordonnance/ que nully ne fust de son degre & dignite ou of-  
fice: mis ne deboute dehors/ sil nestoit accuse/ & quil fust conuaincu de  
quelque crime ou faulcete: a lexemple de nostre seigneur Iesuchrist, Le  
quel souffrit & endura lerreur & mauuaistie de Iudas: pource quil ne-  
stoit conuaincu/ combien quil en fust du tout coupable: mais non con-  
uaincu/ nostre seigneur le porta & endura patiemment, Et quelque cho-  
se que fist Iudas ce pendant pour lhonneur de la dignite que dieu luy  
auoit bailliee & donnee comme apostre & disciple/ fut declaire bone &  
vaillable, Et pource prohiba & deffendit le pape Eleuthere que quat  
adiendroit que quelcun voudroit accuser vng aultre de crime ou aul-  
tre malefice/ que se laccuse nestoit present & absent que riens a lecontre  
de sa cause ne fust dict ne ordonne en aulcune maniere par sentence, Ce  
que depuis fut dict & conferme par le pape Damasus, ¶ Au temps du  
pape Eleuthere/ paix/ & tranquillite fut a leglise Chrestienne / & la  
c,iii,

La folie de cō-  
mode epereur

Cōmode fut  
estranglé,

Lucian roy de  
bretagne,

Eleuthere or-  
donna men-  
ger de toutes  
viandes



Apollone  
martyr,

Galien le me-  
decin,  
Iulian legisla-  
teur,

foy chrestienne fut grandement exaulcee par toute la terre. Et mesme-  
ment en la ville de Romme: car les plus riches & les nobles de la ville  
de Romme se conuertirent a la foy de dieu / & se firēt baptiser auecques  
leurs femmes & enfans, Mais Appolone qui estoit grāt orateur pour la  
foy de dieu receut martyre, Et au parauant le martyre il declaira les lou-  
enges de la foy chrestienne / qui estoit vne chose capitale aux chrestiens  
en ce temps la, Et apres la mort & martyre de Appolone nasquirent &  
fourdirent grans heresies: & mesmemēt la sexte heresie du martyre qui  
estoit en plusieurs pars diuisee: car les aulcuns disoient quil n'y auoit q̄  
vng commandement: les aultres deux: & les aultres troys natures, Et en  
ce temps furēt deux mauuais heretiques, Cestassauoir / Florin & Blof-  
que: qui contre la foy & verite disoient par fictiōs & māteries / que dieu  
auoit cree mauuais choses qui est contre lescripture saincte qui dict,  
Deus omnia bona fecit, Cestassauoir dieu a faict tout bon, ¶ En ce tēps  
regnoit grant heresie qui sappelloit colitaine: qui affermoient dieu na-  
uoir cree mauuaise chose contre les dictz de dieu, Ego sum deus creans  
malum, ¶ Aulcuns disent que en ce temps la regnoit Gallien le mede-  
cin / & Iulian le grant legislateur / Frontonne le recteur & aultres: lesq̄lz  
pour la turbation & variation des histoires & du temps / ie ne veulx as-  
fermer ne iurer qui fussent de ce temps, ¶ De Modeste & de Bardefaine  
ie afferme qui furent de ce temps la: dont lung escripst cōtre lheretique  
Martion, & lautre contre Valentiniā, Combien quilz eussent este leurs  
sectateurs / neantmoins depuis les confondirent, Lequel sainct Hieros-  
me appelle tres prompt a dire: quant il vit ce quil auoit escript en lāgue  
sirie / & depuis translate en disant, Si telle force & vertu est en linterpre-  
tation nous creons estre au propre langage, ¶ Apres que le pape Elu-  
taire eut faict troys ordres au moys de decembre / & eut faict & cree dou-  
ze prestres / huict dyacres / quinze euesques / mourut & fut enseuely auec-  
ques le corps sainct Pierre la septiesme Kalende de Iuing, Et regna pa-  
pe par quinze ans / troys moys / deux iours, Et lors vacca le siege apostoli-  
que par lespace de cinq iours,

¶ Victor quinziemesme Pape & premier du nom,



Helie ptinax  
empereur,

Victor fut de la nation de Aphrum: son pe-  
re auoit nom Felix: & fut au temps de He-  
lie le pertinax: qui fut faict & esleu de par  
les senateurs de Romme Empereur, Lors  
quil estoit prefect de Romme en laage de  
septente ans, Apres quil fut cree & consti-  
tue empereur / fut requis & prie quil fist sa  
femme Auguste / & que on appellast son  
filz Cesar, Ce que ne voulut promettre, di-  
sant quil souffrisoit q̄ luy seul fust epereur  
contre sa voulente, Et cōme soit ainssi quil



neft riens plus vil & infame avng empereur que le vice d'avarice: icelluy Helie fut fort avaricieulx & reputé illiberal trop chiche, Car il estoit li chiche que aulx conuis & bancquestz qu'il faisoit: ne faisoit mettre ne apporter que la moytie de herbes/ de lettus/ & de chardons tant estoit avaricieulx/ & chiche: par quoy fut tue & occis: par Iulian legiste: luy estant au palais: & ne regna que six mois, Cestuy Iulian fut apres empereur & sept mois apres fut par bataille cruelle veincu & occis: par Severe pres le pont de milue, ¶ Le pape Victor fist & ordōna que la feste de pasques seroit faicte & celebree au iour de dimenche: ainsi que auoit voulu faire le pape Eluthere, Comme dit Damase, De la quatorziesme lune du premier mois iusques a la, xxi, lune, Et Theophile euesque de palestine obtēpera a iceulx itatutz & desirs: & fist vng liure & escripst cōtre ceulx qui celebrent la feste de pasques a la quatorziesme lune: cōme faisoient les iuiſz, Mais Policrate euesque de Ephese fut daultre oppiniō: tout cōtraire: disant que la pasque se celebrera la quatorziesme lune: comme les iuiſz: & disoit nous celebrerons la pasque sans riens adiouster/ ne diminuer: selon la vielle & anciēne auctorite de laict Iehan apostre de dieu, Ceste oppinion auoit tenue saint Phelippes: qui est mort en hyerapoli, Et pareillemēt saint Iehan qui sur la poictrine nostre seigneur reposa/ & dormit, Saint Policarpe trāseas melito & narcisus: qui furent euesques de Iherusalem, ¶ Et oultre ordonna le pape Victor que en toutes eaulx les enfans fussent baptises en temps de necessite ou aultres si le demandoient a estre baptises, Et pour la solemnite de la feste de pasques a quel iour debuoit estre celebree furent diuerſes oppiniōs: & mesmement entre les euesques de leglise Dacie: la fut la chose mise au conseil de nycene/ par le quel fut ordonne que la feste de pasques se celebreroit apres la quatorziesme lune: affin que les chrestiens ne aprinsent & fussent veus ymitateurs des iuiſz, ¶ Au temps du pape Victor furent plusieurs grans clerctz: comme Appion qui fist vng liure nomme Exameron. Et regnoit vng nomme Polisamoteus hereticque: qui disoit q̄ nostre seigneur dieu Iesus nostre sauveur nauoit este que vng homme tout cōme vng aultre, Sextus & Ambianus docteurs composerent des leure de la resurrection en augmentant & soustenant la foy crestienne: & mesmement le pape Victor fist plusieurs liures de la foy crestienne. Apres lesquelles oeures mourut & fut ensepueli pres monsieur saint Pierre en vaticane/ du quel saint pape on celebre la feste la cinquiesme Calende du mois Daoust: il fut pape dix ans/ trois mois/ dix iours/ & vacca depuis le siege apostolicque par l'espace de douze iours,

La mort de l'empereur Helie,

En quel tēps en debuoit celebrer la feste de pasques,

Victor ordonna en tēps de necessite baptiser les enfans en toutes eaulx,

Appion,

¶ Zepherin, XVI, pape, & premier du nom,

c.iiii,



Lépreux Se-  
uere,



Zepherin  
institua rece-  
voir les saintz  
ordres public-  
quement,

Institua le  
iour de pasq's  
recepuoir le  
corps nostre  
seigneur,

Epherin Pape fut de la nation de Rom-  
me son pere eut nom Habunde / & fut au  
temps de l'empereur Seuere : natif du cha-  
teau nomme Lepti: & fut fait Empereur:  
apres la mort de Iulien, Premièrement il  
fut pcurer fiscal, Depuis eut l'office tri-  
bunal militante: & tellement que paruint  
de degre en degre: tant quil a este Empe-  
reur: il fut homme fort chiche & mal de sa  
nature: & eut de grans guerremes: il se def-  
fendit vaillamment: & augmenta fort la  
chose publique / tât par guerre que par let

tres: car il fut grât philosophe: il batailla & desbella le peuple de Parthes  
& adiabenes: & subiugua les Arrabes: tellement que de leur region il fist  
vne prouince Romaine, Et diceulx triumphe a Rome: come apert  
encores en lart triumphal: qui est a Rōme soubz le Capitolle: ou il se fait  
appeller / a cause de ses triumphes / Arrabis / Pertiens / & Adiabeniās, Et  
fist la de grans edifices: par quoy Rome fut fort decoree & aornee, Car  
il fist les estuues appeller Seueriennes: & oultre edifia le Septizone: qui  
est pres du tresgrant cercle / qui est entre la montaigne Celine & Palati-  
ne, Lesquelz edifice ne sen fallut gueres que ne fussent abbatus: par le cō-  
mandement de Pape Paule second du nom, Mais il y sont encores de  
present, ¶ Le pape Zepherin: qui ne faisoit aultre chose que vacquer  
pour la foy crestienne: & au diuin sacrifice ordonna que les prestres rece-  
ueroient leurs ordres en la presense des clercz: & hommes la yz crestiens:  
ce que depuis apres fut conferme: par le concille Calcedonien, Et oultre  
ordonna q le sang de nostre seigneur se sacreroit en vng vaisseau de voir-  
re: non pas en vaisseau de bois: comme se faisoit au parauāt, Mais icelle cō-  
stitution & ordonnāce: depuis apres fut abrogee / ostee / cassee / & abolie  
Cestassauoir que le sang nostre seigneur ne se feroit point en vaisseau de  
voirre: pour la grande fragillite de la nature / ne en bois pour les porres /  
& fendalles qui sont au bois / ne en metal / ou cuiure / pour cause de la mau-  
uaise odeur que rend le vaisseau fait de cuiure / ou metal, Mais seroient  
fais calices dor / d'argent / ou destain: aulx quelz on consacreroit le sang de  
nostre seigneur: comme appert par le concille fait & celebre en triburiē-  
se & a Reniēce, ¶ Itē ordonna le pape Zepherin que chascune person-  
ne depuis q viendroît en aage pubere & de discretion que recepueroient  
le iour & feste de pasques: le corps nostre seigneur publicquement: ce q  
depuis fut conferme par le pape Innocent troisiēme & adioust qu'on se  
confesseroit de tous ses peches, Et oultre fut dit & ordōne q vng euesque  
ne pourroit estre condempne par son archeuesque / metropolitain / patri-  
arche / ou primate: combien quil fust accuse en iugement: sans lauctorite  
apostolicque, ¶ En son temps fut Heracle qui fist plusieurs cōmentz sus



les liures de lapostre, Et Maxime qui fist de belles questions: lesquelles depuis furent rediges en vng beau liure, Et aussi estoit en ce temps Candide qui fist & composa Hexameron, Et Origene grant docteur qui fut du temps que lempereur Seuerus auoit ia regne par dix ans, Lequel Seuerus re psecuta fort les crestiens & fist occire & martirer Leonide pere de Origene: lequel origene estoit fort ieune enfant: lors que son pere fut martyre: & icelluy amonnestoit & enhortoit de souffrir & endurer le martyre pour la foy de Iesus: ce q̄ fist, Et depuis: luy & six de ses freres euesques, sa mere veufue: & pouure: pource que tous leurs biens auoient este confisques: pource que confessoient Iesuchrist estre vray dieu, Icelluy Origene tint escolle de grammaire: & de ce que pouoit gaigner a monstrier la grammaire: il nourrissoit sa mere: & les six freres euesques, Vng nomme Plutarque fut son escollier: & disciple: qui depuis fut courrone par martyre, Origene estoit plaide grãde doctrine: & preschoit: il fut de si grãt entendement quil parloit toutes langues: & si escripuoit toutes lettres: il vsoit de grande abstinence au boyre: & au menger: & aulx choses daultuy: il ensuiuoit la pouurete nostre seigneur dieu: & par auchunes annees il chemina piedz nulz: comme imitateur de Iesuchrist: & fist ce que leuangille dit: cest assauoir q̄ plusieurs sont chasties pour auoir & acquerir le royaulme des cieulx, Et combiẽ quil fust ieune se fist chastier, Et plusieurs crestiens & crestiennes furent martyres: & souffrirent le martyre de bon couraige p la vertu de Origene, Et entre aultres Potamiãne fut martyree: & fut mis sa teste en poix chaulde, ¶ Apres q̄ Zepherin eut fait quatre ordres au moys de decembre ou fist, xiii, prestres/ sept diacres/ & xiii euesques: il mourut au temps de lempereur Seuerus & fut enterre ex la voye de Appie: au pres du cymetiere de caliste, La septiesme Calende de Decẽbre: il fut pape huyt ans/ sept moys/ dix iours/ & le siege apostolicque vacca par six iours seulement,

Leonide pere  
de Origene  
fut martyre,

Nota de orige  
ne,

Saincte pota  
mianne mar  
tyre,

Caliste, XVII, pape & premier du nom,



Aliste pape estoit de Romme son pere eut nom Domicien & fut au temps de lempereur Seuerus: auquel fortune mua son mauuais courage: & fut apres Neron la cinquieme tyrannie: & persecution: que fist aulx crestiens, Mais il fut si fort agite: & trauaille de batailles: & guerres: quon luy fist en plusieurs pays/terres/ & puinces quil cessa a psecuter les crestiens, Car en Syrie Posenne le noir se rebella: & fist de grans tumultes contre lempereur des Rommains: & aussi fist en ce mesme temps Clodio Al

La cinquieme  
persecutiõ  
des crestiens,



De Caliste, XVII, pape & premier du nom,

La mort de l'empereur Seuerus  
 De la mort de Bassian empereur.  
 L'institution des iunes des quatre temps.  
 De faire les saintes ordres aulx quatre temps.

bino en Gaule, Mais fut par Seuerus empereur vaincu en bataille, Et après sen alla en Bretagne: ou luy faillirent tous ses amis & alies: parquoy receut de variables fortunes/ & fut tant affemé & affligé/ q̄ de depit mourut en Gaule en Burac, Apres quil eut regné Empereur par l'espace de, xvii, ans: & delaiſſa deulx enfans masles, Cestassauoir Bassian: & Geta: lequel Geta depuis fut appelle ennemy publicque: & comme fut condempné & villainement occis par la sentence du ſenat: pour ses crimes/ & infametes/ dont estoit rempli & contamine: que aussi il auoit tue/ occis/ & meurtri de ſa main: vng grant homme debien nomme Papinian iurifconſulte/ & grant clerc/ bien fame/ & renommé a Rōme, Mais ſon frere Bassian: par le moyen du ſenat: fut fait empereur, en prenant le nō de Anthoine/ & fut ſurnōmé caracalle: pour la facon des robbes ainſi appellees q̄ auoit donnees au peuple Rommain, Cestui empereur fut plus infame & libidineulx q̄ ne fut ſon pere/ cōbien quil le fuſt trop: mais ne autmoins ne laiſſa infamete ne villennie de luxure ou aultre peche: ou ne fuſt entache & ſouille par ſa villaine vie quil menoit. Car il tua comme aucuns diſent ſon propre frere Geta, combié quil fiſt pour luy vng triumphie & en ſon nom, Il eſpouſa & print a femme ſa belle mere monerque ſeconde femme de ſon pere: il ne laiſſa riens de ſes faiſ dignes de memoire: ſinon quil commēca les termes & eſtuues appellees Anthoni- nes: leſquelles y commenca: & Alexandre l'empereur les paracheua, Cestui empereur condempna pluſieurs a mort pource quil auoiēt vrinc & piſſe contre les ymages & ſtatues. Et ainſi que faiſoit guerre a ceulx de Parthe il fut tue & occis près de la ville de Edeſſen & caras/ par ſes ennemis ainſi quil estoit deſcendu de deſſus ſon cheual pour vriner: & ne regna que ſept ans empereur. ¶ Le ſainct pape Caliste voyant les Empereurs ſi viciulx & remplis de cruaultes estoit en grande agonie/ & perturbation de ſon eſperit: mais neautmoins perſeuera a touſiours acheuer ſe que auoit encommence/ pour la foy creſtienne augmēter. ¶ Il ordonna que les creſtiens feroiēt ieufnes & abſtinences trois fois lan, Cestassauoir au iour de ſamedy: ſans menger/ pain de froment/ ne vſer de vin/ & huille: en enſuiuant le prophete, Cestassauoir le quatrieſme mois: le ſeptieſme: & dixieſme: & ſelō lan & couſtume des Hebreulx, mais puis apres ſes ieufnes furent aultrement eſtabliez: & furent ordonnees eſtre ieufnes par les quatre temps de l'ā: qui ſont diuiſes en Ver: qui eſt le prin- temps/ en leſte/ en automne/ & en yuer: & aux quatre tēps de lan fut ordō- ne qu'on feroit les ſainctes ordres/ ce quen ne faiſoit que vne fois lan: ceſtoit au mois de Decembre, & oultre ordonna que vng homme infame ou ſuſpec ennemy dung clerc ne fuſt receu a laccuſer en iugemēt: & que a ce faire ne fuſſēt receuz: & declaira hereticques tous ceulx qui diſoient apres que vng preſtre feroit repentēt & penitent du peche que auroit cō- mis & combien quil euſt fait condigne penitēce: que ne debuoit eſtre re- ceu ne remis en ſon premier eſtat/ honneur & dignite, Damasus dit q̄ le



pape Siste edifia oultre le Tybre vne esglise en lhonneur de la glorieuse vierge Marie, Mais ie ne croy pas q̄ ce fust icelle eglise qui est de present si magnificque / si belle / & si grande, Car au temps du pape Siste les empereurs persecutoient les crestiens & faisoient mourir les papes: & ne faisoient leurs chappelles ou eglises que en lieux caches / & soubz terre: cōme encores apert a Romme en plusieurs edifices ou sont cōstruictes oratoires & chappelles faictes anciennement. ¶ Le pape Siste fist construire vng semetyere: que fist appeller & nommer de son nom, Cest assauoir le semetyere Caliste, lequel ay veu avecques mes amis par deuotion: car au lieu ou est le semetyere / ont este enterres plusieurs corps sainctz: & y voit on encores de present les os & cendres des martyrs / & les petites chappelles & oratoires ou les crestiens faisoient leurs sacrifices / & oblations q̄ n'osoient faire publicquement pour les edictz / inhibitions / & ordonnances que faisoient les empereurs: de ne faire sacrifice a Iesuchrist publicquement. Parquoy les crestiens le faisoient en iceulx secretz. ¶ Au tēps de pape Caliste estoit le grant orateur Tertulian filz dung proconsul, le quel tertulian saint Iherosme met & excelle & exaulce plus que Victorien & Apollonius entre les saiges docteurs de la langue latine, Cestuy Tertulian fut de grant engin & entendement: & fist en sa vie plusieurs volumes / & beaulx liures: & comme dit saint Iherosme: Iay veu vng nomme Pol / en vng chasteau du pais de Italie / nomme concorde: qui auoit este en son ieune aage notaire de saint Pierre Cyprien: & luy estant a Rome: que saint Ciprien ne passoit vng seul iour quil ne leust de aucune oeuvre / ou liure fait & compose par Tertulian. Mais iceluy Tertulian: quant paruint a moytie de son aage se fist prestre, Mais pour lenuie & contumelie que luy faisoient auchuns clerks de la ville de Rome: se conuertit a la doctrine & heresie de lheretique montain: & plusieurs liures fist & cōposa contre leglise / & foy crestienne: & mesmemēt contre chastete / & contre bigame / & des ieunes: & oultre fist six liures cōtre Appollinū. ¶ En ce temps Origene fist plusieurs belles / & honestes oeuvres / & impugna & confundit lheresie des Hebioniens / qui disoient que nostre seigneur Iesuchrist auoit este ne & conceu de Ioseph & de la vierge Marie: comme les autres hommes / puremēt / & simplemēt & preschoient que la loy des iuifz se debuoit obseruer & garder, Origene eut vng nomme Porphire son emuleur & enuieux, Cestuy porphire fut grant impugnateur & persecuteur de la foy crestienne / & du nom de Iesus: comme dit Eusebe / & saint Iherosme, Mais non pourtant en ses liures dit: que Origene fut vng des grans clerks qui fut iamais: & le plus grant des philosophes: le plus saige: disant quil scauoit tous les secretz de Platon, Mais neautmoins Porphire le reprēnt: pource quil estoit crestien & ioustenoit la foy crestienne, ¶ Monsieur saint Iherosme dit & escript que Origene a compose & escript: ou fait escrire plus de six mil liures / ou volumes, Mais cōme dit monsieur saint Augustin / & aus-

Le semestiere  
Caliste,

Tertulle ora-  
teur,

Tertulle fut  
heretique,

Origene,

Saint Iheros-  
me des liures  
de Origene,



De Urbain, XVIII, pape & premier du nom,

si sanct Iherosme: il auoit erre en plusieurs escriptures: & mesmement en vng liure quil auoit fait & compose appelle periarcon: dit de princi paulte, Mais neautmoins cestui Origene/Pamphille qui fut martire/& Ruffin prestre de Aquilee: tres excellentemēt lont extolle/prise/& loue ¶ Apres que le pape Caliste eut fait par cinq fois les sainctes ordres au moys de Decēbre: ou il fist/& crea, xvi, prestres/ quatre diacres/ & huyt euesques: il fut martyre & puis enseuely au semetyere Thollopondien: qui est au chemin de Aurelien: a trois mille de Romme vng iour deuant les Ides du moys Doctobre, Il fut pape par six ans/dix moys/& dix iours Lors vacca le siege apostolicque six iours,

¶ Urbain, XVIII, pape & premier du nom,



Marc anthoy  
ne empereur,

Heliogoballe

Des vices de  
Heliogoballe

Sabine fut tue

Rbain estoit de Rōme / son pere eut nom Pontian: & fut au temps que Marc Anthoine estoit empereur, Lan de nostre seigneur Iesuchrist deulx cens, xxvi, Et que Romme fut cōstruite neuf cens/soixante & dixans auchuns hīstoriens: disent quil fut filz de lēpereur Caracalle:& quil estoit filz de putai: & bastard. Mais neautmoins quant vint a Romme il fut receu des Rōmains auecques grādes ioyes & expectati on, Et se fist appeller Heliogoballe: pour ce que auoit este prestre du tēple/ou se ado

roit le soleil, Car le peuple de phenice appellent le soleil Heliogobaliē, Et combien que le peuple Rommain cuidoit que cestuy Heliogoballe deust estre vng vertueux empereur: ce neautmoins il ne le fut pas, Mais fut rempli & contamine de tous villains fais: & fut fort vicieulx / & ne laissa de sa vie chose digne de memoire / sinon que tout vice & ordure / il commist inceite par force aulx vierges qui estoient au temple dedies de Vesta, Et auoit tousiours en sa maison femmes infames / publiques / & paillardes, Et par ire & courouze fist occire & tuer Sabine: qui estoit consul de la ville de Romme: auquel Vulpian iuriconsulte & grant legiste estoit: cōme apert aulx liures des loix: il bailloit les dignites / & offices a gens indignes nō capables / & ydoines a les tenir, Et iceulx faisoit digner ou soupper auecques luy a sa table / & les faisoit seoir sus des selles / bancz ou estoient des tappis plains / & remplis de vens: & aussi quant estoient assis a table pour mēger / faisoit retirer le banc / & tout a coup ceulx qui estoient ainsi assis se trouuoient desoubz la table: & puis aps infamemēt & deshonnestement sen mocquoit & rioit: car il auoit de coustume: que quant il vouloit rire: il rioit si villainemēt q vng chascun sen mocquoit car en son ris nauoit honnestete ne hōneur: car quāt il rioit on leust ouy



de tout le theatre ou il estoit qui estoit chose fort infame, Il fust le p̄mier empereur qui apporta la coustume de porter robbes de drap dor. & holori que & qui eut des coffres / & tables d'argent: Auchus de ses amys luy dirēt vne foys: quil debuoit auoir peur q̄ ne vint a pourete pource q̄ dissipoit & mēgoit tous ses biēs, Mais il leur respōdit quil ne fauoit auchūne p̄sō ne plus ydoine destre son heritier & de sa femme q̄ luy mesmes: il fut si plain de folie quil mist assemble des arenes pesant plus de dix mille liures: parquoy vouloit dire quon pouoit veoir & cōprēdre la grādeur de romme: il monstra publiquement dix mille ratz: mille mustelles / & mille souris: or quant le peuple Rommain & les gentils hommes & cheualiers virent & aperceurent sa grande folie: commencerent a le vilipender & nen tenoient cōpte: & soudainement se esmurent les gens de guerre & le occirent & mirent a mort & sa mere pareillement, Auchuns disent que les prestres de Syrie luy auoient aultre foys dit quil mourroit / & seroit tue par force / parquoy il auoit fait vne corde faicte & entortillee de foye fort delicee & de coton: par laquelle se debuoit pendre & estrāgler: il regna empereur par quatre ans seullemēt, ¶ Le pape vrbain qui estoit au temps de cestuy monstrueulx empereur: & non pas au tēps de l'empereur Dyocletian: comme auchuns ont voulu dire que par sa bonne exemple & doctrine plusieurs furent conuertis a la foy de Iesuchrist, Et entre les aultres il cōuertit vng noble hōme nōme Valerien espoux de saincte Cecille & Tiburce son frere qui depuis furēt martyres & souffrindrēt pour la foy de Iesuchrist de bon couraige les tourmēs & le martyre, Et pareillement aussi fut martyree saincte Cecille: en la maison de son pere, laquelle maison auoit este a dieu dedye par les prieres de saincte Cecille par le pape Vrbain, Lequel pape fist vne ordonnance que de tous les biens quon dōnoit a leglise: comme terres / pres / vignes / maisons seroient en commun & que des fruitz chascun prestre / ou personne ecclesiastique en recepueroit sa part & portion pour viure / & nully ne les possederait & appliqueroit a son singulier prouffit: mais tous seroient en cōmune, Laquelle chose au iourduy nest plus en vsaige Mais est du tout a l'opposite, Pour la grant auarice / rapacite & couuoitise des gens deglise, Aucuns ont voulu dire & maintenir que ce fut le Pape Vrbain qui ordonna & establit les ieufnes des quatre temps. Lesquelz par limbecillite & imperice des hommes estoient confondus, ¶ Au temps de Pape Vrbain florissoit Triphon qui estoit disciple & auditeur de Origene: qui fist & composa vng liure intitulle la vache rousse en Deuteronomie / & florissoit a Rōme Felix grāt aduocat lequel fist & composa vng Dialogue ou faisoit disputer vng crestien / contre vng ethnique: il escriuit aussi contre les mathematiques: cōme dit Lactence: qui parle de luy & de ses oeures, Alexandre en ce tēps la euesque de Iherusalē institua & fist en Iherusalē vne magnifique & sumptueuse estude: dont receut grādes louenges, ¶ Apres q̄ le pape Vrbain eut fait par cinq fois les saintes

Dix mille ratz  
mille souris,

Sainct Valeri  
an espoux de  
saincte Cecile

Triphon di  
sciple de Ori  
gene,

di,



De Pontian, xx. Pape & premier de ce nom.

ordres au mois de Decembre: & fist neuf prestres / cinq Diacres / neuf  
cuesques: il receut martyre & mourut: & fut enseuepli au cymetiere Pre  
texati en la voye Tyburtyne: il fut pape par l'espace de quatre ans / dix  
mois / & douze iours Et le siege de leglise de Rōme: fut vaccant par l'espa  
ce de trente iours,

¶ Pontian vingtiesme pape  
Et premier de ce nom,



Ontian estoit de la ville de Romme / son  
pere eut nom calphurne: il fut au temps de  
l'empereur Alexandre: lan que la ville de  
Romme fut cōstruite & edifiee: neuf cens  
soixante & quatorze, Et lan de nostre sei  
gneur Iesuchrist, deulx cens quarante / &  
cinq, Or est verite que entre L'empereur  
Helio goballe / & L'empereur Alexandre  
furent trois Empereurs en la ville de Rō  
me, Cest assauoir: L'empereur Dyadume  
ne / L'empereur Macrine / & Albine / des  
quelz a plent ie ne veulx pler / ne de leurs

Lagulosite &  
voracite de l'ē  
pereur albine,

Trois legistes  
Iule frontone  
Vulpia & Pol

nons: pource quil ont vng chascun peu regne / & aussi quil nont fait aux  
temps de leur empire chose qui soit digne de memoire, Mais ie parleray  
seulement de L'empereur Albine qui a laisse de lu y memoire pour sa  
grande voracite gulosite / & gourmandise, Car comme dit & alegue Co  
drus hystorien / il menga vne fois pour vng soupper: le nombre de cent  
pesches du pays de la Chāpaigne / dix mellons / de Hostience / cinq cens  
figues / & quatre cens oetres, Il fault doncques laisser les gens viciulx /  
& monstrueulx: & qui nullement leurs faitz ne doibuent estre recitez ne re  
latez: & vault beaucoup mieulx se taire que den pler, Or pour cest cau  
se ie les laisse & retourne a parler de l'empereur Alexandre qui fut exē  
ple de verite: & pour ses vertueulx faitz fut fait & cree empereur de Rō  
me par le consentement & oppinion des cheualliers Rommains: & aus  
si par les senateurs: pour & affin de remettre en ordre la chose & bien pu  
blique: laquelle estoit / destirpee / gastee / & du tout vilipēdee: par le gou  
uernemēt & exemple des empereurs precedens qui auoient regne au p  
auāt de Alexādre: lequel le remist a hōneur & a bonne police par le mo  
yen de trois grans clerz legistes qui ad ce faire dōnerent couraige / audit  
empereur Alexandre de ce faire & reduyre a iustice & bon gouuernement, Ce furent Iule frontonne / Vulpian & Pol: en droit ciuil très exps  
cōme il est notoire & on peut veoir p les loix & decisions: peulx faictes  
Cestuy Alexandre ayma fort iustice & iamais aucun ne sen alla deluy  
mal cōtent quāt demādoit iustice / il nayma iamais les grādes ambitioēs



& pomposites dabillemēs: & robbes, Car vne foys ainsi qu'il estoit en dignite & office du conseil de la ville de Romme pour euer les sumptueulx habillemens il ne vsoit que d'une tocque / & robbe paincte, Quant auchun le saluoit en chemināt en baissant la teste / & luy parloit de doulces parolles: il le faisoit chasser comme vng adulateur & flateur: il estoit de si grande prudence quil ne pouoit estre trompe ne deceu de nulli: tant estoit pourueu de saigesse: il fist tuer vng nomme Turin qui sembloit au peuple estre fort familier a lēpereur / pource quil auoit auctorite de par luy / au moyen de quoy iceluy Turin prenoit de grās dons de la familiarite quauoit a l'empereur / parquoy l'empereur le fist mettre & lier a vng posteau / au lieu du marche public ou chascun passoit & rappassoit: & par fumee le fist mourir: & ainsi qu'on le tourmentoit par fumee / le cri-eulx public disoit a haulte voix, cestuy cy est pugni par fumee: pource quil auoit vendu la fumee, ¶ L'empereur Alexādre ne tenoit compte de pierres precieuses / bagues / chesnes / ne aneaulx, Car il disoit que cestoit pour les femmes & que tous ceulx qui les portent sont effemines: & ressemblent les fēmes, Disant souuēt q en Virgille & en Platon estoient de belles pierres precieuses. Il deffedit que la gabelle & vectigal: des rufiens / macquereaulx / & fames publiques ne fussent mis au tresor sacre & public. Mais qu'on en fist les theatres / amphiteatres / orcis triumphaulx & lieulx publiques: il fist chercher & assembler les ymages statues & vertueulx hommes anciens: & icelles fist mettre aulx lieulx publiques ou le peuple passoit / afin qu'on les vist: il par fist les termes / que auoient este encommences par Anthonine caracalle: que maintenāt on appelle les termes Antonines: il voulut faire vng temple a nostre seigneur Iesuchrist, Il fut fort vertueulx en son ieune aage, Et depuis eut grant guerre contre ceulx de Perse & fut victorieulx a lencontre deulx & print leur Roy nōme Perces: il estoit fort grant iusticier: & mesme-ment a ses gens darmes: quant il auoiet fait quelque faulte / ou malfait: Tellement que vne foys cassa vne region de gens darmes: & les enuoya tous, Par quoy fut en son ost & assemblee vne si grant noyse & tumulte des cheualliers / que aupres de Magunce en Gaule il fut tue occis & mis a mort, ¶ Le pape Pontian au pourcha & requeste des prestres des ydoles: par le cōmandemēt du prince fut chassé de la ville de Rōme: & mis en exil en sardine avecques vng sien prestre nomme Phelippes: Et fut au temps que Origene remist a la foy crestienne vng homme qui se nōmoit Germain qui estoit pstre de Antioche: & Beril euesque Darabie: Cestuy Beril tenoit par sa grant erreur & heresie que nostre sauueur & redempteur Iesuchrist nestoit point deuant son incarnation, Mais depuis quil fut conforme en la foy crestienne il fist auchunnes oeures: Et mesmement des epistres par lesquelles remercioit grandement Origene en luy rendāt grace de ce que p sa sainte doctrine il lauot oste derreur & fist vng dialogue de luy & de Origene ou il arguoient & reprenoient

d.ii,

Lhumilite &  
prudence de lē  
pereur Alexā  
dre,

Alexandre or  
donna en lieu  
public met  
tre les ymages  
de anciens ver  
tueulx,

Le pape Pon  
tian fut euoye  
en exil,



De Anthere, xx, Pape & premier de ce nom,

De origene,

Mammea mere de l'empereur Alexandre,

l'heresie que tenoit au parauant, ¶ Origene fut de si grant engin / & doctrine que sept notaires les vngs aps les aultres ne souffisoient a escrire ce que faisoit: il eut autant de libraires & de belles filles pucelles: en toutes sciences saiges & endoctrinees: & partout le pays de Antioche on ne parloit que de leurs sciences: Mammea mere de l'empereur Alexandre fist venir Origene a Romme / lequel conuertit Mammea & la fist crestienne: puis sen retourna en Antioche, Or le pape Pontian luy estant en Sardine endura beaucoup de paines & de tourmens pour soustenir la foy de nostre seigneur Iesuchrist: & finalement mourut en Sardine, Et depuis par le commandement du pape Fabian son corps fut aporte de Sardine a Romme: ou luy fut fait grant honneur / & pompeuses obseques de tout le college / & fut ensepuey au cymetiere de Caliste: au chemin / & voye de Appie, Il fist en son temps deux saintes ordres: au moys de Decembre: ou fist & crea six prestres cinq diacres, & six euesques: il fut pape par l'espace de neux ans / cinq moys / & deulx iours: & par son martyre le saint liege apostolicque de la ville de Romme vacca par l'espace de dix iours,

¶ Anthere, xx, pape & premier du nom,



La mort de Maximinien & de son filz,

¶ Anthere estoit de la nation de Grece: son pere eut nom Romule & fut cree pape au temps de l'empereur Maximinien, Lan que Romme fut edifiee neuf cens quatre vingtz & sept, Cestui Maximinien estoit du corps des cheualliers Romaines: iceulx le edifierent empereur sans le consentement du senat: ilz estoit fort grant & auoit de grandeur plus de huit piedz / & si auoit les plus grans piedz qu'on vit onques, mais parquoy on disoit en commun prouerbe / quant on se vouloit moquer de quelcun: il luy fault la chausse Maximine: du carcan ou tortis de chesne que sa femme portoit au bras il en faisoit vng anneau tant auoit gros dois: Il estoit grant buueur de vin / tellement que avng soupper il beuoit vng vaisseau plain de vin quon appelle amphore, Il fut le sixiesme apres Neron qui persecuta les crestiens, Trois ans apres son regne il fut tue: avecques son filz Pupienne en Aquilee / ou faisoit guerre: & par la mort la persecuti on des crestiens: & la guerre que faisoit en Aquilee fut finie, Cestui Maximinien ne desiroit que la mort de Origene / & de Mammee femme tres deuote & bone crestienne, ¶ Les hystoires disent & racontet que en la guerre que Maximinien faisoit a ceulx de Aquilee, Iceulx Aquiliens furent si tressort cerres / & oppresses: quil nauoient plus de cordes pour



tyrer les fleiches & l'artillerie: contre les Rommains / qui leur faisoient guerre, mais que les femmes Daquillee coupperent tous leurs cheueulx pour subuenir aulx faitz de la guerre: dont furent faictes les cordes. Au moyen dequoy vainquirent les Rommains. ¶ Et a ceste cause a la louange & honneur des bonnes matrones / & femmes Daquillee: fut fait vng temple dedie a Venus calue & chauue qui nauoit point de cheueulx en la teste. Et ce fut fait par l'auctorite du Senat de Romme. ¶ Le pape Anthere ordōna q̄ les faitz & gestes des martyrs fussent mis p̄ escript: p̄ notaires publiques: & les vies / faitz / & legēdes fussent gardees au coffre du tresor de leglise: & ce fut fait & ordōne par le pape pour cause d'ung martyr nomme Maxime / affin que la memoire des martyrs ne fust abolie & oubliee: il voulut & ordonna que vng euesque se pourroit trāsferer par l'auctorite du pape de son euesche en vng aultre: quant le cas & la necessite le requerroit / nō pas a son vtilite. Mais au iourduy les euesques le font a leur vtilite & prouffit particulier / & ne leur chault des pouures chrestiens qui sont leurs brebis & oyalles. Mais ne demādet aultre chose sinon que a auoir le reuenu: & la pecune pour faire leurs voluptes / & plaisirs mondains. Et quant il changent leurs euesches demandent combien il valent de reuenu: & ne senquierent point se les gens sont bons chrestiens: ou non. Car il leur souffist de auoir l'argent / pour nourrir & entretenir vng grant taze de chiēs / doysseaulx / & de seruiteurs infames / ruffiens / & macquereaulx. ¶ En cetemps estoit Iule aphyrican noble escripuain. Et cōme dit & alegue Eusebe: il fist en Cēsaree vne tres illustre & magnificq̄ estude: il escripuit vne epistre a Origene par la quelle mōstroit q̄ l'histoire de Susanne n'estoit pas fable: selon les Hebreulx. Pourquoi depuis Origene en fist vne grande epistole. Genius prestre de leglise de Antioche estoit fort prise & estime. Et pareillemēt Herachias euesque de Alexandrie. ¶ Apres que le pape Anthere eut fait & cree feullement vng euesque / fut martyre & mis a mort / & puis fut ensepuele au cymetiere de Caliste en la voye de Appie, la troiesme nonne de Ianuier, il fut pape par l'espace de vnze ans / vng mois & douze iours / & fut vaccant le sainct siege apostolicque par l'espace de treze iours.

Transferrer du  
ne euesche en  
vne aultre.

Listoire du  
Susanne,

¶ Fabian vingt & vngiesme pape  
Et premier de ce nom,

d iiii,



L'estude de l'empereur Gordian,



Le premier empereur chrestien,

La mort de Phelippes & de son filz,

Fabian institua que le iour de la cene on feroit le saint creisme,

Abian fut de Romme son pere eut nom fabio: il fut au temps de Gordian & Phelippes / iusques a l'empereur Decian / Gordian occupa l'empire apres quil eut veincu en batailles les Perthiens: or en faisant son triumphe a Rome il fut tue / & occis par les Philippiens. ¶ Cestuy Gordian acquist vne grande louenge pource quil auoit en son estude le nombre de soixante mille liures & plus. ¶ Phelippe l'empereur occupa l'empire lan que Romme fut construite neuf cens quatre vingtz dixsept: apres quil eust remene lost / & exerce des Rommains du pays de Syrie / en Italie: & regna cinqans avecques son filz. Il fut le premier empereur chrestien, la mais ne vouloit oyr ne aller au mystere de la foy que ne fust confesse. ¶ Apres quil eut regne empereur trois ans: & que mille ans furent accomplis que Romme auoit este construite & edifiee: & furent fais & celebres les ieulx seculiers qui se faisoient seullemēt de cent ans en cēt ans: lesquelz ieulx furent premieremēt institues par Valaire publicole / apres que les Roys de Rome furent chasses il se appellerent a seculo: qui est espace de cent ans: qui est le temps de la vie humaine. Par la fraude & enuie de Decian Phelippes l'empereur: & son filz furent occis: & tues en diuers lieux. Cestassauoir le pere fut tue a Veronne: & le filz a Rome. ¶ Le pape Fabian ordonna par sept regions que sept diacres auroient la charge de recueillir & scauoir les faitz & gestes & tourmens que auoient eus & receus les crestiens martyrs pour les faire escrire p notaires / & les publier pour donner exemple aux crestiens: & fist edifier plusieurs cymetieres pour la dignite des martyrs qui y estoient enterres. ¶ Et oultre ordonna que tous les ans le iour de la cene nostre seigneur: qui est le ieu di absolu: le saint creisme seroit renouuelle: & le vieulx mis au feu. En ce temps commença l'heresie dicte nouatienne a Nouatio hereticque: qui premier trouua l'heresie. Il disoit qu'on ne debuoit recepuoir a leglise: les apostatz aps que auroient fait penitence. Pour laquelle heresie fist extirper / abolir / & oster: & fut fait vng concille ou furent soixante euesques / autant de prestres avecques plusieurs diacres. Et fut l'heresie de Nouace reprouuee: come faulce. A le xemple de nostre seigneur qui auoit dit q aux penitēs on doit pardonner & misericorde leur debuoit estre faicte. ¶ En ce tēps Origene confondit l'heresie dauchuns hereticques qui disoient que lame mouroit avecques le corps: & aultres heresies touchant la resurrection. Et ceulx qui ne vouloient recepuoir les liures monsieur saint Pol / anichilla & confundit. Il escripuit des lettres touchant la foy crestiēne quil enuoya a l'empereur Phelippes & a Seuer sa femme / & le pape Fabian fist plusieurs liures des saintes ordres de la foy crestiēne. Alexandre euesque



de Capadoce/pour veoir les sainctz & sacrez lieux de Hierusalem si trās-  
porta, Et fūt contrainct de leuesque de Hierusalem nomme Nārcissus:  
qui estoit vieil & ancien/prendre la charge & estre son coadiuteur de le-  
uesque de Hierusalem, ¶ En ce temps la fureur & vehemente persecu-  
tion de l'empereur Decian estoit contre les crestiens: en laquelle persecu-  
tion Babilas homme de grāde auctorite & sainctete pour la foy crestiē-  
ne fut martyre en cesaree, ¶ Le pape Fabian qui auoit este esleu & cree  
pape par la voix du sainct esperit: car apres le martyre & mort du sainct  
pape Anthere: les crestiens requeroient nostre seigneur dieu: quil luy  
pleust leur bailler & donner vng homme ydoine a obtenir le siege apo-  
stolique, Incontinent vng coulon blāc descēdit sur son chief/qui estoit  
de la semblance de celui qui descendit sur la teste de nostre seigneur Ie-  
suschrist quant y fut baptizē au fleuve iordain: lequel depuis fut martyre  
& obtint laureolle & courōne des martyrs: apres quil eut faict cinq or-  
dres sainctes au moys de decembre: ou il fist, xxii, prestres, vii, dyacres,  
& vi, euesques, Et fut enseuely au cymitiere de Calixte/en la voye d'ap-  
pie: la, xiiii, kalende de Feburier, Il fut pape de Romme par l'espace de  
xiiii, ans, xi, moys: & xi, iours, Et depuis le siege papal fut vaccant par  
six iours,

Babyle mar-  
tyr

Vng coulon  
blanc sur la te-  
ste du pape Fa-  
bian

¶ Corneille, XXII, Pape & premier de ce nom,



Orneille Pape fut de la nation des Rō-  
mains, Son pere auoit nom Castine, Il fut  
au temps de Decian l'empereur: qui fut na-  
tif de pannonie en Budale, Lequel apres  
quil eut occis ou fait occire les Philippiē  
qui obtenoient l'empire: depuis il obtint lē  
pire, Cestuy Decian ēpereur fut vng grāt  
persecuteur des Crestiens: pource que les  
empereurs philippiens auoient tenu la se-  
cte & loy des crestiē, Mais apres quil eut  
regne empereur avecques son filz Cesar: il  
fut mis a mort de telle sorte que depuis ia-  
mais son corps ne fut trouue: & ne fault doubter que iustemēt ne soit dā-  
ne en corps & ame: pource que apres la tyrannie de Neron il auoit faict  
la septiesme persecution des crestiens/ou il fist mourir plusieurs sainctz  
crestiens par horribles tourmens, ¶ Le pape Corneille qui maintenoit  
que ceulx qui auoient denie & estoient cheuz en crime de apostasie/apres  
penitence deuoient estre vniē a leglise, Il ordonna que Nouatian & no-  
uitiatius/Nicostrate & Moysse prestres: qui auoient delaisse par leur he-  
resie & erreur la foy de Iesus: qui apres penitence par eulx faicte & con-  
digne seroient reuniē a leglise/& auroient le nom de confesseurs: pquoy  
d,iiii,

La septiesme  
psecution des  
crestiens



De Corneille, XXII, pape & premier du nom,

Le pape Corneille fut enuoye en exil  
 furent les heretiques si fort enflambez contre le pape Corneille/ quil fut  
 chaste de rōme & enuoye en exil: a vng lieu quon dict centumcellas,  
 ¶ Leuesque de Carthage nomme Cyprian: luy estāt prisonnier luy en  
 uoya vne epistre: par laquelle il congneut la calamite de son amy/ & la  
 confirmation de son exil, Et de present sont plusieurs epistres de Cypri  
 an enuoyees au pape Corneille: qui sont pleines de deuotiō & foy de le  
 suchrist, Et entre les autres la plus elegāte des epistres: cest celle quil fist  
 de son disciple Nouat: lequel accuse & condampne de heresie/ dequoy  
 fut entache Denis euesque de la ville de Alexandrie/ qui auoit este au  
 diteur de Origene, ¶ Au parauant que le pape Corneille fust enuoye  
 en exil: a la priere & requeste dune noble matrone de Romme nommee  
 Lucina: les corps sainctz de saint Pierre & saint Pol/ furent deterres du  
 lieu ou estoient enseueliz, Et pource quilz nestoient seurement/ de nuyt  
 furent transportez, Cestassauoir le corps saint Pol fut enseuely par Lu  
 cine en la terre en la voye dhostie/ ou lieu mesmes ou fut decolle & mis a  
 mort. Et par le pape Corneille le corps saint Pierre fut enseuely & en  
 terre au lieu ou souffrit le martyre de la croix Cestassauoir au temple de  
 Apollo/ pres des racines de la montaigne dor: la troisieme kalende du  
 mois de Iuliet, ¶ Lors sceut bien lempereur Decian que le Pape Cor  
 neille luy estant en exil a Centumcelles/ quil auoit receu des lettres de  
 saint Ciprian, Pourquoy lenuoya querir & le fist amener a Romme. &  
 le fist mener au temple de la deesse de terre ou estoit le prefect de Rom  
 me, Et luy commenta a dire Decian lempereur, Ha obstine as tu deli  
 bere de tousiours ainsi viure qui ne tiens conte de noz dieux/ ne des com  
 mandemens des princes/ ne de leur fureur & meurtre: & as receu des let  
 tres cōtre la chose publique & aussi enuoye, ¶ A quoy le pape Corneil  
 le respondit, Iay receu des lettres contenant louanges de lesucrist: & cō  
 ment on doit endoctriner & rachapter les ames de peur quelles ne soiēt  
 dāpnees, Je nay point receu lettres ne aussi escript ne enuoye quilz soiēt  
 a la diminution & dommaige de lempire ne de la chose publique: mais  
 a laugmentation dicelle, A lors Decian lempereur de ce ou yr fut fort  
 courouce & remply dyre: parquoy fist prendre des fleaux de plumb: &  
 en fist battre par tout le corps le pape Corneille, Et puis le fist mener au  
 temple de Mars: affin quil adorast la statue & simulachre de Mars: & si  
 ne le vouloit faire: commanda quon luy coupast la teste, ¶ Ainsi quon  
 menoit le saint pape Corneille pour luy couper la teste/ recomman  
 da tous ses biens a larchedyacre Estienne: & puis fut decolle: la troisieme  
 me none du mois de May: Et de nuyt la sainte Lucine matrone de rō  
 me avecques plusieurs clerics crestiens emporterent le corps & lenseue  
 lirent au pres du pre sainte Lucine: en la voye dappie/ assés pres du ci  
 mitiere de Calixte, ¶ Aucuns ont escript que le pape Corneille auoit  
 souffert martyre soubz Gallo & volusiā: Mais ie croy mieulx Damasus  
 qui afferme quil fut par le commandemēt de Decian le pereur martyre

Les corps saint  
 Pierre & saint  
 Pol furent de  
 terres

Le tourment  
 du pape Cor  
 neille



¶ Le pape Corneille fist deux ordres au moys de decembre: ou fist, iiii, prestres: quatre dyacres: & sept euesques, Il fut pape seullemēt par deux ans/deux moys/& treze iours, Et lors le siege papal fut vaccant par trente cinq iours,

¶ De Lucin, xxiij, Pape & premier de ce nom,



Vcin Pape estoit de rōme, Son pere auoit nom Porphyre: & fut esleu au temps que Gallo hostian regnoit empereur auecqs Volusian son filz, Au temps desquelz fut vne merueilleuse persecution de crestiens: & ne fut maisons/citez/villes/ne prouinces/ou ne fussent occis & martyrez les crestiens: & qui ne se sentissent des calamitez & tyrannies, Et ainsi que lempereur & sō filz Volusian faisoient guerre cruelle cōtre Emylian tyrāt: ilz furēt occis & meurtrez auāt quilz eussent accompliz deux ans

La psecution  
des crestiens

qui regnerent, & troys moys apres Emylian le tyrant/qui estoit de bas lieu/& de famille asses vile & non noble fut tue: & puis Valerian & Galien/qui lors estoient en Gaule/menant loist & exercice des rommains: furent appelez a romme & furent crees empereurs par le senat de romme: mais leur gouuernement & empire fut tres pernacieux & mauuais au peuple de romme: car ilz ne acquirēt que tout vitupere & deshonneur aux rommains: car en leur temps les Germaïns vindrent iusques a rauane mettant tout a feu & a sang, ¶ Et Valerian qui faisoit guerre en Mesopotamie/fut prins par les Parthiens/mis & redige en grande misere & seruitute: car quant le roy des Parthiens nomme Pacorus/vouloit monter a cheual: il faisoit de lempereur Valerian vne scabelle: car il le faisoit mettre a quatre piedz/& puis montoit sur son dos pour monter a cheual, Cestuy Valerian lauoit bien merite & gaigne: car incontinent qui fut empereur il persecuta les crestiens: les contraignant dadorer les ydoles: & si ne le vouloient faire leur faisoit faire de diuers tourmens: & puis martyrer/tuer/& occire, Et fut la huytiesme persecution des crestiens depuis Neron lempereur, ¶ Et ce voyant Galien empereur: du iugement de dieu il fist cesser la tyrannie des crestiens: & otrroya paix en leglise crestienne, Mais ce fut trop tard: car les gens estrangiers & barbares auoient quasi gaste tout le pays de romme/ou regnoient plusieurs tyrans qui occupoient les villes & chasteaulx, ¶ Ce neantmoins lempereur Galien laissa a gouuerner la chose publique/& se retira en la ville de millan ou ne faisoit que paillarder & viure luxurieusement: & en ce faisant fut occis miserablement, ¶ Apres que Galien fut mort: le pape Luce fut deliure de la peine de lexil ou lauoit enuoye Galien, & vint a

Lhuytiesme  
psecution des  
crestiens

Galiē fut tue  
a Millan,



De Estienne, XXIII, pape & premier du nom,

Quelle cōpa- Romme: ou peu apres ordonna que deux prestres/ & troys dyacres/ se-  
gnie doit auoir roient tousiours en la compaignie d'ung euesque en quelque lieu quil al-  
vng euesque last: affin destre tesmoings de ce que faisoit & de sa vie, ¶ En ce temps  
estoit Cyprian/ qui premierement auoit aprins & mōstre la rhetorique  
& par le moyen & persuation d'ung prestre Cecilio: comme dict sainct  
Cyprian se fist Hierosme, Il se fist crestien: & depuis donna tous ses biens aux pures,  
crestien, Il se fist pstre & depuis fut euesque de Carthage: & souffrit martyre du  
temps que regnoient les empereurs/ Gallo & Volusian, Lequel marty-  
re & aussi de sa vie/ vng prestre nomme Ponce/ qui tousiours auoit este  
compaignon avecques sainct Cyprian quant il estoit en exil: en fist &  
composa vng beau volume & legende, ¶ Deuant la mort & martyre de  
sainct Cyprian: il se estoit conforme a la sentence de leglise de Romme,  
Cest assauoir qu'on ne deuoit pas rebaptizer les heretiques: mais seule-  
ment qu'on leur deuoit mettre la main sur la teste pour recepuoir la gra-  
ce, Et de ce aultressoyz auoit este grande altercation & debat entre le pa-  
pe Corneille & sainct Cyprian, ¶ Auant que le pape Luce fust marty-  
re par l'empereur Valerian bailla la puissance de leglise a Estienne son  
archedyacre, Il fist troys ordres au moys de decēbre: ou fist & crea qua-  
tre prestres/ quatre dyacres/ & sept euesques, Il fut enseuely ou cimitiere  
de Calixte en la voye d'aprie: la huytielme Kalende de septembre: & ne  
fut pape de Romme que par troys ans/ troys moys/ troys iours, Et lors  
vacca le siege apostolique trente cinq iours,

¶ De Estienne, xxiiii, Pape & premier de ce nom,



Stienne Pape estoit de la ville de Romme  
Son pere auoit nō Iule, Et fut esleu & cree  
pape du temps qu'on disoit que de l'empire  
de rōme n'estoit plus riens: & qui sembloit  
l'empire estre du tout abolie & perdue, Cest-  
assauoir au tēps que Posthume occupoit  
la Gaule/ ou faisoit de grandes tyrannies/  
dont la chose publique fut fort gastee & a-  
moindrie: il fut tue a Magunce, Et sembla  
blement Victorin qui estoit vng homme  
magnanime/ belliqueux/ & fort congnois-  
sant au faict de bataille, Mais il estoit si lu-  
xurieux quil gastoit les femmes mariees par adulterations: parquoy fut  
tue & mis a mort en Agrippine, ¶ Le pape Estienne ordonna que les p-  
stres & leuites ne portassent en aucun lieu les vestemens & habillemēs  
sacrez: sinon que en leglise en faisant le sacrifice a dieu, Et qui en viseroit  
aultrement: quil encourust la peine de Balthasar roy de Babylone: qui  
de ses mains prophanes toucha les saintz vaisseaulx du temple: lequel

Dene porter  
les vestemens  
de leglise sinō  
en faisant le sa-  
crifice



fut de la sentence & opinion du pape Corneille: touchant de rebaptiser ceulx qui retournoient a la foy: & qu'on ne deuoit communiquer avecques ceulx qui estoient rebaptizez. Pourquoy leuesque de Alexandrie nomme Denis/qui auoit dispute de ceste matiere avecqs ceulx de Carthage/& de Orient:& tenoit leurs opinions: depuis la muerent/& se conformerent a l'opinion de leglise romaine. Et de ce en escripuit Denis au pape Estienne disant: ayez en vous bon couraige: car leglise Dacie & Daphrique/a mue & change son opinion:& tiennent maintenant l'opinion de leglise de romme. Malchion prestre qui estoit Dathioche en ce tēps la son eloquence & science ayda fort a soustenir la foy de Iesuchrist: cōstre Pol Samosatene euesque Dathioche: qui vouloit soustenir & restaurer & mettre sus l'heresie Artemonien: qui affermoit & disoit que Iesuchrist estoit pur homme naturel comme vng aultre/& qui nauoit pas tousiours este: mais auoit prins son commencement de la vierge Marie Laquelle heresie fut confondue & reprouuee par le concille Danthioche. Et de ce Malchion ou nom du Synode & concille/en fist vne belle epistre qui fut enuoyee aux eglises des crestiens. ¶ Apres que le pape Estienne par ses saintes oeures & parolles eut conuertit en la foy de Iesuchrist: plusieurs payens & gentils: il fut prins par Galien:& cōme les aultres disent quil fut cherche: & q̄ par les tyrans de Decian quil auoit faict vng edict qu'on cherchast tous les crestiens pour les mettre a mort Et que le pape Estienne fust trouue avecques plusieurs crestiens qui furent martyrez. Et le pape Estienne eut la teste coupee la quatriesme none du moys Daoust. Et fut enterre au cimitiere de Calixte. En son temps fist deux saintes ordres au moys de Decembre: ou fist & crea six prestres/cinq dyacres/& troys euesques. Il fut Pape sept ans/cinq moys & deux iours. Et lors vacca le siege par vingt & deux iours.

Malchion

Lheresie de artemonie

Le martyre saint Estienne Pape

## ¶ De Sixte, xxv, Pape &amp; second de ce nom



Sixte Pape second fut de la nation des Grecs de la ville dathenes: de philosophe fut fait disciple de Iesuchrist. Et lors diroit & regnoit la persecution de Decian & Valeria que ce faisoit contre les crestiens. Parquoy ne sera pas chose estrange de nommer le de mourant des tyrans comme auons commēce par tout escrire iusques a ce que ayons trouue vng bon prince. ¶ Apres que Victorin fut tue en frāce: Tetricus senateur de Romme qui lors estoit gouuerneur du pays Daquitaine: fut par les cheualiers/cōbien quil ne fust present, mais absent cree & faict empereur. Et ainsi q̄ ses choses se faisoient en Gaul.



Lheresie des  
Sabellians

le: les Persiens furent vaincu par Odenach & la cite: & Mesopotamie par luy deffendue des Persiens iusques a Ctesiphonte. ¶ En ce temps au pays de Ptolemeide/qui au temps passe se appellort Barce/Pentapolee cite, Les habitans dicelle cite disoient plusieurs blasphemés & infames de nostre seigneur Iesuchrist/ & de son pere, Car ilz disoient que Iesuchrist nestoit filz de dieu le pere/ & premier ne de toutes creatures, Et oultre disoient que le saint esperit nauoit point dentendement, Iceulx heretiques sappelloient Sabellians a Sabellie/qui estoit aucteur de lheresie infecte & puerse/qui nestoit riens plus, Lors que dira lon de Cherinte lheretique/spurcissime/ & infame/ & de sa doctrine & mechante secte, Qui disoit que apres mille ans que seroit le regne de nostre seigneur Iesuchrist en terre: parquoy fut appelle des Grecs Chiliasitos,

¶ Et pource que cestuy Cherinte estoit fort luxurieux & plain de ses voluptes charnelles: icelles voluptes & plaisances mondaines & transitoires: disoit que les saintz en auoient a leur voulente en ce regne/ que Iesuchrist regnoit en terre: & quilz auoient abondance de biens/ & iouissance a leur voulente/ des plus belles femmes & pucelles qui estoient lors Et pareille secte & heresie tenoit Nepos euesque degipte: disant que en ce temps les saintz regnoient en terre avecques Iesuchrist en tous delices & voluptez, De laquelle secte tant infame & villanie les imitateurs & qui ensuyuoient icelle orde secte se nommoient Nepotiani,

Lemartyre du  
pape Sixte

Saint Laurés

¶ Le pape Sixte auoit intencion de destruyre & confondre icelles faulces opinions: & pour ce faire y vouloit pourueoir, Mais ce pendant fut prins pource quil prescheoit la foy de Iesuchrist contre les ordonnances & edictz des empereurs/qui auoient deffendu de ne parler de la foy chrestienne/ ne de prescher de Iesuchrist, Et fut mene au temple de Mars afin de sacrifier a lydole de Mars: & pource quil ne le voulut faire au puauant quon luy tranchast la teste: ainsi quon le menoit pour luy tracher saint Laurens vint au deuant/ & luy dist: ou allez vous pere sans vostre filz: ou vas tu le plus grant prestre de tous & le meilleur sans ministre, A quoy respondit le pape Sixte: ie ne te laisse point mon filz: on te garde de plus grans tourmens que tu endureras pour la foy de Iesuchrist: car apres troys iours viendras apres moy: & ce pendant ce que ie puis auoir en mes trespors donne le aux pources, ¶ Et ce mesme iour que le pape Sixte fut decapite/ furent martyrez six dyacres, Cestassauoir/ Felicissime/ Agapit/ Ianuier/ le grant Innocet/ & Estienne, & fut la sixiesme yde du moys daoust, Et troys iours apres saint Laurens fut martyre avecques Claudio soubz dyacre/ Seuer prestre/ Crescence lecteur/ & Rommain hostiaire, & fut la quatriesme yde du moys daoust, ¶ Saint Laurés fut grille sur le feu, Saint Vincet qui estoit disciple de pape Sixte ny estoit pas: car il estoit en espaigne: & a ceste cause ne peult estre au martyre du pape Sixte ne de saint Laurens, ¶ Le pape Sixte fist seullement deux ordres au moys de decembre ou fist quatre prestres/ sept dyacres/ & deux

Lemartyre  
saint Laurés,



euesques, Et fut enterre le corps de pape Sixte au cimitiere de Calixte/ qui est en la voye Dappie, Et les corps des aultres martyrs furent enterrez & enseueliz au cimitiere pretextati/aux champs Verane/ au chemin & voye Tyburtine, Le pape Sixte ne fut que par deux ans/dix moys/& xxiii, iours, Et lors fut vacant le siege par l'espace de trente & cinq iours,

¶ De Denis, xxvi, Pape & premier de ce nom,



Denis Pape premier de ce nom: come dict Damascus/ quil na peu trouuer ne scauoir de ql pays & famille il ayt este, De moyne il fut faict pape/ & incotinēt diuisa les eglises & cimitieres en la ville de Romme, Et lors la ville fist les liures des proisses & des dioceses/ affin que vng chascū nētreprint oultre les limitez/ mais quil fust cōtēt de sa proisse ou diocese, ¶ En ce tēps fut Claude a qui fut baillē lēpire p les seinateurs de rōme/ & apres quil eut prins la charge il fist la guer-

La diuisiō des euesches & proisses

re aux Gothz/ qui auoiet p l'espace de, xv, ans gaste & destruit Macedone & Illyrique/ en laq̃lle guerre les Gothz perdirēt/ & furēt tuez tāt de leurs gēs/ q̃ seuoit chose non creable a racōpter/ pour laq̃lle victoire luy fut ordōne en la court vng bouclier dor/ & au capitol levne ymage & statue doree, Et depuis mourut pres Syrmeū: & ne obtūt lēpire que p deux ans ou enuiron, Et ou lieu de luy par les cheualiers & gēs darmes de lost des Rōmains fut esleu Quintiliā son frere, Leql Quintiliā estoit hōme fort modeste & de grāt vertu/ & peu sen faillōit quil ne fust a preferer a son frere Claude, Il fut tue & occis le, xvii, iour apres quil fut esleu empereur, ¶ Au tēps de pape Denis regnoit Pol Samosatenū heretique/ qui depuis que leuesque Dāthioche fut mort/ il fut esleu euesque en son lieu/ & si fut si orgueilleux & superbe/ qui ne scauoit sa maniere ne contenāce, Car en chemināt pour mōstrer sa sciēce & orgueil il lisoit/ & puis faisoit des epistres/ & auoit tousiours avecques luy grādes familles/ & gens estrāges deuāt & derriere en grāt pōpe, Pourquoi ceulx qui le veoient pour son arrogāce detestoiēt la foy crestienne, ¶ Or que font maintenant les euesques de nostte tēps/ qui ont deuāt & derriere tāt de seruiteurs/ pages/ vestuz de soye/ & de couleurs/ montez sus cheuaulx/ haquenees/ acoustres/ & phaleres de velours & soye/ les p̃stres vestuz de manteulx & habillemēs p̃cieux & dorez, Je ne scay si le fōt p pōpe/ orgueil/ ou luxure: ie croy q̃ ouy, Parquoy on peult dire/ quilz ne tiēnt rēs de dieu/ sinō la similitude & saincte deuotion qui est en eulx, ¶ Je veulx retourner a cestuy Pol heretiql/ qui veult reprēdre pour son orgueil faulce & dāp-

La mort de Quintiliā empereur Pol samosaten heretique

Cōtre les pompes des prelatz

e, i,



De Félix, xxvii, Pape & premier de ce nom,

Gregoire mar  
tyur,

nee oppiniō, Car il nyoit q̄ le filz de dieu fust descendu du ciel en terre: mais auoit prins cōmēcemēt de la vierge Marie en la terre, Laq̄lle faulce oppiniō fut dicte & declairee faulce & heretiq̄ p̄ le cōseil de Anthioche / & de tous les euesq̄s qui y estoient, Et mesmemēt par la sentence de Gregoire euesque de Cefarie / qui fut au cōcille / & depuis pour la foy de Iesuchrist fut martyre, ¶ Le pape Denis ne peult estre en ce conseil / pource quil estoit fort vieulx, Mais de tout ce qui y auoit este faict il le sceut / pource q̄ leuesque Dalexādrie maxime luy en rescripuit tout au long, ¶ Apres q̄ le pape Denis eut faict deux ordres au moys de Decembre / ou fist & crea, xii, p̄stres, vi, dyacres / &, vii, euesques, mourut & fut enseuely au cimitiere de Calixte, Il fut pape par, vi, ans, ii, moys &, iiii, iours, Et fut le siege vaccant par six iours,

¶ De Félix, xxvii, Pape & premier de ce nom,

Zenobia em-  
perer



Elix Pape estoit de la natiō Rōmaine, Sō pere auoit nō Constantin, Il fut au tēps de lēpereur Aureliā: qui fut lan que Rōme fut faicte mille, xxvii, Cestuy Aurelian vainquit en bataille les Gotz au p̄s du fleuue de Danubie / & puis sen alla en Asie ou print plus p̄ peur que p̄ guerre, Zenobia qui auoit occis sō mary Odenacho / & icel le tenoit lempire au pays de Thymes / qui est pres Dāthioche / & lamena en triūphe avecq̄s Tetric / qui vainquit en Gaulle au pays de Chalōs, Mais p̄ la clemence & hu-

La, ix, p̄secu-  
tiō des crestiēs

L'institiō de  
celebrer la mes-  
se en lieu sacre

manite de lēpereur Aurelian, Lēpereure Zenobia vesquit a rōme tant quelle peult / & honorablemēt / & de laquelle est venue la famille quon dict Zenobia / qui est de p̄sent encore a rōme, Et Tetric fut garde / & de puis fut p̄uost de Lucques / Ce faict lēpereur Aureliā se voyāt en paix fist refaire le tēple de Apollo / & les murs de la ville de Rōme tresexcellemēt de beaulx ouuraiges & sumptueulx, Et depuis p̄ luy & son cōmendemēt / fut faicte vne merueilleuse p̄secutiō de crestiens / qui fut la neufyēme de la p̄secutiō de Nerō, Pourquoy ainsi quil estoit entre cōstātinoble / Heraclie fut tue & occis p̄ fouldre qui descēdit du ciel, ¶ Le pape Felix ordōna q̄ le sacrifice de la messe ne se feroit & celebreroit que p̄ vng p̄stre / & en lieu sacre & faict. Mais ce nōobstāt auoit tousiours retenu le cas & tēps de necessite / ou q̄l tēps & cas on peult celebrer en lieu p̄phane, Et oultre ordōna q̄ se on ne scauoit q̄ vne eglise neust este cōlā cree ou dedice / pour cause du laps du tēps vetuste & anciēnete / & que na parust des enseignemens mouuemens & vestiges quon a acoustume de mettre aux eglises sacrees / en ce cas on les peult consacrer & dedier, Et



la raison rendoit le pape Félix/car tousiours disoit/vne chose ne se dict point reiteree/quon ne scait sil a este faict. ¶ En ce temps fut vng homme appelle Manes du pays de perse/fort estrange de vie & de meurs/& comme faulx prophete se fist nommer le christ/& appella avecques luy douze disciples/il fut fort superbe & cruel dont il estoit loue. ¶ Le pape Félix apres quil eut faict deux ordres au moys de decembre/ou il crea neuf prestres/cinq dyacres/& cinq euesques, Mourut & obtint la courōne de martyre/& fut enseuēly en vne chappelle quil auoit dedye en lhonneur de dieu/en la voye Aureliāne, Laquelle eglise est a deux mille de la ville de Romme, Et fut martyre la tierce Kalende du moys de Iuing, Il regna Pape quatre ans troys moys & quinze iours, Et vacca depuis le siege par cinq iours seullement,

Manes faulx  
pphete

¶ Eutichian, xxvii, Pape & premier de cenom,



¶ Le Pape Eutichiā estoit de la nation Thuscane, Son pere auoit nom Maxime, Il fut au temps de lempereur Aurelian/& aps que Aurelian fut mort/luy succeda Tacitus empereur/qui estoit homme fort idoyne pour gouuerner la chose publiq/pour sa grant vertu & honnestete qui estoit en luy. Mais six moys apres quil fut faict & cree empereur/il fut tue & occis au lieu de Ponto, Et Florian qui fut esleu empereur en sō lieu/trois moys aps fut tue en Tharse, ¶ Le pape Euthichian ordonna que

les fruietz/& mesmement les figues & resins seroient benistz, Et prohiba & deffendit/que aulcun ne fust si temere & presumptif de enseuelir les corps des martyrs/si nestoient reuetuz de dalmatique & estolle rouge & purpuree. ¶ En ce temps fut leuesque Dorothee grant clerc/en lāgue hebraique & grecque, De laquelle doctrine & science lempereur Aureliā au cōmencemēt de son empire se delectoit fort/car lors il fauorisoit aux crestiens/& diuisa & osta lheresie de Pol samoseten de leglise crestienne, Mais puis apres il fut suborne de mauuais cōseil/& bailla & māda aux p̄uostz & gouuerneurs des villes/quilz eussent a p̄secuter les crestiēs, Pourquoi cōme dict & fut tue & occis p la iustice & iugement de dieu, De cestuy Dorothee Eusebe fut auditeur luy estat ieune enfāt & mesmement quāt il lisoit les saictes escriptures, ¶ En ce tēps estoit Anatolius euesq de Syrie/hōme de grant sciēce/qui fist de beaulx liures/en soustenāt la foy crestienne cōtre les heretiqs manichiēs/qui regnoient & pulluloiet en ce tēps la, Ces manichiēs heretiqs entre aultres erreurs disoient quil estoit deux substances: cest assauoir vne bōne & lautre mau-

L'institutio de  
benistre les  
fruietz

Lheresie des  
manichiens

e.ii,



De Caius, xxix, Pape & premier de ce nom,

uaïse / & oultre disoient que les ames venoient de dieu comme ruisseaux  
dune fontaine / ilz ne tenoient point le vieil testament ne le nouveau / si  
non en aucunes pties. ¶ Le pape Eutichian apres quil eut faict les sain  
ctes ordres au moys de decembre / ou il fist & crea, xiiii, prestres, v, dya  
cres / & ix. euesques, Il fut martyre la, viiii, kalende du moys daoult / &  
Le martyre du pape Eutichian enseuely au cimetiere de Calixte en la voye dappie, Il ne fut pape que  
vng an vng moys & vng iour, Mais les aucuns escripuent quil vesquit  
pape, viii, ans, x, moys: mais ie tiens la premiere opinion come faict Da  
masie, Le siege apres son martyre vacca par lespace de, viii, iours,

¶ Caius, xxix, Pape & premier de ce nom,



Aius Pape fut de Dalmace, Sō pere auoit  
nom Caio / parēt & affin de lēpereur Dio  
cletian, Il fut premierement au temps de  
Probe lempereur / & depuis du temps que  
regnoient les empereurs Caio & Carino,  
¶ Lēpereur Probe fut en son temps glori  
eux pour les faictz des armes & batailles /  
que durant quil administroit la chose pu  
blique gaigna, Car il chassa des parties de  
Gaulle les Barbares & tyrans qui gastoient  
la Gaulle, Et depuis fist guerre contre Sa  
turnin / qui vouloit occuper lēpire doriēt /  
auecqs Procule & Bonose / lesquels oppressa fort pres Agrippine, Mais  
neantmoins le vaillant & hardy empereur fut tue & prins Smirne / par  
vng iusult & tumulte de gēs de guerre / apres quil eut regne six ans em  
pereur, ¶ Depuis Carus de Narbone fut empereur & ne regna q̄ deux  
ans auecques deux de ses filz Carinū & Numerian / q̄ depuis ainli quilz  
faisoient la guerre aux Parthiens / & quil eut prins deux nobles citez, Celt  
assauoir / Celene / & Ctesiphōte / fut tue par tēpeste & fouldre du ciel,  
¶ Or Numerian voyant son pere mort en sen retournant a Rome fut  
tue & occis par la fraulde de son beau pere, Et Carinū lautre frere apres  
quil eut faict beaucoup de folies / & opprobres / fut puis apres par forte  
& difficile guerre tue en Dalmace / par lempereur Diocletian, ¶ Le  
pape Caius fist & ordonna la distinction des saintes ordres par degrez /  
iufques a estre euesq, Cest assauoir / Hostiaire / Lecteur / Exorciste / Aco  
lite / Soubdyacre / Dyacre / Prestre / Euesque, Et oultre ordōna gēs qui  
en chascune region & pays escriproient & mettroient par escript les faictz  
& gestes des martyrs comme aultreffoys auoit faict le pape Fabian, Et  
si fist vng institut & decret / que les heretiques & payāns ne fussent receuz  
en iugemēt a accuser vng crestien, ¶ En ce tēps estoit Victorin euesq de  
Petabionense: qui fist plusieurs commens sur les liures de la sainte es

Les saintes or  
dres distinctes

Vng payā ne  
peult accuser  
vng crestien,



cripture: & fut excellent batailleur contre les heretiques en deffendant la foy crestienne: mais comme dict saint Hierosme: il ne scauoit pas si bien la langue grecque que latine, Mais neantmoins comme dict saint Hierosme: ses oeuvres estoient de grande vtilite & science, Mais la composition estoit rude & asses vile, ¶ Aussi estoit en ce temps Pamphile prestre / qui auoit este seruiteur de Eusebe euesque de Cesarie: lequel Pamphile fut si couuoiteux & ardēt a escrire les volumes & liures de la sainte escripture: que de sa propre main il escripuit la plus grant partie des liures de Origene: lesquelz liures saint Hierosme dict & afferme auoir veuz en l'estude de Cesare, ¶ Or pour la grande persecution q̄ faisoit l'empereur Diocletian aux crestiens qui estoit plus grāde que iamais nauoit este, Le pape Caius & plusieurs aultres crestiens / festoient cachez aux cauernes qu'on appelle cristay / ou furent longuement, Mais depuis furent trouuez / prins & amenez par les tyrans, Cest auoir le pape Caius / Gabinien son frere & Susanne sa fille, Lesquelz furent martyrez & enterrez au cimitiere de Calixte en la voye d'aprie: la dixiesme Kalende du mois de May, Et disent aucuns & escriuent / que peu de tēps apres / sainte Agathe / sainte Agnes / sainte Luce / furent martyrees, ¶ Caius le pape fist quatre ordres saintes au mois de decembre: ou fist & crea, xxv, prestres / huyt dyacres / & cinq euesques, Caius fut pape vnze ans quatre mois douze iours, Et apres son martyre vacca le siege par vnze iours,

Lepape Caius fut martyre avecq̄s son frere & sa seur,

Sainte Agathe: sainte Agnes: Sainte Luce martyres

¶ De Marcellin, xxx, Pape & premier de ce nom,



Arcellin Pape estoit de la nation de Rome, Son pere auoit nom Proiect, Et fut au temps de Diocletian & Maximian: qui furent de Dalmace nez & natifz de petite maison & non extraictz de noblesse, ¶ Diocletian fut esleu empereur par l'exercice & ost des gens de guerre des rommains / lan q̄ Rome fut construite & faicte: mil, xli, Il tua luy mesmes vng nomme Aprū: qui auoit occis Numerian, ¶ Lors pource que Maximian ne pouoit resister aux guerres / qui pour lors estoient p̄ tout / & qui luy venoient de iour en iour, Il enuoya en Gaule Constāce herculian / pour faire la guerre cōtre les Gaullois / ou il perdit beaucoup de ses gens, Mais puis apres renouela la guerre / ou furent tuez plus de dix mille Alemans: qui estoient venuz pour ayder aux Gaullois / & estoient aux gaiges & soult diceulx / & les villes furent reduictes a bone paix avecques les Rōmains, Ce pēdāt Diocletian auoit mis le siege deuant la ville de Alexandrie / ou fut p̄, viii, mois a laissaillir  
e, iii,

Dix mille alemans occis en guerre



La dixiesme  
psecution des  
crestiens & de  
leglise,

Les saintes  
escriptures fu-  
rēt bruslees,

Cruel tourmēt

car Achilien qui estoit dedans la deffendoit bien: mais depuis fut prin-  
se & habandonnee a piller aux gens darmes de lost de Diocletian. Maxi-  
mianus frere de Diocletian eut deux batailles contre Narseum/ou fut  
asses eueux: mais a la tierce il fut vaincu/ & tous ses gens occis & mis a  
mort: & luy sen fouyt par deuers Diocletian: lequel fort arrogamment  
le receut: car il courut par plusieurs mille en son chariot tout vestu de  
poupre, pourquoy Maximian fut meue de liniure & contumelie: & reco-  
menca la guerre contre ses ennemis: tellement quil les vainquit & ren-  
dit subiectz a luy, ¶ Apres que les prouinces qui se rebelloient furent  
rappaisees/ & que tout fut en paix: Diocletian regna en orient & Maxi-  
mian en occident, Et commanderent destruire & abbatre les eglises &  
tuer tous ceulx qui se disoient crestiens: & fut la dixiesme persecution  
des crestiens depuis la persecution de Neron, Icelle persecution fut lon-  
gue & plus cruelle que toutes les aultres: car les saintes escriptures fu-  
rent bruslees: & si vng crestien auoit vne office on luy ostoit/ & comme  
infame on le reputoit non digne a obtenir office, Et firēt vng edict qui  
fut mis aux lieux publiques/ que tous cheualiers crestiens adorassent &  
sacrifiassent aux ydoles/ ou renoncassent a lordre de cheualerie, Et ceulx  
qui tenoient la foy de Iesuchrist/ & renoncoient a lordre de cheualerie:  
neantmoins on les tuoit, Et lors fut prins vng cheualier crestien/ qui fut  
vif escorche/ & sur son corps fut iecte du vin aigre & du sel/ ou fut si hor-  
riblement tourmente quil alla de vie a trespas/ & deux crestiens: cest a-  
sauoir Dorothee/ & Gorgone: quant on tourmentoit les cheualiers cō-  
fermoient en la foy de Iesuchrist, ¶ Et lors en la ville de Nicomedie  
par fortune de feu ou autrement le feu se print en la maison royale qui  
fut soudainement enflambee, Ce voyant lempereur fist acroyre faulce-  
ment que les crestiens y auoyent mis le feu, Parquoy en fist beaucoup  
tuer & plusieurs tous vifz iecter au feu ou furent brusles, ¶ Et en ce tēps  
par le commandement de lempereur autant en fut faict aux crestiens en  
la ville de Militene/ en la prouince de Syrie/ de Aphrique/ en Egiptee:  
Et en la ville de Tyr furent plusieurs crestiens mis en plain chāp pour  
estre deuorez des bestes sauuaiges/ cōme lyons & tigres, Et tous les tour-  
mens de quoy ses boureaulx/ tyrans/ se pouoiēt aduiser: ilz les faisoient  
endurer aux crestiens: aux vngs on leur arrachoit les vngles/ & puis leurs  
mettoient de petitz vaisseaulx de terre tous chaulx aux dois: aux aultres  
les perceoient de canes & arundes & pieux de boys, Lors les villains pre-  
noient les femmes crestiennes & les despouilloyēt toutes nues/ & en leurs  
lieux secretz de nature mettoient de longues arūdes/ rouseaulx/ & bastōs  
de boys/ & les faisoient ainsi mourir, ¶ En Phrygie auoit vne ville plei-  
ne de crestiens/ pource quilz ne vouloient sacrifier aux ydoles/ toute la  
ville avecq̃s les crestiens furent bruslez & ars, Et pource que Adauctus  
rommain les soustenoit la foy de Iesuchrist/ fut prins par les satallites  
qui luy creuerent les yeulx dung fer chault dont mourut, ¶ Et lors le-



uesque de Nicomedie appelle Anthime fut martyre: & Lucian prestre de Antioche grant clerc: & si fut occis & martyre Pamphille cesarien, Hilar de Egypte qui se appelloit thynus: il eust la teste coupee: il composa vng liure de la louege des martyrs: & redargua fort les iuges qui iugent mal, Damasus dit & racõpte que en, xxx, iours fut tue occis & martyre, xvii, mille tant hommes que femmes en plusieurs prouinces, Sans ceulx qui furent enuoyes en exil et diuerfes yles ne ceulx qui furent cõdempnes a fouyr les metaulx & tailler les pierres de mabre: qui estoient quasi sans nombre, ¶ Le pape Marcellin fut prins & mene par les tyrãs affin de sacrifier aulx ydoles: ce quil fist de peur & par force & violence adora & bailla de lencens aulx ydoles, Et depuis assembla vng concille en la ville Sumessa en la Champaigne: ou estoient / cent quatre vingtz euesques, Et la le pape Marcellin vestit la haire se touilla de pouldre & ordure / & requist a tous ceulx du concille que ce fust leur volente de luy bailler penitence condigne: pour son incõstance & peche que auoit fait de sacrifier aulx ydoles, Mais nully du cõcille ne fut trouue qui luy baillaist penitence, Et disoient trestous que saint Pierre auoit quasi ain si fait: & que sa penitence fut de plourer son peche, Et a ceste cause le pape Marcellin fort trouble & courrouce retourna a Rõme ou trouua le pereur Dyocletian & le cõmeca a tẽcer & reprẽdre pource q par force il lauoit fait sacrifier aulx ydolles, Pourquoi ce voyãt Dyocletian il le fist prendre & mener pour martyrer & auecques luy furent martyrez / Claudio / Cyrino / & Antonino qui estoient crestiens, Et en menant les martyrs au martyre: le pape Marcellin rencontra Marcel prestre & luy dist quil nobeist aux cõmandemens de lempereur Dyocletian mesmement aulx choses qui contennent la foy crestienne: luy priant quil ne uoulist enterre rson corps pour ce quil auoit regnie nostre sauueur Iesuchrist & que nestoit digne destre enterre, ¶ Et furent les corps des saintz martyrs par le commandement de Dyocletian sans enterrer: par lespace de xxxvi, iours, Or depuis saint Pierre lapostre se apparut a Marcel le prestre en son dormant: qui luy commanda ensepuelir les corps des martyrs ce que fist, Et les enterra au cymetiere: qui depuis fut appelle le cymetiere sainte Precille: en la voye sallane, La sixiesme Calende du mois de May, Or comme dit Eusebe dieu ouurit ses yeulx & fut cõtrainct Dyocletian & Maximinian de hoster le gouuernement de lepire: & vesquit Dyocletian priuement asses longuement en grande maladies & deuint fol / & hors du sens & aliene de lentẽdement & luy mesmes de sa main se tua, Eusebe raconte & escript que dieu parmist que les crestiens en ce tẽps la souffrirent telle calamite tourmẽs & maulx: que ce fust pour les mauuaises coustumes que les crestiens tenoient: & pareillement les gens deglise qui estoient trop habadõnes a lascinite & hypocrisie, car il estoient adulateurs & montrant beau visage: mais ce nestoit que fraude: & dol en leurs cueurs: & pensee & fallaces en leurs parolles, Les p̃stres estoient

Le pape Marcellin sacrifiã aulx ydoles,

Le martyre de pape Marcellin,

Contre les gẽs deglise,



De Marcellin, xxx. pape & premier du nom,

enuieulx: & orgueilleulx / il auoient les vngs aulx autres inimities / rancunes: & sembloient mieulx tyrans que prestres: pour leurs couuoitises & haynes que auoient sur chascun: car il nauoient pitie ne charite: il prophanoient leglise par leurs peches en celebrant: par quoy la diuine iustice par ceste persecution voulut refrener leur mauuaise vie, Mais que dirons nous des crestiens & gens deglise de maintenat: quelle persecution pourront il auoir: pour les peches enormes infectz & villains qu'on voit en leglise regner: pourquoy ie croy que a grant peine misericorde aura lieu envers dieu: pour les effacer / & pardonner, O quelle auarice est en gens deglise / prestres / & aultres / religieulx / aulx princes / & seigneurs terriens: quelle couuoitise de acquerir des biens mondains / quelle pompe / quelle ambitio de regner & dominer & nest que orgueil / lachete / paresse / ignorance / de se congnoistre soy mesmes: il ignorent & ne congnoissent la doctrine de leglise: ou il nont ferme foy / ne deuotion, Mais se aucune en eulx aparoit elle est simulee & faincte & non veritable: il pechent & font publiquement leurs peches par iuremens & blasphemies quil tardent a auoir & aquerir louenge pour leurs peches par eulx commis, ¶ Le turc grant ennemy de la foy crestienne viendra / croyes moy: qui sera sans comparaison plus cruel que na este lempereur Dyocletian / & Maximinian: & nous nen tenons compte & ne nous enchaux, Mais viuons & prenons nos voluptes & plaisirs mondains: & dormons en nos desers priues: & ne nous chault & ne tenons compte du bien publicque: & de augmenter & de fendre la foy crestienne: Mais non pourtant a la mienne volente soit que ie ne vienne & que en ce ie soye faulx prophete: pour la pitie que en aduiendroit ¶ Or ie retourneray a parler du bon pape Macellian que a la mienne volente nous le puissions ensuiuir, Car comme iay dit quant il eut recogneu sa faulte & son erreur quil auoit abandonne & delaisse la foy de nostre seigneur Iesuchrist pour adorer les ydoles, mais depuis sen repentit par quoy fut griefuement martyre & receut la couronne des benoistz martyrs pour la foy de nostre seigneur Iesuchrist, Il fist deulx saintes ordres au mois de Decembre ou furent faitz & crees quatre prestres deulx diacres / & cinq euesques: il fut pape de Rome par lespace de neuf ans / deulx mois / & seize iours, Et apres la mort & martyre le saint siege papal vacca par lespace de vingt & cinq iours,

¶ Marcel, trente & vnieme pape  
Et premier de ce nom,





Arcele Pape estoit de Romme / son pere  
eut nō Benoist & estoit du cartier de la vil  
le de Romme appelee la voye latee / & fut  
le pape Marcel au temps de Constance &  
Galere & iusques a l'empereur Maſentiū,  
¶ Or depuis que Dyocletian & Maximi  
nian laisserent le gouuernement de l'em  
pire de Romme / & sen deschargerent / Cō  
stance & galere prindrent la charge & gou  
uernement de la monarchie & empire de la  
ville de Rōme: & entre eulx deulx demis  
rent & partirent des prouinces, Galere eut  
en gouuernement, Illirique / Asie / & tout le pays de Orient, Constance  
fut fort modeste & ne voulut auoir que la Gaule & Hespaigne & de ce  
fut content / combien que par le sort q'auoiēt fait luy fust escheu le pays  
de Italye, ¶ Galere fit deulx cesars & capitaines: cest assauoir Maximiē  
au quel bailla en gouuernemēt Oriēt, Et Seuerus qui eut le pays de Italye  
Et Galere retint Illirique pource que se doubtoit que les Barbariēs qui  
estoiēt gens ennemis aulx Rommains vouloient occuper & aler en ce  
lieu pour y dominer, ¶ Constance fut homme fort singulier / doulx / &  
paissible / & fut tressort ayme de tous ceulx de Gaule / & pour l'amour de  
luy les crestiens Francoys nauoient point este tyrannises par Dyocle  
tian ne Maximinian: combien que a ce faire eut grant peine, Apres  
quil eut regne par, xiii, ans il mourut en Borace qui est au pays de Bretoi  
gne & fut repute entre tous les princes le plus grant & digne, ¶ Le pape  
Marcel tousiours entendoit au diuin seruice & a laugmentacion de la foy  
crestienne & persuada: & tant fist par ses amonitiōs que Priscille matro  
ne de Rōme fist & edifia vng cymetiere en la voye salone: Et fist, xxv,  
eglises titules en la ville de Rōme: out estoient fons pour baptiser ceulx  
qui se vouloient faire baptiser, Car en ce tēps la plusieurs gentilz payens  
en grant nombre se faisoient baptizer, ¶ Lors l'empereur Maſence quāt  
il sceut & cōgneut que Lucine saincte femme matrone de la ville de Rō  
me auoit donne tous ses biens a leglise & auoit fait leglise son heritiere  
de tous ses biens: fut fort courrouce / or enuoya icelle Lucine en exil hors  
du pays de Romme pour quelque temps, Et puis fist prēdre le pape mar  
cel & le voulut cōtraindre a renoncer a la papalite & foy crestienne / ce q'  
ne voulut faire: mais s'emoquoit des commandemens que luy faisoit l'em  
pereur, Pourquoy l'enuoya garder les bestes publiques / ou fut enferme:  
mais ce nonobstant que le pape fust en vng lieu infect / ort / & villain / ce  
neantmoins ne laissoit a prier dieu & faire ses prieres / oraisōs / & ieufnes,  
Et tousiours enuoiet epistres / & lectures aulx parroisses par les quelles  
il les gouuernoit aussi bien que si neust este enferme, Neuf moys apres  
quil eut este en icelle captiuite / il fut deliure de nuit par les gens deglise

La mort de cō  
stance empe  
reur,

Le cymetiere  
Priscille,

Lucine fut en  
uoyee enxil,



De Eusebe, xxxii, pape & premier du nom,

**La mort du pape marcel,** & clerge: pourquoy fut fort ire Maſence & le fiſt reprendre & mettre au cacabule/dont auoit eſte deliure: ou quel le pape Marcel y mourut, Et fut ſon corps enterre par Lucine au cymetiere de Priſcille La, xxvii, Calende du mois de Feuurier, ¶ Or depuis apres que legliſe creſtiene fut plus augmentee fut fait vne eglise ou lieu ou eſtoit le Cacabulun au nō de ſainct Marcel pape/laquelle eglise on voit encores de pſent, Auchūs eſcripuent que en ce temps ſainct maurice eueſque/ſa legion de creſtiens furent martyres pres le fleune de Rōme/& au meſme temps furent ſainct Coſme/& ſainct Damien/ſainct marc/& ſerge:& aultres pluſieurs martyrs, Sainct marcel pape obtint & fut pape cinq ans : ſix mois / &, xxi, iour, il fiſt les ſainctes ordres au mois de Decembre ou fiſt, xxv, preſtres deulx diacres &, xxv, eueſques, Et apres ſa mort le ſainct ſiege de Rome vacca par leſpace de vīgtz iours,

¶ Eusebe, xxxii, pape & premier du nom,



**Linuention  
de la croix,**

Vſebe fut de la nation de Grece : ſon pere eſtoit medecin il fut eſleu au temps que reſnoit Conſtantine & Maſence/ car apres la mort de Conſtance/ Conſtantine filz de Helene fille de Claude: fut eſleu du conſentement de tous les cheualliers eperours de occident, Or en ce faiſant les cheualliers preſtories par force & tumulte de guerre nommerent & appellerent Maſence filz de Maximian Herculee Auguſte/ pourquoy maximian qui ſe tenoit en la Lucane ou viuoit ſolitairement vint a Rome & enuoya lettres a Dyocletian par leſquelles luy madoit que vint a Rōme: pour luy aider/ mais contre les guerres & tumultes que ce faiſoit a Rome fut enuoye par Galere Seuerus avecques grāt oſt exercice q̄ enuironna la ville de Rōme, mais p̄ la fraulde de ſes gēs de guerre & cheualliers qui eſtoient en ſa cōpaignie & avecques luy: & qui ſe attendoient avecques maſence/ fut enuironne & circūuenue tellement que fut preſque prins, mais il ſen fouyt a Rauane ou depuis finalement fut occis & tue. Et ſi ne ſen fallut guerres que maximian ne fuſt tue par ſon filz: pource quil vouloit atyrer a ſoy la beniuolence des gens darmes par dons & promeſſes : & pource q̄ ne ſe peult faire ſenfout en gaule a ſon gendre conſtantine lequel vouloit cōuenir & tuer p̄ fraulde/ou dol, Icelle thraiſō fut decouuerte p̄ ſa fille Fauſte/ qui auoit eſpouſe Conſtantine: pourquoy ſen fouit en marcelle ou il fut aſſailly de ſes ennemys/ & la receut les peines que auoit meritez mais cōme auchūs ont voulu eſcripre il ſe tua luy meſmes. ¶ Au tēps q̄ le pape Eusebe viuoit fut trouuee la vraye croix noſtre ſeignr Ieſuchriſt,



La cinquiesme None du mois de May & par la mere de Constantin appelée Helene / comme dit est fut honorablement receue / en grâde deuotion & de ioyaulx aornee: Et fut baptize Iudas qui auoit este inueteur de de la saincte croix que depuis fut appelle Kyriacun, ¶ Le pape Eusebe reconcilloit a leglise les heretiques en leur mettant la main sur la teste: il ordonna q gens prophanes / & gens lays ne pussent faire conuenir vng euesque par deuant vng iuge seculier, ¶ En ce temps viuoit Lactence Lactence, furnian disciple Arnobi: Et a la fin de son aage fut maistre & pcepteur de Crispi Cesar filz de l'empereur Constantin: que pour lors estoit en la Gaule, ¶ Or apres que le pape Eusebe eut fait vne foys les sainctes ordres au mois de Decembre: ou fist & crea, xiiij, prestres / trois diacres: & xiiij, euesques mourut a Romme & fut enterre au cymetiere de Calixte en la voye de Appie la sixziesme None de Octobre: il fut pape par l'espace de sixans / vng mois / & xiiij, iours, Et lors ne vacca le siege de Rome que par l'espace d'ung iour,

¶ Melciade, xxxiiij, pape Et premier de ce nom,



Elciade estoit de la nation Apher: il fut au temps de Marence licine / & Maximini, Licine fut du pays de Dace / & Galere le print pour gouverner vne partie de l'empire pour sa prudence & experience aux faitz de guerre / Iceulx trois princes voyant l'empereur, Constantin qui fauorisoit aulx crestiens ainsi faisoient il, Mais Marcene secretemēt enuoyoit ses gens darmes & leur bailloit en commandement de tuer tous les crestiens que trouueroient en leurs voyes, Ce

Cruelle tyrannie,

stui Marence se delectoit aulx ars & sciences de magique & faisoit prendre des femmes crestiennes grosses deffans & leur faisoit fendre le ventre & pnoit les petis enfans & les faisoit bruler / & de la cendre en vsoit en lart de magique: affin de monstrer que tyrannie se pouoit faire & exercer par nephas & telz horribles faitz, ¶ Et Maximine semblablement luy estant en Orient vsoit de telle cruaulte & bailloit gaiges par chascun an aulx maistres magiciens & docteurs de mauuais ars diabolicques: comme deuinneurs / enchanteurs / & augures / aulx quelz donnoit foy a ce que faisoient / & ce que fut plus grief a la foy crestienne, Ces deulx Marence & Maxime firēt refaire les temples des ydoles & y firent les sacrifices: comme au tēps passe faisoient les payens Or ce voyant par Constantin fist guerre contre Marence / ou fut vaincu pres le port miliun ou auoit fait vne fraulde pour surprendre Cōstantin & ses gens darmes, Mais quāt se vit presse de pres oubliā le lieu ou estoit



Punition diuine,

La repentance de maximine empereur,

La mort maxime,  
Pucelle Dorothee martyre,  
Sophronia se tua,

Le martyre du pape melchiade & de plusieurs euesques,

la deception & passa par dessus le dit port que auoit fait faire ou estoit la fraude & deception: par lequel cuidoit que lost de constantin deust passer ce que ne fist: Mais il passa luy & ses gens ou furent noyes, Et depuis fut prins Lucine qui fut vaincu par mer & par terre & fut contraint se rendre pres Nycomedie / & depuis enuoye en exil en Theslalinne: & fut iustement fait: car il auoit faulse la foy crestienne par enuie & persecutoit les crestiens: pource que constantin les fauorisoit, Maximine par la diuine iustice fut frappe d'une maladie quil fut tout enffle & ses boyaulx pareillement / & deuint si gros & infect quil sembloit vne charogne & sortoit de luy & de son corps si grant puanteur que luy mesmes ne le pouoit sentir / car il estoit plain de chancre / & de vers qui luy mengoient les entrailles tellement que ne se pouoit soubstenir ne endurer lordure & iustement il estoit pigni: car il auoit deffendu que les crestiens ne se assemblissent aulx cymetieres: Et aussi pource quil auoit fait faire vng grant simulachre / & ydolle en Antioche que auoit fait consacrer: & par des prestres qui estoient payes & subornes par luy / & caches en des cauernes soubz l'ydolle, Et leurs faisoit dire a haulte voix quil falloit chasser les crestiens des villes & citez, Et fist distribuer gaiges a les prestres qui disoient par les villes que falloit chasser les crestiens, ¶ Or quant ce tyran Maximine vit quil estoit ainsi frappe de maladie il se repetit des tyrannies q auoit faictes / & fait faire aulx crestiens: & fist vng edit qui fut publie par toutes les villes: par le quel deffendit quon ne fust nul mal aulx crestiens: & quon les laissast viure selonc leurs loix / & coustumes: mais ce neautmoins cela ne luy pffita: car il le faisoit par force / & pourueoir se recouureroit sancte: ce que ne fist, Mais apres quil eut este longuement tourmente de maladie il mourut miserablement, Cestoit vng homme fort cruel / & variable / car maintenant fauorisoit aulx crestiens / & tout soudain les faisoit tuer & occire, Et estre aultres fist martyrer Dorothee vierge belle: pour ce quelle ne voulut obtéperer quil fist d'elle sa vouléte charnelle: mais elle ayma mieulx mourir que endurer estre stupree, Sophronia aussi pucelle que plusieurs fois auoit este requise par Mazence pour la stuprer & violer que ne voulut faire, Mais pource quelle ny pouoit plus obuiuer: elle mesme en ensuiuant Lucrese se tua & occist, ¶ Le pape Melchiade ordōna quon ne iusneroit point le iour du dimēche / ne la cinquieme ferie qui est le ieudy, Car ses deulx iours les payens les gardent & obseruent, ¶ Lheresie des Manichiens commēsoit a pulluler & croistre a Rome: lors par le cōmandemēt de Maximinian le pape Melchiade fut martyre, & pareillement pierre euesque de Alexandrie / Lucian prestre de Antioche / tymothee prestre Romain: & auecques eulx plusieurs euesques / & prestres furent martyrez, Le pape melchiade fut ensepuele au cymetiere Calixte la quatriesme Yde de Decēbre. En son temps il fist seulement vnes ordres saintes: ou fist sept prestres / six diacres / & douze euesques il fut pape de Romme par lespace de quatre ans / sept moys / & neuf iours



Et vacca le siege apres son martyre par, xvii, iours,

¶ Siluestre, xxxiiii, pape &amp; premier du nom.



Iluestre estoit Rommain sō pere eut nom Ruffin & fut esleu pape au temps de lempereur Constantin, Lan que Romme fut cōstruite, Mil quatrevingt & xi, & lan de nostre seignr Iesuchrist trois cēs, xxxviii, Au temps de Constantin lēpereur les crestiens qui auoiet este par cy deuāt tant molestes & tourmentes par les tyrans commēcerēt a auoir vigeur / force / & vertu: avecques le prince Constantin se conformerēt,

¶ Cestuy Cōstantin estoit fort belliqueux & fortune a gaigner batailles, a ceulx qui

Constantin  
Lempereur,

luy demandoyent paix il leur bailloit voulentiers, Et quant auoit loisir il estudioit aulx ars liberaulx & se estudioit fort a se faire aymier & auoir la beniuolence dung chascun: il fist plusieurs loix pour le biē publicque il en osta resca & abolist ceulx qui estoiet de nullevaleur: & qui estoiet trop seueres il les adoulcist & corrigea: il fist refaire la ville de Byzāce qui estoit en ruine & la fist appeller par son nō, Il la voulut faire refaire aussi grāde que Romme & lappelloit la secōde Romme: cōme on peult veoir soubz la statue de luy a Romme par lettres escriptes, Cestui prince regardoit & consideroit toutes choses tant estoit saige: & quāt il oyt parler de lhonestete de la foy crestienne & deuotion des crestiens qui gardoient par symonie & sobriete: & se reioysoiet en pourete / & qu'il estoiet doulx amiables / que ne demandoyent que paix & se estudioiet a la garder avecques simplicitē & constance: il ayma si fort que quant il alloit en guerre il nauoit pour enseigne que le signe de la croix: laquelle porta quant fut a la guerre contre le tyrant Mazēce, Car les anges luy auoiet dit: tu vainqueras tes ennemis par le signe de la croix, Il vainquit pareillement Liciniun qui estoit vng cruel tyrant: car il faisoit deuorer les crestiēs aulx lyons / les aultres faisoit pēdre & leur faisoit coupper les mēbres les vngs apres les aultres: cōme on fait aulx pourceaulx, Le pape siluestre lors sortit de la montaigne & lieu de soratte ou il auoit este p les tyrans dessus nōmes enuoye en exil, & les aultres disent quil sen estoit fouy cacher pour la fureur des tyrās: & sen vint a Rōme ou trouua cōstantin qui auoit bō courage a faire du biē aulx crestiens, Mais encōres par les parolles du pape Siluestre il fut plus enclīn & prōpt a leur faire tout seruice, lēpereur Cōstantin pmist au pape de porter vng diademe dor ou seroient pierres precieuses: Mais Siluestre nen tenoit cōpte & nen vouloit porter disāt q ce n'apartiēt a vne deuote psonne: & ne vouloit porter q vne mytre blāche: en sa teste & de ce se cōtētoit: voyāt p lēpereur la bōne vie & saicte

Retour du pa-  
pe Siluestre a  
Romme,

Lhumilite &  
deuotio de Sil-  
uestre,

f, i,



La premiere  
eglise edifiee  
par Constantin

que menoit le pape Siluestre: il fist construire & edifier vne magnifice-  
que & sumptueuse eglise: au lieu où estoient les iardins de Equitius qui  
estoyent pres les estuues de Domician. A laquelle eglise Constantin le  
pereur donna vne platene d'argent du poix de, xx, liures: vng calice dor  
du poix de deulx liures: & daultres vaisseaulx dor & d'argent qui seroient  
longs a racompter, Et oultre donna a la dicte eglise / vne terre appelee  
Valerianne qui estoit en Sabine: qui valloit de reuenu par chascun an:  
quatre vingtz soldes, Cest vne maniere de monnoie du pays de Italie,  
Et avecques ce donna a icelle eglise vng beau iardin / qui estoit dedans  
la ville de romme / ou lieu dit la rue des deulx amoureux qui valloit de  
reuenu par chacun an, xv, soldes, Avecques vne maison qui valloit en re-  
uenue par chacun an cinquante huyt soldes, ¶ Or en ce temps en la ville  
de Alexandrie estoit vng prestre nomme Arrius orgueilleux & fort ap-  
petant & desirant la gloire & louenge des hommes: & non pas de la verite,  
Commanda mettre discorde & heresie en la foy crestienne: en voulant  
separer Iesuchrist a leternelle ineffable substance de dieu le pere, Et met-  
toit ceste preposition, Erat aliquando / quando non erat, Cest adire il fut  
vng temps: ou quel il n'estoit pas, Or il nentendoit pas que dieu le filz Ie-  
suchrist fust coeternel a dieu son pere & vne mesme substance en Trini-  
te, Car comme auoit dit nostre seigneur Iesuchrist, Moy & mon pere  
ne sommes qu'ung: neautmoins que Alexandre euesque de la ville de Ale-  
xandrie mist grant peine a luy faire reuoyer son erreur le quel de ce ne  
tint compte, Mais y perseuera le dit arrien: pour quoy Lempereur constan-  
tin a ses despens fist assemblez vng grant concile general en la ville de Nyce-  
ne ou furent trois cens, xviii, euesques ou fut fort dispute de lheresie de ar-  
rien & auchuns docteurs & cauteleux en leurs argumens soustenoiēt la  
partie de Arrien, Mais ce neautmoins vng des plus grans clercz qui fauo-  
risoit a Arrien & soustenoit sa querelle frappe du saint esperit cōfessa  
deuant tous la foy de Iesuchrist estre vraye & sainte: & celle qu'on doit  
tenir, Combien que au parauant il l'auoit fort debatue & impugnee, Et fi-  
nalement par le concile fut determine & conclud qu'on deuoit cōfes-  
ser que dieu le filz auoit vne mesme substance avecques dieu le pere, Or  
ceulx qui apres demourerent & tindrēt lheresie de Arrien n'estoiēt que  
dixsept: pourquoy Constantin l'empereur ce voyant fist vng esdit: q̄ tous  
ceulx qui viendroient contre le decret du concile / seroient enuoyez en  
exil: & lors ne demoura plus que six des dixsept qui tenoient lheresie de  
Arrien qui furent avecques Arrien enuoyez en exil, Et au mesme con-  
cile fut damnee & reprouee lheresie Photinienne: dicte & appelee  
ainsi de son auctorite Photine euesque de Gallare en Grece: iceulx en sui-  
uoiēt lheresie des ebionittes: lesquelz affermoiēt nostre seigneur auoir este  
cōceu de la vierge Marie cōe les aultres homes, & aussi furent en iceluy  
concile dampnez & reprouez les sabelliens & leur heresie: car il disoient  
que dieu le pere / dieu le filz / & le saint esperit n'estoient que vne personne,

Le concille de  
Nycene,

Lheresie des  
Sabelliens,



Or durât le concille auchuns euesques baillerent a l'empereur Constantin: les vngs contre les aultes plusieurs libelles/accusations/ & querimonies qu'auoient ensemble affin que leurs fist iustice. Mais l'empereur Constantin print tous leurs libelles/ou estoient escriptz leurs accusations/ & querimonies & les fist brusser. Et puis leur dit quil doibuent auoir & requerir le iugement de dieu & non pas des hommes: & oultre fut ordonne & decrete q'aucun ne se fist chastrer pour estre chaste & fouir le stimule de la chair & que ceulx qui pource se faisoient chastrer ne fussent recens a recepuoir les saintes ordres de leglise: & fut deffendu & prohibe aulx prestres de ne tenir auecques eulx femmes estranges. Mais seulement leurs mere: leurs tante: ou leurs seur. Et si fut ordonne que on tiendroit le concille tous les ans en chascune prouince /affin de pourueoir a lestat de leglise/ & aulx abus que y suruiennēt. Mais pourquoy les papes de nostre temps ont telz saintz decretz abolis: ie ne scay la cause sinon quil ont eu peur & crainte qu'on les reformast de leurs mauuaise vie & vices.

¶ Et finalement en se saint concille fut deffendu / que vng prelat ne laissast vne petite eglise pour se transferer en vne plus grande & opulente en biens/par ambition/ou auarice. La quelle ordonnance ou statutz nest maintenant gardee ne obseruee. Mais les prelatz de maintenant: comme loups affamez par prieres promesses & dons que font aulx papes: ne demandent que alaïsser/les euesches & benefices quil ont / pource que ne sont pas de grant reuenu pour en auoir de plus grant reuenu: pour gaudir/ & faire leurs plaisirs & auoir leurs voluptez & delices en ce monde.

¶ Le pape Siluestre ordonna que le creisme seroit consacrer par vng euesque & nō par aultre, & que vng enfant aulx baptisme en seroit oint en croix. Et oultre fist vng statutz que vng homme lay ne pourroit cōtraindre ne faire conuenir vng clerc/ne pareillement/que vng clerc ne pourroit patrociner: par deuant vng iuge seculier ne en court laie.

¶ Et lors fist & ordonna vng statutz que quant vng prestre se voudroit vestir pour celebrer la messe que ne vetist point de ornement qui fussent de soie: ne de drap painctz: ne tainctz. Mais se vetist de vestemens: & ornemens de lin & tous blancs. Et disoit quil falloit celebrer la messe en vestemens blancs pour cause que nostre seigneur Iesuchrist fut enseueuly en vng syndone blanc de lin. Il institua les degretz des saintes ordres aulx quelles ordonna que vng homme neust que vne femme.

¶ Lors l'empereur Constantin estoit fort desirant & conuoiteulx de augmenter la foy crestienne: a ceste cause fist faire & construire vne belle: & magnificque eglise appelee Cōstantianne: que maintenāt on appelle a Romme leglise saint Iehan de Latrā. Et y donna de grans biens: il donna a icelle eglise vne table toute d'argent: ou estoit nostre seigneur Iesuchrist assis pesant cent & trente liures: & douze Apostres de fin argent. Et oultre donna en ladicte eglise vne belle ymage de nostre sauueur / de cinq piedz estant au trosne assis regardant in absipda tout d'argent pesant

f.ii.

Deffices aulx  
prestres de ne te-  
nir femmes  
auecques eulx

Qui doibt cō-  
sacrer le cre-  
me,

Chāter la mes-  
se en vestemēs  
de lin blanc,

*Leglise s. Iehan  
de Latrā  
d. fin par  
Constantin  
assise sur  
Constantin.*



cent quarante liures & quatre anges d'argent du poix de cent cinq liures, & quatre couronnes de fin or / ou estoient en leurs dez daulphins / qui pesoient vingt liures, Et sept autels de fin or pesant deulx cens liures, Et pour le luminaire de la dicte eglise donna le reuenue de la masse Gargalionne vaillant quatre cens soulz, Et avecques ce donna le reuenue de la masse Urbanne du champ anthiate, En ladicte eglise fist faire vng fons pour baptiser / qui estoit tout de pierre de porphyre & la partie qui tenoit leau estoit toute d'argent: & au mellieu des fons estoit vne coulonne de porphyre ou estoit vne bouteille / ou phiole de fin or pesant cinquante liures / ou estoit du baulme qu'on vsoit a la feste de pasques: & aulx fons estoit vng aigneau tout dor fin par ou sortoit leau: & au pres de laigneau estoit vne belle ymaige de nostre seigneur Iesuchrist qui estoit d'argent du poix de cent soixante & dix liures, Et de l'autre coste estoit la statue & ymaige de monsieur Sainct Iehan Baptiste: & estoit faicte d'argent du poix de cet liures, Et auoit en sa main vng escripteau ou estoit escript, ecce agnus dei: ecce qui tollis peccata mundi, Cest adire veci laigneau de dieu: cest celluy qui efface les pechez du monde, Et oultre estoient figures sept cerfs d'argent qui iettoient leau: & pesoit vng chascun cerf quatre vingtz liures, Et par les prieres du pape Siluestre, Lempereur Constantin fist faire leglise saint Pierre ou lieu dit Vaticane / asses prez du temple Dappollo / en la quelle eglise fist mettre le corps monsieur saint Pierre tres magnificquement: il fut tout enclos d'une tombe faicte de cuivre, & darain: & dessus le sepulchre vne croix dor pur du poix de cet cinquante liures: & aulx quatre coings du sepulchre estoient quatre chandeliers d'argent: ou estoient escriptz les actes des apostres: il donna trois calices dor: du pesant de douze liures: & vingt calices d'argent du poix de deulx cens liures: il donna vne platene d'argent & encensiers ou estoient iacinthes & perles & vne coulombe: le tout du poix de trente liures: l'autel estoit tout entour clos dor & d'argent ou estoient plusieurs belles pierres precieuses: Et oultre donna a la dicte eglise la maison de Dacien qui estoit en Antioche: laquelle maison valloit de reuenue cent cinquante soulz: & si donna le iardrin de Virgille Marone: & plusieurs autres beaulx edifices de quoy on auoit grans prouffis & reuenus: pour entretenir les prestres & la dicte eglise, Et oultre a la requeste de pape Siluestre Lempereur Constantin edifia vne grande & magnificque eglise en lhonneur & reuerence de monsieur saint Pol: en la voye de Ostience / ou fist enterrer & ensepuelir le corps monsieur saint Pol, Comme auoit fait le corps monsieur saint Pierre, comme nous auons dit cy deuant, Et si donna tout autant de vaisseaulx / dor / d'argent / & darain comme il auoit fait a monsieur saint Pierre: & mesmemet fist mettre sur le corps monsieur saint Pol vne croix dor du poix de cent cinquantes liures, Et assigna a la dicte eglise les prouffis & reuenus de Tarse cilicine de Tyr Et pareillemet la dicte eglise de monsieur saint Pol prenoit le reuenue

Leglise saint  
Pierre ediffiee  
par constantin

Leglise saint  
Pol ediffiee par  
constantin,



de huylle/de baume/& de toutes odeurs/& precieuses liqueurs qui venoient de ses lieulx/comme safren/sel/poyure/cynamome/canelle/& aultres espiceries, Par le commandement de l'empereur Constantin fut edifiee & cōstruite vne sumptueuse eglise qui fut dediee en lhonneur & soubz le tiltre/de la croix: quon dit maintenāt leglise saīcte croix en Iherusalem ou fist mettre vne grāde ptie de la saīcte croix qui fut trouuee en Iherusalem par sa mere Helene qui fut vne femme de grande foy/& ammirable deuotion: car apres quelle eut veu par vision en dormant sen alla a grant compaignie en Iherusalem pour trouuer la croix de nostre seigneur Iesuchrist / que les iuisz ennemis de la foy crestienne auoient mussee & cachee en vng lieu ou estoit l'ymage & simulachre de la deesse Venus/affin que les crestiens adorassent icelle Venus ou lieu de la saīcte croix, Mais la saīcte Helene frappee de foy & religion fist fouyr le lieu & oster les ordures & grosses parrez que estoient dessus/& lors par sa diligence trouua trois croix: & en lune des trois estoiet escriptz telles lettres, I, N, R, I, Et lors estoit Machaire euesque de Iherusalem/qui print la saīcte croix & la mist sur le corps dune feme qui estoit morte & souladainnemēt fut ressuscitee de mort a vie/& L'empereur Constantin pour lhonneur & reuerence de la saīcte croix fist vng edit: p lequel fut deffē du que doresnauant on vst plus de croix: pour faire mourir les gens, Et saīcte Helene fist faire vne eglise au lieu ou fut trouuee la saīcte croix Et bailla a son filz les trois clous / dont nostre seigneur Iesuchrist auoit este cloue, & dung diceulx fist faire vng mors a cheual: Et quant il alloit en guerre le mettoit a son cheual:& l'autre le mettoit sus son heaulme/& le tiers clou ietta en la mer adriaticque pour faire cesser/& appaiser les tempestes de la mer, Comme dit monsieur saīct Ambroise, ¶ Les dōs qui furent donnees a leglise saīcte croix de Iherusalem de Romme/ quatre chandeliers d'argent / quatre scīphes/dix calices dor vne platine d'argent pesant cinquante liures:& vng autel d'argent qui estoit du poix de deulx cens cinquante liures: & si donna aladicte eglise Constantin les terres champs & possessions qui estoient pres du palais, Et auchuns ont voulu dire & escrire: que par le vouloir & commandement de l'empereur Constantin leglise de saīcte Agnes auoit este edifiee a la requeste & priere de sa fille nommee Constance/ou fut fait vng fons a baptizer & la furent baptizez sa fille Constance & la seur de Constantin qui se nommoit aussi Constance, Les dōs qui furent faitz a icelle eglise saīcte Agnes par ledit Empereur Constantin/furēt vne platine dor qui estoit du poix de vingt liures / vng calice dor / du poix de dix liures: & cinq calices qui estoient d'argent, Oultre donna les terres & fiefz de sa deuanee & ceulx de pīso, Et oultre l'empereur Constantin fist faire / & edifier leglise de monsieur saīct Laurens: qui est hors les murs de la ville de Romme au champ Verane:& y fist les degrez / par ou on descendoit pour aller veoir le corps de monsieur saīct Laurens: il aorna icelle eglise

Leglise saīcte  
croix en Iheru  
salem,

Edit en lhon  
neur de la  
croix,

Saīct Am  
broise,

Leglise saīcte  
Agnes,

Leglise saīct  
Laurens,

f.iii,



De Siluestre, xxxiiii, Pape & premier de ce nom,

Leglise saint  
marcellin &  
saint pierre,  
Le sepulchre  
de Helene me  
re de Constan  
tin,

de pierres de porphire & d'argent / & au bas ou estoit le corps saint Lau  
rense estoit vne lanterne toute dor du poix de, xx, liures. Et deuant le corps  
du martyr saint Laurens estoient dix lucernes du poix de, xv, liures / &  
assigna & donna toutes les terres qui auoient este a ciriaceste femme Rō  
maine qui le Fisque auoit occupe / ou temps des persecutions des cresti  
ens / & vng fief en Veranne: qui valloit de reuenu p chascun an soixan  
te soubz. ¶ Apres que l'empereur constantin eut fait les eglises dessus escri  
ptes / il fist faire / entre deulx arbres de lorier / vne eglise dediee en l'hon  
neur des martyrs saint marcellin & saint Pierre exorciste, Et au pres  
faire vng sepulchre & mausolee en memoire & honneur de helene sa me  
re. Lequel sepulchre il fist entourner de pierres de porphire / & en ladi  
cte eglise des martyrs & en faueur & amour que auoit en sa mere / donna  
& doua leglise de grās dōs, Cest assauoir vne patene dor pure du poix de  
cinq liures: &, xxx, chandeliers d'argent: ou en auoit quatre dor par le pied  
xii, calices dor / & trois faitz dor avecques pierres precieuses / gemes / & ia  
cintes / vng autel d'argent du poix de deulx cēs liures / vng vaisseau dor  
du poix de vingt liures: & outre donna le reuenu de certaines terres qui  
furent a sa mere Helene auguste qui valloit de reuenu trois cens soulz /  
qui estoient baillez & deliures a, xx, prestres de leglise pour leurs viures  
Et auchū ont dit & escript que L'empereur Constantin donna a icelle  
eglise Sardine messana: & aultres terres, mais l'auteur en est incertain,  
Et outre les eglises faictes & edifiees par le dict Empereur Constantin  
en la ville de Romme: fist faire & edifier vne eglise pres le port de Ho  
stie en l'honneur & reuerence de saint Pierre / saint Pol / & saint Ie  
han baptiste / en la quelle eglise donna vne patene d'argent / du poix de  
trente liures / dix calices d'argent vne patene crisnalle: ou on mettoit le  
cresme / d'argent / du poix de dix liures. Et vng bassin d'argent / seruant a  
baptizer / du poix de vingt liures. Et outre donna les terres & possēsiōs  
des Graconiēs: & les fiefz / & terres appellees Quirines: il fist vne aultre  
eglise en Albaie en l'honneur & reuerence de monsieur saint Iehan bapti  
ste / & donna vne patene d'argent: qui estoit du pesant de vingt liures / &  
vng vaisseau & siphe d'argent dore du poix de douze liures: & si donna les  
terres Tyberii Cesaris: Les terres Laurentines: avec le lac de Albaie,

Leglise de Ca  
pue en l'hon  
neur des saintz  
apostres,

¶ Cestuy Constantin edifia en la ville de Capue vne grande eglise en  
l'honneur des apostres que les cytoiens appellent Constantiēne / alaquel  
le eglise donna vne patene d'argent du poix de quarante liures / & quatre  
chandeliers a la facon de Grece: & si donna a icelle eglise les terres de ca  
lete & les possēsiōs / & succeſsiōs paternelles qui luy competent / qui  
estoient aux chāps, Et finalement: comme dit Damasus il fist edifier  
vne eglise a Naples, mais ou nom de quel saintz ou saintes on ne ſc et  
riens, Le me veulx imposer silence & ne plus parler des dons que l'em  
pereur constantin a faitz aux eglises affin que ne erre / avecques les aul  
tres qui en ont escript de ses faitz, Il fist encores deux eglises en Constā



tinoble lune est appelée Hyrene / & lautre dediee aux apostres, Et les- Deux eglises  
 quelles eglises furent faictes aux lieux ou estoient les temples des ydo- en cōstātin-  
 les / & ou on rendoit les responces delphiques / parquoy suruenoient plu- ble  
 sieurs maulx, Mais lempereur Constantin fist les temples abbatre / &  
 tout destruyre / & puis y fist edifier les deux eglises, ¶ Au temps du pa-  
 pe Siluestre furent plusieurs gens de bien & bons crestiens / & plusieurs  
 payans se conuertirent a la foy crestienne / comme Iulian frumantien &  
 Edifius / & mesmement ceulx qui habitoient ybernie / qui se dict Escot- Elcosse fut a la  
 se / qui fut conuertie par vne femme crestienne captiue, Et a ce faire leur foy cōuertie p  
 roy nomme Baccure / les admōnestoit & enhortoit, Et lors regnoit saict vne fēme cre-  
 Anthoine hermite / auquel sainte Helene par messagiers & lettres sou- stienne  
 uent se recommandoit & ses enfans, La vie que menoit saict Anthoine Saict Anthoi  
 cestoit quil ne mēgeoit que du pain & beuuoit de leau / & iamais ne mē ne regnoit en  
 geoit que vne fois le iour / apres que le soleil estoit reconse & couche, Il ce temps  
 estoit yng homme donne a contemplation, Athanaise euesque de Ale-  
 xandrie / a escript sa vie & legēde, ¶ Apres que saint Siluestre eut faict  
 sept fois les saintes ordres au moys de Decembre / ou fist & crea quarā  
 te & deux prestres / dyacres trente & six / & soixante & cinq euesques, Al  
 la de vie a trespas / & fut enseuel y au cimitiere de Priscille / en la voye sa-  
 larie / a troyz mille de Romme / le iour de deuant les Kalendes de Iāuier,  
 Il fut Pape par dixhuyt ans dix moys & vnze iours, Et lors vacca le sie-  
 ge apres sa mort par lespace de quīnze iours,

¶ Marc, xxxv, Pape & premier de ce nom,



Arc Pape estoit Rōmain, Son pere auoit  
 nom Pristo, Il fut au temps du grant empe-  
 reur Constantin, Duquel empereur Con-  
 stantin / les historiens & ceulx qui auoient  
 escript en ce temps la / en ont escript en di-  
 uerses manieres & moyens, Car les aulcū  
 ont escript / que en la fin de son empire a la  
 reſte & suasion de sa seur / auoit reuoke  
 & appelle / le prestre Arrien de exil / ou il  
 auoit este enuoye & condāpne / & que icel  
 le seur disoit quil auoit este par enuie ban-  
 ni & mis en exil / & qui depuis ensuyuit la  
 doctrine & secte de Arriē, Mais ie croy que ceulx qui ont ce escript / ont  
 este deceuz & trompez pour la similitude du nom, Et quil ont attribue  
 au pere iceulx infames vices / que le filz auoit perpetrez & faictz apres la  
 mort de Constantin, Et aussi nest pas a croire / & ne scauroit estre verita-  
 ble / ne approcher de la vertu que yng tel prince / comme lempereur Cō-  
 stātin / si saige en son temps / qui tousiours auoit reprouue icelle heresie  
 f.iiii,

De ceulx qui  
 ont mal es-  
 crit de Con-  
 stantin,



des Arriens/que a la fin de son aage ou vng homme doit estre faige/eut icelle dampnee heresie approuuee/tenue & louee, Et oultre escripuent que l'empereur Constantin fut baptize par Eusebe euesque de Nicomedie/compaignon & imitateur de l'heresie de Arrien, Ce qui est faulx/& non veritable/car la religion & deuotion dicelluy empereur l'auoit mōstre/car les fons a baptizer par luy faictz & ediffiez a Romme/pour cause de son baptisme monstrerent euidamment le contraire, Car la verite est que l'empereur Constantin apres quil eut chassé les tyrans qui regnoient a Romme/fut baptize a Romme par le pape Siluestre/auccques son filz Crispe, Mais aucuns autres disent/que Constantin voulut differer a se faire baptizer/iusques a ce quil paruiendroit au fleuve Iordain/ou desiroit se faire baptizer/comme amateur & imitateur de nostre saulueur Iesu christ, ¶ Et que ainsi quil estoit en la guerre contre les parthiens qui gastoient Mesopotamie/mourut en la ville de Nicomedie/apres quil eut regne empereur, xxxi, an/en laage de, lxxvi, ans, & ne peult paruenir au fleuve Iordain pour ce faire baptizer, Mais a la fin de ses iours se fist baptizer en la ville de Nicomedie, Or en disent ce quil enuouldront dire/ie ne le croy pas, Mais ie croy fermement ceulx qui en ont escript la verite/soit en nombre beaucoup plus que ceulx qui en ont mal parle & escript: car il nest a presumer que l'empereur Constantin/qui ou nom & signe de la croix auoit tant vaincu de roys/& tyrans/& gaigne tāt de batailles/& qui auoit faict ediffier & contru yre tant de si belles eglises/& leur auoit donne de si precieux ioyaulx/& si riches possessions/qui auoit este aux saintz concilles/& iceulx faire assembler a ses despēs, & frequēte auccques les saintz peres en leurs misteres/& prie dieu auccques eux Ne fault doubter que lors il estoit muni du carathere du saint sacremēt de baptisme/pour euer les fraudes de lennemy de nature, Et oultre cest vne fable de ce que aucuns ont voulu dire que Constantin fut frappe de la maladie de lepre/& qui se vouloit baigner en sang de petiz enfans/pour recouurer sante de son corps/mais que par le sacremēt de baptisme auoit este guerī, Mais ie croy mieulx ce q̄ en auoit dict & escript Socrates en son liure tripartite, Que l'empereur Constantin luy estant en la ville de Constantinoble/lors quil estoit aage de soixante & cinq ans fut malade, Et affin quil recouurast sante & guerison/se transporta en vng lieu ou estoient des euaes chaudes ou se baigna, Et Socrates ne faict mention nullement de lepre/mais ceulx qui ont ce voulu escrire ou dire on les doit tenir comme ethniques, Car Orose & Eutrope/qui ont escript les faictz & gestes de l'empereur Constantin/neussent pas oublie a escrire/sil eust este lepreux/ce que ne fut iamais, ¶ Or deuant la mort de l'empereur Constantin/apparut au ciel vne estoille/qui sembloit a veoir des cheuaulx, Les gens l'appelloient vne comette, Icelle estoille re luy soit tressort/& apparut asses longuement, ¶ Le pape Marc mestoit toute sa cure a ordonner lestat de leglise, Et ordōna que leuesque de Ho

Orose,  
Eutrope  
Vne comette  
apparut au ciel  
deuant la mort  
de Constantin



stie qui consacre le pape vseroit d'ung pallion, Et oultre ordonna/que apres que leuangel de la messe feroit dicte/qu'on chatast a haulte voix le symbole & grant credo/tout ainsi quil auoit este faict & conferme au concille de Nicene, Il fist deux eglises a Romme/lune en la voye ardentine ou il est enterre/& lautre ad palatinas, Ausquelles deux eglises lempereur Constantin donna beaucoup de terres, Cestassauoir le fief des roses/avecques toute l'appartenace/vne patene d'argent du poix de vingt liures/vng broc d'argent du poix de dix liures/vne couronne d'argent pesant dix liures/les terres & reuenuz des fiefz Anthonine en la voye Claudiane/& les terres & fons de Bacchanes/ou chemin & voye Dappie/& le fons Marmoree/estant en la voye Ardentine, ¶ Au temps du pape Marc & de Constantin/estoit Iuencus prestre hespagnol/de noble lignee/qui mist les euangelles en vers hexametres/& en fist quatre liures Et oultre fist plusieurs oeures en vers hexametres/touchant lordre de leglise, ¶ Apres que le pape Marc eut faict ou mois de Decembre/deux sainctes ordres/ou il fist, xxv, prestres, vi, dyacres:& xxviii, euesques, Il mourut & fut enseuely au cimitiere Balbine/en la voye Ardentine/la troiesme none Doctobre, Il fut Pape deux ans/huyt mois/& vingt iours, Et lors vacca le siege papal par l'espace de vingt iours.

L'institution  
de chanter le  
grāt credo aps  
leuangel

¶ De Iule, xxxvi, Pape/& premier de ce nom,



Vle Pape estoit Rommain, Sō pere auoit nom Rustique/& fut au temps de Cōstance, Lequel constance obtint lempire avecques ses freres:cestassauoir/Constantin & Constant/& fut empereur, xxiiii, ans/& Dalmace cesar/filz du frere du grant empereur Constantin ieune enfant/& de bōnes meurs/fut des successeurs de Constantin, Mais en son ieune aage fut tue en vne esmeute & tumulte de guerre, Et le permit occire Constantin/combien que ne commandast le faire, ¶ Or Constance lē-

pereur fauorisoit aux heretiques Arriens/& contraignoit les crestiens & sainctes gens recepuoir Arrien lheretique, Et le second an de lempire de constance/les catholiques crestiens se assemblerent en vng concile qui fut tenu en la ville de Laodice en cyrie, Ou comme les aultres disent fut faict le concile en Tyr, Et la se trouuerent les bons crestiens & les heretiques arriens/ou fut dispute de la foy crestienne, Soustenant p les crestiens/que nostre seigneur dieu estoit coeternel avecques son pere & au cōtraire estoiet les arriens/mais saint Athanaise euesque de Alexandrie/par raisons & argumēs maintenoit & affermoit le filz estre coe-

Cōstāce lēpe-  
reur tenoit la  
ptie des hereti-  
ques

Athanaise  
euesque de  
alexandrie



De la mort de  
arrian heretiq

De ne faire cō-  
cile sans lau-  
torité du pa-  
pe

De faire cōue-  
nir vng clerc  
par deuāt vng  
iuge deglise &  
nō ailleurs  
L'office des p-  
tenotaires

ternel au pere, Mais l'heretique Arrien disoit & soustenoit le contraire: & quant il vit quil ne pouoit resister aux argumens & raisons de Athanaise / luy dist plusieurs iniures & infames parolles / disant quil y soit des ars magiques, Pourquoy soudainement l'empereur le condampna, Or Athanaise craignant la fureur de l'epereur / sen fouyt / & se cacha & mufsa au fons d'une cisterne ou ny auoit point de aue / ou fut par six ans continuellement sans veoir le soleil, Et apres six ans il fut accuse par vne chābriere / quil estoit en la cisterne, Mais par la monition de dieu sen fouyt & sen alla a Constats, Lequel menassa son frere Constance / tellement quil fut contrainct que Athanaise fust remis en son euesche, ¶ Or peu apres Arrian qui estoit fort orgueilleux / plusieurs euesques le frequentoient / & le peuple le suyuoit ainsi quil vouloit aller a la celle / & quil estoit sur vng retraict a mettre hors la matiere fecale / mist hors de son vētre tous ses boyaulx / qui cheurent ou fons des latrines / de quoy mourut miserablement / la mort fut condigne & semblable a la vie, ¶ Le pape Iule qui estoit en exil / apres grandes aduersitez & perturbations / qu'on faisoit en leglise / & apres quil eut este dix moys en exil / retourna a romme / quant il ouyt dire que Constantin estoit mort / en la guerre qui faisoit contre son frere Constance / pres aquilee ou fut tue & occis par traisson, Iule ne cessoit de reprendre les euesques des parties oriētales / & mesmement les heretiques arriens / qui auoient faict faire vng cōcile en Anthioche sans son conge / quilz ne pouoient faire sans son auctorite / car le glise Rōmaine est par dessus toutes aultres eglises, Mais les euesques dorient disoient / que leglise occidentale auoit prins son commencement deulx / & que leurs eglises estoient permanentes / comme la source & fontaine / & partant quelle estoit a preferer a leglise rommaine, ¶ Or le pape Iule delassa ses disputatiōs / & fist a romme deux eglises, Vne pres le marche de Romme / & lautre oultre le fleuve de Tybre, Et oultre fist troys cimitieres / vng en la voye flaminee / lautre en la voye aurelianne / & le tiers en la voye portuense, Et ordonna que vng prestre ne seroit cōuenue que par deuant vng iuge deglise / & ne plaideroit ailleurs ne diroit sa cause que par deuant luy, Il voulut que tous les biens appartenans a leglise / fussent mis & redigez par escript par notaires / ou par le primiceriū des notaires fussent escriptz, Le croy que ce sont les protenotaires de maintenant / leur office cest descrire les faictz & gestes de leglise: mais les protenotaires de maintenant / il en ya de si ignares & peu scauens les lettres / quilz ne scauroiēt exprimer ne decliner leur nō en latin / ne pareillemēt les faictz & gestes d'aultuy escrire, De leurs meurs & conditions ie nē veulx point parler / car maintenāt on met de maquereaux / ruffians / de goulas / & parasites / au nombre des protenotaires, ¶ Au temps de Constantin & Constance / estoit en grant valeur Marcel euesque de Anticyrane / qui fist beaucoup de beaulx liures / & mesmement contre les Ariens, Theodore euesque de Heraclee / homme de grande doctrine / &



fort elegant / fist des commentz sur saint Mathieu / saint Iehan / sur le psaultier / & sur lapostre. ¶ Apres que le pape Iule eut fait troys saintes ordres au moys de decembre en la ville de romme: ou fist, xviii, prestres, iiii, dyacres / & ix, euesques, Alla de vie a trespas: vng iour deuant les ydes du moys daoust, Et fut enterre au cimetiere Callopodie / en lavoye Aureliene / a troys mille de Romme, Il fut Pape, xv, ans, ii, moys & vi, iours, Et vacca le siege par, xxv, iours,

¶ De Libere, xxxvii, Pape: & premier de ce nom,



Libere Pape estoit de la nation des Romains. Son pere auoit nom Auguste, Il fut au temps de Constance & Constant, Et comme dict Constantin / ainsi quil faisoit la guerre contre son frere Constant / fut occis & tue par les gens darmes de son frere, Constant eut vne vaine & mauuaise fortune / car ainsi quil faisoit guerre contre ceulx de Perse / vne nuyt sesmeut en lost vne sedition / tellement quil fut contrainct de faire guerre / finalement fut vaincu, ¶ Or ainsi quil auoit delibere de faire punition

des cheualiers seditieux / par la fraulde & dol de Magneti / il fut tue & occis au chasteau de Helene: lan de son empire, xvii, & de son aage le, xxx, Apres que Constant fut mort / les anciens heretiques arriens / de rechief assaillirent Athanaise leuesque / & firent vng concile en la ville de milan / ou furent condampnez tous ceulx qui tenoient la partie de Athanaise / & enuoyez en exil, Et au synode & concile qui fut tenu en Areminese / ou estoient les prestres des parties dorient / plus caulx / ingenieux / malicieus / & plains de fallaces / qui par leurs argumens & fallaces deceuoient les prestres des parties occidentales / qui estoient bons crestiens simples gens / & de bone vie, Fut aduise que pour lors on laisseroit a disputer / assauoir si Iesuchrist estoit coeternel au pere / ce que nyoient les arriens, ¶ Or pource que le pape Libere publiquement impugnoit / & reprenoit lheresie des Arriens / & quil ne vouloit condampner Athanaise / par le commandement de lempereur fut enuoye en exil, Et ce firent faire les heretiques arriens, Et fut le pape Libere par troys ans hors la ville de Romme, ¶ Or ce voyant par les prestres de Romme / congregerent vng Synode / & ou lieu du pape Libere eslirent a Pape vng prestre nomme Felix / qui estoit tres homme de bien, Lequel apres quil eut este esleu pape fist vng concile / ou furent assemblez quarante & huyt euesques / & par icelle assemblee / furent separez de leglise deux prestres, Cest assauoir Vrsatium & Valentem / car ilz estoient fauorisans a lheresie des Arriens /

Cocile par les heretiques a milan

Le pape Libere fut bany & enuoye en exil  
Sifime en leglise



De la mort de  
arrian heretiq

De ne faire cō-  
cile sans l'au-  
torite du pa-  
pe

De faire cōue-  
nir vng clerc  
par deuāt vng  
iuge deglise &  
nō ailleurs  
L'office des p-  
tenotaires

ternel au pere, Mais l'heretique Arrien; disoit & soustenoit le contraire: & quant il vit qu'il ne pouoit resister aux argumens & raisons de Athanaise / luy dist plusieurs iniures & infames parolles / disant qu'il y soit des ars magiques, Pourquoy soudainement l'empereur le condampna, Or Athanaise craignant la fureur de l'empereur / sen fouyt / & se cacha & mufsa au fons d'une cisterne ou ny auoit point de aue / ou fut par six ans continuellement sans veoir le soleil, Et apres six ans il fut accuse par vne chābriere / qu'il estoit en la cisterne, Mais par la monition de dieu sen fouyt & sen alla a Constatans, Lequel menassa son frere Constance / tellement qu'il fut contrainct que Athanaise fust remis en son euesche, ¶ Or peu apres Arrian qui estoit sort orgueilleux / plusieurs euesques le frequentoient / & le peuple le suyuoit ainsi qu'il vouloit aller a la celle / & qu'il estoit sur vng retraict a mettre hors la matiere fecale / mist hors de son ventre tous ses boyaulx / qui cheurent ou fons des latrines / de quoy mourut miserablement / la mort fut condigne & semblable a la vie, ¶ Le pape Iule qui estoit en exil / apres grandes aduersitez & perturbations / qu'on faisoit en leglise / & apres qu'il eut este dix mois en exil / retourna a romme / quant il ouyt dire que Constantin estoit mort / en la guerre qui faisoit contre son frere Constance / pres aquilee ou fut tue & occis par traison, Iule ne cessoit de reprendre les euesques des parties oriētales / & mesmement les heretiques arriens / qui auoient faict faire vng cōcile en Anthioche sans son conge / qu'ilz ne pouoient faire sans son auctorite / car leglise Romaine est par dessus toutes aultres eglises, Mais les euesques dorient disoient / que leglise occidentale auoit prins son commencement deulx / & que leurs eglises estoient permanentes / comme la source & fontaine / & partant quelle estoit a preferer a leglise rommaine, ¶ Or le pape Iule delassa ses disputatiōs / & fist a romme deux eglises, Vne pres le marche de Romme / & lautre oultre le fleuue de Tybre, Et oultre fist troys cimitieres / vng en la voye flaminee / lautre en la voye aurelianne / & le tiers en la voye portuense, Et ordonna que vng prestre ne seroit cōuenueu que par deuant vng iuge deglise / & ne plaideroit ailleurs ne diroit sa cause que par deuant luy, Il voulut que tous les biens appartenans a leglise / fussent mis & redigez par escript par notaires / ou par le primiceriū des notaires fussent escriptz, Je croy que ce sont les protenotaires de maintenant / leur office cest descrire les faictz & gestes de leglise: mais les protenotaires de maintenant / il en ya de si ignares & peu scauens les lettres / qu'ilz ne scauroiēt exprimer ne decliner leur nō en latin / ne pareillemēt les faictz & gestes d'aultuy escrire, De leurs meurs & conditions i'en veulx point parler / car maintenant on met de maquereaux / ruffians / de goulas / & parasites / au nombre des protenotaires, ¶ Au temps de Constantin & Constance / estoit en grant valeur Marcel euesque de Anticyrane / qui fist beaucoup de beaulx liures / & mesmement contre les Ariens, Theodore euesque de Heraclee / homme de grande doctrine / &



fort elegant / fist des commentz sur saint Mathieu / saint Iehan / sur le psaultier / & sur l'apostre. ¶ Apres que le pape Iule eut fait troys saintes ordres au moys de decembre en la ville de romme: ou fist, xviii, prestres, iiii, dyacres / & ix, euesques, Alla de vie a trespas: vng iour deuāt les ydes du moys daoust, Et fut enterre au cimetiere Callopodie / en la voye Aureliene / a troys mille de Romme. Il fut Pape, xv, ans, ii, moys & vi, iours, Et vacca le siege par, xxv, iours,

¶ De Libere, xxxvii, Pape: & premier de ce nom,



Liber Pape estoit de la nation des Romains, Son pere auoit nom Auguste, Il fut au temps de Constance & Constant, Et comme dict Constantin / ainsi quil faisoit la guerre contre son frere Constant / fut occis & tue par les gens darmes de son frere, Constant eut vne vaine & mauuaise fortune / car ainsi quil faisoit guerre contre ceulx de Perse / vne nuyt seulement en lost vne sedition / tellement quil fut contrainct de faire guerre / finalement fut vaincu, ¶ Or ainsi quil auoit delibere de faire punition des cheualiers seditieux / par la fraude & dol de Magnet / il fut tue & occis au chasteau de Helene: lan de son empire, xvii, & de son aage le, xxx, Apres que Constant fut mort / les anciens heretiques arriens / de rechief assaillirent Athanaise leuesque / & firent vng concile en la ville de milan / ou furent condampnez tous ceulx qui tenoient la partie de Athanaise / & enuoyez en exil, Et au synode & concile qui fut tenu en Areminese / ou estoient les prestres des parties dorient / plus caulx / ingenieux / malicieux / & plains de fallaces / qui par leurs argumens & fallaces deceptuoient les prestres des parties occidentales / qui estoient bons crestiens simples gens / & de bone vie, Fut aduise que pour lors on laisseroit a disputer / assauoir si Iesuchrist estoit coeternel au pere / ce que nyoient les arriens, ¶ Or pource que le pape Libere publiquement impugnoit / & reprehendoit lheresie des Arriens / & quil ne vouloit condampner Athanaise / par le commandement de lempereur fut enuoye en exil, Et ce firent faire les heretiques arriens, Et fut le pape Libere par troys ans hors la ville de Romme, ¶ Or ce voyant par les prestres de Romme / congregerent vng Synode / & ou lieu du pape Libere eslirent a Pape vng prestre nomme Felix / qui estoit treshomme de bien, Lequel apres quil eut este esleu pape fist vng concile / ou furent assemblez quarante & huyt euesques / & par icelle assemblee / furent separez de leglise deux prestres, Cest assauoir Vrsatium & Valentem / car ilz estoient fauorisans a lheresie des Arriens /

Cocile par les heretiques a milan

Le pape Libere fut bany & enuoye en exil  
Sisine en leglise



De Libere, xxxvii, pape & premier du nom,

Felix fut chas-  
se de rōme/&  
Libere remis  
en sa place  
La persecutiō  
des crestiens

Lheresie de  
Donat,

avecques l'empereur Auguste, Pour laquelle cause par les prieres de ces deux prestres/l'empereur Constāce fist rappeler de exil le pape Libere: qui depuis fauorisa a l'empereur & aux heretiques en toutes choses/cōme aucuns disent & ont escript, Tutessoys le pape Libere tenoit comme les aultres catholiques crestiens/qu'il ne faillloit rebaptiser les heretiques, ¶ Et aucuns ont escript/que le pape Libere par aucun tēps auoit este cache au cimetiere de sainte Agnes/avecques Constāce seur de l'empereur Constant, Et que a ses prieres & requestes auoit tant faict avecq's son frere l'empereur/que asseurement il pouoit retourner a Rōme/mais icelle Constance qui estoit vne femme deuocieuse/congneut qu'on vouloit tromper & decepuoir le Pape/elle luy deffendit dy aller, Mais ce neantmoins a l'instigatiō de Vrsance & Valente/l'empereur fist chasser Felix qui obtenoit le siege apostolique/& y fut remis Libere, Parquoy fut faict en leglise vne grande & vehemente persecution de crestiens/car les prestres & clerics crestiens/on les tuoit publiquemēt/& aux eglises: tellement quilz ne scauoient ou fouyr, Mais les aultres qui ont escript des gestes & faictz du pape Libere/disent quil fut rappelle a Romme/a la requeste des femmes de romme/eulx estāt au spectacle circense, Lesquelles requierent & prierent l'empereur de le rappeler, ¶ Or ce neantmoins que le pape Libere fauorissoit les heretiques arriens, Tutessoys il fist refaire le sepulchre sainte Agnes/& icelluy enrichit d'ornemens & pareillement vne eglise quil auoit faict faire en son nom,

¶ En ce temps aussi miserable/estoit Eusebe euesque de Enisene/qui fist plusieurs liures contre les iuisz/gentilz/& les heretiques/& nouatiās Eriphylus euesque de Lucaonie en ce temps estoit/qui fist de beaux cōmentz sur le liure des cantiques/Et si estoit en ce temps Donat lheretique/qui fist & escripuit beaucoup de liures contre les crestiens/& par ses suasions & fallaces/deceut & abusa quasi toute Aphrique & Iudee, Il disoit que dieu le filz estoit moindre que dieu le pere, Et que le saint esprit estoit moindre que dieu le filz, ¶ Apres que le Pape Libere eut faict & celebre deux saintes ordres/en la ville & cite de Romme: Ou il fist & crea dixhuict prestres/& cinq dyacres/& dixneuf euesques, Il mourut & fut enterre & enseuely au cimetiere de Priscille: la neufiesme Kalende du moys de May, Il fut Pape six ans/troys moys/& quatre iours, Et lors vacca le siege de romme par six iours,

¶ De Felix, xxxviii, Pape: & second de ce nom,





Elix second Pape estoit Romain, Son pere auoit nō Anastaise: Il fut au tēps de Cōstance/qui seul obtint lēpire après que cōstant son frere eut este tué & occis/par le cheualier magnetiū, Et peu aps print Iulian filz de Cōstance/& le fist & crea Cesar/& lenuoya aux ptiēs des Gaules/qui estoiet diuisees p les princes/qui vouloiet regner les vngz iur les aultres, Leq̄l Iuliā en brief tēps/fist tant p ses armes & vertuz qu'il accorda toutes les noyses & differētz/ tant celles des Gaulloys/ q̄ celles qui estoient en Germanie, Parquoy dung accord & cōsentement fut appelle de tous Auguste, ¶ Apres que lēpereur ouyt ses nouuelles/qui lors estoit empesche aux guerres ciuiles/en sen retournāt mourut dune apoplexie/entre Cilicie & Capadoce au chasteau de Mopsocre/apres qu'il eut occupe lēpire par vingt & quatre ans:& de son aage quarante & cinq ans, Laquelle maladie disoiēt les medecins/lu y estre aduenue p couroux & despīt/qu'il auoit en son couraige, Pource que Iulian auoit este par les cheualiers appelle & cree Auguste, ¶ Cestuy Constance auorisioit aux heretiques arriens/& fut fort cruel aux crestiēscatholiques, Vne foys entra a rōme en triūphe p la voye Flamīnee:ou vindrent au deuant les bourgeois & citoyēs de la ville/habillez fort richement, Lesquelz receut tres begninemēt & auecques grant desir/en disant deulx ce que aultreffoys auoit dict lambassadeur du roy Pyrrus/quāt il fut enuoye par deuers les Rommains, Cest assauoir qu'il veoyt estre a Romme autant de Roys/qu'il y auoit de citoyens & habitans, Il fist rire tout le peuple de Romme/dune chose qu'il fist ainsi qu'il entroyt en la ville en grant triūphe/car cestoit vng homme de petite stature & forme, ¶ Or ainsi qu'il entroyt en la ville de Romme par les grandes portes/ou estoient les arcz triūphans/haulx spacieux & merueilleusement grans/en passant par dessoubz/il inclinoyt & bessoyt la teste/comme font les oysons quant ilz passent par dessoubz quelque porte/craygnant blesser sa teste, ¶ Et quant il fut entre en la ville de Romme/il commenca a regarder le champ de Mars/le sepulchre de Auguste Cesar/aorne de tant de statuez & ymages/faictz de pierre de Marbre/& darein, Le marche de Romme/les temples de Iuppiter/Tarpeien/les Thermes/estuues/porches/estoiēt faictz comme prouinces, Lamphiteatre estoit faict de pierre Tyburtine/& estoit de si tresgrant haulteur/que a grant peine loeyl humain eust sceu regarder ne estimer la haulteur, Le Pantheon faict de ouuraige bien fort & subtil: Le Temple de paix: Et pareillement le Theatre de Pompee, Tant darcz & tabernacles triūphans/& tant dediffices sumptueux p ou passoient & decouroient les eaux/& tant dymaiges & statuez qui estoiet

g.i,

La mort de cō  
stance empe  
reurLes ediffices  
de Romme



Responce de  
hormisda ar-  
chitecte

La diuision de  
lheresie des ar-  
riens

Concille

La mort du pa-  
pe Felix

par la ville, Et apres quil eut tout veu de tant hault q̄ dame nature auoit  
dōne & baillie toutes ses vertuz en la ville de rōme, ¶ Or quāt lēpereur  
eut veu vng cheual faict darain / quon disoit estre le cheual de lēpereur  
Traian / qui estoit en vng lieu publiq̄, Apres quil eut veu il dist a hor-  
misda architecte / leq̄l auoit amene avecq̄sluy / qui failloit quil luy en  
fist vng pareil cheual en la ville de Constantinoble, Mais hormisda luy  
dist / que si vouloit quon luy fist vng tel cheual / quil failloit qui fist fai-  
re vne pareille estable / cōme estoit le lieu ou estoit le cheual / sil vouloit  
qui fust a son aise, Et oultre Cōstāce interroguā hormisda q̄ cestroit quil  
disoit de la ville de Rōme, Il dist q̄lle luy plaisoit / pource quil y auoit  
apris a veoir mourir les hōmes / & en ce disant parloit cōme il a ptenoit  
de pler a vng philosophe, ¶ Le pape Felix cōme iay dict / auoit este mis  
ou lieu du Pape Libere p̄ les crestiens / cōbien que Eusebe & sainct Hie-  
rome disent que ce fut p̄ les heretiques / dōt ie suis fort esbahi, Incōtinēt  
quil fut esleu pape / il pmulga & publiquemēt p̄fera & appella lempe-  
reur constant filz du grāt empereur cōstātin heretique / & rebaptisa par  
Eusebe euesque de Nicomedie, Pourquoy on peult reprēdre lerreur de  
ceulx qui ont escript / que lēpereur cōstātin auoit este & fauorise aux he-  
retiques, Laq̄lle chose certainement cōme tu voys p̄ lhistoire gectez &  
faictz de luy, Et pareillemēt sa grāde deuotiō & religion crestienne qui  
estoit en luy ne se peult cōpatir, Et nest a croire q̄ vng tel prince si deuo-  
cieux eust este entache dheresie, ¶ Et ce pēdāt que le scisme & grāde al-  
tercatiō estoit entre les deux papes / Libere / & Felix : lheresie des arriens  
se diuisa en deux pties, Car Eunomius heretique de qui furent appelez  
apres ses disciples & sectateurs : Eunomius estoit vng homme ladre en  
corps & en ame, Il disoit & affermoit en toutes choses / le filz de dieu ne  
estre semblable a dieu le pere / & que le sainct esperit nauoit rien cōmun  
auecques dieu le pere / ne dieu le filz, Macedone qui auoit este faict p̄ les  
catholiques crestiens euesque de Cōstātinoble / & depuis cheut en lhere-  
sie des arriens / qui depuis le chasserēt / pource quil disoit que dieu le filz  
estoit semblable a dieu le pere / mais blasphemoit le sainct esperit cōme  
faisoient les arriens, ¶ Le pape Felix fist vng cōcille ou estoient, xlviij,  
euesques / ou fut ordōne que tous euesques viendroient quāt seroient ap-  
pellez au cōcille general / ou quilz enuoyroient leurs causes par escript /  
pour lesquelles ny pourroyēt estre ne comparoir, Laquelle ordonnance  
& institution depuis fut renouuelee au concille de Carthage, ¶ Or le  
pape Felix pource quil tenoit la foy crestienne auecques les bons cresti-  
ens / il fut prins par les aduersaires heretiques / auecques daultres bōs cre-  
stiens / & fut tue / & depuis enseuel y en vne eglise quil auoit faict ediffi-  
er en la voye Aurelienne / qui est a deux mille de la ville & cite de Rō-  
me, Et fut tue & occis la douziēme Kalende du moys de decembre, Il ne  
fut pape que par l'espace dung an / quatre moys / & deux iours / pour les se-  
ditiōs que luy faisoit Libere, Et pource que Damasus lauoir mis au nō



bre des papes/cōbien quil ne leust mérite/ie lay voulu ensuyuir/& miet  
tre au nombre dīceulx,

¶ Damasus, xxxix Pape: & premier de ce nom,



Amasus Pape estoit despaigne, Son pere  
auoit nō Anthoine: Il fut au temps de lē  
pereur Iulian, Cestuy Iulian fut vng hō  
me de grant entendemēt/tāt aux faictz de  
la guerre/que a gouuerner les villes, Ses  
maistres & precepteurs sappelloiēt/Eubo  
le grāt sophiste/& Libane philosophe, Il  
auoit estude aux ars liberaulx/il scauoit  
la lāgue grecque & latine/& a ce auoit fort  
estudie/tellemēt quil estoit a comparer a  
vng prince, Il estoit de grant memoire grā

Iulian lēpereur

de faconde & eloquence/& beau parleur, Fort liberal a ses amys/aux p  
uinces iuste/il desiroit auoir gloire, Mais certainement incōtinent quil  
persecuta les crestiēs/il delaissa ses bōnes meurs/& icelles conuertit en  
mauluaises, La persecutiō q̄ faisoit icelluy empereur estoit plus maul  
uaise que toutes les aultres/& fort cauteleuse & decepuāte/pource quil  
fut plus fin & cault/que ne furent iamais tous les aultres tyrans, Car au  
commēcemēt il ne vīoit cōtre les crestiēs de force/ne de tourmēs, Mais  
par belles & doulces parolles/il leur faisoit renōcer la foy de Iesuchrist,  
Les aultres par promesses/dor/dargēt/dhōneurs qui leur faisoit faire/&  
par psuasions/& blādices admonitiōns il les attiroit a luy, Tellement q̄  
la moytie du peuple crestiē/qui estoit a Romme & aultres lieux/laisse  
rent la foy de dieu, Et sil eust este cruel a les tourmenter/iamais il ne les  
eust faict croyre en ses dieux & heresies, Il deffendit que les crestiens ne  
estudiaissent les liures des payans & gētilz/ne quilz allasent a leurs escol  
les/silz ne vouloient adorer & sacrifier a leurs dieux & deesses, ¶ Nō  
obstant la prohibitiō & deffence/il pmist a vng grāt clerc & fort docte  
en toute sciēce/quon appelloit Proheresius/qui estoit bō catholique &  
crestien, Cōme crestiē qui leust publicquemēt aux crestiēs/mais depuis  
sen repētī, ¶ Il ordōna que lordre de cheuallerie ne seroit baillee q̄ aux  
gentilz & payans, Et que les gouuerneurs des puinces ne seroient poit  
crestiēs/ausq̄lz il deffendoit porter glaiues/ne cousteaulx/pource quil  
disoit/que la loy des crestiēs le deffendoit & phiboit de ne vser de glai  
ue, Il enuoya en exil Athanaise a la req̄ste & intercessiō des magiciēs &  
augures/quil aymoīt fort & se delectoit a estudier leurs ars magiqs, Et  
la cause pourquoy enuoya en exil athanaise/estoit pource q̄ les augures  
deuineteurs & magiciēs/disoīēt q̄ icelluy athanaise les empescheoit &  
gardoit q̄ leur sciēce ne fust esleuee en hōneur, ¶ Ainsi q̄ lēpereur Iu  
lian faisoit ses sacrifices auecs daphnin/au pres de la fōtaine castalium/  
aux faulxbourgz dātioche, Et que Apollo/auq̄l faisoit les sacrifices/ne

La psecution  
des crestiens

Athanaise de  
rechief fut en  
uoye en exil,

g.ii,



La sepulture  
de saint babyle

Les dyables  
fût tourmentez  
par le signe de  
la croix

Les iuifz redi-  
fierēt le tēple  
de Hierusalē  
p le cōmāde-  
mēt de Iulian  
l'empereur

rendoit point de responce de ce qui luy demandoit, Il senquist aux prestres de Apollo/qui estoit la cause que les dieux ne rendoient responce/ Il fut dict par les dyables que cestoit pource que le sepulchre de saint Babyle martyr estoit trop pres du lieu, Et pour ceste cause les dieux ne rendoient point de responce, Et lors l'empereur Iulian commenda aux galiliens/cestassauoir aux crestiens/car ainsi les appelloit, Qu'ilz eussent a oster le sepulchre saint Babyle martyr, ¶ Or ainsi que les chrestiens emportoiet le sepulchre saint Babyle en grande ioye & iubilacion/en chantant, Confundantur omnes qui adorant sculptilia:& qui gloriatur in simulachris suis, Cest adire: Soient confunduz tous ceulx qui adorent les choses scul pes & faictes des mains des hommes/& qui se glorifient en iceulx ymages/statuz/& simulachres, Pourquoy ce oyant par Iulian l'empereur/il en conceut & engendra tresgrant yre contre les crestiens/combien quil neust delibere de les faire tuer ne occire/neatmoins en fist tuer & occire plusieurs, Le mesbahis de la folie de cestuy empereur/attendu quil auoit ia eu congnoissance/des ars & vanitez du dyable, Car ainsi que vne fois ensuyuoit vng magicien/qui entroit en vne racune fort parfonde/ou il ouyt les voix horribles des dyables/dont il eut paour/& lors se signa du signe de la croix/& incontinent les dyables sen fouyrent Et a l'heure Iulian dist au magicien/qu'il faillloit que au signe de la croix y eust quelque vertu merueilleuse, A quoy respondit le magicien/que les dyables ne craignent pas seulement le signe de la croix/mais par iceluy signe sont tourmentez & dechassez, Et ce neantmoins Iulian l'empereur qui estoit du tout adone aux vanitez des ars magiques/il creut plus en iceulx que parauant/& fut plus pertinax en sa dampnee volente, ¶ L'empereur Iulian au commencement il faignoist estre bon crestien/pour euer la hayne de l'empereur Constace, Et lisoit publiquement les liures des crestiens/& fist edifier vne eglise ou nom des martyrs, Et ce mesme empereur permit aux iuifz pour despriser la foy des crestiens/qu'ilz restituassent & rediffiasent le temple de Hierusalem:pource qu'ilz disoient qu'ilz ne pouoyent ailleurs faire leurs sacrifices, Pourquoy les iuifz furent si superbes & arrogans/qu'ilz firent plus sumptueuse & grande despence a refaire & redifier icelluy temple/qu'il nauoit couste a faire ¶ Or apres quil fut refaict & redifie/se fist vng si grant tremblement de terre/qui fist cheoir le temple tout par terre/ou furent tuez grant nombre de iuifz, Et lors fut verifiee & approuuee/la sentēce & auctorite/par laquelle auoit este dict, Il ne se mettera ne doit mettre pierre sur pierre, Et le lendemain le feu du ciel descēdit/qui brulla & cōsumma/tous les fermes qu'on auoit aprestez pour refaire le tēple/dōt les iuifz furent fort esbahiz & eurent grant paour, Tellement q plusieurs se cōuertirēt a la foy crestienne, ¶ Or ainsy quil faisoit la guerre cōtre les p̄ses/il menassoit fort les crestiens, Mais neatmoins cōbiē quil eust vaincu ses ennemis/& quil sen retournoit avecq̄s sō ost/sās tenir ordre/il fut tue au p̄s de stesiphōte, Et ne



seut on si ce fut par les gens darmes/ou par les ennemis, Mais aucuns ont escript que ce fut par vne sagitte & fleche/mais dou ce fut q̄lle vint on ne scauoit/& icelle luy trespasla son corps. Et lors dist a haulte voix en haulsant la main au ciel, Tu as vaicu galiliē/car ilz appelloient Iesu crist galilien/& filz d'ung charpentier, Et vne fois vng sophiste nōme Libane/demādoit a vng ieune enfant crestiē/que c'estoit q̄ faisoit le filz du fabre & charpētier/cōtre icelluy ieune enfant fist responce/qu'il faisoit vng cercueil & petit coffre pour lēseuelir, Et peu de temps apres le corps mort de Iuliā fut apporte en vng petit coffre & cercueil, Et aucuns ont escript/q̄ cestuy Iulian qui en son ieune aage estoit clerc tonsure & crestien/mais q̄ apres il auoit delaissē la foy crestienne/& estoit deuenu apostat: pourquoy les crestiēs l'ont appelle Iuliā l'apostat. Il mourut aps qu'il eut regne empereur vng an & huyt moys/& de son aage, xxxii, ans.

¶ Apres sa mort luy succeda l'empereur Iouinian/qui fut esleu d'ung cōmun accord de tous les cheualiers & gēs darmes: mais il ne voulut qu'on l'appellast empereur/se tous ne se disoient estre crestiēs, Ce q̄ fut faict/& retira lost des rōmains dēs mains des barbares, Et ce faict mourut huyt moys aps qu'il fut esleu empereur/du mal destomac/& cōme les aultres disent/qui mourut de puāte & mauuaise odeur de charbon.

¶ Lors en faisant lelection du pape Damasus/en leglise siccine/y eut vng cōpediteur qui estoit dyacre/qu'on appelloit Vrciscinū/au moyē de quoy furent beaucoup de gēs tuez & occis en icelle eglise/car icelle electiō se faisoit par force & p'armes. Mais apres grāde altercation/du consentement du clerge/& du peuple/Damasus fut esleu a pape & cōferme/& Vrciscinus fut faict eueſque de Naples. Depuis le pape Damasus fut accuse d'adultere/mais il deffendit si biē sa cause publiq̄mēt au cōcille general/qu'il fut trouue pur & innocēt/& fut absoulz a pur & a plain/& deux dyacres qu'on appelloit cōcorde & caliste/qui lauoiēt accuse/furent condānez p' le cōcille/& mis hors de l'estat de leglise. Et lors fut ordōne la peine talionique/qui se baille aux faulx accusateurs.

¶ Apres q̄ le pape Damasus vit q̄ leglise estoit en paix & concorde/il se mist a escrire la viē de tous les Papes/qui auoient este auparauāt luy. Et les dedia & enuoya a saint Hierome. Il augmēta l'estat de leglise/car il fist construire deux eglises/lune pres le theatre/& lautre en la voye ardeātine/pres le cathedubas ou aultresfoys auoient este enterres les corps saint Pierre & saint Pol, Et sur leurs tūbeaulx fist des mettres & vers/pour demōstrer au tēps aduenir q̄ les saintz corps estoient la enterrez. Et oultre fist vne aultre eglise en lhōneur saint Laurēs/aupres du theatre de Pōpee/& y dōna de precieus & beaulx dōs/vne patene d'argēt/du poix de, xx, liures/vng vaisseau d'argēt/de, xv, liures/cinq calices d'argēt/cinq courōnes d'argent/& des maisons qui estoient aupres/les appliqua & donna a icelle eglise de saint Laurēs. Les terres & fons Papyriā & Antonian/& des baingz qui estoient au ps dicelle eglise.

¶ Et ordōna le pape damasus/quō chāteroit

g.iii,

La mort de Iulian

La mort de Iouinian,

Scisme en elisant Damasus

L'institutiō de chanter les pseaulmes/&amp; a la fin Gloria patri &amp; filio,



Les oeuvres  
saint Hiero-  
me approu-  
ues p leglise

Dire le confi-  
teor deuant la  
messe

a leglise les pseaulmes & vers du psaultier / les vngz apres les aultres, Et a la fin de chascū on diroit: Gloria patri & filio / & spiritui sancto, Il fut le premier qui ordonna auctorite aux liures quauoit faictz & composez saint Hierome sur la sainte escripture / & interpretation dicelle, Car auparauint on ne tenoit que l'interpretation des, lxxii, interpretes, Mais alors fut approuuee & leue en leglise la bible de saint Hierome: & les pseaulmes quil auoit translates de ebreu en latin, Car auant icelle translation / on lisoit en france les pseaulmes asses obscurément & sans ordre, Et le pape Damasus manda aux eglises / qu'on dist le confiteor au commencement de la messe / comme on faict maintenant, ¶ Apres que Damasus eut faict & celebre cinq foys les saintes ordres / ou fist, xxxi. prestre, xi, dyacres: & lxxii, euesques, Mourut & fut enseuely avecques sa mere & sa seur / en vne eglise quil auoit faicte en la voye ardeatine: la, iiii, yde de decembre, Il fut pape, xix, ans, iiii, moys, xi, iours, Et lors vacca le siege, xxi, iour,

¶ De Sirice, xl, Pape: & premier de ce nom,



L'empereur Val-  
entin

La psecution  
des crestiens,

Irice Pape estoit de la nation des Rōmais, Sō pere auoit nom Tyburce, Il fut au tēps de Valentinian / car apres la mort de Iouinian / dūg commun accord de tous les cheualiers fut esleu empereur, Et associa avecques luy son frere Valēte: auquel luy baila vne partie de l'empire a gouverner: cest assauoir orient, Et apres que Valēte eut regne empereur troys ans / il fist & crea a la priere & requeste de sa femme / Gratiā son filz Auguste: combien quil fust ieune enfant, Et ce faict il chassa de Constantino-ble Preconium / qui y faisoit des exactions & noualitez, ¶ Or Valens se fist baptizer par Eudoxe euesque / qui tenoit la secte & heresie des arriēs Parquoy il fauorisa aux heretiques arriāns / & persecuta fort les crestiēs / en les enuoyant en exil, Et mesmement apres que Athanaise fut mort / car en sa vie la foy crestienne auoit bien este soustenue par luy quarante & six ans, ¶ Or Lucian heretique persecutoit lors horriblement les crestiens / car ceulx qui estoient aux hermitaiges / il leur enuoioyt ses fatalites & gens d'armes, Lesquelz tourmentoient les pures crestiēs: les vngz enuoyet en exil / les aultres faisoit assēbler & tuer, ¶ En ce tēps estoiet deux Machaires de grande auctorite & saintete / qui auoient este disciples de saint Anthoine, Lung se tenoit en Syrie la grant / & lautre en la basse Syrie / aux hermitaiges, ¶ Ysidore estoit en ce temps / Panuce / Pābos / Moyse / Beniamin / Pol apheliotes / Pol phocense / Ioseph / tous bons



hermites, Lesquelz on chassoit de leurs hermitaiges/en les banissant des desers/& lieux ou habitoiēt, Et lors estoit vne femme frenatique & folle/qui disoit & crioyt a haulte voix/quon ne debuoit pas enuoyer icelles saintes personnes en lisle de gipte/& quon se gardast bien de ce faire, ¶ En ce temps estoit mannia qui estoit royne des sarrazins qui faisoit continuellement de iour en iour guerre aulx Rommains aulx limites de Arabie elle gastoit leurs chasteaulx & ēpeschoit & si occupoit beaucoup de terres a eulx appartenans dont leurs richesses en estoient amoindries: or ce voyant requierent auoir paix avecques icelle royne: Laquelle chose ne voulut accorder sinon que luy baillassent le saint hōme Moyse hermite: pour estre euesque de sa terre, se que luy fut accorde, Et ainsi que Lucien le tyran se efforçoit de ce faire, Lors le saint hermite dit tout hault, O Lucien ne astu point de honte: par toy tant de crestiens sōt cōdampnes a fouyr les mestaulx, Les aultres sont enuoyez en exil: & les aultres tiens & faitz mourir en prison, A ceste cause ne me atouche pas pour me consacrer, Et depuis fut consacree euesque & fut baillie a la royne pour estre euesque de ses gens: & lors elle ottroya aulx rommains paix Or valentes & Lucien qui estoient deulx tyrans psecutoient fort les crestiens, Combien que quant Lucien eut leu les lettres q̄ leur enuoya vng philosophe nomme Themestie: il fut vng peu plus doulx aulx crestiens Mais l'empereur Valentinian batailla aulx Saxons: qui sont pres la mer de oceane en lieulx plains de eaulx/& boeulx ou na chemi ne sente/ne autmoins il les vainquit:& pareillement les Bourguinons, En ce temps les Sermates gens fort belliqueux gastoient le pays de Pannonye, Pour quoy L'empereur Valentinian soudainement fist aprestier son ost: pour les batailler, mais subitement vng flux de sang print a l'empereur: dōt il mourust / luy estant au chasteau Brigiōne, Or pource q̄ les gothz estoient chasses de leur pays: il gastoient le pays de Thrace, Pourquoy Valentin fist cōtraindre les gēs de glise/euesques/moynes/prestres/hermites: daller a la guerre & fist rapeller tous les bannis, Mais ce fut bien tard: car il fut vaincu en bataille par les Gothz & fut tout vif brusle, Et lors fut grā de calamite & poutete a l'empire des Rommains a la perte de Italie, Le pape Syrice ordonna q̄ vng moyne: mais que fust de bōne vie quil pourroit paruenir iusques a lordre episcopalle & estre euesque, Et si ordonna que on recepueroit les ordres les vnes apres les aultres: & que ainsi se deuoiēt bailler, Et fist prohiber & deffendre aulx crestiens de communiquer ne conuerser avecques les manichiens hereticques, Mais ceulx qui se vouldroient cōuertir/& retourner a la foy crestienne quon les debuoit recepuoir: en faisant ieunes/& oraisons tout le temps de leur vie en vng monastere/& apres quil auroient tout le temps de leur vie fait penitence & leur vie fust approuee: q̄ lors en la fin de leurs iours on debuoit bailler le corps nostre seigneur, Et oultre ordonna que vng prestre seroit consacrer par vng euesque:& non par aultre:& que ceulx prendroient a ma-

Mania royne  
des sarrazins,

La mort de Va  
lentin,

Leglise recoit  
les penitens,

g.iiii,



Sainct Hylai  
re,

riage femmes veufues / ou qui se remariroient en secōdes nopfes: quon ne les receust a prendre les sainctes ordres de leglise, ¶ En ce temps estoit Hylaïre euesque de la ville de Potiers / en Aquitaine qui escripuit fist & composa contre les hereticques Arriens douze liures, Cestassauoir vng liure cōtre Valente & Vrsain: & peu de temps apres alla de vie a trespas en la ville de Potiers, Victorien qui estoit de la natiō de Aphere lors luy estant a Rome monstroït & apprenoit publicquement la rethoirique en la fin de son aage se fist baptizer / & puis fist plusieurs liures aulx ars & dyaleticque a lencontre des hereticques arriens a la louenge de la foy crestiēne, Photene Grec discipule de Marcellī euesque de Artyriane: voullurēt en ce temps la restaurer & mettre en auant lheresie de Hebion lhereticque qui disoit que nostre seignr Iesus auoit este ne de la vierge Marie par copulation pitoiable & le reputoit estre vng homme iuste, En ce temps estoit Dydime natif de Alexandrie qui en son ieune aage estoit de uenu aueugle & ne veoit goust & estoit ignorant / & non congnoissant les lettres: mais ce neantmoins: apres que fut grant fut si expert / & grant clerc en la science de geometrie & dyaleticque quil en scauoit tout ce qui en estoit, Combien que icelle sciēce soit de grande experience & vsaige: apres que fut daage il aprinst les lettres quon monstre aulx petis enfans a lescolle: tellemēt que fist & composa de beaulx liures en lart & science mathemathicque / sur le psaultier & leseuāgilles / de sainct Mathieu & de sainct Iehan / & escripuit contre les hereticques arriens, Leuesque de Miluetane nomme Optatius: fist & composa six liures contre les hereticques Donatiens, ¶ Or le pape Syrice apres quil eut pacifie les choses & estat de leglise & quil eut fait & cree, xxvi, p̄tres xvi, diacres: & xxxii euesques aulx ordres par luy faictes / mourut / & fut ensepuey au cymetiere Priscille en la voye Salarienne, la, viii Kalende de Mars, Il fut pape quinze ans / vnze moys / &, xxv, iours: & lors vacca le siege apostolique par le space de vingt iours,

¶ Anastaise, xli, pape, Et premier du nom,

Lempereur  
Gratian,

Trente mille  
Allemands occis,



Anastaise estoit Rōmain / son pere eut nom Maxime: il fut esleu & cree pape au temps de lēpereur Gratian qui fut magnifique & en guerre magnanime, Et luy estant en la fleur de ieunesse vaquit en guerre & desfit, xxx. mille allemands pres vng bourc quō appelle Argētaire en Gaule / & nyfut occis ne tue de ses gens que bien peu / & ce fait retourna aulx Italies: desq̄lles chassa tous les hereticques arriēs, Et remist icelles Italies a la vraye foy crestiēne & catholique,



Mais pource que Gratian veoyet les Gothz/les Alains & Hunes gaster tout les pays & icelluy enuironner: eut peur que la chose publique fust perdue: car elle estoit en grant danger: pourquoy appella & print avecques luy Theodexe qui estoit natif Despaigne/ homme expert aux faitz belliqueulx/ & de la guerre: & le fist son cōpaignon pour gouuerner lepire: & furent tant que vainquirent les Gothz/Alains/ & Hunes, Et fist paix avecques Athalias Roy des Gothz, Et apres la mort dicelluy/ & q fut honorablement enterre en Constantinoble / tous ses cheualliers & gens d'armes se rendirent a Theodexe homme tres prudent, ¶ Or ce pendāt Maxime qui occupoit par force & tyrānie le pays de Bretagne: tua Lempereur Gratian au pres de Lyon, dequoy Valentinian frere de Gracian eut si grant peur quil sen fouyt en Orient: ou estoit Theodexe Auchuns disent que la misere & calamite quont receus ses deulx freres scauoit este pource que leur mere Iustine: qui tenoit lheresie des arriens auoit & faisoit persecuter les crestiens, Et mesmement saint Ambroise se persecutoit, cōbien quil eust este esleu par le clerge & peuple euesque de Myllan: contre sa volente, ¶ Or apres q Auxence euesque de Myllan hereticque fut mort: fut fait grāt seditiō au peuple de Myllan pour ellire vng euesque, Or comme saint Ambroise qui lors estoit cōsul de la ville: & encores nestoit crestien, Mais seullement cathecumine / estoit a la sembler pour appaiser les seditiōs/ murmures/ & noyses du peuple/ ainsi quil fut être en leglise & quil se efforçoit de appaiser & mettre paix & concorde entre les crestiens, Tout le peuple commenca a crier a haulte voix quon ne debuoit bailler leuesche a gouuerner a nul aultre que a Ambroise: ce q fut fait: & fut baptize & fait crestien: & puis cree euesque de Myllan, Mais depuis de quelle vie/ vertu / & doctrine il fut/ ses oeures/ sa vie le demonstret par escript, ¶ Or le pape Anastaise estoit tous iours empesche a faire statutz: pour honorer le seruice diuin, Et a ceste cause ordonna que quant le prestre chanteroit leuāgille en leglise: il fust tout debout & non assis, Et que on ne receust gens estrangiers & mesme ment gens d'outremer a recepuoir tonsure/ ne les saintes ordres: si nauoient les signes de cinq euesques, Et icelle ordonnance & statue fut faicte pour cause des hereticques Manichiens/ qui occupoient encore & enuoyoient de leurs gens pour corrompre nostre foy, Et oultre prohiba & deffendit que auchuns manchoz/ & ceulx qui nauoient qung bras/ ou aultres membres perdus ne fussent receuz aux saintes ordres, Il ediffia vne eglise appelee Cressantine en la voye Mamertine, ¶ Or combien que au temps du pape Damase / Syrice / & Anastaise les bons Empereurs, Cestassauoir/ Iouian/ Valentinian/ Gracian/ Theodexe/ rendirent icelluy temps fort illustre & magnificque. Toutesfois les saintz docteurs qui lors estoient tant Grecz que latins le illustrerent tres excellentement Sainct Gregoire/ & saint Basille qui estoient de Capadoce/ comme dit Eusebe: il estoient tous deulx nobles/ tous deulx auoient estude a Athe

Theodexe  
Espagnol,La mort de  
Gratian,Saint Am-  
broise fute leu  
euesque,Ne recepuoir  
gens estrangiers  
aux saintes  
ordres,



De Innocent, xlii, pape

nes/sainct Basille fut euesque de Cesaree/quon appelloit Maya/il fist & escripuit plusieurs liures cōtre les hereticques Ennomiēs:& fist vng aul tre beau liure du saict esperit,& les istitutiōs & rigles des moynes:il eut deulx freres Gregoire/& Pierre qui furent grans clerçz, Gregoire nazia menus qui mena Basille en vng monastere:il fut maistre/& precepteur de sainct Iherosme/Epiphaine euesque de salamine composa de beaulx liures en beau stile & eloquent, Par lesquelz il impugnoit/& cōfundoit toutes heresies, Et pareillement aussi fist le diacre Ephren de leglise de Edissena/tellement que les eglises publicquement chantoiet se q auoit escript, ¶ Apres que le pape Anastasie eut faict deulx saictes ordres au mois de Decembre:ou fist & crea huyt prestres/cinq diacres & dix euesques,mourut & fut ensepuely au cymetiere de Iourse Pilleate a la ciquiesme Calende de May:il fut pape trois ans:& dix iours, Et lors vacca le sainct siege apostolicque par,xxi,iours

¶ Innocent, xlii, pape Et premier du nom,

Theodexe  
Empereur,

Saict Martin,



Innocent estoit de la nation Dalbanie / & son pere eut nom Innocent / & fut au tēps de Theodexe qui par vne singuliere guerre & soubdaine occist / & tua Maxime / le tyrāt qui auoit tue Gratian lēpereur:icel le mort & calamite:lu y auoit dit & predit sainct Martin pource quil auoit de robbe & fait desrobber & piller / p ses gēs darmes le pays de bretagne:& quil alloit aulx ital lies cōtre droit & raison, Mais Theodexe l'empereur se voyāt assailly / & son pays occupe par Circe Escosoy / qui auoit des

Claudia poete

Saict ambroise  
se deffendit a  
Theodexe de  
nentrer a legli  
se.

struit & gaste plusieurs yslles:& que Androgace cōpaignon de Maxime victor son filz / Abrogast / & Eugene tous tyrans qui gastoient tout par ou passoient Iceulx assallit p vne soubdaine & merueilleuse guerre:& les vainquit tous & mist a mort, ¶ Pourquoi le poete Claudian a la louenge de lēpereur Theodexe fist des vers / & mettres / quon voit p escript encores de present, Onimium dilecte deo: tibi militat ether, Et con iurati veniunt ad classica venti, Cest adire en francoys, O Theodexe tu es fort ayme de dieu:car le ciel batailla pour toy, Et les vens sont contrains de te seruir en tes affaires que tu as sur mer. Or ce que faisoit lempereur Theodexe hardi cheualureulx / & fort idustrieulx aulx faitz de la guerre: Cestoit quil auoit bel engin / grant entendement / & estoit fort deuotieulx, Car ainli que vne fois vouloit entrer en leglise de Myllan pour ouyr le diuin seruice:il lu y fut deffendu entree de leglise par sainct Ambroise, Pource quil auoit commis quelque peche contre leglise / &



qui debuoit de ce faire penitence & sen repêtir auât qu'il y entrer, ce que fist: & l'uniure que luy fist saint Ambroise porta paisiblement: & luy rendit graces de ce que l'auoit ammonnesté de faire penitence de son mal fait & offense. ¶ La femme de Theodose eut nom Facilla: & eut delle deulx enfans males Archade & Honore. Theodose fut vne fois courrouce pour ce qu'on luy rapporta qu'on auoit tue & occis vng de ses cheualliers au theatre par les thessalonicens, Mais comme les autres disoient cestoit leur iuge que leur auoit baillé, Pourquoy dit que feroit tuer tous les habitans de Thessalonia: & a force fut retenu par les prestres de Italie: & apres qu'il eut pense en luy mesmes ce que vouloit faire: & qu'il cōgneut la chose ainsi quelle auoit este faicte: il plora & se repentit en plourant la volente qu'auoit eue. Et pour ceste cause il ordonna & fist vne loy que les sentences criminelles qui baillēt pugnitions qu'on differast de la mettre a execution par trois iours apres que feroit donnee & proferree par les princes: afin que penitence ou misericorde ayt lieu. On dit quant Theodose estoit ire & courrouce par quelqu'un: incontinent il contoit & nōbroit toutes les lettres de l'alphabet: afin que l'ire en ce faisant sen allast. Il auoit vng moine hermyte nomme Iehan: fort son familier: & ne faisoit guerres ne paix que par le cōseil dicelluy. ¶ Apres que l'empereur Theodose eut vescu cinq ans il mourut en la ville de Mylā. ¶ Lors le pape Innocent estoit fort ioyeux que leglise estoit en paix & tranquillite, pourquoy ordonna que les crestiens ieusneroint par chacun iour de samedi: & que en vng tel iour nostre seigneur auoit repose au sepulchre. Et aussi que les apostres auoient ieusne a tel iour. Il fist certaines reigles des iuis & des payens: & pareillement des moines. Il chassa de Rome les hereticques Catharicques, De la quelle heresie auoient este auteurs Montan: Prisca: & Maximille. Mais comme les auteurs disoient il les fist mettre en monasteres: & a ce faire L'empereur Theodose luy fauorisoit fort. Et oultre condēpna cōe hereticqs Pelage moine & Celestin: qui affermoient & mettoient deuant la grace diuine le liberal arbitre. Et qu'il souffisoit la volente pour acōplir la volente diuine: & ses commandemens. Saint Augustin fist & escripuit contre eulx beaucoup de liures. Mais Pelage sen alla en bretagne avecques vng nomme Iulian son compaignon. Lesquelz par leurs erreurs gasterent toute Bretagne. ¶ Le pape innocent fist construire & dedier vne eglise a Rome en l'honneur de saint Geruais: & saint Prothais aux despens de Vestine femme Romaine: qui vendit tous ses biens: qui luy auoient este laissez par testament. Les dōs qui furent donnees a icelle eglise furent, Cest assauoir deulx patenes d'argent du poix de quarante liures xii, couronnes: quatre chandeliers: vng cerf d'argent du poix de, xxv, liures pour honorer les fons de baptesme. Pour fondre & getter leau des fons: vng vaisseau d'argent du poix de cinq liures. Pour mettre le cressin: deulx brocs d'argent. Et oultre dōna a icelle eglise pour icelle doter vne

Facille femme  
de Theodose,

Nota pour les  
princes,

La mort de  
Theodose,  
Institution de  
ieusne le iour  
de samedi,

Eglise fondee  
en l'honneur de  
saint Geruais  
& saint Pro-  
thais,



Sainct Iherosme en Bethelchem,

maison dicte Beluine / & des boingnins qui estoient au pres du tēple. Mercure / & vne aultre maison estant au val des boings de salut / des terres qui estoient au terrouer de cluine / & vng aultre au lieu dit fondanne. Pour gouverner icelle eglise, Et pareillement celle de saint Agnes bailla la ministration & gouvernement a deulx prestres, Cestassauoir / Leopard / & Paulin. ¶ En ce temps estoit Appollinaris hereticque / qui disoit que Iesuchrist auoit eu seulement vng corps : mais non pas lame raisonna- ble : & aultres folles ppositions affermoit / que depuis furent cōdāpnees hereticques. ¶ Et aussi estoit Marcian euesque de Barcelone hōme cha- ste & de grande eloquence : & escripuit contre les hereticques Nouatiēs & les ipugnoit fort. ¶ En ce temps saint Iherosme prestre estoit en Be- theleem & y habitoit en grant facunde & entendement & par sa vertu / & ses oeuvres il auoit fort augmente la foy crestienne. ¶ Or apres que In- nocēt eut faict a Rōme quatre saintes ordres ou furēt creez, xxx, p̄stres xii, diacres : & cinquante euesques in mourut / la cinquiesme kalende du moys Daoust : & fut ensepuey au cymetiere a Lourse Pileate. Et fut pa- pe, xv, ans, deulx moys &, xxv, iours, Et vacca le siege apostolique apres sa mort par trente & deulx iours,

¶ Zoïme, xliiii, pape, Et premier du nom,



Archades  
Honore,

Rhadagase  
roy des Gothz

Aleric,

Ozime fut de la nation de Grece / son pere eut nom Habraam : Il fut au temps de Ar- chade & Honore freres enfans de Theodo- xe / qui succederent a lempire apres leur pe- re & en prindrent le gouuernemēt, Iceulx freres deuiserent lempire, Archades eut lē- pire de Orient / & honore Occident. ¶ Or pource que Ruffin vouloit occuper le m- pire Doriēt : il fut tue & occis de Archade, ¶ En ce temps la Radagasius Roy des Gothz fort cruel : entra aulx Italies & mist tout a feu & a sang : & par ou passoit gastoit

tout, Or ce voyant par les Rommains il assemblerent des gēs darmes & diceulx firent leur capitaine vng nomme Stilcone / & guetterēt iceulx Gothz aulx mōtaignes Fessulanes ou il furēt defais & occis / & luy succe- da Aleric qui depuis fut Roy des Gothz, Or cōbien que Stilco leust bi- en defait luy & ses gens toute fois il le fauorisa affin que luy mesmes re- gnast aulx pays, Et apres fut fait paix auecques Aleric / par Honore qui luy dōna cōge de habiter en Gaule pres polledie / ce q̄ vouloit faire Ale- ric, Mais ainsi que ne pensoit en riens & que luy & ses gens faisoient leurs festes appellees Phere, Stilco enuoya Soaul qui estoit Ebrieu auecques grosse compaignie de gens darmes qui assaillirent le Roy Aleric : qui ny



pensoit en riens & les surprint. Mais le lendemain Aleric & ses gēs se armerent & vindrent contre Saul: & le vainquirēt luy & toulx ceulx qui estoient avecques luy: & lors laissa la Gaule & senuint faire guerre contre Silcone / & cōtre les Rōmains & les vainquit: & print d'assault la ville de Romme / apres quelle eut este longuemēt assiegee, Lan que Romme fut faicte Mille trois cens soixante & quatre: & lan de nostre seignr quatre cēs & douze, Or le roy Aleric apres que Romme fut prinse comāda a ses hommes d'armes quon tuaist le moins de gens quon pourroit & quon ne fist riens a ceulx qui sen seroient fouys en leglise saint Pierre & saint Pol. ¶ Apres quil eut este a Rōme par trois iours: ou ne fist pas tant de mal quon cudyeroit: il sen alla cōtre ceulx de Liques / & Brutiens, Mais apres quil eut prins par force Consense & quil leut fait abbatre il mourut, Et fut esleu du cōsentemēt de tous les Gothz Athaulphe / qui estoit parent: & affin de Aleric: & incontinent sen retourna a Romme avecques son ost, Mais par les prieres & requestes de Galla placidis sa femme fille de Theodexe dont cy dessus a este parle se garda & tēpera da faire faire meurtres & rapines: & delaisa les officiers en leurs offices / cōbien quil auoit delibere de destruire Rōme totallemēt / & en faire vne neufue & lappeller Gotthia, Et de laisser les ēpereurs de son nom & quō nappelleroit plus les ēpereurs Augustes, mais Athaulphes / or ce ne autmoins au moyen de placide sa fēme Rōme fut gardee destre destruite. Mais encores elle fist tāt q̄ paix fut faicte être Honore & Theodexe le ieune: filz de Arcade & luy. ¶ Le pape Zoīme neautmoins quil fut en grādre calamite pour les turbatiōs des guerres: touteffois attēdoit a augmēter le seruice diuī Et ordōna q̄ par chascū an au iour du saint samedy on benītreroit en chascūne eglise vng cierge: il phiba aux clerz de boyre publicquemēt aux tauernes: mais trop bien secretemēt avecques gēs de leur estat & fideles, Et oultre ordonna quon ne receust les gens serfz & de serue cōditiō aux saintes ordres car il disoit q̄ ceulx qui recepuoient les saintes ordres debuoiēt estre francz & de condition liberale & franche. Mais maintenant on recoit toutes manieres de gens: non pas seulement serfz mais filz de batardz: quon ne scet dou il sont & gens infames & engendres de personnes infames, Et vne fois leglise par leur mauuaite aura fort a souffrir. ¶ Le pape Zoīme enuoya au cōcille de Carthaige faustin euesque & deulx prestres pour remonstrier au concille que ne se debuoiēt riēs faire publicquement sans lauctorite & consentement de leglise Rommaine. ¶ En ce temps estoit Lucius pere de lheresie des Arriens Euagere translate de Grec en latin, ¶ Et en ce tēps estoit vng nōme Iehan euesque de Constantinoble. Je croy que cest saint Iehan Crisostome, Car il fut de grande science & doctrine, Il fut disciple d'ung nōme Libane. Le quel Libane ainsi quil estoit en larticle de la mort / on luy demanda le quel cestoit qui estoit le plus grāt clerc & le plus entendu de ses disciples & lequel vouloit q̄ fust successeur pour monstrier a lescolle,

h,i,

Rōme prinse  
par aleric roy  
des Gothz.

La mort de aleric

Ne recepuoir  
aux saintes  
ordres serfz ne  
batardz



De Boniface, xliiii, Pape : & premier du nom,

Sainct Augu-  
stin,

dit & respondit que nen scauoit de plus scientifique q̄ Crisostome: mais  
que les crestiens lauoient gaigne & fait crestien, ¶ Or en ce temps aucuns  
disent que Probe femme du consul adelphe: fist & cōposa vng liure ap-  
pelle Centurno fait des vers & mettres de Virgille a la louenge de Iesu-  
christ, Mais aucuns on escript que ce fut Eudoche femme de Theodo-  
xe le ieune, ¶ En ce temps sainct Augustin disciple de sainct Ambroi-  
se quant a la foy crestienne: i pugnoit les hereticques / luy estant euesque  
de Hyspoue en Aphricq̄: & cōtre les hereticqs auoit beaucoup escript:  
& fait de beaulx liures: par le quelz la foy crestienne est fort exaulcee,  
¶ Apres que le pape Zozime eut fait & cree a Rōme dix prestres / trois  
diacres / & quatre euesques: il mourut la septiesme Calende de Ianuier &  
fut enterre pres le corps sainct Laurens: en la voye Tyburtine: il ne fut  
pape que vng an / trois moys: & douze iours, Et lors vacca le siege apolto-  
licque par l'espace de vnze iours,

¶ Boniface, xliiii, pape, Et premier du nom,

Scisme entre  
Boniface &  
Eulale,



Hōme oblige  
ne peult estre  
prestre,

Le pays de  
sainct Iheros-  
me,

Oniface estoit Rommain / son pere eut nō  
Iocundo prestre: il fut au temps de Hono-  
re, Et en ce temps fut scisme en leglise: car  
ainsi quon elisoit a pape Boniface en legli-  
se de Iule a Romme, Eulale fut esleu aussi  
pape en leglise Constantinienne / & la cau-  
se fut pource que les elisan estoient en di-  
scord, Mais incontinent que Honore l'em-  
pereur qui lors estoit a Millan en fut auer-  
ty: & a la requeste de Placidia & de son filz  
Valentinia: Boniface & Eulale furent tous  
deulx chassez de rōme, Et aps que Boniface eut este p sept moys hors la  
ville de Rōme: il fut rappelle & luy seul fut cōstitue pape, Et lors mou-  
rut Athaulpho roy des gothz, ¶ Le pape Boniface ordōna q̄ les religieu-  
ses ne toucheroient la palle de l'autel: ne pareillemēt ne toucheroient a  
leuure & que vng seruiteur ou vng hōme qui seroit oblige a rēdre cōpte  
dor ou dargēt: ne pourroiet recepuoir les saictes ordres ne se faire p̄stre: il  
fist vng oratoire au cymetiere saincte felicite martyre & fist faire vng se-  
pulchre de pierre de marbre aorne dargēt & y dōna vne patene dargēt pe-  
sant .xx. liures & vng vaisseau dargēt du poix de .x. liures, .iii. courōnes  
dargēt & .ii. calices, Sainct Iherosme p̄stre estoit en ce tēps, sō pere eut nō  
Eusebe: il fut ne dung chasteau appelle stridon qui estoit aulx parties de  
Pānonie & de Dalmace, cestuy chasteau auoit este destruit & abbatu par  
les Gothz, Or cōbien q̄ saict Iherosme auoit ayde a leglise de dieu sa tref  
saincte vie & ses oeuvres le demonstrent & ne m'appartiēt de le narrer &  
dire a present: car il reluisent par tout le monde & ne se lisent ses liures si



non que par gēs docteurs & clerçz: il mourut en Bethleem en laage de quatre vingt; & vnze ans: vng iour deuant les Calēdes de octobre / & auf si estoit Gelaife euesq de Cesaree palestine qui fut hōme de grāt entēde mēt, Il escripuit l'histoire de Hester: & loua fort le saint esperit: aucuns disent que en ce temps par ladmonitiō nostre seigneur quil fista vng prestre nomme Lucian furent trouuez les reliques & corps saintz du premier martyr saint Estienne & de Gamaliel / qui auoit este precepteur & maistre de saint Pol, Et de ceste inuention Lucian en fist vng beau sermon en langaige Grec quil enuoya par toutes les eglises, Et depuis Habundius prestre Hespagnol mist icelluy sermon / & translata de Grec en latin & lenuoya a Oroze prestre, ¶ Et si estoient en ce temps Cassianne / & Maximine grans clerçz, ¶ Et pareillement regnoit eutrope qui fut discipule de saint Augustin, Icelluy fist les hystoires de Romme appelees epitome, Depuis que romme fut edifiee iusques a son tēps: il escripuit vng liure de chastete / & de la mour de religion: quil enuoya deulx feurs religieuses, ¶ Et fut en ce temps Heres saint homme euesque Darles: dont fut chaste: il fut discipule de saint Martin, ¶ Apres que Boniface eut fait les saintes ordres ou fist & crea, xiiii, prestres, iiii, diacres & xxxvi euesques il mourut / la cinquiesme Calende de Novembre, Et fut enterre au pres du sepulchre sainte Felicite martyre, il fut pape trois ans huyt moys & sept iours, Et incontinent quil fut mort aucuns prestres enuoyerent querir Eulale pour venir a Romme, Mais il ne voulut point venir a cause quil estoit indigne de ce quon lauoit chaste / ou quil cōtempnoit les choses humaines: & mourut vng an apres le pape Boniface, Et vacca le siege par neuf iours,

## ¶ Celestin, xlv, pape, Et premier du nom,



Elestin estoit de Campane: il fut au temps de Theodexe le ieune: qui fut euoye a gouuerner Lempire occidental, Et depuis fut esleu & cree empereur par le vouloir & cōsentement de toutes les Italies: & print le gouuernement de lempire luy estā a Rauananne / & ce faict chassa les tyrans qui insestoient & auoient en hayne les Rōmains & le nom diceulx / & mesmement vng nōme Iehan: le quel subiuga & rendit par fortune de guerre doulx & amiable, ¶ Et entre les fortunes de guerres & de tyrans dont toute Italie estoit enuironnee & gatee, En ce temps les Gothz / les Allemans / & Vuādales qui estoient gēs plains de cruaulte / fort inhumains / & viuans bestiallemēt, laisserēt Hespaigne & avecques leur roy Genserique sen allerent en Aphrique /

h, ii,



La mort de  
saint augustin,

Thraïson des  
anglois,

Institution de  
dire iudicame  
deus

Concille tenu  
a Ephese

laquelle depopullerent / pillerent / roberent : & mirent tout a feu & a fâg /  
& a lespee. Et gasterent icelle prouince qui tenoit la foy crestiëne, de l'he  
resie des Arriens : & chasserent plusieurs euesques de leurs eueschez / qui  
estoyent bons catholicques & les enuoyerent en exil : & lieulx lointains  
en la quelle perturbatiõ trois moys aps saint Augustin euesque de hip  
ponense mourut la cinquiesme Calende de Septebre / en laage de soixan  
te & dixsept ans. ¶ Et aps que Aphrique fut destruite & gasteë : les Vuã  
dales par mer sen allerent en la cicille & Italle la quelle pillerent desro  
berent & gasterent, Et en ce temps en firent les Poiteuins & Escossois :  
qui occuperent le pays de Bretagne : pourquoy les Bretons appellerent a  
leur ayde Erius patrice homme congnoissant aulx faitz de guerre : pour  
donner secours & aide a l'ecõtre des Escossois / & poiteuins / ce que ne fist  
Combien quil en eussent bien affaire / mais pource que ne demãdoit q̃ a  
dominer & regner sollicitoit & incitoit les hummains pour inuader / &  
occuper les Italles, Or ce voyant par les Bretõs quil nauoient point de se  
cours de Etyo : & quil les auoit laissez, Demãderent secours & ayde aulx  
Anglois qui descendirent en Bretagne faignant dõner secours aulx bre  
tons ce que ne firent, Mais comme ennemys occuperent le pays & furent  
par eulx destruis & perdirent le nom & le pays, Et lors mourut Theodo  
xe empereur en Constantinoble : apres quil eut regne, xxvii, ans & de son  
oncle Honore le premier an, ¶ En ce temps Belde & Attila freres roys  
des hunes entrerent en Illirique, ou gasterent & destruirent tout le pays  
en mettant a feu & a sang, ¶ Le pape Celestin ordonna quon chante  
roit les vers du psaultier de Dauid deuant quon fist le seruice de la mes  
se : ce que au parauant ne se chantoient point, Et que apres que lespĩtre  
seroit dictẽ & leuangelille on debuoit faire fin au sacrifice, Et comme dit  
Martin de Cassine, ¶ Le pape Celestin ordõna quon diroit deuant lin  
troitte de la messe : Iudica me deus / & discerne causam meam, Et oultre  
le gradual, ¶ Le pape Celestin fist de beaulx statutz : il fist construire &  
edifier vne eglise appelee Iule : ou donna vne platene d'argent : du poix  
de, xxv, liures : des brocz d'argent du poix de, xx, liures / deulx chadeliers  
d'argent pesant soixante liures, ¶ Nestor hereticque euesque de Consta  
tinoble regnoit en ce temps : & disoit que Iesuchrist auoit este ne de la vi  
erge Marie homme seulement & non pas dieu : & que la diuinite luy  
auoit este baillẽe depuis pour ses merites, Contre la quelle heresie Cy  
rille euesque de Alexandrie : & le pape Celestin / tres asprement reprou  
uerent icelle heresie, Pourquoy fut tenu en Ephese vng concille synode  
ou estoient deulx cens euesques ou fut dampnee & reprouuee l'heresie de  
Nestor & celle de Pelage qui estoit quasi semblable, ¶ En apres monsi  
eur saint Germain euesque de Auferre enuoya au pays de Bretagne  
de saintes personnes pour destruire & arguer contre les hereticques qui  
gastoient tous les gens du pays, Et pareillemẽt enuoya au pays de Eicoi  
le lesquels ne demandoient aultre chose que la sainte foy crestienne,



¶ Auchuns ont dit que le diable en guise de Moysse representant sa personne deceut plusieurs iuifs: car il les amena de Crethe leur promettant bailler la terre de promission: & en icelle les mener / en passant la mer a pied sec: comme auoit fait le pphette Moysse, Parquoy plusieurs le creurent & suyuerent, Mais ainsi q les iuifs furent entres en la mer beaucoup de ceulx furent noyez: & ne rechappa que ceulx qui lors creurent ferme mēt nostre seignr Iesuchrist estre dieu, ¶ Apres que le pape Celesti eut faict a Romme trois saintes ordres au moys de Decēbre ou fift, xxxii, prestres: douze diares &, xlii, euesques / & puis mourut la huitiesme yde du moys Dauril: & fut enterre au cymetiere Priscille en la voye Sallarie: Il fut pape par l'espace de huyt ans, x, moys &, xvii, iours, Et lors vacca le siege par, xxi, iour,

¶ Sixte, xlvi, pape Et troisieme du nom,



¶ Sixte pape estoit Rōmain son pere eut nom sixte il fut au temps de Valētinian qui fut gouuerneur de l'empire Doccidēt: qui fift paix auecques Genserique roy des Vuādales / & luy bailla certains lieulx Daphrique pour habiter, Mais icelluy Gēseric depuis fut entache de lheresie des Arriens: pour quoy chassa plusieurs saintz euesques de leurs euesches, Lors atthila & Blada roys des Hunes / ne se cōtentirent de occuper le pays de Pānonie, Mais occuperent Macedone / Mysia / Acharie & toutes les deulx thraces, Lesquelles mirēt a feu & a sang, & que Attila tua & occist Bleda son frere & luy couppa la teste affin qui regnast seul Et puis print couraige & assembla beaucoup de gens pour venir occuper l'ēpire occidentale, Mais incontiēt que Etius ouyt les nouuelles que Attila faisoit si grosse armee enuo ya des ambafadurs par deuers le roy de Frāce theodorus: qui estoit a Thoulouse / & furent faictes pactions & accord ensemble que vng chascun deulx a cōmūs despēs & pareil nōbre de gēsdarmes se aideroiēt lūg laultre pour assaillir Attila: & eurent ayde & cōfort de plusieurs natiōs qui vindrent a leurs secours: cōe Alains / Bourguinōs / Frācoys / Saxonois / & Occidēt, Lors semist en la bataille Attila aulx champs de Challos ou fut la bataille si cruelle dung coste & daultre: & par si grāt couraige & fureur, qui fut tue / tant dung coste que daultre plus de cent quatre vingtz mille hōmes, Et fina la bataille par vne voix que on ne scauoit lequel cestoit qui lauait dicte & proferee / & lune ne laultre des armees ne sen fouyt, mais estoient aussi hardis les vngs que les aultres, On dit que en ceste bataille le Roy Theodorus tua & occist le pere du Roy Thurismond, ¶ Aucō Theodoric Roy de Frāce mancement que le pape Sixte vint a la papaulte fut accuse de crime par h,iii,

Genserique roy  
des vuandales,

Attila tua son  
frere,

Cent quatre  
vingtz hōmes  
tuez en bataille

Theodoric  
Roy de Frāce



Synode assemble.

Leglise nostre dame de Maiour

Versus

vng nomme Vasse, Pourquoy fut assemble & fait vng synode: ou furent cinquante sept euesques: par deuant lesquelz se deffendit si bien de la faulce accusation que auoit imposee Basso: quil fut par sentence de tous les euesques absoubz a pur & a plain, Et fut Bassus condempne/come faulx inique accusateur: & par le commandement de Valentinian & Placidie, la mere fut enuoyee en exil, Et luy fut reserue que a la fin de ses iours recepueroit le corps de nostre seigneur, Et furent tous ses biens possessions & terres confisquees a leglise, Et aucuns disent que Basse ne vesquit que trois moys apres que fut bany, Et le ensepuelit le pape Sixte de ses propres mains en linge blanc avecques oudeurs aromaticques, Et le fist enterrer avecques ses parens en leglise saint Pierre, ¶ Le pape Sixte fist edifier leglise Nostre dame qui se disoit anciennement libere/qui estoit pres le marche de Libere/& depuis icelle eglise prinst le nom de la croche nostre seigneur: qui y est: & depuis fut appelee Nostre dame Maiour, Or encores est il bon a veoir maintenant q le pape Sixte auoit este edificateur dicelle eglise: car au hault de lentree de leglise y a vng tiltre qui dit, Sixtus episcopus plebi dei, Le pape Sixte donna a la dicte eglise vng aultel dargent du poix de troiscens liures, Trois patenes dargent du poix de cent & xx, liures: & cinq vaisseaulx dargent, x, calices/huyt couronnes dargent: & xx, chandeliers aussi dargent, Les fons / & terres de Scauoye / & ceulx de lere/vng serf dargent qui iettoit leau aux fons, Et fist le hault de leglise au deuant tout de pierre de porphire qui est le lieu ou on chante lespitre & leuangille, ¶ En ce temps Pierre euesque de Illirique fist & ediffia leglise sainte Sabinne en la montaigne Auentine/ou est enterre le corps saint Alexis/la quelle chose ie croy que ce fut au temps du pape Celestin premier du nom: car les vers heroïques le demostrent qui sont telz, Culmen apostolicum cum Celestinus haberet Primus & in toto fulgere episcopus orbe / Hec que miraris fundauit presbiter vrbis Illirica de gente petrus vir nomine tanto dignus ab exortu Christi nutritus in aula/Pauperibus locuplex: sibi pauper: qui bona vite, Presentis fugiens meruit sperare futura, Et en ce temps furent Eusebe de Cremonne & Phelippes disciples de saint Iherosime/& Euchere euesque de Lyon & Hyllaire euesque darles. qui fut en son temps homme de grande doctrine & science, ¶ Le pape Sixte distribua ses biens aux pources & a faire les eglises, ¶ Et apres quil eut fait, xxvii, prestres, douze diacres/& cinquante deulx euesques il mourut/ & fut ensepueley en la cripte qui est en la voye Tyburtynne pres du corps saint Laurès Il fut pape huyt ans: & dixneuf iours/& lors vacca le siege, xxii, iours,

¶ De Leon, xlvii, Pape: &amp; premier de ce nom,





Eon Pape estoit Thuscain, Son pere auoit nom Quintian, Il fut au temps que Attila retourna de la bataille cathelaunique en pannonie/ou assembla grant nombre de gens d'armes/& sen vint entrer aux ytalies par force, Et mist le siege deuant Aquilee/ou fut par troys ans, Lors ce voyant quil auoit este si longuement deuant aquilee/& ne la pouoyt prendre/il estoit comme desespere/& ainsi qui vouloit leuer le siege/veit & aperceut les cicoignes qui sortoient de la ville Daquilee/& portoient leurs petiz cicoigneaulx aux champs. Il print son augure & imagination sur iceulx oyseaulx/& soudainement fist assaillir trespremet icelle ville/a tout grosses bombardes & machines, Tellement quil la print d'assault/& fist tuer tous les hommes femmes & petiz enfans, Et nully nen eschappoit de quelque estat quil fust,& puis fist brusler la ville/& se disoit estre le fleau de dieu. ¶ Apres les hommes s'espendirent p tout le pays de Venise/& occuperent toutes les villes. Ilz destruyrent la ville de Millā & Ticine, Et ainsi quil sen vouloit aller a Romme pour la destruyre/& quil eut desia passe le fleuve du pau. ¶ Le pape Leon eut pitie de la calamite & destruction des ytalies & de Romme/& aussi de ce faire lenhorta le pereur Valentinian, Il sen vint au deuant de Attila/auquel luy dist qui sen retournaist & quil ne vint iusques a Rome, Luy remonstrant que apres que Alaric eut prins romme il mourut en brief/& que de luy print exemple, Le roy Attila obtempera aux dictz & persuasions du pape Leon/& ne passa oultre, Car il disoit que ainsi que le pape Leon & luy parloyent ensemble/il veoyt deux hommes sur sa teste/tenans deux glayuez tirez hors des fourreaux/qui le menassoient a occire & tuer/sil ne obtemperoit a ce que luy requeroit le pape Leon, Il est a croire que cestoit saint Pierre & saint Pol, Et incontinent sen retourna en Pannonie/ou peu de temps apres mourut du flux de sang/qui sortoit par les narines/pource que auparauant il auoit este tout le iour a yroingner & boyre vin. ¶ Lors quat le pape Leon fut retourne a romme/mettoit sa cure de confermer la foy catholique/laquelle estoit lors fort troublee par les heretiques Nestoriens & Eutichiens, Lheretique Nestorien qui estoit euesque de Constantinoble/afferموit & disoit que la vierge Marie nestoit pas mere de dieu/mais mere d'ung homme seulement, Et mettoit deux personnes/lune de la chair/& lautre diuine/& diuisement/disoit lune estre au filz de dieu/& lautre de l'homme, Et Eutiches heretique abbe de Constantinoble disoit/affin quil ne fust veu cōsentir auecques Nestorie/que la diuinite estoit auecques l'humanite en vne mesme chose & suppost/& ne se pouoyt nullement par aucun faict

h,iiii,

Aquilee destruite p Attila foy disant fleau de dieu

La mort de attila

Lheresie Nestorien & Eutiches



Le concille de  
Calchidone

Hoc sanctum  
sacrificium

Sainct Mam-  
merc fist pre-  
mier les leta-  
nies

ne par aucune maniere se diuifer / & ne se pourroit faire, Lesquelles he-  
resies furent reprouuees au Synode & concille de Ephesine, ¶ Le pape  
Leon fist celebrer le concille de Calchidone ou temps de l'epereur Mar-  
cian / qui estoit bon catholique & crestien, En cestuy cōcille furēt cinq  
cens & trente euesques / ouquel concille fut decrete & accorde auoir este  
deux natures en Iesuchrist / & qu'on creust fermement que Iesuchrist  
estoit dieu & homme, Et furent les liures des Manichiens bruslez publi-  
quement, Et Nestorien & Eutichie condampnez comme heretiques,  
¶ Or apres que fut tue & occis Valentinian: Maxime tyrant occupa le  
pire / & par force print en mariage Eudoxe / qui auoit este femme de Va-  
lentinian, Parquoy Genserico appella & fist venir les Vandalles qui  
estoit en Aphrique: & par force darmes prindrent la ville de romme  
Et fut tue Maxime dung cheualier Vrsain de Rōme / & iecte au fleue  
du Tybre, Ilz destruyrent & pillerent la ville de Rōme & les eglises /  
& mestoyent le feu par tout / en brulant maisons & eglises / combiē que  
le pape Leon les prioit quilz voulissent prendre tout le bien qui estoit  
dedans romme / & aux eglises, Et quilz ne bruslassent la ville ne les eglis-  
ses de dieu: mais ilz nen firent rien & ne le voulurent ouyr, ¶ Or qua-  
torze iours apres que Romme par les Vandalles eut este prise & destrui-  
te / ilz sen allerent en Aphrique / & emmenerent avecques eulx Eudo-  
xe & sa fille / avecqs grāt nombre de Rommains captifz, ¶ Apres q̄ les  
Vandalles sen furent allez / le pape Leon fist refaire la ville & les eglises /  
& a la requeste Demetrie femme deuocieuse / fist faire vne eglise en vne  
sienne terre / en la voye latine / a troys mille de Romme / en lhonneur de  
sainct Estienne, Et luy fist vne eglise a lhonneur de sainct Cornille / en  
la voye Dappie, Il fist & ordonna des clercz qui seroiēt gardes des sepul-  
chres / sainct Iehan / sainct Pierre / & sainct Pol, Iceulx maintenant sont  
appelez cubiculaires, Il ordōna au sacrifice de la messe / qu'on diroit ces  
motz, Hoc sanctum sacrificium, Et que nulle religieuse fust voillee ne  
beniste / selle nauoit este approuuee par quarante ans / chaste & de bonne  
vie, ¶ En ce temps sourdit vne heresie / qu'on appelloit acephale: Cest  
adire sans teste ne ceruelle / & ne scauoit on qui estoit laucteur, Iceux he-  
retiques naprouuoient le concille de Calchidone / mais disoiēt quil ny  
auoit que vne nature en Iesuchrist, Mais le pape Leon manda aux egli-  
ses des epistres / par lesquelles facilement on pouoyt confondre icelle  
heresie / & fut confundue & reprouuee, ¶ Aucuns disent que en ce tēps  
estoit saint Mammerc euesque de Viēne, Et dict on quil fut le premier  
qui fist les supplications / que les Grecz appelloient letanies / & la cause  
pourquoy les fist / fut pource que en ce temps la estoit grant tremblemēt  
de terre / au pays de la Gaulle & France, ¶ Apres que le pape Leon eut  
faict & cree / quatre vingtz p̄stres / trente & vng dyacre / & quatre vingtz  
& six euesques, Il mourut la quatriesme yde Dapuril / & fut enterre au-  
pres sainct Pierre, Il fut Pape vingt & vng an / vng moys / & treze iours,



Etlors vacca le siege par sept iours,

¶ De Hilaire, xlviii, Pape: & premier de ce nom,



Hilaire Pape estoit Sardinien, Son pere auoit nom Crispin, Il fut au temps de l'empereur Leon/qui estoit de Grece, Et fut cree empereur incontinent apres la mort de Marcian/& incontinent quil fut empereur crea son filz aussi appelle Leon Auguste Cesar, Soubz cestuy empereur la chose publique auoit souffert beaucoup de pourtez & calamitez/pour les tyrans qui vouloient regner & dominer/& occuper l'empire, ¶ Le pape Hilaire neantmoins en son temps fist grande perturbatiō en la chose publique/& en l'empire, Tousiours il ordonna & fist statut/que les papes ne pourroient creer ne eslire successeurs pour estre papes apres eulx/& se vouloit entendre en tous benefices deglise, Il fist troys beaulx oratoires en la grant eglise Constantiniane/tous faictz & dorez dor & aornez de pierres precieues, Et les fist & dedia en lhonneur de saint Iehan baptiste/& de saint Iehan leuangeliste/& sainte croix/ou il donna beaucoup de precieux dons/dor & d'argent, Et oultre fist vng oratoire en lhonneur de saint Estienne/pres saint Iehan de latran/& tout au pres fist faire deux belles & sumptueuses estudes, ¶ Aulchuns disent que en ce temps estoient/Saint Germain eueque de Auxerre/& saint Lou/& Victorin du pays & nation Daquitaine/qui estoit grant clerc en Arismetique, Il fist & ordonna en quelle lune on debuoit celebrer la feste de Pasques/& fist mieulx que Eusebe ne Theophyle, Et aussi estoit en ce temps/le prophete Merlin Angloys, Duquel ie croy quon en escript beaucoup plus que la verite nen veult, ¶ Apres que le pape Hilaire eut faict edifier & construire plusieurs beaulx edifices & eglises/& quil eut faict & cree, xxv prestres/cinq Dyacres/& vingt & deux euesques, Mourut & fut enseueley en la Crippe saint Laurens/pres du corps saint Sixte, Il fut Pape sept ans/troys moys/& dix iours, Et vacca le siege apostolique/par l'espace de dix iours,

¶ De Simplicie quarante & neufyeme Pape:  
Et premier de ce nom,

L'Institutio de  
nellire succes-  
seurs en ses be-  
nefices

Saint Victorin  
arin arismetiq  
Le tēps quon  
doit celebrer  
Pasques





Implice Pape estoit du pays de Tyburt, Son pere auoit nom Castine. Il fut au tēps que regnoient Leon le second & Zenone, Car Leon premier empereur apres quil se vit valitudinaire & malade / tellemēt quil ne pouoit plus entendre a gouuerner lēpire, Mist en son lieu sō nepueu / cestuy Leō second filz de sa seur Mariagene / & le filz de Zenon isaurice ses successeurs / pour regir & gouuerner lēpire. Mais pource q le filz de Zenon peu de tēps apres fut oppressé de maladie / il laissa a Zenō son pe-

Zeno empereur

Odoacer fut tue & son filz

Prestres ebdomadiers a seruir aux eglises

re lēpire. **O**doacer tirant entra par force aux Italies avecques grant compaignie / & vainquit & print Horreste patricie / & le fist mourir en la ville de Plaifance deuant son exercice & ost. Lors Zeno eut pitie des calamites & miseres que souffroit le pays dytalie, Appella a son ayde Theodore roy des Gotz / pour luy donner secours contre Odoacer, Lequel y vint avecques grant compaignie / & occist les capitaines de lost Odoacer / qui estoient en Aquilee, Et depuis fut par luy assailly Odoacer / en la ville de Rauane / ou fut le siege par troys ans, Pourquoy luy fut dict par Iehan euesque de Rauane / quil fist paix avecques Zenon & Theodore / affin quil fust compaignō avecques eulx / ce que fut faict, Mais neantmoins cōtre la foy baillée & paix accordée / vng iour apres icelluy Odoacer & son filz / furent tuez & occis, A ceste cause sans que nul y contredist / le roy Theodore eut les ytalies en son gouuernement, **L**e pape Simplicie saint homme & de bonne vie / fist deux eglises, Lune en la montaigne Elie / ou nom & soubz le tiltre saint Laurens premier martyr, Et lautre de saint Andry / pres leglise nostre dame de maior, Et en laquelle eglise iay ces vers escriptz en oeuvre iudaïque, Hec tibi mens valide decreuit predia Christi,

Cui testator opes detulit ille suas,

Simpliciusq; papa sacris celestibus aptans,

Effecit vere muneris esse tui,

Et quod apostolici deessent limina nobis:

Martyris Andree nomine composuit,

Vtitur hec heres titulis ecclesia iustis:

Succedensq; domo mystice iura locat,

Plebs deuota veni p q; hec commertia disce,

Terreno censu regna superna peti,

**I**celluy pape fist pareillement leglise sainte Viuienne martyre / ou elle fut enterree, Il institua des prestres ebdomadiers: Lesquelz par semaines les vngz apres les aultres se tiendroient aux eglises / pour ouyr les pecheurs en confession / & baptizer les enfans / & aultres voulās estre bap-



tifez, Et oultre diuisa la ville de Rōme par cinq regions/ & iceulx assigna aux prestres, La premiere regiō & quartier/ c'estoit a saint Pierre/ la seconde a saint Pol/ la tierce a saint Laurens/ la quarte a saint Iehan de latran/ & la quinte a nostre dame maior, ¶ Il institua & ordonna que les clerz ne recōgnoistroient gens lays pour superieur/ a cause de leurs benefices/ ce que apres fut conferme par le pape Gregoire & aultres papes, Et declaira leglise rommaine estre la premiere de toutes les aultres eglises, ¶ En ce temps estoit saint Remy euesque de Reins/ qui baptiza Clouis Roy des Francoys, Theodore euesque de Syrie/ en ce temps la escriuit dix liures des histoires ecclesiastiques/ comme auoit fait Eusebe Cesarience, Et en ce temps toute Legipte fut gastee dheresie de Dioscore lheretique, Et lors Hymerique Roy des Vuādalles/ qui recepuoit la secte & oppiniō des Arriens/ gastoit & destruysoit Aphrique, Pourquoy Eudoxe niepce de Theodore/ femme soit deuocieuse/ catholique/ femme dicelluy Hymerique, Faingnit aller en Hierusalē/ pour cause de deuocion & veu, Laisa son mary heretique/ & apres grandes peregrinations qui estoient fort graues & molestes/ & mesmement a elle qui estoit femme/ parquoy mourut, ¶ On dict q en ce tēps la les os du prophete Helisee/ furent portez en Alexādie, Et fut trouue le corps saint Barnabe/ auueques son euangille/ quil auoit escripte de sa propre main, Mais apres que le pape Simplicie eut augmente leglise de romme de eglises/ & fait de beaulx dōs & statuz, Et quil eut fait les saintes ordres/ ou fist & crea cinquante & huyt prestres/ vnze dyacres/ & quatre vingtz & six euesques, Il alla de vie a trespas/ la sixiesme none de Mars: Et fut enterreen leglise saint Pierre: Il fut pape quinze ans/ vng moys & sept iours, Et lors le siege fut vaccant vingt & six iours,

Saint Remy  
baptiza Clo-  
uis pmier roy  
crestien

Les os du pro-  
phete Helisee  
Linuētion du  
corps saint  
Barnabe apo-  
stre & son euā-  
gille

¶ De Felix, l, pape: & troisieme de ce nom,



Felix Pape estoit Rōmain, Son pere auoit nom Felix prestre du quartier Fasciole, Il fut au temps que le roy Odoacre estoit aux ytalies, Lesquelles occupa par quatorze ans/ & iusques que Theodore vint, Lequel setint a Rauane, Ce neantmoins il gouerna bien les ytalies/ & ne laissa chose a faire qui appartenoit a vng bō prince, ¶ Or affin que son royaulme fust plus pmanēt & fauorise: il print en mariage An deslede/ fille au roy de France Clouis, Et sa seur la bailla en mariage a Honoric/ roy des Vuādalles, Et vne de ses filles la bailla en mariage a Alaric/ roy des Vesogothz: Et vne aultre a Gūdibault, ¶ Le pape Felix fist cōstruy



Iehan Damas-  
scene fist les li-  
ures des senten-  
ces

De Gelaise, li, pape: & premier de ce nom  
re & ediffier vne eglise en lhonneur de saint Agapit/pres de leglise saint  
Laurens. Il ordonna que les eglises ne seroient consacrees q̄ pares eue-  
ques. ¶ En ce temps Theodore prestre/fist vng liure en grec/contre les  
heretiques/de la conuenance du vieil testament/& du nouueau. Et aul-  
cuns disent/que Iehan Damascene estoit en ce temps. Ce fut vng grant  
clerc en theologie/il composa les liures des sentences/il fist plusieurs li-  
ures de medecine. ¶ Apres que le pape Felix eut fait les saintes ordres  
deux foys au moys de decembre: ou fist & crea vingt & huyt prestres/  
cinq dyacres/& trete euesques. Il mourut & fut enterre en leglise saint  
Pol. Il fut Pape huyt ans/vnze moys/& dixsept iours. Et ne vacca le sie-  
ge que cinq iours apres sa mort.

¶ De Gelaise, li, Pape: & premier de ce nom,



Elaise pape estoit de la nation Apher. Son  
pere auoit nom Valere. Il estoit au temps  
que Theodore faisoit guerre au roy Clo-  
doue son beau pere. Et au temps que icel-  
luy Theodore tua & occist Alaric son ge-  
dre/qui estoit roy des Vefogothz/& quil  
occupoit Vascone/& icelle gardoit pour  
Almaric/filz de Almaric/iusq̄s a ce quil  
fust en aage. ¶ Cestuy Theodore mist en  
sa subiection/Cecille/Dalmace/Liburne  
Illirique/Narbône/la Gaulle/& Bourgo-  
ne. Il fist la ville de Tridente qui est aux  
yalties/aux montaignes & alpes/enuironner de murs/affin quil fust as-  
seur & sauluegarde de ses ennemys. ¶ Or le pape Gelaise trouua a rom-  
me aucuns heretiques Manichiens/lesquelz par sentence condampna  
estre bannis/& furent enuoyez en exil. Et leurs liures furent bruslez publi-  
quement pres de leglise nostre dame: Et depuis le pape Gelaise sceut &  
congneut certaines seditions/saintes par vng nomme Pierre & acasius/  
aux eglises des Grecz/qui faisoient des meurtres & aultres maulx: Pour  
quoy il y enuoya & manda que silz ne faisoient penitence des maulx quilz  
auoient faitz/il les condampneroit a tousiours & perpetuellement. Et la  
coustume de leglise primitiue estoit/de attendre assez longuement les  
pecheurs affin quilz retournassent a penitence. ¶ Le pape Gelaise fist  
construyre & ediffier vne eglise en Tyburtine/en lhonneur de Euphe-  
mie martyr: Et oultre fist vne aultre eglise soubz le tiltre & remembrance  
de saint Nicandre/& Eleuthere/en la voye Lauicane/& vne eglise a  
lhonneur nostre dame/en la voye Laurentine/a vng mille de Romme:  
Il aymoit fort les pources & augmetoit les eglises au mieulx quil pouoit  
Il preserua la ville de romme de beaucoup de maulx/& mesmement de



famine, Il fist des hympnes comme auoit fait saint Ambroise, Il fist cinq liures contre Eutoches & Nestorian, Il fist plusieurs aultres liures & epistres familiares, Aulcuns ont escript quil excōmunia anastaise empereur de Constantinoble / successeur de Zenō, Pource quil fauorisoit aux heretiques / pourquoy appert clerement / que si vng empereur erre en la foy crestienne / & apres quil aura este admōeste ne se voudra corriger / que le Pape le peult excōmunier, Et en fist autant contre le Roy des Vuandalles / qui tenoit la partie des arriēs & les fauorisoit / a cause de quoy tourmentoit les crestiens, ¶ En ce temps estoit Mezenice abbe de Poictiers, Lannociade abbe de Chartres / qui enhortèrent Clodouee Roy de France / & Clotilde sa femme royne a se faire crestiens, Mais aulcuns attribuent icelle louenge a saint Remy, ¶ Or apres que Gelaise eut fait trente & deux prestres / deux dyacres / & soixante & deux euesques, Il mourut la vnziēme Kalende du mois de Decembre: & fut enseuely en leglise saint Pierre, Il fut Pape quatre ans / huyt mois / & dixsept iours, Et lors fut vaccant le siege Apostolique par lespace de sept iours,

Mezenice abbe  
de poictiers,

¶ De Anastaise, liii, Pape: Et premier de ce nom,



Anastaise Pape estoit de la ville de Rome, Son pere auoit nom Fortune, Il fut au temps de l'empereur Anastaise / & au tēps que Transmunde roy des Vuandalles, Lequel fist clore & fermer les eglises / & enuoya en exil en Sardine cēt & vīngt euesques, Aulcuns ont escript que lors estoit Olympius heretique Arrien euesque de Carthage, Et ainsi quil detestoit & blasphemoit la sainte Trinite: luy estāt aux baingz / fut soudainement frappe de troys

Olympius ar-  
rien heretique

coups de tōnaire & foudre / & son corps fut tout brusle, Et ainsi que leueusque Barbas heretique baptisoit vng quidam / disoit telz motz, Baptizat te Barbas / in nomine patris per filium in spiritu sancto, Au moyen de quoy quil ne disoit les vrays motz qui sont, Baptiso te in nomine patris & filii & spiritus sancti, On ne sceut que deuint leaue qui estoit la presente / & ne sceut ou en trouuer, Pourquoy celluy qu'on baptisoit / & qui vouloit recepuoir le caractere du saint sacrement de baptisme: voyant le miracle de la sainte Trinite / se fist baptiser par vng catholique crestien, ¶ Le pape Anastaise excommunia l'empereur Anastaise / pource quil fauorisoit au mauuais heretique Acatius, Et pource quil ne se vouloit corriger ne amender par les monitions du pape, Il fut frappe de la iustice diuine / & subitement mourut, ¶ Et aulcuns di-

Miracle de la  
trinite,

i, i,



¶ De Symmache, liiij. Pape: & premier de ce nom,

La mort de l'empereur Anastaise

Hegesippus

sent que ainsi quil estoit au retraict pour pisser & faire sa necessite cheurent toutes ses entrailles & boyaulx dedans les retraictz, Fulgence euesque de Rupense/qui estoit en exil avecques les aultres euesques/qui auoient este banniz par Transmunde/& enuoyez en exil en Sardine: ne cessoient de faire de beaulx liures, Et entre les aultres en fist vng de la trinite/& du liberal arbitre/des reigles de la foy:& escripuoit cõtre l'heresie des Pelagians/& faisoit de beaulx sermons au peuple, ¶ En ce tẽps estoit Hegesippus homme de grant doctrine, Il fist les reigles des moynes/& composa & fist la vie sainct Seuerin en beau stile, Et pareillement leuesque Faustus qui estoit en Gaule/fist plusieurs liures de la trinite, ¶ Apres que le pape Anastaise eut faict vne foys au mois de Decembre les saintes ordres:ou fist & crea douze prestres/& seize euesques Mourut la quatorziesme Kalende du mois de Decembre:& fut enseuely en leglise sainct Pierre, Il ne fut Pape que vng an/dix mois/& vngt & quatre iours, Et lors le sainct siege apostolique de Romme fut vaccant apres sa mort par l'espace de quatre iours,

¶ De Symmache, cinquante & troisieme Pape:  
Et premier de ce nom,

Sciffine



Ymmache pape estoit de la nation Sardine. Sõ pere auoit nom Fortune: Il fut cree & constitue pape apres la mort de Anastaise, Et en le faisant y eut grans discors: Car les aucuns eslirent le pape Symmache en leglise sainct Iehan de la trã, Et les aultres eslirent vng nomme Laurens/eulx estans en leglise nostre dame/qui est situee en la voye neufue, Pourquoi grande discentiõ & sedition fut faicte entre les senateurs/& le commun peuple de la ville de romme/& furent diuises en deux parties, Et a ceste

cause fut ordonne vng concille en la ville de Rauãne/ou fut present Theodoric, Et finalement fut dispute des deux elections:& fut dict que Symmache demouroit pape de Romme/& fut cõferme, Et depuis vsa de grant clemence enuers sa partie aduerse & compediteur: car il luy dõna leuesche de Nucerie, Mais quatre ans apres par le moyen d'aucuns prestres & clercz/qui luy ne demandoient que seditions & debatz/avecques ce que deux senateurs leur fauorisoiẽt, Appellerent ledict Laurens & le menerent a Rõme/& cõme pape le tenoient, Pourquoi le roy Theodoric fut tressort indigne & courouce, Et a ceste cause chassa de la ville de rõme le pape Symmache & Laurẽs, Et ou lieu des deux y fut mis Pierre euesque de Altine, ¶ Or ce voyant par le pape Symmac fist as



sembler vng Synode/ou furent cent & vingt euesques, Et par deuant iceulx se purgea des maulx & crimes qu'on luy impoisoit/& de tous ceulx qui estoient au synode fut trouue pur & net/& partant fut absoulz, Et furent chassez & priuez du siege apostolique/Laurens & leuesque Pierre, ¶ Or pour cause de ses tumultes & seditions/sesmeurent si grandes noyes & debat: a Romme/que plusieurs tant des clerks que des gens lais/furent tuez & occis publiquement: Et mesmement y furent tuees & occises beaucoup de vierges religieuses/& plusieurs gens deglise, Et entre autres Gordian prestre de leglise saint Pierre aux lies y fut occis: Lequel estoit vng grant homme debien, Et neust este le consul Fauste/qui eut pitie des gens clerks: ceust este pitie car cõtre Probin: senateur qui estoit aucteur des noyes/seditions/& debat, Il fist vne grosse guerre/tellemt quil fut cõtrainct de laisser tout, ¶ Or apres que leglise fut vng peu appaisee/le Roy de France Clodouee chassa les heretiques de france & ordonna & constitua la ville de Paris/le chief de tout le royaume de France, ¶ Le pape fist bruller les liures des Manichiens deuant leglise saint Iehan de latran:& chassa tous les heretiques de la ville de Romme, Il ediffia leglise sainte Agathe martyre/en la voye Aureliene/& leglise saint Pancrace, Ou il fist vng arc dargent du poix de quinze liures, Il fist pareillemẽt leglise de saint Siluestre & saint Martin/pres les thermes de Traian, Ou il donna vng ciboyre dargent a mettre sur lautel/du poix de cent vingt liures/& des arcs dargent du poix de dix liures, Et outre fist leglise saint Cosme & saint Damian/qui est en la voye tiberine: Il fist vng hostel dieu au dessoubz de leglise saint Pierre: il aymoit fort les pures, Il enuoya aux clerks euesques & aultres pures crestiens qui estoient banniz en Sardine/argent/viures/robes/& habillemens, Il fist rachapter plusieurs pures crestiens captifz/& pour leur redemption bailloit argent, Il ordonna que aux festes des natiuitez des martyrs/& aux dimanches/on chanteroit en leglise l'ymne de Gloria in excelsis deo, Et ne laissa riens a faire quil ne fust a lhonneur de dieu, Et apres quil eut fait quatre vingtz & deux prestres/seize dyacres/& cent dixsept euesques, Il mourut la dixhuytieme Kalende du mois Daoust, Il fut Pape quinze ans/six mois/& vingt deux iours, Et lors vacca le saint siege apostolique par l'espace de sept iours,

## ¶ De Hormisdas cinquante &amp; quatrieme Pape:

Et premier de ce nom,

liii,

La ville de Paris chief des villes du royaume de France, Les eglises ediffiees par le pape symmac





La mort de Boece

Ormisdas estoit du pays de Frise, Son pere auoit nom Iuste, Il fut au tēps que Boece & Symmache beau pere de boece/ estoient consulz de la ville de Romme, Lesquelz Theodorice enuoya en exil/ & puis les rappella & les tint lōguement en prison: Ou boece fist & cōposa plusieurs beaulx liures Il auoit cōmence Aristote: il fut grāt clerc en la science mathematique/ & musique, Ses oeures sont en la crestiēte vulgaires & notoires, Et finalement fut tue & occis/ & avecques luy Symmac senateur p

le cōmandement de Theodorice, ¶ Le pape Hormisda fist faire vng Synode prouincial: & a ce faire lenhorta le roy Theodorice, Ouquel furent condampnez & reprouuez les Eutichiens, Et oultre le pape māda a iehā euesque de Constantinoble par lettres & messagiers/ quil delaisast lhere sie des Eutichiens/ & quil debuot croyre estre deux natures en iesuchrist Cest assauoir/ diuine/ & humaine, Mais iceluy iehā ne voulut obeir aux monitiōs du pape: car il estoit fauorise & supporte par lēpereur Anastaise, Pour laquelle faueur aucuns ont dict que icelluy anastaise fut frappe & tue de foudre du ciel vng peu de tēps aps, Tant pource quil estoit heretique & iceulx fauorisoit/ que aussi il auoit contre droict & equite faict faire des iniures & contumultez/ aux legatz & ambassadeurs du pape, Car iceulx auoit villainement renuoyez & hōteusement, Et par cōtraincte les fist mettre en vne meschāte nauire toute ruineuse persee & trouee: & que en icelle & non aultre sen allassent droict en ytalie, Et que sur peine de perdre la vie ne arriuaissent en aulcū port de Grece, Et leur dist & bailla pour responce quilz dissent au pape Hormisda/ que cestoit a lempereur a commender/ & non pas recepuoir les commendemens du pape/ ne dung aultre prince, ¶ Les legatz & ambassadeurs qui auoient este enuoyez par le pape: Cestoient Euodius euesque de Ticiensiēse/ Fortune euesque de Catine/ & Venance prestre de romme/ & Vital dyacre, ¶ Or apres que Anastaise eut regne empereur vingt & sept ans, Il mourut comme dict est cy dessus: & Iustin succeda en son lieu, Iceluy iustin fut bon catholique & amateur de la foy crestienne, Et inconuenient quil fut cree empereur/ il enuoya par deuers le pape/ affin quil fust p son auctorite cōferme empereur, Pourquoi le Pape & par la permission de Theodorice/ y enuoya Germain euesque de cāpane/ Iehā & Blādū p̄stres & Felix & dioscore dyacres, Lesq̄lz ābassadeurs & legatz du pape/ lēpereur Iustin receut en excellēt & magnifiq̄ hōneur: car au deuant de eux vint tout le clerge/ religieux/ nobles/ & cheualiers, Mais ceulx qui tenoient la ptie de achace eurent paour/ & se foyrēt en vng monastere



& s'enfermerēt dedās, Et puis a p̄s quilz eurent consulte de leur faict/ilz enuoyerent des messagiers par deuers l'empereur Iustin & ambassade/ disant que nullement ilz noberroiēt point a leglise Rommaine/son ne leur rendoit la cause pourquoy on auoit condampne Achace, Mais l'empereur les fist tirer & mettre hors de leglise & monastere ou estoient/& les chassa hors Constantinoble, Et autant en fist le Pape daulcuns Manichiens qui estoient a Rōme/& fist brusler leurs liures deuant les portes sainct Iehan de latran. ¶ En ce temps Transmunde roy des Vandalles/lu y succeda son filz Ilderic/qu'il auoit eu de la fille de Valentiniā qui fut captiue, Icelluy Ilderic fut bon crestien & catholique/& ne voulut ensuyure l'heresie & secte de son pere: Mais ensuyuit sa mere qui estoit fort deuocieuse/& bonne crestienne, Il fist deliurer tous les crestiens que son pere auoit enuoyez en exil/& leur p̄mist de viure a leur vou- lence. ¶ En ce temps le roy de France Clodouee/enuoya a Romme de precieux dons & pierres precieuses/& grant quantite dor & d'argent, Et aussi pareillement l'empereur Iustin/enuoya vng beau liure & riche/ ou estoient escriptes les euangilles/tout couuert dor & de belles pierres precieuses, Et auecques ce enuoya vne patene dor/du poix de vingt liures, Et Theodoric fist refaire leglise de monsieur sainct Pierre/& aussi y donna beaucoup dor & d'argent/& plusieurs vaisseaulx de- glise, ¶ Apres que le Pape Hormisde eut faict & constitue les sainctes ordres/comme il estoit de coustume de faire/ou il fist & crea vingt & vng prestre/& cinquante & cinq euesques: Il mourut la huytiesme yde du moys Daoust/au temps du consulat de Maxime, Et fut enter- re en leglise de monsieur sainct Pierre, Il ne fut Pape que neuf ans & dixhuyt iours, Et lors vacca le sainct siege Apostolique/par l'espa- ce de six iours.

La mort. Trāf  
mundeClodouee roy  
de France

¶ De Iehan, lv, Pape: Et premier de ce nom,



Iehan fut de la nation de Thuscane, Son pere auoit nom Constance, Il estoit au temps que Maxime estoit encores consul te iusques au cōsulat de Olibrie, Et estoit au temps que encores regnoient Theodo- ric & l'empereur Iustin/qui fut bon catho- lique & obseruoit & gardoit la foy cre- stienne/& la faisoit garder par tout son empire, Tellement quil chassa les hereti- ques de toutes pars quilz ne scauoient ou aller: Il chassa les arriens/& leurs eglises il assigna & bailla aux vray crestiens/de la-

quelle chose Theodore fut mal cōtent, Pourquoy enuoya le pape Iehan Theodore/& deux agapites orateurs/p deuers l'empereur Iustin en cōstā- tinoble/& leur bailla en commendement quilz eussent a dire a l'empereur

L'empereur Iu-  
stin bon catho-  
lique

i.iii.



De Iehan, lv, Pape : & premier du nom,

Le pape Iehan  
mourut en pri  
son

Les dyables  
emporterent la  
me theodoric  
roy des gothz

La mort du  
roy clodouee  
aultrement  
dict clouisroy  
des Francoys

Iustin/ quil fist rendre & restituer les eglises aux heretiques Arriens/ ou  
fil ne le vouloit faire quil destruyroit & gasteroit toutes les eglises du  
pays des ytalies. ¶ Lors les ambassadeurs & legatz ainsi enuoyez/ furent  
tres begninement receuz de l'empereur Iustin, Et apres quil eut ouy la  
cause pourquoy ilz estoient venuz, Cestassauoir affin quil fist restituer  
les heretiques arriens en leurs eglises, Et a ce faire ne le peurent persua-  
der/ & leur respondit quil nen feroit riens, Pourquoi le pape & les aul-  
tres qui estoient avecques luy commencerent a pleurer/ requerans que  
ce fust son plaisir dauoir pitie des eglises/ & des prelatz catholiques / de  
toutes les ytalies, Car Theodoric auoit delibere de les destruyre, Et fi-  
nablement le piteux Iustin leur accorda/ & fist restituer les Arriens en  
leurs lieux/ & leur permit de viure selon leurs loix & statuz. ¶ Apres  
ce le pape Iehan sen retourna a Rauene ou estoit Theodoric: mais incō-  
tinent quil vit le Pape Iehan il l'enuoya en prison, Car il ne le pouoyt  
veoir tant le hayoit / & ne sen fallut gueres que alors ne le fist mourir/  
Pource quil accordoit avecques Iustin & estoient semblables en meurs  
& en sainte foy catholique, Mais neantmoins le saint homme pape  
Iehan mourut en prison/ de faim/ de froit & dordure, Mais la punition  
diuine & ire de dieu/ ne laissa guieres de temps que Theodoric nen fust  
pugny: Car il mourut en brieft temps dune appoplexie, Et son ame fut  
emportee par les dyables au feu denfer/ comme auoit dict & racompte  
vng saint Hermite/ auquel luy succeda sa fille Amalasijūta/ avecques  
son filz Athalaric/ quelle auoit eu de Euchaire son mary, Icelle amala-  
sijūta fut fort saige & prudente/ & plus quil n'appartenoit a femme, El-  
le fist amender & corriger les ordonnances/ loix/ & statuz/ qu'auoit faict  
son pere, Et fist rendre & restituer les biens de Boece & de Symac a leurs  
enfans, Lesquelz biens auoient este confisques/ & les possedoit le fisque,  
Elle faisoit apprendre son filz athalaric en bonnes sciences & disciplines:  
combien que les Gothz ne le vouloient pas, Mais disoient quil ne fail-  
loit que leur roy estudiaist aux lettres & sciences: mais quil debuoit estre  
instruict aux faictz de la guerre, ¶ Or en ce temps l'empereur Iustin qui  
estoit fort vieulx mourut/ & delassa Iustiniā filz de sa seur son heritier  
& empereur apres luy, Et en ce temps mourut le Roy de France Clodo-  
uee/ & laissa quatre filz masles, Et lors estoit aux ytalies Benoist nursin/  
qui bailla & monstra aux yталиens la maniere de viure en religion: Et  
estoit aussi sainte Brigide descoffe, ¶ Au parauant que le pape Iehan  
allast en Cōstantinoble/ fist refaire troys cimitieres, Le premier fut nex-  
rei/ & archelai/ en la voye ardee, Le second fut des saintz martyrs /feli-  
& adaucti, Et le tiers pristille, Il fist reparer & aorner lautel saint Pier-  
re/ dor & de pierres p̄cieuses, Il apporta de Cōstantinoble vne patene dor/  
du poix de, xx, liures/ & vng calice dor de, v, liures q̄ luy auoit dōnes l'ēpe-  
reur Iustin/ Mais ie croy q̄ iceulx dōs furēt pduz sur mer/ ou aultremet,  
¶ Il crea & fist quinze euesques, On dict que le corps du pape Iehan fut



porte en la ville de Rauenne: ou fut ensepuely en leglise saint Pierre/la  
fixiesme Calende du moys de Iuing. Il fut pape deulx ans & huyt moys  
Et lors vacca le siege cinquante huit iours,

¶ Felix, lvi, pape, Et quatriesme du nom,



Felix fut du pais de Samie/son pere eut nō  
Castorien / il fut au temps de Lempereur  
Iustin: & de Bellisaire capitaine de l'empe  
reur Iustin: lequel ne faisoit guerres que ce  
stui Bellisaire ne fust chef de lance: il triū  
pha des Perses & des Vuādalles & les pour  
chassa iusques en Aphrique / ou les dessit  
presque tous / & print leur roy Gelismere  
& le mena au triumphe, ¶ Apres que Ata  
lāc fut mort les Gothz faisoient cōtre Ama  
lasunta leur royne beaucoup de seditions  
pourquoy elle print son parent Theodat:

pour luy dōner ayde en son royaume: & luy bailla la charge du royaul  
me, Cestuy Theodat/ estoit vng homme de grande science: il scauoit les  
lettres grecques & latines, il fist toutes les hystoires de son tēps: il estoit  
diligent a ses affaires: il vainquit les Bourguignons & les Allemās en ba  
taille: & ce fut par le commandement de la royne, ¶ Le pape Felix excō  
munia le Patriarche de Cōstantinoble pource quil declinoit a la foy ca  
tholique, Et fist edifier deulx eglises a Rōme pres le marche en lhon  
neur saint Cosme & saint Damian, Et fist refaire leglise saint Satur  
nin en la voye Sallaire qui auoit este bruslee, ¶ En ce temps estoit Caf  
siodore Senateur: il fut chancelier du roy Theodoric / & puis moyne / il  
escripuit beaucoup de liures & cōment on doit gouuerner la chose pu  
blique, ¶ Et lors estoit Prisciā cesariē: hōme fort sciētifiq en la science  
de grāmaire, Et en ce tēps cōposa sō liure, ¶ Vng diacre de rōme nōme  
arator: mist & composa les euangilles en vers examettres, ¶ Apres que  
le pape Felix eut fait les saintes ordres: ou fist cinquante cinq prestres:  
quatre diacres &, xxix, euesques il mourut / la quatriesme Yde de Octo  
bre: & fut enterre en leglise saint Pierre: il fut pape quatres ans / deulx  
moys & treze iours, Et lors ne vacca le siege de Romme que par lespace  
de treize iours,

¶ Boniface, lvii, pape, Et second du nom,

Theodat ad  
ministrateur  
du royaume  
des Gothz,

ediffices faictz  
par le pape Fe  
lix,

Ciprian,

Arator poete,





Oniface estoit de la natiō de Romme, Son pere eut nom Sigilbundo / il fut au tēps de l'empereur Iustinian: qui fut de grande littérature & science: il fist assembler toutes les loix de Rommains / & que auoient este faictes depuis que Romme auoit este construite: aulx q̄lles loix il en y auoit beaucoup de nulle valeur: & en sy grant nombre q̄ cōtenoient deulx mille liures, Mais par le conseil de Iehan patrice Tribunian Theophile / & Dorothee: qui estoient de grāde doctrine & sciēce: icelles loix furēt

redigees & mises par escript en cinquāte liures & par tiltres, Lesquelz liures furent appelez digestes ou pādectes: & ainsi encores a present on les appelle: & contiennent toute la science ciuile, Et oultre fist faire deulx loix vng epitome: diuisee en quatre liures quō appelle les institutes, Et oultre fist faire le Code iustinian: & le volume / que vulgairement on appelle les autētiques: & sont par collation diuisez, ¶ Et aucuns ont dit que Iustinian auoit fait plusieurs liures de l'incarnation nostre seigneur Iesuchrist, Il fist faire & edifier leglise saincte Sophie qui est la plus grāde eglise qui soit au mōde, ¶ Or en faisant lelection apres la mort du pape Felix le clerge & eslisās se deuiferēt en deulx parties, Et les aucū eslirent Boniface & les aultres eslirent Dyoscore, Et fut icelle sedition par l'espace de ving & huyt iours, ¶ Mais par la mort de Dyoscorus leglise demoura en paix, ¶ Pourquoi le pape Boniface ordonna qung eueque ne pourroit eslire vng successeur / pour estre eueque: apres sa mort, ce que depuis auoit este conferme par plusieurs papes, ¶ Et oultre ordōna que trois iours apres que vng pape seroit mort: quon en esleust vng aultre en son lieu pour obuier aulx seditions pour le laps & dilation du temps, ¶ Il institua & ordōna q̄ le peuple seroit a part / & diuise des prestres: quant on voudroit faire le seruice diuin, ¶ En ce temps saint Benoit estoit en la montaigne Cassine: en vng monastere / ou viuoit sainctement / & religieusement: pourquoy plusieurs nobles de Romme se rendirent religieulx, Entre lesquelz furent saint Mor / & Placide tres deuotz religieulx, ¶ En ce temps estoit a Romme Labbe de saint Denis qui carcula le temps quō debuoit faire la feste de pasques & fist daultres liures contre les Eutichiens qui lors pulluloient a Romme, ¶ Par la predication de saint Martin: les habitans de la ville de Soissons deslaissent lheresie des Arriens dont il estoiēt entaches: & furēt bons crestiens & catholiques, ¶ Apres que Boniface eut este pape deulx ans / & deulx iours: il mourut: & fut ensepuey en leglise saint Pierre: Et lors le siege de Romme fut vaccant par deulx moys,

¶ De Iehan, lviij, pape & second du nom,

L'empereur iustinian fit faire les liures des digestes & Code,

Scisme en leglise,

Saint Benoit  
Lainct Mor,





Iehan second pape du nom estoit de la ville de Romme pres la mōtaine Celio, Son pere eut nom proiect: il fut au temps de lē pereur Iustinian, Et peu de temps apres q̄ le pape Iehan eut obtenu le pōtificat & pape: il condempna cōme heretique Anthoyne euesque de Constantinoble: pour ce quil vsoit de lheresie Arrienne: a lors lē pereur Iustinian pour honnorer & reuerer leglise Rōmainne enuoya deulx euesques Hyppatun / & Dematere / pour faire reuerence au pape iehan & le recongnoistre cōme pape, & avec ce enuoya de beaulx & sumptueulx dons / pour offrir a leglise saint Pierre, Cestassauoir vng vaisseau dor: ou estoiet pierres precieuses du poix de six liures: & oultre deulx dargēt du poix de, xii, liures & deulx calices dargent du poix de, xv, liures. ¶ Munde duc / & capitaine de lost de lempereur iustinian en ce tēps print la ville de Solande qui estoit fort grande & bien muree de toutes choses: & neautmoins quil eut victoire dicelle ville: il y fut tue & occis: & son filz avecques luy: dont lē pereur iustinian fut fort courrouce: car cestoit lhomme en qui il se fioit le plus / & auoit bonne estimation pour cause de ses vertus. ¶ Apres que le pape iehan eut fait, xv, prestres & xxxi, euesque: il mourut: la cinquieme Calende du moys de iuing: & fut ensepuely en leglise saint Pierre: il fut pape deulx ans / & quatre moys, Et lors vacca le siege p six iours Les hystorien ont escript bien peu de la vie & du temps de cestuy pape: pourquoy ie en ay parle asses briefuement,

¶ De Agapit, lix, pape & premier du nom,



Agapit estoit de la ville de Romme, Son pere eut nom Gordian / il fut esleu pape p tout le clerge: & incontinent Theodat len uoya: comme ambassadeur par deuers lempereur Iustinian: pour faire sa paix enuers luy: pource quil auoit eueoye en exil Amasius mere du roy Athalant: en lisle du lac Volsimense / & auoit commande que on la tuaist, Icelle amalasius fut de grande liture / & doctrine / elle scauoit toutes lettres grecques / & latines: & ny auoit si grant clerc qui osast arguer / ne disputer contre elle: tant estoit scientifique: elle scauoit & parloit toutes langues estrangieres: & mesmement des Barbares qui en ce temps vouloient occuper lempire de Romme entendoit &

De la mort  
Malasius  
Royne,



De Siluere, lx, pape: & premier de ce nom

parloit leur langaige sans interpreter, Et de la mort dicelle femme l'empereur Iustinian en fut fort marri & courrouce: tellement quil auoit menace Theodat de luy faire guerre mortelle, Mais le pape Agapit fut receu tres honnestement de l'empereur Iustinian, ¶ Apres quil eut fait la paix de Theodat, Le pape requist l'empereur Iustinian quil voulsist laisser la secte & heresie des Eutichiens: dont se courrouca fort iustinian & par ire regarda le saint pape en le menassant de le faire mourir / pource qui luy parloit de l'heresie dont il estoit entache, Et lors Agapit le pape luy dit / ie desire fort devenir veoir l'empereur iustinian tres crestien, Mais ie trouue Dyocletian ennemy de crestiens, Or iustinian ce oyant par le commandement de dieu il fut tout esmeu: & incontinet fist chasser Anthemye euesque de Costantinoble qui soustenoit l'heresie des heretiques Eutichiens: & en son lieu y fist mettre Manna saint homme / & bon catholique: & depuis auoit tousiours este vray crestien & catholique.

**Le pape Agapit mourut en constantinoble,** ¶ Peu de temps apres le pape Agapit mourut en Constantinoble & son corps fut mis dedans vng coffre de plomb & aporte a Romme ou fut ensepevely en leglise saint Pierre: il fut pape, xi, moys &, xx, iours, Et lors vacca le siege vng moys &, xxix, iours,

De Syluere, lx, pape & premier du nom,

Theodat roy  
des Gothz,



La mort de  
Theodat

Guerre mortelle

Syluere fut de la nation de Campanie, Son pere eut non Hormisda euesque: il fut esleu a pape par le commandement de Theodat Combien que au parauant les empereurs auoient ceste auctorite de faire eslire les papes & non pas les Roys, Mais ce neantmoins les eslisans furent contrains sur peine de encourir mort de bailler leurs voix p'escript & eslire Syluere pape, Pourquoy l'empereur iustinian fut fort esbay des entreprin ses q' faisoit icelluy roy, Et pour venger la mort de la Royne Amalefite & corriger les abus de theodat: il euoya le patrice Bellisaire avecques grosse armee aupays Ditalie: Bellisaire fist tant par ses prieres quil arriua en Cecile laquelle se rendit en l'obedience de l'empereur iustinian, ¶ Et ce pendat mourut Theodat Roy des Gothz par quoy les Gothz eslirent vng Roy contre la volente de l'empereur iustinian, A ceste cause Bellisaire vint en la Campanie & a Naples / & nonobstant les commandemens de l'empereur iustinian: il prit les villes & tua & occist tous les Gothz qui estoient dedans en la plus grande partie des cythoies & habitans: & furent emmenez prisonniers les filles pucelles: & les petis enfans & en icelle fureur de guerre furent violes les vierges religieuses, Les eglises furent pilles & des



robbees, Et ce fait sen vint avecques son ost: & par nu y entra en la ville pourquoy les Gothz qui estoient en guernison dedās eurent si grant peur & fraieur que tous ceulx qui gardoient les portes de Rōme & les chasteaux sen fourent en la ville de Rauēne. ¶ Lors apres que Bellisaire eut prins la ville de Romme: il sceut & congneut que Vitige venoit alencōtre de luy avecques grosse armee: car il auoit en son ost cent mille hommes Et Bellisaire nen auoit que cinq mille, neautmoins il fist refaire les murs de Romme & les fossez: & se tint a Romme: car il n'estoit pas assés puissant pour combatre contre cent mille hommes. Quant Vitige fut arriue il assiegea Romme tellement quil fist rompre les conduitz de eaues / & diuertir les eaulx qui alloient en la ville de Romme: tellemēt que les Rommains mouroient de fain & de soif: car Vitige tenoit les Gothz tellement que on ne pouoit auoir des viures. ¶ Ce pendant le secretaire de lauguste Theodore fist commandement au pape Syluere de chasser Mēna euesque de Constantinoble: & y remettre Anthenian / qui auoit este banni: comme auons dit: pour lheresie Eutiochienne: & pource que le pape ne le voulut faire: Theodore rescripuit a Bellisaire quil fist chasser Syluere le pape: & en son lieu y mette Vigille. Mais pource q̄ Bellisaire lors estoit empesche aux guerres quil auoit: il donna la charge a sa femme Anthonine de sen querir du cas dont estoit accuse le pape Syluere. Mais Vigille eut temoings a poste lesquels suborna qui alerent & dirent que le pape vouloit trahir Romme & la bailler aux Gothz, pourquoy elle fist contraindre Syluere de renoncer a la papaulte: ce que fist: & lors on labilla en moyne & puis fut enuoye en exil en lisle de pontz: au quel lieu il mourut sainctement. ¶ Aucuns disent que en ce temps les Francoys enuoyerent des lettres & messagiers par deuers sainct Benoist / luy priant quil luy plust leur enuoyer quelcun de ses disciples pour mōstrer & aprendre la vie / & maniere de viure selon lordre de religiō. ¶ Or fut enuoye monsieur sainct Mor: le quel leur monstra la vie & maniere de viure: & fist en France beaucoup de monasteres. ¶ Or Vigille par le commandement de Anthonine & aussi que le clerge le demādoit: fut fait & cree pape. ¶ Mais apres que le pape Syluere eut vescu pape par vng an cinq moys: & douze iours: comme iay dit: il mourut: en lisle pontiēne la xii, Calende du moys de Iuillet, Et vacca le sainct siege apostolique de Romme par six iours,

Rōme prise  
par Bellisaire,  
Vitige & cent  
mille cōbatās,

Vigille fut in  
stitue pape au  
lieu de syluere

Sainct Mor  
vint en Frāce,

¶ De Vigille soixante & vngiesme pape  
Et premier du nom,





La ciquiesme  
synode,

Vitige roy des  
Gothz fut pris  
a rauenne,

Le pape vigil-  
le fut mene en  
Cōstātinoble,

Igile estoit Rōmain, Sō pere Cōsul / il fut  
fait pape autēps que lēpereur iustiniā re-  
gnoit, En ce tēps fut tenue en Cōstātino-  
ble la ciquiesme synode: contre Theodo-  
re & les aultres heretiques / qui affermoiet  
que la vierge Marie auoit seullemēt enfan-  
te Iesus hōme: & non pas dieu, Mais il fut  
dit en icelluy synode / q̄ la benoite vierge  
Marie auoit enfante & estoit mere de Iesu  
christ dieu & homme, ¶ Or apres que Bel-  
lifaire eut garde la ville de Rōme par vng  
an & neuf moys: se delibera dāssailir Viti-  
ge roy des Gothz: & assembla le plus q̄ peult de gens d'armes & faillit sur-  
loft de Vitige, Mais quāt Vitige ce vit il eut peur & ne se fioit en ses gēs  
il fist bruller ses tētes & pauillōs: & aultres chasteaulx que tenoit: & s'en  
fouit en la ville de Rauēne, Mais Bellifaire le poursuiuit si hastiuemēt  
luy & ses cheualliers quil prindrent la ville de Rauenne & le Roy Viti-  
ge & toute sa famille & la plus grande partie des nobles, Et aps quil eut  
mis en paix les Itallies cinq ans il enuoya le roy Vitige en Constantino-  
ble ou luy fut fait vng singulier triūphe pour les victoires, Auant q̄ vi-  
tige sen allast en Constantinoble il fist faire des bracles q̄ auoient aux  
bras les Gothz lesquelz auoit vaincus: & fist faire vne croix dor / du poix  
de cent liures ou estoiet mises & apposez plusieurs pierres precieuses / la-  
quelle donna icelle croix a leglise sainct Pierre: il fist faire deulx hospi-  
taulx a Romme: Lung en la voye latine: & lautre en la voye flaminee, &  
oultre fist construire le monastere sainct Iuuenal: au quel donna beau-  
coup de reuenue pour nourrir / & alimenter les religieulx, ¶ Theodore  
toufiours requeroit que le pape vigil: allast en Constantinoble affin de  
restituer & remettre en son lieu Autheme: comme auoit promis, Mais  
le pape ne le voulut faire disant q̄ ne falloit auoir regret a vne mauuai-  
se promesse: & que ne tenoit ce que Agapit: & Syluere auoient fait con-  
tre lhereticque Autheme / car il auoient fait iustement: & pourtant que  
ne romproit ce que auoiet decrete & ordonne / pourquoy Theodore fut  
ire & courrouce: fist appeller & conuenir en iustice Vigile / & fut accu-  
se que par sa fraulde & circūuentiō le pape Syluere auoit este banni &  
enuoye en exil: & aussi quil auoit fait tuer & occire par son nepueu le filz  
de Astere consule, ¶ Et affin que Vigile receust peine condigne aulx  
maulx que auoit faitz, Autheme enuoyaa Romme vng homme / au  
quel bailla commandemēt si ne le vouloit remettre en son lieu & ce de  
faire estoit refusant quon luy emmenast par force, Or icelluy qui auoit  
en mandement de prendre le pape vigil: donna plusieurs dons aulx rō-  
mains qui luy donnerent port & faueur: tellement quil print le pape vi-  
gille luy estant en leglise saincte Cecille / & le mit en vne nauire sur le



fleuve du Tybre ou les Rommains luy iettoient des pierres / en luy disant de villaines parolles: tu as fait du mal aux Rommains: & aussi tout mal t'auendra: il fut mene en Constantinoble, Et l'empereur Iustinian luy fut au deuant & tout le clerge / iusques a leglise sainte Sophie, Theodore tousiours tendoit & requeroit quil fust ce que auoit promis faire, Mais le pape Vigile luy fit responce quil aymeroit mieulx endurer tous les tourmens qu'on luy pourroit faire / que muast son oppinion, Or ceulx qui estoient avecques Theodore le menassoient de le faire mourir: il leur dit, ie cuidoies venir a l'empereur Iustinian: mais ie suis venu a Dyocletian: pourquoy il fut fort batu / tellement qu'on cuidoit quil fust mort, Mais il sen souit en leglise sainte Euphemie qui estoit la pres / du quel lieu fut villainement tyre de leglise par des bourreaux / & guetteurs de chemins / & luy mirent vne corde au col / & le trainnerent honteusement par toute la ville: depuis le matin iusques au soir, Et puis le mirent en prison: ou ne luy baillerent que du pain / & de leau: ou il fut asses long temps, Mais tousiours disoit quil ne souffroit asses de peines pour les pechez quil auoit faitz / & quil auoit merite de plus grandes peines,

¶ Or les clerz & gens deglise qui estoient allez avecques luy: les vngs furent enuoyez en exil, & les aultres furent condempnez a fouir les metaulx, Mais les Rommains qui au parauant auoient dit & fait tant de mal au pape: il muerent leur couraige & requirēt a l'empereur Iustinian que fust son plaisir de leur renuoyer le pape Vigile: & aussit le requeroit Narces / lequel Iustinian auoit enuoye a Rome contre les Gothz: pourquoy le pape Vigile & tous les bannis furent renuoyez a Rome, ¶ Or ainsi que arriuerēt en la scicille / le pape Vigile qui auoit tāt edure de maux / mourut de la pierre / & son corps fut porte a Rome: & fut ensepue y pres saint Marcel en la voye sallaire: il vesquit pape tant a Rome que ailleurs par, xvii, ans six moys / &, xxvi, iours, Et vacca le siege par sa mort trois moys & cinq iours,

Le pape Vigile  
le retourna a  
Rome,

¶ De Pelage, lxii, pape & premier du nom,



Elage estoit de la ville de Rome, Son pere eut nom Iehan & estoit vignier de Rome / il estoit au temps que Totilla roy des Gothz vint avecques son ost aux Italles: lesquelles destruisit & gasta, Lequel estoit si cruel & inhumain que pour sa cruaulte fut appelle le fleau de dieu. Or ainsi quil aloit en la mōtagne de cassine & auoit pris labit & vestement d'ung Cheuallier nomme Gregoire / il fut congneu de saint Benoist qui le menassa fort sil ne se abstenoit

Totilla roy  
des Gothz,

ki,



Romme prin-  
se & brulée,

La mort de  
Totilla,

Le trespas de  
Iustinian em-  
pereur,

Accusation  
contre le pape  
pelage,

de tyranniser les crestiens ainsi que faisoit: pourquoy il sen alla en Sam-  
mye & fist abbatre les murs de Beneuente: il print la ville de Naples ou  
trouua des nobles dames de Romme/lesquelles il enuoya a Romme sās  
quon leur fist aucun mal en leurs personnes / parquoy fut en ce cas aises  
modeste, ¶ Or ce fait il descēdit vers le pays de Rommenye & assiegea  
Romme/tellemēt qu'il gardoit qu'il neussent viures, Et furent tellemēt  
oppressēz & affamez qu'il mengoient chair humaine, Et finalement ce  
stuy Totilla paruint iusques au port de Ostie / & par force entra dedans  
la ville de Romme / & la fist piller & puis brusler, ¶ Aucuns on escript  
qu'il auoit delibere de garder la ville de Romme: & de euoyer faire faire  
crier de nu y t par la ville: que ses cheualliers / & gens d'armes se gardassent  
bien de gaster la ville ne la piller, ¶ Or apres que l'empereur Iustinian  
qui estoit homme vertueulx / & dont les faitz sont dignes de memoire /  
seut les nouuelles / enuoya Narfes enuchque / avecques grosse armee  
aulx Italles, Cestuy Narfes comme aucuns ont escript, Premierement  
il estoit bibliopole & escripuain / & le print L'empereur Iustinian: pour  
estre son cubiculaire / or quant il congeut la vertu / sagesse / & prudence /  
de luy il le mist & esleua en office & ordre de patrice: il estoit pytoiable /  
deuotieulx magnifique: tellement que cestoit le peuple de toute vertu  
de luy & chacū le prisoit & exstimoit: il print de laide & des gēsdarmes  
de Albonyo roy des Lōbars: parquoy avecques son ost il fist si merueils  
leuse guerre aulx Gothz qu'il les occit trestous: & mesmement occiten  
bataille Totilla roy des Gotz pres la ville de Brixelle, Et depuis tua pa-  
reillement Theias roy des Gothz qui fut mis au lieu de Totilla / en vne  
forte bataille qui fut faicte pres Nucere, Or fist tant le vaillant Narfes  
qu'il mit a mort & destruisit totallemēt tous les Gothz & leurs roys / qui  
auoient occupe les Italles & gaste par l'espace de soixante & deux ans,  
puis que Theodorice y vint premierement / & lors le nom des Roys des  
Gothz & iceulx furent du tout abolis / & anichillez, ¶ Peu de temps aps  
L'empereur Iustinian mourut Lan de son Empire quarante, Il fut vng  
homme digne de memoire / & du quel on doit parler / & auoit bien me-  
rite qu'on l'appellast victorieulx / des Allemans / gothz / Vuandales / per-  
sians & Aphricains, Combien qu'il ne les ait vaincus personnellement,  
Mais il les auoit vaincus par son bon conseil & par l'industrie / que bail-  
loit a ses Capitaines lesquelz auoient la charge & gouuernement de con-  
duire ses gens d'armes, ¶ Le pape pelage voyoit les grandes perturbatiōs  
du temps, Touthois ne delaissa a soustenir & faire constitutions en le-  
glise: il constitua / ordonna / & establit que les hereticques / & scismatic-  
ques seroient coherces & pugniz par iuges lays: & seculiers mesmement  
quant il seroient incorrigibles, Il fut accuse qu'il estoit cause du mal & de  
la mort du pape Vigile, Mais en la presence du peuple de la ville de rō-  
me & de tout le clerge il sen purgea & nestoya en iurant / & affermāt sur  
la croix & les saintes euangilles qu'il nen estoit point coupable,



¶ Or apres que Narſes eut deſtruit les Gothz & leurs roys: il vint a Rōme rendre graces a dieu & a ſainct Pierre/ & fiſt reſaire les murs de la vil-  
le/ au mieulx quil peult, Et ordonna avecques le pape Pelage/ que nulli  
ne fuſt receu au ſainctes ordres par prieres/ ne par argent, ¶ Apres que le  
pape Pelage eut fait deulx ſainctes ordres au mois de Decembre/ ou il  
fiſt & crea, xxvi, preſtres, xi, diacres & quarāte eueſques il mourut & fut  
enſepueli en legliſe monſieur ſainct Pierre/ il fut pape, xi, ans dix mois  
vingt & huict iours, Et lors vacca le ſainct ſiege apoſtolique de Rome  
par trois mois, xxvi, iours,

Nul ne doit  
eſtre receu  
aulx ſainctes  
ordres par ar-  
gent,

¶ De Iehan, lxiii, pape, & troisieme du nom,



Iehan troisieme de ce nom fut extraict de  
noblesse, Son pere eut nō Anastaise: il fut  
au temps de lempereur iustin: qui succeda  
a lempereur Iustinian, Mais en nulle cho-  
se ne fut en riens son ſemblable: car il fut aua-  
ricieulx meſchāt rapineulx de dieu & des  
hommes fut hay/ & pour ſa grande ardeur  
dauarice & cupidite de acquerir: il deuint  
fol & incenſe: pourquoy ſa femme Sophie  
gouerna lempire iuſques au tēps de Ty-  
bere le ſecond, Mais icelle femme fut ſub-  
ornee par aucuns qui auoient en hayne le  
patrice Narſes: tellement quil firent eſcrire par leperiere certaines let-  
tres a Narſes/ contenant quil eut a laiſſer le pays de Italie/ & ſen retour-  
ner en Conſtantinoble: pour ſiller & faire de la laixiue: comme apparti-  
ent a vng homme enuſchue/ & chaſtre, Mais quant Narſes eut veu &  
leu les lettres: il fut mal content des iniures qui eſtoiēt aulx lettres & auſ-  
ſi auoit il cauſe: pourquoy fiſt reſponſe quil ourdiroit vne toille de ſi ter-  
rible facon & contenāt de ſi inetricables erreurs quelle ſeroit bone pour  
ſeſenuieulx/ & pour les ennemis de lempire ce quil fiſt: car il enuoya q̄rir  
par lettres & meſſagiers Alboin roy de Longobars qui eſtoit en Panno-  
nie afin quil vint ſe habiter aulx Italles/ qui eſtoit pays trop meilleur &  
plus fertile/ q̄ le pays de Pannonie, Or en obtēperāt aulx lettres & meſ-  
ſagiers de Narſes/ le roy Alboynnes ſa femme & enfans avecques gran-  
de cōpaignie deſcendit aulx Italles: & incōtinent occupa Veniſe/ Inſu-  
bres/ & Geneuoys/ & print la ville de Millā & la miſt en ruine/ & aſſie-  
gea par trois ans la ville de Pauiē/ & finablement la print: & de ſes grādes  
victoires le roy Alboynnes eſtoit fort ioyeulx, Il ſen alla en la ville de  
Verōne laquelle il auoit fait principale ville & ſiege de ſon royaume,  
Or vng iour quil eſtoit plus ioyeulx quil nauoit acouſtume/ pour cauſe  
quil auoit fort beu du vin en vng cōuy & banquet: ou il eſtoit: il cōtraia

Trahiſon con-  
ſpiree contre  
Narſes,

Narſes appel-  
la le roy Albo-  
in pour venir  
aulx Italles a  
ſon aide,



La mort de la  
royne Rhosi-  
munde & de son  
amoureux,

Saint Ger-  
main euesque  
de Paris,

gnit sa femme Rhosimunde de boyre en vng hanad ou il buuoit / q̄l auoit  
fait faire de la teste du pere dicelle Rhosimunde lequel auoit tue luy mes-  
mes, de laquelle chose fut fort marrie sa femme : & pensa de sen vanger,  
Or estoit en lost du roy Alboin vng ieune filz adolescēt fort beau filz de  
belle forme & statue extraict de noble maisō & aulx faitz belliqueulx &  
de la guerre: il en scauoit tout ce q̄l en estoit: & estoit fort a dextre La roy-  
ne Rhosimunde en estoit fort esprinse & amoureuse & souuentefoys se  
rencontroient ensemble toulx deulx secretement pour accomplir le ieu  
damours : tellement que vng iour elle luy dit quil falloit quil couppast  
la teste a son mari / luy y promettant de le faire roy apres sa mort: ce que fist  
au moyen de la p̄messe que luy auoit faicte la royne, Mais apres la mort  
du roy Alboin eut grosses seditions entre les Longobardes : pour faire /  
& eslire vng roy, Or ce voyant quil estoient frustres de leur intention /  
& que ne pouoiēt obtenir & gouuerner le royaulme / eulx deulx sen foui-  
rent en la ville de Rauenne: ou peu de temps apres se empoisonnerent /  
lūg laultre: & moururēt miserablemēt, ¶ En ce tēps le fleuve du Tybre  
fut si grāt quil gasta la plus grande partie de Rōme, Et furent vens au ci-  
el des orodiges & feulx ardans / en facon de batailles, ¶ Or ce pendant le  
pape Iehan fist refaire les cymetieres des saintz: & parfaire leglise mon-  
sieur saint Iacques & saint Phelippes : que auoit encommanche le Pa-  
pe Vigile / Narsis mourut en la ville de Naples & fut porte son corps en  
Constantinoble en vng coffre de plomb, le croy que cestoit fait des Itai-  
les quāt le roy Alboin y vint: si neust este les saintes p̄sonnes qui estoient  
en ce temps la / qui secoururēt les puīnces, car pour patriarche de Aquī-  
lee & Felix euesque de Tarnesie / rendirēt le roy Alboin fors doulx par  
les ammonitions que luy faisoient les saintes gens, Et pareillemēt For-  
tune homme de grande litterature & doctrine : par sa doctrine & liures  
que fist & enuoya: au moyen desquelz il les rendit fort deuotieulx: il en-  
uoya vng liure au roy de France Sigisbert par lequel on pouoit congnoi-  
stre comment on debuoit gouuerner vng Royaulme, Et oultre il fist / &  
composa la vie monsieur saint Martin. ¶ En ce temps estoit monsieur  
saint Germain euesque de Paris qui en ce tēps gouuernoit les Roys de  
France: iceulx Roys de France ne faisoient riens / que par le commande-  
ment de monsieur saint Germain & les mouuoient en deuotion / religi-  
on / pitie / & humanite aulx mieulx que pouoient: & la cause estoit pour-  
ce que le pasteur estoit bon, ¶ Au temps du pape Iehan le peuple de Ar-  
menie receut la foy crestienne, Apres quil eut este pape par l'espace de  
douze ans vnze moys / vingt & six iours il mourut: & fut enterre en legli-  
se monsieur saint Pierre, Et vacca le saint siege apostolique de Roma-  
me par dix moys & trois iours,

¶ De Benoist soixante & quatrieme pape,  
Et premier du nom,





Enoist estoit rommain, Son pere eut nom Boniface: il fut du temps de l'empereur Tybere le second: il fut adopte & print a filz & heritier par l'empereur Iustin: il auoit toutes les vertus quil appartiennent a vng bon prince / & qui y sont requises / il estoit clement / iuste / bon iusticier / sage / deuotieulx constât / & magnanime. Mais entre toutes les vertus il estoit fort liberal / a donner & au moner de ses biens aulx pouures & aultres: parquoy nostre seigneur lu y enuoya beaucoup de biens. ¶ Vne fois ainsi quil chemi

Tybere secōd  
empereur,

noit par sa maison il aperceut vne croix en terre: laquelle il fist leuer disant q ce n'estoit le lieu ou elle debuoit estre mise & apposee, mais au cueur & au front d'ung crestien. Et oultre en fist leuer vne aultre: ou fut trouue desoubz: vng grant tresor dor & d'argent. Mais la plus grande partie / il la fist donner & distribuer aulx pouures / on luy aporta les tresors de narses qui estoit aulx Italles: lesquelz il fist fondre & faire de beaux dons / il donna aulx ambassadeurs du roy de France Sigisbert de grans dons / & enuoya cinquante pieces dor / du poix de chacun de cinquante liures / au roy Sigisbert / ou estoit en vng costel ymage effigie & pourtraicture de luy: ou estoit escript / Tyberii Constantini perpetuo Augusti. Et en l'autre part il y auoit vng chariot & vng homme dedans / & estoit escript Romanorum gloria. Quant il reuint de la victoire qu'auoit eue contre les perses: il amena avecques luy vingt elephans charges dor & d'argent & aultres choses precieuses / tellement que iamais on n'auoit veu si belle richesse / il ayma & honora fort le pape Benoist / & a sa requeste enuoya pmer des viures aulx Rommains qui estoient affamez pour les guerres des Longobars. ¶ En ce temps Iehan euesque de Constantinoble & Leander euesque de Hippatense firent plusieurs liures pour soustenir la foy crestienne. Car les Vuadalles qui estoient entaches de l'heresie des Arriens auoient gaste Lafrique / & aultres prouinces. Apres que furent chasses par Bellislaire: comme dit est cy dessus. ¶ Le pape Benoist comme aucuns disent / il mourut de douleur & pitie quil auoit eue: pour la calamite / & misere des Italiens & des Romains: il fut pape quatre ans / vng moys / & xxxviii iours. Et lors vacca le siege deulx moys & dix iours.

Les dons enuo  
yes au roy de  
France Sigis  
bert / par l'emp  
ereur Iustin,

¶ De Pelage soixante & cinquiesme pape  
Et second du nom,

,iii,



Lempereur,  
Maurice,



Sigisbert roy  
de France,

Saint Gregoi  
re composa les  
moralles sur  
Iob,

Elage fut de la ville de Romme, Son pere  
eut nom Vingelde: il fut au temps de lem  
pereur Maurice gendre de Tybere: & ne  
autmoins quil fust de Capadoce: toute fois  
pour sa vertu & magnanimité / il luy fut  
baille le gouuernement de l'empire, ¶ Or  
apres que le roy Albain fut tue / les Longo  
bars furent, xx, ans gouuernes par duc, Et  
aps il eslièrent pour estre leur roy Eutherin:  
le quel appellerēt Flaue, Et depuis les roys  
des Longobars ont retenu le surnō de flaue  
Lēpereur Maurice sefforca fort / de chas  
ser des Italles les Longobars: & a ce faire demāda secours au Roy de Frā  
ce Sigisbert: lequel assembla grant nombre de Francoys / Germain / &  
Allemands lesquels passerent les monts, Et les Francoys & Longobars se  
rencontrerent en bataille, Mais les Longobars vainquirent les Alle  
mands & Francoys: pour la quelle victoire les Longobars furent si fiers /  
& orgueilleux quil vindrent iusques a la mer Scirilienne: & mirent iou  
tes les Italles en leur domination, ¶ En ce temps furent grandes pluies:  
pourquoy fut si grande habōdance deaulx / qu'on disoit que c'estoit le de  
luge de Noe / qui regnoit: Et fut la cause pourquoy le pape Peloge fut  
cree pape de romme: sans le commandement de l'empereur, Car la ville de  
romme & lieulx circonuoisins estoient oppressees des eaulx / & guerres:  
tellement qu'on n'osoit sortir de romme, ¶ En ce temps quant le clerge  
auoit esleu quelcun a estre pape de romme / se n'estoit riens fait / si l'emp  
reur n'aprouuoit icelle election: pourquoy fut enuoye saint Gregoire  
diacre en Constantinoble par deuers l'empereur pour lapaier & excuser  
le clerge & le pape ce quil fist, Mais apres il soccupa a faire certains li  
ures moraulx dessus Iob, Et en la presence de l'empereur Auguste il di  
sputa contre vng hereticque Eutichien euesque de Constantinoble: &  
par raisons il le confundit & fut contraint de reuoker tout ce quil auoit  
escript en vng liure ou parloit de la resurrection, Car il disoit que nostre  
corps en la gloire de la resurrection seroit plus subtil que le vent ne que  
l'air: parquoy on ne le pourroit toucher: qui seroit cōtre ce que nostre sei  
gneur Iesuchrist dit a ses apostres: apres quil fut resuscite, Palpate & vi  
dete: quia spiritus carnem & ossa non habet: quemadmodum me videtis  
habere, Cesta dire touchez & me voyez: vng esperit na ne chair ne os: cō  
me vous me voyez auoir, Apres q̄ le pape Pelaige fist retourner de Cō  
stantinoble saint Gregoire ainsi que les rommains l'auoient requis: il  
fist faire vng hospital de la maison de sō pere: pour heberger & loger les  
pouures vieilles psonnes & vouloit faire le cymetiere saint hermes mar  
tir & leglise saint laurens. Mais la peste le surprint dōt il mourut apres  
quil eut este pape dix ans: deulx mois: & dix iours: il fut ensepuey en le



glise saint pierre. Et lors vacca le siege papal par six mois & vingt huyt iours,

¶ De saint Gregoire, lxxvi, pape: & premier de ce nom,



Gregoire Pape estoit de la ville de Rome, Son pere auoit nom Gordian senateur, Il fut eleu & cree Pape du consentement de tout le clerge: combien quil refusast la papalite: Lan de nostre seigneur / cinq cens & dixneuf. Il estoit moyne & leuite, Et pour ce quil failloit auoir le conserment de le pereur / luy mesmes fist les lettres: par lesquelles escripuoit a lempereur / quil declarast que icelle election quon auoit faicte de luy par le clerge & le peuple: estre nulle & de nulle valeur, Mais icelles lettres fu-

rent trouuees par le prefect de Romme, Lesquelles despeca & lacera & en fist daultres: Par lesquelles le clerge & le peuple de Romme / requeroient a lempereur / que ce fust son vouloir de confermer lelection faicte du pape Gregoire / ce quil fist tresvoulentiers / & fut fort aise des nouuelles, Car il aymoit fort le pape Gregoire / & auoit este son familier du temps quil fut en Constantinoble, Tellement que lempereur Maurice luy fist tenir & leuer vng de ses enfans, Et pour ceste cause enuoya des ambassadeurs par deuers le pape Gregoire / affin de le confermer & le cōtraindre de accepter lestat & dignite papalle, Mesmement en tel temps ou nestoient que miseres & calamitez en tout le pays des Rommains,

¶ Lors pour subuenir a la foy crestienne / vtilite du peuple / & necessite en quoy il estoit: il accepta icelle charge que tousiours auoit refusee / & sans ambition ne aultres pompes gouerna le saint siege apostolique, Tellement que depuis luy / il nauoit eu son semblable / en saintete de vie & de si grande doctrine & litterature, Il fist & composa vng liure des sacremens / & fist les anthiennes & office quon châte en leglise nuyt & iour, Il ordonna quon diroit au cōmencemēt du seruice diuin: Deus in adiutorium, Il fist des commentz sur Ezechiel / & comme iay dict il fist de beaulx liures moraulx sur Iob / & vng dyalogue ou fist quatre liures / & vng liure appelle le pastoral / & le dedia & donna a leuesque de Rauanne nomme Iehan, Par lequel demonstroit comment on doit gouuerner leglise, Il institua lintroite de la messe, Il ordonna quon chanteroit neuf foys Kyrieleyson: Et aussi quon chanteroit alleluya / fors & excepte au temps de karesme, Et adiousta au canon de la messe ces motz, Diesq; nostros in tua pace disponas. ¶ Et oultre institua les grandes supplications / que les grecz appellent letanies, Il institua les stations de Rō

k, iiii,

Saint gregoi  
re fist les antiē  
nes & hymp  
nes q̄lon chā  
te a leglise,

Les institutiōs  
saint gregoi  
re touchāt le  
stat de leglise



De Gregoire, lxvi, pape: & premier de ce nom

me/ & mesmement ceulx de sainct Pierre, Le iour de la natiuite nostre seigneur/ le iour des roys/ le premier dimenche de la passion/ & l'ascension/ penthecoste/ & les natiuites des apostres: Le iour sainct Andre/ le iour de la chaire sainct Pierre/ quant on faict les grandes letanies au samedy des quatre temps, Il fist tant de saintes oeuvres quil seroit impossible de les racompter/ & mesmement toute l'office de leglise/ il lauait faicte & redigee en bonne ordre & estat. ¶ Il fist vng Synode en leglise sainct Pierre a Romme/ ou furent vngt & quatre euesques: Ou furent ostees & abolies beaucoup de choses qui estoient en leglise: Et y furent mis aultres statutz salutaires. ¶ Il enuoya en bretagne de saintes gens pour les instruyre, Cestassauoir/ Augustin/ Melitum/ & Iehan/ & avecques eulx de bons religieux, Lesquelz instruyrēt le peuple de bretagne & mesmement les anglois: qui premierement receurent leur doctrine entierement, Et par les oeuvres de sainct Gregoire/ les gothz retournerent a l'union de la foy crestienne, Et aulcuns ont escript que sainct Gregoire enuoya son dyalogue quil auoit faict des bonnes meurs/ a Theudelinde royne des Longobars/ & luy dedia le liure, Au moyen duquel & de ce qui estoit escript dedans/ elle rendit son mary Antharis roy des Longobars/ plus doulx quil nauoit acoustume, Et par les lectures que luy faisoit sa femme du liure que luy auoit enuoye le pape Gregoire/ il changea ses meurs & conditiōs, Tellemēt quil deuint doulx & paisible/ la ou par deuant nestoit riens plus sauuaige & cruel en tous ses affaires, Icelle

**Antharis roy des longobars** Theudelinde fut vne femme saige/ prudente/ & bonne crestienne & catholique, Elle fist edifier leglise sainct Iehan baptiste/ en la ville de Modetie/ qui est a dix mille pas de la ville de Millan/ en laquelle eglise elle donna de sumptueux dons dor fort precieux/ avecques plusieurs terres/ reuenuz/ & possessions. ¶ En ce tēps la robe de Iesuchrist qui estoit aduenue par sort a l'ung des cheualiers quant on le crucifioyt: Fut trouuee en la ville Zaphat/ en vng coffre faict de pierre de mabre, Laquelle auoit este mise en ce coffre au temps de Thomas euesque de Hierusalē: & de Iehan euesque de Constantinoble/ & de Gregoire euesque Dāthioche. ¶ Iehan euesque de Cōstantinoble/ fist assembler vng Synode des euesques estans en grece/ & fist par icelluy Synode ordonner & creer ocomenicum: cest adire vniuersel patriarche, Pourquoi lēpereur Maurice fist admonnester le Pape gregoire/ quil eust a obtemperer aux commandemens de leuesque Iehan, Mais sainct Gregoire respondit q dieu auoit donne a sainct Pierre & a ses successeurs la puissance de l'yer & de absouldre/ & non pas aux euesques de Constantinoble, Pource requestoit a lēpereur quil laissast de faire en leglise telles seditiōs/ ou autrement l'ye de dieu pourroit cheoir sur luy, Mais lēpereur nen tint compte/ ains reuoqua tous ses gens darmes quil auoit enuoyez aux ytalies, Et mandit aux Longobars/ quil les quictoit de la paix quilz auoient faicte ensemble: & quilz entraissent aux ytalies & menassent guerre aux romains

**Theudelinde**

**La robe de Iesuchrist fut trouuee en ce temps**



maines, Pourquoy Agilulphe roy des Longobars assiegea la ville de Rome/ & fut par l'espace d'un an deuant la ville, Mais il ne la peult prēdre a ceste cause sen retourna en la ville de Millan. ¶ Lors apres toutes ces perturbations/ l'empereur Maurice par contraincte se repētit de ce quil auoit faict, Et gouuerna le Pape gregoire vng peu plus doulcemēt que au parauant nauoit faict, Et la cause fut: car il auoit ouy vng quidā habille en habit de moyne/ estant en plain marche de Constantinoble tenant en sa main vng glaive tout nud disant, Lēpereur Maurice mourra de brief par glaue, Et aussi il auoit songe quil se veoyt tuer & occire luy sa femme & enfans. ¶ Et pource que les cheualliers & gens darmes nestoient point payez de leurs gaiges/ & qu'on leur retenoit, Ilz creerent Phoca centurion leur empereur/ & coupperent la teste a lēpereur Maurice/ apres quil eut occupe lēpire par l'espace de vingt ans, Mais le pape gregoire apres quil eut faict vne eglise pour les gothz/ il fist faire de la maison de son pere vng monastere/ ouquel estoient receuz tous pources gens/ & auoient pain/ vin/ pour leur vie tant quilz vouloient, Et nest pas vray ce que aucuns ont voulu escrire/ que en son temps il auoit commande faire abbatre les antiqualles/ & anciens edifices des rommains, Pource que les pelerins qui venoient a Rome par deuotion/ alloient plus tost veoir iceulx edifices: comme theatres/ & arcz triumphās/ dōt lesmerueilloient de la facture & construction diceulx/ que les eglises & lieux sainctz & sacrez/ pour lesquelz visiter estoient venuz a Rome, ¶ Apres que le pape Gregoire eut leglise Romaine cōfermee en tout ce quil faillloit faire par raison: Il mourut la quatriēme yde du mois de Mars: le second an de l'empereur Phoca, Et fut enterre en leglise sainct Pierre, Il fut Pape treze ans/ six mois/ & dix iours, Et de sa mort tout le clerge & peuple de Rome ploura tressort, Le siege fut vaccant apres sa mort cinq mois & vingt iours,

Aduisiō adue  
nue a lēpereur  
Maurice de sa  
mort

¶ De Sabinian, lxxvii, Pape: & premier de ce nom,



Abinian Pape fut successeur du pape gregoire, Mais on ne peult scauoir de quel pays il estoit/ & la raison le vouloit, Car c'estoit vng homme dont on ne scauoit le lieu de sa naissance: Et encores les manieres de faire & meurs estoient plus obscures & estrāges, Il fut aduersaire des biēs q̄ le pape Gregoire auoit faictz, Car comme au temps de sa papalite/ le peuple Romain fut en grande necessite & famine: Et quant les pources le requeroient quil voulust departir & donner laumosne cō-



me faisoit le pape Gregoire, Il leur respōdit que le pape Gregoire auoit destruiēt le patrimoyne & bien de leglise/pour donner aux paoures, ¶ Cestuy Pape Sabinian estoit si mauuais/qu'il ne sen faillut guieres qui ne fist brusler tous les liures du Pape saint Gregoire/& tout par en uise qui auoit conceue contre luy aultresfoys, Il ordonna que les heures en leglise seroient distinctes/& diuisees pour faire le diuin seruice, Et q̄ continuellement les lampes seroient alumees/& mesmement en leglise saint Pierre, ¶ En ce temps apparut plus de prodiges & monstres/que ne firent iamais, Lesquelz prodiges & monstres signifioient les calamitez qui debuoient aduenir, Il apparut au ciel vne comette fort reluyfante. Et a Bizāce nasquit vng enfant qui auoit quatre piedz, Et en lisle De lon furent trouuez deux monstres marines/qui auoient leffigie & semblance humaine, ¶ Or apres que le pape Sabinian eut regne pape vng an/cinq moys/& dixneuf iours/il mourut & fut enterre en leglise saint Pierre, Et lors vacca le siege Apostolique par l'espace de vnze moys/& vingtsix iours,

Prodiges

¶ De Boniface, lxxviii, pape: & tiers de ce nom,



Debat du sie-  
ge apostolique

Oniface Pape estoit de la nation des Rō-  
maines Il fut faict pape du consentement  
de l'empereur Phocas; Et en ce temps fut  
grande altercation ou se debuoit tenir le  
siege saint Pierre, Les aulcuns disoient  
qu'il se debuoit tenir en Constantinoble/  
pource que les empereurs si tenoiēt, Mais  
les rommains disoient le contraire:& que  
Constantinoble estoit venue de Romme:  
& mesmement que les Grecz appellēt cō-  
me appert par leurs lettres/leur prince em-  
pereur des Rommains, Et encores les ha-

bitans de Constantinoble ou temps de present on les appelle Romei &  
non Greci: cest adire Rommains & non pas Grecz, Et dauentaige saint  
Pierre ne laissa pas aux euesques de Constantinoble les clefz du royaul-  
me des cieulx: mais les laissa a ses successeurs papes de Romme, Pour  
quoy a bonne cause leglise de rōme est la souueraine de toutes les aul-  
tres eglises/& est le vray siege du pape, ¶ Le pape Boniface fist congre-  
ger & assembler vng Synode a romme/ou furent soixante & douze eues-  
ques/trente prestres/& troys dyacres, Ou fut decrete & ordonne sur pei-  
ne de excommuniement & anathematization/de ne eslire vng prelat ou  
euesque ou lieu dung qui seroit alle de vie a trespas: sinon q̄ troys iours  
apres la mort, Et oultre fut ordōne & decrete sur peine de excommunie-  
ment & anathematization/qu'on ne donnast/or/argent/ne aultres dons

Synode



pour estre esleu euesque/ou pape, Et fut declaire les elections faictes par le clerge & peuple bonnes/pourueu que le prince les approuue, Et que dorenavant les papes vseroient de telz motz, Nous le voulons/nous le commandons, Or pleust a dieu que maintenāt on gardast biē ces beaulx statuz/mais ilz sont aboliz, Car vng chascun demande a estre euesque/& auoir preeminēce sur les aultres/& ne leur cheault cōbien ilz ont de brebiz a gouuerner: Mais que leuesche soit de grāt reuenu: pour entretenir les grandes pompes/& accōplir leurs libidineuses & infames voluptez, ¶ Or ie retourneray a parler du pape Boniface/qui auoit faictz iceulx decretz: lesquelz apres sa mort ne furent plus obseruez ne gardez, Le pape Boniface fut pape neuf moys seulement/& puis mourut/& fut enterre en leglise sainct Pierre, Et lors le siege fut vaccāt par l'espace dūg moys & six iours,

¶ De Boniface, lxxix, pape: & .iiii, de ce nom



Oniface pape estoit Martian/du pays de Valerienſe, Son pere auoit nom Iehan/& estoit medecin, Le pape requiſt l'empereur Phocas/qu'il luy donnaſt vng temple quō appelloit Pantheon, Lequel estoit dedie a la deesse Cibelle/& a tous les dieux, L'empereur Phocas luy donna: Et apres que le Pape Boniface eut faict oſter tous les ſimulacres/& ymages/des dieux/& aultres choses qui y estoient: il consacra icelluy temple Pantheon/qui estoit faict pour la deesse cibelle/qui se diſoit mere de tous les dieux que adoroient les payens, Et la dedia vne eglise en lhonneur de la vierge Marie/& de tous les martyrs, Et ce fut faict la quatriesme yde du moys de may: Pourquoi depuis icelle eglise fut appelee/leglise de la vierge Marie aux martyrs. ¶ En ce temps Coſdra roy des Perſiēs/subiugua l'empereur Phocas/& le vainquit en bataille/luy & tout loſt des Rommains, Et apres qu'il eut eu ceste victoire/entra en la ville de Hierusalem/& par force loccupa, Il fiſt deſtruyre & gaſter & prophaner les eglises des creſtiens de Hierusalem, Et emporta le boys de la vraye croix: Et avecques luy comme captif emmena Zacharie le patriarche de Hierusalem, Pourquoi l'empereur Phocas fut du tout deſpriſe/& meſme-ment du ſenat de Romme, Et au moyen de ce fut priue de l'empire:& de puis tue & occis par Heraclie/duc & capitaine de loſt des rommains/qui pour lors estoit en Aphrique, ¶ Or ce pendāt Cacame roy des Bauares vint par Pannonie & Illirique, Et deſcendit aux ytalies/& vainquit les roys des Longobars, Et ne ſen faillut guieres qu'il ne occupast toute la

L'empereur  
phocas

Leglise de la  
vierge Marie  
aux martyrs

La mort de  
phocas



De Dieu donne, lxx, pape: & premier de ce nom

Romilde roy-  
ne

Sainct Eutro-  
pe

prouince. ¶ Icelluy roy Cacame print la ville foreiule/par la trahison de la royne Romilde qui fut esprise de son amour, Laquelle ville apres quil eut prinse/il la fist destruyre tellemēt que a grant peine on pouoit congnoistre sil y auoit eu vne ville. ¶ En ce temps estoit sainct Eutrope euesque de Valence/lequel par sa doctrine & exemple/retenoit les Hespaignoux en la foy crestienne, Et si estoit Columbain labbe tres-sainct homme, Lequel estoit du pays Descosse/comme aulcū ont dict: & de la sen vint au pays de Bourgonne. ¶ Or le pape fist faire de la maison de son pere vng monastere, Et dōna tout le reuenue quauoit des biens paternelz au monastere/pour nourir les religieux, Et finablement mourut apres quil eut obtis la papalite par six ans/huytmoys/& treze iours, Il fut enseuely en leglise sainct pierre, En son temps furent de grandes eaux/pestes/& famines, Et lors vacca le siege par lespace de sept moys/& vingtcing iours.

¶ De Dieu donne, lxx, Pape: & premier de ce nom,

Miracle

Le filz du par-  
raïn ne prēt en  
mariage la fil-  
lolle

La mort de  
Cosdroe

La saincte  
croix fut rap-  
portee en Hie-  
rusalem



Ieu donne Pape estoit de Rōme, Son pere auoit nom Estienne, Il estoit soubdyacre quant il fut esleu pape du consentemēt de tout le clerge & peuple, Il ayma fort les gens deglise/& les augmenta. Il fut de ī saincte vie que vne foys il rencontra vng hōme malade de la maladie de lepre, mais incontinent quil eut baïse il fut guïery. ¶ Il ordonna que le filz du parain ne print a femme la fille que auroit le pere leue sur les fons de baptelme. Et en ce temps lēpe-  
reur Heracle fist vne grosse guerre contre

les Perles: Ou fut tue par Heracle/le duc & capitaine de larmee des Per-  
siēs, Et oultre occist Cosdroe/& print son filz: Auq̄l apres quil fut bap-  
tize luy bailla le royaume de son pere, Il entra en perse ou il prīt la tour  
de Cosdroe/qui estoit pleine de richesses, Il dōna la moytie dicelles ri-  
chesses a ses cheualliers:& de lautre il fist refaire les eglises qui auoient  
este destruićtes & demolies par Cosdroe & ses gēs, Et puis sen retourna  
en Hierusalem ou il rapporta la saincte croix qui auoit este par luy em-  
portee/& la fist remettre au sainct lieu ou elle estoit au parauant, Et si  
amena auecques luy les captifz quauoit amenez/& les restitua & re-  
mist en leurs pays, Et ce faict sen alla en Constantinoble auecques sept  
elephās charges des richesses du roy Cosdroe, Et depuis quil fut a repos  
il se mist a estudier en astrologie, Mais contre tout droict il print en  
mariage la fille de sa seur, Et cōme il est de coustume que vng mal faict  
& vng peche attire a soy lautre: il cheut en lheresie des Eutichiens.



En ce temps Sisebut roy des Goths remist en la foy & obediēce plusieurs cites & villes du pays Despaigne/qui cestoiēt affranchies des romains. Et fist prendre tous les iuisz qui estoiet au royaume Despaigne/ & les contraingnit se faire crestiens par tourmens & peines. Aulcuns disent que ce fut a la requeste & priere de l'empereur Heracle. Pource que on luy auoit dict quil se gardast bien des circuncis/ & que par eulx pourroit encourir mort. Mais il ne se sceut garder de sa predestination: Car bien peu de temps apres il fut tue & occis/ par les sarrazins qui gardoiet la circuncision. Or tout ce que dessus est dict se faisoit aux parties dorient: Mais en occident neantmoins auoit lors de bons cheualliers crestiens/qui batilloient pour la foy catholique. Car en ce temps estoit en France monsieur saint Arnoul/ euesque de Metz: & saint Amad euesque de Traiecte: qui gouernoit le roy de France Dagobert.

Dagobert roy  
de France

En ce tēps aussi estoit Ysidore/ euesque de Hispalence: qui fist & composa beaucoup de croniques/ cosmographes/ histoires/ & legendes/ de plusieurs saints. Aulcuns disent quil estoit de Germanie. Mais les Espaignolx tiēēt & disent quil estoit du pays Despaigne. Mais de quel que pays & nation quil soit/ il appert que sa este vng homme tressaint & de grant vertu & doctrine. Or au temps du bon pape Dieudonne/ fist de grans tremblemens de terre. Et regnoit vne maladie scabieuse/ semblable a lepre & mesellerie. Tellement que icelle maladie gastoit & defformoit le visaige & toutes les parties du corps des humains/ quil sembloit quilz fussent ladres & meseaulx/ pour la difformite de la maladie. Le pape Dieudonne ne fut pape que par l'espace de troys ans/ & vingt & troys iours. Et puis mourut & fut enterre & enseuely en leglise monsieur saint Pierre: la sixiesme yde du mois de Nouembre. Et lors apres sa mort le saint siege apostolique fut vacant par l'espace dūg mois/ & seize iours.

Ysidore

Espece de ma-  
ladie de ladre-  
rie,

De Boniface, lxxi, Pape: & v, de ce nom



Oniface Pape estoit de la nation de Capane. Son pere auoit nō Iehan. Il fut esleu & cree pape au temps que Heracle l'empereur auoit enuoye a Rome/ le patricie Eleuthere/ pour venger la mort de Iehan hexarche. Mais il se fist & crea luy mesmes roy des Ytalies. Pourquoy ainsi quil sen alloit a Rome: il eut la teste coupee de ses cheualliers: Et fut enuoyee la teste en la ville de Constantinoble. Et en son lieu & place fut mis Yfatus patricie de Constantinoble hexarq. Apres q l'empereur

Iehan patricie  
eut la teste  
coupee

Heracle eut regne empereur, xii, ans. Lors estoit Mahomet de Arabie: come aulcuns disent: & les aultres disent quil estoit de pse. Il fut extraict

l.i,



Mahomet

de noble lignee, Son pere adoroit les ydoles, Sa mere estoit hebraïque / de la lignee des Malieliticiens, ¶ Cestuy Mahomet auoit mis le feu en la foy crestienne / & auoit engendré vne si mauuaise secte: mesmemēt en ce temps ou nous sommes / que la secte infecte & mauuaise gaste la foy crestienne / & la destruiēt du tout, Nous sommes trop refroidiz remis & negligens / que nous ne faisons que attendre nostre mort, Et a ceste heure presente & au temps qui court / ilz sont plus de payans / & est la secte plus grande quelle ne fut iamais, Car toute Asie & Aphrique / & la plus grande partie de Europe / sont subiectz & gouuernez par les princes Mahometiciens / Payans / & Sarrazins / & ennemis de nostre sainte foy Crestienne, ¶ Or maintenāt les turcz ifideles sont par mer & terre / pour nous chasser & faire sortir de Europe / & lieux ou nous sommes

Exortatiō aux  
princes gēs de  
glise & aultres


cachez: Comme on faict sortir les connins des terriers ou ilz sont muslez & tapiz / de paour des chiens: Nous sommes assis les vngz attendans les aultres / comme si ne sapparaïssoit le grant mal qui viēdra a toute la foy crestienne, ¶ Les gens deglise attendent que les gens lays entreprennēt a faire la guerre / si necessaire & vtile contre ces infideles, Et les gēs lays & seculiers attendent a faire la guerre / pour veoir se les gens deglise leur bailleront or / & argent / pour subuenir aux fraitz de la guerre, Mais ilz ont beau attendre: car les gens deglise assēblent & font tresors des biens de leglise / & du sang des martyrs: Et en font faire des vaisseaulx dor & dargent / pour leurs voluptuositez / & plaisances mondaines, ¶ Or ie re-

Des meurs de  
Mahomet

tourneray a parler de Mahomet: Se fut vng homme fort subtil & de grant entendement, Et longuement auoit conuerse & demoure avecques les crestiens, Il congneut toutes les heresies & sectes / qui auoient este lors, Et pour ceste cause il fist & introduit vne nouuelle secte / & superstition / cōme nous voyons, Pourquoi nostre foy & religion est presque toute abolie / & exterminée, Et oultre il fut si presumptif & audacieux / quil assembla vne grosse armee des gens du pays Darabie / & voulut occuper & empescher les limites de lempire des Rommains, Mais de ce faire fut empesche par lempereur Heracle, ¶ Le pape Boniface ordonna & constitua / quon ne tirast vne personne de leglise par force, Et que les accolitez ne touchassent aux reliques des Martyrs / ne des aultres saintz, Car cest lofficce & ce appartient aux prestres / & soubdyacres, Le pape Boniface mourut lan cinquiesme de son pontificat, Et fut enterre en leglise monsieur saint Pierre, Et lors fut vaccant le siege par lespace de treze iours;

Il institua ne  
tirer vne pson  
ne de leglise p  
force,

¶ De Honore septante & deuxiesme Pape:  
Et premier de ce nom,







Onore fut de la nation de Campanie, Son pere estoit consul & auoit nom Petronio, Il fut esleu & cree pape au tēps que la royne Theudelinde mourut, Et aussi quant son filz Adoalde fut chassé de son royaume, Et que en son lieu fut mis Arioaldo, Et lan de la natiuite nostre seigneur Iesu-christ: cinq cens vingt & troys: que Hera-cle fist guerre aux Arabes & Sarrazins, Lesquelz auoient pour leur chief/duc/& capitaine Mahommet: qui estoit faulx pphete/& vsoit des ars magiques, Et com-

bien que au commencement le pereur Heracle eust este eueux en guerre, Touthoys a la fin il fut malheureux, Car Mahommet le vainquit en guerre luy & tous ses gens, Et ne sen faillut guieres quilz ne abolissent le nom de lempire des Rommains, Il print Alexandre & plusieurs villes de Syrie/& Cilicie, Il eut avecques luy les Sarrazins/qui tenoient la secte, Lesquelz sont appelez Sarrazins a Sarra/feme legitime de Abraham, Pourquoy se disent estre heritiers & legitimes de la diuine promesse de dieu, ¶ Cestuy Mahommet auoit ensuiuy lexemple du roy Hieroboam/qui bailla a son tribu & gens aultre maniere de adorer: afin quilz ne fussent subiectz aux iuifz, Et pareillement aussi firent les Grecz/quant ilz voulurent se departir de la foy catholique, Pourquoy plusieurs erreurs en sont venues: Comme les erreurs des Nestorians/Iacobitains/& Ebionitains, Mais a la fin ilz ont este avecques leurs erreurs & fainctes sectes subiuguez/& ont perdu leur empire/& aussi ont este reduictz & mis en seruitute assez infame orde & villaine, Aucuns disent que Heracle a la fin fist paix avecques les Sarrazins/& cheut en lheresie des Monothelitains, Lesquelz disoient estre en nostre seigneur vne voulente: pourquoy furent ainsi appelez, ¶ Le Pape Honore fist refaire leglise saint Pierre/& la fist couvrir de tuilles darain/qui fist prendre au temple de Iuppiter au capitolle, Et oultre fist refaire leglise sainte Agnes, Et leglise saint Seuerin, Laquelle fist aorner de pierre de marbre/& de porphire/dorer dor/& plusieurs autres couleurs, Et pareillement leglise saint Adnan/qui est ou lieu des troys marches, ¶ Et oultre ordonna que par chascun samedi/de leglise saint Apollinaire/on yroit en leglise saint Pierre en procession/chantant les letanies, Il mourut la quatriesme yde du moys Doctobre, Il ne fut pape que douze ans/vn moys/& dixsept iours, Il fut enterre en leglise saint Pierre, Et apres sa mort le siege apostolique fut vacant/par l'espace dungan sept moys/& treze iours,

Mahommet  
faulx pphete,

Lheresie des  
monothelites,

Eglises faictes  
par le pape honore,

¶ De Seuerin, lxxiii, pape: & premier de ce nom,

lii





Yfatius desro-  
ba les tresors  
sainct Iehan  
de latran

Dou sont ve-  
nuz les Agare-  
nes

Euerein Pape estoit Rommain, Son pere auoit nom Labiene, Il fut cree pape apres la mort de Honore, Et fut conferme par Yfatius prince & gouuerneur du pays de ytalie, Car lors lelection du clerge & du peuple qui faisoient des papes estoit nulle Et elle n'estoit confermee des empereurs ou de leurs hierarches ou gouuerneurs, ¶ Or pour cōfermer le pape Seuerin yfatius alla a Romme/ & apres quil eut conferme Seuerin a pape/ il desroba & despoil la leglise sainct Iehan de latran/ & emporta les tresors, Et pource que aucuns vouloient resister/ il les enuoya en exil, Il disoit quil n'appartenoit pas aux gēs deglise auoir tant de tresors: & nen bailler point pour faire & employer aux faitz de la guerre, Mesmement quil disoit que les gens darmes lors en auoient necessite, Des tresors de leglise/ il en bailla vne partie aux gens darmes: & lautre partie il lemporta avecques luy en la ville de Rauanne/ & puis en enuoya a le pereur, ¶ Les Sarrazins prindrēt Damasce/ Phenice/ Egipte/ & le royaume de Perse/ & tuerent le roy Ormisda, Lors quant lempereur Heraclē ouyt les grandes guerres & entreprinſes/ que faisoient iceulx Sarrazins, Il enuoya querir la saincte croix qui estoit en Hierusalem/ & la fist apporter en Constantinoble/ affin quelle ne reuint en la main des Sarrazins/ comme aultressoyz auoit este, Les Grecz appelloient les Agarenes Arabes/ par ignominiosite & infamie, Car ilz vindrent & prindrēt leur naissance de Agar chambriere de Abraam, ¶ Et peu de temps apres iceulx Sarrazins prindrent a force la ville de Hierusalem: Et lors Mahomet mourut en la ville de Mecham, Et luy succeda Calipha: Et aps luy Hale, Mais pource quil estoit trop superſtitieux/ il fut chassé/ & en eslrēt vng aultre/ nomme Caliphe duc Degipte, Et en ce temps le roy des Gothz Sisebut/ occupa toutes les villes que tenoient les Rommains Et depuis les Rommains ne les peurent recouurer/ ne auoir sur icelles domination. ¶ Le pape Seuerin nonobstant icelles grandes calamites/ neātmoīs il fut fort charitable ēuers les paoures, Il fist refaire plusieurs eglises, Il mourut la quatriesme none du moys Daoust: & fut enterre en leglise sainct Pierre, Il fut pape vng an/ & deux moys, Et lors le siege fut vaccant par quatre moys/ & trente iours.

¶ De Iehan septante & quatriesme Pape:  
Et quatriesme de ce nom,





Iehan pape fut de la nation de Dalmatie, Son pere auoit nom Venance, Incontinent quil fut esleu pape/il vfa de misericorde & pitie, Car du demourant du tresor de leglise de saint Iehan de latran / qui estoit demoure & quauoit laisse le gouuerneur yfatus, Il lemploya pour rachapter les Dalmaces & crestiens / qui estoient captifs.

Rothaire roy  
des longobars,

¶ En ce temps Rothaire roy des Longobars / combien quil fust grant iusticier & aussi plain de misericorde, Toutefois il permist en toutes les villes & citez estre deux euesques de pareille auctorite: l'un arrien & lautre catholique, Il fut de si grant entendement quil scauoit toutes les loix: & les fist escripre & rediger par escript, Et ordonna qu'on l'appellast vng code, Il mist en son obedience tout le pays des Geneuoys / iusques a Marcelle, Il mourut apres quil eut regne sept ans & luy succeda son filz Rhodoalde. ¶ Le corps du roy Rothaire fut enseuely & inhume en leglise saint Iehan baptiste / avecques de sumptueux habillemens & aultres ornemens / qu'on laisse sur les corps des roys quant on les enterre, Or aduint comme aulcuns disent / que vng prestre de nuyt entra en leglise monsieur saint Iehan baptiste / & ouurit la sepulture du roy Rothaire / & desroba les habillemens & aornemens dont il estoit vestu, Parquoy se apparut saint Iehan baptiste / le menassant de le faire mourir si iamais il entroit en son eglise, Cestuy Rothaire aymoît fort leglise saint Iehan baptiste, Et en nostre temps il en seroit autant aduenu au cardinal Alouisio patriarche Daquilee, Apres quil fut mis au sepulchre avecques ses aornemens / qui appartiennent a vng patriarche & cardinal, Par aulcuns prestres auquelz il auoit donne de ses biens / & instituez en lordre de prestre / fut deuestu & despoille du tout par iceulx, Or comme dict est Rhodoalde succeda au royaume, Il print en mariage Gûdibergue / fille de la royne Theodelinde, Mais peu de temps aps il fut tue en adultere / par le mary qui le trouua avecques sa femme,

Les gestes de  
rothaire

¶ Le pape fist apporter les corps saint Vincent / & saint Anastaise / a Rome / de paour quilz ne tumbassent entre les mains des Barbares / & payens, Et les fist mettre en vng oratoire / en leglise saint Iehan baptiste, Aulcuns disent que au temps du pape Iehan / estoit saint Vincent euesque de Beauuoys: saint Renauld euesque de Traiecte: saint Muard archeuesque de Reins: & Iudoque filz du roy de bretagne hermite,

Saint Vicet  
euesq de Beau  
uoys estoit en  
ce temps

¶ Apres que le pape Iehan eut obtins la papalite par vng an, ix, moys & ix, iours, Il mourut la, iiii, yde du moys Doctobre, Et vacca le siege vng moys & treze iours,

¶ De Theodore, lxxv, pape: & premier de ce nom,

l,iii



De Theodore, lxxv, Pape: & premier de ce nom,

Le trespas de  
l'empereur He-  
racle



Constance em-  
pereur filz de  
Constantin filz  
de heracle

Theodore pape estoit de la nation des grecs. Son pere aussi auoit nom Theodore, Apres quil eut este esleu Pape, il fist ce que appartenoit a faire a la dignite papale, & come vng bon pasteur, Et mesmement soustenoit & nourrissoit les paoures. ¶ Et ce temps Heracle mourut, apres quil eut regne empereur trente ans, Et luy succeda Constantin son filz. Mais il ne obtint que quatre moys lempire, Car il fut empoisonne par Martine nouerce derniere femme de son pere, Et a ce furent consentens le patriarche Pyrrhus, & Heracleon son frere, Et apres la mort Heracleon occupa lempire: & lors lheresie des Acephales fut restauree & resuscitee par Syrus, Sergius, & Pyrrhus heretiques, Iceulx heretiques ne mettoient que vne operation en lhumanite de Iesuchrist & diuinite: & disoient & prescheoient quil nauoit que vne volente. ¶ Or quant Pyrrhus ouyt la mort de Heracle qui lauoit banny, il fut fort couuoiteux daller & retourner en son pays, Et du pays Daphrique ou il estoit banny, sen alla a Romme, Et requist au pape Theodore quil luy pardonnast ses pechez & erreurs, & quil ne les vouloit plus soustenir, Parquoy luy pardonna & luy bailla la maniere de viure, Mais il fut accuse deuant les senateurs de Constantinoble: & la nouerce Martine maratre, & Heraclien: dauoir empoysonne Constantin lempereur, filz de Heraclius. Pourquoy la maratre eut la langue coupee: Heraclien le nez: & Pyrrhus fut tue & occis, Et en son lieu fut mis Pol, Et lors fut cree empereur Constance filz de Constantin. ¶ Apres que le pape Theodore eut prie & deboute pol euesque de Constantinoble de la dignite episcopale, pour ce quil ne tenoit la forme & maniere des crestiens catholiques, Il se mist a orner les corps sainctz. Car il fist apporter a Romme les reliques & corps sainctz de prime & Felician martyrs, qui estoient enseuelez hors la ville de romme, en la voye Momentanee, Et les fist colloquer & mettre honorablement en leglise saint Estienne, en la montaigne Celie, Il fist deux oratoires, lun en leglise saint Iehan de latran, en lhonneur de saint Sebastian: & lautre en la voye de Hostie, en lhonneur de Eupolo martyr. ¶ Apres quil eut ce fait, il mourut vng iour deuant les ydes du mois de May, Il fut Pape six ans, cinq moys, & dix-huyt iours, Il fut enterre en leglise saint Pierre, Et lors vacca le siege, plespace de cinquante & deux iours,

¶ De Martin, lxxvi, pape: & premier de ce nom,





Artin estoit du pays Tudertin, Son pere eut nō Fabrice, Aps q̄l eut este eleu pape de Rōme où lieu de Theodore incōtinēt enuoya en Cōstātinoble aucūs messagiers q̄ auoit en mandemēt de amōnester leuef- que Pol: de laisser ses heresies & erreurs/ & que retournaſt a la voye de la foy catholi- que, Mais Pol ne obtempera pas aux ſalu- taires admonitions/ que luy faisoit le pape martin, Mais par l'auctorite de l'empereur a ſa requeſte & pourchas: il fiſt enuoyer les ambassadeurs & messagiers du pape en exil

Pol eueſque de Conſtanti- noble heretic- que,

en pluſieurs places & diuerſes iſles: de la quelle choſe le pape Martin fut fort marry/ ire & courrouce, Pourquoy fiſt aſſembler vng ſynode en la ville de Romme ou ſe trouuerent cent cinquante eueſques, par le quel ſynode furēt les erreurs de Sirus ſerge & Pyrus reprouuez, Et fut anathe matife Pol le patriarche/ & priue de ſa dignite, Et ce pendant que le ſy- node ſe faiſoit a Romme la paix qui auoit eſte entre les rommains & les Longobars par leſpace de trente ans/ commenca a ſe rompre: car les Lon- gobars contre droit & raiſon atyroient tout a leur vtilite & prouffit: de- quoy les Rommains neſtoient contens/ & meſmement que en chacun- ne ville il mettoient vng eueſque catholicque/ & vng eueſque arrien/ ce que nauoit peu extirper ne oſter le pape Theodore/ & Martin, ¶ A ces moyens Theodore Hexochique du pays de Italie fiſt guerre contre les Longobars, Et la iournee fut pres Scultenne/ ou fut vne merueilleuſe ba- taille/ dung coſte/ & daultre, Mais finablement Theodore y fut vaincu/ & ſen fouyt: & y furent tuez de ſes gens/ & les plus nobles iuſques au nō- bre de ſept mille, Pourquoy le roy Rochaire fut fort orgueilleux dicelle victoire: & a ceſte cauſe il print facillemēt tout le pays de Ligure/ & ter- res des Geneuoys & les miſten ſa ſubiection, ¶ Or quāt l'empereur Cō- ſtāce cōgneut la mauuaife fortune qu'auoit eue Theodore il le reuoca & en ſon lieu y enuoya pour gouuerner les Italies Olympie: au quel bailla charge de prendre le pape Martin/ & de lemmener en Conſtātinoble/ ou de le occire & tuer, Mais quant il fut a romme/ ou on tenoit le ſynode Et quil ne peut aproucher ne tuer le pape Martin: il ēuoya ſon bourreau en legliſe de noſtre dame la Maïour/ pour tuer le pape/ ou lamener p de- uers luy, Mais incōtinēt que le bourreau eut receu le mandement de ſon maïſtre Olympie il deuint aueugle, ¶ En ce tēps les ſarraſins prin- drēt Rhodes: & deſmollirent le Colloſee/ ou Theatre le plus magnific- que & ſumptueulx qui fuſt en tout le mōde: il eſtoit de ſeptente coudeez il en emporterent du metal/ & arain / qui y eſtoit la charge de neuf cens Cameaulx/ icelluy Colloſee, Chares diſciple de Lyſoppe lauoit fait, ¶ Apres la mort de Olympie / l'empereur Cōſtance enuoya a Romme

Synode,

Bataille cruel le entre les rō- mains & lōgo bars,

l.iii,



De Eugene, lxxvii, pape: & premier de ce nom

Theodore Caliope / & Pol pellaire / & leur bailla en cōmandement qu'il eussent a prendre le pape Martin & l'amener en Constantinoble / ce que fut fait: car Theodore fut receu benignement des rommains: & puis il faignit vouloir saluer le pape: & alla ou il estoit avecques ses satellites: & le print & enleua: & par mer l'enuoya en Constantinoble, ¶ Et l'empereur Constance l'enuoya en exil / en l'isle Chersonne: ou aultre foys le pape saint Clement auoit este enuoye en exil, ¶ Le pape Martin estant en exil / pour les pouuretez / calamitez / & famine qu'il enduroit en ce lieu finalement il y mourut: apres que eut este pape par six ans / vng moys / &, xxvi, iours, Et lors vacca le siege de romme par l'espace de, xliii, moys car on ne pouoit auoir certaines nouuelles de la mort du saint homme Martin,

¶ De Eugene, lxxvii, pape: & premier du nom,



Vgene estoit de la ville de romme, Son pere eut nom ruffinian: il fut au tēps que pierre succeda au lieu de pol hereticque patriarche de Constantinoble: lequel ne fut gueres meilleur cretien & catholique q̄ auoit este pol: il enuoya a Romme par deuers le pape / des lettres, Et pource que le pape les receut, Tout le clerge se leua a l'encontre du pape: & luy fist deffēce de ne entrer ne sacrifier en leglise nostre dame de Maiour que premierement icelles lettres: cōme hereticques & phames fussent par luy

Guerre en Italie,

anichilleez & reietteez: tant estoient odieuses aux catholiques cretiens, ¶ En ce temps Grimoalde / duc de Benneuent: vint faire guerre en la Gaule Cisalpine: & chassa les enfans du roy Arisperti, Mais incontinent q̄ le Roy de France Clodoue le sceut il eut pitie des ieunes enfans & euoya aux Italles vne grosse armee pour faire restituer iceulx enfans au royaume de leur pere, Lors fut assigne iour de bataille pres trāspadane / ou fut si asprement bataille dung coste & daultre qu'on ne scauoit lequel seroit victorieulx, Les Francoys batailloient pour recouurer le royaume / & y restituer les petis enfans heritiers, & les aultres le gardoient comme par eulx conqueste & acquis, Mais neautmoins les Francoys furent vaincus / & chasses de toutes les Italles, Mais aucuns ont escript que les Francoys furent deceuz & trompez, Car au commencement de la bataille: les Longobars commencerent a sen fouyr & laisserent leurs tentes / & leurs viures / & l'auangarde ou estoient force de vins / & aultres viures / auquelz les Francoys se arresterent & en burent tant qu'il sen yurerent: & la nuit dormirent: comme cuydant auoir gaigne la bataille, Mais les Longobars qui estoient aux escoutes cachez & ambuchez: Soudainement

Cruelle occision des frācoys



rappèrent sur les Francoys: & en tuerent tāt que a grant peine en recha-  
pa vng pour porter le messaige au roy Clodouee, Et pour icelle victoi-  
re Grimoaldus facilement mist toute la prouince en sa domination,

¶ Or le pape Eugene / qui estoit vng homme de grande pitie & deuoti-  
on / doulx / paisible a tous / il alla de vie a trespas / la quatrie sme None du  
moys de Iuing: il fut pape deux ans / & neuf moys: il fut enterre en legli-  
se sainct Pierre, Et vacca le siege vng moys / & xxviii, iours,

¶ De Vitalian, lxxviii, pape: & premier du nom,



Italian estoit du pays de signe: du chasteau  
des Volcos, Son pere eut nom Anastaise  
il fut au tēps que Cefaree royne du royau-  
me de Perse alla en Constantinoble a com-  
paignee dung petit nombre de crestiens: &  
de ce ne scauoit riēs son mari / ce fut lan de  
nostre seigneur Iesuchrist: cinq cens qua-  
tre vingtz & trois / & fut tres humblement  
receue de l'empereur, Et peu de temps aps  
elle se fist baptiser: & estoit la cause pour-  
quoy elle estoit venue en Constantinoble  
Incontinent que le roy de Perse sceut que

sa femme estoit en Constantinoble / il enuoya des ambassadeurs par de-  
uers l'empereur / luy requerant de luy enuoyer sa femme, Mais l'empereur  
leur fist respōce que la royne estoit en son liberal arbitre de sen aller / ou  
de demourer: & que a ceste cause interrogassent la royne / ce que firēt les  
ambassadeurs, Mais elle leur fist responce: que iamais ne sen yroit en son  
pays se le roy de Perse son mari ne se faisoit crestien: pourquoy icelle re-  
sponce congneue par le roy de Perse / il sen vint tout paisiblement avec-  
ques quarante mille hommes en Constantinoble / ou fut receu tres benig-  
nement de l'empereur: & puis se fist baptizer luy & tous ses cheualliers: &  
puis luy & sa femme sen allerent en leurs pays & lors constance l'empereur  
avecques grande compaignie de gens d'armes / sen vint aulx Itallies /  
pour chasser Grimoalde, Et quāt il fut en la ville de Naples / il sen vou-  
lut venir a Romme / & laissa en Phormie. xx. mille hommes: desquelz  
estoit capitaine Subuerro: Rommain / pour deffendre les assaulx contre  
Rhomalde: filz de Grimoalde lequel assaillit Subuerro & le vaiquit /  
& deffist les. xx. mille hommes. ¶ Or ce pendant constance ainsi que ve-  
noit a Romme / vindrēt au deuant de luy enuiron six iectz de pierre, cest  
assauoit le pape / le clerge / & toute la seigneurie de Romme: & parmy rō-  
me tout se reiuoyssoit de sa venue, Il estoit vestu dung manteau de drap  
dor: & par le pape fut mene iusques a leglise de sainct pierre: ou il offrit /  
& donna son mātēau dor, ¶ Cinq iours apres quil ouyt la defaictē de ses

Le peuple de  
perse fut fait  
crestien,



De Adieudonne, lxxix, pape: & premier de ce nom

Rôme fut destruite par Constance empereur,

Institution du chant des orgues & des notes en leglise,

gens/ il fut en desespoir/ parquoy il fist piller tous les biens qui estoient a Romme: & les choses magnifiques/ il fist emporter toutes les statues faictes darain/ & de mabre/ qui estoient a Rôme/ & aulx lieux magnifiques & mesmement ceulx des eglises/ & fist tout porter en ses nauires il destruisit & gasta plus la ville de Rôme en sept iours/ que nauoient fait les Lombars & ennemys des Rommains/ en deulx cens cinquante huyt ans, pouquoy se doibuent taire les ignorans qui non point veu les hystoires: que saint Gregoire auoit fait destruire & rompre les statutz des Rommains ce q̄ nest pas vray/ & pource cest mal dit & escript, ¶ Peu de tēps apres que Constance eut fait robber & piller la ville de Rôme/ il demoura en la scicille/ ou fist de grandes exactions: car il estoit fort auaricieulx Or ainsi que se baignoit & prenoit ses voluptez chamelles/ en la ville de Syracuse il fut tue & occis par les cheualliers: & fut par la fraulde de Marence qui depuis fut cree empereur par les cheualliers, ¶ Le pape Vitalian ordonna le chant des orgues en leglise/ & les notes: & aps quil eut gouuerne lestat de leglise au mieulx quil peult: il mourut: la sixiesme Calēde du mois de Feuburier: il fut enterre en leglise saint Pierre: il fut pape quatorze ans/ & six mois, Et lors vacca le saint siege apostolicque de Romme quatre mois & quinze iours,

¶ De Adieudonne, lxxix, pape & premier du nom,



Arnefites,

Dieudonne estoit Romain, Son pere eut nom Puinian: quant il fut esleu pape: il estoit moyne: il fut au temps que le duc de Foroiulie/ quō appelloit loup, vouloit occuper le royaume de Italie: lequel Grimoalde luy auoit baille a gouverner quāt il auoit guerre contre lempereur Constance, Mais il bailla a garder/ cōme on dit cōmunement: les brebis/ & son royaume au loup, Car depuis il le voulut ysurper: pour quoy Grimoalde laide du duc de Cantanice luy loup: fut vaincu en guerre ou il eut la teste coupee, Mais le filz du loup nōme Arnefites voulut recouurer la duchie de son pere/ & pour ce faire appella a son aide les Dalmatiens, Mais il fut vaincu par les Longobas au pres du fleuve Natifone, ceulx de Opitergine furent chassēz de leur pays/ & perdirent leurs biens & terres: pource quil fauorisoiet au filz de loup en ses aduersitez, ¶ Or ce pendant les sarrazins vindrent descendre en la ville de Syracuse & pillerent & robberent toute lisle/ ou estoient toutes les richesses quauoit desrobbe lempereur Constance: quil auoit la fait porter pour enuoyer en Constantinoble, ¶ Et ce temps apparut au ciel vne comette/ par trois mois: cōti



nuellement flâboiant & reluyfant qui signifioit la calamité / & fortune Signes & pdi  
 qui debuient aduenir / il ne faisoit que plouuoir: & les plus grâstônoir ges au ciel,  
 res qu'on ouyt oncques. ¶ Aucuns disent que par les pluies: tous les bles  
 furent gastez & couche par terre. Mais neautmoins quil reuindrent,  
 ¶ Or cependant le pape Adieudonne fist refaire leglise saint Pierre /  
 en la voye Portuance au pres du pont Merule: il augmenta le monaste-  
 re de saint Iherosime: du quel il auoit este religieulx: & y donna beau-  
 coup de biens / & de reuenus: il fut fort doulx / paisible / & tresdeuotieulx  
 il fist faire plusieurs processions generalles pour abolir les prodiges / &  
 faire cesser le mauuais temps qui estoit lors: il mourut la sixiesme Calē  
 de du mois de Iuillet, Aps quil eut este pape par quatre ans / deux mois  
 & cinq iours: il fut enterre en leglise saint Pierre, Et vacca le siege qua-  
 tre mois & quinze iours.

¶ De Don, lxxx, pape: & premier du nom,



On estoit Romain, Sō pere eut nom Mau-  
 rice: il fut esleu & cree pape / au temps que  
 Grimoalde Roy des Longobars mourut  
 neuf iours apres quil eut este seigne de la  
 vayne du bras / & la cause de sa mort pour-  
 ce que se efforca a tyrer dung arc / vne flei-  
 che contre vne coulumb: pourquoy la  
 playe ou auoit este seigne se ouurit / & en  
 sortit si grande habondance de sang: quon  
 ne le peut estancher: il estoit vng homme  
 de petite stature / fort de corps / la teste cal-  
 ue & chaude: grosse barbe / & estoit fort di-

La mort de  
Grimoalde,

ligent a ses affaires: il fut enterre en leglise saint Ambroise / en la ville  
 de Pauye, Laquelle eglise auoit fait faire a ses despēs. ¶ Lors Pertaris filz  
 du roy Arisparti / lequel auoit este chassé par le roy Grimoalde: comme  
 cy dessus auons dit / & se tenoit en France, Ainsi que sen alloit en Bretai-  
 gne ouyt vne voix quon ne scauoit dōt elle estoit venue qui luy dit que  
 Grimoalde estoit mort: & quil allast repeter & se remettre au royaume  
 de son pere, pourquoy il fut esmeu dy aller / au moyen dicelle voix: & de-  
 fait sen alla aulx Italles: & trois mois apres la mort de Grimoalde il re-  
 couura le royaume de son pere sans aucune contradiction / noyse / ne  
 debat. ¶ En ce temps le Roy de France Dagobert mourut & fut vng hō  
 me de grande astute / fort ingenieulx / prompt a la main & hastif de con-  
 seil, Son ame fut deliuree de la main des diables / qui la tenoient pres de  
 lisle Liparee, par saint Denis / & saint Maurice martyrs / & p saint Mar-  
 tin le confesseur / lesquels saintz il auoit pour ses patrons / & les adoroit  
 singulierement quāt il viuoit. ¶ Et fist refaire leurs eglises le plus hono-

La mort du  
roy Dagobert



De Agatho, lxxxi, pape

Sainct piect  
martyr,

rablement quil peult faire. ¶ Le pape Don fist refaire le vestibule de saict pierre quon appelle le paradis: & le fist pauer de pierre de mabre: il fist restaurer leglise des apostres en la voye de Hostience: & leglise sainte Euphemie en la voye de Appie / il reduisit leglise de Rauenne / a leglise Romaine: laquelle auoit este longuement deuisee & separee de leglise de Romme / pourquoy on lappelloit Aleocephale, Et a ce faire se accorda Theodore: lors leuesque de Rauenne, ¶ Aucuns ont escript que en ce tēps saint proiet euesque de Cambray souffrit martyre pour la foy crestienne, Et pareillement aussi estoit vne sainte femme appelée Mezelinde fort chaste & pudique elle fut aymee par vng quon appelloit Ardenie, Mais pource quelle ne vouloit obtemperer ne obeyr a sa volente: il la fist tourmenter de plusieurs tourmens: pourquoy par la puissance diuine: il deuint auugle soubdainement: Mais la sainte Mezelinde requist nostre seigneur Iesuchrist quil luy voulsist rendre la lumiere: ce que nostre seigneur fist au moyen de ses prieres, ¶ Or le pape Don mourut la troisieme Yde du moys Dauril: & fut enterre en leglise saint Pierre: il fut pape cinq ans / cinq moys / & dix iours, Et lors le siege fut vacant par deux moys & xvi iours,

¶ De Agatho, lxxxi, pape: & premier du nom,



Constantin filz  
du filz Eracle  
empereur,

Agatho fut du pays de Cecile. Son pere eut nom Pannonie / il fut esleu pape lan de nostre seigneur sept cens / & deux ans: il estoit religieux quant il fut cree pape: il estoit de si sainte vie quil guerist vng ladre qui recontra en sa voye en le baisant: & estoit si doux & humain que iamais personne ne sen alloit dauccues luy / quil ne fust tout consolle & ioyeux, ¶ Et aussi en son tēps regnoit lempereur Constantin filz du filz Eracle / quon appelloit aussi Constantin. Cestuy Constantin vainquit en bataille /

La ciquiesme  
synode de Constantinoble,

les sarazins: & par tant les Rommains furent quietes des succides & gabelles quil falloit q paissent aulx sarazins / qui tenoient les portz de mer il eut grosse guerre contre les Vulgaires / qui estoient venus du pays de Cythia & vouloient occuper Thrace, Mais entre Pannonie & Messice fut la bataille / ou fut vaincu lempereur Constantin: pourquoy fut contrainct de faire paix telle quelle auccues les Vulgaires, ¶ Or ce fait le pape enuoya en Constantinoble deulx legatz, Celsa lauoit Iehan leuesque de Porriunce & Iehan diacre de leglise de Romme: pour estre au synode quauoit fait assembler / ou furent deux cens / quatre vingtz / & neuf euesques, Lempereur Constantin receut tres benignement les legatz du



pape: & commanda aux euesques qui estoient assemblez au synode qu'il  
 laissast les sophistiques / argumens / altercations / & aultres cauillations,  
 Mais iustement & legalement / on disputa quelle eglise debuoit estre  
 superieure & seulle, Et par le commandement de l'empereur furent appor-  
 tez les liures des anciens peres qui estoient aux estudes de Constantinoble  
 mais Gregoire patriarche de Constantinoble / & Machaire euesque  
 de Antioche / peruertoient les oppinions: & sentences & decretz des saintz  
 peres anciens, & disoient & affermoient estre seulement vne voulente  
 & operatiō en Iesuchrist, Contre la quelle les crestiens catholiques / par  
 raisons / & argumens / & auctoritez disoient & leur monstroient le cōtrai-  
 re: tellement que le patriarche Gregoire condescendit a leurs oppinions:  
 & sentences ensuiuant la voye catholique, Mais Machaire fut pertinax  
 & obstine en son opinion, pourquoy fut anathematize / & ceulx qui pa-  
 reillement tenoient son opinion, Et fut esleu & mis en son lieu Theo-  
 phane, Et lors fut decrete du consentement de ceulx qui estoient au syno-  
 de / tant grecz que latins quil nestoit que vne eglise: & en ce approuuerēt  
 car leuesque de Portuence le iour des octaues de la feste de pasques: cele-  
 bra la messe en latin: & comme on fait en leglise de Romme: en leglise  
 sainte Sophie: ou estoit l'empereur Constantin: & patriarche & tout le  
 peuple de Constantinoble: leuelz furent tous dune oppinio: & approu-  
 uerent estre la vraye maniere & mode de celebrer & sacrifier, Et qui do-  
 resnauant diroit le contraire viendroit contre la verite / & toute honne-  
 stete, Ceste sixiesme synode fut vniuersellement / ou furent: comme dit  
 est: deux cens quatre vingtz & neuf euesques, Et en la quelle synode fut  
 la sentēce & opinion confermee des saintz peres / Cycille / Athanaise /  
 Basile / Gregoire / Denis / Hylaire / Ambroyle / Augustin / & saint Ihe-  
 rosme: qui auoient dit escript & conclud deux natures / & operatiōs estre  
 en nostre seigneur Iesuchrist, Et fut reprouuee & anichillee l'oppinion  
 de ceulx qui disoient quil nen auoit que vne: pourquoy on les appelloit  
 Monothelites, ¶ La premiere synode: comme cy dessus auōs dit fut fai-  
 cte & celebree en Nycene / ou furent troys cens / & dixhuyt euesques: &  
 fut au temps du pape Iule: & de l'empereur Constantin & fut cōtre l'he-  
 reticque Arrien / qui par ses oppinions & heresies mettoit de diuerses sub-  
 stances en la Trinite, ¶ La seconde synode fut en Constantinoble en la  
 quelle furent cent & cinquāte peres: au temps de l'empereur Gratian / &  
 du pape Damase: & icelle fut contre le hereticques Macedone & Eudo-  
 xe qui nyent que le saint esperit fust dieu, ¶ La tierce synode fut en  
 Ephese / ou furent deux cens euesques: & fut au temps du pape Celestin  
 & le grāt epereur Theodexe, Et icelle fut tenue cōtre Nestoriē euesque  
 de Constantinoble qui affermoit que la vierge Marie nauoit este mere  
 de dieu, mais seulement dung hōme & diuisoit l'humanite & diuinite,  
 ¶ La quatriesme synode fut en Calcedone qui est vne ville pres Bezaice  
 ou furent six cens / & trente euesques au temps du pape Leon, & de Lem

Les six syno-  
 des ou furēt ce-  
 lebrees,

m.i.



pereur Marcian, & fut contre lheretique Eutichien abbe de Constātinoble: qui affermoit que apres que Iesuchrist eut prins chair humaine quil nauoit pas deux natures, mais seulement vne seule nature diuine: pourquoy fut decrete au synode q la vierge Marie seroit appelee Theotocos. pource quelle auoit enfante le vray dieu & homme, De la sixiesme synode nous en auōs asses ple cy dessus, Or cest la vraye foy de dieu & des hommes quil faust croire quil sont deulx voulētes en Iesuchrist & deulx operations, Nostre seigneur dieu dit: quanta la diuinite: ego & pater vnum sumus, Cest adire, moy & mon pere ne sommes q ung. Mais quant a lhumanite: il dit, pater maior me est, Cest a dire mō pere est plus grant que moy, Et pour ceste cause se tu le regardes & consideres dormir en la nauire: tu voys dormir son humanite: Mais si tu regardes sa diuinite: il commande aux vens & a la mer, ¶ Le pape Agatho mourut la, iiii Y de du moys de Ianuier: & son corps fut enseuely en leglise saint Pierre: il fut pape deux ans / six moys & quinze iours, En son temps apres lesclipse de lune & de soleil / regna vne grande pestilence: Par la mort le saint siege apostolique de Romme fut vactant par lespace dung an: & cinq moys.

¶ De Leon, lxxxii, pape & second de ce nom,



Institutions  
faictes par le  
pape Leon,

Il institua a  
bailler la paix  
a lagnus dei,

Leon estoit Sicilien, Son pere eut nom Pol il estoit grant clerc en Grec / & en latin: cōme ses liures & oeures le demonstret: & si estoit fort expert en lart de musique: il fist les hymnes / & les psalmodia: il ordonna quon bailleroit la paix: au peuple quāt on chanteroit en la messe / agnus dei: & conferma la sixiesme synode quauoit fait celebrer le pape Agatho, Et institua & ordonna que linstitutio de leuesque de Rauenne faicte par le clerge seroit nulle / & de nulle valeur celle nestoit faicte par lauctorite du

siege apostolique & icelle confermee, ¶ Le pape Leon ordonna pareillement / que vng archeuesque ne payeroit riens a leglise Rommaine pour lusaige du paille / ne pour les aultres offices, Car au moyen des pecunes quon en bailloit il en suruenoit beaucoup de maux, ¶ En ce tēps Theodata femme de Rhomoalde duc de Benneuent fist faire & edifier vne eglise pres Benneuent en lhonneur de Monsieur saint Pierre: & vng monastere de religieuses, Et peu de temps apres mourut Rhomoalde: & luy succeda Grimoalde / qui bailla la duche a son frere Gyfulphe, ¶ Le pape Leon mourut la quatriesme Calende du moys de Iuillet / & fut enterre en leglise monsieur saint pierre: il ne fut pape que dix moys / & a



sa mort tout le clerge & le peuple plouroit: comme sil auoient perdu leur pere / car il fut de grande doctrine / bon catholique & deuotieulx: par sa mort le sainct siege apostolique de Romme fut vacant par vnze mois: vingt & vng iour,

¶ De Benoist, lxxxiii, pape: & second du nom,



Bennoist estoit de la ville de Rome, Son pere eut nom Iehan: il succeda en la dignite papalle apres la mort du pape Leo. Des son ieune aage il estudioit aulx saintes escriptures: & fut si ayme de tous pour ses excellentes vertus q'il attiroit lamour & le cueur tant du clerge que du peuple de Romme / pourquoy dung commun accord fut esleu pape, Et icelle election fut confermee par l'empereur Constantin: lequel enuoyavng edit a Romme que incontinent que leglise & le peuple auroient esleu aucuns a la di-

gnite papalle que y fust repute & creu estre vicair de dieu, Et qu'on ne attendist dorenavant: lauctorite du prince de Constantinoble ou des hexarches & gouverneurs des Italles, ¶ En ce temps Pertharis roy des Longobars & Rhodelinde sa femme ensuiuoient la deuotion & religion du pape Bennoist, Car il firent faire deulx eglises, Cest assavoir le monastere sainte Agathe en la ville de Pauie: Et Rhodelinde sa femme fist faire l'autre eglise hors la ville pres du fleuve Tyrcin: en lhonneur & reuerence de la vierge Marie: & se dit communement leglise nostre dame aux partiques / & auoit delibere le roy pertharis de faire faire & edifier de belles & sumptueuses eglises: ce neust este que Alachis duc Tridentin: qui luy vint faire guerre: come fier & orgueilleulx pour la victoire quil auoit eue contre les Bauares: Mais neautmoins le Roy Pertharis chassa icelaluy duc iusque en Tridente: ou il lasiega: & le siege y fut asses longuement. Mais a la fin Alachis de nuyt sen fouyt, pourquoy le roy Pertharis: prinist Tridente & en iouyt & fist a sa volente, ¶ Cestuy Pertharis fut si doulx / & misericordieulx / quil pardonna a Alachis: & depuis le fist duc & gouverneur de Bresse, ¶ En ce temps apparurent au ciel comettes & estoilles, Et si sortit de la montaigne Veseno: qui est en Campanie / si grande habondance de feu que les lieulx circunuoisoins furent tous gastez & bruslez: & nest pas chose de merueilles, Car come dit & alegue pline / qui auoit escript & fait vng liure / qui fait mention de la nature des choses / quil fut enuoye par le commandement de l'empereur Traian en vne nauire pour voir la cause dou venoit le feu dicelle montaigne, Mais il fut brusle du feu qui sortoit dicelle montaigne, Mais dou venoit

Pertharis &  
Rhodelinde  
roy des Longo  
bars,

m,ii,



De Iehan, lxxxiiii, Pape & v, du nom

& que signifioit les comettes appareiffans au ciel: peu de temps apres furent grandes mortalitez/guerres/& rapines:& mortalitez des princes: & mefmement en ce temps mourut le pape Benoist/ qui fut de tous reputé saint, apres quil eut obtins la papalite par dix moys & xii. iours, il mourut aux Ides du moys de May: & fut ensepueli en leglise de monsieur saint Pierre. Et par sa mort le saint siege apostolique de Romme vacca par deux moys & quinze iours,

¶ De Iehan, lxxxiiii, pape  
Et cinquiesme du nom,

Iustinian em-  
percur & se-  
cond du nom.



Iehan estoit du pays Dantioche. Son pere eut nom Kyriaco. il fut cree pape ou temps que Lempereur Constantin mourut, Cest assauoir le xvii, an de son empire, Et luy succeda Iustinian second. ¶ En ce temps les sarrazins gasterent Lybie/& Aphrique & pillerent & desroberēt tout ce que trouuerēt/sur la mer, Pourquoy l'empereur Iustinian assemble vne grosse armee / & fist telle guerre aulx sarrazins/& mefmement a leur duc lequel appellēt admiral: que fut contrainct de demander paix / au moyen

de la quelle il restituerent Aphrique: Mais aucūns disent que icelle paix fut faicte en telle maniere: pour dix ans seulement. Cest assauoir que les sarrazins bailleroient par chacun iour mille escuz dor / & vng seruiteur sarrazin monte a cheual / a l'empereur de Rōme. ¶ Le pape Iehan homme de sainte vie & grande deuotion fut consacrer en leglise Constantienne / qu'on appelle De latran par trois euesques, Cest assauoir leuesq de Hostiense / leuesq de Portuēce / & leuesque de Beliterne: laquelle maniere & mode de faire ont garde les papes quant il ont este esleuz en leur couronnement. ¶ Et le roy des Longobars cōdiperthes luy donna vng baston d'argent dore pour enseigner des grans vertus qui estoient en luy. ¶ Le pape Iehan mourut le premier an de son pontificat: la quatriesme None du moys Daoust: & fut enterre en leglise monsieur saint Pierre. Et par sa mort le siege Rōmain fut vacant par l'espace de deux moys & dixneuf iours,

¶ De Conon, lxxxv, pape:  
& premier de ce nom





Conon estoit de Thrace / il fut nourri en la Sicille / il n'estoit que prestre quant il fut eleu pape / a son election eust grande alteration: Car les Rōmains vouloient auoir a pape pierre arche prestre de Romme: Et le peuple vouloit auoir Theodore prestre Mais apres longue dissention: finablement par la diuine puidence il condescendirent tous a vne voix & esleurent le pape Conō homme de singuliere vie / & bonne doctri ne / il estoit si venerable quil sembloit que ce fust vng ange pour cause de sa douceur

constance / & prudence, pourquoy fut conferme de tout le peuple / roy & mesmement de Theodore hexarque de Rauenne: lequel peu de temps apres mourut: & en son lieu & office fut institue Iehan platine, le croy que cestuy auoit baille le nō / ou lieu dont ie suis natif: qui se appelle Platine / pres la ville de Cremōne. ¶ Le pape Conon mourut le .xi. moys & tiers iour aps qui fut esleu pape la vnzieme Calēde du moys Doctobre & fut enterre en leglise sainct Pierre: & lors vacca le siege deux moys & xxiii. iours. ¶ Apres la mort du pape Conon Paschal Arche prestre de Romme qui gardoit les tresors de leglise & dispensateur du pape / bailla vne grande somme a Iehan platine hexarque affin que par son moyen il fust esleu a pape. Mais icelluy platine nen fist riens: cōbien quil eust promis de ce faire & fut fruste paschal de son intētion: & aussi la raison le vouloit pource quil le vouloit estre par argēt & auoit desrobbe le tresor du pape & de leglise quil debuait employer aulx pources & a refaire les eglises ¶ En ce tēps estoit Gubert euesque de Bretaigne / & saict liger euesque leq̃l le roy de Frāce Theodoric / fist martyrer pource quil le reŕnoit des tyrannies q̃ faisoit faire,

Hōmes saictz estoient en ce temps,

¶ De Serge, lxxxvi, pape & premier de ce nom,



Serge estoit Syrien du pays Dantioche, sō pere eut nom Tybere: il vint a Rōme au temps du pape de Dieudonne & fut fait p̃stre de leglise sainct Pierre, Et vint de ordre en ordre tant quil fut cree prestre avecques tiltre de leglise saincte Susanne aulx deux maisons: or a faire lelection du pape apres la mort du pape Conō il y eut grāde discētion, Car le peuple de Romme estoit diuise en deux parties: les vngs demādoiet larchediacre paschal: les aultres Theodore: Les Rommains qui faisoient pour Theo  
m,iii,



Serge fut esleu  
pape,

Iustinian se-  
cond idolatre.

dore estoient dedens leuesche de Latran, Et ceulx qui tenoient la partie de pascal occupoient le dehors depuis la chappelle saint Siluestre iusques a leglise de la maison Iulie qui est vers les champs: lors il y auoit si grande noyse & altercatiō: qu'on aperceuoit biē qu'il y auoit grosse guerre: pour ce qu'on congnoissoit q̄ Theodore & Paschal ne se accorderoient ensemble & que l'un ne voudroit renoncer la papallite au prouffit de l'autre: se nestoit par force ou guerre: pourquoy les gēs deglise / & les cheualliers se tyrerēt a part & consulterent de l'affaire pour obuier a la sedition, Et conclurent q̄ les deux pretendans a la papallite ne seroient point esleuz, Mais fut esleu par inspiration de dieu sans contredit / Serge pour estre pape, Et le porterent sur les espaules par la tourbe / & presse du peuple / iusques a la chappelle de saint Césaire martyr, Et puis en la maison episcopalle de Latran, & par force rompirent les portēs & furent chassēz ceulx qui estoient dedēs en guarnison / qui tenoient la partie de Theodore, Lors quant Theodore congneut que Serge auoit este esleu: il le recongneut a pape & le baīsa, Et pareillement en fist autant paschal / l'autre cōpeditur / combien que cestoit contre sa volente, Mais le peuple le contraingnōit a ce faire / qui estoit tout a lētour en armes: neautmoins ce paschal enuoya par deuers platine hexarque de rauenne lettres / & messagiers qu'il eust a tenir sa promesse: qu'il auoit promis luy ayder a estre pape & de luy receuoir des tresors de leglise, Et que facilement pouoit venir a romme & tuer ou faire tuer touz ceulx qui voudroient contredire, mais quant platine congneut que Serge auoit este esleu / du consentement du clerge & du peuple: il requist qu'on luy baillast ce que promettoit par les lettres. ¶ Lors Serge le pape fut aduertī des dons que auoit dōnez paschal qu'il auoit pris de leglise saint pierre dōt fut accuse / & aussi q̄ l'uoit dāt magique / dont il fut conueincu de Sortilege, pourquoy fut priue de son archidiacone / & fut mis en vng monastere pour faire penitēce / ou il y eut quit cinq ans en sa pertinacite & obstination: ce pendant Iustinian lempereur ne tint compte ne de dieu ne des hommes: Car il viola la paix q̄l auoit faicte aulx sarrazins / & Vulgaires & leur fist guerre, Mais il nī gaigna riens: car il perdit plus qu'il ne gaigna: & puis sen alla en Constantinoble / ou fist congreger & tenir vng synode / ou quel furent accordes au churis articles qui estoient contre la foy catholique: & le secretaire du pape Serge / qui lors estoit en Constantinoble: assez follement les signa & conferma: Mais quant il furent enuoyez a Romme Le pape Serge ne voulut ce approuuer / car il mettoient vne nature en nostre seigneur Iesuchrist, ou en a deux .car la vierge Marie a este dicte Theothecosme: re de dieu & homme, Pourquoy lempereur iustinian fut fort ire & courrouce contre le pape Serge, Et a ceste cause lempereur Iustinian enuoya Zacharie prothospataire / & Capitaine de son armee, afin qu'il print le pape Serge / & lamenast tout lie en la ville de Constantinoble, Mais les gens darmes & cheualliers des Ytalies / congneurent que Zacharie



estoit venu a Rome pour prendre le pape: a ceste cause ilz tuerent tous  
 ses gens qui estoient venuz avecques luy. Et ne sen faillut guieres que Za-  
 charie ne fut prins & tue, Mais il sen fouyt par deuers le pape Serge: le-  
 quel le cacha & mussa en sa chābre secreta: & puis secretement lenuoya  
 a l'empereur. ¶ Ce pendant qu'on faisoit tumulte a Rome par le com-  
 mandement de Iustinian: vng nomme Leonce a la faueur & req̃ste du  
 patriarche de Constantinoble: excita & fist esleuer le peuple de la ville  
 de Constantinoble, Et fist tuer les gardes des portez: & furent plusieurs  
 tuez & occis, Et print l'empereur Iustinian & luy couppa le nez: & lenuoya  
 en exil en l'isle de Chersonne. ¶ Apres que Leonce eut ce faict: il  
 semeut noyse & debat entre luy & Tybere/ bourgeois & citoyen de la  
 ville de Constantinoble, Lequel fut cree empereur par les cheualliers  
 pourquoy soudainement vint en Constantinoble: & print Leōce & luy  
 fist coupper le nez: comme il auoit faict a Iustinian, Et puis le fist met-  
 tre en prison pour luy faire encores plus de vitupere, Il enuoya en exil  
 Phelippes filz du patrice Nicophori/ quil luy auoit ayde & fauorisé a  
 estre empereur, Et la cause fut pource quil cestoit vête a ses compaignōs  
 quil auoit veu en son dormant vng aigle qui le couuroit de ses ailles, Et  
 auoit paour Tybere que cela signifiait que vne fois le ieune enfant fust  
 empereur. ¶ Or en ce temps Pepin estoit gouverneur & duc Daultrie:  
 lequel se delibera de occuper le royaume de France, Et apres quil eut  
 vaincu en guerre Theodorice roy de France: & chassé Bertrad grant mai-  
 stre d'hostel de France, Le roy Theodorice fist paix avecques luy: & de-  
 puis le fist gouverneur du royaume de France: & grāt maistre de la mai-  
 son de France. ¶ Or apres que le pape Serge fut en paix/ pour cause que  
 Julian l'empereur auoit este enuoyé en exil, Il fist reffaire plusieurs eglī-  
 ses: & entre les aultres/ leglise saint Pierre: & y donna de precieux dons  
 dor & d'argent: & aultres aornemens deglise, Il trouua en leglise saint  
 Pierre/ vne grande partie de la sainte croix/ en vne capse & coffre faict  
 darain, Et fist le corps saint Leō/ qui estoit aillez villemēt enterre/ met-  
 tre en vng beau tumbeau honorablement/ ainsi que les merites du saint  
 le requeroient, Et fist reffaire les ymages des apostres qui estoient cadu-  
 ques & vieilles, Il ordonna qu'on chanteroit Agnus dei/ quant le prestre  
 romperoit l'hostie sacree du corps nostre seigneur, Et fist tant par sa do-  
 ctrine/ quil reduisit leglise Daquilee a la foy crestienne: car elle ne vou-  
 loit approuuer la cinquiesme Synode. ¶ Aucuns disent que le Roy Pe-  
 pin fist martyrer saint Lambert: Pource quil entretenoit vne femme  
 nommee Alpiade/ & delaissoit sa femme ppre, Et celluy qui tua saint  
 Lambert fut frere d'icelle Alpiade, Mais peu de temps apres il mourut  
 d'une maladie pediculaire: cest que les poux le mengerent. ¶ Aucuns  
 escripuent que par la saintete & vertu du pape Serge/ tout le peuple de  
 Saxonie se firent baptiser & se firent crestiens, Et puis mourut la dixies-  
 me Yde du moys de Septēbre & fut enterre en leglise saint pierre il fut

Leonce fist  
coupper le nez  
a Iustinian em-  
pereur

Pepin maistre  
du palais de  
France

L'institutio de  
dire agnus dei

Saint Lābert



De Iehan, lxxxvii, pape: & vi, de ce nom,

pape treze ans/huyt moys/& vingt & troys iours, Et lors vacca par sa mort le siege apostolique vng moys/& vingt & vng iour,

¶ De Iehan, lxxxvii, pape: & sixiesme de ce nom,



La mäsuetude  
du pape Iehan  
vers les creſti-  
ens,

Ehan Pape eſtoit de la nation de Grece, Il fut eſleu pape au temps que Theophilite hexarque vint aux ytalies, Mais incontinent que les cheualliers yталиens ſceurēt & congneurent ſa venue eurent paour, Pource quilz tenoient touſiours la partie & fauoriſoiēt aux papes plus que aux empereurs, Pourquoi delibererent de le tuer ainſi quil entroit en la ville de Romme, Mais par le moyen du pape Iehan qui fut mediateur de faire la paix entre luy & les yталиens: A ceſte cauſe ſen alla en la ville

de Rauanne: & ce pendant Gyſulphe duc de Beneuent/auccques groſſe armee occupa la Champaigne/Sorre/& Arpine, Il bruſſa les villes/& fiſt prendre les gens ruſtiques & laboureurs & leurs beſtes/& les fiſt mener tous priſonniers & captifz ou bon luy ſembla, Mais le pape Iehan eut pitie & douleur en ſon cuer/des maulx quon faiſoit aux paoures gēs de labour, Pourquoi enuoya a Gyſulphe ſes legatz & ambaffadeurs quilz luy dirent qui laiſſaſt le pays de Cāpane/& les villes & chaſteaulx des Herniēs/& ſen retournaſt en Samnie, Et ſi ne le faiſoit que de brief il ſentiroit lire de dieu deſcendre ſur luy, Du commandement du pape & des amonitions/Gyſulphe eut paour:& fiſt reſtituer les chaſteaulx & villes quil auoit prinſes & occupees/& ſen retourna en Beneuent, Et le pape Iehan fiſt rachapter les captifz de l'argent & treſor de legliſe,

¶ Or Iuſtinian l'empereur que nous auons dict que Tybere auoit enuoye en exil en Cherſonne, Il fiſt tant quil ſen eſchappa & ſen alla par deuers Cacame duc des Bauares/lequel le receut treſbegninemēt/& luy promiſt bailler ſa fille en mariage, Mais puis apres il voulut trahir ſon gendre & ſon hoſte/pour lor & l'argent quil auoit receu de Tybere, Et incontinent que Iulian congneut la trahiſon il ſen fouyt a Trebellium roy des Bulgares, Par lequel Iuſtinian par force & par armes fut remis en ſon empire, ¶ Et ce pendant que ſes guerres ſe faiſoiēt en Europe: les ſarrazins occupoient Lybie & Aphrique/& paſſerent la mer Atlantiq: Ilz occuperent toutes les Heſpaignes/excepte Aſture & Cantabre: ceſtoient les dernieres heſpaignes, Or Aphrique qui auoit eſte par Belliſaire duc du premier empereur Iuſtinian recouuerte des infideles & miſe en la ſubiectiō de l'empire des Rommains:& y auoit eſte par leſpace de cent ſoixante & dix ans, Eſt maintenant occupee par les Sarrazins a-



uecques Betique/que maintenant on appelle Granate/obeissent & viuent selon les loix & coustumes des Sarrazins/il ya desia sept cens quarante ans, Laquelle chose est vne grande infamete/lachete/& vitupere de la foy crestienne, Et les Hespagnolx qui se vantent estre si ingenieux & si fors/ne peuvent iceulx sarrazins chasser & mettre hors de leur pays & region de Europe, ¶ Aulcuns ont escript que en ce temps estoit le venerable Bede grant clerc en latin & en grec, Et de la calamite & persecution des sarrazins en auoit lors escript aux roys & princes crestiens, Affin de faire guerre contre les sarrazins ennemis de nostre sainte foy, Il eut deux freres: cest assauoir/Strabo/& Haimo/qui furent hommes de grande science & doctrine, Lung fist plusieurs homelies:& lautre fist vng comment sur le liure de Genese, Et pareillemēt aussi Bede escriuit sur les actes des apostres, Et fist de belles homelies/que les prestres & gens deglise de frāce vsent en leur seruice, Et fut dict venerable pour ce quil estoit fort modeste & de grande deuotion, ¶ Apres que le pape Iehan eut faict refaire leglise saint Andre en Vaticane, & faict retourner leglise saint Marc:& faict refaire lautel de saint pierre, Il mourut & fut enterre aux cathecumbes de saint Sebastian en la voye Dappie, Il fut pape troys ans/& troys moys, Aulcuns disent quil fut martire/mais on ne trouue par qui ce fut, Le siege Rommain par sa mort vacca par lespace dung moys/& vingt iours,

Exhortation  
aux princes  
despaigne,

Bede venera-  
ble pstre estoit  
en ce temps

¶ De Iehan, lxxxviii, pape: & vii, de ce nom,



E pape Iehan estoit Grec, Sō pere auoit nō Platon, Il fut cree & esleu pape au temps q Justinian recouura son empire/& retourna en Constantinoble, Et qui fist occire Tybere & Leonce publiquement/par lesquels il auoit este mis & chassé hors de son empire, Et fist mourir beaucoup de leurs amys/& les aultres les fist mettre aux prisons/& par chascun iour il en faisoit mourir vng, Et mesmement quāt il se couchoit car il luy souuenoit de ses narilles que Tybere luy auoit faict coupper, Il fist creuer

De le pereur  
Justinian & de  
ses mauuais  
meurs

les yeux a Gallanique patriarche de Constātinoble:& puis lenuoya en exil en la ville de Romme, Et en son lieu y mist labbe Syrie/quil luy auoit ayde quāt il estoit en exil a chersonne, Mais il estoit aussi fol quil estoit auparauint quil eut perdu son empire, Car il fist faire vng Synode a sa poste qui sentoit lheresie:& manda au pape Iehan par lettres & liures/quil vouloit que les Rommains occidentaulx approuuassent iceluy Synode aussi bien que les orientaulx, Mais le pape Iehan renuoya



De Sifine, lxxxix, pape: & i, du nō, Et de Cōstātin, xc, pape: & i, du nō,

les deux metropolitains a lēpeneur / ainsi quilz estoient venuz / sans vou-  
loir approuuer icelluy Synode comme heretique: & excōmunia tous  
ceulx qui soustiendroient icelles erreurs. Le pape Iehan fist construyre  
vng oratoire en lhonneur de la vierge Marie / en leglise sainct Pierre: &  
fist refaire leglise saincte Eugene / qui estoit toute en ru yne: & fist racou-  
trer les cimitieres saint Marcellin / saint Marc / & Damasi pape: Et fist  
oultre racourtr plusieurs eglises / & icelles païdre / & les statues & yma-  
ges des saintz. Il mourut la quinziesme kalende du moys de Nouem-  
bre / apres quil eut este pape deux ans / sept moys / & dixsept iours, Il fut  
enterre en leglise saint Pierre / deuant lautel de la vierge Marie / quil  
auoit fait faire. Et lors par sa mort le siege vacca par troys moys,

¶ De Sifine, lxxxix, pape: & premier de ce nom,



Le corps saint  
Benoist fut ap-  
porte en France

Sifine pape ou comme disent aucuns Sosti-  
me estoit du pays de Syrie, Sō pere auoit  
nom Iehan, Il vesquit seulement vingt  
iours apres quil fut pape, Et en ce temps  
on dict que le corps saint Benoist fut fur-  
tiuement desrobe & prins de la mōtaine  
ou il estoit appelle Calfine / qui estoit vng  
lieu solitaire / & ou ne demouroient guies-  
res de gens / & fut apporte en France. ¶ Le  
pape Sostime estoit si podagre & chiragre /  
quil ne pouoit cheminer / ne boyre ne mē-  
ger / au moyen de la maladie de ses mains,

Mais neantmoins il auoit deslibere faire refaire les murs de la ville de  
Rōme / & pareillemēt les eglises: Et auoit achapte les matieres pour ce  
faire: & son intētiō estoit telle quil vouloit refaire les eglises plus sum-  
ptueuses & belles q̄lles nauoient este auparauāt, Mais il mourut trop sou-  
dainemēt: & fut enterre en leglise saint Pierre: la, viii, yde du moys de  
Nouēbre, Et lors vacca le siege vng moys / &, xviii, iours,

¶ De Constantin nonante pape: & p̄mier de ce nom,



Constantin estoit natif de Syrie, Son pere  
auoit nom Iehan, Il fut esleu pape au tēps  
que la famine estoit a Rome / ou elle dura  
par troys ans, Mais il ayda & secourut si  
bien les rōmains / & mesmemēt le paoure  
peuple / quilz disoient tous. que le pape Cō-  
stantin leur auoit este enuoye du ciel pour  
les secourir, ¶ En ce temps lempereur Iu-  
lian enuoya en despit du pape & du nom /  
en hile Cherfonense le patrice Maurice / &  
Helye spataire / pource que en ce lieu il y  
auoit este banny, Et fist tuer & occire tous



ceulx qui excedoient laage de puberte & adolescence, Il fut de si grande La cruaulte de ingratitude / que combien que par layde & secours du roy Trebellium / l'epereur Iulia il eust este restitue en son empire: neantmoins ainsi. quil auoit guerre cōtre les Thraces, Iustinian le vint a force d'armes avecques son ost assailir / sans que le roy Trebellium en sceust riēs, Mais neātmoins Trebellium si porta si vaillāment quil le rechaissa / & Iustinian eut grande perte de ses gens, ¶ Lors pource que Felix euesque de Rauanne auoit pris les sainctes ordres du pape Constantin, Mais par arrogāce ou aultremēt nauoit voulu enuoyer a Romme l'argent quil estoit tenu de faire / selon la forme & maniere qui estoit par escript, Iustinian en gardant les droitz de leglise de Romme / neantmoins auparauant il auoit faict tout le contraire / comme appert cy dessus. Il enuoya en la Sicille Theodore patrice: & luy bailla en charge quil fist guerre contre ceulx de la ville de Rauanne: ce que fist Theodore / car il les vainquit & leur fist beaucoup de maulx, Et puis print Felix leuesque de Rauanne / & lenchefna de chaînes de fer / & lenuoya tout ainsi par mer en Constantinoble / ou Iustiniā luy fist creuer les yeulx en ceste maniere, Il fist chauffer vng vaisseau darain parfont: tellement quil estoit tout rouge / & puis fist regarder Felix dedans le vaisseau si longuement: que au moyē du feu qui sortoit du vaisseau / il perdit facillemēt la veue des yeulx / tellemēt quil fut auēgle: & puis lenuoya en exil en lisle pontique, Mais le pape Cōstantin ne approuua pas icelle cruaulte / ains vouloit reduyre Felix a leglise & nō pas luy faire telz tourmens, ¶ Or ce pendant que ces choses se faisoient par le pape & lempereur Aisprande vouloit recouurer le royaulme des Longobars / quil disoit luy appartenir par la mort de son feu oncle: vint aux ytalies avecques grosse armee / & le roy des Bauares: Et se rengerent en bataille contre le roy Arithperto / tellement quil fut vaincu, Et pour ceste cause il iouyt du royaulme des Lōgobars, Or ainsi q le roy Arithperto sen fouyoit pour la paour quil auoit / il se noua en vng fleuve qui estoit fort impetueux, Mais peu de temps apres Aisprande mourut: Et luy decede son filz Liuthprande succeda au royaulme: Et comme leur roy les Longobars le receurent & approuuerent, ¶ Lempereur Iustiniā auoit grant desir & volente de veoir le pape Constātin: pourquoy luy enuoya des nauires / & luy pria quil se trāsportast par deuers luy en Cōstantinoble: Ce que voulentiers fist le pape / & se mist sur mer: & firent tant par leurs iournees quilz approcherent la ville royalle de Constantinoble, Et luy vindrent au deuant / Tybere filz de Iustinian / avecques tous les nobles du pays / & royalle compaignie, Et aussi y vint Cyre patriarche de Constantinoble / & tout le clerge, Et trouuerent le pape qui estoit pres de Constantinoble / enuiron huyt iectz de pierre / auquel ilz firent grande reuerence & hōneur, Et le pape estoit habille & vestu dūg Camelant / a la mode des papes / en grāde solempnite & pompe entra en Constantinoble, Et puis sen alla en Nicomedie / ou fut aussi treshonora

Guerre en Sicille,



La mort de Iu-  
stinian & de son  
filz Tybere

De mettre les  
ymaiges des  
sainctz & mar-  
tyrs aux eglises.  
De ne escrire  
les noms des  
empereurs he-  
retiques

blement receu. Et lors Iustinian estoit en la ville de Nycene / mais peu  
apres il vint en Nycomedie / & receut le pape trefdeuocieusement / & luy  
baïsa les piedz / & puis le traicta au mieulx quil peult. ¶ Et aps plusieurs  
iournees que le pereur & le pape eurent parle ensemble de plusieurs cho-  
ses, Iustinian conferma les decretz des papes: & puis Constantin en pre-  
nant conge de luy pour sen aller a Romme lamonna: quil ne fust plus  
de mala Phelippes qui estoit en exil en lisle Chersonne: affin que au  
moyen de cene luy suruint aucun mal. Car le pape scauoit bien q icel-  
luy Phelippes estoit de grāt couraige / & de grant esperit & cōseil. Mais  
Iustinianne voulut croire le conseil du Pape constantin: car incōtinēt  
quil fut party pour sen aller / il ēuoya plusieurs nauires en lisle de Cher-  
sonne pontique / affin quon tuast Phelippes. Mais les gens darmes qui  
estoient dedans se tournerent de la partie de Phelippes / & sen vint en ar-  
mes en icelle nauire en Cōstātinoble / & en bataille qui fut faicte a dou-  
ze mille pres constantinoble / occist lempereur Iustinian & son filz Ty-  
bere. Et lors du consentement de tous fut esleu empereur: & puis fut re-  
legue & enuoye en exil le Patriarche cyre en lisle pōtique. Pource quil  
auoit este daccord avecques le Pape / & quil auoit obey aux decretz de rō-  
me. Et en son lieu y fut mis vng moyne nomme Iehan grant heretique.  
Et Phelippes lempereur enuoya a Romme messagiers faire comman-  
dement au Pape & a leglise de Romme / de ensuyure & tenir du tout la  
doctrine de Iehan le Patriarche & icelle approuuer. Mais le Pape Con-  
stātin fist assembler vng Synode / par leq̄l furent reprouuees les oppinīōs  
de Phelippes / & du moyne Iehan. Et fut dict & discerne que les yma-  
ges des sainctz peres seroient painctes a lentree de leglise saint Pierre:  
Pource quon auoit entendu quelles auoient este ostees & abolies p̄ Phe-  
lippes / de leglise sainte Sophie. Combien que par six concilles il eust  
este dict & approuue / icelles mettre painctes aux eglises. Et oultre ordō-  
na le Pape quon ne mist ne escriuist le nom d'ung empereur heretique  
aux escriptures publiques ne priuees / ne pareillement en or / argent / ne  
plumb. Or Anastaise Arthemien fist vng amatz de gens darmes: & par  
force chassa Phelippes hors de son empire / apres quil eut regne vng an  
& six moys: & le print & luy fist creuer les yeulx. Et puis rescriuit au  
Pape constantin quil vouloit leuer la foy catholique / & estre deffenseur  
dicelle / & tenir & obseruer la sixiesme Synode. Mais troys ans apres les  
cheualliers ne tindrent plus conte de luy. Et fut contrainct par Theo-  
doxe qui fut empereur en son lieu / de recepuoir les saintes sacrees ordres  
affin quil ne peust plus reuenir a lempire. ¶ Theodexe fut catholique  
il fist remettre les ymaiges des sainctz peres aux eglises. Lesq̄lles auoient  
este destruictes & demollies par Phelippes comme nous auons dict. Et  
Felix archeuesque de Rauanne qui auoit este enuoye en exil en lisle pō-  
tique par Iustinian. Apres quil eut laisse son heresie il fut renuoye en  
son pays / & fut remis en son siege / dont il auoit este priue. Et lors fut de-



claire leuesque Ticinense estre subiect au saint siege apostolique / & nō pas a larcheuesque de millan / dont long temps en auoit este altercation entre les deux prelatz. ¶ Aulcuns disent que en ce temps vindrēt a Rōme en pelerinaige deux Roys de Saxonie / lesquelz y moururent de peste. Et peu de temps apres mourut le pape Constantin: la quatriesme yde du moys de Feburier, Et fut enterre en leglise mōsieur saint Pierre, Il fut Pape sept ans & vingt iours, Et lors vacca le saint siege apostolique par l'espace d'ung moys & quarante iours,

¶ De Gregoire, xci, Pape: & second de ce nom,



Regoire Pape estoit Romain, Son pere auoit nom Marcel, Il eut & print les saintes ordres soubz le pape Serge: & auoit en gouuernement les choses sacrees / & les liures: pource quil estoit de grande foy, Et apres quil eut receu lordre de dyacre / il alla avecques le Pape Constantin en Constantinoble: ou il disputa tressubtillement contre aulcuns heretiques touchant la foy crestienne / dont chascun sesmerueilloit de son engin entendement science & doctrine, Il estoit de si grande erudition & facō-

de / que facilement il confondoit tous ceulx quilz nestoient bons crestiens. ¶ Au commencement quil fut esleu & cree Pape / il fist refaire les murs de la ville de Rome / qui estoient en aulcuns lieux tūbez & cheuz, Et aussi fist la grande eglise de saint Pierre / & de saint Laurens martyr: & aultres eglises qui estoient toutes en ruine / rompues & destruites, Et aultres eglises fist reparer / ou il donna de beaulx dons dor & d'argent, Et fist refaire le monastere qui est pres leglise saint Pol / en la voye de Hostie: ou a present on voyt encores les ruynes, Et oultre fist refaire le monastere saint Andre / qui sappelle Barbare, Et y mist des moynes qui nuyt & iour a la louange de dieu faisoient le seruice diuin,

¶ Et aulcuns luy donnent ceste louange / que par son moyen le peuple de Germanie / fut cōuert & cōferme a la foy de Iesuchrist, Pource quil y auoit enuoye vng saint religieux nōme Boniface / qui si biē les prechea / qui leur fist cōgnoistre la verite & sainte foy de Iesuchrist, Et la plus grāde ptie des Germainz ainsi endoctrines p Boniface: vindrent a Rōme ou furēt baptisez par le pape Gregoire de ses propres mains,

¶ Liutphrade au cōmēcemēt de son regne occupa la plus grāde ptie de Baioaire: & print la ville de Rauāne, Et lors en ce tēps le fleue du tybre fut si grāt ql passoit p la porte Flaminee / & alloit dedās rōme / en la voye late: leaue y estoit de la haulteur dūg hōme, Et du pōt miluie ius-

Reparations  
faictes aux  
eglises p le pa-  
pe gregoire se-  
cond

n.i,



Prodiges & si-  
gnes apparus-  
rēt en ce tēps

Guerre cōtre  
les lōgobars

la guerre char-  
les martel cō-  
tre les sarrazins

ques aux degrez de saint Pierre on alloit en grans bateaulx, Et ce delu-  
ge & grans eaux/durerent par l'espace de sept iours: ou les Romains &  
habitans de la ville eurent de grans dommaiges/car plusieurs maisons  
furent destruićtes & rompues, Et pareillement les arbres & bledz furent  
gastes & destruićtz pour la rauine & grande habondance des eaux, Et  
lors la lune receut esclipse iusques a la moytie de la nuyt: & auoit vne  
couleur pleine de sang, Et apput vne comette au ciel qui auoit la queue  
vers Septentrion/qui signifioyt plusieurs maulx quilz debuoiē ad-  
uenir, Pourquoy le pape Gregoire fist faire souuenteffoys des proces-  
sions/pour appayser lyre & fureur de nostre seigneur Iesuchrist, ¶ Or  
ce faisant fut rapporte au pape Gregoire/que les Longobars auoiēt pris  
& occupe le chasteau Cumanne/dont fut bien fort courouce le Pape/ &  
enuoya admonnester les Longobars/sur peine dancourir lindignation  
de dieu omnipotent/quilz eussent a rendre & restituer icelluy chasteau  
quilz auoiē prins par fraude & contre la paix quilz auoiē promise:  
Lesquelz de ce faire furent reffusans: combiē que par plusieursfoys fus-  
sent admonnestez & enhortez: mais ilz nen tindrent conte, Pourquoy le  
pape Gregoire appella & inuoqua a son ayde tous les cheualliers de na-  
ples/ & les fist souldoyer: & avecques les cheualliers de la ville de Rom-  
me/leur bailla en commandement de prendre par force icelluy cha-  
steau, Et leur bailla pour les mener & gouuerner Theodune soubz dyas-  
cre, Et firent tant quilz prindrent le chasteau ou furent tuez & occis/troys  
cens hommes/de ceulx qui estoient dedans pour la garde du chasteau/  
& cinq cens furent prins prisonniers/ & puis les menerent en la ville de  
Naples, ¶ Or apres que le pape Gregoire eut faict paix/il semist a re-  
parer & refaire les eglises: Cestassauoir leglise sainte Croix en Hieru-  
salem/que long temps auoit quelle estoit toute rompue & destruićte:  
Et fist du tout faire loratoire Osanne en la montaigne Celie, Il fist fai-  
re vng monastere en lhonneur de madame sainte Agathe/au lieu ou  
estoit la maison de son pere apres que sa mere fut morte, Et y dona beau-  
coup de biens & heritaiges/tant aux champs que en la ville: pour sub-  
uenir a nourrir & alimenter les religieux dicelluy monastere,  
¶ Or pource que les Sarrazins & infideles/congneurent que les Cre-  
stiens auoiēnt guerres & discors ensemble, Laisserent Aphrique & vin-  
drent en Hespaigne: laquelle ilz destruy firent & pillerent, Et puis sen-  
vindrent eulx leurs femmes & enfans/en la prouince Daquitaine, La-  
quelle prouince & pays ilz vouloient occuper/ & y habiter & demourer  
Et lors estoit en France Charles martel filz du roy Pepin, Lequel estoit  
prise & estime de tous fort vaillant/ & expert aux faictz de la guerre,  
¶ Le roy Pepin eut deux filz/apres que Grimoalde fut mort: Cestassauoir  
Charles le grant/ & Charles martel, Leql apres obtint le royaume  
de Frāce: combiē ql eust lors beaucoup aduersaires/come Eudō duc da-  
quitaine/ & le roy Chilperic: lequel les Frācoys eslurēt pour leur Roy



Pource quilz auoient enuie contre Martel, Mais Charlesmartel passa la riuere de Sene & vint pres de la ville Dorleās avecques grosse & forte armee: & au premier conflit il chassa & debouta tous les ennemys: & seul iouyt du royaulme de France, Il passa le fleuve du Rain: & subuergua les Saxons / Allemans / Sueues / & Batuares: & les rendit subiectz au royaulme de France, Mais quant il vit & congneut que le duc Daquitaine Eudon / auoit appelle les Sarrazins / pour venir en la gaulle & France, Charlesmartel y alla au deuant avecques son ost & armee / & les rancontra au pres de la ville de Tours / la ou fut vne grande & merueilleuse bataille entre les Francoys & les Sarrazins, ¶ Et comme ont escript & declaire les Hystoriens / en icelle bataille furent tuez & occis troys cens & soixante mille Sarrazins, Et des Francoys nen fut tue que mille cent & cinquante, Pourquoy le duc Eudon eut si tresgrant paour / que puis apres il fist paix avecques le Roy Charlesmartel, Et a ceste cause par le moyē de Charlesmartel / les Sarrazins furent chassez & deboutez hors de france & despaigne, Dont les Sarrazins conceurent & engendrerēt si grande rage en leurs cueurs: quilz sen allerent en Constantinoble / ou assiegerent la ville tant par mer que par terre / & y furent deuant par l'espace de troys ans, Mais la famine / le froit / & la peste / leur fist leuer le siege / & chascun sen alla en son pays dont il estoit venu, ¶ Aucuns disent quilz moururent en la ville de Constantinoble / troys cens mille hommes de maladie de peste, Et apres que Liutphrande roy des Longobars eut par long temps assiege la ville de Rauanne / il la print & destruyfit: & tout ce qui estoit en Ticine emporterent & rauyret, Parquoy ie croy que lors ilz apporterent a Pauye le cheual darain / ou est vng hōme dessus / que les habitans appellent Regisolem, Cest la coustume des choses humaines: car ce que le Roy Theodoric & les aultres Roys des Gothz auoient desrobe & emporte de Romme & porte en la ville de Rauanne & de Rauanne a este emporte en plusieurs lieux, Et ce pendant aucuns Rommains sedicieux conspirerent contre le Pape: & estoient les principaulx de la coniuuration, Cest assauoir / Basille / Iordanne / Carthilaire / Iehan soubdyacre / qui estoit furnōme Luriō / Marin spatare / qui estoit gouuerneur de la ville de Romme de par l'empereur, Mais la coniuuration fut differee / pource que l'empereur reuoca Marin: mais les conspirateurs tenterent & prirent Pol hexarque / affin quil fust de leur conspiration: car ilz le vouloient faire leur duc & seigneur en icelle conspiration, Mais quant le peuple de la ville de Romme secut & congneut icelle conspiration / chascun se mist en armes, Et y eut si grosses noyles & esmeutes / que Iehan soubdyacre & Lurion furent occis & tuez, Et le demourant des conspirateurs furent dispersez, Et fut prins Basile qui fut enferme en vng monastere / ou il mourut, ¶ Or pource que Pol auoit este fort offence par le pape / pource quil deffendoit les exactions & vectigaulx nouueaulx quil faisoit, Commenca occultemēt & publiqumēt

n.ii,

Troys cēs fois  
xāte mille sar-  
razins occis  
pres tous par  
charlesmartel

peste en cōstā-  
tinoble ou  
moururent  
troys cēs mille  
hommes



De Gregoire, xci, Pape: & second du nom,

chercher & querir le moyen comment il pourroit faire mourir le Pape gregoire: car l'empereur luy auoit mande & en charge ce faire. Mais les Rommains & les longobars deffendirent le Pape gregoire. Et a ceste cause quant l'empereur leon vit & congneut / que publiquement il ne pouoit attenter en la personne du Pape gregoire. Il fist faire vng edict / q̃ tous ceulx qui estoient subiectz a l'empire de Romme / quilz eussent a oster & deffacer toutes les statues & ymaiges des saintz martyrs & anges des eglises: & disoit ce faire pour obuier a ydolatrie. Or a cest edict si cruel / le Pape gregoire ne voulut obtemperer ne obeyri. Mais admonnesta tous les vrayz catholiques quilz ne tūbassent en telle erreur: pour crainte de ledict & commandement de l'empereur. Pour lequel edict & commandement que l'empereur auoit fait / ne se faillit guieres que les ytalians ne cūleussent & creassent vng aultre empereur. Mais le Pape Gregoire de ce faire les desenhorta & garda. ¶ Et en ce temps fut si grant tumulte discention & debat en la ville de Rauanne / pour cause que les aulcuns tenoient pour l'empereur. Et les aultres pour le Pape / que pour cause du different noyse seismeut: ou fut tue & occis Pol hexarque & son filz. Et depuis del par l'empereur fut enuoye Eutichius / qui auoit en mandement & charge de faire promesses & dons aux Longobars / pour les separer / oster / & diuiser / de la beniuolence amytie & compaignie du pape. Mais combien que par long temps il tentaist les Longobars de ce faire: neantmoins il nen peult venir a sa voulente / pourquoy il les laissa iusques a vng temps. ¶ Lors le Pape Gregoire fist la paix entre le Roy des Longobars / & les Ducs de Spolete / & Beneuent. Lesquelz le roy des longobars auoit deslibere les opprimer & destruyre. Mais le Pape p̃ sa vertu & science / rendit icelluy roy tresdoulx / en luy desclairant lauctorite de nostre seigneur: lequel auoit este si māsue / piteux / & amyable: quil pardonnoit a tous. Pourquoy le roy leur pardonna: & lors donna a leglise saint Pierre son espee / son baudrier / armilles & aultres armures. L'empereur Leō phrenatique / & comme incense & fol: fut encores vne fois agite du mauuais esperit. Et commanda & en chargea a tous / quilz eussent a luy apporter toutes les ymaiges & simulachres / fussent de boys / darain / de cuyure / ou de marbre. Lesquelz incontinent quil les eut / il les fist brusler. Et ceulx qui en auoient quilz ne les auoient apportez / il les fist prendre / & leur fist trancher la teste. Et pource que Germain patriarche le reprenoit de ce quil faisoit / il lenuoya en exil. Et en son lieu y mist Anastase heretique. Lequel le Pape gregoire par le decret du Synode / quil auoit assemble pour ceste affaire / priua & excommunia / & luy interdict le diuin seruice / sil ne retournoit a la sainte foy catholique & crestienne. Et oultre plusieurs fois le Pape gregoire enuoya lettres a l'empereur / par lesquelles il luy mandoit & ladmonnestoit / de laisser les meschantes erreurs d'aulcū mauuais heretiques / & quil retournaist a la sainte foy catholique. Et aussi quil laissast les ymaiges & statues

Lobstination  
de l'empereur  
leon

L'empereur leō  
fist brusler les  
ymaiges des  
saintz estans  
aux eglises



des sainctz aux eglises: au moyen desquelz & par leurs exemples les cre-  
stiens sont excitez & mis a enluyure leurs vertuz. ¶ Aulcuns disent que  
en ce temps Boniface religieux retourna de Bretaigne a Romme, Et  
pour sa sainctete/le Pape de moyne le fist euesque, Et puis lenuoya en  
Germanie/pour prescher & monstrier aux Germainz bonne exemple/  
& les confermer & entretenir en la foy catholique: laquelle chose fist si  
honnestement/que par ses merites fut cree euesque de Magunce, Et de-  
puis il sen alla en Aphrique/pour prescher & annoncer la parolle de no-  
stre seigneur Iesuchrist, Et la ainsi quil preschoit fut prins des ennemis  
de nostre saincte foy/& fut pareulx tue & occis, Et estoit aussi en cetēps  
sainct Gilles de la natiō de Grece: lequel estoit de vie saincte/& faisoit  
beaucoup de miracles, Et lors Petronie citoyen de Romme/pour la de-  
uotion quil auoit a monsieur saint Benoist/a ses despens fist refaire le-  
glise saint Benoist/qui estoit du tout destruite & delaissee, Mais le bō  
sainct Gregoire pape/qui commouoit tous crestiens par sa saincte vie/  
& bonne exemple & doctrine a toutes vertuz, Alla de vie a trespassemēt  
la troisieme yde du moys de Feburier, Et fut enterre & enseuely en le-  
glise monsieur saint Pierre, Il obtint la papalite seize ans/neuf moys/  
& neuf iours, Et apres sa mort le siege fut vaccant/par l'espace de trente  
& cinq iours, On dict que au temps quil fut Pape/qu'il ne fist que cent  
quarante & neuf euesques,

Boniface euef  
que fut enuoie  
p le pape cō-  
fermer les alle-  
māsen la foy,

Sainct gilles  
estoit en ce  
temps

¶ De Gregoire nonāte & deuxiesme Pape: & .iii, de ce nom,



Regoire estoit de Syrie, Sō pere auoit nō  
Iehan, Il fut esleu & cree pape du cōsen-  
temēt de tous, Lan de nostre seigneur sept  
cens cinquante & neuf, Il estoit de grande  
doctrine & science: & mesmement en grec  
& en latin, En son temps on ne trouuoit  
nul qui fust si grāt clerc/& qui sceust mī-  
eulx exposer les sainctes escriptures/ q̄ fai-  
soit le pape Gregoire, Il fut scientifique &  
eloquent prescheur, Il exposoit les lieux  
& passaiges de la saincte escripture: telles-  
ment q̄ tous lesmerueilloient de sa sciēce

Lan de Iesu-  
christ sept cēs  
cinquāte &  
neuf,

Et si estoit prōpt en science: il estoit encores plus a faire les sainctes oeu-  
res. Il fut magnifique deffenseur de la foy crestienne: pourquoy plu-  
sieurs princes cōcepuoiēt ēuoyer inimicies & murmures cōtre luy: mais  
ne luy en challoit, Et oultre il fut de si grāde humanite & charitable en  
uers les pources/q̄ payoit pour ceulx qui estoient obligez/& rachepoit les  
captifz & prisonniers des mains des sarrazins, Il deffendoit les pources fē-  
mes veufues/& les enfās pupilles & mineurs/qu'ilz ne fussent opprēsez des  
n.iii,



Le Pape Gre-  
goire priua  
leon de l'empire,

Charles roy  
de frāce fut au  
secours du pa-  
pe gregoire cō-  
tre les lōgo-  
bars

Le roy charles  
occupa sur les  
gothz/Arles/  
lyon/Marceil-  
le,

riches, Tellement qu'on l'appelloit le pere & pasteur de tous crestiens, Incontinent quil fut pape du consentement de tout le clerge il priua l'empereur Leō de son empire; & le mist hors de la cōmunion des fideles crestiens: pource quil auoit faict oster & deffacer les ymaiges & statues des sainctz des eglises: & aussi quil nestoit bon catholique mais erroit en la foy touchant Iesuchrist. ¶ Or ce pendant Liutphrande Roy des Longobars fut couuoiteux de regner & acquerir. Apres quil eut pris tous les chasteaulx de Romme/vint assaillir la ville de Rome/& lassiegea: Pourquoy le Pape Gregoire enuoya vng legat par mer pource qu'on ne pouoit aller par terre/car Liutphrande tenoit les passaiges: par deuers Charles Roy de France luy prier que ce feust son plaisir de venir secourir la ville de Romme/& ayder a leglise rommaine, Combien que les papes auoient acoustume de requerrir a leurs secours & ayde les empereurs de constantinoble, Mais Gregoire ne la pas voulu faire / pour les raisons que iay dictes cy deuant, Et que aussi a grant peine l'empereur Leon pouoyt assez seurement garder constantinoble pour les Sarrazins Parquoy neust peu dōner secours alors au Pape, Et pour ces raisons fut la cause que la tutelle & tution de leglise rommaine/que souloient garder & deffendre les empereurs de constantinoble/fut transmise aux autres. ¶ Le roy Charles pour la priere que luy auoit faict le pape Gregoire/print la charge & garde de leglise, Et enuoya au roy Liutphrande qui estoit son compere & son amy luy prier quil delassast d'assaillir la ville de romme/& quil ne molestast le Pape, Et que c'estoit la chose qui plus luy desplaisoit/& qui luy estoit fort griesue. A lamonition priere & requeste du roy de France le roy Liutphrande obtempera: Et fist leuer son ost & armee qui estoit deuant Romme: car ces deux roys estoient cōfederes & allies ensemble, Car Charles auoit enuoye son filz Pepin en la Gaule cisalpine par deuers le roy Liutphrande: affin quil luy coupast de ses cheueulx a la maniere & mode des sacremens, Pourquoy ce faict sappellerent puis apres comperes/qui est vne maniere d'affinite, Et le roy Liutphrande auoit desia enuoye Pepin a son pere, avecqs de sumptueux & precieus dons/quil luy auoit donnez au departir. ¶ Or apres que le roy Charles eut pacifie les ytalies/alla faire guerre aux Bourguignons/& les print par force, Et puis modestement en se monstrant vertueux les appella cōpaignons, Il deffist les Phrysons pource quilz estoient ydolatres, Il occupa Arles/Lyon/Marceille/qui estoient aux Vesogothz, Pourquoy ilz appellerēt a leur ayde Athemum roy des Sarrazins, Lequel print la ville Dauignon/& pour l'opportunitē du lieu il en vouloit faire son chasteau, Mais quant le Roy Charles le sceut & cōgneut il vint avecques toute son armee & par force print la ville Dauignon, Et tua & occist tous les Sarrazins qui estoient dedans en garnison, Et puis sen alla en Narbonne/la ou sen estoit fouy Atheme roy des sarrazins, Mais il ne demoura gueres deuant la ville de Narbonne: pource



quil ouyt des nouuelles/que Amoreus vng aultre roy des sarrazins venoit au secours de Autheme: avecques grāt nombre de sarrazins, Le roy Charles descendit en la vallee Corbaire ou estoit vne grande plaine qui estoit fort conueniente & aperte pour batailler: lors quāt fut arriue le roy Amoreus/& quil vit le roy Charles en ce lieu il cuydoit que sen voulist fouyr, Pourquoy descendit luy & son ost en ceste vallee pour batailler: mais le roy Charles ne refusa la bataille: combiē que les sarrazins fussent presque sans nombre/au pris des Francoys. Mais nonobstant il bataillerent si vertueusement que beaucoup des sarrazins furent deffaitz/ mis a mort & tue: & mesmement le roy Amoreus & les aultres sarrazins qui estoient fouys aulx mares & lieulx paludieulx furent poursuiuis par les crestiens/& tous furent mis a mort, ¶ Lors quāt le roy Athyme vit icele bataille de sarrazins desconfite par fortune il trouua des nauires ou il se mist dedans & sen fouyt aulx bailes Hespaignes/& mit a feu & a sang/& fist bruller toutes les yles par ou passoit/par desesper, ¶ En ce temps le corps Sainct Augustin qui auoit deux cens cinquante ans que de Hypo nence auoit este porte en Sardine: fut transporte par le roy Liutphrade/ en la ville de Pauye ou il fut mis en vng lieu tres honorable, ¶ Les sarrazins se retirerent aulx pyrenees: pource que leurs roys & gens auoient este ainsi vaincus & tue: par Charles roy de France, Pourquoy les Vise gothz qui occupoient les Hespaignes & vne partie de Gaule: vindrent en la subiection du roy Charles/ quant il virent que nauoient plus quil leur peult ayder, ¶ Et en ce temps par le roy Charles furent destruis/ & exterminiez du tout les Gothz qui auoiet regne par trois cens ans: & nen eschappa qung bien petit que ceulx de Barселonne garderent destre tue. ¶ Aucuns disent que le roy Liuthprande: donnoit secours & ayde en ses grandes cōquestes & batailles que faisoit le roy Charles: & que ceulx qui auoiet ayde au roy Charles: apres les guerres faictes sen retournoiet charges de richesses, ¶ Le pape Gregoire fist refaire laultel sainct Pierre/ou fist mettre six colonnes ou estoient tronches garnies d'argent/& y estoient les simulachres des apostres: il fist faire en leglise sainct Pierre vng oratoire ou il mist des reliques de tous les sainctz que peult trouuer, Et commanda qu'on y chantaist tousiours: il ordonna & adiousta au Canon ses motz: Quorum solemnitas in cōspectu tue maiestatis celebratur domine deus noster toto in orbe terrarum, &c, Mais les prestres de maintenant ne disent point ses motz, Par son cōmandement fut fait vng ymaige de la vierge Mariē: qui tenoit & embrassoit nostre sauueur Iesus, Et la fist mettre en leglise nostre dame la creuche: il fist refaire le cueur de leglise sainct chrisogone: & y mist des religieulx: pour dire & celebrer tous les iours le diuin seruice. Et leur donna des terres fons & posselliōs pour viure. il fist refaire plusieurs monasteres: & les aucuns fist faire du tout & fist la reigle comment les moynes doiuent viure chastemēt & saincte mēt: il fist refaire vne grāde partie des meurs de la ville de Rome: qui

Desconfiture  
des sarrazins,Le corps saict  
Augustin,Les dons faitz  
a leglise par le  
pape Gregoi-  
re troisieme,

n.iiii,



## De Zacharie xciii, pape

estoiēt tumbēz & rompus: & fist aussi refaire cētūcelles qui estoiēt tous rompus: & institua que continuellement on diroit le diuin seruice en le-  
glise mōsieur saint pierre par p̄stres & religieulx lesquelz ordōna ebdo-  
madiers pour ce faire: pourquoy apert les maisons & domicilles des pre-  
stres seculiers & des religieulx auoit este pres & continens les vngs aulx  
autres: & a ceste cause les vngs pour les autres il seruoient bien dieu,

¶ Le pape Gregoire bien ayne de dieu & des hommes mourut la, iiii,  
Calende de decembre, & fut enterre en leglise saint Pierre: tout le peu-  
ple & clerge pour sa mort plouroit: comme sil eussent perdu leur pere: il  
fut pape dix ans huyt moys &, xxiiii, iours, le siege par sa mort fut vac-  
cant par huyt iours,

¶ De Zacharie, nonante & troisieme pape,  
Et premier du nom,



Acharie fut de la nation de Grece, Son pe-  
re nomme Palicrame: il est dit & nombre  
entre les bōs papes, cestoit vng homme de  
grant douceur / de vertu / amytiē / de excel-  
lent esperit & entendement: & fut fort ay-  
me du peuple de Romme / il estoit fort tar-  
dif & lēt a se courroucer, Mais il estoit fort  
prompt & diligent a misericorde & clemē-  
ce, Iamais ne rendoit mal pour mal, Mais  
bien pour mal: selon la doctrine du saul-  
ueur Iesuchrist: tellement que ceulx quil  
auoit ses ennemys & enuieulx quant il fut

Le pape Za-  
charie confes-  
sa paix entre  
le roy des lon-  
gobars & le  
duc Spoiete,

esleu & cree pape apres il les honnora & fist de grans biens. ¶ Au com-  
mencement du pōtificat de Zacharie: les Italles estoiēt en grosses guer-  
res: pourquoy il enuoya des legatz & ambassadeurs p deuers liutphrans  
de roy des longobars: qui perlecutoit fort le duc de Spoiete, pour faire &  
composer entre eulx deux paix & accordz, Mais quant il sceut que ses le-  
gatz que auoit enuoyez nauoient riēs fait: luy melme en personne & tout  
le clerge de Rōme avecques luy sen alla par deuers les Sabins, Et aucūs  
disent q le roy des longobars vint au deuant de luy pour luy faire reuerē-  
ce & hōneur, tous a cheual p dela la ville de Narnie huyt mille, Et quāt  
le vit il descendit de son cheual & balsa les piedz du saint pape Zacha-  
rie, Et puis le mena en la ville, Et le lēdemain apres la messe qui fut sol-  
lennellement dicte & celebree: il fist vne predication & prescha public-  
quement deuāt tout le peuple ou le roy estoit Liutphrande, Et par icel-  
le predication qui fut si elegante monstroit les causes & moyens pour  
lesquelles vng roy crestien doit faire guerre: & comment il la doit fai-  
re: ou requerir paix, Or apres que le roy des Longobars eut ouy la predi-



cation du pape Zacharie, tout le different de la guerre & le moyen de traicter la paix: il la mist en la voulëte & arbitre du pape: Or au parauât le roy Liutphrande auoit priue le duc Trasmunde de la duche de Sspolete/ & en son lieu auoit mis Agrande son nepueu, Et lors fut mis en grace Trasmunde & le duc fut fait clerc tōsure, Et furēt renduꝝ aulx Rōmains leurs chasteaulx quauoient prins & occupeꝝ les Sabins / avecques Narnie & Auone, Et tout ce que auoient occupe par l'espace de trete ans par les longobars en Hetrurie, Et oultre furēt rēdus les prisonniers q̄ auoiet este prins aulx guerres & batailles, ¶ Le pape fist vng conuē & banquet au roy des Longobars / ou toute doulceur humanite / grace / amitie fut entre le pape & le roy, ¶ Et apres Liutphrāde sen alla luy & son armee sās faire aucun mal, ¶ Et peu de temps apres il mourut apres qu'il eut regne xxxii. ans, Ce fut vng homme digne dung tel regnon: car il estoit prudent / sage / & de grant conseil: & estoit fort prompt a la main, tellement quil ny auoit cheuallier si habille & belliqueulx q̄ luy: grāt iusticier: & misericordiculx ou il le falloit estre: tellemēt qu'on ne scauoit discerner desquelles deulx vertus debuoit auoir louēge, ¶ Aldeprāde son nepueu luy succeda au royaulme / mais il mourut six moys apres, Et en son lieu fut le duc Rachic esleu roy des longobars: homme de grande louenge & vertu, se tu regardes sa vie / ses meurs / & magnificence de son couraige reintegrez les confederations de paix / entre cestuy roy & le pape: tout ain si que les legatz du pape auoient voulu faire a leur volente / car il estoit fort deuotieulx, Or apres quil eut regne quatre ans / il laissa sō royaulme & se fist religieulx, & pria & admōnesta sa fēme & les enfans de faire ain si, ¶ Et Astulphe son frere puis apres occupa le royaulme / lequel par son astuce & ferocite de son esperit faisoit guerre a tous, Et mesmement aulx Rōmains & au pape / auquelz vouloit oster par force leurs seigneuries, ¶ Or en ce tēps Charles martel estoit fort mailade: & ses amys luy persuaderent quil deuist ses royaulmes quil auoit gaignez p force darmes: ce que fist / il bailla a charles laisne / Austrie & Sueue: & a Pepin le plus ieune bailla Bourgōne: & vne ptie de Frāce, & puis mourut Charles martel: en la ville de Carisiaque pres le fleuve de Isaire: aps quil eut gouuerne l'office de grant maistre de la maison de France: par l'espace de xxxv. ans: & fut enterre a saint Denis pres la ville de Paris, Charles martel auoit eu vng aultre filz de sa premiere femme quō appelloit griphon & luy conuenoit le nom avecques ses meurs & maniere de faire, Car il auoit de coustume de prendre / & rauir les choses d'aultuy: pourquoy il fist guerre a ses freres / & incita les Saxons contre eulx, Mais Charles / & Pepin / en main armee allerēt en bataille cōtre eulx: & vainquirēt Theodoric leur prince & les rendirent subietz a eulx, Et se fait charles sen alla a Romme & laissa la gloire & gouuernement de l'empire a son frere: & sen alla en la montaigne Cassine: ou estoit le monastere saint Benoit / prinst labit de religieulx / & y vesquit cōme les aultres religieulx, Mais

La mort de Liutphrāde roy des longobars,

Astulphe roy des longobars cruel & puer

La mort de Charles martel,



Le royaume  
de France ot-  
troie a pepin  
par le pape za-  
charie, la sept  
cens, liii,

Repetitiō du  
corps saint be-  
noist,

Eglises & fon-  
dations saintes  
par le pape za-  
charie,

Pepin qui estoit fort couuoiteux de regner / enuoya des ambassadeurs p-  
deuers le pape Zacharie luy prier quil voulsist de son auctorite confer-  
mer roy de France: laquelle requeste & petitiō le pape luy ottroya pour  
cause des grans seruices que ses predecesseurs luy auoyent fait, Et pareil-  
lement pour l'anciēne amour que les papes auoiēt eue avecques les prin-  
ces dont il estoit venu & yssu: & par ses moyens pepin occupa le royaul-  
me de France: & luy fut adiuge lan de nostre seigneur sept cens cinquan-  
te & trois, Et par ainsi le royaume de France vint au gouuernement de  
la maison de France / qui estoit vne grande office en France: & ceulx qui  
sont venus aps de la ligne & famille du roy Pepin / ont este pareillement  
roys de France, ¶ Aucuns disent que Charles le quel se estoit rendu moy-  
ne vint par deuers le pape Zacharie avecques les aultres moynes du mo-  
nastere de la montaigne Cassine: lesquelz requierent au pape que fust son  
plaisir & volente de leur faire faire rendre le corps saint Benoist / qui  
leur auoit este furtiuement desrobbe, Lequel corps saint estoit lors au  
monastere de Flori en France, Laquelle petition & requeste ottroya & ac-  
corda le pape, Et en escripuit au roy Pepin de permettre a iceulx religi-  
eux de saint Benoist repeter le corps saint Benoist, Mais le roy a grāt  
peine le promist: neautmoins quil eust este furtiuement aporte en France /  
par aucuns religieux: comme on luy auoit dit, ¶ Le pape Zacharie  
apres quil eut fait & conquis la paix par tout / fist refaire plusieurs egli-  
ses qui estoient tombees & ruineuses: il fist edifier deuant leglise de latran  
vne tour: ou les cancelles & les portes estoient saintes d'arein: & en l'entree  
du portail estoit escript mayemōde: il fist refaire les ymages des saintz /  
qui estoient pour l'antiquite quil estoient saintes ruineuses & gastees: &  
il fist faire les maisons de leglise de latran: qui estoient destruites: il fist  
refaire l'estude de mōsieur saint Pierre, Et oultre il assigna a chascune  
eglise vestigaulx & reuenu: affin quil eussent de quoy pour achapter de-  
uille pour mettre aulx lampes, Il donna pour l'autel saint pierre vne  
precieuse chasuble dor garnie de pierres precieuses: ou estoit descript &  
painted la natiuite de nostre seigneur: il fist faire leglise saint Gregoire  
en Valabre: & en icelle mist le chef saint gregoire: il fist edifier vng ora-  
toire a leglise en lhonneur sainte Cecille en la voye Tyburtine: a cinq  
mille de Rome / ou il fist encores vne chapelle en lhonneur saint Cy-  
reabbe: & y donna beaucoup de terres fons / & possessions: affin que les  
prestres eussent de quoy viure, Et fist refaire le tetz & couerture de legli-  
se saint Eusebe qui estoit cheut & tumble en son temps, ¶ Le pape Za-  
charie ordōna que les bucelaires du palais de leglise de latran bailleroiēt  
tousiours aumonna tous pources de quelque estat quil fustent ¶ Il p-  
hiba & deffendit aulx Venitiens de ne vendre aulx sarrazins & payes les  
seruiteurs crestiens comme auoient acoustume de faire les marchans, Et  
finablement il translata les quatre liures des dyalogues de saint Gregoi-  
re: de latin en grec: affin que les grecz eussent & aprinsent la raison de bi



en viure. ¶ Et quant il eut tressainctement & honnestement gouuerne le peuple de dieu, il mourut aulx Ydes du moys de mars: & fut ensepueu en leglise saint pierre il fut pape dix ans / & trois moys, Et lors par sa mort le siege de leuesche de Rōme vacca par lespace de douze iours,

¶ De Estienne, nonante & quatrisesime pape,  
Et second du nom,



Stienne second estoit de la nation de Romme, Son pere eut nom Constantin: il paruint a la dignite pontificalle petit a petit / & par degrez ecclesiastiques: combiē que aps que le pape Zacharie fust mort, Le peuple de Romme crea vng prestre de Rōme nomme Estienne: leq̃l trois iours apres quil fut esleu pape & quil se estoit eueille pour disposer les choses de sa maison: il fut frappe de la malladie dapoplexie dont mourut,

¶ Et apres du consentemēt de tout le clerge & du peuple fut cree & esleu a la dignite papalle en leglise nostre dame de la Crache Estienne second, & fut si ayme du peuple que lors il le prindrent sur leurs espaulles & le porterēt en leglise du saulueur: quon dit Constantiniāne, Et de la au patriarchat de la tran: il estoit vng homme de grande prudence & deuotion, Cestoit le pere des pouures / & deffenseur des pouures femmes veufues: & orphelins / & grant reparateur deglises / il cuida apaiser Austuphe roy des Longobars / qui gastoit par guerre tout le pays / & lieulx circonuoy fins de la ville de Romme / par ladmonnester doulcemēt par parolles charitables & par dōs quil luy enuoya. Mais il estoit si auaricieulx quil vouloit que les Rommains luy fissent par chascun an tribut & luy payssent vng escu dor par chascune teste, Pourquoy le pape fut contrainct de requerir & demander ayde & conseil, Pour ceste cause enuoya par deuers Constantin empereur de Constantinoble deux legatz, lesquel le requirēt de donner secours au pape Estienne / contre Austuphe roy des Longobars qui destruisoit & gastoit tout le pays des Italles: & auoit desia pris la ville de Rauenne qui estoit le siege hexantique: & la plus grande partie de flaminie, Mais combiē que par plusieurs foys il eust requis ayde a Constantin / ce neautmoins il nen tint compte & ne voulut donner secours,

¶ A ceste cause le pape enuoya certains legatz & ambassadeurs au Roy de france pepin / affin quil luy pleust prier le roy Austuphe / que fust son plaisir de dōner passaige seur p son royaulme laq̃lle chose fist le roy pepin & le manda au roy des Longobars / qui luy accorda tres volentiers / Et lors le pape passa par la longobardie pour sen venir en france: & ainsi

Astuphe persecuteur de leglise de Romme,



Le pape Estiē  
ne vint en frā-  
ce demāder se  
cours au roy  
pepin contre  
Astulphe roy  
des longobars,

Les frācois fei-  
rent la guerre  
en Italie cōtre  
les longobars,

qu'il aprochoit les fins & limitez du royaume de France, Charles filz du roy pepin qui depuis fut dit Charles le grāt pour ses vertueulx faitz, vit au deuant enuiron vne lieue pour faire hōneur & reuerence au pape : & aussi fist le roy pepin vint au deuant de luy enuiron trois iectz de pierre / & quant vint le pape il descendit de son cheual & puis baïsa les piedz du sainct pere / & vint tousiours a pied tenant la bride & frain du cheual où estoit monte le pape & ne le laissa iusques qu'il fust entre en la ville / & q̄ leust mis & colloque ou lieu ou il debuoit loger & coucher, Or quant le roy Astulphe sceut que le pape estoit alle en France par deuers le roy Pepin : il eut paour que le pape ne machinast quelque chose cōtre luy avecques le roy Pepin, pourquoy enuoya par deuers le roy Pepin / son frere Charlemaine / qui estoit religieulx affin qu'il remontrast / & admonnestast le roy pepin : qu'il ne voulist faire guerre aux Longobars a la requeste & faueur du pape Estienne, Mais le roy pepin ne obtēpera & ne voulut obeir a ce que luy dit Charles son frere : ains il lēuoya & relega & fist mettre en vng monastere en la ville de Vienne : ou quel monastere peu de temps il mourut de despit & ennui, ¶ Et pource que en ce temps on ne pouoit pas faire la guerre le Roy pepin pour l'ancienne amytie qu'il auoit aux lōgobars il enuoya ses ambassadeurs au roy astulphe : lesquels luy disent qu'il eust a rendre & restituer les choses qu'il auoit mal prinſes ou que en brief temps le roy pepin par guerre les luy feroit rendre & restituer, Mais le roy Astulphe ne voulut obeir aux bonnes admonitions des ambassadeurs, pourquoy le roy pepin au temps de ver qui est le printemps fist assembler son armee pour aller contre les Longobars, Et premieremēt il y enuoyavne ligiere armee affin de faire les passaiges & empescher que Astulphe ne estoupast les lieulx voyes & chemins des montaignes & alpes : ce q̄ fut fait & puis le roy pepin & son ost facillēmēt descendirent en plain pays & par ou il passoit il gastoit & destruisoit tout / & nulli ne se mettoit en deffence contre luy : il vint iusques deuāt la ville de pauye laquelle assiegea & fist loger son ost & armee tout au tour de la ville / & icelle fist vertueusement assaillir, Et le roy Astulphe & ses gens qui estoient dedans en garnison / se deffendirent aux mieulx q̄ pouoient, Or voyant par le pape Estienne la grande obstination & pertinacite de Astulphe & les pouretez & calamitez du peuple : il offrit vouloir faire paix avecques luy, Mais que restituaſt ce que auoit mal prins : laquelle chose promist faire le roy Astulphe / & beaucoup plus q̄ le pape ne demandoit, Et soubz certaines conditions la paix fut raicte & accordde, Et icelle tenir iura & afferma le roy Astulphe, A ceste cause le roy pepin fist leuer le siege de deuant la ville de pauye / & sen vint en France : & laissa avecques le pape Varenne qui seroit arbitre & admiſtable compositeur de la paix, Et sen allerent a Romme le pape & Varenne arbitre, Et promist Astulphe en brief temps rēdre & restituer tout ce que auoit occupe : mais incontinent Astulphe assemble de tous costez tant



de gens quil peult trouuer & soubdainement vint apres le pape a Rōme Astulphe ifra & assiegea la ville de Rōme: & fist robber piller/ & puis bruller les faufcteur de pai x bours, de Romme: il fist plus de mal & de dōmaige en cestui insult & infame guerre aulx Rommains/ quil nauoient eu depuis trois cens quarante ans, Et de rechief le roy pepin fut requis par le pape de luy donner secours & ayde/ a lencōtre de la thraïson rage & fureur du roy Astulphe, pourquoy le roy pepin fist le plus tost que peult assembler gens darmes, **¶** En ce temps les Turcz se vouloient loger & habiter en meilleur pays quil nauoiēt: a ceste cause il firent guerre aulx Allemās/ lesquelz destruisirent: puis a ceulx de Colches/ aulx armeniens/ & de la vindrēt en la petite Asie de laquelle desfirent le peuple: & finalement vainquirent les Perses/ & les sarrazins/ & tuerent tout/ & ce fut lan de nostre seigneur sept cens cinquante cinq. **¶** Aucuns escripuent que les Turcz estoïēt de Scythie/ & ceulx que Alexandre roy des Macedones cōferma dedās les Hyperbores a huys & serrures de fer, Et ce a este dit p similitude & methaphore/ pource q cestoiēt gens sauuaiges & indomites: pourquoy il les auoit enfermez & ferrez en vng lieu estroict & anguste: cōme sil les eust enfermez en prison, Or apres q les Turcz & sarrazins se furēt assez lōgement entre batailles il firent paix ensemble: & fut dit & decrete que les Turcz qui demouroiēt en Perside se appelleroiēt sarrazins: & p ce moyen les sarrazis souffrirēt q les Turcz demourassent/ & regnassent en Asie Et pource aussi quil scauoiēt bien q en brief ilz ensuiuroiēt la secte & superstition Mahūmetique/ car leurs entendemēs/ & voulentes nestoient enclins que a tout mal faire. **¶** Alors le roy pepin estoit desia descendu aulx Italles avecques tout son ost/ & luy vint au deuant de luy le grāt secretaire de lempereur Constantin quatriesme du nom/ lequel ad monnesta le roy pepin par le cōmādemēt de lepereur q sil aduenoit quil recouuraist la ville de Rauēne que occupoiēt les lōgobars laquelle ville appartient a lepereur: quil ne la baillast au pape ne aulx rōmains, Mais le roy pepin respōdit quil estoit venu aulx Italles affin de secourir le pape & les Rōmains & leur cōseiller de leurs affaires au mieulx q faire se pourroit, Et ce fait fist assieger la ville de pauie & tellemēt fut oppressee q en brief tēps le roy Astulphe fut cōtrainct de entretenir la paix: & fournir aulx pactiōs & cōditions: q au parauant auoient este faictes: il fut rendu aulx Rōmains lestat office & domination hexarcate/ qui estoit ce qui est entre le fleuve de Padoue/ & Apennine & depuis plaïssance iusques aulx estangz des Venitiens & tout ce que contient le fleuve Ysaure/ & Adriatique/ & si rendit & restitua Astulphe tout ce quil auoit prins & occupe des Hetrusiens/ & Sabins, Et demoura le roy pepin aulx piedz des montaignes des Alpes iusques a ce q le roy Astulphe eust fait rēdre & remettre en la iouyssance des Rōmains & du pape ce quil auoit deulx occupe: Etauoit pour ce faire le roy pepin laisse avecques astulphe labbe folcade & vne grāde partie de gēsdarmes/ & nauoit pas encores le roy pepin passe les alpes quil ouyt dire q astulphe estoit mort dune apoplexie en chaf

Du cōmencement des turcz

Guerre iteratiue cōtre astulphe par les frācoys par quoy fut contrainct accorder paix,



De Paule, xcv, pape,

Institution  
de dire les leta  
nies,

sant: & n'estoit ècores tout rëdu aulx rōmais ce quil auoit occupe, & lors  
incontinent Desidere duc de hetrurie assembla grande compaignie de  
Longobars pour occuper le royaulme de Longobardie: & pareillement  
autāt en faisoit Rachise frere du trespassse Astulphe: lequel auoit prins  
labit de religieulx: cōe auōs dit deuāt / & le suiuiēt tous les lōgobars fors  
seullemēt ceulx q estoient en hetrurie, Et lors desidere, pmist au pape &  
aulx rōmains beaucoup de choses pour laq̃lle cause il les attira a la vou-  
lète, aumoyen dequoy surēt euoyez legatz & ambassadeurs être lesquelz  
estoit Holcade abbe lesquelz firēt cōmādemēt a Rachise de p le pape &  
les Rōmains de soy desister de la guerre & quil eust a obtēperer & obeyr  
a Desidere: & depuis fut rëdu au pape fauēce & la ville de Ferrare & lors  
faillist & cessa le nō hexerchate qui auoit dure p le space de cent soixāte  
& dix ans, Cestassauoir depuis le tēps de Narses lenuchque iusque a ce q  
astulphe prinst & occupaist la ville de rauēne: & au moyē de la paix ain-  
si faicte leglise de rōme fut merueilleusement auātaigee & augmentee,  
Le pape Estienne fist faire vng synode a rōme auquel fut ordōne cōmēt  
vng euesq̃ se doibt gouerner: vng p̃stre & tous ceulx q sōt de lestat de  
leglise & aussi tous crestiens, Il istitua des letanies pour appaiser lyre de  
dieu, Cestassauoir quon yroit au samedy en p̃cessiō en leglise nostre da-  
me de la Crache, puis vne aultre foys a leglise saint pierre en Vaticāne  
& tiercement a leglise saint Pol qui est en la voye de Hostience: il fist  
refaire aucunes eglises qui auoient este destruiētes & derōpues par astul-  
phe quant il vint assaillir la ville de Rōme: mais il ne recouura pas les  
corps saictz & reliques que Astulphe emporta desdictes eglises / lesquel-  
les fist mettre en plusieurs eglises de la ville de pauie, ¶ Apres que le  
pape Estienne tressaint homme ayme de dieu & des hōmes & de tout  
le pays des crestiens fort ayme, il mourut la cinquiēsmekalēdedu moys  
de may & fut ensepueli & enterre en leglise saint pierre: en quoy fai-  
sant tout le peuple plouroit: cōme sil eussent perdu leur pere, Il fut pape  
cin qans & vng moys, Et vacca lors le siege par le space de, xxviii, iours,

¶ De Paul nonante cinquiēsmepape, Et premier du nom,



estresuccesseur de son frere, Et en ce faisant il y eut grande altercation,

Aul estoit Rommain, Son pere eut nom  
constantin: il fut frere du pape Estienne se-  
cond: il fut appelle avecques son frere de-  
soubz Gregoire second & Zacharie papes  
aulx saintes ordres / & receut soubz eulx  
lordre de diacre: apres la mort de son frere  
ainsi quon estoit en grande anxiete & pei-  
ne de eslire vng pasteur, Les aucuns prepo-  
soient & vouloient eslire a pape larchidia-  
cre Theophilat, Mais la plus grande par-  
tie disoient quil falloit eslire Paul / pour



Mais neautmoins tous les plus gens de bien esleurent Paul a estre pape & furent cassez & anulles / les voix de ceulx qui vouloient auoir a pape Theophilat. ¶ Il fut au temps des empereurs Constantin & Leon,

¶ Le pape paul estoit fort doulx paisible & amyable a tous, il ensuiuoit Ce que doit nostre faulx & redempteur Iesuchrist, Il ne reſdoit pas mal pour mal faire vng bon Mais au contraire il rendoit bien pour mal, Car il fist beaucoup de bien pasteur,

ens a ceulx qui lauoient iniurie & faict des mauulx, De nuyt accompaigne seulement de deux ou trois de ses familiers il visitoit les malades en leurs lits & couche & reconfortoit & consoloit par belles parolles, Et puis apres leur donoit des grâdes aulmosnes & aultres necessitez affin quil peussent plus facilement recouurer guarison & sancte / & aucunesfoys alloit visiter les prisonniers / & ceulx qui tenoient la prison pour argent: il payoit pour eulx aulx creanciers a qui il estoient obligez, Il deffendoit les pauures femmes veufues & enfans orphelins quil ne fussent trôpez par les fraudes & cautelles des pcurers & aduocat, Et iceux orphelins substentoit par les aulmosnes: il fist assembler tout le clerge & le peuple Et fist esleuer le corps saincte petronille fille de saint pierre / & le sepulchre de mabre ou estoit escript, petronille fille dulcissime, cest adire cest le sepulchre de ma tres aymee fille petronille: lequel sepulchre estoit en la voye Dappie, Et la fist porter en Vaticanne / en la presence de tout le clerge qui chantoit & rendoit a dieu loueſge & aussi faisoit le peuple, Et fut mis & appose le saint corps en leglise de saint pierre / son pere, Et ce pendât l'epereur Constantin faisoit abbatre & demolir toutes les ymages des saintz, Mais pource q̄ leuesque cōstāt le respoit de ce quil faisoit: il le batit tellement quil le tua & occilt, Et en son lieu y mist nycete spado qui fauorisoit aulx sacrileges & heresies de l'epereur, Mais le pape euoya en cōstāt inoble des messagiers pour ladmonnester de restituer & remettre les saintes & statuez ymages dont fut refusāt p̄quoy fut p̄ le pape anathematize, & pource q̄ Sabīn roy des Vulgaires lesuiuoit & q̄ fist en son royaulme desmollir & abatre les ymages & statuez: il fist paix avecques luy cōbiē q̄ pauāt ileussent de grosses guerres les vngs cōtre les aultres, Eten ce tēps l'epereur cōstantin appella son filz quil auoit marie a Hirenne femme de athenes laquelle estoit en ce tēps la plus belle quō sceust trouuer en tout le mōde: & aps quil eut veu sō filz leon: il lassocia avecqs luy pour gouuerner l'empire, Cestuy empereur fist aliance avecqs les sarrasins: pource quil auoit en hayne & hayoit les catholiqs & bōs creſtiens, ¶ Or en ce temps le roy pepin mist en son obeissance Taxille duc de bauiare: & receut en confederation de paix & concorde les Saxons: par telle cōdition toutefois que pour luy secourir & en soy ayder il seroient tenus de luy liurer / & bailler trois cens hommes darmes montez a cheual: pour luy ayder toutes & quantesfois que luy seroit necessite & oportunité de faire guerre, il eut longuement guerre avecques ceulx de aquitaine: mais a la fin il en bailla la charge a son filz charles q̄ estoit lors ieun.

Constantin empereur fist abatre les ymages des eglises & lieux sacres



De Estienne, xcvi, Pape

Trespas de pe  
pín roy de Frā  
ce,

ne daage / & luy estoit fort viel & anciē & ny pouoit vacquer pour sa vie  
lesse. ¶ Apres que icelle bastaille daquitaine eut este finie Charles prit  
la ville de Bourbon / Cleremont / & Beaucoup daultres villes & Chaste  
aulx du pays dauuergne. ¶ Et en ce temps mourut le roy Pepin: Et lais  
sadeux enfans / charles / & charles le grant qui succederent au royaulme  
de France, Et aucuns disent que en ce temps mourut le roy des Longo  
bars Astulphe cōme auons dit cy dessus: lequel auoit emporte beaucoup  
de corps sainctz des eglises & aultres lieulx qui estoient a Romme: & les  
auoit emportez en la ville de Pauie / & a iceulx fait edifier plusieurs cha  
pelles & si fist faire vng monastere de filles vierges: ou il fist mettre & de  
dier ses filles: il aymoít fort les religieulx & moynes / entre les mains des  
quelz il mourut apres quil eut regne six ans & cinq moys. Au commen  
cement de son regne il fut fort cruel courageulx & puis aps fut asses mo  
deste / atrēpe / il estoit de grāde sciēce & doctrie tellemēt que des editz &  
statutz des lōgobars il les fist reduire en loix, Et cōe le dit luy succeda De  
sidere q estoit duc de la cheuallerie & lors les vertuiz des longobars cōmē  
coient a diminuer & non chaloir & estoiet tous effemines pour les grās  
biens quil auotent & les delices. ¶ Et lors mourut le pape pol en leglise  
sainct pol: apres quil eut fait reedifier plusieurs eglises qui estoiet en rui  
nes & puis fut porte pour enterrer en leglise saict pierre en Vaticane en  
grant & solennelle pompe, il fut pape dix ans & vng moys, Et lors par sa  
mort le sainct siege apostolique de Romme fut vaccāt par lespace dūng  
an & vng moys,

¶ De estienne nonante sixiesme pape,  
Et troisesme du nom,



Stiēne troiesieme pape du nom / estoit du  
pays de Secille. Son pere eut nom Olibō  
il fut esleu pape lan de nostre seigneur sept  
cens soixante & huyt: il vint a Rōme quil  
estoit ieune enfant & par le commādemēt  
du pape gregoire troisesme fut mis au mo  
nastere sainct Crisogon: ou il fut fait reli  
gieulx & print les sainctes ordres & de pu  
is fut appelle par le pape Zacharie / & fut  
fait patriarche de Latran: & apres que fut  
institue vng chascū le prisoit louoit & ay  
moit pour la saincte vie quil menoit: il fut  
institue prestre de leglise saincte Secille auecques tiltre / lequel depuis le  
pape Zacharie & le pape Estienne ne le laisserent pour cause de ses bon  
nemeurs / prudommie / & diligence quauoit en tous affaires / tant pour  
luy que pour aultruy: il ne laissa iamais le pape iusques a ce quil eust ren



du lespetit a dieu, ¶ Or apres que le pape Paul fut mort: Desidere qui auoit este de fait & cree roy des Longobars a layde du pape Paul: comme nous auons dit: quil sceut que le roy pepin estoit mort: il cuidoit estre de liure de toute crainte, Et pource persuada a Totonne duc de Nepesine quil fist eslire son frere Constantin soit par force ou par argēt, Et a ceste cause le duc sen vint a Romme avecques grande compaignie de cheualiers & aultres hommes darmes / & par faueur / promesses / or argēt / & a lai de daucuns Rommains ses amis Constantin fut cree pape. Et aucuns disent que premierement fut eleu vng nomme Phelippes, Mais par force darmes il fut cōtrainct de renōcer a la papaulte: & oultre Gregoire euef que de Preneste fut cōtrainct de bailler les sainctes ordres a Cōstantin qui estoit par Leon: & puis le sacra euefque, Mais les mains de leuefque pour cause quil auoit sacre Constantin indigne: subitement deuindrent seches & arides: tellement quil ne les pouoit mettre iusques a sa bouche: laquelle chose fut vng miracle de dieu bien euidēt & approuue;

Constantin sa  
cre pape,

—

¶ Apres que Constantin eut obtenu la papaulte par vng an / il fut puis apres chassie par les Rommains & mis hors du siege apostolique, Et en son lieu fut eleu Estienne troisieme: & fut mene Constantin en leglise du faueur deuāt tous & publiquement: & apres quon eut leu les sainctz canons: comme on a acoustume de faire quant on veult degrader vng pstre ou euefque: il se despouilla de labit pontifical & renonca a la dignite papalle, Et fut mis en vng monastere pour viure sollitairemēt, Et ce fait le pape Estienne fut sacre en leglise saint Adrian laquelle eglise est entre trois marches par trois euefques & par le clerge & tout le peuple de romme fut saue comme vray pape: il mist son estude pour corriger les mauuaises coustumes & maniere de faire: touchāt lestat de leglise: pourquoy il ordonna vng concille en leglise de latran: & enuoya lettres & messagers au roy de France Charlemagne: quil enuoyast des euefques de France des plus saiges & lettrez pour estre au concille, Et peillemēt enuoya a tous princes crestiens, lesquels obeyrent aulx mādeniens du pere saint & furent tous assemblez en leglise de latran ou parlerent & consulterent de lestat de leglise: il firent venir par deuers eulx Constantin au moyen du quel auoit Romme de grandes factions entre le peuple de Romme car le roy desidere & vng nomme Pol vouloiēt par fraude mettre hors de la grace le roy charlemagne & se estudioiēt a ce que le peuple tint la partie de lepereur de cōstantinoble: Mais pource q̄ Desidere ne pouoit reuoker & oster lamour & fidelite du peuple de Romme quil auoient au roy charlemagne: il en y eut beaucoup pour ceste cause de tuef & occis & mesmemēt de ceulx qui tenoient pour le roy Charlemagne: pour quoy aucuns du peuple creuerent les yeulx a Constantin cōbiē q̄ le pape estienne le phibast & deffedist tāt quil peult si nen peust il estre maistre dōt fut fort indigne cōtre ceulx qui auoient creue les yeulx a Constantin, Mais il nest pas licite daller contre vng peuple quant il est en fureur

Estienne troi  
iesme fut sacre  
& istitue pape  
Synode,

Constantin eut  
les yeulx cre  
uez,

o.iii,



Or Constantin fut amene au concille & fut accuse quil auoit occupe le siege apostolique : & papaulte quil auoit encore aucunes saintes ordres, Mais Constantin fist respōse que scauoit este par force & au moyen dau cuns qui a ce faire le contraignirent de accepter la papaulte : & en demandoit pardon & grace / en se mettant agenoulx & tout couche a terre, pour quoy aucuns prelatz qui estoient au concille furent esmuez & frappez de pitie / & le firent mener hors de la & differerent son iugemēt iusques au lendemain affin de mieulx consulter & penser deson cas / & comment il debuoit estre iuge, Or le lendemain quant Constantin fut au concille / mua & chāgea son oppinion & dit que ce quil auoit fait quil lauoit fait a lexemple de ses predecesseurs / comme Serge Archeuesque de Rauennne / & Estienne euesque de Naples / lesquelz disoit quil auoient este faitz euesques & neautmoins il estoient lays : pourquoy ceulx qui estoient au concille furent courroucez & indignez contre luy : & le chasserent de deuant eulx villainnement : & abroguerent Et abolirēt tous les statutz & decretz quil auoit fait disant que auoit occupe la papaulte, Et lors fut ordōne & institue du consentement de tous que vng lay ne pourroit occuper la papaulte sur peine de anathematization sil nauoit les saintes ordres : Et fut publiquement promulge & dit que tous ceulx qui auoient receu eueschez au temps de Constantin quil delaissassent icelles eueschez / & demourassēt en leurs premieres ordres, Mais sil estoient de grāde doctrine & de bonne vie approuuee : quil se feroient encores vne fois p le saint siege apostolique consacrer, Et pareillement autant en fut dit des p̄stres & diacres qui auoient receu les ordres au temps de Constantin, Et fut dit & declaire que iceulx ne pourroient paruenir a plus grandes ordres : & croy que la cause de la prohibition fut pource que le concille craignoit que au moyen de ce ne vint quelque mauuaise secte : ou erreur / pour cause de la discorde & sedition, Et fut ainssi decrete & ordonne / que tout ce que auoit fait Constantin aulx saintz sacremens seroit nul & de nulle valeur fors & excepte le baptesme & crespme : & finalement le synode Constantinian lequel fut fait par les Grecz par lequel synode decreterēt que les ymages & symulachres des eglises seroient abolis destruis & ostez des eglises, fut abroge casse & anulle comme hereticque, Et fut ordonne sur peine de anathematization que les ymages & statutz des saintz & saintes fussent mises & restituees aulx eglises, Car par icelluy synode des Grecz il faisoient la condition de dieu immortel pire que la condition des hommes, Car il est licite de faire vne ymage ou statue de quelcū : qui a fait quelque vertueulx fait pour la chose publique : pour & a celle fin q en la voyant nous serions cōtrains de lensuiure : & quō nen fist poit de dieu nostre seigneur / se seroit vne chose fort inique, Car nous le deuons tousiours auoir deuant noz yeulx sil estoit possible / pour les grans merites quil a faictes au genre humain / & aussi pour cause de sa dignite & excellente diuinite, ¶ Or apres que le concille eut tout faict & decre-

Vng lay ne  
peut occuper  
la papaulte sās  
auoir les saintes  
ordres,



te ce que vouloient faire pour lors. Fut ordonne que le lendemain on feroit a dieu supplications pour luy rendre graces, Et de leglise de latran/ le Pape & tout le clerge nudz piedz furent a saint Pierre en grande deuotion, Mais maintenant la charite & deuotion est si refroidie/ que les prelatz & gens deglise du temps present ne vont pas en procession nudz piedz. Mais bien chauflez & embrodequinez/ encores ny veullent a grāt peine aller/ ne dieu prier, Ilz ne pleurent plus en priant dieu ne en faisant le diuin sacrifice: comme faisoient les bons peres du temps passe, Mais en allant en processions ou celebrant le seruice diuin/ ilz rient si hault & infamement que chascun les voyt/ & mesmement les plus grās prelatz/ vestuz de pourpres & precieuses robes, Ilz ne chantent plus le hymnes/ car il leur semble que cest affaire aux seruiteurs, Mais parlent de choses ioyeuses/ & les vngz aux aultres racontent des histoires & fables pour rire: que diray ie plus/ celluy qui est le plus petulant & iagleux/ il est entre eulx le mieulx venu/ & luy donnent louange & honneur, Maintenant le clerge craint auoir des prelatz grans seueres de bone vie/ & honneste conuersation, Et pourquoy/ sinon quilz aiment mieulx viure en telle liberte/ que obeyr ne obtemperer aux admonitions des bons prelatz, Et de iour en iour la religion & deuotion des gens deglise/ va de pisen pis, ¶ Or ie retourne au saint pape Estienne/ que apres que les supplications & processions furent faictes & accomplies, Il fist publier par le secretaire/ tout ce qui auoit este faict au concille de latran: & anathematifa tous ceulx qui viendront contre les saintz decretz/ qui auoient este faictz & instituez au saint concille: ou que iceulx argueroient ou voudroient abolir en aulcune maniere ou sorte, Et peu de temps apres mourut Serge archeuesque de la ville de Rauanne, Et lors Michel secretaire de Rauanne occupa & tint le siege archiepiscopal: combiē quil fust homme lay & non clerc, Et a ce faire luy fauorisoient/ Desidere/ & Manace/ duc de Arescie: car Michel leur auoit donne de grans dons/ en or & argent: & par leurs moyens Leon archedyacre/ qui auoit este esleu par le clerge archeuesque de Rauanne fut chaste, Et cestuy Michel & ses alliez & complices/ furent si hardiz quilz enuoyerent des messaigiers par deuers le Pape Estienne/ pour le suborner par argent, Et le faire confermer archeuesque de leglise de Rauanne, Mais le Pape ne voulut accepter la pecune/ or & argent quō luy vouloit bailler: ains fist vng edict par lequel il anathematizoit Michel/ sil ne laissoit le siege archiepiscopal de Rauanne/ lequel occupoit cōtre tout droit & equite, Mais neātmoins cestuy Michel occupa tant & si longuement larcheuesche de rauanne/ quil eut a donner & bailler au roy Desidere: fussent choses prophanes ou sacrees/ & reliques de leglise: Car cestuy roy aymoist fort quō luy donnast/ & ne luy challoit dont il vint, Mais apres que le Pape eut enuoye par deuers le roy Desidere ses legatz: & pareillemēt le roy charlemaigne ses ambassadeurs, Michel fut chaste de larcheuesche de Rauā

Cōtre les prelatz du tēps present

Le secretaire Michel occupa larcheuesche de rauanne.

Michel fut demis de larcheuesche de rauanne.



De Adrian. xcvii. pape,

ne:& y fut mis & institue larchediacre Leon, Lequel le pape Estienne conferma archeuesque de Rauanne: mais pour ceste cause le Pape secretemēt estoit fort moleste par le roy Desidere, Pourquoy requist le Roy Charles/ q̄l luy pleust māder au roy Desidere de ne le trauailler/ molester/ ne faire aucune iniure, Ce que fist le roy Charlemagne assez diligemment: mais il ne peult lors le garder ne secourir par armes, Pource que sō frere qui auoit regne auecques luy par deux ans/ estoit alle de vie a trespas:& qu'il luy failloit faire plusieurs guerres necessaires/ pour la tution & garde de son royaume de France, Il submist tous ceulx Daquitaine en sa subiection: contre lesquelz le roy Pepin son pere auoit cōmence la guerre:& pareillement mist en son obediēce les Gascons, Et iusques aux montaignes Pyrenees chassa & destruyfit les Sarrazins/ & iusques au fleuue Betim en Hespaigne, Ouquel lieu les Sarrazins se tiēnent en Grenade. ¶ Et ce pendant le pape Estienne vray pasteur & fort diligent pour gouuerner leglise: successeur de saint Pierre/ & imitateur de Iesuchrist, Mourut apres quil eut este Pape par lespace de quatre ans cinq moys/ & vingtsept iours, Il fut enseuely en leglise saint Pierre: Le liege vacca par sa mort neuf iours,

¶ De Adrian, xcvii, Pape: & premier de ce nom,



Adrian estoit natif de la ville de Romme. Il fut extraict de noble lignee, Son pere auoit nom Theodore, Le pape Adrian nauoit degene aux autres Papes vertueux Il fut de grant magnificence saige/ docte/ & de sainte vie:& a tous bons Papes qui ont este se peult accōparer, ¶ Le roy Desidere congnoissant les grans biens & vertuz du Pape Adriā: il le doubta fort/ pourquoy luy enuoya ambassadeurs/ affin dauoir confederatiō & amitie auecques luy, Mais le Pape qui congnoissoit la mauuai-

tie & infidelite de luy: differa pour vng temps de faire paix & confederation auecques luy, ¶ En ce temps Berthe femme de Charles/ par le conseil de Adoaire sen alla en ytalie auecques ses enfans au roy Desidere: Lequel la receut tresbegninement/ & que au moyen de ce il se garderoit des guerres & iusultes des Francoys, Mais le roy Desidere ne peult obtenir enuers le pape Adriā de faire enoindre & sacrer les filz de Charles pour estier roys, Parquoy il print par force darmes la ville de Rauanne/ Fauente/ & Comache: qui estoient de la seigneurie/ & appartenoiēt aux Rommains & a leglise, Iceulx qui auoient le gouuernement de rauenne & larcheuesque/ demanderent secours aupape Adrian: A ceste

Le roy Desidere  
fist guerre  
au pape adriā,



cause le Pape par lettres & messaigiers manda au roy Desidere/ quil se debuoit contenter de ses terres seigneuries fins & limites: & non pas occuper & entre prendre sur les terres & villes de leglise, ¶ Or apres que le Pape entedit que Desidere eut prins Urbine Semogallie & Eugubie Il le commença de plus en plus menasser Desidere de lire de dieu omnipotent, Pource quil venoit contre leglise & les confederations de leglise, Mais le roy Desidere disoit quil ne faisoit icelles prises/ sinon pour ce quil ne vouloit tenir son party, Il ne demandoit que separer lamour que le Pape auoit enuers le roy de France/ & le faire cōdescendre en son amour, Et pource quil ne pouoit paruenir a son intention pour prieres & promesses quil fist au Pape: manda que en brief il viendroit mettre le siege deuant la ville de Romme, Et lors vint iusques a Spolete avecques Aldagise filz du roy Charlemagne: & de la venoit a Romme a tout son armee, Laquelle venoit sans faire mal ne opprimer aucunes personnes/ tout doucement & paisiblement: faignant comme disoit quil ne venoit a Romme sinon que en pelerinage & par veu quauoit faict, Mais neantmoins le pape Adriā fist apporter a Rōme toutes les reliques qui estoient aux faulxbourgs de Rōme & aultres eglises, Et puis enuoya troys euesques au roy Desidere, Lesquelz luy dirent & deffendirent de lauctorite du Pape/ & sur peine de anathematization/ de n'aprocher les fins & limites de romme, Pour laquelle deffence le roy Desidere eut grant paour: craignant que lyre de dieu ne cheust sur luy, A ceste cause sen retourna en la gaulle Cisalpine. ¶ Cependant le roy Charles fut aduertiy des iniures que faisoit Desidere au pape Adrian, Auquel manda quil eust a restituer les villes & aultres choses par luy, ou ses gens prinles appartenans a leglise de Romme/ & de cesser de les molester & faire iniure: ou autrement quil luy feroit faire par force darmes, Des commandemens & admonitions du roy de Frāce: le roy desidere nen tint cōte, Aumoyn de quoy dung coste & daultre fut faict vne grande armee, Mais le roy Charles a grande diligence fist aller vne grande compaignie de gens darmes qui occuperent le mont Iou/ quon dict le mont de Iuppiter: qui est aupres de Alpee & montaignes des ytalles, Et ce faict fist passer son ost & armee par la montaigne de Cenys, Et en descendant la montaigne/ le roy Desidere vint avecques grosse armee alencontre de luy, Mais Charles roy de France le chassa & mist en fuyte luy & son ost/ en mettāt tout a sa subiection, Mais quant desidere se vit ainsi chaste de pres par les frācoys, Il sen fouyt en la ville de Pauie/ & euoya sa femme & enfans en la ville de Veronne, Mais quant ceulx de Spolete/ Reate/ & tous les Longobars qui habitoient icelles villes & regions/ sceurent & congneurent la fuite paourete & calamite du roy Desidere, Se rendirent & donnerēt au pape Adrian, Lequel les print en sa garde apres quilz eurent faict le serment de fidelite, Et puis leur fist tondre & couper leurs grans cheueux & grandes barbes: lesquelles choses estoit signe de grant subiection

Desidere roy  
des Longobars  
fut decōfict p  
le roy Charles  
maigne & mis  
en fuitte,



L'honneur faict  
au roy charle-  
maigne aps la  
cōqste des yta-  
lies en la ville  
de Romme

Les dōs faictz  
p Charlemai-  
gne a leglise  
de Romme,

Desidere fut  
p Charlemai-  
gne euoye en  
exil en la ville  
de Lyon

quāt aux Lōgobars & gēs de leur natiō, ¶ Et a lexēple des Lōgobars/se  
rēdirēt pareillemēt ceulx de Anconne/Dauximate/& les Firmanes:&  
se donnerent eulx & leurs biens au pape Adrian, Or depuis queles Lō-  
gobars se furēt rendu; au Pape/ne voulurēt plus retourner en leurs pays  
ou ilz demouroient, Et leur fut permis de demourer a Romme/y batyr  
& faire maisons/au quartier & lieu de Vaticanne, Et apres plusieurs lō-  
gobars vindrent habiter & demourer a Romme, Mais Charlemaigne  
laisa son oncle Bernard ou siege deuant la ville de Ticine:& avecques  
vne partie de son ost sen alla deuant la ville de Veronne, Laquelle en  
brief se rendit aux Francoys/ou fut prinse Berthe & ses enfans, Mais al-  
degise filz du roy Desidere sen fouyt en Constantinoble, ¶ Apres que  
Charlemaigne eut mis en son obediēce toutes les villes Trāspadane de  
ytalie/sen alla a Romme:pour faire & celebrer la feste de Pasques/avec-  
ques le pape Adrian, Et quant il fut pres de la ville de Romme:comme  
dict le Bibliopole & escript, Furent au deuant du roy Charles troys mil  
le iuges:cest adire troys mille hommes de noble estat & condition/pour  
luy faire honneur & reuerence. Le pape Adrian & tout le clerge latten-  
doit aux degrez de leglise saint Pierre, Mais incontinent quil vit le Pa-  
pe par grande amour il lambrassa/& luy baïsa les piedz, Et apres quilz  
eurent salue lung lautre le Pape le mena a leglise/deuant lautel de saint  
Pierre, Et la le Pape & le roy de France a tousiours se promirent la foy  
lung a lautre, Et pareillement tous les Francoys & les Rommains/& les  
ennemys dune partie seroient les ennemys de lautre partie, Ce faict le  
roy Charles visita toutes lesglises de Romme/& y donna beaucoup de  
dons, Et quatre iours apres quil eut entre en la ville de Romme:il don-  
na beaucoup plus au pape Adrian/que nauoit faict Pepin son pere au  
pape Gregoire, Lesqilles donations par serment conferma, Et oultre dō-  
na au Pape plus amples priuileges, Et comme a escript lescripuain & bi-  
bliopole, Le roy Charlemaigne donna au Pape tout ce qui estoit en Li-  
gure iusques a la ville de Lune:que de long temps estoit destruiſte/&  
iusques aux alpes Dytalie/& lisle Corſce, Et tout ce estoit entre Parme  
& Luques/La ville de Rauanne/Foreiule/Beneuēt/& la duche de Spo-  
lete, Et apres quil eut ce faict/print conge du Pape en grande amour &  
beniuolence/& sen vint en Trāspadane, Et apres quil eut assiege la vil-  
le de Pauie par six mois:il la print & mist en sa subiection, Mais il vſa  
dune grande doulceur & amytiē enuers le roy Desidere:car combiē qł  
fust despoille de son royaulme/neantmoins il luy sauua la vie, Et len-  
uoya luy sa femme & enfans en France en la ville de Lyon en exil,  
¶ Et ce faict le roy Charles sen alla pour faire guerre contre Arachin/  
prince & gouuerneur de Beneuent/gendre du roy Desidere, Lequel fa-  
uorisoit & donnoit ayde aux tyrannies & guerres que faisoit Desidere  
son beau pere, Mais en brief temps fut contrainct de demander paix au  
roy de France, Et pour ce faire bailla en ostage ses deux enfans,



¶ Ainsi que le roy Charlemagne passoit en la gaulle Cefalpine/sen alla en la montaigne de Cassine/pour veoir & visiter par deuotion le monastere saint Benoit, Et puis conferma tous les priuileges donnez & ottroyez au monastere dudict saint/par les princes & roys ses predecesseurs, Et apres quil eut pacifie & appaise toutes les ytalies/& aux chasteaux & villes dicelles mis bonnes garnisons, Sen retourna en France victorieux/& quecques luy fist emporter de grans tresors & richesses quil auoit conquestez & gaignez aux batailles des ytalies, Et emmena avecques luy la femme de son frere & ses enfans, Lesquelz auoit tousiours euz & tenuz en grant honneur, Et oultre fist venir avecques luy Paul dyacre du patriarche Daquilee, Lequel estoit fort ayme du roy Desidere: pour cause de sa science & doctrine, Et par aucun temps le roy Charles laymoit fort/& luy donna liberte de viure & faire a sa volente, Mais quant Charlemagne congneut quil cherchoit les moyens & cause comment il pourroit deliurer & mettre en liberte le roy Desidere, Par le commandement du roy de France il fut enuoye en exil en lisle de Dyomedes: lequel apres aucunes annees sen fouyt dicelle isle/& sen vint a Arachim/gendre du roy Desidere, Et a la requeste & priere de Adelperge/fille du roy Desidere/& femme de Arachim, Il fist & adiousta deux liures aux croniques de Eutrope historien: Cest assauoir depuis le pereur Iulian iusques au temps du premier Iustiniā, Et fist & escripuit toutes les histoires/qui estoient lors aduenues iusques a Iustinian, Mais apres que Arachim fut mort, Il entra au monastere de Cassinense/la ou vesquit & mena vie sainte le demourant de sa vie, Et durant quil estoit au monastere de saint Benoit en la montaigne Cassine/il escripuoit souvent au roy Charlemagne:& pareillement aussi luy en rescripuoit le roy Charles. ¶ Apres que les Longobars eurent regne au pays des ytalies/depuis quilz y vindrent deux cens & quatre ans, Ilz perdirent leur royaulme/lequel fut du tout aboly & exterminie par le roy Charlemagne: lan sept cens soixante & seize. ¶ Lors pource q les Saxons se estoient rebelles/pource que le roy Charles auoit este assez longuement au pays des ytalies. Et aussi quilz estoient ydolatres/& que trente ans auoit quil ne leur auoit faict la guerre, Il leur fist tellemēt quil les vainquit/& les fist couertir tous a la foy crestiennne:& a ce faire les contraignit, Et puis fist guerre aux Hespaignolz/quilz ne vouloient tenir la foy crestiennne: Mais sen detournoient le plus quilz pouoient, Et sur eulx il print par force la ville de Pampelune/& Auguste:& labandona a piller a ses gens darmes, Et ne voulut faire paix aux Hespaignolz/iusques a ce que fermement ilz eussent receu la sainte foy crestiennne, Mais puis apres ainsi quil sen reuenoit en France avecques son ost & armee/apres quil eut passe les montaignes Pyrenees, Il cheut luy & toute son armee en grant dangier, Pour cause des Gascons qui auoient faict ambuche de gens darmes entre les montaignes: mais neantmoins il en eschappa vaillamment

Les liures faitz  
& cōposez par  
Paul patriarche  
Daquilee

Labolitiō du  
royaulme des  
Logobars par  
charlemagne  
lan sept cens  
septante & six

Guerre en He  
spaigne



Trahison des  
Gascos vers le  
roy charlemai  
gne

La mort de cō  
stātin ēpereur  
dorient

Et nonobstant furent tuez & occis en icelle bataille Enselme & Egibert deux des plus vaillans capitaines qui fussent en l'armee de Charlemaigne. ¶ Aucuns escripuent que en ceste bataille mourut Rolād/filz de la seur du roy Charlemaigne: mais ce fut apres la merueilleuse bataille ou furent beaucoup des Gascons tuez, Mais si mourut de coup/naureure/ou de soif/on ne scait certainement, Et finalement les Gascons en ceste bataille furent vaincus: & pour la faulce trahison qu'auoient faicte souffrirent peine de mort comme auoient bien merite & gaigne, Pource qlz estoient pariures & traistres a leur roy, ¶ Taxillo duc de Baiouaire/gendre du roy Desidere/vint lors en France faire la guerre au roy Charlemaigne, Et a ceste affaire les Huns luy aydoient, Mais quant Taxille congneut que le roy de France approchoit de son pays/il requist auoir paix, Laquelle luy fut accordee par Charlemaigne/apres quil eut baille pour ostage son filz Theon/& plusieurs aultres nobles de son pays, ¶ Or ce pendant que ces guerres & tumultes se faisoient au pays de France: L'empereur constantin mourut en orient de la maladie elephantique Cestassauoir de ladrerie, Et croy que cest dont est venue ceste folle opinion/qu'on auoit dict que le grant empereur Constantin auoit este ladre/pour cause & similitude du nom Constantin, Et ou lieu de Constantin fut empereur dorient Leon quatriesme, Cestuy Leon estoit si amoureux & se delectoit tāt aux pierres precieuses/qu'il fist rompre & oster/les ples/rubiz/dyemens: & aultres pierres des reliquaires & choses sacrees de leglise sainte Sophie, Et les fist mettre en vne couronne dor fort pesante & trefriche: & la portoit continuellement luy estant nue teste, Au moyen dequoy il mourut assez tost: & la cause fut/pource que icelle couronne estoit de grant poix: & aussi pour la grande froydeur qui estoit en icelles pierres precieuses, Et ie croy quil en estoit autant adueni au pape Paule second/natif de Venise/qui se delectoit fort a ses pierreries qui appartiennent a porter aux femmes, Il faisoit achapter & achaptoit toutes les plus belles pierres precieuses quil pouoyt trouuer par tout le monde/& les achaptoit biē chieremēt, Et a les achapter il luy employa pres que tout le tresor de leglise, Et quant il alloit par la ville publiquement il sembloit a veoir sō thyare & mitre quil portoit sur sa teste/que ce fust la deesse Cybelle de Phrygie ou turrite, Et ne sembloyt que ce ne fust pas vne mitre/a cause de la grande multitude des pierres p̄cieuses, Pour quoy ie croy que pour la pesanteur dicelle mitre qui luy causoit vne grā de sueur/car il estoit gras: fut la cause quil luy suruint vne appoplexie: de laquelle il mourut soudainement, ¶ Apres que l'empereur Leon fut mort: Hyrene sa femme avecques son filz Constantin sixiesme du nom/gouuernerent l'empire, Ilz firent assembler en la ville de Nycene/troys cens cinquante euesques: ou fut dict decrete & ordonne/que tous ceulx qui feroient demollir & oster les ymaiges & statues des sainctz/seroient anathematisez, Mais Constantin qui estoit fort ieune enfant/par lēhor-



tement & suasion d'aucuns mauuais catholiques en ensuyuant la dā-  
 nee opinion de son pere: fist abroguer iceulx statutz qu'il auoit faictz. Et si  
 ousta toute l'administration de l'empire qu'auoit sa mere. Il repudia Theo-  
 dore sa femme / & print a femme sa chābrière / & luy bailla la couronne  
 de l'empire. Il voulut suborner ses ducz & capitaines qu'il auoit aux ytal-  
 lies / affin qu'ilz voulissent faire guerre cōtre leurs pchāins. Mais p vng  
 messagier seulement le roy Charlemaigne les garda de ce faire. Et lors  
 il auoit la guerre a ceulx desclauonie / & aux Hunes: lesqz on appelloit  
 Hōgres. Lesquelz gastoyent tout le pays qui estoit au pres du fleue du  
 dan. Et aps qu'il les eut tous subiugues & mis en son obediēce / il sen vīt  
 en frācone / dou estoient venuz les frācoys lesquelz pmièrement auoyēt  
 habite ce pays de frācone. Et duquel les Frācoys ont prins le nom / & le  
 reduysit Charlemaigne en son obediēce a bien grāt peine. Et deux ans  
 aps de l'auctorite & mādement du pape Adriā: Theophilace & Estien  
 ne euesques de grande doctrine / tindrent en icelle ville de Frācone vng  
 synode: le quel les Grecz ont appelle le septien synode. Auquel synode  
 se trouuerent beaucoup d'euesques du pays de Frāce / & d'autres du pays  
 des Germains & Alemaignes. Et p icelluy synode fut abolie l'heresie se-  
 licienne: le quel auoit faict abolir & destruyre les ymaiges des saintz.  
 Quant le pape Adriā se vit estre assure de toutes guerres: au moyen du  
 roy Charlemaigne il mist sa cure & entendement a faire refaire les egli-  
 ses de la ville de Rōme. Il fist mettre le corps monsieur saint Paul en  
 vne chasle d'argent: & fist aorner l'autel saint Pierre d'ung poille d'or / la  
 ou estoit paincte l'histoire quant l'ange vint deliurer saint Pierre des  
 liens & fers qu'il auoit quant il estoit en prison a Rōme. Il ordonna quō  
 bailleroit tousiours laumosne a cent paoures / en la grāt place & entree  
 de lateran. Il fist refaire les conduictz & lieux p ou venoyent les eaux a  
 Romme / qui auoyent este rōpuz p les ennemys au temps des guerres &  
 batailles qui auoyent este faictes deuāt rōme. Et entre aultres cōduictz  
 fist refaire iceulx qui faisoient venir leaue du lac sabalin de la voye au-  
 relie / iusqz en vaticāne. Affin q les p̄stres de saint pierre en eussent pour  
 leur vsaige / & aussi pour lauer les paoures q estoient lauez au iour de la  
 cene / en ensuyuāt nostre seignr Iesuchrist & la doctrine de leglise de rō-  
 me. Et oultre fist plusieurs aultres aqductes & fōtaines: & cōme dict frō-  
 tin. Il fist de deux fōtaines qui venoyēt de xxxviii. mille ou enuiron / ve-  
 nir iusqz a leglise de laterā pour baptizer les enfās. Il fist refaire plusieurs  
 eglises. En ce tēps le fleue du Tybre fut si habondāt en eaux & creut si  
 merueilleusement qui rōpit la porte flaminee & tous les fōdemēs: & oul-  
 tre la force de leaue demollit le pont de l'epereur Anthoine le pitoiable  
 leql au tēps passe on appelloyt sublice. Et entre l'anitule & auētine p for-  
 ce deaux furēt destruictes plusieurs maisons / & les arbres furēt defraci-  
 nees / les bledz gastez & perduz. Et tout le plus beau de la ville qui estoit  
 faict pour icelle decorer fut tout gaste / & p les eaux emmene. Mais le pa-  
 pe adriā fut si pitoiable / q il fist administrer des viures & porter en petiz

charlemaigne  
 fist guerre aux  
 hongres

Synode assem-  
 ble en frācon-  
 ne

Ediffices &  
 eglises & aul-  
 tres oeures  
 vertueuses  
 faictz p le pa-  
 pe Adriā en  
 la ville de rom-  
 me,

p.l.



## De Leon, xcviij, Pape

Oeuures cha-  
ritables faictes  
p le pape adri-  
an vers les pa-  
oures

bastaux a ceulx qui estoient aux maisons qui ne pouoyent sortir / & mou-  
royent de famine, Et puis ceulx qui auoyent perdu de leurs biens au moyen  
des grandes eaux, Il leur donna de grandes dons pour les recompenser / & pour re-  
faire leurs maisons, Et outre il fist refaire les murs & murailles de Rome,  
Et pareillement les tours qui estoient toutes tumbées & en ruine Et a ce  
faire il despedit cent liures d'or, ¶ Que scauroit on dire que le pape Adri-  
an eut obmis & laissé aucun bien a faire en sa vie: certes on ne scauroit / mes-  
memment ce que appartient a faire a un bon pape comme il estoit. Car il auoit  
defendu la foy chrestienne / & mis en liberte les Romains / & les paoures fe-  
mes veufues & enfans orphelins auoit trescharitablement defendu &  
nourri. Il mourut la, viij, Kalende du mois de Ianuier / & fut enterre en le-  
glise saint Pierre avecques grande poe & honneur, Il fut Pape, xxiii, ans  
dix mois, & dixsept iours,

## ¶ De Leon, xcviij, Pape: &, iij, du nom,



Leon estoit natif de la ville de Rome, Son  
pere eut nom Arrupien, Il fut cree Pape du  
consentement de tous le iour saint Estienne  
Cestoit un homme chaste de bone doctrine  
& fort eloquent & beau parleur, Il aymoit  
fort les docteurs & gens clercs / & les attiroit  
a luy par force de dons / & se delectoit a estre  
avecques eulx & a les ouyr parler, Il aymoit  
pareillement les paoures & les visitoit sou-  
uent / & aux indigens leur donnoit au mos-  
nes, Il consoloit les desesperes & les pe-  
cheurs & errans mettoit en la voye droicte

Hyrene mere  
de lempereur  
constantin fut  
rappellee  
Constantin eut  
les yeulx cre-  
ues,

& sainte foy catholique / & preschoit souuent: car il estoit fort sacord &  
de douce parolle, ¶ En ce temps Hyrene mere de lempereur Constantin  
fut rappellee par les nobles & bourgeois de la ville de Constantinoble,  
Et pour les grans maulx qu'auoit faictz & faisoit continuellement Const-  
antin / on luy creua les yeulx / & puis on le mist en prison la ou il mourut:  
car il l'auoit bien gaigne / pour ce quil auoit enuoye sa mere en exil: & aus-  
si quil estoit sacrilege homme cruel & mauuais, ¶ Le roy charlemaigne  
en ce temps auoit plusieurs guerres & contre plusieurs pays / lesquels se re-  
belloient contre luy, Pourquoy il enuoya son filz Pepin contre les Hongres:  
lesquels il vainquit & subiugua & redit subiects au roy de France Charlemai-  
gne / & ses enfans estoient en diuerses batailles & guerres, ¶ Ainsi que le pape  
leone faisoit les supplications & processions / qui auoyent este instituees par le pape  
Gregoire publicquement / ou estoit tout le clerge & le peuple de Rome / fut  
pris en leglise saint siluestre par la fraude de pascal premier & de capule  
prestre, Et puis fut despoille des vestemens papalistes / & priue de la papalite



& tresvillainement battu & naure/tellemēt quō cuydoit quil fust aueu  
 gle/&quil eust perdu la langue, Et ce faict le mirent au monastere faict Le pape leon  
 herasme: en vne prison ou il fut par les piedz & mais lie de chesnes & de fut mis en pri  
 gros fers. Mais par la subtilite de sō cubiculaire Albin/qui trōpit ceulx son & cruelle  
 qui le gardoyent: lequel fist tāt qui le tira des prisons/& le fist cacher en ment psecute.  
 Vaticanne: tāt & si lōguemēt q Vinigisie duc de Spolete lequel lauoit  
 enuoye querir secretemēt/le vint querir a Romme/& lemmena sain & le pape leō es  
 sauue iulques a Spolete/auèques grande compaignie de gens darmes/ chappa des pri  
 quil auoit amenez auèques luy/de paour quon ne fist mal au pape Leō sons & fut cō  
 en le menant a Spolete. Lors quant les Rommains sedicieux cōgneurēt duiet p le duc  
 quilz ne pouoyent faire mal ne exercer leur cruaulte/a lēcontre du pape de Spolete iuf  
 Leon/ne de son cubiculaire albin. Ilz abbatirēt leurs maisons depuis le ques en son  
 hault iusques aux fondemēs. Et furent si audacieux & temeraires quilz pays.  
 vindrēt iusques par deuers le roy Charlemaigne/qui lors faisoit la guer  
 re contre les Saxons/pour accuser enuers luy le pape Leon:pource quil  
 scauoit bien que le pape Leon y estoit alle. Mais le roy pour lors remist  
 en aultre tēps de cōgnoistre des differēs dentre les Rōmains & le Pape,  
 Et renuoya le pape Leon a Rōme auēcqs honorable & magnifique cō- le pape leō res  
 paignie. Et luy pmist quen brief seroit a Rōme/pour cōposer & appai- tourna a rōme  
 ser les debat & noyses des ytalles. Tout le clerge & le peuple vint au de  
 uant du pape Leon iusques au pōt miluiā/& luy firēt grāt hōneur & re  
 uerance/en le recepuāt fort doulcemēt/cōme appptenoit a vng saint hō  
 me/& le menerēt en la ville de Rōme. Et peu de tēps aps le roy Charle  
 maigne ne demoura guieres quil ne vint a Rōme. Il passa p Magonce  
 & Foreiule/& puit iusques aux Teruies:lesquelz il mulcta & pugnīt  
 tresapremēt/pource quilz auoiēt tue & occis Hēry leur gouuerneur &  
 prefect. Au lieu duq̄l il en crea & instituavng aultre: puis sen vint a Ra  
 uenne/& de la en la ville de rōme ou il estoit fort desire. Et ne se peurēt  
 les Rōmains aduifer de quelq̄ chose quilz ne recouurassent pour luy fai  
 re hōneur. Et huyt iours aps quil fut a rōme/fist assembler tous les euef  
 ques de rōme/& tous ceulx qui estoiet venuz de Frāce/en leglise saint  
 Pierre/ou estoit tout le clerge & le peuple. Et requist quon dist les cōdi  
 tions & meurs/& pareillemēt la vie du pape Leon. Et lors le clerge tous  
 a vne voix dirent/que le siege & eglise de Rōme est le chief & dame de  
 toutes les eglises. Et que de nully doit estre iugee: mesmemēt dungiuge  
 lay. Pourquoy le roy nen voulut congnoistre pour icelle honorable re  
 spōce. Mais le pape Leon print les saintes euāgilles en ses mains/& sur  
 icelles iura & afferma estre innocēt de tous les maulx & malefices quō  
 luy imposoit. Et fut le iour aux ydes du moys de decembre: Lan de nō  
 stre seigneur huyt cēs. ¶ Or ce pendāt que le roy Charlemaigne estoit  
 a rōme/Pepin estoit auēcqs le duc grimoalde a faire guerre cōtre ceulx  
 de Beneuent/quilz ne faisoient que piller & rober les pays contigues  
 & circonuoylins. Et les chassa tellement & fist si grande occision/que a  
 P.ii.



charlemaigne  
fut couronne  
empereur des  
Romains

Guerre en yta  
lie p Pepi filz  
de charlemai-  
gne

Diuision de  
l'empire

grant peine la teste se peult sauuer / & entrer es murailles de leurs villes  
Et ce faict ordonna chief de la bataille Vinigesie duc de Spolette / & sen  
alla a Romme ou estoit son pere: lequel en brief debuioit estre couronne  
empereur des Romains. ¶ Le pape Leon pour rendre graces au Roy  
Charlemaigne / pour les merites & biens faictz quil auoit faictz a leglise  
Rommaine. Et mesmement quil veoyt & consideroit q les empereurs  
de Constantinoble ne vouloyet & ne pouoyet garder les ytalles / & pays  
de Romme: neantmoins que a ce faire y fussent tenuz / pour le nom de le  
pereur. Mais nen tenoyent compte: combien que les Rommais & ytal-  
lies eussent este grandement oppressees / destruietes & gastees. A ceste  
cause le pape Leon apres quil eut celebre la grant messe papalle en legli-  
se saint Pierre / ou estoient assemblez les nobles & le peuple Rommain  
lesquelz requierent au roy Charlemaigne quil voulust prendre la char-  
ge de l'empire des Romains. Et combien que Charlemaigne se excu-  
sast, neantmoins le peuple & le clerge tous ensemble l'appelleret & crie-  
rent a haulte voix par troys foys empereur des Romains. Et lors le pa-  
pe leon le couronna dune couronne dor, Et tout le peuple puis apres le  
cryerent a haulte voix / soit paix & victoire a l'empereur Auguste cou-  
ronne de dieu. Et puis luy & son filz Pepin furent par le Pape enoinctz.  
Et apres Pepin fut cree solempnellement & appelle roy des ytalies. Et  
apres que Charlemaigne eut este sacre empereur: par sentence ordonna  
que Campule pascal / comme les principaulx cōiurateurs / & qui auoiet  
accuse le pape leon a tort / seroient decapitez. Mais le Pape qui fut mise-  
ricordieux requist au roy Charlemaigne quil leur sauuaist la vie: ce q  
a grant peine y peult obtenir. Mais pour lhonneur du Pape il les enuoya  
en exil en France. ¶ Aucuns vouloyet persuader & faire tāt au roy  
Charlemaigne / quil chassast tous les longobars qui estoient demourans  
aux ytalies: Ce quil ne voulut faire: pource quil y en auoit qui estoient  
y l'uz de leur sang / qui habitoient au pays des ytalles / qui estoient gens  
de bien: & pour l'affinite quilz auoyent il nestoit pas conuenant ne raiso-  
nable / de les chasser ne debouter du tout hors le pays des ytalies. Mais  
le pape leon & l'empereur Charlemaigne conclurent ensemble / que le  
nom des lōgobars demouroit seullemēt ou lieu ou les lōgobars tenoyet  
leur principal siege. Pepin roy des ytalies sen alla a Rōme par Samnie /  
ou il fut deuant Beneuent par aucuns moys. Mais il ne le peult pren-  
dre d'assault: pourquoy leua le siege & print le chasteau de Theate par  
force darmes / & le fist abbatre & bruller. Et de la ainsi quil sen venoit  
en Ortonne & lucere / pour les prendre: les habitans eurent si grāt paour  
qui rendirent les villes a son obediēce & domination. Grimoalde duc  
de Beneuent / fut trouue dedans la ville de lucere / & fut prins par Pepin  
& mis prisonnier. Mais peu de tēps aps du despīt & douleur quil eut / se  
laissa mourir. ¶ En ce tēps hyrene ēpereur de cōstātinoble ēuoya āba-  
sadeurs au roy charlemaigne / pour faire paix avecqz luy. Et fut l'ēpire



diuisee: cest assauoir que l'empire Hyrene auroit icelle partie des ytalles qui est a la dextre de Naples/ & la fenestre partie pres de ponto/ qu'on dict maintenant la ville naufredone: laquelle est close de mer hault & bas, Et oultre elle eut la Sicille, Et tout le reste des ytalles fut a l'epiereur Charlemaigne: excepte les villes & terres de leglise de Rome. ¶ Nicephore qui estoit patrice de Constantinoble/ fut lors courrouce & mary contre Hyrene empereure/ & ne voulut endurer quelle gouuernast l'epire de Constantinoble: & par fraude la print & l'enuoya en exil/ en Lesbum, Et puis renouuela la confederation qu'auoit faict Hyrene avecques l'epereur Charlemaigne, Et pource que les Saxons plusieurs fois estoient rebelles contre Charlemaigne, Il les contraignit venir tous demourer en France/ eulx leurs femmes & enfans, Et les fist conduyre avecques vne grande compaignie de gens d'armes/ affin qu'en venant ne fissent aucun mal. ¶ Le pape Leon tousiours estoit persecute de seditions/ pour ce quoy sen alla en la ville de Rome/ & en la ville de Mantue: pour veoir le sang nostre seigneur qui faisoit de grans miracles en ce temps, Lequel fut begninement receu des habitans & bourgeois de la ville de Mantue. Et apres quil eut congneu & approuue les miracles qui se faisoient par la vertu du glorieux sang nostre seigneur, Il se partit de Mantue & sen alla ou estoit l'empereur Charlemaigne roy de France: pour lacerter de ce quil auoit veu touchant le precieux sang, Car Charlemaigne auoit grant desir de scauoir la verite: & aussi de ce qu'on faisoit aux ytalles luy parla le pape Leon. ¶ Apres que le pape & Charlemaigne eurent parle longuement ensemble des faictz & seditions des ytalles, Le Pape accompaigne du roy Pepin sen retourna aux ytalles: ou fist prendre plusieurs nobles ytalies & aultres sedicieux: & en fist faire la iustice telle quil leur appartenoit: combien que a ce faire leur fut assez misericordieux. ¶ Or puis apres que l'empereur Charlemaigne sceut & congneut/ que son filz Pepin lequel auoit faict roy des ytalles/ estoit alle de vie a trespassemēt en la ville de Millan, En son lieu il institua roy des ytalles son nepueu Bernard, Et que en toutes choses obeyst a son filz Loys moyne: lequel auoit faict roy Daquaine & successeur de l'empire. ¶ Le roy Charlemaigne empereur des Rommains/ fist & ordonna les limites & fins de l'empire qui voulut diuiser de France, Cest assauoir tout ce que diuisoit le fleue du Rim & le fleue de loyre qui viēt de Bourgogne: & iceux separe de Bourges, Et en Germanie voulut estre les fins & limites de l'epire: depuis les riuieres & fleues de Danubie ou dan & la some, Et fōt icelles prouinces: cest assauoir/ Aquitaine/ Gascongne: la plus grant partie Despaigne/ la Gaule/ Cisalpine/ Saxone/ & les deux pannonies/ Liburne/ & Liburne, Mais les mers & riuages de Dalmace estoient de l'empire de Constantinoble, ¶ Or apres que l'empereur Charlemaigne eut ainsi ordonne & diuise de son empire & de plusieurs aultres choses pource quil estoit malade du mal de coste/ il se estoit retire en Aquisgrane

Les Saxons viderent tous demourer en France

¶

le trespas de pepin filz de charlemaigne roy des ytalles

p.iii,



La mort de  
charlemaigne

Troystables  
dargent

L'institution  
des rogations

cest en la ville Daix en Allemaigne/pource quil y auoit des baingz ou  
sortoient de terre & venoient naturellemēt les eaux chauldes, Lēpereur  
Charlemaigne aps quil eut este fort agite & malade/il mourut du mal  
de coste & dune fiebure: lan de son aage soixante & douze: la cinquiesme  
kalende du moys de Feburier: qui estoit lan de nostre seigneur hu ytcēs  
& quinze, Il fut enterre en leglise nostre dame quil auoit faict faire/en  
la ville daix/auēques grande solempnite & pompes, Et sur son tum-  
beau fut escript son epitaphe/tel quil sensuyt, Magni karoli regis Cri-  
stianissimi: Romanorumq; imperatoris corpus hoc sepulchro conditū  
iacet, Cest adire en frācoys, Cy gist en ce sepulcre le corps du grāt Char-  
les roy trescrestien empereur des Rommains, ¶ Lempereur Charle-  
maigne / fut en son temps & regne tresexcellent & magnifique/car qui  
regardera bien ses faictz & gestes quil a faictz/tant au temps quil estoit  
en paix/que quant il estoit en guerre/cest vne chose merueilleuse, Telle-  
ment quil ny auoit eu Roy ne empereur au parauant luy/ne a eu apres  
luy semblable ne pareil, Quant il estoit en paix/il vacquoit & se dele-  
ctoia a estudier & lire les sciences escriptures aux liures, Et fut le pre-  
mier qui fist les estudes & vniuersite de Paris/par le commandement de  
Albin: Il dōna troys tables dargēt quil auoit: en la premiere estoit scul-  
pe & escript la ville de Constantinoble: & icelle donna a leglise sainct  
Pierre, La seconde ou estoit insculpe leffigie & semblance de la ville de  
Romme: & icelle donna a leglise de Rauanne, Et la tierce table dargent  
ou estoit descript tout le monde: il la laissa a ses enfans, Aulcuns disent  
que icelle table estoit toute dor. ¶ Le pape Leon fist refaire la couuertu-  
re de leglise sainct Pierre/qui estoit tumbée par le tremblement de la ter-  
re, Et fist construyre & edifier vng hospital pour les paoures/pres le-  
glise sainct Pierre/que les Grecz appelloient Xenodochion, Et oultre  
il institua & ordonna les processions & supplications/quon faict troys  
iours deuāt la feste de l'ascension nostre seigneur Iesuchrist, Le premier  
iour on alloit de leglise nostre dame ad presepe: cest nostre dame de la  
crache en leglise Constātinianne, Et la seconde iournee de leglise sain-  
cte Sabine martyre/en leglise sainct Paul, Et la troiesme iournee/on  
alloit de leglise saincte croix de Hierusalem/a leglise sainct Laurens/  
hors les murs de la ville de Romme, Il trespassa le iour de deuant les  
ydes du moys de Iuing, Et fut enterre en leglise sainct Pierre,  
Deuant sa mort apparut au ciel des comettes/quilz signifioient comme  
aulcuns disen/la calamite/pourete/& misere qui debuoit aduenir, Il fut  
Pape vingt & vng an, Et apres sa mort le siege apostolique fut vaccant  
par lespace de dix iours,

¶ De Estienne nonante & neufiesme Pape:  
Et quatriesme de ce nom,





Stienne estoit de Romme natif, Son pere  
eut nom Iulie trois moys aps quil eut este  
esleu pape & cree: il sen vint en France par  
deuers Loys roy de France & Empereur,  
Mais pourquoy il y vint on nen scet riens  
sinon que aucuns ont escript & coniecture  
que ce fut pour eüiter la sedition du sediti-  
eulx & conspirateur Campule, laquelle se  
cōmençoit a pulluler apres que le pape Le  
on fut alle de vie a trespaslement, Or quāt  
le Roy de France & Empereur des Rom-  
mains nomme Loys le piteulx & debōnai

Pape Estiēne  
vint en frāce,

re sceut & congneut que le pape Estienne venoit par deuers luy il fist al-  
ler audeuant de luy vne honorable & magnificque compaignie des gen-  
tilz hommes & nobles de France: & mesmemēt y fist aller Theodulphe  
euesque de la ville Dorleans / acompaigne du clerge / & grande multitu-  
de de peuple: Et puis alla luy mesmes au deuant: iusques le long dung  
iect de pierre: Et incontinent quil aperceut le pape il descēdit de son che-  
ual: & aps quil eut fait la reuerence au pape / & le pape a luy, Il amena le  
pape en la ville Dorleans en grande magnificence: & les gens deglise al-  
loient deuant chantant souuentefois, Te deum laudamus, Le pape Esti-  
enne estoit extraict de noble lignee: il auoit este nourri & alimente tous-  
iours auecques le pape adrian & le pape Leon, Et vng chascun le reppu-  
toit saint homme: car il auoit estude & congneu la maniere de bien vi-  
ure auecques ces deux papes, Et pource q̄ le peuple desiroit fort de veoir  
le pape & estoient en la ville Dorleans si grāde multitude que ne se pou-  
oient contenir, le roy de France mena en son logis le pape ou furent lon-  
guement tousiours beuuant & mengeant ensemble tellement quil ne se  
laissoient point que bien peu, ¶ Et apres que le pape & le roy eurent lon-  
guement parle des choses & estat du pays de Italie: il print conge du roy  
de France & empereur des rommains: qui pour lors estoit fort empesche  
pource que les Gascons sestoient rebellez contre luy: & se vouloient ex-  
empter de la subiection du roy de France / & de lempire: mais en brief il  
les vainquit & subiuga: & pareillement les Bretons, ¶ Or quāt sen vou-  
lut aller le pape Estienne a romme: il fist comme nostre seigneur faisoit  
lequel pardonnoit & prioit pour ses ennemis, Il requist & pria a l'empe-  
reur quil luy pleust deliurer tous les bannis & captiz qui auoient machi-  
ne & coniure la mort du pape leon, lesquelz estoient prisonniers & bānis  
en france: par le commandement & ordonnance du feu empereur Char-  
lemaigne son pere: laquelle requeste lempereur ottroya au pape Estien-  
ne: & les emmena auecques luy a romme: & oultre luy donna vne croix  
dor laquelle auoit fait faire pour loffrir a leglise saint pierre, ¶ Apres  
que le saint pere fut arriue a romme, il mourut: & fut enterre en leglise

La clemence  
du pape Esti-  
enne,

p, iiii,



De Paschal, c. pape,

sainct pierre, Il ne fut pape que sept moys, Et lors p sa mort le siege vaca par l'espace de vnze iours,

¶ De Paschal, centiesme pape,  
Et premier du nom,



Aschal estoit du pays de Rommenie, Son pere eut nom Bonose : il fut cree pape sans l'auctorite de l'empereur pourquoy incontinēt quil fut esleu pape / il enuoya deuers l'empereur en frāce six legatz / par lesquels mandoit a l'empereur quil luy voulust par donner sil auoit este esleu sans son auctori- te / & que se nestoit pas la coulpe / & faulte : mais cestoit celle du clerge / & du peuple / quil le contraingnirent de accepter la papaulte, A quoy respondit l'empereur que le clerge / & le peuple de Romme debuoit

L'empereur  
loys debonnaire  
associa son  
filz lothaire  
empereur,

garder & obseruer les pactions & institutions des anciens, Mais que dor- resnauant se gardassent de offencer la maieste imperialle / & que pour ce ste foys il acceptoit l'offence & excusation du pape. ¶ L'empereur Loys assemblea les nobles & gentilz hommes & tint son estat royal / en la ville Daixen Allemaygne / & deuant tous print / & associa pour goner l'empire Lothaire son filz aine : Et fist son filz Pepin second roy Daquitaine, Et Loys son tiers filz roy de Bauare. ¶ Or en ce temps Benard roy des Italles par le moyen daucuns euesques seditieulx & daultres cyto- ens & nobles des Italles, se voulut exempter de l'empire des Rommains & contraingnit aucunes villes & citez de luy faire obedience / & pareil- lement aultre peuple viuant soubz l'empire des Rommains, Parquoy il esmut & incita l'empereur loys debonnaire roy de frāce, Lequel enuoya des capitainez & gens darmes aulx Italles, Mais comme Benard les vou- lut empescher de passer les Alpes & montaignes de Itallie / il fut vaincu & prins : & lors furent tuez les principaulx auteurs des seditions, Et luy fut mene a Aix en Allemaigne ou il eut la teste coupee, Combiē quil requist pardon & misericorde luy estant agenoulx, Et les euesques aussi auteurs & facteurs dicelles noyses / debatz / & seditions : furent par sentence & decret synodal cōdempnez a demourer tout le temps de leur vie en certains monasteres / ou velquirent solitairement, ¶ Apres que les Italles furent mises en paix l'empereur Loys fist guerre aulx Saxons qui cestoyent rebelles / & tua & occist en bataille Viromache le tyran q se vouloit faire roy diceulx : & puis fist declarer son filz Lothaire roy des Italles : & lenuoya a Rōme ou il fut sacre roy des Italles en leglise sainct Pierre, & p le peuple proclame & appelle Auguste, Mais quāt lothaire

Lothaire filz  
loys debonnaire  
fut roy des  
Italles,



seut & congneut les seditions noyses & tumultes / qui se faisoient aux  
 Italles / & que auecques luy nauoit assez gens darmes pour y resister / il se  
 retira par deuers son pere / pour assembler plus grosse armee, Et ce pen-  
 dant se fist a Rome vne grande cōmotion de peuple en la quelle Theo-  
 dore premicere / & leon nouenclator au pallais de latran eurent les yeulx  
 creuez: & puis furent tuez. ¶ Aucuns ont voulu dire que ce fut a la reque-  
 ste du pape paschal. Mais deuant le synode: ou estoient assemblez, xxx.  
 euesques, le pape paschal sen purgea & rendit innocent tant par cōiectu-  
 res raisons que par iuremens & sermens / quil fist sur les sainctes euangil-  
 les. l'empereur eut asses agreable icelle satisfaction, Mais comme dit le  
 biblioticaire il fut rescript quil nauoyent dorensauant a Romme aucu-  
 nes seditions pour chose incertaine. Et oultre l'empereur par lettres des-  
 claira les villes & cytes qui estoient subiectes a lēpire, Celsauior Are-  
 tie / Voleterre / Clusium / Florence: qui auoit este refaite p son pere Char-  
 lemaigne & tresbien augmentee / pictore / Lucque / pise / perse / & la viel-  
 le ville / & le demourant vouloit quil fust a la domination de leglise Rō-  
 maine. Et oultre ottroya & donna auctorite au pape paschal de eslire les  
 euesques: laquelle puissance le pape Adrian auoit donnee & ottroyee a  
 l'empereur Charlemaigne roy de france: comme auoit escript le biblio-  
 thecaire de Romme, le pape paschal fist apporter les reliques des sainctz  
 qui estoient hors la ville de romme en aucunes eglises / & monasteres:  
 & les fist mettre honorablement en lieulx honnestes dedans la ville de  
 romme / il deliura plusieurs prisonniers & captifz: qui tenoyent prison  
 pour debtes / lesquelles y payoit pour eulx / aux crediteurs: il fist edifier  
 & construire leglise sainte praxie vierge & martyre. Mais par faulte de  
 lauoir soustenue maintenant elle est en ruyne. Et oultre fist construire /  
 & edifier leglise sainte Cecille comme apert par les escriptures qui sont  
 encores de present en icelle eglise / il y mist les corps saintz / sainte Ce-  
 cille / & de saint Valerien son espoux / & de saint Tibucre / saint Ma-  
 xime martyr. Et les corps saint des papes / Urbain / & lucie. Et donna a  
 icelle eglise de precieulx aornemens / dor / & d'argent / & la fist aorner de  
 pierre de mabre & aultres pierres de grant pris & estimation. ¶ Et apres  
 quil eut fait refaire leglise nostre dame de la Crache: & remettre en meil-  
 leur estat quelle nestoit: il mourut & fut enterre en leglise saint pierre.  
 il fut pape sept ans / trois moys / &, xvii. iours. Et lors ne vacca le siege de  
 romme que quatre iours.

Villes des ital  
 les subietez a  
 loys de bonnai-  
 re empereur,

Eglises & mo-  
 nasteres edifi-  
 fies par le pa-  
 pe paschal,

¶ De Eugene cent & vngiesme pape  
 Et second du nom,





Vgene estoit du pays de romme, Son pere eut nom Boemond: il estoit si deuotieux/ si saint & de si grãde science/ & doctrine quil fut esleu pape du consentement de tous Et fut au temps de Lothaire roy des Italles lequel enuoya vng potestat & homme de iudicature pour exercer & faire iustice au peuple de romme, les rommains estoient en grãde liberte en ce tẽps la que regnoit loys roy de Frãce & empereur des Rommains, combien que au parauant il eussent eu grãdes calamitez & estoient tenus en grande

seruitude. ¶ Or ce pendãt l'empereur loys par l'espace de quarante iours fist mettre le pays de Bretagne a feu & a sang/ & les gasta merueilleusement. Et puis fist avecques les Bretons paix apres quil eurent baille des ostages lesquels amena avecques luy en la ville de Rouen, la ou il ouyt les orateurs & ambassadeurs de Michel empereur de constantinoble: lesquels demanderent au roy Loys empereur de romme quil luy sembloit des statuez & ymages/ s'il les debuoit abolir ou restituer & remettre aux eglises, Lors quant l'empereur loys les eut ouyz & entẽduz: il les enuoya au pape Eugene & que cestoit a luy de congnoistre de ceste matiere & q'il y auoit interest, Et depuis l'empereur chassa les Vulgaires qui gastoient le pays de Pannonie & Dalmace, Mais auant l'empereur commença la guerre contre Haydon prefet Daquitaine qui sestoit rebelle contre l'empire & royaulme de France/ & auoit occupe vne grande partie des Hespaignes & laisse grande multitude de naures garniez de gens darmes qui faisoient beaucoup de maulx de vexations aux villes & cytez situez & assises pres du riuage de la mer/ & nestoit demoure en tout le pays Despeigne feal & fidelle a l'empereur: que Benard compte de Barcelonne: lequel par terre & mer se porta vaillamment, ¶ Le pape Eugene ne tenoit compte des biens tẽporelz ne des hõeurs mondains & se mist a penser pour la chose publique & leur faire administrer des viures, tellement que en son temps les blez/ vins/ & aultres vitailles furent a si vil pris que iamais ou nauoit veu, Il nourrissoit & deffendoit les veufues en sans mineurs & orphelins tant que par tout on l'appelloit le pere des poures, Par son idustrie & prieres/ il fist deliurer les captifz qui estoient bannis en France/ & faire reuenir a Romme: ou il les nourrist: car tous leurs biens estoient confisques: il fist cesser la guerre que faisoit Cyco duc de Benneuent a lencontre de ceulx de Naples: il fist porter le corps Saint Ienuier en Benneuent & le fist mettre en la grande eglise, Il persuada au duc de Benneuent de faire guerre aux sarrasins: lesquels auoyent desia prins la ville de Panonnie qui est en la Secille, ¶ Apres quil eut este pape par l'espace de trois ans il mourut & fut ensepuele en leglise monsieur

Guerre en a-  
quitaine par  
loys le debon-  
naire,



De Valentin, cii. Et premier du nom, De Gregoire, ciij. & iiii. du nom, Fueillet, C  
sainct pierre en grande reuerence: comme lauoit bien merite,

¶ De Valentin, cent & deuxiesme pape,  
Et premier du nom,



Valentin estoit natif de Rommenie, Son pere eut nom Leonce: il fut de si grãde vertu & sainctete: que a lors quil fut esleu: il nestoit encores q diacre, Mais il ne sen falloit point esmerueiller / car il auoit este nourri & endoctrine des son ieune aage iusques a maturete daage auecques les sainctz peres paschal & Eugene: il ne se occupoit point aulx ieulx / aulx voluptez: cõme ont acoustume de faire plusieurs ieunes efans mais aprenoit & ensuiuoit la doctrine / & reigle de bien & sainctement viure / selon

les sainctz peres du temps passe: il estoit homme de si belle eloquence / & beau parleur: que facillemẽt il obtenoit ce que vouloit pour cause de sa facunde & douce parolle / & pareillemẽt dissuadoit ce que vouloit par sa parolle: il fut cree pape du consentement de tous, Il mourut quarante iours apres quil fut esleu pape / & fut enterre en leglise sainct pierre, Et tout le clerge & peuple plouroit sa mort / qui auoit este si soubdaine, Or ainsi que le siege de Romme estoit vaccant Sycard duc de Benneuent exerceoit & menoit vne vie de tyran apres que son pere fut mort, Il prit Dieudonne abbe du monastere Casine & le mist ne prison: pource quil ne luy vouloit bailler de laigent a sa voulẽte: en laquelle prison mourut le sainct abbe: & comme sainct homme auoit este repute,

¶ De Gregoire cent & troiesme pape,  
Et quatriesme du nom,



Gregoire estoit Romain: on appelloit son pere Iehan, Il estoit prestre / & auoit le tiltre de saint Marc: quãt il fut esleu a la papaulate, ¶ En ce tẽps les Sarrazins occupoyent Asie & osterent les passaiges aulx crestiẽs pour aller en Iherusalem: & aultres lieulx sainctz, ¶ Et lors les mores occuperent la plus grande partie de la Secille: & comme icy dit prindrent Panhorme: & ne le purent deffendre ne empescher les Venitiẽs, ¶ Les Venitiẽs en ce temps cõmencoyẽt

Les mores occuperent la Secille,



Le corps saint  
Marc euāgeli  
ste fut aporte a  
Venise,

Les sarrasins  
descendirent  
de rechef en  
Itallie,

à croistre & sen richir: car au parauāt il auoyēt este destruis eulx & leurs villes: au temps que les Hunnes/ le roy Attila/ print/ & occupa Aquil-  
lee/ Concorde/ Altine/ & aultres prouinces des Venitiens: lesquelles du  
tout furent destruićtes & mises en ruines, Pourquoy pour eüter la cru-  
aulte & totale destruction: les Venitiens pour eulx sauuer habiterent  
aulx lieulx paludieulx & plains deaulx: ou de present est la ville de Ve-  
nise, Et lors il auoyent vng duc quon nommoit Iustinian: la cause pour-  
quoy ie lay voulu nommer: pource que en son temps fut aporte a Veni-  
se le corps saint Marc euangeliste de Alexandrie par des marchans Ve-  
nitiens: & luy fut fait par les Venitiēs vne belle eglise au plus beau lieu  
& honorable qui soit en la ville de Venise: ou il fut mis & colloq/ & fut  
donne a icelle eglise de beaulx & precieulx ioyeaulx & aultres dons, Et  
des lors les Venitiens ont tousiours porte en leurs bennieres/ & guidons  
l'ymage saint Marc, Mais quant le pape Gregoire vit & congneut que  
les venitiens ne pouoyent expeller & chasser les mores & gens Barbares  
du pays de Secille: il eguoya messagiers & legatz par deuers l'empereur  
Loys debonnaire & son filz Lothaire roy des Itallies affin de donner se-  
cours & ayde aulx Sicilliens, Mais il fut respondu q̄ cestoit affaire a l'em-  
pereur de Constantinoble auquel appartenoit se que occupoyēt les Barba-  
res, Mais neautmoins quil estoient tous prez & apareillez dy aller a com-  
muns despens & commune armee, Or ce pendant que les legatz & ambas-  
sadeurs faisoient leurs legations, Boniface conte de Corsique & son frere  
Bertare/ & avecques layde daucuns peuples monterent sur mer en he-  
trurie: & sen allerēt en Aphrique entre Vtique & Carthage/ & par qua-  
tre foys eurent Batailles contre les Aphriquains & Carthaginiens/ Bar-  
bares: ou il en tuerent & occirent si grande multitude que les Mores fu-  
rent contrainctz de rappeler leurs gens qui occupoyent & gastoyent la  
Secille/ pour leur ayder: ou il estoiet du tout adnichillez & perdues, Et  
aultre foys ainsi auoit este fait a scipion: & par ses moyēs la secille fut de-  
liuree des mains des gēs barbares, Et sen retourna Boniface en Corsique  
avecques ses nauires chargez de grandes richesses quil auoit gaignez con-  
tre les Aphriquains & Carthaginiens, ¶ Aucuns ont escript que apres  
que les Italles furent redigez & reduites en paix: que Lothaire estoit mar-  
ry que son pere auantagoit charles son frere mamne de luy: qui puis aps  
fut congnomme Charles le chauue: & quil le preferoit en toutes choses  
deuant que luy/ pourquoy mist en prison son pere, Mais peu de temps  
apres/ il le deliura: & que au moyen de ce les barbares ifidelles vindrent  
Daphrique par mer en Itallie & quil descendirent a Centuncelles/ qui  
sappelle maintenant la ville vielle/ ou sainte eueche/ & quil labatirent  
& de la vindrent a Rome laquelle prindrent, Mais ie croy quil nest cō-  
sonant ne veritable, Mais bien est vray quil prindrent centucelles, Mais  
non pas la ville de Romme, car combien quil furent deuāt pour la pren-  
dre: toutesfois elle fut biē deffendue par le Marquis Guyon, Et quant il



virent quil ne pouoyent prendre Rómme il braillerent les faulx bourgs / & eglises qui y estoient saint Pierre / & saint Paul qui estoient au chemin / & voye Latine / & puis monterent la montaigne Cassine / ou prendrent & destruisirent le chasteau & bourg saint Germain / & le monastere saint Benoist: qui estoit en la montaigne, Et ce fait descendirent au long du Tybre a Hostie / & sen allerent a Tarente: en la Secille pour loccuper, Mais il furent encores chasses par Boniface & furent si fort oppressez quil furent contrains de leur en retourner en leur pays.

¶ Je croy que en ce temps le corps saint Barthelemy auoit este prins en la ville de Lipare: qui est en Cecille & aporte en Benneuent, Et ceste translation fut faicte par le duc de Benneuent Sicard, lequel auoit este present en la bataille quant furent chasses les Barbares de la Secille. Et la cause pourquoy fut le corps saint translate, Cestoit de peur que ne vint / & tumbast aulx mains des infideles. ¶ Or ie retourne au pape Gregoire qui fut de si grande prudence & modestete / quil ne voulut occuper la dignite pontificale alaquelle auoit este esleu du consentement de tous / iusques ace quil fust conferme par lempereur loys roy de France: lequel pour ceste affaire enuoya a Rómme ses legatz & ambassadeurs pour enquerir se lelection du pape auoit este bien & deument faicte. ¶ Or apres quil sceut quauoit este faicte canoniquement il la conferma, Et nauoit ce fait par orgueil ou arrogace, Mais affin quil ne laissast perdre les droictz de lepiscopat, Car il fut tout le temps de sa vie humain doulx amiable & gardoit les droictz de leglise / & iceulx augmentoit. ¶ Lempereur Loys trescrestien roy de France fist vne ordonnance que les gens deglise ne seroyent vexez de seruitute ne trauaillez de succides & gabelles, Et que les eglises auroyent terres & possessions desquelles il prendroyent les reuenuz fructs & emolumens: pour viure les prestres & ceulx qui font le seruice diuin / affin que par pouurete ou necessite le seruice de dieu ne fust delaisse: ou diminue: & aussi que par necessite les gens deglise ne se adonnassent a faire le faict de marchandise: il fist celebrer vng synode: lan de lin carnation nostre seigneur iesuchrist huict cens & trente, ou fut deffendu que les euesques / prelatz / abbezz / & aultres gens deglise / en quelque degre ne dignite quil fussent il ne portassent robes de foyes rouges / ne robes amples & larges: ne pareillement ne portassent aulx doys bagues / anneaulx / ne aultres pierres enchassez en or: ou argent: sinon quant les euesques / ou prelatz font le diuin sacrifice / ne portassent en leurs saintures / or / ne argent ne aulx courroyes de leurs soulliers / & pentouffles: qui est vne chose vaine & mondaine de ce porter / & nappartient a bons catholiques & gens deglise / car ce font manifestes & ostention de grande vanite & incontinence. ¶ O empereur Loys ie vouldroye que tu vescuisses & feusses maintenant en vie / leglise de maintenant a grant besoing & necessite de tes saintz statutz & de ta bonne iustice & cohercion, Car les gens deglise de quelque estat quil soyent esleuez: ce nest que luxure / ordure / & vanite que de leurs habitz

Le corps saint Barthelemy fut apporte en Itallie,

Droit depire,

Ordonnance touchant les habitz des gens deglise.



De Gregoire, ciii. Pape, Et iiii. du nom,

La mort de l'empereur loys de bonnaire.

Institution de la feste de tous sainctz.

Rabanus

qui sont des soyes rouges/iaunes/& de toutes aultres:& sont polis & vestus quil semble que se soyent ymages painctes & nō pas hommes: pour cause des sumptueulx/& precieulx vestemens quil portent: il sont montez sus grans cheuaulx qui font les saulx & pennades enharnachez & phalerez de velours/ & draps de soye / & semblent quant il cheuauchent par la ville/ ou champs quil triomphent ainsi / comme sil auoyent gaingne vne bataille/ prins/& tue leurs ennemis/ il ont paiges de liuree/ deuāt/ & derriere eulx/& prestres/& aultres clerchez en grande multitude / montez sur belles mulles & cheuaulx, & certainement les euesques & prelatz de maintenant ne vont pas sur vng asne: comme fist nostre seigneur Iesu-christ qui estoit aucteur & exemplaire de bien viure. ¶ Or quant est de la vaisselle d'argent/tapilleries/bagues/chefnes/ioyraulx/ & aultres extensilles de maison/& de sumptueulx & excellens banquetz que continuellement il font: ie nen parleray point maintenant: car les viandes de la Secille ny feroient riens ne les ornemens Italliques/ne pareillement les vaisseaulx & portz de Corinthie/ si bien les cōsidere & regarde ne sōt a comparer a ceulx des prelatz de maintenant de ces boubances pompositez & intemperance. Car comme on dit en commun prouerbe. Il ne fault point parler du ciel ne ouurir la bouche pour en parler. ¶ A ceste cause ie retourneray a l'empereur Loys roy de France / lequel apres quil eut fait reformer l'estat de leglise il alla de vie a trespasement: apres quil eut regne empereur des Rommains trente & six ans:& fut ensepueli en leglise sainct Arnoul. ¶ Et peu de temps apres mourut le pape gregoire mais au parauant il translatā le corps sainct Gregoire & le mist & colloqua au lieu ou il est de present. ¶ Aucuns disent quil translatā les corps sainctz Sebastien/& sainct tiburce/des cymetieres ou il estoient / & les colloqua en leglise sainct Pierre. ¶ A la requeste & priere de l'empereur Loys/ le pape Gregoire fist instituer la feste de tous les sainctz/ aulx kalē des de nouembre:& icelle feste a este grandement louee & magnifiee p vng religieulx theologien nomme Rabane: tant en vers/& mettres/ que en prose: car il estoit bien expert/& scientifique a composer en oraison solue/& prose/ que pareillement a metrisier. ¶ Cestuy Rabane fort cōmenta & fist les cōmens dessus les liures de Paralipomenon/& des Machabees. Il composa & fist de beaulx sermons. Et mesmement celluy de la feste de tous les saictz. ¶ Le pape Gregoire alla de vie a trespas le. xvi. an de sa papaulte:& fut ensepueli en leglise sainct pierre. Et par sa mort le siege fut vacant quinze iours.

¶ De Serge cent & quatriesme pape,  
Et second du nom,





Serge estoit natif de la ville de Rome, Son pere eut tel nom que luy, il fut cree & esleu pape au tēps que Michel empereur de Constantinoble mourut, ¶ Aucuns disent que le pape Serge : auoit nom au parauant quil fust esleu a la papaulte os de pourceau / ou bouche de pourceau, Mais pour la turpitude du nom il print le nom de Serge / & que depuis est venu la coustume que apres lelection des papes: il changent leurs noms & delaisent les noms de leurs parens / & mais leurs: mais il na pas este tousiours obserue:

Pourquoy lon change le nō du pape en lesisant.

& garde, Mais quoy quil soit Serge fut dune noble lignee & ne a degenerate: mais suiui les bons predecesseurs papes / soubz lesquels auoit vescu & aprins leurs saintes doctrines, Cest assauoir soubz Leon troisieme, Estienne quatrieme, Eugene second, & Gregoire quatrieme, Lequel apres quil fut mort ne fut trouue plus ydoine pour estre pape q̄ luy, ¶ En ce temps les enfans de lempereur Loys roy de France : apres quil fut mort eurent si grandes haynes noyes & debat̄ pour la diuision de lempire & royaulme de france que lothaire & loys assemblerent vne grosse armee & vindrent iusques en la ville de fontenay: au pays Dauxcerre / ou fut vne merueilleuse bataille entre les trois freres, Mais Charles le chauue gaigna la bataille / neautmoins que dūg coste & daultre mourut plus de gens que iamais on ouyt dire en bataille / & sen fouit Lothaire en aquif grane: cest Aix en Allemagne, Mais le roy Charles tousiours les suyuoit avecques gens darmes pourquoy sen fouyt en la ville de Vienne & avecques luy y emmena sa femme & enfans, Mais par le moyen des princes & barons de france que pareillement des Italles / & aussi par le commandement du pape Serge / lequel y enuoya George archeuesque de Rauenne avecques trois cens gentilz hommes : pour trouuer moyen de paix, Mais ainſi quil estoit au cōmencement de la bataille avecques lothaire & que la fortune de la victoire vint au roy Charles tous les trois cens gentilz hommes des Italles furent tuez & occis, Et a grant peine sen peult eschapper & fouyr icelluy euesque de la bataille, lors les barons & princes firēt la paix entre les trois freres en cestemaniere, Charles eut le pays de Occident qui est royaulme de france depuis Bretagne iusques a la riuere & fleuede Meſe & obtenoit le nom du royaulme de france Et loys eut tout ce q̄ possidoit le pereur loys son pere & germanie iusqs au fleuede rein & oultre, Et lothaire eut le tiltre depereur / la ville de Romme / les Italles / & vne partie de la gaule q̄ aultre foys on appelloit Narbonne & maintenant on lapelle la prouince Rommaine : & si eut avecques ce que est entre les fleues Scalde / & le Rosne quon nōme lothoringe: & ie croy q̄ icelluy pays auoit prins le nō de lepereur lothaire, q̄ ii,

La guerre de Lothaire & Charles le chauue roy de france,

La diuisiō du royaulme de france,



De Serge, ciuii, Pape, Et second du nom,

Loys filz lo-  
thaire fut re-  
ceue a Romme

Loys filz ainsie  
de l'empereur  
lothaire roy  
des Italles,

¶ Apres que les trois freres eurent diuise & parti le royaume de France, L'empereur Lothaire enuoya a Romme son filz ainsie Loys / pour ce faire couronner roy des Italles, Et luy bailla vne grande compaignie de gens d'armes: & pour le gouverner luy bailla Drogo euesque de la ville de metz: & d'autres gens deglise de grande auctorite & grans clercz affin quil vlast de leur conseil. ¶ Mais quant le ieune roy Loys se veit ainsi elleue en honneur: il pilloit & mettoit tout a feu & a sang / par la ou il passoit, Mais quant il arriua au pres de la ville de Rome: il deuint doux & paisible / & voulut entrer en la ville de Romme avecques son armee doucement & paisiblement / & au deuant de luy vindrent les bourgeois & nobles Rommains hors la ville enuiron vng iect de pierre: & aussi fist tout le clerge avecques les croix en chantant, Benedictus qui venit in nomine domini osanna in excelsis, Et le conuoyerent iusques aux degrez de leglise saint pierre: ou trouua le pape qui latendoit & sentrebaiserent & accollerent & firent l'ung a l'autre de grandes salutations, Et puis ensemble sen vindrent iusques aux portes d'argent lesquelles estoient closes, Et puis luy dit le pape ces motz, Si tu es venu a nous en grosse armee pour gaster & destruire le pays & faire les voluptez: les portes de leglise ne te seront point ouuertes, Mais si tu y es venu pour l'utilite & prouffit de la chose publique & la foy crestienne tu y entreras & non aultrement, gardez vous bien de toucher aux portes: car vous debuez scauoir q vous auez sur vostre teste vne espee qui pugnit tous les mal faicteurs, Mais ne autmoins le pape luy dist quil eust bon couraige: & furent les portes ouuertes & entrerent luy & le pape dedans leglise & avecques eulx grande multitude des barons & nobles de France / qui les accompaignoyent deuant & derriere, Et quant il furent deuant l'autel monsieur saint Pierre & saint Pol rendirent graces a dieu & a saint Pierre prince des Apostres, Et huyt iours apres le pape couronna sacra & enoint Loys roy des Italles publiquement & deuant tous. ¶ Or ce pendant les Francoys / & ost de France qui estoient logez aux faulx bours pillerent & destruirer iceulx faulx bours: & ne sen fallut guieres que n'entrerent en la ville de Romme pour la piller. ¶ Et apres que Loys fut couronne roy des Italles Siginolphe duc de Benneuent vint en la ville de Romme pour saluer le roy Loys a cause de quoy il y auoit si tres grande multitude de peuple tout a l'entour de la ville de romme & dedans quil fallut coupper les arbres: & les bledz pour donner a menger aux cheuaux: & de tous costez les gens d'armes par force ou autrement emmenoyent le bestial pour viure, Mais le pape requist au roy Loys & au duc de Benneuent / quil sen allassent le plustost quil pourroyent ce que firent: & par ce moyen les Rommains furent deliurez de la peur quil auoyent destre pillez, pour quoy disoyent que le pape estoit vray vicaire de dieu & pere du peuple: lequel pape fist refaire les eglises monsieur Sainct Siluestre / & saint Martin qui estoient en ruines: & en ces deulx eglises y fist mettre & col



loquer les corps sainctz des benoistz cōfesseurs, Cestassauoir sainct Fabin / Estiēne / Sother / Astere / Cyriace / Mor / smardi / Anastaise / Innocēt Quirin / leon / Arthemī / Theodore / Nicandre / fist construire en lhonneur de monsieur sainct Pierre & monsieur sainct Paul vng monastere ou continuellement on disoit le diuin seruice, ¶ Et finablement apres que le sainct pape Serge eut ordonne leglise crestienne & icelle gouuernee sainctement, Il alla de vie a trespas: le troisieme an qui fut pape, Et fut ensepueli en leglise monsieur saint pierre, Et lors par la mort le saict siege apostolique de Romme fut vaccant par l'espace de deux moys / & quinze iours,

¶ De Leon. cent & cinquiesme pape,  
Et quatriesme du nom,



Leon fut de Rōme, Son pere eut nom Rhadulphe / il fut esleu pape du consentement de tous, Lan de lincarnation nostre seignr huyt cens quarante huyt, Il estoit de si grā de prudence & vertu quil ensuiuoit la sentence de leuangille de dieu: car il auoit la stuce du serpent & la simplesse de la coultube en temps & en lieu quil estoit besoing dauoir, ¶ Apres la mort du pape Serge il fut porte en leglise de latran & puis salue: comme pape / & ceulx qui estoient pres de luy / luy baisoyēt les piedz: ce ainsi quō

Huyt cens  
quarante huyt

auoit de coustume de faire aux anciens papes, ¶ Aucns ont dit que par les sainctes oraisons du pape Leō dieu fut esmeu & voulut destaindre & destruire la rage & cruaulte des sarrazins, car cōme il sen alloiyēt en leurs pays leurs nauires plaines & chargees de biens & richesses des eglises / & des crestiens, ¶ Apres quil eurent pillē & desrobbe Tharente & vaincu Theodexe duc de Michel lempereur de Cōstantinoble / & pource que nulz en ce temps ne deffendoyēt les Italles: il les auoyent du long & du lay pillerēt & destruirent apres la prinse Dancone & de tout les pays & portz de Dalmace, Ainsi quil sen alloient ioyeusement en leurs pays: il furent par la pmission de dieu tous noyez & submergez eulx & leurs nauires en la mer au moyen des grandes tempestes qui lors furent,

Cruelle puni-  
tiō de dieu sur  
les sarrazins,

¶ Or apres que le pape leon fut deliure de la crainte des sarrazins: il fist faire en latran vng beau siege de mabre / & ce que auoit este commēce p le pape leon tiers: il lacheua & parfist, Il ordonna & institua que vng hō me lay ne fust au dessus du prestre quant il celebreroit le diuin seruice: il faisoit faire presque tous les iours de belles processions pour apaiser lire de nostre seigneur Iesuch rist, car en ce temps la estoient grāz trēblemēs

Ne estre au  
dessus du p̄tre  
quant il chan-  
te messe,

q.iii.



de terre: il fist refaire la grande croix que Charlemagne auoit donnee en leglise Constantinienne de laquelle auoyēt este ostez les perles & pierres precieuses: & aultres ioyeaux qui y estoient quant elle fut donnee,

¶ Le pape Leon fut de si sainte vie quil chassa par ses saintes oraisons vng serpent baselic/lequel les latins appellent repule/ en commun langage vng coq quatrīs, Lequel estoit au hault de leglise sainte Luce / & gastoit & faisoit perir par son hannelit & alayne/ plusieurs personnes, Mais par le signe de la croix il fut chassé en orphee par le saint pape, Et ce fut fait le hu ytiesme iour de la feste de la sumption nostre dame, pour quoy fut institue par le pape leon les octaues de la sumption de la vierge Marie: qui seroyēt faictes en vne eglise de nostre dame qui estoient pres leglise Saint Laurens hors les murs de la ville de Romme, Il fist pfaire les eglises saint Martin & Siluestre qui auoyent este commēcez par le pape Serge, Il fist refaire les murs & portes de la ville de Romme: qui estoient rompuez: & y fist faire & edifier quinze tours pour garder & defendre la ville de Romme des ennemis: & de ses quinze auoit deux tours fort necessaires / l'une du coste fenestre du fleuve du Tybre / & lautre a loppoſite entre Lanicule/ & la montaigne auentine / afin que les nauires des ennemys ne pussent venir iusques la pour nuire a la ville de Romme/ il trouua les corps saintz des quatre couronnez, cest assauoir/ sempro

Les corps des  
quatre couron  
nez,

ne/ claudē/ Nicistrate/ & castor, & les fist colloquer en leurs eglises quil fist lors faire tres magnifiquement, Et outre il mist encores les corps saint Seuerē/ & Seuerian/ Carpophore/ Victorin/ Marii/ Felicissime/ Agapit/ Hypolite/ Aquile/ Prisce/ Aquin/ Narcisse/ Marcellin, Felix/ Apolo/ Benoist/ Venant/ Diogene/ Liberal/ Feste/ Marcel, Et outre y adiousta le ciel saint Prothe/ Cecille/ Alexandre/ Sexte/ Sebastien/ & Praxede, Mais ainsi que le saint pere vaccoit a faire ses oeures pitoyables: vindrent les nouuelles que les sarrazins venoyēt par mer en grande multitude de nauirez plaines: pour prendre & destruire la ville & cite de Romme, pourquoy appella & fist conuoquer a son ayde & secours: les Neapolitains & aultres gens qui habitoient aulx riuages de mer: & aps quil furent arriuez au port de Hostie/ il si en alla & appella publiquement tous les crestiens qui estoient venus a son ayde pour serourir le saint siege apostolique, Et apres quil les eut pschez & enhortez que vng chascun le mist en bon estat & quil receussent le corps nostre seigneur: ce que firent volontairement, Et ainsi quil estoit delibere de batailler luy & les crestiens contre les sarrazins/ il fist ceste oraison a nostre seigneur dieu,

Oraison cōtre  
les sarrazins,

¶ Deus cuius dextera beatum Petrum ambulātem in fluctibus ne mergeretur erexit/ & coapostolum eius paulum tertio naufragantem de profundo pelagi liberauit: exaudi nos propicius & concede vt amborum meritis horum fidelium tuorum brachia contra inimicos ecclesie tue sancte dimicantia oipotēti dextera tua corroborētur/ & cōualeſcāt/ vt de recepto triūpho nomē sanctū tuū in cūctis gentibus gloriosum appareat,



¶ Et apres quil eut faict icelle oraison / il fist le signe de la croix / & donna la benediction aux crestiens: lesquelz entrerent en bataille ioyeusement / comme si la victoire leur eust este permise, Mais neantmoins la bataille des crestiens & des sarrazins fut aspre d'ung coste & daultre / & si porterent les crestiens si vaillamment / quilz vainquirent les sarrazins & chasserēt / & y mourut beaucoup de sarrazins / qui perirēt & furēt noyez en mer ou se faisoit la bataille, Et furēt plusieurs sarrazins pris prisonniers / & menez en la ville de Romme, Et pour le plaisir d'aucuns bourgeois de Romme / furent aucuns Sarrazins qui auoyent este prins penduz & estranglez a Fourches au pres du port de Rōme / pour faire paour & terreur aux sarrazins qui pouoyent ce veoyr, Combien que ce fust contre la volente du pape Leon / car il estoit ainsi doulx & pitoyable / mais il ne peult resister a la fureur du peuple, Or depuis les sarrazins qui auoient este prins par les crestiens & menez a Romme, Le Pape les print & garda / & les fist besongner & porter les pierres & aultres choses / pour faire refaire les murailles & eglises / que aultrefois iceulx sarrazins ou leurs predecesseurs auoyent demollies / bruslees / & abbatues, Et fist vne ville enclose de murailles en Vaticanne / qui fist appeller Leonique / pour ce quil auoit nom Leon, Et fist icelle ville affin que les ennemys de nostre foy ne peussent si facillemēt brusler / prendre / ou desrober leglise saint Pierre / comme auoyent faict au temps passe, Il estoit escript en lune des portes faicte de pierre de Marbre qui va a saint Pelerin / ceste oraison,

¶ Deus qui apostolo tuo collatis clauibus regni celestis ligandi atq; soluendi pontificium munus tradidisti: concede vt intercessionis eius auxilio: a malis nexibus liberemus: & hanc ciuitatem quam nouiter te adiuvante fundauimus: fac ab ira tua in perpetuum manere securam: & de hostibus quorum causa constructa est: nouos ac multiplices habere triumphos, ¶ Et en la seconde porte qui est pres de la mole Hadrienne qui va au pres / ces parolles sont escriptes,

¶ Deus qui ab ipso huiusmundi principio: hanc sanctam catholicam & apostolicam Romanam ecclesiam: ab hostibus custodire & confirmare dignatus es: iniquitatis nostre chirographum propiciatus emenda: & urbem hanc quam tuo sancto nomini per apostolorum Petri & Pauli suffragia nouiter dedicauimus: ab omnibus inimicorum insidiis securam permanere concede, ¶ Et la troisieme precaton estoit en la porte qui va aux escolles de Saxonne / en telz motz,

¶ Presta quesumus omnipotens & misericors deus: vt ad te toto corde clamantes intercedente beato Petro apostolo tue pietatis indulgentiam consequamur: & vrbs quam ego famulus tuus Leo quartus episcopus romanus te auxiliante meo nomine Leoninam vocau: nouoq; opere dedicau: vt segura atq; illesa permaneant apud clementiam tua iugiter oramus, ¶ Le pape Leon fist commencer a faire icelle ville Leonine le premier an qui fut Pape / & fut acheuee six ans apres, Et la bailla aux habi-

Les troy oraisons des portes de la ville leonine,



Synode

Lempereur lo-  
thaire vint a  
romme

Iehan lescot,

Tribut des an-  
glois pour le-  
glise de rōme,

tans de l'isle de Corse: de laquelle isle les Sarrazins auoyent chassés: & icelle  
le destruiete. Et fist assigner chascun homme & famille/terres reuenuz/  
& possessions pour viure. Le suis esbay des vers & mettres qui sont de p-  
sent aux portes de la ville Leonine/car ilz sont ineptes & barbares: & cō-  
bien quilz soyent au nom du pape Leon/neantmoins ie ne croy pas quil  
les ayt faictz. Des bracelets dor quauoyent les sarrazins qui furent vain-  
cuz/il en fist faire reliquaires & calices/& puis les donna aux eglises de  
Romme. ¶ Aulcūns disent quil auoit faict edifier leglise nostre dame  
qui est en la voye nonne. Et vne grāde tour en Vaticāne pres sainct Pier-  
re/quenous voyons encores de present. Les portes de leglise sainct Pier-  
re quauoyēt este robees & pillées par les Agarenes & Sarrazins/il les fist  
refaire d'argent. Il fist celebrer vng Synode ou furent quarante & sept  
euesques: par lequel Anastaise prestre/cardinal de faict Marcel/fut cō-  
uaincu de plusieurs crimes/& condampne par le Synode & deieete de le-  
glise. Et mesmement pource quil nauoyt este en sa parroisse ne visite  
son eglise par l'espace de cinq ans qui est contre les sainctz canons & de-  
cretz. Il donna aux Corsiquains & Sardiniās le pays de Hostie pour ha-  
biter & demourer: pource quen leur pays lair nestoit pas salubre & sain.  
¶ Lempereur Lothaire vint a Romme/pource quon luy auoit rappor-  
te que le pape Leon vouloyt transferer l'empire des Rommains a ceulx  
de Constantinoble. De laquelle chose le pape Leon sen purgea: & furent  
prins les delateurs qui auoyent rapporte faulcemēt & mensongieremēt  
Et pour leur manerie & faulx rapport furent pugniz corporellement.  
Et fut lors reintegre l'amytiē & amour entre le pape Leon & lothaire em-  
pereur plus grande que iamais nauoyt este. ¶ En ce temps Iehan lescot  
vint en France/& pource quil estoit grant clerc aux sciences diuines:  
Par le commandement du roy loys il translata de Grec en latin les li-  
ures sainct Denis des Hierarchies. Et comme disent aulcuns/peu de  
temps apres il fut occis & tue par ses escolliers & disciples dung poy-  
gnart. Mais la cause de la mort dung si grant clerc on nen scayt riens.  
¶ En ce temps estoit Alidulphe Roy Dangleterre/qui fut si deuoci-  
eux que tous les ans voulut faire tribut a leglise de Romme. Et ordons-  
na quen l'isle Dangleterre chascune maison bailleroyt vne somme dar-  
gent par chascun an pour leglise de Romme. ¶ Apres que le bon pape  
Leon eut acheue ses magnifiques & bonnes oeuvres/il mourut la seizies-  
me kalende du mois Daoust/& fut enseuely & enterre en leglise mon-  
sieur sainct Pierre. Il fut Pape huyt ans/troys mois & six iours. Et fut  
lors vaccant le sainct siege apostolique de Romme/par l'espace de deux  
mois & quinze iours.

¶ De Iehan cent & sixiesme Pape:  
Et huytiesme de ce nom,





Ehan estoit anglois natif de l'isle de Man-  
gunce, Il obtint la papalite par ars magi-  
cs comme aucuns disent, Car il estoit habil-  
le comme les hommes: & neantmoins ce-  
stoit vne femme, Quāt elle estoit ieune el-  
le sen alla avecques vng sien amoureux en  
la ville Dathenes / qui estoit grant clerc,  
Et icelle femme estoit habillee en homme  
& frequentoit les escolles / & estudioyt des-  
soubz de grās clercz & docteurs / qui liso-  
yēt & monstroyent publiquement les scien-  
ces a tous venans, Elle estudia si bien / que

quant elle vint a Rome elle ne trouua guieres de gens clercz / voyre en  
science diuine qui fussent a comparer a elle / fusse a disputer ou a lyre  
publiquement, Tellement que apres la mort du pape Leon / elle fut du  
consentemēt de tous esleue a la papalite: comme dict Martin, Mais aps  
elle fut engrossie par vng sien seruiteur: & par long temps occultoyt &  
cachoyt son ventre / affin quil napparust que lors estoit fort gros, Mais  
finablement ainsi quelle alloyt a leglise de lateran / entre le Theatre quō  
appelle le Collosee / & leglise saint clement: il luy suruint les douleurs  
denfanteut / & illec enfanta & au mesme lieu mourut, Elle fut ense-  
uelie sans aucun honneur ne pompe, Elle obtint la papalite deux ans /  
vng moys / & quatre iours, Et pour ceste cause on dict: cest assauoi r que  
quant le Pape va a leglise de lateran / il delaisse a passer par le lieu ou el-  
le enfanta, Et pour cause de lerreur que icelle le hane auoyt commise &  
perpetree, On a acoustume que quant le Pape est cree & esleu / on le sciet  
en vne chaire percee / & le dernier dyacre luy tiste par dessoubz sil est hō  
me, Du premier / ie le croy bien, Et parsillement du second: Car il ya  
vne chaire pour ceste affaire tousiours preparee, Affin que celluy qui  
est constitue en si grande dignite croye quil nest pas dieu: mais homme  
& subiect aux necessitez de nature, Comme de boyre & de menger / &  
puis daller a la selle, Pourquoi on appelle icelle chaire Sedes stercorea,  
Or ce que iay dict / on le dict communement, Et lont escript aucuns hi-  
storians non approuuez / & de petite auctorite: Pourquoi ien ay voulu  
men passer briuelement den escrire: affin quon neust dict que ie neus-  
se voulu en escrire: ce q tous afferment estre veritable: pourquoi nous  
pouons errer comme ilz ont fait: car il se peult faire & estre veritable,

¶ Aucuns disent que en ce temps le corps saint Vincent / fut apporte  
par vng religieux / de la ville de Vallence / qui est en Hespaigne / en vng  
village Dalbi en France, Et oultre on dict que lors lempereur Lothai-  
re / qui estoit fort ancien print labit de religion, Et quil delassa son empi-  
re a son filz Loys: Lequel incontinent apres sen alla en Germanie / ou se  
vouloyent rebeller: mais par sa p'sence ilz furent tour appaysez,

Le corps saint  
Vincent  
L'empereur Lo-  
thaire religi-  
eux,





Enoist Pape estoit Rommain, Son pere auoit nom Pierre. Il auoit este appelle Benoist par ses merites & saintete de vie. Il fut faict dyacre soubz le pape Gregoire. Il fut esleu du consentement de tous: car y resplendissoit en terre par ses merites & science: come sil eust este vne estoille enuoyee du ciel en terre. Quant il fut esleu il comença a plourer en appellant dieu & les saintz en tesmoynage / disant quil nestoit pas digne pour estre preferé mis & assis en telle chaire & siege come celluy de

Romme. Mais le peuple & le clerge par force & maulgre luy le cōtraingnirent accepter la papalite: & le menerent en leglise de lateran / & fut mis en la chaire saint Pierre. Et puis le monterent sur vng cheual blanc & le menerent a nostre dame de la crache / ou il ieusna par troys iours / priant nostre seigneur quil luy pleust donner vertu & science / affin ql peust bien saintement gouverner leglise de Romme. Et troys iours aps le clerge & le peuple vindrent en leglise ou il estoit / & luy baiserēt tous les piedz / comme il estoit de coustume de faire a vng nouveau Pape. Mais Rhodoalde euesque de Portuence & aulcuns de sa factiō vng iour auparauint que le pape Benoist fust esleu / ilz auoyēt esleu vng nomme Anastaise homme incongneu / & lequel le pape Leon quatriesme lauoit chassé de leglise. Mais toutesfoys ilz congneurent leur faulte & erreur / & se repentirent de ce quilz auoyent faict / & enquirent pardon / & s'accorderent avecques les bons qui auoyent esleu le pape Benoist: auquel ilz bayserent les piedz comme auoyent faict les aultres. ¶ L'empereur Loys roy de France enuoya a Romme des legatz / pour confermer lelection faicte par le peuple & les gens deglise / de la personne du pape Benoist. Et apres quil fut conferme il fut consacré & print les aornemens qui appartiennent au Pape / en leglise de saint Pierre publiquement & deuant tous. Dont chascū se resiouyt: car il estoit digne pour ses vertuz dauoir lestat de la papalite. Il fist refaire plusieurs eglises qui estoient tumbees & destruites / & y donna de beaulx reliquaires / calices & aultres aornemens deglise. Il ordonna que aux exeques & funerailles dung euesque / les prestres dyacres / & pareillement le Pape / y seroyent pour faire honneur au corps & pour prier dieu pour lame du trespasse. Il cōmanda qung chascun prestre celebrast messe / quant vng Pape yroit de vie a trespassement. ¶ Tout ce que le pape Benoist auoyt ordōné & institue en sa vie de parolle / il lacomplit de faict: quant vng prestre alloit de vie a trespas / il alloit tousiours aux funerailles: il visitoit les malades & alimentoit & nourrissoit les paouures: il consoloit les desesperez & desolez: il deffendoit les femmes veufues & enfans orphelins. Et apres les

Loys epereur  
des romains  
roy de france



sainctes oeuvres mourut & fut enseuely deuā les portes de leglise saict Pierre, Il fut Pape deux ans / six moys / & neuf iours, Et lors le siege vac-  
ca par l'espace de quinze iours,

**¶ De Nicolas, cyviii, Pape: & p<sup>m</sup>ier du nom**



Nicolas Pape p<sup>m</sup>ier du nom estoit natif de Romme, Son pere auoit nom Theodo-  
xe, Il fut en son ieune age mis en lestat de  
leglise, Il fut faict soubz dyacre par le pape  
Serge / & dyacre p<sup>r</sup> le pape Leon / & en icel  
luy estat l'enseuelit luymesmes / en grans  
pleurs / & lametacions de ses mains le corps  
du pape Benoist, Or aps que les obseques  
& funeraillies du pape Benoist furent fai-  
ctes & accomplies comme on a acoustume  
de faire, Et q<sup>l</sup> le clerge & le peuple estoient  
apres pour ellire ou lieu du pape Benoist

quelque bonne personne pour estre Pape / aussi bon comme celluy quilz  
auoyent perdu: & que le peuple & le clerge pour ceste affaire auoyent  
ieusne & vacque a oraysons & prieres, Ainsi quilz estoient tous ensem-  
ble en leglise saict Denis confesseur & euesque de Romme / pour esli-  
re vng Pape, Apres grande altercation & consultation / du consentement  
de tous fut esleu pape Nicolas / qui estoit absent & qui c'estoit cache & la-  
tite en aucuns lieux secretz de Vat icane / ou il sen estoit fouy affin quil  
ne fust Pape / pour euit les honneurs mondains, Mais il fut cherche &  
quis par tout le clerge & le peuple de Romme / tant quil fut trouue, Et  
contre sa volente fut mient en leglise de lateran, Et depuis fut consacrer  
& colloque en la chaire & siege saict Pierre, Et ce faict il parla bien lo-  
guement avecques Loys empereur & roy de France / qui lors estoit a ro-  
me touchant leglise de Romme & les faictz de lempire, ¶ Or apres que  
lempereur Loys sen fut alle ou lieu ou il estoit loge que les Rommains  
appellerent le quin, Le pape Nicolas sen alla apres luy accompagne des  
nobles & gentilz hommes de la ville de Romme, Mais lempereur le re-  
ceut tres honorablement / & fut au deuant de luy l'espace de mille pas / &  
print le fraïn & bride du cheual du Pape affin quil descendist mieulx a  
son aise, Et ce faict le mena en ses tentes & lieux ou y se tenoyt, Le pape  
estoit de si grande magnificence & si venerable saige & prudent / q<sup>l</sup> vng  
chascun luy faysoit honneur come a vng saict homme, Or apres que le  
Pape & Lempereur eurent disne & prins leur repas / & longuement ple-  
en secret de leurs affaires / prindrent conge l'ung de lautre en se bayant  
tresamyablement, Mais le Pape ne peult entrer en la ville de Romme /  
sinon quen basteaulx / pource que le fleuue du tybre estoit si creu & ha-

Le pape Nico-  
las ne vouloyt  
accepter la pa-  
palite

Loys epereur  
& roy de Frā  
ce a Romme



les dōs euoyez  
p̄ l'empereur de  
Cōstātinoble  
au pape nico-  
las

Iehan archeuef  
que de Rauē-  
ne expulse de  
son siege/puis  
peu aps resti-  
tue p̄ le syno-  
de assemble a  
romme

bondant en eaux/quil failloyt aller par la ville de rue en rue en petitz ba-  
steaulx, Car leglise saint Laurēs qui est en lucine/& le monastere saint  
Siluestre/& toute la plaine de la voye & chemin qui va au bas de la mō-  
taine Tarpeye iusques a la voye argentine/qui va en la mōtaine auē-  
tine, se nestoyent que eaux tellement qu'on cuydoit que ce fust vng de-  
luge/lequel fut deux foys envng an/au moyen de quoy furent gastees &  
destruictes plusieurs maysons/vignes/bledz/& arbres ranuersees:dont  
les habitans de Romme eurent de grandes pertes & dommaiges, Mais le  
Pape se efforça de les recompenser au mieulx quil peult, ¶ En ce temps  
Michel filz de Theophile empereur de Constantinoble/enuoya a Rō-  
me par deuers le Pape ses legatz & ambassadeurs avecques de grans dōs,  
Lesquelz visiterent le Pape & les eglises de saint Pierre & saint Paul:  
Les dōs que l'empereur enuoya: cestoyt vne patene dor/& vng calice  
dor/garny de gemmes & pierres precieuses, Cest cestuy Michel qui fut  
tue & occis par Basile: lequel auoyt pris & associe son compaygnō pour  
gouuerner l'empire: mais il le tua affin de obtenir & occuper seul l'empire,  
Lors quant sen retournerent iceulx legatz & ambassadeurs/le Pape  
leur donna de beaulx dōs, ¶ Le pape Nicolas priua Iehan archeuesque  
de Rauēne de son archeuesche/pour cause d'aucuns crimes dont il estoit  
accuse/qui recusa & ne voulut venir comparer a Romme pour sen pur-  
ger, Mais cestuy archeuesque sen alla par deuers l'empereur Loys roy de  
France/& de luy obtint lettres comandatoyres adressans au Pape/afin  
quil voulust permettre a icelluy archeuesque d'aller a Rōme assure-  
ment pour se purger & deffendre sa cause, Laquelle chose le Pape fa-  
cillement luy ottroya/au moyen de quoy Iehan archeuesque de Rauē-  
ne vint au synode qui estoit assemble en la ville Leonine, Et pour tous  
ses deffences ne voulut dyre aultre chose sinon quil auoyt offence la  
maieste diuine & leglise, Et que de ce requeroyt pardon & misericorde  
au Pape/& aux eueques & prelatz qui estoient deuant, De ceste reques-  
te priere & confession qu'auoyt fait l'archeuesque de Rauenne/il eut  
pitie & compassion/& par les requestes & prieres des prelatz qui estoient  
presens/receut a grace & pardon icelluy archeuesque de Rauenne/par  
telles conditions, Cest assauoir quil se purgeroyt de l'heresie deuant le syno-  
de/& que tous les ans il viendroyt a Rōme/ne & cōsacreroyt les eue-  
ques de Flaminee/sil nauoyt mandement & auctorite de ce faire du pa-  
pe & siege apostolique, Et quil ne feroyt aucunes exactiōs en leglise cō-  
traires aux saintz canons & decretz Et quil ne venderoyt ou alieroyt  
des biens de leglise de Rauenne sans lauctorite du pape & sur peyne de  
anathematization, Lesquelles iussions ordonnances & statuz tout le syno-  
de approuua disans tout hault tous ensemble nous l'approuuons ce-  
stuy vray iugement du Pape, Et ainsi le voulons & nous plaist comme  
vrais disciples de Iesuchrist, Et en la presence de tous Iehan archeuef-  
que de Rauenne iura & afferma tenir & obseruer icelles ordonnances:



& les escripuit & signa de sa main & signe manuel / & puis sen alla en la ville de Rauenne. ¶ Or apres que le Pape fut deliure du Synode / fist re faire leglise nostre dame / laquelle maintenāt on appelle nostre dame la nonne / & icelle fist paindre & aorner excellentement. Il cōuertit le roy des Vulgaires a la foy Crestienne & toute sa prouince / tant par lettres q par sainctes admonitions. Et leur bailla des euesques & prestres pour cō fermer a la foy crestienne les Neophites & nouueaulx crestiens. Apres quon eut chaste & expulse Photine heretique par le moyen duquel & par sa fraulde / ilz estoient tumbes en erreur. Et depuis il fist la paix entre lempereur Loys & le duc de Beneuent. Et finablement il ordonna & par le commandement de lempereur Loys roy de France: que dorefnaz uant aulcun prince seculier ne empereur ne seroyt present au concille de leglise / sinon quāt il seroyt question de la foy crestienne. ¶ En ce tēps saint Cyrille apporta a Rōme le corps saint Clemēt de lile de Cher sonne pontique / ou estoit alle de vie a trespas. Et fut enseuely & mis en leglise saint Clement / qui estoit en la ville de Romme. Et peu de tēps apres y fut enterre saint Cyrille / en la mesme eglise. ¶ Le pape Nicolas en ce temps mourut & fut enseuely deuant les portes saint Pierre / ainsi quauoyt ordonne par testament. Il fut Pape sept ans neuf moys / & treze iours. Aulcun escriuent que lors le siege fut vaccant par l'espace de huyt ans / sept moys & neuf iours.

Le corps saint  
Clement

## De Adrian, cix, Pape: &amp; second du nom,



Adrian estoit de la ville de Romme. Son pere auoyt nō Talare. Il fut fort familier du pape Serge: lequel luy dōna vne foys quarāte deniers de la monnoye de Rōme. Incontinēt qu'il fut en sa mayson les bailla a sō despēfier / pour les dōner & aulmosner aux paoures & pelerins qui estoient deuant sa mayson. Mais ainsi q le despensier vouloyt fayre laumosne des quarante deniers: retourna au pape Adriā / & luy dist que les quarāte deniers ne suffiroient a la moytie des paoures q estoient lors p̄sens. Et lors le pape Adriā print les quarāte deniers / & luy mesmes les distribua / & a chascū paoure ou pelerin baylla troys des deniers. Et si luy en demoura encores autāt qu'il en auoyt receu du pape Serge / pour nourrir sa famille. Duq̄l miracle le despēfier estoit fort esmerueillie cōmēt ce pouoyt faire. A quoy son maistre Adriā luy respōdit: Voy & regarde q nostre seignr est begnin & large a ceulx q sont liberaulx & dōnēt voulētiers aux paoures. Pourquoy il fut rep̄te & magnific par tout le peuple de Romme. ¶ Lors quant y fut question de ellire le Pape: tout le clerge & le peuple ensemblemēt

ii,



De Adrian, cix, Pape, Et, ii, du nom,

Adrian fut cō  
sacre Pape

eslirent Adrian contre sa volente/& de leglise nostre dame de la crache le menerent a leglise de lateran/ou fut cree & sacre pape. Et ny furēt les legatz de lempereur Loys/dont furent mariz. Mais on leur fist respōce quil ny auoyt point dordre ne de rayson pour la grant multitude du peuple & tumulte quilz faisoient. Pourquoi les legatz furent cōtens & daccord/puis que le peuple & clerge auoyent esleu vng homme de biē. Et ce faict le saluerent comme Pape. Or furent enuoyees lettres de par lempereur Loys/par lesquelles les Rommains estoient fort louez & exaulces:pource quilz auoyent esleu a Pape vng sainct homme/lequel cōgnoissoient:& quil estoit a preferer a vng estrangier quon ne cōgnoist point. Pourquoi icelle election appartenoyt aux citoyens seigneurs & bourgeois de Romme/qui congnoysent les merites de ceulx quilz eslisent. Apres que le pape Adrian eut accepte la papalite/admonnesta vng chascun de viure selon la loy de Dieu. ¶ En ce temps fut faict vng synode en Constantinoble/ou fut decrete que Photine seroyt expulse cōme sedicieux & fut restitue ignare:lequel auoyt este chaste par iniure. Et en icelluy Synode fut grande altercation ascauoyr se les vulgaires seroyent subiectz a leglise de Romme/ou a leglise de Constantinoble. Et finalement nonobstant la contradiction de Basille/ilz furent adiugez a leglise de Rōme. ¶ A ceste cause les vulgaires requierent au pape Adrian/quil leur enuoyast vng sainct homme bō catholique/pour leur mōstrer exemple de bien viure/& aussi pour les confermer a la saincte foy Crestienne. Pourquoi le Pape leur enuoya troys hommes de biē: Cest: assauoir/Siluestre soubdyacre/Leopard Dācone/& Dominique Teruisien. Lesquelz firent le commandement du Pape. Mais neantmoins les Vulgaires furent corrompuz par or/argent/& dons/par lempereur de Constantinoble. Et chasserent les prestres Latins de leur pays & nation/& receurent les prestres Grecz. Laquelle chose suscita & fut cause dune grande sedition dentre les Latins & les Grecz. Le pape Adrian deffendoyt leglise des ennemys le mieulx quil luy estoit possible. ¶ Apres que Loys empereur & Roy de France fut mort/Charles son filz fut sacre & enoinct, et puis alla de vie a trespas. Le pape Adrian/aprs quil eut este Pape par lespace de cinq ans/neuf moys/& douze iours. Troys iours deuant sa mort il pleut sang en la ville de Brece. Et les Locustes gasterent merueilleusement le pays de Gaule.

lobstinatiō &  
faulcete des  
Vulgaires

¶ De Iehan cent & dixiesme Pape:  
Et neufiesme du nom,





Ehan Pape neufiesme du nom/estoyt natif de Romme, Son pere auoyt nom Gundon, Incontinent quil fut cree Pape/il decreta Charles filz de Loys lempereur/qui estoyt mort empereur des Rommains/au lieu de son pere, Pourquoy furent couronnez & mariez les deux freres nomez Charles/filz de Loys roy de Germanie, Et assemblerent de tous coustes force gens darmes/& vindrent aux ytalles pour tuer & occire leur oncle, Mais lempereur Charles vint a lencôtre de ses nepueux iusques au hault des montaynes Tridentines luy & son ost/affin de leur clore les passaiges, Et ainsi quil se hastoyt daller en la ville de Veronne, Il cheut malade en la ville de Mantue/ou il mourut parvne potion & breuuaige pleyn de venin quil luy fut baillee, Laquelle medecine luy bailla son medecin qui estoyt iuif/quon appelloyt Sedechias. Or apres que le pape Iehan eut cõgneu & sceu la mort ainsi aduenue a la personne de lempereur Charles, Il se efforea de faire empereur Loys roy de France filz de Charles lempereur, Mais les nobles & plus riches de Rome voyloyent que Charles roy de Germanie fust empereur, Lequel charles auoyt aultresfoys occupe vne grande partie Dytalie avecques son frere Charlemaygne, Et lors fut grande sedicion: car aucuns Rommains tenoyent pour Loys roy de France/qui fut surnomme Balbe, Tellement que le Pape fut prins en chesne & mis en prison/pource quil fauorisoyt & tenoyt la partie du roy Loys, Mais par le moyen de ses amys il fut deliure de prison, Et sen fouyt en France par deuers le roy Loys Balbe/ou il fut par l'espace d'un an: & sacra & enoinct le roy, Et lors ousta & abolit plusieurs controuersies qui estoyent entre les gẽs deglise. Car en ce tẽps Gilbert euesque de Nismes/auoyt priue par force & iecte hors de sa possession labbe Leon du monastere saint Pierre: auq̃l monastere le corps saint Gilles reposoyt, Le lieu aultresfoys se nomoyt Sixte flauian: pour cause de la vallee appelee Flauiane, Laquelle Flauius roy au temps passe auoyt donnee a saint Gilles. Et depuis fist fayre en celieu vng monastere en lhonneur de saint Pierre & saint Paul, ¶ Apres que le pape Iehan eut congneu les merites de la cause/entre leuesque Gilbert & labbe Leon/en la presence de plusieurs euesques & iuges/il adiugea le monastere a labbe leon, Et ce fut fait en la ville Darles: & ce fait le pape par le commandement de lempereur Loys roy de France sen alla en la ville de Troye/ou il fist assembler vng concille, Auquel furent decidees & determinees beaucoup de choses touchant la foy Crestienne, ¶ Et lors pource que les Flamans qui auoyent acoustume habiter & demourer dedans les forestz estoyent venuz en meilleur estat & plus riches

I. II,



le pape Iehan  
fut rappelle a  
romme

Anastaife

Gens de nom,

que deuant/pource quilz auoyēt deffrayche & cultiue leurs terres: leur fut baylle vng euesque. Lors pource que les sarrazins auoyent destruiēt & gaste les ytalies/& mesmement le monastere saint Benoit / qui est en la montaygne Cassine, Le pape Iehan fut rappelle par les princes & nobles des ytalies & de Romme affin quil sen retournast/ce que fisl. Et au moyen des barons & princes crestiēs les Agarenes & Sarrazins furent chasses & expulsez. Mais affin que le pape Iehan peust viure a Romme frāchemēt & en liberte/il courōna charles/& fut appelle Charles troysiesme, Lequel subiugua les Normās qui gastoyent & destruysoyent le pays de Frāce & lorrayne, Tellemēt q Rhotifrede leur roy fut cōtraict de demāder paix:& fut aussi cōtrainct de ce fayre crestiē, Et l'empereur pour ceste cause le print a grace & le leua de dessus les fonsquāt il fut baptize:cōme auoyt escript Anastaise/lequel en ce temps estoit bien estime & bibliothecayre de leglise de Rōme, Car il estoit grāt clerc & sciētifique en lāgue Greque & Latine, Il trāslata la septiesme synode vniuersale/& les liures des hierarchies de saint Denis Ariopagite/& plusieurs vies & legēdes des sainctz de Grec en Latin/& tout a la req̄ste de l'empereur Charles. ¶ Aulcūs disent que cestuy Charles fisl cōstruyre plusieurs eglises & monasteres/& quil augmēta le seruice diuin, Mais sa principale louenge & gloire/cest quil auoyt cōtrainct plusieurs grās clercz a escrire:car Milon religieux de saint Amād/escripuit la vie & legende de saint Amand, Et Iehan lescot fisl plusieurs liures en la sainte escripture/seruans a nostre foy crestienne, Le pape Iehan pareillement auoyt escript au temps quil estoit encores dyacre/quatre liures de saint Gregoire premier pape, Apres que le pape Iehan eut vescu dix ans & deux iours/mourut & fut enterre en leglise monsieur saint Pierre de Romme,

¶ De Martin, cxi, Pape: & second du nom,



Artin Pape second du nom estoit Francoys, Sō pere se nommoit Palumbe, Ap̄s le pape Iehan il fut cree Pape, Aulcūs ont appelle le pape Martin Mari: mais ie croy que cea este par lerreur de la lettre, ¶ Le pape Martin vesquit bien peu de temps en la papalite, Il fut au tēps que Leon & Alexandre filz de Basile regnoyent en Constātinoble/& en Occident Charles tiers du nō, Leql cōme auōs dict obtint la courōne de lēpire du pape Iehā, Et deffendit si bien le royaulme de frāce des normās qui lors p guerre gastoyent tout le pays de france, Lesquelz quant se virent ainli



affoybliz & attenuz par l'empereur Charles/ ilz firent paix avecques les Francoys/ & receurent la foy crestienne/ & se firent baptizer. ¶ Aulcuns ont escript que par la fraulde du pape Martin/ le pape Iehan auoyt este mis en prison: comme sera dict en la vie du pape Formose, Lequel pape Iehan depuis eschappa des prisons, Le pape Martin qui auoyt occupe & obtenu la papalite par mauuays art & corruption/ mourut en brief, Il ne vesquit que par vng an & cinq moys Pape, Il ne fist chose digne de memoire/ pource quil ne fut guieres Pape/ & pour cause de la mort qui le surprint: ou pource quil nauint rien en son temps/ parquoy son nom fust illustre & magnifique,

## De Adrian, cxii, Pape: &amp; .iii, du nom,



Adrian Pape estoit natif de Romme, On appelloit son pere Benoist, Il fut de si grāt couraige que incontinent quil fut esleu pape sen alla au senat de Romme: Lan huyt cens quatre vingtz & quinze, Et dist quil ne failloyt attendre lauctorite de l'empereur/ quant on vouloyt eslire ou creer vng Pape/ affin que le clerge & le peuple fust en liberte deslire les papes, Laquelle institution le pape Nicolas premier auoyt cuy de faire. Et la cause pourquoy ce faisoit le

Huyt cēs quatre vingtz & quinze,

pape Adrian, Cestoyt pource quil scauoyt bien que l'empereur Charles sen estoit alle des ytalles avecques son ost/ pour batailler & guerroyer les normans, Lesquelz auoyt deslibere de les exterminer du tout: pour ce quilz estoient trop mobiles fidefragues/ & quilz ne tenoyent la paix/ ne promesse quilz faisoient, Mais pource quil vit quil ne pouoyt ce faire sans grande effusion de sang/ & perdre beaucoup de ses gens darmes, Il leur pmist de habiter & demourer vne partye de la gaulle qui est oultre la riuere de sene/ quon appelle maintenant Normandie, Et par tel moyen leur fut baille les pays de Normandie pour habiter/ par ainsi qlz payeroyent par chascun an tribut & vectigal aux roys de France: Affin quon ne cudyast au temps aduenir quilz eussent occupe le pays de normandie par force, Mais par la benignite & permission de l'empereur Charles roy de France, ¶ En ce temps Guillaume le piteux duc Daquitaine & conte du pays Dauernie/ considerat quil nauoyt point dentans masles, Fist edifier & construyre le monastere de Cluny/ au pays de Bourgogne/ pres la ville de Mascon, Et apres que le monastere fut commence tresmagnifiquement a edifier, Il y mist Berno pour estre abbe des religieux, Aulquelz y donna de grans biens terres & possessions/ pour leur viure & entretenir, Mais deuāt q le monastere fust acheue de faire

Les Normans tributayres aux roys de France

Le monastere de Cluny pres mascon construit.

.iii,



De Estienne, cxiii, Pape, Et, v, du nom,

le duc Guillaume mourut, Et par son testament ordonna a Elbe conte de Poictiers/lequel auoit institue son heritier/de parfaire icelluy monastere, Or le pape Adrian pour le couraige duquel & magnanimite/le peuple de Romme & le clerge auoyent grande esperance pour le temps aduenir/alla de vie a trespas/& ne regna qung an & deux moys Pape, Il fut enseuely en leglise saint Pierre/auq lenterrement chascun plouroyt comme silz eussent perdu leur pere/ou quon leur eust oste,

¶ De Estienne, cxiii, Pape: & v, du nom,



Stienne Pape estoit natif de Romme / du quartier & rue pres la grant voye, Son pere auoyt nom Adriā, Il fut esleu pape au tēps que les normans rompirent la paix/foy & confederation quauoyent aux Francoys, Et vindrent en France acompaignez des Daciens/& icelle grandement gasterent, Au moyen dequoy & pour obuier a leurs larrecins & pilleries, Le corps saint Martin fut transporte en leglise de saint Germain dauerre, Lors quant le corps saint Martin fut colloque en leglise saint Germain: il suruint vne discorde entre les moynes & religieux/assauoir du quel saint leglise seroyt repute/ou de saint Germain / ou de saint Martin, Et pour oster lambiguite & doute: il fut mis vng homme lepreux & ladre au millieu des deux corps saintz, Et incontinent la partie du malade qui estoit du coste de saint Martin fut santee & guarie, Et puis il fut retourne de lautre part ou estoit saint Martin / & fut pareillemēt guarie de sa lepre par la vertu saint Martin, Et cecy est a croire/car il auoyt este parmi par saint Germain/pour faire hōneur a son hoste saint Martin/affin quon ne creust sa saintete nestre diminuee/pour la translation quon en auoyt faicte, ¶ Aulcuns ont escript que au temps du pape Estienne/Charles dict le gros/qui auoyt regne epereur & roy de France par lespace de douze ans/fut dechasse des princes & barons de France: pource quil estoit inutile & trop tardif pour gouverner le royaume de France & lempire, Et que en son lieu fut mis & suppose son nepueu arnou: lequel fut le septiesme empereur depuis lempereur Charlemaigne, Pourquoy les Huns congnoissans les grandes perturbations du royaume de France/& de lempire de Romme: comme dict Vincent & Martin hystoriographes, Vindrent en Pannonie iusques aux Hongres/qui estoient les parens & affins, Et lors chasserent les Gepides & Auares/& occuperent la Pannonie, Et puis descēdirent en Germanie/& de la en la haulte Bourgogne/& en Frāce/mettant tout a feu

Miracle de  
saint Martin  
en leglise saint  
Germain dau  
erre,

Vincent &  
Martin,



& a sang & destruirent les villes & chasteaulx. ¶ Lors le pape Estienne voyant icelle grande calamite & turbation : il se retira au mieulx quil peult avecques Liutprande diacre de leglise Ticinense: & avecques Valdride Bauare/Berard euesque de Poytiers : par le moyen desquelz & de leur saincte vie: la foy crestienne a este fort illustree & augmentee: & fist faire & cōstruire plusieurs mōastres/chapelles/& eglises, au royaume de France. ¶ Le pape Estienne mourut: il ne fut pape que six ans, & vnz iours, Et lors le siege de Romme ne vacca que par cinq iours.

¶ De formose cent & quatorzieme pape,  
Et premier du nom,



Ormosé pape quāt il fut esleu pape il estoit euesque de Portuence, Incontinent quil vint a la papaulte: il fist paidre leglise saict pierre, cestui formose aultrefoys auoit lais se son euesche & sen estoit fouy en France: pour la crainte peur & seuerite du pape Iehan, mais combiē que lors il fust reuoque & appelle il ne voulsist reuenir a Romme pourquoy fut anathematize/& quant vint a Romme il fut priue de toute dignite de leglise/& lors print les habitz pphanes/& des seculiers & viuoit comme eulx. ¶ Les

aucuns disent par coniectures q̄ ce fut fait au pape Formose/pource quil auoit este des contracteurs du pape Iehan qui fut mis en prison. Or Formose ce voyant ainsi destitue de son euesche & dignite de leglise par desp̄t iura & afferma iamais ne retourner a Rōme/ ne a son euesche, Mais le pape martin qui fut successeur du pape Iehan le absolut de son sermēt & le fist reuenir a Romme/& le restitua en sa dignite & euesche, Et puis apres paruint a estre pape: non pas par ses merites & vertuz, Mais par argent & promesses quil fist & bailla pour obtenir la papaulte: combien q̄ plusieurs y contredissent. ¶ Lempereur Arnoul lequel estoit septiesme depuis lempereur Charlemaigne/au commencement il subiuga & vainquit les Normans: pourquoy il en fut si orgueilleulx & haultain/ quil ne tenoit compte de nulle personne & mesmement de leglise / ne des gens deglise/lesquelz mesprisoit & nen tenoit compte, Au moyen de quoy il fut pugny par le vouloir de dieu car les poulx le mengerent: tellement que en brief temps il mourut miserablement. ¶ Et en son lieu succeda lempereur Loys roy de france, Mais ie ne treuve point quil ayt eu courō ne dempereur. Et cōme dit & escript Marti: Berengier duc de foroiule lequel estoit descendu/yssu/& venu des roys Longobars & vouloit repe ter & recouurer le royaume des Longobars, Mais le pereur Loys le vain

Lēpereur Ar-  
noul fut mēge  
des poulx,

Martin en sa  
cronique,

r, liii,



De Boniface, cxv. pape: & sixiesme du nom,

Quant l'empire des Frâcoys faillit,

Sentence de Platon,

Sainct Remy Dauxerre,

Sainct Remy archeuesque de Rains,

quit en bataille vne foys. Mais peu de temps apres Berengier renouela la bataille au pres de la ville de Veronne: & combatit si vaillamment quil eut victoire de la bataille: & fut prins Loys / & eut les yeulx creuez & puis mis en prison en la ville de Veronne / parquoy l'epire que les Frâcoys auoyent obtenue par l'espace de cent ans / ou enuiron retourna & fut transferee aulx Longobars. Lors que regnoit Constantin filz de leon empereur des Grecz en Constantinoble. ¶ Maintenant ie ne scay que dire & pour quelle cause en vng temps la vertu des empereurs / & celle des papes / & saintete diceulx seroit perdue & abolie / parquoy ie dis que lors estoit vng temps fort malheureulx. Côme prouue l'auctorite de Platon qui dit / telz sont les cytoyens & habitans dune ville: côme sont les gouuerneurs & princes de la chose publique. ¶ Le veulx retourner au pape Formose & affin que ce temps la ne fust dit du tout mauuais / triste / & calamiteulx: la vertu & saintete de saint Remy Dauxerre le rendit vng petit illustre & magnifique: pour cause de sa sainte doctrine: il comme ca les liures saint Mathieu: & les epistres saint Pol. Auncuns disent que ce fut saint Remy archeuesque de Reins / & nō pas cestuy de quoy nous parlons. Mais quoy quil soit tous deux ont este grans clercz & bien lettrez. ¶ Le pape formose apres quil eut este pape cinq ans: & six moys / il mourut: & lors le siege ne vacca que par l'espace de deux iours,

¶ De Boniface cent & quinzieme pape,  
Et sixiesme du nom,



Oniface pape. vi. estoit Tuscan: il fut cree pape apres la mort de formose. Mais combien il a vescu en la papaulte il en ya grande controuersie: les vngs plus: les aultres moins: en ont escript. Mais ie me accorde avecques ceulx qui ont afferme q'il nauoit vescu en la papaulte q' par l'espace de, xxvi. iours. Iay voulu mettre cestuy pape au catholique des papes: non pas pour les choses qui sont auenus de son temps, car il fut pape trop brief tēps / & en si peu de temps ne peult aduenir grâdes choses. Mais toutesfoi

¶ De Estienne cent & sixiesme pape,  
Et sixiesme du nom,





Stienne estoit Rommain euesque de la vil-  
le Anagnine. Il hayoit tant formose quil  
abolit tous ses statutz & decretz quil auoit  
faitz au tēps q̄l estoit pape: cōbien q̄ aucuns  
disent q̄ le pape formose luy auoit dōne &  
cōfere leuesche de Anagnine / q̄ auoit pa-  
uant quil fust pape, le croy moy & cuide q̄  
ceste enuie & hayne soyēt venuez par am-  
bition / car en ce temps les gens deghe par  
force d'argent il se faisoient eslire / & occu-  
poyent la papaulte / & nestoyent plus com-  
me estoient les papes du tēps passē qui sen

fuioyent cacher quant on les vouloit eslire pour estre papes & par force  
on les contraignoit de occuper la dignite papalle. ¶ Et comme dīt Mar-  
tin / cestuy pape Estienne / fut si plain de rage & denuye / contre le pape  
Formose / lequel long temps auoit quil estoit mort: quil fist assembler  
vng concille par lequel il fut decrete & ordōne / que le corps de formose  
seroit deterre / & mis hors du sepulchre, Et puis fut deuestu des habitz de  
pape / & habille en habit seculier & puis le fist ensepuelir auecques les se-  
culiers / & gens laytz, Mais premierement y luy fist coupper & oster les  
deux doitz de la main dextre qui sont ceulx de quoy les prestres touchēt  
le corps nostre seigneur / quant il sacrifiēt & celebrent la messe / & les fist  
ietter au fleue du Tybre / & disoit que cestoit pource que contre droit &  
contre les iuremens il estoit retourne a Romme: dont il auoit este priue  
iustement & par droit: par le pape Iehan huytiesme, Mais que non ob-  
stant il auoit occupe le siege apostolique, ¶ Icelle controuersie fut tres  
mauuaise exemple, car puis apres / presque tous les papes ont acoustume  
de casser & annuller / ce que auoyent fait les predecesseurs papes / ce que  
ne auoyent fait les bons papes / desquelz iay escript la vie & gestes par cy  
deuant, Il ne sen fallut guieres que de nostre temps le pape Paule / quant  
il fut eleu pape quil ne print le nom de formose: pource quil disoit que  
ce nom luy conuenoit bien: pource quil estoit grant & de belle represen-  
tation: & leust fait se neust este aucuns cardinaulx qui scauoyēt bien les  
hystoires / affin quil ne luy aduēt ce que estoit au temps passe aduenue au  
pape formose apres sa mort, Mais neātmoins le pape Paul en fut marry  
quil nauoit prins iceluy nom: car il luy sembloit quil ne luy falloir plus  
que le nom de formose, cest a dire en francoys beau / pour accomplir sa fe-  
licite mondaine, ¶ Or par la negligēce des papes qui lors occupoyent p  
ambition / & argent le siege de leglise de Romme, Lempereur de Con-  
stantinoble enuoya aulx Italles Symbatique patrice auecques vne gros-  
se armee, Et apres quil eurent asiege Beneuent & quil furent deuant par  
troys mois: a la fin il la prindrent & redigerent en leur subiection & do-  
mination: & les Longobars lauoyent possedee & tenue par trois cens / &

Martin,

Le corps du pa-  
pe formose fut  
deterre,Du pape Paule  
le qui vouloit  
prendre le nō  
de formose,



De Rommain, cxvii, pape: & premier du nom,

trente ans, Mais trois ans apres Guyon Longobart chassa les Grecz & recouura Icelle ville de Beneuent & par ses moyens Beneuet retourna au Longobars. ¶ Le pape Estienne ne tint la papaulte que par l'espace d'ung an & trois moys & puis mourut, Et le siege vacca par trois iours,

¶ De Rommain cent & dixseptiesme Pape:  
Et premier du nom,



Exortatiō cō-  
tre les adula-  
teurs & mesdi-  
sans daultruy.

Le pape Romain estoit natif de la ville de Rome: tout aussi tost & icontinēt quil fut cree pape il abolist annichilla & mist au neant tous les decretz actes & statutz qu'auoit faitz le pape Estienne, iceulx papes qui lors estoient ne demandoient aultre chose que de abolir casser anuller & estaidre les nōs/ dignitez/ & les faitz des vngz/ & des aultres Laquelle chose nest riens plus ifame & le fait d'ung homme de nul leualleur & lache couraige: ceulx qui sefforcent par cautel- les fraudes & enuyes de ce faire: ne sont point vertueulx, Mais mauuais qui se efforcent de oster & abolir les biens faictz & vertuz de ceulx qui ont merite/ qu'on parle au temps aduenir deulx: pour cause & raison quil ne peuuent pour leurs ignorance pareille & meschante vie estre semblables aux vertueulx: vous ne trouueres iā mais homme estre enuieulx & mal parlant de bonne renommee bruyt/ & fame daultruy, sinon que celuy qui est contamine & entache de tous maulx: & qui ne peult laisser memoire de luy apres sa vie: si non que par mal dire: & detracter de gens bien famez & renommez & aymez du monde: il les mordent en thraison: cōme font les chiens: il les accusent a tort/ pillent mengeussent & rongent leurs honneurs & merites: comme font chiens affemmez/ pareilleulx/ inutiles/ & vuides de toutes vertuz, Et ne oferoyēt iceulx enuieulx detracter ne parler deuant ceulx don il iettēt leurs mauuaises goullez/ & parolles, Mais comme chiens enfermez en cages & cauernes tymides/ & paoureux/ par leur mal/ & iniquement de toulx estatz soit en religiō ou de lestat seculier, ¶ Le pape Rommain mourut trois moys apres quil fut pape: & pource quil auoit obtenu le siege de Romme iēn ay voulu escripre,

¶ De Theodore cent & dixhu ytiesme pape,  
Et second du nom,





Theodore second du nom estoit Rommain apres quil fut cree pape il ensuiuit la mau-  
uaise coustume de ses predecesseurs & sedi-  
tieulx papes, Il restitua les actes & faitz du  
pape Formose: & ceulx qui estoient de sa  
secte & bande: il les auoit en grāde estima-  
tion & leur fist des biens, Il estoit pape au  
temps que Arnoul lēpereur regnoit enco-  
res aulx Italles/comme aucuns disent: &  
ont escript, & Charles le simple en France  
& que Constantin estoit empereur en Cō-  
stantinoble/auquel temps les sarrazins vin-  
drent en la Pouille & occuperent la montaigne saint Ange & par force  
prindrent & emmenerēt grāde quantite de gens & de bestial, Mais soub-  
dainement les Italliens se mirent en armes & allerent contre les sarrazins  
& en tuerent grāde multitude & recouurerent les hommes quil auoyēt  
prins prisonniers & le bestial, ¶ Ce pendant tumultes & guerres se fai-  
soient aulx Italles, Au temps que Guillaume appelle par surnom Se-  
ctorfene/ conte de Angoulesme: parent & affin & venu de la lignee de  
Charles le chauue: commanda restituer les reliques au monastere de Ca-  
hors: que les Normās auoyent prinſes & emportees, Car il voyoit que le  
peuple pour ceste affaire & pour raison des reliques se vouloyent mou-  
uoir a faire guerre se les reliques nestoyent remises & restituez au mona-  
stere, Mais quelz gens cestoyent que Normans & dou il estoient venus  
ie nen scay riens, Mais aucuns ont voulu dire quil sont venus de Nouer-  
ge descendre en France, ¶ Le pape Theodore mourut vingt iours apres  
quil fut cree pape, Et ne laissa grande memoire de ses gestes pour la brief-  
uete du temps quil fut pape,

Guillaume  
duc Dangou-  
lesme,

¶ De Iehan cent & dixneufiesme pape,  
Et dixiesme du nom,



Jehan dixiesme estoit natif de Romme,  
Apres quil fut pape: il restitua tout ce que  
auoyt fait le pape Formose / & mist en son  
premier estat/ neantmoins que ce fut con-  
tre la volente de la plus grande partie des  
Romains: & ne se fallut gueres quil ny  
eust grosse guerre/ il assēbla en la ville de  
Rauenne soixāte & quatorze euesques en  
concille: par lequel fut dit & ordonne que  
tout ce que auoit fait le pape Estienne du-  
rant sa papaulte seroit abrogué/ annichille

Cōcille assem-  
blea Rauēne,



De Benoist, cxx, pape: & iiii, du nom,

Charles le simple  
roy de France,  
Les Hongres  
descendirent en  
France & en  
Allemagne,

& reprouue: & furent restituez tous les faitz & actes qu'auoit fait le pape Formose: disant que c'estoit mal iuge par le pape Estienne d'auoir fait encores vne fois reprendre les saintes ordres a ceulx qui les auoyent prin-  
ses & obtenuez desoubz le pape formose: & tout cecy ie croy auoir este fait par iceulx papes pource quil n'ensuiuoient les vestiges / & doctrine de monsieur saint Pierre premier pape de Romme, Mais auoyent vne aultre voye toute contraire, car la foy crestienne auoyt des ignares & paresseulx princes, Pourquoy la nauire saint Pierre alloit mal / & estoit en grant peril pource que le pape gubernateur de la nauire crestienne ne regardoit aulx mariniers qui sont les princes terriens / lesquelz se gou-  
uernoient mal pour lors, Car l'empereur Arnoul estoit du tout donne a voluptez, Et charles le simple ne valloit guieres mieulx: & ressembloit a son nom: car il estoit trop simple: en son gouuernement / & peu prudent Pourquoy ce voyant les Hongres vindrent descendre aulx Italles en grosse armee: puis en Germaine / & de la vindrent en France / en mettant tout a feu & a sang: & mesme les petits enfans: & ne pardonnoient a nul li, Et les Aphriquains vindrent en la Calabre & en prindrent la plus grande partie, Mais ainsi quil assailloyent la ville de Constance leur roy fut diuinement frappe de foudre du ciel & fut tue: pour laquelle mort il eurent si grant paour quil sen fouyrēt en leurs pays d'ot il estoient venuz, Nostre seigneur dieu eut pitie de son peuple qui estoit delaisse des prin-  
ces de la terre / & prelatz: par quoy il frappa de son glaiue les enemis de la foy crestienne / Car sil ne leust fait c'estoit fait de toutes les Italles & de la foy crestienne, pour cause que les princes de ce temps la estoient laches & de nulle valeur & estimation, ¶ Le pape Iehan ne laissa de luy riens digne de memoire sinon quil renouella les seditions lesquelles estoient presques destruites & abolies: il fut pape deux ans & cinq iours,

¶ De Benoist, cxx, pape, Et, iiii, du nom,



¶ Benoist quatriesme estoit Romain, Et fut fait & cree pape pour son humanite clemence & douceur, Aucune chose nauoit este en son temps qui soit digne de louer, car en son temps: comme aulx temps des aultres papes les vertus & industrie des hommes estoit abolie / & mise en nonchalance / en delaisant les sciences / doctrines / & bonnes institutions des saiges anciens, ¶ Or il est notoyre & commun que Loys filz de l'empereur Arnoul qui vouloit & se efforcoit acquerir & gaigner lepire de son pere / fut tue & occis a Verone par Beregaire / & ainsi la lignee de Charlemaigne



lors deffaillit / tant en france / que en Germaine & perdirent le tiltre de pereur, parquoy l'auctorite de crispe est veritable, Que orta sunt occidūt / que aucta, senescunt, ¶ L'empire des Rommains au commencement fut fort magnifie & ample / & en grant honneur, Mais puis ap̃s par les princes & paresse du peuple de Romme: icelle grande splendeur / & lumiere auoir este destainte / mise / & couuerte en grandes tenebres / & obscurite / & la cause auoit este pource quil se estoient adonnez a voluptez charnelles / a baingz / a estuues / & banquestz, Lesquelles choses rendent les hommes effeminez & sans puissance / ne vertu / ne plus nemoins que vne femme, ¶ Et semblablement ainſi est il adueni aulx papes, Car il nestoyēt point esleuz a la dignite papalle: sil nestoyent vertueulx scientifiques ſages / prudens / & de ſaincte vie / & honneſte conuerſation, Car lors ilz florifſſoyent pour les gr̃s labeurs / peines / & trauaulx quil auoyēt pour deffendre la foy creſtienne contre les tyr̃s empereurs / & aultres princes hereticques qui regnoyent, Mais depuis quilz ont cōmence a habunder / & poſſeder les biens mondains : ilz nont fait que viure deſhonneſtement a leurs plaiſirs & luxure / & la ſeuerite & chaſtete eſt cōuertie en ordure / la ſciuite, La cause pourquoy ſes pechez / & laſciuitez ſont ainſi venuz en legliſe, Ceſtoit pource quil ny auoit prince ſur terre / qui fuſt vertueulx / pour punir les mauuais & peches des hommes. Mais neantmoins entre tant de mauuiſes couſtumes qui estoient & regnoyent lors a Romme le pape Benoist auoit obtenu gloire & louenge: quil auoit veſcu honneſtement & en grant grauite en la papaulte: par trois ans / & quatre moys: Et puis apres mourut, Et lors vacca le ſainct ſiege apoſtolique de Romme par ſix iours,

¶ De Leon cent vingt & vngieſme pape.  
Et cinquieme du nom,



estoit vng homme priue / & debas estat, Et neantmoins par faction / & par force en vng mouuement il occupa la dignite papalle, Mais cest ce  
f, l,

Le pape Leon  
fut mis en pri-  
son,



De Christophle, cxxii, Pape, & i, du nom,

que dit l'auctorite, Plus auctoritatis dignitates ex hominibus capere quam ex dignitatibus homines que in censura Romana apparuit que primo vt exiguus magistratus post habita est, ¶ Lors Christophle occupa le siege papal, xl, iours aps que Leon fut pape, Lequel ie croy quil mourut tost apres quil fut prins de douleur & mal ainli quil auoit / pource ql se veoyt spolie d'honneur & dignite de celuy quil auoit nourri & alimente en sa maison. Comme le loup, Car comme dit Theocrite, Enutrito lupos qui te comedant, Cest a dire en langue francoyse / Nourry des loups qui te mengeront,

¶ De Christophle cent vingt deuxiesme pape, Et premier de ce nom,

Le pape Christophle fut mis en religiō



Christophle pape: on ne scet le pays dont il estoit ne son furnō, pour cause quil nestoit noble ne yssu de maison de renō, Il obtint la papaulte meschamment / & par mauuais moyens: & aussi icelle dignite perdit par semblables causes & machinations, Il fut deiette de la papaulte sept moys apres quil fut pape / & fut par contrainte mis en vng monastere / ou finist sa vie, Laquelle chose est le refuge des calamiteulx & souffreteulx, Car en ce temps on mettoit par force aulx monasteres les gens de glise / qui

nestoyent dignes de obtenir prelatures / dignites / ou eueischez en leglise / ou quil auoyent forfait contre leglise / tout ainli qu'on enuoyet les gens layz en exil au estranges isles & diuerses contrees. ¶ Aucuns on escript que le pape Christophle fut deiette de la papaulte au temps que l'empereur Loys tiers du nom regnoyt, Mais aucuns disent que ce fut au tēps de Berengier lequel comme auons dit fut cree Empereur luy estant duc de Foroiule: venu & yssu de la lignee des roys des Longobars: & estoit demoure en luy seul lesperance de l'empire laquelle luy estoit bien duee pour cause de la noblesse & des vertus qui estoient en luy, Et croy quil regnoit en ce temps que ces mōstrueulx papes regnoient lesquels dieu ne parmist longuement viure, ¶ Cestuy Berengier fut couronne par le pape formose: & vesquit depuis dix ans empereur: & incontinent quil fut cree empereur il occist & tua le duc de Spollete: & Ambroise cōte de Pergame: pource quil auoyēt este contre luy en guerre, ¶ Or ce q seroit adueni au pape Christophle / depuis quil fut deiette de la papaulte ie le diray en la vie du pape Serge cy apres,

Berengier empereur,

¶ De Serge, cxxiii, pape, Et, iiii, du nom,





Serge pape troisieme du nom : estoit natif de la ville de Romme, Son pere eut nom Benoist, Incontinent quil fut pape/il fist refaire leglise de Lateran: qui estoit corruë & tûbee, Il fist oster le Pape Christophle du monastere ou il estoit & le fist en

Le pape Serge  
vint en france  
deuers le roy  
lothaire,

ferrer & mettre en prison, Et puis sen vint en France: pour la grande amitie & amour quil auoit avecques Lothaire roy de France qui lors regnoit, Et puis quant il fut reuenue a Romme il fist plus estroictement garder & cerrer le pape Christophle, Et reprouua les faitz & acte: que auoit faitz le pape Formose: & cōtraignit les prestres qui auoyent prins les sainctes ordres de prestrise: les reprendre encores vne fois, Et oultre ne fut content dauoir fait ceste iniure au pape Formose qui estoit mort, Mais fist tirer du sepulchre son corps: & cōme sil eust este encores viuant luy fist coupper la teste / & puis fist ietter son corps au fleue du Tibre: comme indigne de sepulture & honneur humain. ¶ Aucuns disent que le corps du pape Formose fut trouue / & pesche par des pescheurs / & par eulx porte en leglise mōsieur saint Pierre & que en faisant son seruice & funerailles que les ymages des saintz / qui estoient en leglise luy firēt hōneur & reuerence: pourquoy on croyoit fermement que le corps du pape Formose auoit este iniurie, Mais les pescheurs le porterent a leglise saint pierre / il nest pas trop notoire / ne congneu, Mesmement durant la vie du pape Serge / lequel auoit en hayne le pape Formose: pource quil lauoit empesche quil nauoit este pape deuant luy, ¶ Or regardez commēt ces malheureulx papes estoient meschans & abbastarditz des vertu: des bons papes leurs predecesseurs: lesquelz renoncoient & contēnoient les dignitez & eueschez / quant on leur vouloit bailler & ne vouloyent vacquer a aultre chose / sinon que a seruir dieu & estudier aulx sainctes escriptures, Mais iceulx papes qui sont de present ne demandent que a occuper & auoir les dignitez papales que par ambition & puis apres quant il les ont il sont daussi mauuais se vie & aussi cruelz comme tyrās & leur appartient mieulx de auoir le nom de tyrant / que de pape: & ne leur chault comme tout se porte, Mais q̄l facent leurs plaissances & voluptez mōdaines, ¶ Je croy que le Pape Serge nauoyt ce fait au pape Formose / sinon que par le moyen de Lothaire: roy de France: pource que le Pape formose auoit tranilate la couronne de lempire de Romme: hors la maison de France: & icelle bailliee a gens Barbares & estrangiers, ¶ Mais neātmoins le pape Serge obtint la papaulte par lespace de, vii. ans, iiii, moys &, xvi, iours & puis mourut Mais au parauant furent veuz au ciel des flābeaulx de feu & des estoilles ardantes / oultre lordre & nature que nauoyent acoustume, ¶ Et peu de

Du corps du  
pape formose

Prodiges,

lii,



De Anastaise, cxxiiii, Pape, Et, iiii, du nō, De Lando, cxxv, & i, du nō,  
 temps apres les Hongres vindrent aulx italles en grosse armee / ou dung  
 coste & daultre furent tues & occis plusieurs gens,

¶ De Anastaise cent vint & quatriesme pape  
 Et troisieme du nom.



Anastaise estoit Rommain, Il fut cree pape  
 au temps que l'endulphe prince de Benne  
 uent vainquit en la Pouille les Grecz aulx  
 quelz se combatit neantmoins que le patri  
 arche de l'empereur leon de Constantino-  
 ble eust menace les Italliens incontinent  
 q'il vint aulx Italles quil les destrueroit du  
 tout / si ne obtemperoyent a l'empereur le-  
 on, Mais cōme iay dit il fut vaincu & per-  
 dit son Empire / avecques son orgueil / &  
 hault parler, ¶ Le pape Anastaise nauoit  
 fait chose digne de memoire, Il mourut le

second an de sa papaulte, & fut enseuely en leglise monsieur saint Pi-  
 erre, Nous pouons louer & donner gloire au pape Anastaise dune chose  
 pource quil nauoit diffame aucuns papes qui auoyent este deuant luy,  
 Il vesquit assez modestement & nauoit riens en luy qui fust digne de re-  
 prehension,

¶ De Lando cent vingt & cinquiesme pape  
 Et premier du nom,



Lando estoit de Romme: il succeda au pa-  
 pe Anastaise, Sa vie fut si obscure quil en  
 ya aucuns qui ne le mettēt au catalogue  
 des papes, & mesmement Vincent l'histo-  
 rial, Mais martin & Cusentin ont escript /  
 & tiennent le contraire, Et aussi fait Gau-  
 defroy: qui escript que le pape Lando def-  
 fendit que Berangier & le cōte Rodulphe  
 filz de Guyon ne eussent bataille ensē-  
 ble, ¶ Aucuns escriuent que Rodulphe  
 vainquit Berengier pres la ville de Verō-  
 ne & quil fut par trois ans empereur, ¶ En

ce temps estoit grande altercation & debat entre les Italliens / Germais /  
 & Francoys / touchant la possession de l'empire des rōmains, Au moyen  
 de quoy vit grādes guerres & batailles: qui furēt cause de la mort de plu-  
 sieurs psonnes & de la calamite & destruction de beaucoup de puīnces,

Martin en sa  
 cronique,

Debat pour la  
 possession de  
 l'empire de rōme



Les Italliens se efforcoient de retenir & occuper par deuers eulx lempire des Rommains, Mais les Barbares & nation estrange lempeschoyent, pource que aulx Italles nauoit plus de vertueulx princes: cōme au tēps passe/ & que la lignee des vertueulx empereurs estoit finie. ¶ Le pape Lando mourut six moys & vingt & vng iour apres quil fut pape, Et fut enterre en leglise monlieur saint Pierre,

¶ De Iehan cent vint sixiesme pape,  
Et vnziesme de ce nom,



Ehā vnziesme estoit de la ville de Rome, Son pere eut nom Serge: il fut cree pape, Lan de lincarnation nostre seignr Iesu chrlt neuf cens & neuf: il auoit este arche uesque de Rauēne, Mais il en auoit este de iette par le peuple de Rauenne, Apres que Lando fut mort il fut esleu pape, Il estoit plus belliqueulx & aymoioit mieulx la guerre quil ne faisoit religion & deuotion, Car en ce temps /leglise/ & les Italles auoyent grant besoing dung tel pape, Car comme iay dit apres que Lendulphe fut vaincu/

Lan neuf cens  
& neuf,

les Grecz appellerent/ & firent venir les Sarrazins aulx Italles: lesquels estoient en la Calabre/ & Pouille/ & vindrent descēdre par le pays de luques & de la Campagne & menassoient de venir a Rome/ & la destruire/ pourquoy le pape Iehan appella a son ayde Alberic marquis de He- trurie & ensemblement assemblerent gens darmes de tous costez & allerent contre les sarrazins/ lesquels vainquirent & les chasserent des fins & limites de la ville de Romme: Mais encores ne furent Alberic & le pape asles contens dicelle victoire: pourquoy ilz les suiurent iusques au fleuue de lirim lequel on appelle le Guarilian/ ou les cresties occirent & tuerent tant de sarrazins: quil eurent en pensee de tout delaissier les Italles/ & pource bruslerent tous les chasteaulx quil tenoyēt/ & occupoyent sur le riuage de la mer: & sen fouyrent en la montaigue de Garganes & aulcunes foys alloient faire des courtes & piller le pays circunuoysins. ¶ Et cependant le pape Iehan sen vint a romme & y entra en triūphe & a luy seul se attribuoit icelle victoire des sarrazins: pourquoy le marquis Alberic eut grant despit & conceut grosse hayne contre luy: tellement que incontinēt aduint vne grande sedition a Romme & fut chassé Alberic & sen fouyt a Ortam / & fist tres bien garnir & auitaller les Chasteaulx/ & tours du lieu / & puis apres par promesses/ & argent il appella les Hongres & les fist descendre aulx Italles/ lesquels Hōgres firent plus de mal aulx Italles/ que iamais nauoyēt fait les sarrazins, car ilz prenoyēt & em-

Les sarrazins fu-  
rent chassés  
des italles.

Debat entre le  
pape iehā & le  
marquis Albe-  
ric,

f.iii,



De Leon, cxxvii, Pape, Et, vi, du nom,

menoyent les petitz enfans & ieunes filles vierges & tuoyēt les grandes, Et ne pardonnerent point a ceulx Desturie auquelz ne debuoyent faire mal pource quil estoient a Alberic & par la confederation avecques eulx faicte: car non pas seulement il les pillerent & tuerēt, Mais ilz les bruslerent & firent abbatre leurs villes & chasteaulx quil occupoyent & receurent plus de maulx que ne firent les Italliens, Pourquoy iceulx Hongres pour les grans biens quil auoyent gaignez & emportez du pays des Italles / ilz furent si afriandez & acoustumez / que bien souuent pour cause du pillage / ilz descendoient aulx Italles, Or ce voyant par les Rō mains / quil ne pouoyent resister a lencontre des Hongres / qui estoient si fors & cruelz, Eurent pitie du pays des Italles / au moyen de quoy / ilz prindrent Alberic / & luy firent publiquement trencher la teste,

Le marquis  
Alberic eut la  
telle trenchee,  
La mort du pa  
pe Iehan,

¶ Le pape Iehan fut prins par les gens darmes du conte Guyon / & mis en prison / ou il fut estouffe: car on luy mist vng orillier contre la bouche pourquoy mourut: apres quil eut este pape treze ans / deux moys / & trois iours, Et en son lieu / on subroqua vng nōme Iehan: pour estre pape, mais pource quil auoit occupe le sainct siege apostolique de Romme par force: il fut tost apres deiete: car il na pas merite ne deserui destre nombre entre les papes,

¶ De Leon cent vingtseptiesme pape,  
Et sixiesme du nom,



¶ Leon sixiesme fut natif de la ville de Romme: il fut cree canoniquement pape & legitiment, Il ne fut en riens mauuais, il viuoit honnestement / & paisiblement / & gouernoit leglise de Romme au mieulx que pouoit faire / actendu le mauuais tēps & coustumes qui lors regnoyēt, Il se efforçoit fort de mettre les cytoyens / & habitās de Romme a concorde / & paix / lesquelz estoient en grandes discensions: pour cause de la temerite & folie des papes q auoiēt regne, Et pareillement mist peyne de apaiser les Italles / & de chasser les ennemis des fins / & limitez des Italles: & ne fut chose plus digne de louēge & gloire a luy que de ce faire / actendu le brief temps quil vesquit en la papaulte, Il ne fut que sept moys: & xv iours pape, Et puis alla de vie a trespas: & fut ensepuey en leglise sainct Pierre: & depuis les rommains le desirerent fort,

¶ De Estienne cent vingthuytiesme pape,  
Et septiesme du nom,





Stienne Pape septiesme du nō/estoyt de Romme, Il fut esleu Pape au temps: comme aucuns ont escript: que les hongres gastyoyent & destruyoyent les Allemaignes & la Saxonie, Mais ilz furent subiuguez & vaincuiz par Héry roy de Germanie pres Morespurga, ¶ En ce temps Rhodulphe roy de Bourgonne/ vint en grosse armee aux ytalles contre Berengaire lesecōd empereur des Rommains, Et par la fraulde de ses gens il fut spolie & deiecte du regne des ytallies/& sen fouyt aux Hōgres, Les-

quelz troys ans apres qu'il fut chaste/vindrent avecques luy en grosse armee/laquelle menoyt le duc Salard, Et descendirent aux ytalles & pri-  
drent par force la ville de Pauye/& puis la pillerent & mirent tout a feu  
& a sang:& la plus grāt partie de la ville fut abbatue, Or pource que les  
ytalliens voioyent que Rhodulphe nauoyt pas grant droict aux ytal-  
lies, Ilz appellerent a leur ayde Hugues conte Darles: mais ce ne fut pas  
sans grāde altercation & discention entre Hugues conte Darles & Rho-  
dulphe, Mais neantmoins Rhodulphe se retyra au pays de Bourgonne  
& demoura Hugues aux ytalles/lequel ne se fioyt pas trop aux ytalliēs  
qui lauoyent faict venir, Pourquoi en enuoya plusieurs en exil, Lesq̃lz  
sen allerent a arnauld duc des Bauares/qui ne demandoyt que a domi-  
ner/& firent tant qu'ilz le firent descendre aux ytallies avecques gēs dar-  
mes, Et apres qu'il fut passe les Alpes/les habitans de la ville de Veron-  
ne le receurent tresbenignement dedans la ville, Mais Hugues vint as-  
saillir icelluy cōte des Bauares/& le vainquit/& puis occupa Veronne,  
¶ Apres que Berengaire fut mort luy estant avecques les Bauares: ou  
comme disent aucuns: au temps qu'il estoyt avecques les Hongres: Be-  
rengaire le tiers nepueu du premier Berengaire a cause de sa fille/vint  
lors aux ytalles, Lan de nostre seigneur: neuf cens trente & cinq, Et obtit  
l'empire:& tout cecy fut au temps du pape Estienne, Combien que aul-  
cūns ont dict & escript que ce fut au temps des aultres Papes & ceulx qui  
vindrēt apres, Mais ie lay voulu descrire en la vie de ce Pape, Auquel  
temps estoit Vgibert noble homme prince de Lorrayne: lequel fist cō-  
struyre le monastere Gematense, Et aucuns disent que en ce temps le  
duc de Boeme nomme Spirene/auoyt receu la foy crestiēne, Au temps  
passe cestoyent ducz qui regnoyēt en Boeme, Mais maintenāt sont roys  
pource qu'ilz ont augmētē leur pays & se sōt faictz riches, Le pape Estiē  
ne plain de douleur & clemence/apres qu'il eut este Pape deux ans vng  
moys & douze iours: Mourut & fut enseuely en leglise saint Pierre,

Les Hōgres de  
rechief en ytal  
lie

Berengaire  
tiers de ce nō  
empereur

Vgibert prince  
de Lorrayne,

¶ De Iehan, cxxix, Pape: & xii, du nom,

liiii,



De Iehan, cxxix, pape: & xii, du nō,

Et de Leō, cxxx, Pape: & vii, du nō,



Les Hōgres oc  
cis & pillez,  
des tresors q̄l̄z  
emportoient  
des ytalles  
Rachere eues-  
que de Verone  
ne,

richesses & pilleries/ quilz auoyent faictes aux ytalles. Furent assailliz soubdainemēt par les Marciens/ & furent deffaictz tuez & occis. Et par tant perdirent leurs pilleries richesses & larrecins quilz emportoient. ¶ En ce temps Rachere fist de beaulx liures: il auoit este religieux / & puis euesque de Veronne. Lequel auoit este enuoye en exil par Hugues conte Darles: pource quil reprenoit publiquement ses mauuaïses coustumes/ & mauix quil faisoit. Apres que le pape Iehan eut obtenu la papalite par l'espace de quatre ans dix moys & quinze iours/ il mourut. Et lors vacca le siege douze iours.

¶ De Leon, cxxx, Pape: & vii, du nom,



Martin en sa  
cronique

Eon Pape septiesme du nom/ fut natif de Romme. Il fut au temps que Vgo & Lothaire regnoyēt aux ytalles. Depuis quil fut Pape ne fist rien digne de memoire. Mais Spirene duc de Boeme: comme dict Martin: rendit cetēps la tresillustre. pour la iustice quil faisoit & grande deuotion quil auoit a la foy crestienne. Et pareillemēt son filz Vincellaus: lequel depuis fut occis & meurtry/ par son frere Boleslao. Pour & affin quil occupast seul le royaulme de Boeme. Or depuis Vincellaus fut p ses miracles & bonne vie quauoyt menee/ mis & redige au cathologue des sainctz. Le pape Leon ne obtint la papalite/ que par l'espace de troys ans six moys & dix iours. Et puis mourut & fut enterre en leglise monsieur saint Pierre. Et lors fut le siege apostolique de Romme vacant par troys iours seulement.

¶ De Estienne, cxxxi, Pape: & viii, du nom,





Stienne estoit de la nation de Germanie, Incontinent quil fut esleu & cree Pape/il fut si merueilleusement vexe & trauaille par les seditions des Rommains / quil ne peult rien faire qui fust digne de memoire, Car comme dict Martin & raconte / q par les seditions noyses & debat des Rommains/il fut si bien batu & mutille de son corps & de ses membres & si villainement que par long temps vesquit secretement & nosoyt se monstrier publiquemēt pour les playes quil auoit / qui estoient tresdeshonestes, Le roy Hugues auoit deslibere de vanger le pape Estienne / des iniures & forfaitures quon luy auoit faictes, Mais ainsi quil assembloit ses gens darmes pour venir a Romme/il mourut, Et luy succeda son filz Lothaire/lequel nefist aucune mencion devanger le pape, La cause estoit pource quil estoit grant amy du peuple de Rome, Ou pour cause quil ne regna Roy des ytalles que deux ans apres la mort de son pere, ¶ Otho roy des Germainz voulut venger la mort de Vicei lai roy de Boeme / quauoit tue Bolellaum: pourquoy assembla plusieurs gēs darmes, Et apres quil eut p plusieurs foys bataille Bolellaum qui occupoit le royaume de Boeme/il le subiugua & mist en sa domination, Le pape Estienne ne obtint la papalite que troys ans / quatre moys / & douze iours, & puis mourut, Et p la mort le siege vacca dix iours,

¶ De Martin, cxxxii, Pape: & iiii, du nom,



Artin Pape estoit du pays de Romme. Il ensuyuoit la douceur & clemence du pape Estienne septiesme: Incontinent quil fut Pape il delaissa les guerres & se couertit du tout a deuotion: Il fist refaire les eglises qui estoient en ruynes & destruietes & nourrissoit les paoures p aulmosnes, Mais neātmoins eut de grosses guerres & furieuses au pays de Europe, Car Otho roy des Germais vouloyt venir aux ytalles, Mais Lothaire lempeschoit / pourquoy y furent tuez & occis dung couste & daultre beau-

Guerre en ytalie

coup de gens, Le pape Martin les admonnesta quilz eussent a laisser de guerroyer les vngz contre les aultres, Car en ce temps estoit si grāt famine / & pourete de viures quon mouroit de faim: Car au moyen des guerres on auoit coupe les arbres portans fructz: gaste les bledz / & emmene



De Agapit, cxxxiii, pape: & ii, du nom,

le bestial: tellement que les laboureurs & aultres estoient affamez, Les  
 Lempereur de drent l'empereur Constantin/ & luy coupperent les cheueulx & raserēt  
 Cōstātinoble & puis l'enuoyerent en exil en vne isle, Mais peu de temps apres Constā  
 Constātin fut tin filz de Leon obtint l'empire, Et fist pugnir les sedicieux & ceulx qui  
 ēuoye en exil, auoyent faict raser les cheueulx de l'empereur Constantin, Et leur en  
 fist faire autāt/ & puis les enuoya en exil en la mesme isle. ¶ Apres que  
 le pape Martin eut este Pape troys ans six moys & dix iours: mourut &  
 fut enseuely en leglise sainct Pierre, Et lors vacca le siege douze iours,

¶ De Agapit, cxxxiii, Pape: & ii, du nom,



Capit second du nom estoit de Romme:  
 Il fut esleu Pape au temps que toutes les  
 ytalles estoient diuisees & en guerre, Les  
 Hongres en ce temps occupoient les ytal-  
 les par force/ & auoyēt en leur dominatiō  
 la region trāspadane & loccupoyēt, Mais  
 Henry duc des Bauares les vainquit par  
 deux batailles quil'eut contre eux, Mais ce  
 fut au grant dōmaige & detrimēt des ha-  
 bitans, Car lors il occupa tout le pays des  
 puis Aquilee iusques a Pauie, Et puis sen  
 alla soubdainement iusques en Autrie,

L'empereur berā  
 gaire fist son  
 filz roy des  
 ytalles

Quant il sceut & congneut que Berangaire venoyt aux ytalles avecq's  
 son exercice & ost de gens d'armes: lequel Berangaire apres quil fut sei-  
 gneur des ytalles & quil en iouyt: il fist son filz Albert roy des ytalles,  
 Et puis fist mettre en prison Alunde fille du frere de Lothaire: affin q'il  
 le ne demandast la ville de Pauie pour son douaire, ¶ Orce voyant &  
 congnoissant par le pape Agapit/ & les princes & barons des ytallies/ q'  
 berangaire estoit trop orgueilleux/ & quil occupoyt tout contre droict &  
 equite/ & ne luy en challoyt mais quil en eust, Ilz appellerent & firent  
 venir Otho roy des Germain/ en ytallic, Lequel y vint par Foreiule a-  
 uecques cinquante mille hommes: & chassa berāgaire & Albert son filz  
 Il deliura Alunde de prison & la print a femme & espouse: & eut d'elle  
 vng filz qui fut nomme Otho le second, ¶ Lors quant Otho sen voulut  
 aller des ytalles/ il v'sa de modestete/ car il pmist a berangaire & Albert  
 de gouuerner la prouince: & fist la paix entre le Pape & berangaire, Ce-  
 stuy Otho ayda a Loys roy de France/ a entrer en son royaume: duquel  
 les barons lauoyent chassé, Et a ce faire Hugues dict Capet/ cōte de Pa-  
 ris luy ayda fort, ¶ En ce temps les Venitiēs bruslerent Commacle/ &  
 estoient fort contraires au pape Agapit, Or apres plusieurs peines & la-  
 beurs que eut le pape Agapit/ qui aimoyt fort la chose publique des cre

Hugues capet



stiens/homme de bonne vie/& innocent: il alla de vie a trespas, Et ne ob tint la dignite Papalle/que neuf ans/sept moys/& dix iours, Et enuiron ce tēps Oddo abbe du monastere de Cluny/alla de vie a trespas:& mourut en nostre seignr, Domaiel fut son disciple/lequel fut hōme de sainte vie & bon religieux/& grant reformateur,

Oddo abbe de cluny alla de vie a trespas

¶ De Iehan, cxxxiiii, Pape: & xiiii, du nom,



Ehan Pape trezieme du nō estoit du pays de Romanie/de la voye late ou grande, Il occupa la papalite pource quil estoit supporte par le pere de Albert, Il sappelloyt premierement Octouian/cestoit vng hōme des sa ieunesse donne a toutes voluptez & turpitudes, Il estoit plus adōne a la chaf se que a deuotion, Lors a Rōme en ce tēps estoient deux consules/quilz nestoyent q par vng an/& estoient nobles:& vng prefect qui oioyt les causes des Rommais/& leur faisoit droict, Et du peuple on en esli

Douze senateurs instituez a romme

soit douze qui representoyent le senat, Les Rommains auoyent grande domination & seigneurie sur aulcunes villes leurs voy fines: comme en Hetrurie/les Trudentines/Beneuentines/Reatines/depuis Naples iusques aux Marsiens/tout estoit a la dominatiō des Rommains, Et ce qui estoit oultre les Grecz en occupoyent vne partie/& les Sarrazins lautre, Mais lors qui tenoit Picene & Spollete on nen scait riens, Octouia qui estoit de Romme/pour cause que son pere estoit opulent & riche obtint la Papalite/combien quil nen fust digne, Pourquoi deux cardinaulx p lettres requierent lempereur Otho: que le clerge & le peuple de Romme le requeroient & prioyent/que ce fust son plaisir de les despescher des mains de Berangaire & du pape Iehan trezieme: ou autrement en brief la foy crestiennne & lempire estoient annichillees & perdues. Car en ce temps Otho estoit en grant bruit/pour les guerres quil auoit eues cōtre Bodeslao roy de Boeme & les Hongres/dont auoyet faict pēdre & eitrā gler troys de leurs gouuerneurs contre la volente de lempereur, ¶ Et cependant que les Rommains attendoyent lempereur Otho: le pape Iehan sceut que les deux cardinaulx auoyent escript a lempereur Otho, Pourquoi il les fist prendre & a lung fist coupper le nez/& a lautre la main, Pourquoi Otho vint aux ytalles/& print Berangaire & son filz Albert/& les mist en sa subiection, Et les enuoya en exil: lung en Constantinoble & lautre en Autrie, Et puis entra en la ville de Romme/ou il fut tresmagnifiquement & honnorablement receu du pape Iehan: cō me aulcuns disent:& fut par luy couronne empereur, ¶ Lors print le til

Otho vint en ytalie



La trāslatiō de  
l'ēpereur aux  
germainz

l'ēpereur otho  
fist aſſembler  
vng cōcille a  
romme

Signes appa-  
ruz au ciel

tre de Pannonie & de Germanie / ce que depuis les empereurs ont obser-  
ue & garde, Et lors l'empire fut translate aux Germainz: Mais aucuns  
ont escript que icelle translation de l'empire fut faicte par le pape Leon  
huytiesme / duquel cy apres nous parlerons, Et laquelle oppinion Gra-  
tian auoit tenue & ensuyuie: cōme appert au grāt decret, Mais Richart  
& Cusentin tiennent la premiere oppinion, Et le Bibliothecaire de la-  
teran dict & escript: que au temps de cestuy Pape Iehan / Otho l'empe-  
reur vint a romme: mais de sa coronation il nen faict point de memoire  
Et font les escriuains de ce temps cy cōfuz par leurs negligēces / ou aul-  
trement qu'on ne scait lequel croire. ¶ Apres que Otho eut compose &  
redige l'estat de la ville de romme / il parla en secret au pape Iehan: & par  
belles parolles l'admonnestoit de se abstenir des voluptez & maulx quil  
faisoit / & quil se gouuernast vertueusement, Mais le pape Iehan nen te-  
noit cōte: pourquoy l'empereur le menassa de le faire pugnir des maulx  
quil faisoit, Et a ceste cause fist assembler vng concille a rōme des eues-  
ques Dytallie: pour iuger les faictz & maulx qu'auoit faictz ce mauuais  
Pape, Mais le pape Iehan eut paour destre iuge p' iceulx euesques, Pour  
quoy il sen fouyt aux Herniens: & fut longuement aux boys demourāt  
& cache / comme les bestes sauuaiges, Pour laquelle chose le clerge & le  
peuple de romme / persuada tant a l'empereur Otho: que au lieu du pape  
Iehan fut mis en son lieu pour estre Pape / Leon citoyē de romme / & le-  
cretain de leglise de lateran, Mais puis apres que l'empereur sen fut alle /  
les amys & familiers du pape Iehan / chasserent Leon du siege apostoli-  
que / & y remirent Iehan, Lequel incontīnēt peu de iours apres mourut  
par le vouloyr diuin: comme il est a croire: affin que leglise ne fust per-  
due / par la sedition qui estoit desia encōmencee, ¶ Aulcuns ont escript  
que cestuy Iehan tant infame & vicieux / fut tue & occis en faisant & cō-  
mettant adultere, Mais neantmoins par sa mort la sedition encomen-  
cee ne fina pas: Car apres sa mort les rommains subroguerent Benoist:  
& le cuyderent faire confermer par l'empereur qui lors estoit en Spolete  
Mais l'empereur non pas seullement fut ire courouce & mary de ce quilz  
demandoient & postuloient iniquement: mais il les chassa & repulsa vil-  
lainement, Et comme sera dict cy apres / les cōtraingnit de abroguer Be-  
noist / & de recepuoir Leon, ¶ On dict que en ce temps aux ytalles appa-  
rut au ciel de grandes prodiges & monstruositez: car il cheut lors du ciel  
vne pierre de admirable grandeur: & furent de grans vens & tempestes,  
Et aux robes de plusieurs personnes apparoiſſoyēt des signes de la croix  
plains de sang, Lesquelz signes aucuns disoyent quilz signifioyent grā-  
de persecution & mortalite de creſtiens & misere / & calamite en leglise,  
Apres que le pape Iehan homme de tous les papes qui furent iamais de-  
uant luy / le plus pernicious & infame: eut occupe la papalite neuf ans /  
troys moys & cinq iours / il mourut, Et par sa mort a cause de la sedition:  
le siege fut vaccant douze iours,





Benoist Pape cinquième du nom estoit Rommain, Il n'estoit que dyacre quant il fut esleu Pape au temps de la sedition & p les amys & ceulx qui tenoyent la partie du pape Iehan / car il leur faisoit mal que Leon auoit este mis par l'empereur Otho / ou lieu du pape Iehan, Mais neantmoins l'empereur Otho ne voulut approuver icelle election requise par les Rommains, Et pour ceste cause vint a romme / en mettāt tout par ou il passoyt a feu & a lespee / & ga

stoit tout le pays dentour la ville de romme, Et chassa le pape Benoist / & y mist & fist mettre le pape Leon: & iurerent & affermerent les Rommains de ne riens muer de tout ce que feroit & voudroit faire l'empereur Otho touchant la papalite, ¶ Or ap̃s que l'empereur eut appaise & compose ce qu'il vouloyt avecques les rommains: il sen alla en Germanie / & emmena avecques luy Benoist qui auoit este esleu Pape, Parquoy peu de temps apres il mourut d'ennuy & de douleur / pres Hespaigne ou il estoit relegue & enuoye en exil, Il ne vesquit en la papalite q̃ six mois & cinq iours, Et lors le siege fut vaccāt par, xxx. iours,

¶ De Leon, cxxxvi, Pape: & viii, du nom,



Leon comme iay dict / fut cree Pape par le clerge & peuple de Rōme / lors que le Pape Iehan sen estoit souy, Car pource q̃ le Pape Iehan viuoit trop luxurieu semēt: les rommains requirēt a l'empereur quō chassast le pape Iehan / & quen son lieu il en subrogast vng aultre, A quoy l'empereur fist response / q̃ lelection du Pape apptenoyt au clerge & peuple de rōme: & quilz esleussēt celluy qui verroyēt le plus idoyne / & qui l'approueroyt incontīnēt Pourquoy ilz esleurent Leon / lequel lors cōferma: Mais

puis ap̃s ilz muerent leur sentence & volente / & abroguerent le Pape Leon / & en son lieu eslirent Benoist, Parquoy l'empereur Otho fut ire & courouce / & les cōtraingnit p force & p armes de luy bailler cestuy Benoist / & de recepuoir & prēdre pour Pape Leon, Or ce faict l'empereur fut courouce de l'incōstāce du clerge & peuple de rōme, Il translata aux empereurs / & print toute l'auctorite qu'auoyēt le clerge & peuple de rōme deslire les Papes, Le pape Leon ne vesquit Pape que vng an & quatre mois: & puis mourut,

A l'empereur ap partiēt deslire le Pape

t.i,





Le pape Iehan  
fut enuoye en  
exil

l'empereur otho  
fist faire puni-  
tiōs des sedici-  
eux & mutins  
de romme

E Pape Iehan estoit Rommain, Son pere auoit nō Iehan, Il estoit euesque de Nar- niense quant il fut esleu Pape, & succeda au pape Leon, Mais les rommains auoient tant acoustume de chasser les euesques de romme & papes, que par sedicions ilz las- serent & troublerent tant le pape Iehan q̄ cestoit pitie, Ilz appellerent Iofrede con- te de la campane a leurs aydes & factions, Et puis rompirēt par force les maisons de leglise de laterā, & y prindrent le pape Iehan: & ainsi prins le menerent en la mole de Adrian, & puis lenuoyerent en exil en la campane, Mais apres que Iofrede fut tue & occis, & vng sien filz seul & vniq̄ par le prince de cā- pane, Ce faict le pape Iehan apres quil eut este en exil vnze moys il re- tourna a Romme, ¶ Lors quant l'empereur Otho congneut la calamite & prinse du pape Iehan, il vint hastiuemēt a Romme avecques son filz Otho en grosse armee, Et incontinent quil fut a Romme il fist prendre les consules de romme, le prefect, & les dix decarchones qui estoient p̄- ferez pour gouuerner les cheualliers & le peuple de romme: & les fist en- ferrer & mettre aux prisons, iusques a ce quil sceut ceulx qui auoyēt este les chiefz maistres & capitaynes des seditions, Et apres quilz furent inter- roguez & questionnez, les deux consules de romme furent enuoyez en Germanie, & les dix decarchones furent penduz & estranglez. Mais Pi- erre le prefect de Romme qui auoit este l'origine fontayne & commen- cement de toute la sedition & tyrannie des maulx qu'auoyent este faictz fut trayne & mene tout nud par les lieux publiques de la ville de rom- me, & battu de verges: puis fut mene lie & enferme en Germanie, Mais aucuns ont escript q̄ cestuy Pierre prefect fut baille au Pape pour estre escorche, On luy rasa la barbe, & fut pendu par les cheueulx a la teste du cheval Darain, qui est deuant leglise Constantiniane. Et y fut assez lon- guement, affin que le peuple print exemple de ne commettre telz de- lictz quil auoit faictz & commis, & quilz se gardassent vne aultrefois de perpetrer ne commettre telz maulx, Et puis il fut oste & despendu & mis sur vng asne tout nud: le visage deuers la queue & les mains liees par dessoubz la queue de lasne, Et ainsi fut mene publiquement par la ville & cite de romme, tousiours batant de verges iusques a grande effu- sion de sang: tellement quil estoit quasi mort, Et ce faict fut enuoye en exil en Germanie, Et telle seuerite & iustice l'empereur Otho fist faire a Iofrede & a son filz q̄ estoient mors, Car il les fist deterrer des lieux saictz & sacrez ou ilz estoient inhumez, & les fist enterrer en lieux prophanes, ¶ En ce temps les Sclaues qui cestoyent faictz crestiens au temps du Pa



pe Adrian troysiesme / & Suerolope prince de Dalmace: vindrent aux ytalles & vainquirent les Sarrazins & les chasserent de la montaigne de Gargane. Et les Hongres depuis en suyrent leur vertu & exemple: car ilz chasserent le demourant des Sarrazins & recouurerent Cosence / que les Sarrazins occupoyent, Mais de ce ne fut encores contant Otho / dauoir chasser & expulser les Sarrazins: Et fist guerre aux Grecz q auoyēt cōfederatiō avecques les Maures: & les chassa de Calabre & de Apulie, Et aucuns disent que la cause pourquoy Otho / filz de Otho lempereur auoit ainsi persecute les Grecz: sauoit este pource que Nicephore empereur de Constantinoble / auoit promis luy bailler sa fille en mariage / ce que depuis nauoit voulu faire, Pourquoy il chassa de lēpire Nicephore / & Iehan son filz conferma empereur, Et print sa feur Theophanie a femme & a espouse, Et puis le pape Iehan couronna le ieune Otho empereur en la presence de son pere qui le vouloyt bien, Et pour la grant ioye quon fist a icelluy couronnement / la cloche de leglise Metropolitaine fut appelee Iehanne / pour lhonneur du pape Iehan, Et ce faict Otho lempereur sen retourna en Germanie: apres quil eut longuement vescu & quil estoit fort vieux / mourut en la ville de Viēne: Et aussi fist le pape Iehan peu de temps apres, Il ne fut Pape que par le space de six ans vnze moys & cinq iours, Et au moyen de sa mort / le siege de Rōme vacca lors par le space de treze iours,

## De Benoist, cxxxviii, Pape: &amp; vi, du nom,



Enoist sixiesme du nom estoit de romme, Il succeda au pape Iehan & aux calamitez Incontinent quil fut esleu pape il fut prins par Cynthion citoyē de romme / homme riche opulent & de grāde puissance / & fut mis en prison en la mole Adrienne: quon dict maintenant la tour & chasteau saint Ange, Et fut baille en garde a ruffians fatalites / & gens plains de tous maux: & en laquelle prison peu de temps apres il fut estranglé: ou comme dict Consentin hystorien: il y mourut de famine, Or de ceste grā

Le pape Benoist fut estranglé en prison

de faulte & iniure ainsi faicte p les rommains: Le nen trouue poit auoir este faicte aulcune iustice, Ne pareillemēt p le pereur Otho icelle mort auoir este vāgee / dōt ie suis esmerueille: meismēt q Otho estoit hōme vertueux & deffenseur de leglise de rōme, Pourquoy ie croy q p les demerites du pape benoist / cynthiō luy auoit faict ces opprobres & receu icelle pugnitiō de mort, Touthoys sauoit este mal faict a Cynthiō: cōbiē ql eust mal faict en aulcune chose dauoir mis les maïs au pape Benoist, t, ii,



De Don, cxxxix, Pape, & ii, du nom,

¶ O seigneur dieu on voyt bien que toutes choses ont leurs cours, Les papes de Romme du temps present sont faictz p les Rommains/ou mis par puissance/ou par or & argent au siege Rommain:ou si font mal ou soyent suspectz a iceulx/il les enferment en prison/comme aux prisons tullianes ou les font mourir ou macerent/& leur mutilent leurs membres dont cest horreur den parler, Le croy que Otho estoit lors empesche a aultres negoces/pourquoy nauoit peu donner secours au pape de Rome, Le pape Benoist ne fut pape que vng an & six moys,

¶ De Don cent trente & neufiesme Pape:  
Et second du nom,



On Pape fut natif de Romme, Il fut de si grant modestete & prudence/que cōbien quil nayt riens faict qui soit a noter:toutesfoys il nauoit faict chose digne de vitupere, Mais affin quō ne cuyde que le tēps durant sa vie ayt este obscur, Les faictz & gestes daulcuns princes lont redu illustre & duquel on doit parler, Car en ce temps regnoit Baiane prince des Bauares:lequel estoit fort expert en la science & art de magique, Il fist vne si grosse guerre a Basille & a son filz Cōstātin princes & seigneurs

de Bizance:& ne sen faillut guieres quil ne print la ville Royale par la negligence des Grecz, Mais puis apres ilz firent paix & confederation ensemble, ¶ Adalbert de Boeme euesque de Pragense/par linspiration & admonition du saint esperit/sen alla en Pannonie & baptiza le Roy des Hongres, Et en chascune prouince il mist & institua des euesques/pour monstrier & endoctriner le peuple a bien viure en la sainte foy crestienne, Et de la le saint euesque sen alla en Prusie/la ou il prescha la foy de nostre seigneur Iesuchrist: Mais p les mauuais & ifideles payz fut martyre & mis a mort, ¶ Aulcuns disent que en ce temps estoit saint Edouard roy Dāgleterre/homme de sainte vie, Mais il fut tue & occis par la fraulde & dol de sa nouerce & maratre, Et comme dict Richard historien:regnoyt aussi Maiol abbe du monastere de Cluny/saint homme & florissant en labbaye par miracles, Le pape Don mourut le premier an de sa Papalite/& fut enseuely & enterre en leglise saint Pierre Et lors fut vaccant le saint siege apostolique de Romme/par lespace de deux iours seulement,

Les hōgres receurēt la foy de Iesuchrist

Saint Edouard roy dāgleterre  
Maiol abbe de Cluny en ce tēps florissoit,

¶ De Boniface cent quarantiesme Pape:  
Et septiesme de ce nom,





Oniface Pape septiesme: duquel on ne cō  
gnoist le nō ne le pays & dont il fut natif,  
Et ie croy quon a ce faict & cele pource q̃l  
estoit de vile generation & qu'il auoit oc-  
cupe la papalite meschamment: & aussi  
il la perdit meschamment, Car incontien-  
nent quil fut cree & esleu Pape / les citoyēs  
& bons Rōmainz conspirerent contre luy  
Pourquoy il print & desroba toutes les p̃-  
cieuses choses qui estoyēt au tresor de saict  
Pierre: & puis sen fouyt en Constantino-  
ble, Et y fut si longuement quil diuisa dō

Le pape sacrilege

na & vendit les reliquaires & pierres precieuses quil auoit emportees / &  
comme sacrilege desrobees de leglise saint Pierre, Et de ce fist vne grā-  
de somme de deniers: & puis sen vint a Romme comme vng tyrant, Et  
pour faire la paix donna promist or & argent a aucuns citoyens de la vil-  
le de Romme: & les corrupit par dons & promesses: parquoy fut receu  
d'aucuns des Rommains, Mais aucuns bons bourgeois citoyens & ha-  
bitans de la ville de Romme / en estoyent fort marri: & desplayans: &  
mesmemēt le cardinal Iehan dyacre, Pour laquelle chose le pape le fist  
prendre par ses complices & meschans gens qui le fauorisoyēt: & luy fist  
creuer les yeulx, Mais peu de temps apres il mourut assez meschātemēt  
Or regarder que ces Papes icy desuoyent & degeneroyent des faictz ver-  
tueux de leurs predecesseurs Papes: Lesquelz ont plante & magnifie la  
foy crestienne: & mesmement par leur propre sang. ¶ On voyt vng pa-  
pe qui est pere des choses sacrees & roy / & il desrobe les choses sacrees &  
sainctes: & est celluy qui debuerait pugnir & faire iustice des sacrileges  
& malfauteurs: Lu y mesmes en est aucteur maistre & inuēteur des plus  
grans maulx, Et cecy aduient a la chose publique souuenteffoys / quant  
les ambicieux & auaricieux sont plus prisez & honnorez / que ne sont les  
vertueux & gens de grauite & bons iusticiers qui craignent dieu, ¶ On  
doit mettre & eslire en leglise gens clerz & vertueux / de bonne vie exē-  
ple & doctrine: Non pas ceulx quilz ne tiennent riens de religion deuō-  
tion ne de vertu, Parquoy par force d'armes dor d'argent / ou par violen-  
ce obtiennent les prelatures benefices & aultres reuenuz deglise a leur  
damnation eternelle, Le pape Boniface auoit seullement vesu en la pa-  
palite par l'espace de sept moys & cinq iours, Et lors le siege fut vaccant  
vingt iours,

Iehā cardinal  
eut les yeulx  
creuez,

¶ De Benoist cent quarante & vngiesme Pape:  
Et septiesme de ce nom,

t.iii,





l'empereur otho  
deuât Paris

Otho fut pris  
des pyrates,

Le corps saint  
Barthelemy  
fut apporte a  
romme

La mort de l'empereur  
Otho,

Enoist Pape estoit de la ville de Romme, Incontinent quil fut Pape il restitua Arnulphe en son euesche de Reniense / dont il auoit este chaste par sedition d'aucuns: Et pour ce faire fist assembler vng Synode / au tēps que Otho second vainquit Hēry duc des Bauares: qui tousiours faisoit quelques nouvelles guerres & aultres nouualitez / Et puis vint contre Lothaire qui occupoyt Lothoringe qui estoit de l'empire / & qui auoit gaste & destruiect le pays de Aquilgrain, ¶ Apres que Otho l'empe-  
reur eut vaincu Lothaire & gaste & destruiect le pays de Soysfōs & brusle les faulxbourgs de Paris: ainsi quil sen retournoyt en son pays / il perdit beaucoup de ses gens au pres du fleuve Dauxonne par les Francoys, Et depuis quil fut en son pays il rassembla vng plus grāt exercice & ost quil nauoit: & sen alla aux ytalles pour faire guerre contre Baselique & Constantin empereurs des Grecs: lesquels occupoyent Calabre & la partie Dyallie qui va a la Secille, Mais Otho fut vaincu aupres de Basentelle: & sen fouyt & se mist en vne petite scaphe & nauire sur mer, Mais par fortune il fut prins des Pyrates de mer / & fut mene en la Secille: Mais les Secilliens le recouurerent des Pyrates & l'enuoyerent a Romme / & firent pendre les Pyrates qui lauoyent prins, Or ce faict l'empereur Otho assemble force gens darmes / & auoit dellibere de faire guerre aux Rommains / & a ceulx de Beneuent, Pource quilz auoyent este cause de la fuite quant on batailloyt aupres de Basentelle, Mais il n'osa se mouuoir ne faire guerre contre les Rommains pour lors / ains la fist a ceulx de Beneuent / & print la ville de Beneuent / & la fist brusler, Apres quil eut faict transporter le corps saint Barthelemy en la ville de Romme: & fut mis en l'isle Tyberine / ou lieu qu'on appelloyt le temps passe: Iouis hostia lycaonia, Laquelle isle ressemble a vne nauire triresme, Car comme encores de present on le peult veoir & congnoistre: Et estoit a la semblance de la nauire triresme / que apporta Esculapius a Romme / on y voyt encores vng serpent en pierre, On y voyt les transtres / car les anciens hommes estoient fors excellens en telles besongnes / de reduyre nature en tel art / ou lart a nature, Or peu de temps apres que Otho eut faict apporter a Romme honnorablement le corps saint Thomas / il mourut, Et fut enterre au vestibule & entree de saint Pierre / qu'on appelle le paradis: Lequel est faict de pierre de Porphyre qu'on voyt encores de present, ¶ Apres sa mort il y eut grande discention & variation entre les Rommains & Germains a qui seroyt empereur, Les vngs vouloyent ellire empereur Otho: le tiers filz de Otho le second: dernièrement mort Les aultres vouloyent auoir Henry duc de Bauieres nepueu du premi-



er empereur: & filz de son frere, Et les Italiens requeroient que la chose & election fust remise du tout a la volente de Crescence de Nomentane homme de grande prudence, Mais les Germainz / qui lors estoient a Rome en grant nombre eslurent Otho, tiers filz du dernier Otho empereur, Or ce voyant le pape prioit a tous quil eussent a eslire vng empereur q fust ydoine: pour regir & gouverner la chose publique & les crestiens, Car on en auoit grande necessite, Touthoys le pape conferma lelection de Otho quauoyent esleu les Germainz: pour obuier aulx seditions que pouoyent en aduenir, ¶ Le pape Benoist fut pape dix ans / & six moys / & puis alla de vie a trespas, ¶ En ce temps estoit Valeric euesque de Amburgen se homme de sainte vie & doctrine,

Otho tiers filz  
de Otho secōd  
fut esleu empe  
reur,

¶ De Iehan, cxlii, pape, Et, xv, du nom,



Iehan pape quinziesme du nom, fut de Rome / mais aucuns disent quil estoit de Pacye, Trois moys apres quil fut esleu pape il fut prins par les Rommains, & enferme en la mole de Adrian / qui estoient les prisons cōmunes: la ou il y fut si longuement & en si grande paouurete que de ordure puanteur & de famine il mourut villainement: ¶ Aucuns disent quil fut tue volūtairement en la prison par Feruce riche & puissant homme / pere du pape Boniface septiesme, pource ql auoit este aduersaire a la papaulte de son filz, Mais quoy quil soit la verite est quil mourut en prison & fut enterre en leglise saint pierre, Or ce le pape Iehan auoit este deiette de la papaulte par tyrannie: comme aucuns disent par coniectures / ou chaste par sedition: il nen apert point clerement / pource q les hyistoires de ce temps sont fort confuses, ¶ En ce temps estoient Odile abbe de Cluny & Berangier de tours / combien que aucuns disent que berengier se confiant trop en sa science erra en la foy crestienne: touchāt la sainte hostie, Mais puis apres il se recouura publiquemēt & en plain concille qui estoit tenu a romme, Et puis laissa a estudier la sciēce sophistique & renonca a larchidiacone Dangiers, & dōna tous ses biens / aulx paouures, Et le demourant de sa vie voulut viure au labour / & peine de ses mains,

Le pape Iehan  
mourut en pri  
son,

¶ De Iehan, cxliii, pape, Et, xvi, du nom

t,iiii,





Contre les pre  
stres & prelatz  
du temps pnt,

dinaulx ne demandent/ne appetent dauoir la papaulte par deuotion/ou pour lhonneur de la foy creftienne:& icelle augmenter, Mais demadēt & quierent la dignite papalle & estre papes : pour donner le tresor de leglise & enrichir leurs freres/leurs/cousins / nepueulx / & aultres parens charnelz: qui est vne voye plaine dauarice, ¶ En ce temps aparut au ciel vne comette signifiant grandes calamitez/& pouuretez/que debuoyēt aduenir, Car puis apres/la peste & famine dura longuement & fut grāt tremblement en Bēneuent/& en Capue:& tout ce est aduenu lors pour la grāt auarice & ambition des papes qui ne tenoyēt cōte de dieu nostre seigneur ne des hommes/pour leur orgueil, ¶ Le pape Iehan ne fut que huyt moys pape/& puis mourut par la permission de dieu:& fut enseue li en leglise sainct Pierre,

¶ De Iehan, cxliiii, pape, Et, xvii, du nom



Martin en la  
cronique,

V pape Iehan dixseptiesme du nom natif de Romme : il fut pape au tēps que Otho estoit esleu empereur: Mais il nestoit pas encore couronne empereur, Cestuy Iehan estoit homme de grande doctrine & science:& comme escript Martin hystorien / il fist & composa plusieurs liures en beaulx stilles & tres elegamment faitz, ¶ Et peu de tēps apres quil fut en la papaulte / il fut fort agite & trouble/ des seditions que luy faisoit faire le Consule crescence. Lequel ne couuoitoit que occuper lempire & domination des Rommains/& pour obuier aulx noyses/fureurs/& debatz de crescence: Le pape Iehan sen fouyt: comme en exil ex-Hestrurie, Lors quant crescence sceut & congneut que le pape sen estoit alle fort idigne contre luy/& quil auoit appelle & conuoque a son ayde le pereur Otho



affin quil vint descendre aulx Italles: il luy enuoya tous ses parès / amis & cousins qui estoient demoures a Romme: luy prier quil laissast dappeller & faire venir Otho & quil retournast a Romme avecques sa puissance & luy promettoyt de luy obtemperer en tous ses desirs & volonteꝝ. ¶ Le pape fut esmeu des polles de ses parès: & aussi il craignoit & auoit paour que se Otho venoit aulx Italles quil y fist plus de maulx que de biens. Pourquoy il sen vint a Romme & luy vint au deuant Crescence avecques tous les officiers & peuple Romain: & fut mene aulx maisons de Lateran en grande compaignie / & a lentre de Lateran Crescence & tous ses aliez aucteurs / & facteurs des seditions luy demanderent pardon & puis luy baïserent les piedz. Et lors fut fait paix & concorde & vesquirent ensemble paisiblement. ¶ Aucuns disent que en ce temps estoient Henry abbe de Lobienſe en Lothoringe / & Adeobol euesque de Vltralacense lequel escripuit de la Vierge Marie & de la sainte croix. Et aussi escript Albon abbe de flori pres Dorleās lequel depuis fut martyre en Gasconne pour la foy creſtienne. ¶ Apres que le pape Iehan eust este pa pedix ans six moys & dix iours il mourut, Et lors vacca le ſiege de Rome par six iours,

¶ De Gregoire, cxlv, pape, Et, v, du nom,



Regoire pape ciquiesme du nom estoit du pays & nation de Saxone, Son pere eut nō Otho: il auoit a nom au parauant bruno, il fut fait cree / & esleu pape par lauctorite de Otho troisieme: pource quil estoit son parent & affin, Or quāt Otho sen fut alle en Germanie. Les Rommanis esmeurent ſeditioſa lencontre du pape Gregoire, pour quoy il sen fouyt en Hetrurie: & puis sen alla en Germaine par deuers lempereur, Or ce pendant les Rommans creerent encores vne fois crescence Consul de Romme / & luy donnerent toute puissance: Pourquoy incontinent il fist eslire vng pape nomme Iehan qui estoit Grec euesque de plaissance fort pecunieulx & riche, Mais aucuns nont point voulu mettre son nom / entre les aultres papes / pource quil auoit este mauuaïsemēt cree pape, les aultres lont appelle Iehan pape dixseptiesme / pource ql auoit este esleu du consentement du clerge & du peuple de Romme aulx quelz appartenoit de eslire le pape, ¶ Lors quant Crescence cōgneut que lempereur Otho venoit a romme avecques grant ost & exercist quamenoit: il fist diligē mēt faire refaire & fermer les portes de la ville de romme, Et oultre fitt garnir la mole de Adrian / & en chascune station fitt mettre / & edifier

Le pape Gregoire ſen foult vers le pereur otho en Germanie,

Scisme en leglise,



Crescence oc-  
cis,

Le pape Gre-  
goire fut resta-  
bli en la pa-  
paulte,

Des electeurs  
de l'empereur,

La lignee de  
Charlemai-  
gne defaillie,

une tour bien muree / & bien garnie de gens d'armes: & depuis on a tou-  
jours appelle le lieu de la mole Adrian: la tour de Crescence / & auoit  
pris le nom de celluy qui l'auoit fait edifier, Mais quant Otho aprocha  
pres de Romme: & quil vouloit assaillir la ville de Romme / ce voyant  
quil nestoyent assez fors pour batailler contre les Germainz qui estoient  
en grant nombre: ilz ouurerent amyablement les portes de Romme a lem-  
pereur ce fiant a sa clemence / & doulceur. ¶ Or ce voyant par Crescen-  
ce / & le pape Iehan quilz estoient delaissez du conseil & de ayde: ilz sen  
fouyrent en la tour de Adrian & se dessendoient tres bien contre l'empe-  
reur / & les Germainz, Mais peu de temps apres eulx confiant a la mise-  
ricorde de l'empereur / sortirent de la tour ou ilz estoient / pour sen aller a  
Otho empereur, Mais Crescence en chemin fut par la multitude du peu-  
ple occis meurtri / & tue / & luy baillerent plusieurs coups apres sa mort,  
Et puis on creua les yeulx a Iehan, Et apres fut priue de la papaulte / &  
puis occis, Et le pape Gregoire fut remis en son pmiier siege / & estat dõt  
auoit este deiette & chaste par l'espace de vnze moys, ¶ Le pape Gregoi-  
re voyant & congnoissant limbecillite & variation de la fortune de l'em-  
pire: & affin quelle fust a tousiours aulx Germainz / & que la puissance  
de l'empire demourast par deuers eulx: il fist & ordonna vng statut par  
la voulente de Otho empereur / de eslire les empereurs: par lequel statut  
seroit seulement promis aulx germainz de eslire l'empereur: lequel sta-  
tut & ordonnance auons veu garder & obseruer iusques au temps pñent  
Et fut lan de nostre seigneur mille & deux ans Et quat il est esleu: on l'ap-  
pelle Cesar & roy des Rommains, Et puis quat il est conserme par le pa-  
pe on l'appelle epereur Auguste, Ptolomee dit que ceulx qui ont eu pre-  
mierement l'auctorite de eslire l'empereur / se sont / Larcheuesque de Ma-  
gunce en Germanie / Larcheuesque de Treuerce de Gaule / & Larche-  
uesque de Colongne du nom de Itallie, Et auecques ces trois archeues-  
ques adiouste quatre princes, Cestassauoir le Marquis de Brandeburg /  
Chancelier de L'empereur / apres quil est esleu, Le conte Palatin qui est  
lescuyer portat la viade de l'epereur, Le duc de Saxone q porte lespee, Et  
aulcuns ont escript q le roy de Boeme est le septiesme electeur picerne / &  
boutillier de l'empereur / & quil auroit este adiouste pour eslire l'epereur  
pour oster les discordances des parties: car quant les six electeurs estoient  
trois d'ung coste / & trois de l'autre differamment a eslire vng empereur /  
du coste ou se enclinoit & donnoit sa voix le roy de Boesme / icelle par-  
tie / comme la plus grande, Cestassauoir de quatre electeurs / doit estre  
empereur, ¶ Or de ceste ordonnance & statut de eslire les empereurs par  
les Germainz / les Francoys lors furent fort couroucez & marris / de l'or-  
donnance & statut: car il estoit fait cõtre droit & raison sans appeller les  
Francoys / combien que a lors la lignee de charles le grāt estoit fallie / par  
la mort de Loys filz de Lothaire, Et le royaulme de France vint au duc  
Hugues capet grant maistre du pallais / car aulcunesfoys des roys aulx



ducz les choses ont este trāslatees, Et pource / les ducz qui estoient nouue  
aulx venus au Royaulme de France delaissèrent a repeter / & conquerir  
lempire. car ilz leur souffisoit de iouyr & vser du royaulme & ne osoyēt  
entreprendre de conquerir lempire, car ilz nestoyēt asses bien fondez au  
royaulme de France, Mais neantmoins Robert filz du grāt Hugues: le-  
quel fut apres la mort de son pere roy de France, Il a este magnifique hō  
me / de grande iustice / fort sage / prudent / & deuotieulx / & combien que  
le roy Robert fust aulx faitz de cheuallerie fort expert & vaillant / tou-  
teffoys quant il estoit en paix & quil auoit loysir / il frequentoit fort les  
eglises / & y chantoit le diuin seruice / ne plus ne moins que sil eust receu  
les saintes ordres / car il estoit bon chantre, Il fist la sequence quon chā-  
te a leglise, Sancti spiritus assit nobis gratia / & o Iuda & Iherusalem, Et  
autres hymnes quon chante a leglise communemēt / & par notes / & par  
ses moyens le roy Robet entretenoit & gouernoit son peuple aussi biē  
que par armes / & de luy vint la premiere lignee des roys de France apres  
que celle de Charlemaigne fut faillie, Et en ce tēps estoit en France Ro-  
bert euesque de Chartres homme de grande science doctrine & sainte  
vie / il cōposa plusieurs liures / & mesmement il redigea / & mist en ordre  
le chant de leglise, ¶ Le pape gregoire ne vesquit pape que deulx ans / &  
six moys & puis mourut, & lors par la mort vacca le siege de romme par  
lespace de quinze iours,

Duroy de Frā  
ce Robert,

Robert euesq  
de chartres,

¶ De Iehan, cxlvi, pape, & ,xviii, du nom,



Ehan pape dixhuytiesme du nō / euesque  
de Plaisance / cōme nous auōs dit / fut cree  
pape par le Consule Crescence qui fut cor-  
rumpu par argent / par icelluy euesque / au  
moyen dequoy il occupa la papaulte, Ce-  
stuy pape auoit tant aporte dargent de Cō-  
stantinoble que par force dargent il auoit cō-  
traint beaucoup de gens de bien & prudēs  
de lelire / & non pas seulement crescence  
qui estoit fort auaricieulx / & couuoiteulx  
de regner & domier, Le suis esmerueille cō-  
ment les historiens ont mis & nombre ce-

stuy Iehan entre les papes / car il auoit este cree pape / q̄ Gregoire viuoit  
encores & par tant occupoit le siege de Romme, Mais ie croy quil lont  
mis au nombre des papes pource quil auoit escript la vie des papes / & af-  
fin que lhytroyre soit perpetuelle / Car on met aussi bien les gestes des  
mauluais faitz des tyrans & mauuais princes par escript / comme on fait  
des faitz & gestes des bons princes / affin que les lisans cōnoissent les dif-  
ferences des excellens & magnifiques faitz des bons princes a ceulx des



De Syluestre, cxlvii, pape, Et, ii, du nom

mauluais princes / & que a lexemple diceulx il se gardent de mal faire & de les future en leurs vices & que par les faitz des vertueulx princes / ilz les ensuiuent, ¶ Mais cestuy Iehan fut Iairon / & nētra pas en leglise par lhuis comme on doibt faire / il mourut en grande infame / dix moys aps quil eust occupe la papaulte, Et vacca le siege apostolique de romme par vingt iours,

¶ De Syluestre, cxlvii, pape, & second du nom,



Yluestre pape second du nom : auoit nom Gilbert auant quil fust eleu pape. Il estoit natif de Frāce. Il obtint la papaulte par science / & neātmoins / & en son ieune aage il fut rēdu religieulx au monastere saict Benoist de Fleuri pres Orleās, Mais il delaissale monastere / & ensuiuit le diable / & se dōna du tout a luy / il sen alla en la ville de Hyspalle / en Hespaigne / pour estudier car il desiroit fort lestude & auoit grant de sir de aprendre toutes sciences / & estudia si bien que en brief temps de disciple il fut

Martin en la  
cronique,

Responce de-  
ceptiue & frau-  
dulseuse du dia-  
ble,

grant maistre & docteur, Lhystoriē Martin dit & ateste que lempereur Otho / Robert roy de Frāce / & Lothaire: qui depuis fut archeuesque de Sens / furent ses disciples & escolliers, Gilbert estoit fort couuoiteulx de dominer, Premièrement il obtint larcheuesque de rains par largation de or & dargent / dont il fut dechasse par le pape benoist septiesme : & y fut remis roduphe: & depuis obtint larcheuesche de rauenne, Mais le diable luy ayda tant quil paruint a la papaulte: partelle condition quil se donna du tout a luy apres sa mort, ¶ Apres que Gilbert fut cree pape & leust este par aulcun temps / vng iour demāda au diable cōbiē de temps il debuot viure en la papaulte : & le diable ennemy de lhumain genre luy fist responce assez ambiguemēt / & par ambages: comme il a acoustume luy disant: se tu ne paruiens en Iherusalem: tu viuras longuement, ¶ Or aps que le pape Syluestre en la papaulte par lespace de quatre ans vng moys / & dix iours / & quil sacrifioyt & faisoyt le seruice diuin en leglise saincte croix en Iherusalem / qui est en la ville de romme, Lors il cōgneut q la fin & periode de ses iours estoit aduenue, Pourquoi il fut frappe de penitence / & deuant tout le peuple confessā son erreur & peche / & enhorta & admonnesta tous les presens de nestre couuoiteulx ne ambitieulx des honneurs mondains / & se garder des fraudes du diable denfer / & que chascun vescuist bien & sainctement, Et puis requist & pria vng chascun que apres sa mort: quon print son corps & quon le coupast & detrenchast membre apres membre / & puis en petitz morseaulx, Et quon



le mist sur vne charette / & que la ou les cheuaulx le porteroyēt qu'il fust ensepuely / & enterre, Car il disoit qu'il lauoit bien gaigne / & merite,

¶ On dit que par le vouloir de dieu / & de sa prouidēce / afin que les pecheurs & malfaiēteurs sachent que tousiours s'il se veulent retourner a dieu / qu'il est prest de leur pardonner: s'ilz se sont repentis / & fait penitence en leur vie, Les cheuaulx le porterent droictement / & voulentairement en leglise de Lateran / & en icelle eglise son corps fut ensepueli,

¶ Martin dit & escript que quant vng pape veult mourir / on veoit & aperçoit les signes du sepulchre du pape Syluestre, Cest assauoir par les os qui se colisent & touchent lung laultre / que aussi par la sueur / & humectation qui sort du sepulchre, Et lepítaphe qui est sur le sepulchre le demonstre & enseigne. Mais s'il est vray ou non / Les papes aux quelz la chose appartient le verront & iugeront.

¶ De Iehan cent quarante & huytiesme pape  
Et dixneufiesme du nom,



Ehan pape dixneufiesme du nom / on ne scet son nom / ne pareillement le pays d'ot il estoit pour cause de son inobilité: il mourut quatre moys & vingt iours apres qu'il fut pape / au moyen de quoy pour cause du temps brief de sa papaulte on nen auoit riens escript q' fust digne de memoire, sinō que en son temps de cinq moys ou enuiron furent prodiges signes / & comettes au ciel & grant tremblement de terres dont plusieurs villes & citez tumberent par terre,

Prodiges & signes au ciel,

¶ En ce temps Hugo prefect de lepeur Otho fut gouuerneur aux Italles / & en Hetrurie / & les gouuerna si bien & honnestement que apres qu'il fut mort en Pistore / il fut ploure de tous: comme s'ilz eussent perdu leurs peres: il fut enseuely / & enterre en grant honneur / & magnificence, Jay voulu icy parler des louenges de Hugo le gouuerneur: afin qu'il souffise aux gouuerneurs des prouinces de reporter gloire & honneur de gouuernement, Et non pas les grandes richesses mauuaisement auecques honte & deshonneur,

¶ De Iehan cent quarante & neufiesme pape,  
Et vingtiesme du nom,

v.i,





Ehan pape vingtiesme du nom: estoit natif de la ville de Romme / pres de la porte Metropolitaine, Depuis quil fut pape: il deuint paresseulx / & ne fist chose digne de memoire. ¶ En ce tēps regnoit en France le roy Robert: Lequel menoit vne vie royalle / & plaine de deuotion / & charitable / il estoit de grande science & doctrine & de vie sainte / tellement quil auoit este le roy de France le plus saint / qui auoit este deuant luy / en disputations il ne trouuoit point son second, Cestoit vng aultre

roy que ne sont ceulx de maintenant: car il ne sont que rattellez & petit roys en esgal a luy, Car iceulx princes de maintenant disent que ce nest chose digne a vng roy de scauoir les sciences / & doctrines saintes, Laquelle est fort vtile & bien requise a ceulx qui ont charge / & gouuernement du peuple / scauoir les moyens & raisons des sciences: pour les bien gouuerner / laquelle chose ne se peult faire sans auoir estude les sciences, Mais quelle que dung prince qn ne scet lettres ne sciēce / sinon que vne ymage effigie / & ressemblance dung Lyon / qui est gouuerneur des bestes, Il est de necessite que iceulx qui veullēt estre gouuerneurs / & dominateurs sur le peuple / il doibuent oster les affections / affin quil soyēt dignes de gouuerner les aultres. ¶ Le Roy Robert auoit bien merite de estre loue & luy donner louenge, car quant il estoit en paix / & tranquillite de guerre: il chantoit aulx eglises / les heures canonialles / avecques les prestres, Pourquoy par ses vertus & bonne oeures / quil faisoit & par ses merites: ainsi quon assailloyt vne ville / & il nen laissoit a dire les heures, Les meurs de la ville de ses ennemys tumberent par terre / & ses gens darmes entrerent dedans & prindrent le chasteau de la dicte ville,

¶ Le Pape Iehan / comme disent aucuns mourut quatre ans / & quatre moys apres quil fut pape / & fut ensepuely & enterre en leglise monsieur saint Pierre, Et lors vacca le saint siege apostolique de Romme par le space de vingt iours.

Louenge du  
Roy Robert,

¶ De Serge cent cin quantiesme pape,  
Et quatriesme du nom,





Serge pape quatriésme du nō estoit de Rōme. Son pere eut nom Martin: il estoit hōme de saincte vie deuant quil fust esleu pape / & aussi apres / il fut de si grande prudence quil ne fist riens en la papaulte qui fust digne de reprehension / ne de negligence / Il mettoit en dieu toute sa pensee / ce que debueroyēt faire tous les papes par le moyen & bonnes enhortatiōs & monitiōs / & par son conseil tous les princes des Italles firent ensemble cōfederation / & prindrēt conseil ensemblement a communs despēs

& gens darmes pour chasser les Sarrazins du pays & contree de Secille, **E**n ce temps estoyēt plusieurs filz de Tancrede le grant / Duc de Normandie / entre lesquelz estoit Guillaume surnomme Ferrebach / homme de grant couraige: il prinst en sa compaignie & associa Molochque / duc de Lexerat & ost de Michel Empereur de Constantinoble, Lesquelz deulx chasserent en brief temps les Sarrazins de Secille / & a ce faire leur ayderent les princes de la Cāpane / & de Salerne, Mais puis apres quil eurent chassé & vaincu les Sarrazins Molochque diuisa les butins des Sarrazins assez sinistrement / & mauuaisement, Guillaume Ferrebach en fut mal content / & pour lors en dissimulla / iusques a ce quil vint puis apres aulx Italles accompaigne de quarante mille Cheualliers Normās lesquelz lors reuenoyēt de la guerre de Iherusalē: parquoy ilz occuperēt le pays de la Pouille: qui obaiſsoit aulx Grecz: & puis fist la guerre a Molochque au pres de Malphie / & le vainquit & chassa, Et par la vertu de Guillaume le royaulme de la Pouille des Grecz fut translate aulx Normans, Mais peu de temps aps cestuy Guillaume Ferrebach / alla de vie a trespas / sans hoir de son corps, Et luy succeda son frere Drogue: & a Drogue succeda Hunfrede le ieune, Et de luy vindrent & descendirent Robert Guiscard / & Roger son frere / & ainsi que ses guerres se faisoeyēt en la Pouille la peste & famine estoit p tout les Italles & par tout le mōde, **A**pres que le pape Serge homme de grande sainctete / eut vescu deulx ans & quinze iours en la papaulte: alla de vie a trespas: & fut enseueley en leglise monsieur sainct Pierre, Et lors vacca le siege de Romme par lespace de huyt iours,

Quarante mil  
le Normans,

**D**e Benoist cent cinquante & vngiesme pape,  
Et quatriésme de ce nom.

v,ii,





Léperieur Hé  
ry duc de ba-  
uieres premier  
du nom,

Léperieur Hé-  
ri reputé saint

Enoist huytiésme du nom estoit Tusque  
Son pere eut nom Gregoire, Incontinent  
quil fut cree & elleu pape apres la mort de  
Otho troisiésme: il couronna empereur le  
duc de bauieres Henry / selon le statut / &  
institution que auoyt fait le pape Gregoi-  
re cinquiésme du nom. ¶ Aucuns ont  
escript que cestuy Otho troisiésme mou-  
rut a Rôme / & que son corps fut porte en  
Germanie, ¶ Et les aultres disent quil fut  
ensepuey / & enterre en leglise monsieur  
sainct pierre a Romme. mais quoy quil en  
soit Henry duc de Bauieres fust cree & couronne Empereur des Rom-  
mains, Cestoit vng homme de saincte vie / & pareillement sa femme,  
¶ Lors ainsi que lempereur estoit empesche aulx affaires de Germanie  
& icelles composoit selon raison & equite, Les sarrazins vindrent descē-  
dre aulx Italles & prindrent & occuperent la ville de Capue, & puis aps  
assaillirent la ville du bar, Or pour le siege & Sarrazins qui estoient de-  
uant icelle: les habitans mouroyent de fain, Mais les Venitiens leur ay-  
derent & en apporterent par mer, Mais neantmoins les Sarrazins se ef-  
forcoyent tousiours de prendre la ville de bar, pourquoy les Veniti-  
ens auecques layde des Grecz assaillirent les Sarrazins qui estoient de-  
uant la ville de bar / & en tuerent plusieurs / & les aultres sen fouyrent,  
parquoy icelle ville de bar fut deliuree des Sarrazins, Et fut Lan de nos-  
tre seigneur Iesuchrist Mille & huyt ans, ¶ Auquel temps les Turcz  
prindrēt la ville de Iherusalem, Mais il ne violerēt point le saint sepul-  
chre de nostre seigneur Iesuchrist ne les eglises de la montaigne de Sy-  
on / ne bethleem, ¶ Les Venitiens auoyēt delibere de subuenir & secou-  
rir les Iherosolimitains & la ville de Iherusalem, Se neust este que les  
Hyadrenses qui sont leurs ennemis les empescherent / pour les guerres  
que leur faisoient, Lors les Venitiens leur firent si aspre & merueilleu-  
se guerre / au pres de Laurent / & en tuerent tant & mirent a mort: que de-  
puis ne furent si hardis ne osezt de mener ne faire guerre a leurs voyfins,  
¶ Apres que lempereur Henry eut fait / & compose auecques les Ger-  
mains / il vint a Romme & print la couronne de lempereur / & puis sen  
alla contre les Sarrazins qui occupoyent Capue: dont les expulsa & chas-  
sa / & poursuivit si bien bubagane duc des grecz qui auoyēt fauorise aulx  
Maures q par force darmes il les chassa de Troye: qui est aulx fins & li-  
mitez de la pouille / Laquelle ville de troye auoit este construite & edifi-  
ficee par icelluy bubagane, Cestoit le lieu ou Hannibal au tēps passe te-  
noit ses tentes / & son ost, ¶ Aucuns ont escript que lempereur Henry /  
& sa femme Synegunde vesquirent si chastement & saintemēt ensem-  
ble: que apres leur mort firent miracles: Car en leur vie ne firent riens



qui ne fust a lhonneur de nostre seigneur Iesus, Icelluy Henry fonda & fist eriger leuesche de Bembergense / & bailla sa seur en mariage au roy de Hongrie: & par le moyen dicelle seur de Henry le roy de Hongrie & tout le peuple crurent fermement en la foy de nostre seigneur Iesuchrist,

¶ Lempereur Henry mourut huyt ans apres quil fut couronne empereur. lequel fut fort regrette apres sa mort pour la bonte qui estoit en luy

¶ Apres que lempereur Henry fut mort: qui estoit deffenseur de la foy crestienne, Et pareillement du pape Benoist huytiesme du nom, Les ro mains par sedition chasserent le pape Benoist: & en son lieu mirent vng aultre, Mais puis apres le pape benoist fist paix avecques ses ennemis, pourquoy celuy pape adulterin qui auoit este mis en son lieu fut expulse du sainct siege apostolique de Romme, Et y fut rappelle le pape Benoist & remis en son siege, ¶ Apres q le pape Benoist eut este pape par

Scisme en les  
glise,

lespace de vnze ans vng moys / & quatorze iours il mourut / & fut enterre en leglise monsieur saint Pierre, ¶ Aucuns auoyent escript que ainsi que vng euesque estoit en vng lieu solitaire: il vist le pape benoist monte dessus vng cheual noir, Et lors leuesque interroga le Pape benoist: pourquoy cestoit quil estoit monte sur vng cheual noir / & porte par icel luy apres sa mort, Et lors le pape benoist pria / & requist a icelluy euesque: quon donast aux paouures vne grande somme dor / & dargent quil auoit mussée & cachee / & luy enseigna le lieu & la place ou il estoient / & que cestoit l'argent des aumosnes quon auoit donnees: pour distribuer aux paouures, & ilz les auoit desrobbez & en lieu mises & occultees,

Vision du pa-  
pe benoit,

¶ Incontinent apres Leuesque fist & accomplit le comandement & vou loir du pape benoist, & puis apres renonca a son euesche & aux biens mondains & se fist religieulx / ou il vesquit tout le demourant de sa vie,

¶ Vincent auoit escript que en ce temps estoit vng nomme Girard euesque de Canelience homme de grande science / doctrine / & sainte vie / & Guthet euesque de Pragen se menant vie sainte, Lequel depuis fut martyre par les payens, ¶ Or en ce temps fut si grande mortallite & pestillence quil mourut plus de peuple quil nen demoura sur terre, Laquel le grande calamite & misere le signifia & demonstra vne fontaine au pays de Louraine qui fut conuertie en sang, Combien que au parauant que la chose aduint cestoit vne eue qui estoit si bone que merueilles & estoit saine a boire,

Fontaine de  
sang,

¶ De Iehan cent cinquante & deuxiesme pape,  
Et vingt & vngiesme de ce nom.

v, iiii,





Ehan, xxi, du nom estoit natif de romme. Son pere eut nom Gregoire: quant il fut esleu pape il estoit euesque de Portuense: comme aucuns disent, Mais les aultres asserment quil nauoit lors quil fut esleu pape aucunes ordres saintes / il fut pape au temps que Corrad de Sueue fut couronne empereur / ou lieu de Henri / & ie croy que au moye de ce plusieurs villes / & citez des Italles se voulurent mettre en liberte & exempter de lempire / & subiectiō de lempereur, Parquoy le pereur Corrad qui estoit

homme congnoissant aulx faitz belliqueulx & de la guerre: car il auoit este gouuerneur / & capitaine longuement de lost de lempereur Henry / Asemblea vne grosse armee / & vint descendre aulx Italles: & pmiere-ment vint contre les Myllannoys lesquelz estoient les pmiers aucteurs & rebelleuz contre Lempire: il les assiegea & brussa les faulxbourgz de la ville de Millan: en les menassant de mettre la ville de Millan a feu & a sang, Mais depuis il mua son couraige & vouloir & leua & fist leuer le siege & son ost qui estoit deuant & enlentour de Millan, Et la cause fust pource que larcheuesque de Cologne luy dist que ainsi quil celebroit la messe / saint Ambroise luy apparut en menassant de faire mourir / tous ceulx qui estoient venus assaillir la ville de Millan / sil ne sen alloient, car il auoit prins la tuiō & garde diceulx, ¶ Lempereur Corrad sen vint a Romme & print du pape Iehan la courōne de lempire / & puis sen alla faire guerre en Sclauonie / & en Hongrie pource quil auoyent donne ayde & secours aulx Italliens qui cestoyent rebellez contre lempire / lesquelz Sclauons / & Hongres en brief temps subiuga & mist en sa domination, ¶ Or en ce tēps Rodulphe duc de Bourgonne estoit fort trauaille & par trouble par seditions d'aucuns de ses subietz: pourquoy se mist en la faulue garde & fist la foy & hommaige a lempereur Corrad / au moye de quoy vne partie de la prouince & pays de bourgonne auoit este depuis de lempire, ¶ Or puis apres le pereur Corrad auoit fait plusieurs loix tres vtilles / & mesmement celle qui deffendoit & prohiboit a tous princes de esmouuoir & troubler les pays & prouinces estant en paix & tranquillite sur peyne capitale / & pour ceste raison il persecuta merueilleusement la Pulde cōte de Germanie: pource quil auoit este cause desmouuoir le pays qui estoit en paix & concorde: ilz enuoya des ambassadeurs / & messagiers par deuers les Grecz & Normas qui se debatoyent & auoyent guerre pour le royaume de Pouille affin quil se desistassent de faire guerre les vngz aulx aultres: Il menassa les Rommains de les destruire / se ne se gardoyent de faire sedition: comme auoyent acoustume cōtre les papes, ¶ En ce temps plusieurs abbezz & religieulx florissoient par leurs



saīctes vies au pays de France, Et mesmement Hemery filz de saīct Estienne roy de Hongrie: lequel lors faisoit de beaulx miracles, Apres que le pape Iehan eut vescu en la Papalite vnze ans & neuf iours/ il mourut, Et lors vacca le siege hu yt iours,

¶ De Benoist, clīii, Pape: & ix, du nom,



Benoist Pape neufiesme du nom: comme aucuns veullent: il fut nepueu du pape Iehan/ & estoit du pays de Tusque, Son pere auoit nom Alberic, Il obtint la papalite au temps que Comitus Roy Dangleterre vint en pelerinage a Romme, Et puis aps sen retourna en son pays / & bailla sa fille en mariage a Henry filz de l'epereur Corrad, Or ce faict peu de temps apres Corrad alla de vie a trespassement: & Henry son filz secōd du nom luy succeda, Cestuy Henry

assembla vne grosse armee/ & eut guerre contre Olderic roy des Boernes, Mais on ne scauoit qui auoit le meilleur, Et finalement Henry vainquit & print Olderic/ & le contraingnit de luy faire par chascun an tribut: & ce faict le laissa aller sain & sauue, ¶ Or ce pendant les Rommains chasserent le pape Benoist: pource quil estoit vng homme ignare paresseux & de nulle valleur/ & de tous hay, Et en son lieu y mirent vng nome Iehan euesque de Sabine/ & l'appellerent Siluestre troysiesme, Mais quarante & neuf iours apres le pape Benoist fut restitue/ & fut dechasse le pape Siluestre, Or ce faict & voyant p le pape Benoist quil pouoit estre ecores vne foys demis & deiecte de son siege Papal, Il ceda son droict de Papalite liberallement: & comme disent aucuns: le vendit a vng nomme Iehan archedyacre de leglise de la porte latine: lequel depuis fut appelle Gregoire sixiesme, Pour laquelle vendicion & cession/ le pape Benoist fut accuse de la iustice diuine & dampne, Car il apparut apres sa mort a aucune psonne deuote/ comme vng monstre & horrible simulacre, Lequel saīct homme demanda que ce vouloit dire quil estoit ainsi monstrueux/ veu que en son tēps il auoit este Pape, Lors luy respōdit: pource quen ma vie iay vescu sans loy & raison/ & a ceste cause p la volente de dieu & de saīct Pierre: duql iay souille & macule le siege de tous pechez & infametez, Pour ceste cause ie portē & ay lymaige & simulacre plus bestial & brutal/ que humain, Icel luy pape Benoist occupa le siege Romain tant p intervalles q aultremēt/ par dix ans quatre moys & neuf iours/ & puis mourut, Et p sa mort on ne doit pas dire que le siege Papal ayt este vacant/ car il auoit vendu, Aucuns disent que en ce temps Girard natif de Ve-

v, iiii,

Scisme

Vendre la dignite papalle

La visiō du pape Benoist



De Siluestre, cliiii, pape: & iiii, du nō, Et de Gregoire, clv, & vi du nō,  
 nise/euesque des Hongres/homme de sainte vie/prudent & saige, Le-  
 quel fut martyre p les ennemys de la foy cretienne: Car les payans le  
 lierent a vng chariot/& du hault dune montaygne le laisserent tumber  
 & couler au bas de la montaigne

De Siluestre, cliiii, Pape: & troiesme du nom,



Iluestre Pape estoit natif de Romme, Sō  
 pere auoit nom Laurens, Il fut subroque  
 Pape ou lieu du Pape Benoist/qui auoit  
 este chaste par les Rommains, Mais il ne  
 demoura guieres en la papalite: car quarā  
 te & neuf iours aps p la faction des amys  
 & familiers du pape Benoist/ icelluy Sil-  
 uestre fut chaste, En ce temps la dignite  
 papalle estoit en telle sorte/ que celluy qui  
 donoyt le plus dargent & auoit le plus da-  
 mys il estoit pape, Et estoient mis hors &  
 dechassez les saictes psonnes & vertueux

laquelle coustume ie voudrois que le temps present ne se gardast ne ob-  
 seruast point: mais cest peu de chose: priōs nostre seigneur quil nous gar-  
 de que ne voyons pire/ ne plus mauuais temps que de p̄sent. ¶ Or ie re-  
 tourne a Siluestre Cardinal de Sabine: le quel fut cree pape non pas p le  
 college des peres/ ce que eust este tollerable: mais p argent comme aul-  
 cuns disent, Pourquoi il en fut expulse & chaste/ car il nauoit entre p  
 lhuys/ mais p la fenestre comme vng larron, Et fut restitue Benoist par  
 sedition & tumulte de peuple/ ce qui est de coustume de faire a vng peu-  
 ple & communaulte/ qui na de gouuerneur / ne de recteur, Car lors les  
 mauuais sont preferez aux bons,

¶ De Gregoire, clv, pape: & vi, du nom



Regoire pape sixiesme du nom/ estoit au-  
 parauant la papalite archedyacre de legli-  
 se portelatine, Et comme nous auons dict  
 il eut la papalite du pape Benoist, Et pour  
 ceste cause lempereur Henry second vint  
 aux ytalles auecques sō ost: & fist celebrer  
 & faire vng synode/ p leql Benoist neuf-  
 yesme/ Siluestre troysiesme/ & cestuy gre-  
 goire sixiesme: comme troys monstresors  
 & villains furent expulsez & contrainctz  
 de laisser & renoncer a la dignite papalle,



Et fut lors cree pape Syndegere euesque de Baubergen se: lequel puis apres fut appelle Clement second, Mais ce nonobstant Gilbert qui auoit escript les hystoires/dict que le pape Gregoire sixiesme/auoit faict de grans biens a leglise/& icelle restituee en grant honneur & domination laquelle estoit tumbee en nonchaloyr/pour les negligēces des papes pcedans luy, Il fist chasser & prendre les larrons & guetteurs de chemins qui estoient entour de Romme: lesquelz tuoient & meurdriſſoyent les pelerins & aultres gens qui venoyent a Romme, Premièrement il les auoit admonnestez excommuniez & interdictz/mais ilz nen tenoyent cōte: parquoy par force les fist prendre/& diceulx faire iustice, Or pour ceste cause aulcuns pncieus & gens mauuais/ont dict quil estoit homicide/& simoniacle/& quil ne demandoit que a espandre le sang humain Et mesmement luy fut dict p aulcuns cardinaulx/dōt le pape Gregoire fut esmeu & courouce luy estant malade de la maladie dont mourut, Fist appeller iceulx cardinaulx/& les reprint de ce quilz auoyent dict/& que cestoit mal faict a eulx de dire mal & retracter par enuie ce quauoit faict iustement & sainctement, Et affin que vous puisses scauoir si iay bien faict ou mal faict: quant ie seray mort mettez mon corps deuant les portes de leglise sainct Pierre/& que les portes soyent bien fermees: Et se icelles se ouurent p la volente diuine/ie dis que ie suis digne de sepulture crestienne, Et se les portes ne se ouurent point/ie dis que ie suis damne/& ie ctes mon corps ou vous vouldres, Les cardinaulx apres la mort du pape Gregoire sixiesme/firent le commandement ainsi quil lauoit ordonne, Et mirent le corps deuant les portes sainct Pierre/qui estoient bient fermees a ferrures & verroux, Mais incontinent vint & sortit vng grāt vent qui ouurit les portes:& le corps fut miraculeusemēt porte & mis dedans leglise, Cest ce que disent & escripuēt plusieurs hystoriens du pape Gregoire, Et fut Pape deux ans & sept moys durant le scisme,

Nota

De Clement, clvi, Pape: & second du nom,



Lement Pape second du nom/auant quil fust Pape on lappelloyt Syndegere, Il fut euesque de Bauberge/& fut esleu Pape p le synode & le vouloir de lempereur Henry second/qui le contraingnit destre pape Apres que Henry eut prins la couronne dempereur du pape Clement/il contraingnit les Rommains luy faire hommaige & iurer en ses mains/que iamais ne seroiet a faire electiō daulcun pape/silz nestoyēt contrainctz & p le commandement du pape, Lempereur veoyt bien & scauoit bien



De Damase, clvii, Pape: & .ii, du nom,

que vng chascun estoit esleu a la papalite/par factions largitions dor & d'argent: Aumoyen dequoy on y ellisoit gens villains & infames/qui achaptoient les voix du peuple/& les corrupoyent par dons & p'messes:& p ces moyens estoient esleuz papes, Et ceulx qui estoient vertueux faiges & scientifiques/estoyent chassiez & repulsez: combien que ce fussent ceulx qu'on debuoyt eslire, Or ce faict l'empereur sen alla en la ville de Capue ou il mist g'es d'armes en garnison/& leur bailla gaiges pour garder la prouince des Sarrazins/& pour resister contre eulx, Et puis sen vint a Romme/& de Romme sen alla en Germanie, Or comme disent auleuns/incontinent que l'empereur sen fut alle les rommains empoysonerent le Pape qui auoit este esleu & cree/par le vouloir de l'empereur:& ne vesquit en la papalite que neuf moys, Les aultres escripuent quil fut empoysonne p vng nomme Estienne:lequel depuis luy succeda en la papalite/& fut appelle Damase le second, En ce temps Odilo abbe de Cluny homme de sainte vie mourut:& en son lieu fut esleu Hugues abbe de Cluny, Cestuy Hugues estoit fort deuocieux/& mena sainte vie, Et lors regnoyt en France le roy Héry:& Alphonse en Hespaigne & Michel & Constantin son filz en Constantinoble, Laquelle empire de Constantinoble estoit desia fort atteneue & approuee,

De Damase, clvii, Pape: & second du nom,



Amase Pape secōd du nom estoit du pays de Bauieres: on l'appelloit Begniaire ou Pepon: comme aulcūns disent, Il occupa la pōtificalle dignite par force sans le consentement du peuple de Rōme & du clerge: car en ce temps la coustume estoit si commune que les ambicieux occupoyent le siege saint Pierre, Mais dieu luy resista qui est iuste iuge/affin quil fust exēple a tous:& quil n'occupast le siege papal/leq̃l est deu aux vertueux & non pas aux ambicieux,

Car il mourut le vingt & troisieme iour de sa papalite, Aulcūns ont escript qu'on ne debuoyt point mettre cestuy Damase au nombre des papes/pource que iustement nauoit acquis la dignite papalle, Et cest de merueille que les rommains ne chasserent iceluy pape/attendu quilz auoient iure entre les mains de l'empereur Henry, Mais ie croy que sauoit este pource quil auoit peu de temps vescu en la papalite/& que au moyen de ce il ne soit a pugnir, Or passons maintenant au pape Leon.

De Leon, clviii, Pape: & .ix, du nom,





Eon Pape neufiesme du nō estoit alemāt,  
Il fut esleu & cree Pape: Lan de nostre sei-  
gneur Mille quarante & neuf, Et en ceste  
maniere / car comme ainsi que les Rōmais  
eussent enuoye a lēpereur certains legatz  
affin quil leur baillast vng bon Pape, Lē-  
pereur leur bailla & presenta Bauno eues-  
que de Tublense / homme simple & de bō  
ne vie / pour estre Pape de Romme, Or aī-  
si quil estoit habille des habitz pōtificaulx  
que luy auoyent baillez les legatz de Rom-  
me. Et ainsi quil sen alloit a Romme / lab-

be de Cluny & Ildebrande religieux natif de Saone / vindrent au deuant  
& luy remonstrent & persuaderent / quil delaisast les habillemens &  
aornemens pontificaulx / & quil entraist a Rōme en son habit & priuee-  
ment, Car ilz disoyent que l'empereur Henry nauoit nulle puissance de  
creer vng Pape: mais que cestoit affaire & appartenoit deslire au peuple  
de Romme clerck & gens deglise, Pour lesquelles parolles le pape Leon  
despoilla les habitz pontificaulx / & entra en la ville de Romme en ses  
habitx priuez, Car il auoit oy en venant a Romme / vne voix du ciel qui  
disoit, Ego cogito pacis cogitationes non afflictionis, Et lors se accusa  
luy mesmes quil aymoīt mieulx obtemperer a dieu que a l'empereur,  
Pourquoy il fut esleu Pape par les rommains & le clerge / par la suasion  
& admonition de Ildebrande, ¶ Lors Bauno apres quil fut esleu du peu-  
ple & du clerge / il mua son nom / & fut appelle Leon neufiesme, Et puis  
incontinent apres il crea Ildebrande cardinal archedyacre de leglise de  
romme / & luy bailla a gouuerner leglise sainct Paul / affin quil fust cō-  
paignon de la papalite: & que lūg deffendist & gouuernast leglise sainct  
Pierre / & lautre leglise sainct Paul, ¶ En ce temps Drogon conte des  
normans / mourut en la pouille, Et luy succeda Gifulphe / lequel depuis  
occupa la ville de Beneuent par force: laquelle estoit subiecte a la domi-  
nation du Pape, Et la cause comment icelle ville estoit au Pape la verite  
est / que au temps que l'empereur Henry fist ediffier & construire vne  
eglise / en lhonneur de saint George / en la ville de Bamberge, Et pour-  
ce quil la fist eriger en vne eglise cathedrale / il paya tous les ans au Pa-  
pe & leglise de Rōme / cent marques d'argent auecques vng cheual blāc  
bien enharnache & phalere, Et depuis l'empereur donna la ville de Be-  
neuent au pape Leon & leglise de romme, Parquoy le tribut des cēt mar-  
ques d'argent & du cheual blanc fut remis & quicte, Or pour recouurer  
la ville de Beneuent qu'auoit prins Gifulphe: le Pape assemble gens dar-  
mes de toutes pars auecques ceulx que l'empereur luy auoit enuoyez, Et  
fist guerre contre Gifulphe / pour cuider recouurer la ville de Beneuet.  
Mais en icelle guerre le Pape fut prins par Gifulphe / lequel peu de tēps

Le pape fut  
pris en guerre,



fut renuoye sain & sauue a romme/avecques grande compaignie,  
**¶** Aulcuns ont escript que Robert giuscard/partit de France avecques grande multitude de gens darmes/& sen alla aux ytalles, Et puis chassa de la Pouille les Grecz & Sarrazins Daphrique/& occupa la Pouille, Auquel lieu fut trouueune statue qui auoit en sa teste vng cercle darain ou estoient escriptes telles lettres, Kalendas Maii oriente sole aureu caput habeo, Or en ce temps Robert giuscard auoit prins & tenoit vng sarrazin prisonnier: lequel estoit en la science de magique fort expert & scientifique: leq<sup>l</sup> regarda icelle statue & nota bien lescripture qui estoit escripte, Et puis regarda lombre de la teste dicelle statue aux Kalendes du mois de May/quant le soleil luy soit sur la teste de la statue, Et puis foullit ou lieu de lombre de la teste:& trouua que en ce lieu estoit cache vng grant tresor: au moyen duquel paya sa ranson a Robert guiscard/& partant fut deliure, **¶** Or ie retourne au pape Leon homme de sainte vie & grāt aulmosnier/& tousiours sa maison estoit ouuerte a tous paoures/mesmement aux pelerins, Vne fois il trouua deuant sa porte vng homme lepreux/lequel fist mettre & coucher en son liēt/mais le lendemain au matin il ne fut riē trouue, Pourquoy estoit a croire que cestoit nostre seigneur qui cestoit mis en guise dung paoure, Le pape Leō estoit si diligent pour la foy crestienne/qu'il condampna luy estant au concille de Verseil/Berangier aucteur de Hierusalem, Et par ses monitiōs cōtraingnit l'empereur de Constantinoble/de faire refaire & restituer le sepulchre nostre seigneur de Hierusalem: lequel auoit este rompu & desgaste par les Barbares Sarrazins & Payans, **¶** En ce temps saint Thibault noble homme extraict de nobles parēs/menoit vie sainte en Frāce, Et Vincent le franc euesque de lan pareillement viuoit/homme de grāde science & doctrine, Il escripuit vng liure de la quadrature du cercle/lequel dedia & enuoya a Hermant qui estoit homme de grande literature/& bon entendement, Le pape Leon mourut la cinquiesme annee deux mois & six iours apres quil fut esleu Pape,

**¶** De Victor, clix, Pape: & second du nom,



Victor Pape second du nom: au parauant on l'appelloit Glebard, Il fut natif Dallemaigne du pays de Bauieres, Il fut cree & esleu pape apres la mort de Leon/plus par la faueur de l'empereur Henry/que par liberal le election, Car le peuple de Romme & le clerge craignoyēt fort la puissance de l'empereur: car autressoyz leur auoit faict beaucoup de maulx/pource quilz auoyēt esleu des papes contre sa volente, Et affin quilz ne fussent veuz venir contre le sermēt qu'auoyent faict a l'empereur touchār lelectiō

Notable

Saint Thibault  
 Saint Vincent,



du Pape, Ildebrade fut enuoye cōme legat par deuers lēpereur / pour cōfermer lelectiō du pape: ce q̄ fist lēpereur tour ainsi que Ildebrade vou-  
lut, Le pape Victor du cōsentement de tous fut cōferme & mis au siege pontifical, Et puis fist cōgreger vng grāt Synode en la ville de Florēce: par lequel synode plusieurs euesques cōcubinaires & fornicateurs / & pareillement simoniacles / furēt priuez de leurs eueschez, Et fist des statuz touchāt les gens deglise / en ordonnāt les peines a ceulx qui transgresseroyent iceulx statuz / loix / & saintz canons, ¶ Aulcuns disent q̄ le pape Victor fut p deuers lēpereur / & quil fut de luy receu trefmagnifiq̄mēt: Mais ie croy quil ny fut que Ildebrade: lequel cōme legat crea Henry troysiesme / filz de lēpereur Hēry Cesar, ¶ En ce tēps les sarrazins occupoyēt la ville de Capue & la Cāpane / dont les villes circōuoyfines cray gnoient fort, Mais Robert guiscard accōpaigne des cheualliers & gens darmes de France / les chassa & vainquit: tellement q̄ tout le pays en fut desliure / & mis hors de peine & paour, Mais on ne scait lorigine pays ne naissance dicelluy Robert, Les aulcuns disent quil estoit normāt: les autres affermēt quil estoit Frācoys, Mais de quelque pays quil fust cestroit vng hōme fort couraigeux / vaillant aux armes & de grant entendemēt Et par ses faictz & vaillances / conquesta le royaume de la Pouille, Le pape Victor ne fut que deux ans troys moys & treze iours pape: Et puis alla de vie a trespassement, Et lors vacca le saint siege apostolique / par lespace de vnze iours,

Concille en la  
ville de Florē-  
ce,

Les Sarrazins  
chassez dytalie

¶ De Estienne, clx, Pape: &, ix, du nom,



Stienne Pape, ix, du nom / auoit nō au par-  
auant Frederic, Il estoit Laurain: Quant il  
fut esleu & cree pape / il estoit abbe du mo-  
nastere de Cassinense, Et incontinent quil  
fut cōferme en la papalite / fist tāt que legli-  
se de Millan fut reunie a leglise de Rōme  
comme mere / dame & pricipalle eglise de  
toutes les eglises: combiē quil y eust deux  
cents ans ou enuiron / que leglise de millan  
nauoit obey a leglise de Romme / mais sen  
estoit exemptee, Et depuis auroit comme  
vne bonne fille obey & obtempere a legli-

Reuniō de les-  
glise de millā  
a leglise roma-  
maine

se Rommaine, ¶ En ce temps Henry troysiesme / filz de lempereur Hēry son pere / fut cree empereur, Et Alexis succeda a Nicephore empe-  
reur de Constantinoble, ¶ Et en ce temps Robert guiscard vainquit &  
subingua par guerre les Grecz / & les chassa totalement de la Calabre:  
& ny demourerent seulement que les prestres grecz / qui y sont encores  
de present gardant leur maniere de viure / & vsent & parlent leur lan-

xij,



De Benoist, clxi, Pape: & x, du nom,

que grecque. Lors l'empire de Constantinoble estoit fort diminué / car a grāt peine l'empereur iouyssoit de Thrace / Gallace / Ponto / Thessallie / Macedonie / Achaie, Pource q̄ les sarrazins occupoient le demourāt / & cōtinuellement les Sarrazins & Turcz encores de p̄sent en occupent & tiennent a leur domination, Aps que le pape Estienne eut este pape, vii, moys & viii, iours: il mourut en la ville de Florence / ou il fut hōnorable ment enseuel y: comme dict & escript Martin, Aulcuns ont escript q̄ le pape Estienne eut debat a l'empereur Henry / & le reprint de heresie, Pource quil diminuoyt l'auctorite des papes / & ne tenoit conte de la foy crestienne / & desprisoit le dieu immortel,

De Benoist, clxi, Pape: & x, du nom,



Benoist Pape, x, du nom: estoit de Cāpane / qui est vers le pays de Naples: On le nommoit p̄mieremēt messagier / & estoit euesque de Veliterne, Et fut faict & istitue pape p̄ factions & brigues d'aulcūn nobles de Rōme: au tēps que Agne ou Agnes mere de l'empereur Henry troysiesme / ordōna & establit Gibert de Parme / gouuerneur du royaume d'ytallie, En ce tēps estoit en ytallie Godefray mari de la noble contesse Mathilde / homme de grande puissance Car la mere de Mathilde nōmee Beatrix

seur de l'empereur Henry second / fut conioincte p̄ mariage avecq̄s vng noble & puissant homme / natif de la ville de Luques / nōme Boniface: Lequel aps quil fut mort tous les biens terres & possessions furent a Beatrix: & depuis a sa fille Mathilde femme de Godefray de buillō: cestoit a eulx & leur apptenoit la ville de Luques / Parme / Rhege / Lepide / & Mantue, Et icelle p̄tie de Heturie qui apptient maintenant a leglise rōmaine: quō dict le patrimoyne de leglise de Rōme, ¶ Le retourne au pape Benoist qui fut chassé du siege papal p̄ Ildebrāde: pource quil disoit quil ny estoit entre p̄ lhuys cōme il appartenoit, Mais quil auoit este esleu par force & p̄ dons: Les gēs clerz de Rōme luy auoyēt iure leur foy de ne pceder a lelectiō du pape / iusques a ce quil seroit reuenu de la ville de Florēce ou il estoit alle, Pourquoi quant il fut reuenu avecq̄s Girard euesque de Florēce / il les reprint tresvehemētemēt / & mesmement contre ceulx qui auoyent iure & promis le serment, Et lors fut grande discention a Rome: Car les vngs disoyent que le pape Benoist estoit homme de bien / prudent & saige, Mais les aultres estoient d'oppinion contraire / disant quil n'auoit pas este cree ne esleu canoniquement / ains quil apptenoit de faire, Finablement Ildebrande fist tant que p̄ le cōsen

Mathilde femme de Godefray de buillō

Le pape Benoist fut remis de la papalire & enuoyé en exil



tement de plusieurs: Girard euesque de Florence fut esleu Pape: & fut deiecte Benoist, Aulcū ont escript que icelle electiō fut faicte en la ville de Senes: pource quō ne pouoyt frāchemēt & liberallemēt faire lelection du pape a Rōme/ pour les factiōs & supportz d'aulcū nobles de la ville de Rōme qui soustenoyēt le pape Benoist, Le pape Benoist fut deiecte de la papalite/ aψs quil eut este esleu Pape neuf moys & vīgt iours Et sen alla en exil en Velitres,

¶ De Nicolas, clxii, Pape: & secōd du nom,



Nicolas Pape deuxiesme du nom: estoit de la nation de Sauoye: ou cōme les aultres disent estoit de Bourgōne, On lappelloit Girard/ & estoit euesque de Florēce, Il fut esleu Pape en la ville de Senes/ & fut dechasse le pape Benoist: pource quil nauoit este canoniquemēt esleu, Et incōtinēt quil fut esleu & cōferme Pape/ il assembla en la ville de Sutrie vng grāt cōcille/ ou furēt plusieurs euesques dytalie: & pareillement de grans seignrs du pays, Et p'eulx fut decre-

te & ordōne/ que le pape Benoist seroit cōtraict de se abdiquer & delaisser la papalite/ ce que fut faict: & puis fut enuoye en exil en Velitre. L'an de nostre seignr. M. lix. Et puis le pape Nicolas vint a Rōme/ ou fist ce lebrer encores vng cōcille en leglise de Laterā: auquel cōcille fut faicte vne loy: cōme on list au grāt decret qui est de grāde vtilite, Et se cōmēce. Si quis pecunia vel gratia humana: aut populari militariue tumultu sine concordia & canonica electione: cardinaliū fuerit in trono Petri collatus: is nō apostolicus: s; apostaticus: id est a ratiōe deficiens merito vocetur, Liceatq; cardinalibus clericis & laicis deū collētib; illū p'donē anathematizare: & quouis hūano auxilio a sede apostolica ppellere, Cest adire que si vng pape est esleu p' argent/ faueur de peuple/ ou p' force de gēs darmes/ & sans canonique & cōcordable electiō des cardinaux & mis & colloque au trosne & siege de saint pierre, On ne le doit pas appeller apostolique/ mais apostat/ & esleu sans raison, Et est p'mis & licite aux cardinaulx/ aux clerz/ & gēs layz deuociēux/ & seruās nostre seignr de anathematizer tel larron/ & dōner ayde & cōfort les vngz aux aultres pour le chasser du siege apostolique. Et oultre en icelluy cōcille: cōme aulcū disent: Berāgier dyacre de leglise Dāgiers reuoca son heresie: car il disoit que au sacrement de lautel & eucharistie/ nestoit le vray corps nostre seignr/ ne le sang entieremēt/ sinō en figure & en mīstere, Laq̃lle erreur par le commādement du pape Nicolas/ & Alberic dyacre/ homme de grande science & bonne doctrine. Berangier publiquement confessa & afferma/ que en l'hostie & sacremēt de lautel est le vray corps de  
x,ii,

Concille faict  
a romme  
Si quis pecunia vel gratia humana

Institution &  
forme deslire  
les papes



De Alexandre, clxiii, Pape: & second du nom,

Iesuchrist & tout le sang entierement, Nous auons escript cy dessus icel le erreur qui auoit este repudiee & condāpnee p le pape Leon, ix, Mais non pas quil cestoit amende. Ce fut vne grande gloire & louenge au pa- pe Nicolas: comme auoit escript Lanfranc: homme de grande litteratu re/qui auoit escript & faict & cōpose vng liure des erreurs de Berāgier, Or ce pendāt q le pape Nicolas faisoit son cōcille a Rōme: Gotifrede normant qui auoit succede a son frere Drogon/des cōptes/terres/& sei- gneurie de la Poille/Calabre/alla de vie a trespas/& istitua son heritier son filz Bagelardum des seigneuries, Mais Robert guischarden fut mal content: comme aucūns disent: dechassa son nepueu de la Pouille & Ca labre/& iceulx occupa avecqs Troye: laq̃lle auoit acoustume de obeyr aux Papes & a leglise de rōme, Pourquoi le Pape fut vng peu indigne contre Robert: mais puis aps a la requeste & priere de Robert le pape se trāsporta en la Pouille/& receut de robert tout ce quil auoit pdu/& le re ceut tresbenignement. Et oultre le pape creaduc icelluy Robert/deste res subiectes a leglise de Rōme, Et puis print & emmena avecques luy vne grande compaignie de gens darmes/que luy bailla Robert: Et fist guerre aux Prenestins/Tusculains/& aultres qui estoient rebelles a le- glise de rōme: lesquelz subiugua & mist en son obeissance, Et ce faict pas sa le Tybre/& sen vint cōtre Girard conte de Sutre/& mist en sa domi- nation tous les chasteaulx, ¶ Aucūns ont escript q Hery troiesiesme prit la courōne de lep̃ire du pape Nicolas, Pourquoi durāt le tēps du pape Nicolas ne voulut riens faire cōtre les gēs deglise/ ne iceulx molester, Aps q le pape Nicolas eut vescu en la papalite, iiii, ans, vi, moys: & xxvi iours/il mourut. Et lors vacca le siege/p le space de, viii, iours,

¶ De Alexandre, clxiii, Pape: &, ii, du nom,



Agnete fēme  
de Hery em-  
pereur,

Alexandre secōd du nō eut nō Anselme, Il estoit du pays de Milan/& estoit euesque de la ville de Luques/quāt il fut esleu pa- pe en son absence: pource quil estoit hōme fort begnin/doulx/& amyable, Mais les euesques oultre montains & Cisalpins di- soient quil estoit biē cōuenable & raison- nable/quilz eussent vng Pape de leur puis- ce:& vouloyēt auoir pour Pape Gibert de la ville de Parme/hōme fort puissant, Et pareillemēt le vouloit lep̃ereur hery: mais sa femme Agnete ne vouloit pas/que vng aultre fust esleu a Pape que Alexādre, Pourquoi les euesques firēt entre eulx vng cōcille:& ce fait eslirēt vng nōme Cadole/euesque de Parme Pape, Et luy obeirēt & ob- tēpererēt tous les Cisalpins/excepte la saicte fēme Mathilde/& Gode-



frede son mari:lesquelz tenoyent pour leglise Romaine & le pape Alexandre, Or cadole vint a Rome accompaigne deges darmes/& lespties aduerses du pape Alexadre se ioingnirent avecques luy, Et se rencōtre-  
rent/cestassauoir ceulx qui tenoyēt le pti du pape Alexandre/& ceulx de Cadole/aux prez de Neron/au dessoubz des racines de la montaigne dor/ou dung couste & daultre furēt plusieurs tuez & occis:tellemēt que le pape Alexadre/& Godefrede mari de Mathilde/se retirerēt aux mai-  
sons de lateran, Et ne scauoyent aulcū lieu seur pour se retirer:pource q̄ lors chascun nauoit ne tenoit foy certaine, Aulcū ont escript q̄ deuant icelle guerre le pape Alexandre sen estoit fouy en la ville de Luqs:pour euit la guerre & meurtres qui se pouoyent faire:& qui vesquit longue-  
ment en icelle ville, Et ne fut ingrat/car il donna plusieurs priuileges a la ville de Luques/& aux eglises:cōme appert aux liures/annales/& cro-  
niques dicelle ville, Et finablemēt Cadole fut repulse & chaste de la vil-  
le de rōme:mais il reuint puis aps avecqs plus grāde cōpaignie/& print la ville Leonine/& p force occupa leglise saint Pierre, Mais les Rom-  
mains faillirēt sur eulx avecques les ges darmes de Godefrede / & firēt si grant paour a ceulx qui estoyēt pour Cadole/quilz sen fouyrēt tous:& ne sen faillut guieres q̄ alors Cadole ne fut prins:car tous ses ges lauoiēt  
delaisse & habadonne, Mais Cincius filz du Prefect de rōme le saulua:  
car il le fist mener p le moyen de ses ges darmes qui faisoient faire voye  
& il alloit au milieu deulx/iusqs a la tour de Hadrian/ou depuis fut as-  
siege, Mais quāt il vit quil ne pouoyt eschapper/il dōna a ceulx qui as-  
sailloyent la tour troys cens liures dargent: Et p ce moyen eschappa/&  
monta sur vng cheual & sen fouyt tout seul, Or Otho archeuesque de  
Coulōnie/blasma fort Agnete femme de lēpereur Henry:dīsant a lem-  
pereur/quil napptenoit pas a vne femme de se meller de la chose publi-  
que crestienne:& que cestoit crime de lese maieste/que leglise de Rom-  
me fust gouvernee a la volente dune femme, Et ce faict icelluy Otho  
sen vint a Romme/pour composer & traicter des differences & debat-  
qui estoyent en leglise de Romme, Et luy venu a romme il increpa &  
blasma fort le pape Alexandre/& luy dist plusieurs grosses parolles:dī-  
sant quil auoit occupe la papalite contre le commandement de lempe-  
reur/& contre les coustumes & loix, Mais alors par fortune se trouua Il-  
debrāde archedyacre/qui deffendit tresexcellētemēt le Pape Alexadre  
dīsant q̄ lelectiō du Papeapptient au clerge & ges deglise/tāt de droict  
q̄ dācienne coustume:pquoy Otho se cōdescēdit a loppiniō de Alexā-  
dre, Et lēpereur Henry recōgneut son erreur/il pria le pape Alexandre  
quil fist assembler vng cōcille/& quil si trouueroit, Et fut delibere quō-  
tiēdroit le cōcille en la ville de Mātue:ou se trouuerēt tous ceulx qui y  
auoyēt affaire pour le salut & tuitiō de leglise rōmaine, Or aps que par  
ceconcille tout fut appaise: Lempereur retourna en la grace du Pape/  
& pria au Pape quil voulist pardonner a Cadole/lequel demandoit par  
x,iii,



De Gregoire, clxiiii, Pape, Et, vii, du nom,

don, Et quil voulist creer Gibert archeuesque de la ville de Rauanne: lequel Gibert auoit este cause & aucteur des debat; & noyses qui auoient este entre le pape Alexandre & Cadole, Or quant le Pape vit les requestes que luy faisoit l'empereur: de la premiere il le fist tresvoulentiers/ en ensuyuant l'exemple de nostre seigneur / qui prioit pour ses persecuteurs Mais quant a creer Gibert archeuesque il ne le vouloit point faire / de paour quil ne fust au temps aduenir contre leglise de romme: mais il fut tant prie & requis de l'empereur Henry / que contre sa volente il le crea archeuesque de Rauanne, Le Pape se partit de la ville de Mantue & sen alla a Luques, Et apres quil eut fait les solempnitez de la grande eglise de Luques / de laquelle aultrefois auoit este euesque: il la consacra & demoura tousiours a la ville de Luques / iusques a ce que Ildebrande arche dyacre eust pacifie la Pulie / car il auoit avecques luy grande cōpaigñie de gens darmes / que la contesse Mathilde luy auoit baillez, Et fist tant quil contraingnit Richard & Guillaume a rendre & restituer tout ce qu'auoient prins de leglise, ¶ Apres que le pape fut venu a Romme: il mourut & fut enterre en leglise de Lateran / avecques magnifiques pompes plus que iamais on auoit veu faire a pape, En ce temps estoit Jehan gualbert religieux de la vallee vmbrageuse / & auoit este aucteur dicelle ordre: il fut homme de sainte vie / & faisoit de beaulx miracles, Le pape Alexandre fut pape par vnze ans & six moys,

Jehan gualbert

De Gregoire, clxiiii, Pape: &, vii, du nom,



La maniere & parolles de lelectiō papalle

Gregoire pape septiesme du nō / au parauant on l'appelloit Ildebrande, Il estoit de la nation de Heturrie du pays de Saone, Sō pere auoit nom Boniface, Il fut esleu & cree pape du consentement de tous / & mesme: ment des bons, Et la maniere & les parolles comment il fut esleu sont telz & semblables, Nous cardinaulx de la sainte eglise de Romme / clerchez / accolitez / soubz dyacres / prestres: en la presence de plusieurs euesqs & abbez & aultres / tant gens clerchez que lays / de plusieurs ordres & dignitez,

Auons esleu au iourd'uy la, x, Kalende du moys de May / en leglise de saint Pierre aux liēs: Lā de nostre salut, M, lxxii, a vicaire de Iesuchrist Ildebrande archedyacre / hōme de grāde doctrine / de grande prudence / doulx / pitoyable / aymāt iustice / cōstāt / modeste: Leq̃l auoit este des son ieune aage nourri en leglise de Rōme / iusques au tēps p̃sent, Leq̃l Ildebrande voulōs quil ayt la dominiō & p̃eminēce en leglise de rōme / aīsi q̃ eut saint Pierre p̃ le cōmādemēt de nostre seignr, Ap̃s q̃ le pape gregoire eut este esleu / il admōnesta l'empereur Hēry q̃l neust plus doreina-



uāt a dōner & bailler les eueschez p argēt & ambitiō / ne pareillemēt les aultres benefices de leglise p pactiōs & couuoytises / symoniacles / ou il pcederoit a lencontre de luy / & de telz euesqs p censures ecclesiasticqs / desquelles admonitiōs salutaires ne tint compte / ne y voulut obtemperer / combien que sa femme Agnete le admonneta st que cestoit mal faict & quil falloīt viure selon la foy crestiēne, Pourquoi lempereur se courrouca / & luy osta toute ladministratiō & gouuernement de lempire / au moyen de quoy elle sen vint a Romme / ou peu de temps apres mourust de douleur quelle auoit que son mary ne se gouuernoit: comme vng bon catholicque, Mais puis apres plusieurs legatiōs enuoyez par le pape a lempereur / & de par lempereur au pape, Lempereur retourna en grace auecques le pape / & le conferma pape: comme auoyēt acoustume de faire les empereurs, Or ce nonobstant lempereur qui estoit fort leger a faire bien & fort pertinax a faire mal: ne laissa a bailler / & vendre les eueschez par argent / en commectāt symonie, pourquoi le pape anathematiza tous les euesques / & aultres qui auoyent eu benefices de lempereur / & affin quō ne dist pas quil lauoit fait sans conseil, Au parauant auoit assemble vng concille en leglise de Lateran / ou furent plusieurs euesques / & meismement Gibert archeuesque de Rauenne / qui demāda: pourquoi il auoit note & anathematize les symoniacles: a quoy respondit le pape quil le feroit souuent & a lempereur sil ne se amendoit, Lequel Gibert apres q le cōcille fut separe / cherchoit tous les moyēs quil pouoyt trouuer pour nuire & blasmer le pape Gregoire, Car il ne demandoit que trouuer la voye par la quelle pouoyt paruenir a la papaulte: & fist tāt p les parolles quil anima a lencontre du pape Cincium Rōmain filz de Estienne prefect de Romme: qui estoit vng homme temeraire volage / & seditieux & luy promist de grans dons / ou nom de lempereur / sil vouloit prendre le pape Gregoire / pour le mener a lempereur, Or Cinciū crut Gibert & fist tant par insidiations & gēs quil auoit mis au guet: que ainsi que le pape Gregoire celebroit la nuyt de la natiuite nostre seigneur Iesuchrist en leglise nostre dame de la Crache: quon dit maintenaut nostre dame de Maiour / & ainsi quil rompoit & diminuoit la saincte hostie, Icelluy Cincium & ses satallites entrerēt par force & violence en leglise & prendrent le pape & le menerent & traynerent au cartier & region de Parion & lenfermerent en vne forte tour / bien auitaille & garnie de gēs darmes Mais le iour venu / & que le peuple de Romme congneut le grant outrage quon auoit fait au pape: se mirēt en armes & deliurerēt le pape / & abbatirent la tour iusques aux fondemens / & furent prins les familiers & satallites de Cincium aux quelz on couppa les naseaulx du nez / & puis furent chassez & expulsez de la ville de Romme, Mais Cincium qui estoit aucteur du mal ainsi perpetre sen fouyt en Germanie / & fist tant par ses iournees que paruint a lempereur, Gibert archeuesque de Raue-  
ne / qui auoit este le machinateur de tout le mal, Quāt il vil quil nauoit

Le pape Gre-  
goire fut prins  
en celebrant  
messe,

Contractiō de  
Gibert arche-  
uesque de Ra-  
uene,



peu paruenir a ses actaites / & ainsi quil le desiroit en grande beniuolence simulee print conge du pape & sen alla a Rauenne / pour penser a faire du mal plus quil nauoit fait. Car il auoit tant fait / q'il auoit p ses facteurs emeu contre le pape plusieurs euesques / & entre aultres Tibault archeuesque de Millan / & Hugues Candide cardinal de Romme: en leur pmettant or / & argent / & aultre chose illicites: & neantmoins quil fist toutes ses fractions / & coniuurations: il estoit si cault & fin q'il toufiours il estoit en grace / & le bien venu enuers le pape, Et oultre il se efforça tant quil fist & composa la paix entre lempereur & les Normas: lesquelz auoyent noises & debat: pour aucunes differēces, Et puysquāt ilz les eust apointez: il les concita & esmeut contre le pape Gregoire, Or quant le pape le sceut / il fist congreger vng synode en leglise de Lateran: ou furent preposez les causes & raisons pourquoy ilz faisoient ses contractions: & puis p sentence du synode Gibert / & Hugues le cardinal furent priuez de leurs dignitez / & furent anathematizez, Or ainsi que le pape tenoit icelluy synode en la ville de Romme Lempereur Henry batailloit contre les Saxons / ses ennemis lesquelz il vaiquit: pourquoy fut si fier & orgueilleux quil fist faire vne assemblee en Vomarce par le moyē de Sigifrede archeuesque de Magunce: & la fut ordōne & prohibe a tous de ne obeyr ne obtemperer au pape Gregoire de Romme, Et par le commandement de lempereur & du conseil quil auoit assemble fut enuoye Romād clerc de Fauie a Romme par deuers le pape: au quel il luy fist expres commandement / & deuant tous publiquement / quil neust a faire chose qui apartiēt a office de pape: & commāda aulx cardinaulx quil le delaissassent / & sen allassent par deuers lempereur pour creer faire & eslire vng pape, Or ce voyant le pape Gregoire ainsi iniurie & faire telle iniure a la diuine maieste / il priua Sigifrede archeuesque de Magunce / & aultres clerchez adde rans a lempereur de leurs dignitez / & benefices: & puis anathematiza lempereur. Mais premierement le priua de toute administration & les anathematizations & forme dicelles quil donna contre lempereur sont telles, O glorieux saint Pierre prince des apostres encline toy oy & escoute par ton seruiteur: lequel tu as nourri & alimēte des son enfance / preserve / & garde des mains de ses ennemis iusques a se iour p'sent / lesquelz me persecutent / hayent / & ont en hayne pour la foy que iay en toy / tu en es tesmoing / & la piteuse Vierge Marie mere de dieu / & pareillement ton frere saint Paul compaignon du martyre / que ie nay accepte la dignite papalle / & le gouuernement / sinon contre ma volente & par contraincte: ie nay voulu icelluy siege occuper pour rapiner / & faire des biens mondains a ma volente: car iay moys mieulx viure & mener ma vie en peregrinations / que occuper ton saint lieu / pour auoir renommee fame & gloire / ce nest pas par mes merites / que iay este mis & appose en icelle dignite pour gouuerner la papaulte / mais par ta sainte grace: au moyen de laquelle iay puissance de lier & de deslier: pourquoy en vsant dicelle

La forme comment le pape priua lempereur Henry de son empire,



puissance au nom de dieu le pere tout puissant / du filz / & du saint es-  
 rit, Et pource que le roy Henry filz de feu lempereur Henry lequel te-  
 mereremēt / trop audacieulx auoit mis les mains en ton eglise, ie lay pri-  
 ue & deiecte de ladministration & gouuernemēt royal: & desclaie tous  
 les crestiens subiectz a lempereur absoulz du serment foy & hommaige  
 quauoyent fait a icelluy Henry: comme on a acoustume de faire / aulx  
 vrais roys / & empereurs: il est conuenable & consomme a raison que cel  
 luy qui sefforce a diminuer la maïeste de leglise / soyt priue de dignite /  
 car il na fait compte de mes monirions / qui sont tiennes & non pas mien-  
 nes: lesquelles estoient au salut de luy / & de tout le peuple crestiē: & cest  
 separe de leglise de dieu: laquelle desire destruire & annichiller / pour la  
 quelle cause ie le lie & anathematize / car ie scay de vray que tu es Pierre  
 & en icelle Pierre, comme au' vray fondement nostre seignr dieu auoit  
 fonde & ediffie son eglise, ¶ Or apres que le pereur fut priue de lempire  
 & anathematize / plusieurs parlerent au pape Gregoïae / de faire la paix  
 auecques lempereur: aulx quelz le pape gregoire fist responce quil ne re-  
 fusoit les conditions de la paix, Mais que Henry fist premierement la  
 paix auecques dieu / ne scaues vous pas bien: & ie croy que vous ne igno-  
 rez les maulx quil auoit faitz a la ville de Romme / & a leglise / & que par  
 plusieurs foys ie lauoye admoneste quil delaïssast sa mauuaïse vie / &  
 ses mauuaïses coustumes / & quil se gouuernast bien / ainsi quil apparti-  
 ent a vng empereur catholique / pource q' aultre foys ie auoyez este fort  
 familhier / & ayme de son pere lempereur Henry, ¶ Aucuns disoyent  
 quil ne falloit si tost anathematizer vng roy / aulx quelz le roy fist respon-  
 se & dit, Quant nostre seigneur Iesuchrist bailla a saint Pierre leglise a  
 gouuerner / & quil luy dist, Pasce oues meas, Cest adire gouuerne pense /  
 & nourri mes ouailles / & brebis, Lors il ne excepta les roys, Mais quāt il  
 luy bailla la puïssace de lier / & absouldre: il nen excepta nulz de quelque  
 puïssance quil fussent / & par ses moyēs quil dit quil ne peult estre lie du  
 lien de leglise: il fault dont quil confesse que par icelle / il ne peult estre  
 absoulz par sa puïssance, Mais qui voudroyēt ce dire / & impudiquemēt  
 parler / il fault bien quil soyent separez de Iesuchrist / & de leglise,

L'epereur Hē  
 ry anathemati  
 zē,

¶ Or quant lempereur Henry congneust que le pape Gregoire lauoit  
 censure: il fist escrire plusieurs lettres / & les enuoya a plusieurs nations  
 villes & prouïnces / par lesquelles leur mandoit que contre tout droit / &  
 raison il auoit este par le pape anathematize, Mais le pape gregoire main-  
 tenoit le contraire / non pas seullement par lettres & parolles / mais par rai-  
 sons / & par tesmoingz, Au moyen de quoy vne grande partie du royaul-  
 me vouloit plus obeyr a lempereur Henry, Et les Saxons vouloyent  
 faire guerre contre lempereur, Mais les princes Dalnaigne eurent peur  
 quil ne sourdist quelque mauuaïse guerre a leur prouïnce: se assemble-  
 rent ensemble / & fut conclud & accorde que le pape gregoire viendrait  
 aulx Allemaignes / & que le roy Henry luy requeroit pardon / & miseri-



corde du mal quil luy auoit fait / & ainsi le promist / & iura faire icelluy Héry p son ambassadeur & orateur larcheuesque du traict / & debuoit aller le pape en la ville de Auguste Pretore: & estoit en la ville de Verseil, Mais il fut aduertí par leuesque du lieu / qui estoit chācellier du roy aulme de Itallie / que lempereur Henry venoit en grosse armee de mauuais couraige & pour faire guerre au pape: pourquoy le pape delaissa oultre cheminer / & se retira en vng chasteau nomme Canosse pres de Rege lequel estoit en la domination & subiection de la contesse Malthilde,

¶ Or quāt Henry sceut que le pape estoit en Canosse / il vint le plus tost q̄ peult au chasteau & bourg: & incontínēt quil fut au pres: il se despouilla des vestemens & ornemēs royaulx & tout nud / puis vint iusques aux portes de Canosse / dont le peuple auoit compassion / requerant / & suppliant que les portes luy fussent ouuertes / & quil entraist dedēs le chasteau ou estoit le pape. Mais il luy fut denie l'entree ce quil porta patientemēt & de bon couraige / au moins dissimuloit / combien que lors il fist grant froit: car cestoit en yuer / & toutes choses estoýēt gellees aux chāps pour la gellee & froidure que faisoit, Et demoura par troisiours: aux faulx bourg du chasteau tousiours demandant pardon & misericorde au pape Gregoire / & finablement par les prieres / & requestes de Mathilde / & Adelaí conte de Sauoye / & aussi de labbe de Clugny / on le fist entrer au lieu ou estoit le pape / & fut Henry absoulz & reconseille a leglise & promist & iura icelluy Henry garder & obseruer la paix faicte entre luy / & le pape. Et la forme de la paix fut telle, *Rex Hēricus composita oace ex sententia domini nostri Gregorii septimi affirmo me pacta & federacō seruaturum curaturumq; vt quoquo voluerit idē pontifex sine vllō discrimine suū ipsius & comitatus proficisci possit. Maxime autem per loca imperio nostro subiecta: neq; per me statutum quo minus libere pontificio munere vbiq; locorum vti possit hec obseruaturum me iureiurādo abdicō.* Actum Canosii quinto Calenda, Februarii indictione, xv.

Or apres que icelle paix & confederation fust faicte: chascun sen alla ou il voulut: & ainsi que lempereur sen alloit en la ville de Pauye, Cintiū mourut dune froidure. Mais neātmoins que Cintiū fust mort qui estoit mauuais & pernícieulx / toutefois Lempereur Henry ne laissa point a rompre la paix & confederation quil auoit faicte avecques le pape: pour quoy les princes Dallemaigne furent fort indignez a lencontre de luy & a ceste cause creerent Rhodulphe duc de Saxone roy de la prouince: en delaisant lempereur henry. Orce voyant par henry / il requist le pape / quil vouldist iterdire icelluy Rhodulphe quil ne occupast le royaume & quil le chassast. Mais le pape nen voulut riens faire: pourquoy ilzeurent de merueilleuses guerres & batailles entre eulx deux / ou furēt dung coste & daultre tuez / & occis grande multitude de gens: tellement quon ne scauoit qui debuoit obtenir la victoire / & depuis vng chascū enuoya au pape legaitz affin quil fust dung coste ou daultre, Mais y leur fist re-

La pmesse de  
lempereur hē  
ry en vers le  
pape.



sponce seulement: quil cessassent debatailler lung contre laultre, Et oultre Rhodulphe & Henry bataillèrent pour la troisieme fois: ou furent tuez & occis de chascun coste plusieurs, Mais neantmoins le pereur Henry eut vng peu dauantage. parquoy Rhodulphe luy enuoya ses ambassadeurs pour traicter & faire paix, Mais henry ne le voulut ouyr, Et puis escript encores vne fois quil anathematizast Rhodulphe: ce que ne voulut faire le Pape Gregoire au moyen de quoy lempereur henry conceut si grant hayne contre luy: que nuyt & iour ne pensoit à aultre chose que a la pernicion du pape Gregoire pour le destruire / ou faire tuer,

¶ Or affin que toutes seditions fussent en la crestiente / Lempereur Michel fut deiecte de son empire de Constantinoble par Nicephore dit Bucanor: lequel Michel sen fouyt au pape Gregoire / qui excomunia Nicephore: & donna la charge & negoce a Roger pheudataire de leglise de Romme: pour & affin de restituer lempereur Michel en son empire de Constantinoble: lequel Roger print la charge / & fist tant quil arriua luy & son filz Boemude en Auleo & fist mettre ses tentes pour loger son ost en Dirrache / laquelle ville voulut premierement occuper: car elle estoit necessaire pour faire la guerre quauoyent entreprinse, Mais Dominique Syluie duc des Venitiens se entendoit avecques Nycephore: & dechassa Roger de Dirrache & y furent tuez & occis beaucoup de ses gens, Mais peu de temps apres Alexis dit en son surnom Mega duc & capitaine des gens darmes & ost de Nycephore / dechassa de Constantinoble & priua de lempire icelluy Nycephore par tel moyen quil auoit donne conge aux gens darmes de piller la ville de Constantinoble par trois iours entiers / & depuis Nycephore fut prins en leglise sainte Sophie & luy fut saulue la vie: par telle condition quil prendroyt labbit de religion / & viuroit comme vng religieulx en vng monastere, ¶ Or quant le pape Gregoire aperceut que lempereur Henry persecutoit leglise de Rome avecques aucuns ses adherens & seditieux euesques: ilz fist assembler vng synode: par lequel Gibert archeuesque de Rauenne fut priue de son archeuesche / & des ordres de sainte eglise, Et pareillement Roland euesque de Tarnise lung de ses coplices anathematiza: & Hugues cardinal de saint Clemet: pource quil soustenoit lheresie avecques Cadole euesque de Parme, Et finalement fist trois legatz a la terre, Cestassauoir Bernard diacre / & vngaultre Bernard abbe de Marceille / & Odo Archeuesque du Traict. Pour composer / & traicter les differences / & debat dentre Rhodulphe & lempereur Henry, car le pape scauoit bien que se icelle guerre ne cessoit que cestoit le destruiement du peuple crestien, Et pource que congnoissoit quil y auoit plusieurs seditieux qui empescheroient la paix / & quilz aymoyent mieulx la guerre que la paix car cestoit leur prouffit / il fist escrire telles lettres apostoliques: lesquelles mandoit aux princes / & nations / pource que nous congnoissons limbecillite / conuoitise / & ambitio du genre humain, Nous madons a tous

Lepereur Michel deiecte de son empire;



Statutz des  
sainctz decretz

Permissiõ de  
occuper les bi-  
ens d'altrui,

de quelque estat quil soyent: fussent Roys / Archeuesques / Euesques / Ducz / Contes / Marquis / & Cheualliers: quilz ne soyent si temeraïres par dol ou fraude de resister a lencontre de nos legatz: quil ne peussent traiter cheuir & composer la paix & concorde / dont ont prins la charge / sur peyne de anathematization: de laquelle nous les lyons / non pas seulement lame mais le corps de toute la puissance apostolique: a nous donnee: & leur ostons la part de victoire quil ont conquise aux armes affin que cel luy qui viendra au contraire de la paix soit confondu: affin quil se cõuertisse par double penitence. ¶ Les legatz assemblerent vng concille aux Allemaignes pour traicter la paix entre lempereur Henry & Rhodulphe: laquelle paix le pape Gregoire puis apres debuoit confermer de lautorite de dieu / & puissance de saint Pierre. ¶ Or ce pendant le pape Gregoire: affin que leglise de Romme ne fust aucunement gastee / ne souillee ne endurast aucun destruiement: il ordonna / en ensuiuant les sainctz canons & decretz que dorefnauant ceulx qui obtiendroyent eueschez / abbayez / ou aultres benefices deglise par symonie / ou par gens layz ne fussent reputez ne nombres au nombre des euesques / ne des abbez / & que sur peyne de anathematization ne fussent si hardis / ne sy osezt de venir a Romme / ne a leglise saint pierre: iusques a ce ql eussent purge leur symonie: qui nest que vne ydolatrie: en renoncant a iceulx benefices ainsi conquestez. Et voulons & ordonnons que les roys / ducz / contes / & princes pareillement soyent anathematizes: qui auoyent este si temeraïres & hardis de donner & conferer icelles eueschez / abbayes / & aultres dignitez & benefices ecclesiastiques: contre droit & equite. Et oultre nous confermons la sentence de anathematization donnee aultre foys par nous contre Tybault archeuesque de Millan / Gibert archeuesque de rauenne / roland euesque de Tarnise / & de pierre aultre foys euesque de redonese: & maintenant occupateur de leglise de Narbonne / & leur interdisons & deffendons la grace saint pierre / & leglise dicelle: iusques a ce q soyent repentans & quil ayent satisfait / fussent ilz Normans / Italliens / ou de quelque aultre nation: qui auoyent gastee ou donne quelque inconuenient aux pays de la Marque: & Firmiane en picente: en la duche de Spolette: en la Campaigne: aux pays de Sabine: & Tyburtine: en prenest: Tusculanne: & en Albannie: & tout ce qui est aux Volces iusques a la mer / & a ce ie adioust le monastere saint Benoit qui est en la montaigne de Cassine: & tout le terrouer: & pareillement Beneuent. Et se aucuns diceulx pays que cy dessus nous auõs declares on leur auoit oste aucunes choses pour icelle recouurer: nous voulons que premierement en facent leurs requestes & demandes par deuers nous: ou aultres iuges cõpetans: & se iustice ne leur en est faicte asses souffisante: nous leur promettons de recouurer & prẽdre des bies de ceulx q leur detiennẽt leurs biens autant: & pareille somme: & non plus: & ne excedent la iuste valeur afin quil ne soyent reputes predonnes / pyratres: ne larrons. Mais facent



ainsi quil appartient a vng crestien de faire: qui craint dieu / & monsieur  
 saint Pierre, Et puis le pape gregoire de rechief fist telles execrations  
 a lencontre de lempereur Henry / & icelles conferma / en telles & sembla  
 bles parolles, ¶ Beate Petre apostolorum princeps: & tu Paule gētium  
 doctor vestras queso aures mihi paululum prebete / meq; clementer ex-  
 audite: nam veritatis discipuli estis & amatores: que dicam vera sunt,  
 Hanc causam suscipio veritatis gratia: vt fratres mei quorum salutem  
 exopto mihi obsequentius acquiescant: sciant intelligant q̄ vestro auxi-  
 lio fretus post Christum: & matrem eius semper virginem flagitiosis &  
 iniquis resisto, Fidelibus autem presto adsum & auxilium fero, Non  
 enim volens & libens hanc sedem conscendi: sed inuitus & lachrymans  
 q̄ me indignum iudicabam qui tam in excelsa trono sederem, Hec au-  
 tem dico: quia non ego vos: sed vos me elegistis / & grauissimum pondus  
 humeris nostris imposuistis, In me autem vestro iussu montem ipsum  
 conscendentem clamantem & annunciantem populis eorum scelera: &  
 filiis ecclesie peccata membra diaboli confurrexere: & ad sanguinē vsq;  
 manus suas in me coniecere, Astiterunt enim reges terre & principes se-  
 culi cum his coniurarunt ecclesiastici quidam & vulgares in dominum  
 & vos Christos eius dicentes, Dirumpamus vincula eorum: & proiicia-  
 mus a nobis iugum ipsorum, Hoc autem fecere vt me vel morte vel exi-  
 lium multarent, Quorum de numero fuit Henricus: quem regem vocat,  
 Henricus inquam Henrici imperatoris filius: qui cornua & calcem con-  
 tra ecclesiam dei superbe nimium erexit: facta coniuratione cum mula-  
 tis episcopis Itallici / gallici / germaniq; nominis cuius superbie vestra  
 adhuc resistit auctoritas qui fractus potiusquam ad sanitatem redactus /  
 ad me in Cisalpinam perueniens / absolutionem anathematis / supplici-  
 ter quesuit, Hunc ego quem ad penitentiam venisse credideram: in gra-  
 tiam recepi: huicq; tantummodo communionem reddidi: non tamen in  
 regnum equo eum in Romana Synodo merito depuleram restitui / nec  
 vectigalibus regni: vt ad finem redirent concessi, ¶ Or le auoysce fait  
 affin que retournaist en la grace de ses voyfins: lesquelz il auoit vexes / &  
 trauallez: & nauoit voulu rendre ne restituer les choses de leglise: les-  
 quelles il auoit mal prinſes: comme il lauoit promis de faire par la confe-  
 deration & concordat fait entre luy & moy, Mais par guerre les auoit  
 tousiours transmises / pourquoy plusieurs Euesques / & princes de ger-  
 manie ont delaisse & abandonne icelle cruelle beste, Et en son lieu / & par  
 ses demerites auoyent esleu Rhodulphe duc en leur roy: lequel comme  
 prudent / sage / & bien auise mauoit enuoye ses ambassadeurs & messiagi-  
 ers: par lesquelz me auoit mande quil auoit este contrainct de occuper  
 le royaulme: & nestre si couuoiteulx & enuieulx de regner: que ne voulu-  
 sist obtemperer a mon commandemēt & de bailler ses enfans en ostage  
 pourquoy Henry se courrouca amerement a lencontre de nous: & nous  
 fist requeste que nous voulissions deschasser rhodulphe de la detention



& occupation du royaume / a quoy ie fis response que ie vouloys veoir  
 a qui il appartenoit: & pour en scauoir la verite iay enuoye des messagiers  
 pour senquerir de la verite: & de men rescripre: assauoir qui auoit le plus  
 grant droit au royaume, Mais icelluy Henry a deffendu & empesche  
 que nos legatz nen sceussent la verite: & les aucuns tāt gens deglise que  
 seculiers auoit fait tuer & occire / en pphanant leglise / & en troublant  
 icelle: parquoy seroit cheut & tombe en sentēce de excomuniēt & ana  
 thematization. ¶ Hanc ob rem fidens in dei iudicio & misericordia inq;  
 patrocinio beate virginis Marie: fultus etiam auctoritate vestra / ipsum  
 Henricum eiusq; fautores vinculo anathematis colligo / atq; iterum re  
 giam potestatem adimo Interdicoq; Christianis omnibus illo iuramen  
 to absolutis: quo fides regibus dari consuevit, Ne Henrico vlla in re ob  
 temperent / & Rodulphum in regem suscipiunt, Lequel auoit este esleu  
 de plusieurs princes, Agite nunc apostolorum sanctissimi principes / &  
 quod dixi vestra auctoritate confirmate, ¶ Affin que tous crestiens sa  
 chent si vous pouez lier au ciel / & absouldre: q̄ pareillement nous ayons  
 puissance en la terre de oster les royaumes & les donner / si vous pouez iu  
 ger de ce que appartient a dieu: que doibt on dire & ymaginer des choses  
 terriennes & inferieures: & se cest a vous a iuger les anges supbes / qui do  
 minent les orgueilleux / que ferez vous a leurs seruiteurs, Aprengnent  
 maintenant les roys par ceste exemple / & les princes du mōde la puissan  
 ce que vous auez au ciel: affin quil creygnent dieu / & ne contennent les  
 commandemens de leglise, ¶ Hoc autem iudicium cito in Henricum  
 exercete: vt intelligant omnes iniquitatis filium nō fortuito: sed vestra  
 opera e regno cadere, Hoc tamen a vobis optauerim: vt penitētia ductus  
 in die iudicii vestro rogatu gratiam a domino consequatur, Actum Ro  
 me nonis Martii inditione tertia, ¶ Et ce fait fut dechasse & expulse: cō  
 me hereticque Gibert euesque de Rauenne / aucteur de tous les maux  
 quauoit faict Henry: & fut mādē a tous les prestres quilz ne obeissent au  
 dict archeuesque gybert sur peyne de excommuniment, Et au lieu de  
 icelluy gybert le pape enuoya a Rauēne vng aultre archeuesque: a lex  
 emple saint Pierre qui enuoya Apollinaire quāt le peuple auoit faul  
 te de plat: pour lendoctriner & enseigner: & ainsi fist le pape pour oster  
 & discerner lheresie de gybert, Or dicelles censures Henry fut fort irri  
 te & fist prēdre le cardinal & euesque Dostie: q̄ venoit de legation: pour  
 le pape / & puis assembla plusieurs euesques qui estoient ses complices  
 & luy fauorisoyēt: lesquelz eslirent a pape gibert: qui auoit este archeuesq̄  
 de Rauēne: & le nōmerent Clemēt: & pource q̄ Hēry estoit assailli des  
 saxōs / & de rhodulphe: il laissa clemēt: & y eut si cruelle guerre être luy  
 & les Saxons que ne sen fallust guieres que tous ses gens ne furent tuez &  
 occis: en icelle bataille: & eut la victoire Rhodulphe: mais y mourut,  
 Et Henry eut si grant paour quant il vit que ses gens estoient ainli de  
 confis: & tuez quil fut dixsept iours quon ne scauoit en quel lieu il estoit

La puissance  
 & vertu papal  
 le,

Gibert dechaf  
 se de son eues  
 che par son he  
 resie,



Et ce pendât les Germainz auoyent esleu en son lieu son filz Henry quatrième, lesquelz depuis vindrēt aux Italles avecques leur ost pour chasser le pape Gregoire / & mettre en son lieu Clemēt. Mais Mathilde vint au deuant avecques grosse compaignie de gens darmes: lesquelz facilement furent vaincu par Henry & son filz, Icele Mathilde auoit prins en secours des nopces Azon Marquis de Ast qui estoit parent de son premier mari & au tiers degre daffinite. Mais par le commandement du pape Gregoire elle fut diuorcee & separee de Azon. ¶ Or apres que Henry eut vaincu les gens de Mathilde il vint furtiuement avecques son ost iusques a Romme / & fist colloquer & mettre son ost & armee au pres de Neron: il entra en la ville Leonine & a leglise saint Pierre / & pphana le porche de saint Pierre avecques Clement & fut abbatu / & desmoli / & autant en firent du porche saint Paul, Mais pource quil nepouoyent entrer en la ville de Romme il monta en Tybur: du quel lieu faisoit de grandes incursions / & beaucoup de maux a ceulx de la ville de Romme en les affemmant: par quoy le laisserent entrer dedens Romme, Mais le pape ne se voulut fier au peuple de Romme & se retira en la Mole de Adrian / ou il fut assailli par aucun temps, Mais ceulx qui estoient dedans deffendirent tres bien la tour de Adrian. ¶ Or quant Henri entendit que Guiscard duc de la pouille venoit au secours du pape Gregoire: il enuoya par dol & fraude Leuesque de Cluny: par deuers le pape / qui estoit en la tour de Adrian: luy dire quil sen retourneroit en Germanie: sil le vouloyt couronner empereur en leglise de Lateran: & de ce faire le peuple de romme le requeroit tres instamment: a quoy respondit le pape Gregoire quil le feroit volentiers: mais quil voulist corriger & amender les fautes quauoit faictes / & puis quil demandast pardon, Mais Henry nen voulut riens faire / & pource quil scauoit bien que Guiscard / & son armee venoit a toute diligence: pourquoy fist couronner Clement antipape en leglise de Lateran: par le moyen des euesques de Boulonne Mutinense: & Cernienise / & ce fait cestuy Clement sen alla en la ville de Sezne / avecques Hery. Le duc Guiscard vint & entra a romme par la porte Flaminee, Mais les cytoyens de romme luy resisterent: pourquoy: il fist bruller la ville de romme iusques a larc triumpant de Domician, Le peuple de romme auoit bien muni le capitolle du quel lieu ilz se deffendoient tres bien & fierement a lencōtre de Guiscard: lequel auoit desia prins & occupe le cartier de Lateran / & la plus grande partie de la ville / du costé du Capitolle estoit abbatue, Et apres plusieurs assaulx donnez / tant dung costé que daultre finablement Guiscard print par force le Capitolle & puis le fist abbatre & raser par terre: & puis apres habandonna la ville de rōme a piller & destruire a ses gēs darmes, Et quant eut ce fait il vint iusques a la tour de Adrian / ou estoit le pape Gregoire assailli, mais il le deliura dētre les mains de ses ennemis & le mena avecques luy en Cassine / & Salerne: ou peu de temps apres mourut. ¶ Le pape Gre

Le siege deuāt  
Romme,

Le capitolle  
abbatu & rase,

y, ii,



De Victor, clxv, Pape. Et, iiii, du nom  
goire vesquit en la papaulte douze ans vng moys & trois iours,

¶ De Victor, clxv, pape, Et troisieme du nom,



La mort du pa  
pe par venin  
mis en son cali  
ce,

Signes & pro  
diges au ciel,

Victor, iiii, lors quil fut esleu Pape: il auoit nom desidere: & estoit abbe de Cassine: & incontinent quil fut cōferme en la papaulte il voulut tenir & ensuiuir le parti du pape Gregoire: pour laq̃lle chose ie croy: & ymagine que le roy Henry ayt este son ennemy, Et comme dit & escript Martin par sa fraude & subiection il auoit este empoisonne, Cestassauoir en mettāt le poison / & venin au calice du pape ainsi q̃l celebrait la messe, Mais Vincet auoit dit quil estoit mort d'ung flux de vêtre & selonc qui soubdainement luy seroit aduenue laquelle chose se pourroit auoir este faicte: au moyē du venin qui auroit corrompu les entrailles boyeaulx / & intestines. Or auoit intētion Guichard de venger icelle iūre & mort ainsi aduenue au pape, Mais la mort le surprint aps quil eut vaincu les Grecz en lisle de Cassiope: & luy succeda Boemond le plus ieune filz de Roger quāt a la duche de la pouille  
¶ En ce temps estoit grande famine par tout le monde, Au moyen de laquelle famine Ausul roy de Galace print & gaigna la ville de Tollette laquelle auoit este par long temps occupee par les Sarrazis: & icelle bail la a habiter aulx crestiens, Et lors Henry eut vne bataille a lecontre des Saxons ou perdit / & fut tue quatre mille cheualliers: & dieu le parmist affin que finalement delaissast a psecuter leglise, ¶ Aucuns ont escript que en ce temps apparurent plusieurs prodiges / & monstres: & que les gelines / oyes / canes / coulōs / & paons qui estoient domestiques sen volerēt aulx montaignes & deuindrent siluestres & sauuaiges & que vne grande partie des poissōns tant des eaulx doulces que de la mer moururēt / & quil fut si grant tremblement de terre que la grāde eglise de Syracuse tōba par terre: lors quon disoit les vespres / & que le peuple qui y estoit fut tout occis excepte deux qui furent diuinemēt sauuez, Cestassauoir vng diacre / & vng soulz diacre. ¶ Et aucuns ont dit que en ce temps le corps saint Nicolas fut translate & aporte a Bar par des marchās: au quel lieu auoit este: & est en grande reuerence: comme dit Martin lhystorien: qui estoit Descoffe homme de grande doctrine & singuliere vie, ¶ Le pape Victor par la grace de dieu ordonna par escript le liure des canons: il ne vesquit pape q̃ par vng an, iiii, moys: & mourut par suspectiō de poison,

¶ De Urbain, clxvi, pape, Et second du nom,





Rbain pape secōd du nom auoit nō Otho ou Oddo: il fut pretnierement religieulx de Cluny & après Cardinal de Hostienſe & fut cree Pape cinq moys apres la mort du pape Victor: il auoit biē merite dauoir icelle dignite: car cēstoit vng homme de ſaincte vie / & bonne doctrine. ¶ Or voyant par Roger que le pape Gregoire estoit mort / & que les terres de leglise estoient venues a la domination du nouueau Pape Urbain: & par ce moyen quil auoit oportunité de occuper les terres des Rommais

& de leglise / il prinſt la ville de Cape par force & toutes les terres & appartenances depuys la ville de Cape iusques au fleue du Tybre. ¶ Lors le pape ne se fyoit gueres aulx Rommains: pourquoy ſen alla en Melphint ou fiſt vng ſynode pour ſcauoir ou il ſe retireroit pour estre aſſurement, luy eſtant a Melphe fiſt les cōfederations dentre Roger & Boemōd qui auoyent guerre pour la duche de la Pouylle / & leur interdit de ne faire plus de guerres les vngs aulx aultres: & par tel moyen & condition / que Roger demourroit & auroit vne partie de la Pouylle ou demouroit: & le demourant a Boemond / & ce fait le pape ſen alla a Troye: pour reformer leſtat de leglise & erreurs daulcuns prestres & gens de leglise. ¶ Or ce pendant que Roger estoit en la Secille ou batailloyt contre les Sarrazins Boemond furtiuement occupa la ville de Melphe: & quāt Roger ſceut que ſon frere luy auoit fait ſe tour: il amena auecques luy vngt mille ſarrazins a ſa ſoulte / & despens & aſſaillit la ville de Melphe: ou estoit ſon frere qui ſe deffendit vaillāment. ¶ Quant le pape vit quil ny auoit lieu au pays de Itallie qui ne fuſt en noyſe & debat: il ſen vint en la Gaule, & premierement aſſembla vng Synode en la ville de plaiſance ou reforma leſtat des gens de leglise qui estoit trop difforme: & lacif, Et puis apres ſen vint en France / ou fiſt vne choſe digne de grāt memoire: il fiſt aſſembler vng concille en la ville de Cleremont en Auuergne: ou furent tous les prelatz de France & princes leſquelz par ſes parolles & enhortation animā fort les princes & nobles de France & leur bailla couraige de recouurer la ſaincte terre que les Sarrazins / & Turcz occupoyent que a lors ſe croyſerent les princes de France & auecques eulx trois cens mille hommes darmes pour aller oultre la mer conquerir la ſaincte terre. Et fut lan de noſtre ſeignr Ieſuchriſt Mille quatrevingtz & quatre. ¶ Or quāt le pape eut ce fait / il retourna a Romme & puis apres quil eut pacifie les Italles: ilz les admonneſta daller contre les Sarrazins / & pour empescher que Robert cōte de Flādres ne allaſt oultre mer: le roy Hēry hōme pñcieulx & mauuaicſcatholique luy faiſoit guerre, mais pluſieurs ſuiuirēt vng nōme pierre lhermite hōme de ſaincte vie & vertueulx: & ſē allerēt

Concille a cle  
remont en au-  
uergne,

y, iiii,



Gaufredroy de  
byllon,

Pierre lhermi  
te,

par Germanie & Pannonye iusques en Constantinoble: qui estoit le cō  
mune siege pour batailler, Et peu de temps apres le suiurēt Gaufredroy  
de Byllon / & deulx de ses freres, Cestassauoir Eustace & baudouyn hō-  
mes fort vertueulx & de grande prudence, Et oultre y allerent leuesque  
du Puys en Auuergne le Conte de saint Gilles nomme Remond Hu-  
gues le grant frere de Phelippes roy de France, Et deulx Robers, Cest-  
assauoir Robert Conte de Normande / & Robert Conte de Flandres /  
& le Conte de Chartres: ilz passerent les mons: & alpes de Itallie / & vin-  
drent iusques a la ville de Romme, Et apres quil eurent visite les eglises  
de la ville de Romme & les saintz lieulx: & que le pape leur eust donne  
la benediction / ilz sen allerent a brunduse & passerent en Epyrhee, Or  
pource quilz estoient si tres grande multitude que les portz de mer ne le  
pouoyent tous soustenir: les vngz sen allerent en la ville de bar & les aul-  
tres sen allerent en Idrunte. Et quant boemond congneut quon alloyt  
cōtre les infidelles il delaissa Malphe quil occupoit / & pour acq̃rir gloi-  
re & louenge il assembla douze mille hommes darmes bien equippez / &  
accoustrez / & sen alla avecques les Francoys en lexpedition & guerre cō-  
tre les sarrazins: au moyen de quoy Roger son frere: luy accorda quil fust  
sent tous deulx communs en biens / terres / & possessions, Et luy bailla  
Tancrede son filz pour aller avecques luy, car il ne demādoit aultre cho-  
se sinon que a faire guerre aux Sarrazins. ¶ Pierre lhermite / & ses gens  
estoyent ia arriuez en Constantinoble & auoit leue ses têtes / & faict met-  
tre son ost / & armee aux faulx bourgz de la ville de Constantinoble, Mais  
les gens darmes faisoient tant de maulx aux cytoyens de la ville de Cō-  
stātinoble que les Grecz eussent biē voulu que tous les crestiens eussent  
este mors / & perilz en la mer: pourquoy Lempereur Alexis denya aux  
crestiens leur plus bailler de viures / & les contraingnit de partir deuant  
le temps que auoyent delibere de partir: & sen vindrent en bosphore / &  
puis en Nycomedye: & en la ville de Nycee: laquelle ilz assaillirent:  
car elle estoit garnye & munye de Sarrazins: qui estoient dedans: lesquelz  
la gardoyent / & deffendoyent merueilleusement bien, ¶ Or pource  
que nos gens nauoyent plus de quoy viure: & nen pouoyent ou en recou-  
rir: sinon que allassent loing pour fourrager / & amener viures, Mais les  
Sarrazins auoyent mis aux passaiges gens darmes / qui les espioient / &  
tellement furent affoiblis de famine quil delaissereēt de assaillir icelle vil-  
le de Nyce / & sen fouyr: & fut prins regnault duc des Allemaignes par  
les Sarrazins: au quel il firent renoncer la foy crestienne, Et pareillemēt  
a plusieurs de ses gens darmes / & cheualliers: & se rendirent a la domina-  
tion des Sarrazins: par quoy pierre sen retourna en Constantinoble sans  
cheualliers ne aultres avecques luy: dōt lempereur Alexis fut bien aysē  
que les crestiens auoyent eu si grande perte & dommaige: car il esperoyt  
que au moyen de icelle destruction que les crestiens delaisseroient a fai-  
re la guerre aux Sarrazins, Mais ce pendant arriua aux faulx bourgz de



Constantinoble aultre grosse armee de crestiens, Et quant l'empereur Alexis vit quil ne les pouoyt assaillir en plain champ de bataille/car il nestoit pas assez fort/de nuyt les vint assaillir, Mais ceulx qui faisoient le guet de la nuyt se deffendirent si vaillamment/& iusques que les autres gens darmes qui dormoyent fussent reueillez/& quilz eussent prins leurs armes, Et de rechief les vint assaillir Alexis le iour dapres: mais il ny gaigna rien, Parquoy Boemond ou nom de toute larmee des crestiens fut enuoye par deuers l'empereur Alexis: lequel tant par menasses que par promesses/le contraingnit de faire paix & confederation avecq's les crestiens/& quil leur bailleroit viures & passaiges asseurement par toute l'empire, Et que les terres qu'on prendroit sur les sarrazins/seroyent a luy/& les renderoyent subiectes a son empire/sors & excepte Hierusalem, Or quant les confederations & paix furent faictes/les crestiens passerent Bosphore/& vindrent en Nicomedie, Et puis deuant la ville de Nicee/laquelle fut bie asprement deffendue p les sarrazins qui y estoient en la ville en garnison, Car les sarrazins & les turcz estoient alieez ensemble/& estoient soixante mille qui occupoyent & gardoyent les montaignes & passaiges/& monstroyent signes a ceulx qui estoient en la ville de Nicee/quant ilz vouloyent venir assaillir lost des crestiens, Au moy en dequoy les crestiens eurent grans dommaiges/car incontinent ilz sen fouyrent aux montaignes/& par ainsi icelle ville estoit a prendre/attendu que les sarrazins & turcz gardoyent les passaiges/qu'il ne pouoyt venir de viures aux crestiens: mais bien en pouoyent enuoyer aux sarrazins qui estoient en Nicee/& parcillement secours, Mais vindrent tant de petit basteaux de Constantinoble/lesquelz furent arrangez au lac & riuere de Nicee/ausquelz estoient les crestiens qui deffendoyent que les sarrazins de Nicee eussent secours ne viures, Parquoy cinquante & deux iours apres quilz furent assailliz/ilz se rendirent aux crestiens/par telle condition/que les turcz qui estoient dedans la ville en garnison/ilz sen yroient avecques leurs biens & armes. Apres que les crestiens eurent mis garnison en la ville de Nicee/sen allerent par lieux desers:& diuiserent les crestiens leur armee en deux parties, Cest assavoir boemond en menoit vne partie/& Godefroy de buillon lautre, Or apres que boemond eut longuement chemine/trouua vng beau lieu fort herbu & plain de herbes/au pres estoit vne riuere ou il fist arrester son ost & tondre les paillons/pour se reposer luy & ses gens darmes qui estoient fort trauaillelz dauoir passe les desers, Mais incontinent les sarrazins & les turcz/lesquelz le duc Solimanemenoit: assaillirent boemond & son ost: Car ilz estoient si grande multitude quilz lauoyent du tout enuironne/& leul sent tue & occis avecques tous les crestiens qui estoient avecques luy/se neust este Hugues & Godefroy qui sceurent les nouuelles par espies: lesquelz vindrent au secours avecques quarante mille cheualliers, Et fut la bataille si grande & furieuse dung couste & daultre/quelle dura iusques

y,iiii,

Soixante mille  
turcz & sarrazins,

Quarante mille  
turcz occis  
p les crestiens,



Bauldouin p<sup>r</sup>-  
mier seigneur  
Dacie

Antioche

que la nuyt vint/qui fist cesser la bataille/car aultrement elle neust cesser. Or le lendemain de la partie des sarrazins/turcz/arabes/medes/syriens/& Caldes/qui estoient venuz contre les crestiens/& quilz furent tueez & occis en la bataille/furent nombrez quarante mille homes, Or sen estoit fouy Solymanne/pource quil rencontra dix mille Arabes qui venoyent a son secours/& diroit quil auoit eu la victoire des crestiens, Lesquelz il mena en Lycaonie ou debuoyent aller les crestiens/pour leur empescher les viures, Mais lors les bledz estoient matures & bons a cueillir: parquoy ilz ne pouoyent nuire aux crestiens dauoir des viures, Et par ce moyen paruindrent iusques a Iconie/premiere cite de Lycaonie, Laquelle cite se rendit aux crestiens/& Heraclee/Tarse/& aultres villes & chasteaulx. Et pource que Bauldouin estoit homme magnifique & de grant couraige/on luy donna la seigneurie & domination de Tarse & ses appartenances:& fut le premier qui eut domination en Asie:& depuis conquist la ville de Edesse & de Maniste, Et puis les crestiens vindrent en Cilicie/quon appelle maintenant la petite Armenie: Laquelle fut prinse du premier assaut/& fut baillie le gouuernement dicelluy pays a Palinure Armenien/qui auoit acoustume & suyuoit larmee des crestiens, Et aps les crestiens montirent les grans montaignes:& prindrent Cesaree & Capadoce/& puis vindrent descendre deuant Antioche/& a lors Cassiane en estoit roy, Icelle ville aultresfoys auoit este appelee Reblata: cestuy Cassiane lauoit faicte enuironner de doubles murs/& y auoit faict faire quatre cens soixante tours. Cestoit la ville ou saint Pierre aultresfoys auoit tenu son siege: dicelle ville saint Luc leuangeliste & Theophile furent natifz/auquel Theophile saint Luc enuoya & escripuit son euangille & actes des apostres, Antioche fut le premier lieu ou les habitants furent regenez par baptesme & furent appelez crestiens:& furent en lordre & gouuernement des crestiens par mille ans, Il y auoit eu aultresfoys soubz le patriarche de Antioche cent soixante euesques/au parauant que icelle ville eust este prinse par les payans & barbares, On list que en icelle ville y auoit troys cens soixante eglises: Lan de nostre seigneur:mille quatre vingtz & dixsept:la ville Dantioche fut prinse p les crestiens, Et en ce teps le pape Vrbain fut fort agite de seditions, Et pour obuier a icelles fut deux ans en la maison Pierre Leon/bourgeois & citizen de la ville de Rome/demourant pres leglise saint Nicolas des prisons Tuliannes, Or apres que Iehan pagane/homme fort sedicieux fut mort. Le Pape fut vng peu en liberte/& commença a reduire lestat de leglise/car il restitua larcheuesque de Millan en son archeuesche de laquelle il auoit este expulse/pource quil nauoit este sacre que par vng euesque/qui estoit contre le droit diuin:& aussi pource quil en auoit faict penitence en vng monastere volontairement, Et lenuoya a Millan avecques icelles lettres, Litteris tuis exorati cum apostolice sedis benedictione pallium fraternitati tue mittimus: quod quidem dignitate ge-



aus nulli ante nisi presentí concessum est. Et pareille prerogatiue & dignite donna a larcheuesque de Tollete. Le pape Urbain anathematiza le roy de Galice / & tout le diocese de sainct laques: pource quilz auoyent mis en prison leur euesque sans cause, Et lors vint a Romme leuesque de Soissons / & renonca liberallement a son euesche / laquelle auoit obtenue du roy de France. Or ce voyant par le Pape / & quil estoit necessite a la prouince dauoir vng bon prelat / il luy restitua: combien quil le refusa & ne le vouloit accepter ne prendre, Mais il y fut contrainct par le Pape / & luy fist le serment disant telles parolles: doresnauant ie communiqueray auecques les crestiens / ne seray aux consecrations des euesques ou abbez / qui auront este pourueuz de leurs benefices par gens layz: qui est contre droit & equite / & dieu me soit a tesmoing & aide / & par les sainctes euangilles que ie touche presentement. Et autant en fist leuesque de Beauuoy. Et pourtant le pape Urbain nestoit pas si pertinax que aucuns ont escript: car il ne voulut admettre vng clerc a reprendre les sainctes ordres que aultresfoys auoit eues de lautre pape Gybert: car cestoit vne chose de mauuaise exemple pour le temps aduenir. Et pour tant vng saige homme aulcunffoys doit muer & changer son opinion.

¶ L'ordre de Citeaulx commença en ce temps au pays de Bourgonne / & icelle conferma. Et aucuns disent q en ce temps fut l'ordre des Chartreux: Mais aucuns disent que ce fut au temps du pape Victor troysiesme. Le pape Urbain vesquit douze ans quatre moys & dixneuf iours en la papalite. Et puis alla de vie a trespas la quatriesme Kalende du moys daoust / pres leglise sainct Nicolas des prisons Tuliannes / en la maison Pierre leon honorable citoyen de Romme. Et fut porte son corps par le quartier & region Transtyberine / en leglise sainct Pierre / ou fut enseuely pour obuier aux sedicieux / quil luy vouloyent & se efforcyent faire mal en la vie & a la mort / silzeussent peu faire.

Lordre de Citeaulx  
Lordre des Chartreux

¶ De Paschal. clxvii, Pape: & secōd du nom,



Aschal Pape second du nom / auoit nom Rainer deuant quil fust Pape: Il estoit ytalien du pays de Flaminee. Son pere auoit nom Crescence: & sa mere Alfacia. Il fut cree Pape au temps que les crestiens estoient en Asie / & quilz prindrent la ville de Antioche / par le moyen dung citoyen nomme pyrrhe homme riche & puissant. Mais pour la grande vertu & vaillace quil veoyt estre en Boemonde / il luy parmist redre la ville Dantioche / par telle condition quil gouuernerait icelle ville. Or quant les crestiens

La prise Dantioche



La lāce dōt nostre seigneur Iesuchrist fut frappe

La situatiō de Iherusalem

furent entrez en la ville/ilz pardonnerent presque a tous les habitants/si non aux turcz qui estoient en garnison. Le roy Cassiane sen fouyt aux montaignes/ou il fut tue & occis par les Armeniens, Il ne restoit q̄ vne tour que Antioche ne fust du tout aux crestiens:& ainsi que Boemond lassailloit il fut frappe dune fleiche en la cuisse/dont il fut par aucuns iours malade:pourquoy on nassailloit point icelle tour par aulcū temps. Or ce pendant Corbone roy de Perse/estoit venu au secours de Sensado le filz de Cassiane:pour recouurer Antioche quauoyent gaigne les crestiens, Mais ilz ne vouloyent batailler/& se tenoyent aux montaignes: tellement quon ne les pouoyt auoir ne prouoquer a batailler, Or lost des crestiens estoit presque tout affame:pourquoy Boemond qui estoit reue nu en conualescence & guaruy de sa playe/se delibera de les assaillir:cōbien quilz fussent en mauuais pays & lieu pour ce faire/& fort dange reux pour les crestiens, Mais neantmoins il se mist le p̄mier deuant portant en sa main la lance pour estandart:dont nostre seigneur eut le couste perse par Longin le iour de sa passion, Laquelle lance auoit este trouuee en leglise sainct Andry/en la ville Dantioche, Les sarrazins & payās se deffendirent tressort:mais les crestiens les vainquirent & en tuerent & occirent plus de cent mille, Et fut trouue en leurs têtes & pavillons plus de quinze mille chameaulx:lesquelz les crestiens charcherent de leurs bagages & de vituailles/& les amenerent en Antioche ou firēt grāt che re/car ilz estoient affamez, Et puis quāt celluy qui gardoit la grosse tour & chasteau Dantioche/sceut & cōgneut q̄ les sarrazins & payās estoient deffaictz/il se rendit:& mist la tour & chasteau en lobeissance de Boemond/& ce fist crestienner, Et fut dict aux payās & sarrazins qui estoient en garnison/que si se vouloyent faire crestiens/quilz sen yroient leurs vies & biens saulues ou vouldroyent aller, Or lors eut grande altercatiō entre Boemond & Raymond/qui dominerait en Antioche:car Boemond la vouloit auoir/& Raymōd disoit que ce nestoit raison/& quon lauait promise a lempereur de Constantinoble, Mais le differant pour en iuger fut remis aux prelatz gens deglise & clerchez qui estoient presens:lesquelz adiugerent Antioche a Boemond, Lors mourut Hugues le grant en Constantinoble/qui y estoit alle pour laccord Dantioche, Apres que Antioche fut adiugee a Boemōd/tous les princes crestiēs excepte Raymond/qui assailloyt Cesaree & Capadoce/sen allerent/& vindrēt tous en Lycie, En chemin ilz assaillirent Tortose/ou ilz furent troys moys: mais ilz ny firent riens, Pourquoy leuerent le siege & sen allerent a Tripolim & la prindrent, Et par argent quon donna au gouuerneur/il marchandade fournir de viures lost des crestiens, Et fist paix avecques les crestiens/par telle condition que silz prenoient la ville de Iherusalem/qui se feroit baptizer & prendroit la foy de Iesuchrist, Or les crestiens firent tant par leurs iournees quilz vindrent deuant Iherusalem:laquelle ville est situee & assise en vne haulte montaigne/ou sont plusieurs valees dife



ferentes & distantes les vnes aux aultres, Tellement que Iherusalem ne pourroit estre occupe & prins / sinon que par grosse armee & grant exercice / car des montaignes ne viennent aucunes fontaynes ne eaves / qui est chose necessaire a vng ost, Et n'ya aucuns fleuves / sinon le fleuve de Siloe / lequel est fort petit au tēps deste / & aulcunesfoys est sec & aride / Il court & flue p la vallee de Iosaphat, Mais il ya en la ville de Iherusalem plusieurs cisternes / & pareillement aux villaiges & champs quilz ne peuent seruir que aux habitans / & non pas a vng grant ost & armee, Les crestiēs se fournerēt & achapterēt de toutes choses qui leurs estoient necessaires: & puis en quatre lieux assaillirent la ville & cite de Iherusalem q occupoyent les sarrazins: & fut aux ydes & moys de Iuillet, Mais les sarrazins qui estoient dedans se deffendirent fort & asprement a l'encontre des assaulx des crestiens, Mais apres que les crestiēs eurent assailli & mis le siege deuant Iherusalem trente & neuf iours / ilz la prindrent par force / & entrerent dedās: Lan de nostre seigneur mille quatre vingtz & dixneuf: apres quelle auoit este occupee des sarrazins: Lan quatre cens & nonante / au temps de l'empereur Heraclien, De la prinse de Iherusalem / les crestiens & tous aultres en donnerent louange & gloire a Gaudefray de buillon: car il monta le premier sur les murailles de la ville de Iherusalem, Or quant il fut dedans la ville de Iherusalem / dist a Baudouyn quil gardast que les crestiens nentraissent par les portes / & qui les leur fermaist, Mais les crestiens rompirent les portes & entrerent dedans Iherusalem / si furieusement quilz firent si grant occision de ceulx qui estoient en Iherusalem & au temple / que le sang courroit par tout / & y estoient les crestiens par dessus les talons / & eussent les crestiēs prins ce iour mesme le temple / se la nuyt ne fust venue, Mais le lēdemain les crestiens recommencerent la bataille contre ceulx qui cestoyent retirez au temple: mais ilz se rendirent a mercy & requierent misericorde, Apres q les crestiens eurent eu icelle grande victoire / vng chascun alla veoir & visiter le sepulchre de Iesuchrist / & aultres lieux saintz & sacrez / & furent huyt iours a faire leurs deuocions en paix & tranquillite, Et puis tous dung accord prindrēt Gaudefray de buillon / & le porterēt sur leurs espaulles iusques a la maison royale de la ville de Iherusalem: & le firent & constituerent roy de Iherusalem, Lequel royaume il accepta & voulut bien auoir, Mais il ne voulut prendre la couronne dor: & la reiecta disant quil n'appartenoit dauoir en icelle ville vne couronne dor / en laquelle nostre seigneur dieu auoit eu & porte vne courōne despines pour la redemption de l'humain gēre, Et puis par les euesques arnulphe prestre fut sacre patriarche de Iherusalem, Or quant les villes & citez cōgneurent la puissance des crestiens / enuoyerent ambassadeurs p deuers le roy Gaudefray / & se mirent en son obediēce. Mais peu de temps aps on luy denōca / que Clement duc & capitayne de l'armee de Solimane / roy de Babylonne / estoit en la ville de Ascalonne / laquelle nestoit di-

Iherusalē pris  
p les crestiens

Notable di  
gne de memoire,

Gaudefray de  
buillō roy de  
Iherusalem



Pierre Ihermi  
te garde de  
Iherusalem

stant de Iherusalem/que vingt mille pas:& laquelle ville faysoit tousiours beaucoup de maux au peuple de Iherusalem, Pourquoy se delibera Gaudefray daller laffaillir:& laissa Pierre Ihermite pour garder Iherusalem:& mena avecques luy Eustache & Tacrede, Et ainsi quilz alloyent en Ascalonne prindrent aucuns captifz/qui dirēt au roy Gaudefray quilz estoient cinquante mille hommes, Et quilz auoyēt de grādes nauires chargees de bledz froument & aultres machines/& artillerie seruant aux faictz de la guerre, Et apres quil eut sceu icelles nouuelles/il fist assaillir iceulx sarrazins si asprement/que les crestiens en tuerent trente mille en icelle bataille:& Clemēt leur duc & capitaine sen fouyt par mer, Or quant les Ascalonites virent icelle desconfiture des sarrazis ou auoyent eu grant dommaige/ilz se rendirent au roy de Iherusalem Gaudefray, Lequel entra dedans luy & son ost/& y fut trouue de si grātresorsdor & dargent en icelle ville/que cestoit vne chose inestimable, Apres que Iherusalem & la terre saincte fut conqueste & recouerte p les crestiens/plusieurs princes sen voulurent retourner vng chascun en leurs pays, Et ne demoura en Iherusalem que Gaudefray & ses freres: lesquelz depuis prindrent Ioppe & Ramule/qui estoient sur le riuage de mer:lesquelles villes estoient mal faisantes aux crestiens/quant vouloyent aller de Iherusalem en Ascalonne/& ny pouoyent aller asseurement, Et oultre prindrēt la ville de Caïpha/aultremēt dicte Prophoia/qui estoit situee & assise au bas de la mōtaigne Carmeli/pres la ville de Accon/a quatre mille pas, La ville de Tybere se rendit volontairemēt a la domination des crestiens, Mais il nya rien en ce monde qui soit perdurable ne pareillement aucune felicite, Vng an apres que Gaudefray eut prins Iherusalem & quil eut endure de grans labeurs/peines & trauaulx/il alla de vie a trespas dune siebure, Et affin que le royaulme de Iherusalem ne fust en dangier/les crestiēs eslirent en son lieu Bauldouin son frere pour estre roy de Iherusalem: Lan de nostre salut mille cent & vng an, ¶ Or ie retourne au pape Paschal/lequel le pape Gregoire, vii. le fist prestre & cardinal du tiltre sainct Clemēt:pource quil estoit saige prudent & de grande doctrine, De laquelle eglise sainct Clemēt depuis quil en fut titule il nen bougeoit en priāt dieu, Et apres que le pape Urbain fut mort:il fut esleu par tout le clerge a la dignite Papalle, Laquelle dignite ne vouloyt accepter/car il aymoīt viure solitairement/pource que aultressoyz il auoit este religieux/disant que cestoit trop grande charge & quil ne la scauroit porter:& se latita & cacha affin q l ne le fust point, Mais le peuple le desiroit/& tous les cardinaulx & le senat de Rōme, Et par troys foys fut a haulte voix proclame par le clerge/disant tel les parolles, Sanctus Petrus Rainerium virum optimum pontificē elegit, Et puis fut nomme Paschal par les scribes & secretares des regions/ puis apres il fut vestu dung manteau coccineau/& le Tyare fut mis en la teste: puis fut monte sur vng cheual blanc/& mene en grande compai

La mort de  
gaudefray roy  
de Iherusalē



gnie de peuple & clerge en leglise de Lateran/ou il fut assis en la chaire  
 saint Pierre, Et puis on luy bailla vng baudrier/dont il fut seint/ou p<sup>e</sup> Sept clefz &  
 doient sept clefz & sept seaulx: affin quil congneust auoir les sept dons Sept clefz &  
 & graces du saint esperit/& auoir la puissance des eglises/de ouurir dō- sept seaulx  
 ner & bailler les graces/& aussi la puissance de les retirer & clōre. Et puis  
 on luy bailla vng sceptre en sa main/pour gouuerner les lieux qui app-  
 tiennent au Pape. Et peu de temps apres il fut consacrer en leglise saint  
 Pierre, Et le consacra Oddo euesque de Hostiense/Maurice euesque de  
 Portuence/& Gaultier Dalbanie/Bono Lauican/Milon de Preneste/  
 Offo de Nepesine. Et icelle consecration appartient a faire a leuesque  
 cardinal de Hostiense:& de present encores a il ceste preeminence, Ap<sup>s</sup>  
 lonction le pape Paschal en venant en la ville de Romme receut la cou-  
 ronne/comme on auoit acoustume de faire. Et aultresfoys lauoit deuine  
 Albert euesque de Alatrīne: car ainsi que vne fois il fut interrogué qui  
 seroit pape apres le pape Urbain: il fist responce que ce seroit Raymere/  
 & que dieu le līsoyt pour cause de sa foy & prudēce, Et oultre icelluy Al-  
 bert predīst le temps qui debuoyt viure en la papalite, Le pape Paschal  
 voyant que leglise estoit gastee par seditions: il institua de faire guerre  
 contre Gibert antipape, Et pour ce faire Rogier conte de Secille luy  
 enuoya des gens darmes & mille vnces dor, Or quant Gibert congneut  
 approcher larmee du pape/il ne se fioyt pas trop a ses gens q̄ luy auoit  
 enuoyez Richard conte de la Chāpaigne, Et delaissa la ville Dalbe ou  
 se tenoit & sen fouyt aux montaignes de Fourconne/quon appelle mai-  
 tenant Aquilaine, Mais icelluy Gibert ny fut guieres quil nemourust  
 de mort subite:& par ainsi leglise fut desliuree de cestuy mauuais hom-  
 me, Mais neantmoins ne fut du tout desliuree des seditions: car apres la  
 mort de Gibert/Richart conte de la Champaigne qui auoit ayde de gēs  
 darmes & dargent a Gibert, fist eslire en son lieu vng nomme Albert de  
 la ville de Atellanne: laquelle est maintenant en ruine/elle estoit entre  
 Capue & Naples, Cestuy Albert fut contrainct de renoncer a la papali-  
 te/& fut relegue & enuoye en exil, Or apres les habitans du pays & na-  
 tion de Cauense/qui demourent pres de Preneste: ensuyuirent la folie  
 & arrogance de richard/& eslirēt vng nomme Theodorica pape, Mais  
 puis apres sen repentirent, Et cent & cinq iours apres quilz eurent esleu  
 icelluy Theodoric/ilz le deiecterent de la papalite/& si le contraingnī-  
 rent de prendre labit dung hermite/affin quil vesquist solitairement,  
 Le troysiesme qui voulut occuper la papalite/ce fut Maginulphe cītoy  
 en de la ville de romme/& tenoyt la dignite papalle en la ville de rauā-  
 ne: Mais neantmoins les rommains lenuoyerent en exil, Et puis apres  
 chasserent & debouterent tous les habitans de rauanne dehors la ville,  
 ¶ Or apres que leglise de romme fut pacifīee & appaīsee/le bō pape Pa-  
 schal/homme de tresgrant esperit & entendement/lors de religion &  
 deuocion/se conuertit & deslibera aux armes/car p la puissance & ayde  
 31.

Plusieurs anti  
 papes furēt en  
 ce temps



Dou sont ve-  
nuz les Colū-  
noys

Famille de  
Corse

Cōcille assem-  
ble en la ville  
de Troye

que luy bailla & donna Rogier: il recouura la ville de Castellanne & de Beneuent: Lesquelles estoient occupees & detenues par les ennemys de leglise Rōmaine, Or ce pendāt Pierre colūné cōitoyen de la ville de rōme/par le cōmandement de Richart conte de chāpaigne/occupa Cauas qui apptenoit a leglise de Rōme, Pourquoy le Pape mena son armee a Cauas/ & la recouura: & avec ce prīnt les chasteaulx Zagarole & Colūne/qui apptenoient a Pierre Colūne a cause de son pere, le croy q̄ lenō & la lignee des colūnoys est venue de ce lieu, Et lors estoit vne aultre famille a rōme qu'on nōmoit Corsiens, Ilz furēt fort fideles au pape Gregoire. vii, tellement q̄ leur maison qui estoit soubz le capitolle/ fut abbattue par lēpereur Henry. iiii, Mais puis aps Estienne corse prince & gouuerneur dicelle famille mua lamytie/ & en labſence du pape Paschal il occupa furtiuement leglise sainct Paul/ & le chasteau qui estoit assis au pres. Et nuyt & iour faysoit des alarmes a ceulx de romme/ & pilloyt & emportoit ce quil pouoyt prēdre, Mais quāt le Pape le sceut/ il delaissa ce quil auoit entrepris & vint a rōme/ & p force chassa icelluy Estiēne leq̄l eschappa en habit de moyne, Les historiographes ceulx qui ont escript les choses aduenues en ce tēps/ ont escript q̄ lors la mer senfla & alla oultre son cours & oultre les riuāiges plus de vingt pas: & aultres lieux plus de cēt, Et si apparut vne comette/ quil ne sapparoissoit sinō quāt le soleil estoit couche, Le Pape ne seſbahissoit point diceulx pdiges: car il disoit q̄ cela venoit naturellement, Or pource q̄ leuesque de Florence disoit que lātechrist estoit ne/ le Pape alla a Florēce ou il assembla vng cōcille/ ou fut la matiere consultee: & fut trouue que leuesque de Florence auoit tort & croyoit trop de legier/ dōt il fut reprins du pape / p parolles honnestes ladmōnesta de ne plus dire ne croire telles parolles si legierement, Et de la sen alla en Guardastale cisalpine/ ou assembla vng cōcille de plusieurs euesques & princes/ ou fut discute des hōmaiges des inuestiteres & sacremēs que faysoient les gēs deglise aux gēs layz/ & cōment les debuoyent faire, Or cōme le Pape eut congneu que les p̄stres de Frāce ne viuoyēt pas ainſi quilz debuoyent hōnestement & chasteuēt: pour ceste cause il sen vint en Frāce/ & puis fist assembler vng concille / en la ville de Troye: ou furēt aulcuns platz deiectez de leurs dignitez & platures & les aultres cōfermez, Et aps que le Pape eut reforme lestāt de leglise de frāce, Il sen retourna aux ytalles/ pource quil auoit ouy dire que tout estoit en seditiō, Car Estienne corse auoit prins & occupe la haulte mōtagne/ & tout ce qui est du patrimoyne de leglise/ qui tire vers Hetrurie, Et auoit mis aux chasteaulx garnisons/ & par chascun iour ne faisoit que piller & robber tous les biens des villes circonuoyſines, Mais le Pape Paschal le deschassa & debouta par force de lung des chasteaulx Mais de lautre il ne peult pour lors: pource quil estoit presque imprenable. Et que aussi il faysoit grant froit en ce temps la/ car cestoit au temps dyuer, Or pource q̄ le pape Paschal sen vouloit aller en la Pouille/ pour



pacifier les ytalles/bailla a garder a leuesque de Lauicanne/& a Pierre/  
 & a Leon fregepain/la ville de Rōme & les faulxbourgz, Et recōmanda  
 a Ptolomee seignr de Sullēce/les terres adiacentes de la ville de Rōme,  
 Et delaissa son nepueu Gualfrede duc & capitaine de leglise de romme  
 pour garder & regir la seigneurie de leglise, Apres q̄ le pape sen fut alle  
 Ptolomee disoit q̄ iamais le pape ne retourneroit: parquoy ilz occuperēt  
 les terres & seigneuries de leglise: Lesquelles depuis le pape recouura & Les terres pa-  
 en dechassa les vsurpateurs, Apres q̄ le pape eut recouuert les terres de palles recou-  
 leglise/il mist son estude & vouloyra la guerre de Asie: & enuoya lettres uertēs a leglise  
 ptout aux princes crestiēs/pour dōner secours aux crestiēs, Car Gaude  
 fray roy de Iherusalē estoit mort/& les sarrazins auoyēt assemble gran-  
 des armes/& estoeyēt venuz deuant Iherusalē:& ne sen auoit guieres fail-  
 lu q̄ la ville neust este prinse des sarrazins/car ilz auoyēt vaincu les cre-  
 stiens:& y estoit mort en la bataille le duc de Bourgōne, Et Boemond a-  
 uoit este prins tout vif/& a grāt peine auoit peu eschapper le roy Baul-  
 douin/frere de feu Gauldefray de buillon. Mais neantmoins combien  
 que les sarrazins eussent eu icelle victoire/ilz nosrent toutesfoys assail-  
 lir la ville de Iherusalem, Tācrede deffendit vaillāment Antioche/&  
 print p force la ville de Laodice/qui estoit de lep̄re de Constātinoble/  
 Pource q̄ lep̄reur Alexis estoit bien aise dequoy les crestiens auoyent  
 eu si perilleuse guerre des sarrazins, Et aussi quil auoit empesche q̄ les  
 gens darmes crestiēs ne vinssent au secours des crestiēs/cōtre les sarrazins  
 Neantmoins peu de tēps apres le roy Bauldouin vint en grosse armee  
 cōtre les sarrazins qui estoeyēt en la ville de Accon/& furent tous descō-  
 fiz & tuez, Tācrede fut si pitoyable enuers son oncle Boemōd/quil le ra-  
 chapta des sarrazins/ou auoit este captif p troys ans, Et puis luy rēdit la ville Dātioche: laq̄lle ville depuis Boemōd la bailla a gouuerner a Tā Tancrede es-  
 crede, Et depuis sen vint aux ytalles/& de la en Frāce:& print en maria- poussa vne fil-  
 ge Constāce fille de phelippes roy de Frāce, Et ce faict sen retourna en le de France  
 Constātinoble/ou trouua lep̄reur qui faysoit guerre aux villes Dātio-  
 che qui estoeyēt sur la mer, Pourquoy Boemond occupa Dyrache/affin  
 que Alexis lep̄reur delaissast la guerre quauoit encōmencee: ce q̄ fist  
 incōtinent & demāda paix auecques Boemond, Laquelle luy accorda p  
 telle maniere quil ne feroit iamais guerre aux crestiēs Dantioche:& q̄l  
 laisseroit passer tous les cheualliers crestiēs p ses villes portz & terres/en  
 allāt contre les sarrazins/& quil leur bailleroit saucōduict, Or aps que la  
 paix fut faicte/Boemond sen alla veoir Bauldoīn/qui auoit assiege vne  
 ville pres de la mer/nōmee beritū:& auoit este bien deux moys deuant,  
 Mais pour la bien venue de boemōd/les crestiēs se resiouyrēt tāt q̄ icel-  
 le ville fut prinse d'assault & p force: mais les crestiēs y eurent beaucoup  
 de maulx, Pourquoy elle fut habādōnee aux crestiēs/& y demourerent  
 Et oultre les crestiens prindrēt la ville Sydon: mais lors que les crestiēs  
 estoient si eueux contre les sarrazins a recouurer la saincte terre/le pri-



ce Boemond alla de vie a trespas, Et laissa son heritier son filz qui estoit petit enfant: lequel auoit eu de Constance sa femme, Cestuy enfant fut depuis prince de Antioche: & luy garda la seigneurie son oncle Tancre de tant quil fust en aage, Or ce pendant l'empereur Hery, iiii, qui auoit vaincu son pere en bataille / dont il estoit mort: apres quil eut faict ce quil voulut en Germanie / il sen vint aux ytalles / & se arresta en Sutrie: pour ce quil scauoit bien que le pape Paschal nestoit pas trop content de sa venue, Pource quil auoit destruit & gaste plusieurs eglises: & contre dieu & raison auoit cōfere & donne eueschez: prelatures, abbayes & aultres benefices de leglise a gēs indignes / & cōtre le vouloyr du Pape & statuz, Or pour faire la paix entre Henry. iiii, & le Pape: furent enuoyez dung couste & daultre plusieurs legatz: tellemēt quil fut accorde que l'epereur Henry feroit renoncer les euesques a leurs eueschez & possessions dicelles: Lesquelles auoyent eues de luy par argent & aultrement indeuement, Et aussi quil entreroit a Romme / & viendroyt sans aucun mal faire: & ainsi le iura & afferma, Parquoy les portes luy furēt ouuertes / & entra a Rōme en grant honneur: & furent au deuāt de luy le peuple de romme & le clerge / teuestuz de saintz vestemēs / portans les reliques des saintz, Et entra par la porte Leonine / & de la sen alla tout droit a leglise de saint Pierre / ou le pape & les cardinaulx lattendoyent aux dessus des degrez de leglise saint pierre / ou il baysa les piedz du pape / & puis entra en leglise saint pierre, Et apres quil eut faict son oraison deuant lautel il dist au pape quil failloyt qui cōfermast tous les euesques / ausquelz il auoit dōne les eueschez: combiē quil eust iure de iamais ne requerir ce quil requeroit au pape, Mais le pape luy respōdit quil nen feroit riens, Et lors Henry fist signe a ses cheualliers & gēs darmes / quilz prinsent le pape & tous les cardinaulx: ce que firēt / & les despouillerent des aornemēs deglise dont ilz estoyent vestuz, Et avecques le pape les menerēt prisonniers en leurs têtes & pauillons, Mais le peuple de Rōme fut si indigne de la grāde iniure quon auoit faicte au pape & cardinaulx / quilz se mirēt en armes / & chasserent iceulx teutoniques & gēs darmes de Henry / qui estoyent en la ville Leonine / & leurs fermerēt les portes. Quāt l'epereur Henry sceut que ses gēs estoyent chassez de rōme: il mrena le pape & cardinaulx en vne haulte mōtagne appelee Soracte: & maintenāt on lapelle la mōtagne saint Siluestre, Et la en vng lieu biē ferme & clos / y fist mettre le pape & les cardinaulx: & y delaissa grāde cōpaignie de gēs darmes pour les garder, Et puis vint avecques son armee pour assaillir la ville de Rōme: premieremēt il occupa le pōt de Mamee / dict & portāt le nō de Mamea / qui fut mere de l'epereur alexādre: la q̄lle auoit faict edifier icelluy pōt, Le q̄l pōt & tout ce qui estoit au tour il fist brusler / & maisons & villaiges: & raysoit cōtinuellemēt de grās maulx aux habitants de Rōme, Pour obuier a iceulx le pape eut pitie & cōpassiō du peuple de Rōme: & pour obtēperer a leur req̄ste fist venir des notaires de la

Le pape & les  
cardinaulx fu  
rēt mis en pri  
son

Du couronne  
mēt de l'epere  
ur hery, iiii,



ville de Romme iusques sur le pont Salarum/ou auoit este mene par l'empereur & ses gens:& contre sa volente conferma tous les euesques qu'auoit crees l'empereur, Et par ce moyen le Pape fut deliure & tous les captifs d'ung couste & daultre, Et puis fut Henry couronné empereur en leglise de saint Pierre/& puis sen alla au pays de Germanie, Or apres q le Pape eut pacifié les ytalles/il pria & requist les Pisans de secourir les crestiens/car en ce temps la ilz estoient fort puissans sur la mer/& estoient seigneurs des isles Baleares/ou venoyent les sarrasins qui faisoient plusieurs maux aux Crestiens, Pourquoy les Pisans quilz ne demandoient q acquerir gloire & renommee/ainsi quilz attendoyent le vent quil leur fut propice/au port & lieu de Volaterane: les habitants de Luques allerent assaillir la ville de Pise/laquelle estoit vuide de gens darmes & de puissance, Mais les Florantis secoururent les Pisans/& chasserent les Luquains iusques en leurs pays, Pourquoy quant les Pisans reuindrent de la bataille des sarrasins/leur donnerent deux coulones de porphyre/qui sont encores de present & les veoyt on deuant leglise saint leha baptiste, Depuis que l'empereur Hery sen fut alle en Germanie/le pape assembla vng concille en leglise de Lateran, Et reuocqua tout ce quil auoit fait avecques Henry l'empereur/& quil lauoit fait par force & a la requeste des cardinaux qui estoient prisonniers/& du peuple de Rome qui estoit oppresse & armee de l'empereur, ¶ En ce temps la cotesse Mathilde laquelle estoit La mort & testament de Mathilde  
vieille femme/alla de vie a trespas:& laissa par testament a leglise de Rome/tout ce quil luy apprenoit depuis le fleuve de Pissia iusques a saint Quiriacque/qui est au terrouer de Sene tirant vers Ceperanne & Apennine iusques a la mer, Et oultre donna & legua la ville de Ferrare/laquelle est encores de leglise de Romme subiecte & tributaire, Vincent dict q Mathilde mourut en Florence au temps que la plus grande partie de la ville fut bruslee/& y furent bruslez & ars plus de deux mille hommes, Et que son corps puis apres fut transporte en Cisalpine/en vng monastere de saint Benoist distant de la ville de Matue douze mille pas, Mais ie croy que Mathilde mourut en la ville de Matue/& quelle commanda par son testament quelle fust enseuelie au monastere saint Benoist: lequel elle auoit fait construire & edifier a ses despens/par le moyen de Anselme/homme de sainte vie & aucteur: que Mathilde auoit fait icelluy tant magnifique & sumptueux monastere. Et depuis ie trouue que icelluy Anselme euesque de Luques y auoit este enterre, Et depuis translaté en la grant eglise cathedrale de la ville de Matue:pource quil faisoit de grans miracles:& que au moyen de ce ne fust desrobe & transporté furtiuement en estrange terre, Ceulx de Luques se disent auoir le corps Mathilde/laquelle chose ie ne croy pas ainsi/attedu lauctorite de Guyon gonzaige/car comme il faisoit restituer & reparer le monastere de monsieur saint Benoist/il trouua le corps de la bonne Mathilde: Lequel fist colloquer en vng honneste & magnifique lieu/comme il



estoit de raison. Les historiēs ont escript que en ce tēps en angleterre fut vng aultre anselme hōme saige / & de grāde doctrine / & fut si estime des Angloys / q̄ de religieux fut faict abbe / & depuis archeuesque de Cātorbie. Cestuy Anselme auoit faict plusieurs liures / comme meditations / du liberal arbitre / des similitudes de la croix / de saint Iehan baptiste.

Saint Bernard  
abbe de Clere  
uaultx

¶ En ce temps si glorieux estoyēt Sigibert religieux / & saint Bernard natif de Castilon en Bourgonne / homme extraict de noble lignee: des laage de .xxii. ans il se rendit religieux a Cisteaux / soubz Estienne tiers abbe / depuis que labbaye & ordre auoit este encommencee, Et si rendit auecques trente de ses compaignons qui furent tous religieux, Il fut si saige prudēt & de si bōne vie / quen briēf il fut esleu abbe de Clereuaultx que lors auoit faict ediffier Robert homme tres illustre: & y fut abbe trēte & six ans. Le glorieux saint Bernard fist en son temps plusieurs liures & oeuvres / & fist les commans sur les cantiques / & les considerations & diuines contemplations. Lesquelles enuoya & dedia au pape Eugene / p̄ lesquelles pouoyt congnoistre comment debuoit regit & gouuerner lestat de la papalite. Et oultre il fist & escripuit plusieurs epistres: & principalement vne quil enuoya aux Rommains / par laquelle il les reprenoyt. Et si apposa plusieurs sermons & appologes. Le pape Paschal assemble vng concille en la ville de Guardastallum / ou fut decrete & ordonne que les villes, Cestassauoir / Emīlie / Plaissance / Parme / Rhege / Mutine / Boulongne / ne seroyent plus subiectes a la Metropolitaine eglise de Rauenne. Pource que par plusieurs foys icelle eglise de Rauenne estoit rebellee cōtre leglise de Romme / & cōtre les Papes / pour leur puissance & orgueil. Et ce faict le Pape sen retourna a Rōme / ou fut requis quil vouldist subroguer le filz de Pierre prefect de Rōme qui estoit mort en son lieu pour estre prefect de la ville de rōme. Mais pource que le filz de Pierre nauoit pas encores dix ans passez / & que aucuns disoyent quil estoit trop ieune / pour exercer si grande & magnifique office / le Pape ne le voulut pas faire. Pourquoy se esleua vne si grande sedition en la ville de romme / que le Pape fut cōtrainct de sen aller hors de la ville de rōme. Or ce pendant lempereur Henry se partit de Germanie / & senvint aux ytalles auecques son exercice & ost / dont vng chascun eut grant paour / & entra dedans romme. Mais le Pape ny estoit pas / car il tenoit vng concille en la Pouille. Or pource que Hēry disoit quil estoit priue de la dignite de lēpire / & pareillement de ne pouoyr donner ne cōferer les eueschez. Il se fist encores vne foys couronner empereur p̄ larcheuesque Bacharense / qui estoit banny & expulse de son pays / deuant le corps saint Gregoire / & puis sen retourna en son pays. Or quant le concille fut finy & acheue / le pape sen reuint a romme / auecques grande compaignie de normā: au moyen desquelz il recouura plusieurs villes & chasteaulx qui estoient occupez des ennemys de leglise de romme. Il ouyt les orateurs & ambassadeurs de Caloiehan filz de lempereur Alexis / auquel a



uoit succede, Et puis leur dist quilz admōnestassent lēpereur Caloiehā de faire guerre cōtre les sarrazins / & q̄l luy mādōit: puis sen ptit de Pre- neste aps quil eut dedie leglise sainct Agapit / & pardōna a labbe de Far- fence / & a Ptolomee / qui auoyēt perpetrez / & cōmis beacoup de maulx enuers le pape: & leglise de Romme. Tout le peuple de Romme vint au deuant du pape en si grāde multitude quon vit iamaiz pour le recepuoir & faire honneur. Apres q̄ le pape fut a Rōme il se sentit debilitē & mal- lade: & dit lors q̄ en brief il mourroit & receut tous les sainctz sacremens & puis pria au clerge & gēs deglise quil vesquissent en paix & conorde. Et puis alla de vie a trespas la quīntiesme Calende du moys de Feburier & fut ensepuely honorablement en leglise Constantiniane: il fut pape xviii, ans six moys & sept iours: il fist cinquante prestres: trente dia- cres / & cent euesques: il consacra quīnze eglises a Rōme: & entre lesaultres le glise sainct Adrian aulx trois marches: laquelle auoit este prophanee & polue par aulcuns seditieulx: leglise saincte Marie en la montaigne Mō- ticelle au cartier Areole, Et finablement restitua & consacra leglise des sainctz couronnes: laquelle auoit este destruiete & gastee au temps que Robert Guiscard prince de Salerne: brulla icelle partie de Romme qui est pres de Lateran: comme iay dit en la vie du pape Gregoire septiesme.

Lhōneur quō  
fist au pape Pa-  
schal.

¶ Du pape Gelaise, clxviii, pape, Et second du nom,



Elaise pape second du nom: au parauant auoit nom Iehan: il estoit du pays de Caie- te, Son pere eut nom Crescence, Il fut ex- traict de noble lignee: des son ieune aage il fut faiet religieulx au monastere de sainct Benoist: en la mōtaigne Cassine souz lab- be Odrisio: hōme de saincte vie, Il fut ap- pelle du monastere pour venir a Romme par le pape Urbain secōd: pour cause de ses grandes vertus / & luy fist reformer / & re- duire par escript elegamment le stile de romme qui estoit tout barbare & corrom- pu.

¶ Apres que le pape eut veu loeuure & stile ainsi deduiet en bonne forme & magnificque / il auoit delibere de le faire cardinal / & par plufi- eurs foys en auoit parle quant il tenoit consistoire aulx cardinaulx / mais il mourut ce pendant par quoy il ne le fut pas soubz luy. Mais bien tost aps le pape Paschal le fist & crea cardinal, Il fut cree & esleu pape du cō- sentemēt de tous les cardinaulx en leglise & monastere Palladye / qui est pres de la maison de Leon / & cintium Fragepanes, Lequel cintium quāt il sceut que le pape Gelaise auoit este esleu a la papaulte fust fort cour- rouce / & marri contre le pape / & cardinaulx: pource quil vouloit quon

z.iiii.



Le pape Gelai  
se fut prins ba-  
tu & mis en  
prison,

Bauldouin  
roy de Iherusa-  
lem,

Cruelle occisi-  
on des cresti-  
ens deuât Ihe-  
rusalem,

eleust a pape vng cardinal de ceulx de sa parente & famille : lequel leur auoit recommande requerāt quil fust pretere deuāt tout aultre : parquoy entra par force au monastere Palliade luy & ses satallites tous en armes / & rompirent les portes & fenestres / & tous ceulx quilz recontroyent luy & ses satallites bastoyent frappoyent / & mutiloyent, Cestuy Cintium prinist le pape Gelaise & luy tordit le col : & puis le iecta par terre / & le foula aulx piedz / & puis le fist mener en prison, Or ce voyant les cardinaulx sen fouyrent, Mais les aulcuns furent prins par les satallites : qui estoyent montez sur des cheuaulx pour eulx sauluer : & deiectez par terre battus / & despouillez / en leur faisant tous les maulx de quoy se pouoyent aduiser, Mais les senateurs / & officiers de la ville de Rōme : & pareillement le peuple ne peult endurer icelle infamie & grande iniure qu'on auoit faicte au pape / & aulx cardinaulx, Et sen allerent tous en armes en la maison de Cintiū Fregepane luy disant en le menassant de le destruire luy & sa famille silz ne rendoit le pape Gelaise sain & sauue, Les Fregepenes obeyrent aulx senateurs & peuple de Romme : & mesmement Leon lequel baïsa publicquement par plusieurs foys les piedz du pape / en luy requerant pardon & misericorde, Et puis fut monte sur vng cheual blanc / & fut mene en leglise de Lateran / le peuple menant grāt ioye ou il fut sacre comme la coustume estoit de sacrer les papes nouuellemēt issus, ¶ Or en ce temps le pape Gelaise enuoya des messagiers / & lettres par deuers Bauldouin roy de Iherusalem / ace quil eust patience / & quil eust bon couraige de garder la terre saicte iusques a ce quon luy eust enuoye renfort de gens darmes crestiens, Le roy Bauldouin en actendāt secours des crestiens print & occupa vng chasteau en Syrie : quon nomme Sobal / lequel auitailla de viures & le garnist de tout ce q falloit pour la tution & deffence du chasteau / & estoit ou se retiroyent les crestiens : quant il auoyent faict cources & batailles contre les sarrazins payens / & Barbares, ¶ Apres que Boemod le ieune enfant fut alle de vie a trespas Tancrede son oncle & tuteur fut de tous les crestiens esleu prince de Antioche : & apres quil fut cōferme / le roy Bauldouin lappella affin de batailler contre les Arabes / Turcz / & Sarrazins ennemis de la foy de Iesu-christ, Lesquelz estoyent venuz en grosse armee deuāt Iherusalem, Mais quant Tancrede fut arriue en Iherusalem & quil vist la grande multitude de payēs / & sarrazins il fut esmerueille : & dist au roy Bauldouin quil ne debuoit lors faire bataille contre les payens / & sarrazins / actendu que les Crestiens estoyent en petit nombre, Si a lors bauldouin eust creu Tācrede : il ne fust pas adueni aulx crestiens les grans maulx qui lors auindrent : car il furent vaincu des sarrazins / & en fut tue & occis grande quantité dont fut dommaige : & a grāt peine se peult sauluer le roy bauldouin & entrer en Iherusalem : & Tancrede pour sauluer sa vie sen fouit par diuers chemins : tellement quil paruint iusques en Antioche, Les sarrazins furent si orgueilleulx dicelle victoire & bataille quauoyent gaignee con-



tre les Crestiens/que peu aps monterent la mōtaigne de Tabor ou estoit vng monastere lequel il destruirent/& tuerent tous les moynes & religi eulx. ¶ Et ce pendant le pape Gelaise fut oppresse de vexations & seditions tellement que luy conuint se latiter musier & cacher / en la maison de Vulcanine riche cytoyen & bourgeois de la ville de Romme: pour ce que l'empereur Henry estoit venu a Romme avecques grosse & puissante armee: ou gastoyent tout p ou il passoyent, Mais quant le pape eut este vng peu de temps ainsi cache en la maison Vulcanine ses amis luy cōseillerent quil sen allast de Romme ce quil fist: & se mist sur le fleuve du Tybre pour aller en Hostie, Lors quant les Germainz sceurent quil estoit sur le Tybre: en nauires coururent apres en luy tyrāt fleches & vi retons: pour le tuer: lesquelz ne luy firent nul mal: & quant il fut arriue a Hostie il ne peult monster sur mer pour les tempestes: qui lors estoient a lētree & bouche de Hostie: pourquoy se mist par terre / & sen alla iusqs en Ardee / & estoit tousiours avecques luy Hugues Cardinal de leglise des douze apostres: & puis reuint a Hostie apres que la tempeste / & flot de mer fut tranquillee: & paisible, Et monta sur mer & fist tant quil arriua en Terracines: & puis a Caiette ou fut tres benignement receu des habitans: & puis furent assemblez pour ayder au pape / Guillaume Duc de la Pouille / Robert Conte de Chāpaigne / & Richard Daquilee, Les quelz promirent au pape foy & loyaulte / & comme ses subiectz luy promirent luy aider & lecourir a lencontre de l'empereur Henry, Lors quāt Henri l'empereur congneut quon vouloyt luy faire guerre il crea & fist Maurice Archeuesque de Bracherēse pape de Romme / & fut nomme Gregoire / affin quil fust contraire au pape Gelaise, Cestuy antipape re commanda son affaire a la famille des Fregepagnes: & puis sen alla faire la guerre au pays de Anagnine: lequel destruisit & gasta & fist piller par ses gens darmes, Mais quant il sceut que le pape Gelaise venoit accōpaigne des princes de la Pouille: il delaisa dassaillir vne forte tour ou il auoit mis le siege deuant: & pilla tout ce quil peut prendre & sen alla des Italles: parquoy le pape Gelaise renuoya les princes / & gens darmes en la Pouille & puis sen vint a Romme ou il cuidoit que tout fust paisible pour ce que l'empereur Henry sen estoit alle, Mais ce nestoyent que noī les debatz / & factiōns qui estoient en la ville de Romme: & incontinent quil congneut que la famille de Fregepagnes auoyēt en gouuernement: & fauorisoyent Gregoire antipape il eut paour / car il les craignoit / & se cacha par aulcun temps aulx maisons de ses amys: & vne foys ainsi quil celebroit le diuin seruice en leglise saincte Praxede / ses ennemys le cuyderent prendre, Mais il fut secouru & deffendu tres vaillamment par les Normans: & Corfes: qui estoient de la famille de son nepueu, ¶ Le pape peu de temps apres fist assembler tous les Cardinaulx en leglise saict Paul / & leur dist qui auoit delibere de delaisier la ville de Romme: pour obuier aulx grandes seditions / & meurtres / que suruenoyent de iour en

Le pape gelaise  
se sen fouit de  
rōme pour la  
paour de lēpe  
reur Henry,

Le pape gelaise  
se retourna a  
romme,



De Calixte, clxix, Pape.

Le pape gelaïse  
se trespasla a  
cluny en bour  
gonne,

iour a romme, Et bailla la charge de la ville de romme / quant a la spiri-  
tualite a Pierre euesque de Portuense: & a Hugues le Cardinal luy bail-  
la le gouuernemēt de Beneuend: & puis se mist sur merauecques ses car-  
dinaulx & arriua a Pise / ou fut honorablement receu des pisans: & puis  
sen vint en France iusques a la porte saint Gilles ou il fut receu par lab-  
be de Cluny & ses religieulx: & de tout le peuple qui estoit la venu pour  
le recepuoir & faire honneur: & puis se mist en chemin en honneste / &  
simple compaignie / non pas si triumphāte & magnifique: comme font  
les prelatz de maintenant: & en venant il dedia leglise sainte Cecille en  
Stagelle / leglise saint Siluestreen Tillaine / & leglise saint Estienne  
en Tournay: & puis finablement vint au monastere de Cluny / ou il mou-  
rut de vne pleuresie: le premier an de son pontificat / & cinq iours. Et fut  
ensepuey dedās leglise & monastere de Cluny. ¶ Aulcuns ont dit que  
en son temps lordre des cheualliers templiers comēca: lesquelz demou-  
roient & habitoient aulx tours du sepulchre de Iesuchrist en Iherusalem  
& recepuoyent les pelerins qui alloient en Iherusalem & les menoyent  
veoir les lieulx saintz & sacrez de Iherusalem: & puis les ramenoyēt af-  
fin quil ne fussent oppressez des sarrazis ou daultres personnes: lhystorie  
en Cusentin les extolle loue & commande tres grandement,

¶ Du pape Calixte, clxix, pape, Et second du nom,



Lhonneur quō  
faict au pape  
quant il est  
esleu,

Alixte pape second du nom: il auoit nom  
Guion au parauāt la papaulte: il estoit du  
pays de bourgonne / & estoit archeuesque  
de Vienne: extraict de la lignee des Roys  
de France / & fut esleu des Cardinaulx qui  
estoyent avecques le pape Gelaïse / quant  
il mourut au monastere de Cluny. Mais il  
ne voulut accepter la dignite papalle ius-  
ques a ce que les cardinaulx qui estoyent a  
Romme & aulx Italles eussent conferme  
leslecciō des cardinaulx qui lauoyēt esleu  
& apres quil eurent agreable icelle electi-  
on: il sen vint a Romme ou il fut honorablement receu du clerge / & du  
peuple de Romme: car ilz disoyent que par le moyen de luy la ville de  
Romme seroit en paix / & vng chascun sen reiouyssoit. ¶ Apres que le  
pape eut faict & compose les choses quauoit affaire a Romme: il sen alla  
en beneuent ou se trouuerent tous les princes des Italles pour le saluer &  
faire honneur: comme il ont acoustume de faire. Et mesmement ilz fu-  
rent Guillaume duc de la Pouille / Jourdain conte de Campaigne / Ar-  
noul Dariolle / Robert conte de Lorotelle, Et aulcuns gentilz hommes  
magnifiques & vertueulx: lesquelz tous firent lobe diēce au pape & luy



furent hommaige / & iurerent le seruir en tous les affaires / & contre tous  
 ses ennemis: comme estoient tenuz & subiectz. ¶ Le pape Calixte se fait  
 retourna a Romme / & ne pensoit que a la guerre Dacie, Cestassauoir des  
 crestiens qui soustenoyent beaucoup de maulx des Sarrazins / payens / &  
 gens barbares: parquoy enuoya par deuers l'empereur Henry deux car-  
 dinaulx legatz, cestassauoir Lambert euesque de Hostiencé qui estoit de  
 Saxone / & Gregoire du tiltre saint Ange / lesquels firent tant a l'empereur  
 que paix fut faicte entre luy & le pape: & apporterent lettres patentes  
 signees & selles des seaulx de l'empire: lesquelles furent pendues en legli-  
 se de Lateran / affin que chascun publicquement les vist & leust / au moy-  
 en de quoy le peuple estoit partout la ville de Rome fort resiouy. Mais  
 icelle ioye ne dura guieres: car incontinent vindrent nouuelles au pape  
 Calixte / que Roger conte de la Sicille auoit prins: & occupe la Calabre /  
 & la Pouylle qui appartenoyent a Guillaume lequel estoit alle en Constā-  
 tinoble pour auoir a femme la fille de l'empereur Alexis: lequel quant  
 voulut partir recommanda au pape la Pouylle & la Calabre / pourquoy  
 le pape Calixte partist de Romme & sen alla a Beneuet. Et puis enuoya  
 Hugues cardinal par deuers roger lequel assailloit le chasteau & tour de  
 Nycephore en Calabre / & luy commanda de par le pape quil eust a de-  
 laisser icelle guerre: laquelle chose ne voulut faire / ne obeyr aulx moni-  
 tiōs du pape Calixte: mais se efforçoit de occuper la Calabre & la pouyl-  
 le: affin que son parent Guillaume ny entrast. ¶ Le pape estant a Bene-  
 uent auoit assemble vne grosse cōpaignie de gēs darmes: pour faire guer-  
 re a roger: Mais subitement vne grande partie des Senateurs / & gentilz  
 hommes de Romme eurent les fiebures: tellemēt que furent cōtrainctz  
 de laisser la guerre pour lors & sen retournerent a Romme: au moyen de  
 quoy roger occupa la Calabre: & la Pouylle sans que aulcun y contredist  
 & par ainsi Guillaume fut fruste de son pays & de sa femme / car on luy  
 refusa en mariage / parquoy il mourut en brieu en Salerne ou il se estoit re-  
 tire / & quant roger congneut que roger estoit mort il se fist appeller roy  
 des Italles. ¶ Lors apres que le pape Calixte eut recouuert sante & fut  
 guairi: il fist assembler vng concille en leglise de Lateran / ou furent no-  
 nātē prelatz, desquelz il eut le conseil / p̄ lesquels fut delibere de enuoyer  
 secours aulx crestiens: qui estoient oultre mer. Mais ce pendant le roy  
 Gazin Turc qui estoit roy de la petite Asie vint deuant Iherusalem avec  
 ques grande compaignie de Turcz: pour la prendre. Mais Bauldoun roy  
 de Iherusalem la deffendit si vaillāment a layde des crestiens quil print  
 le roy Gazin & le mist en prison: & deffit tous les Turcz, & pareillemēt  
 en fut fait autant au roy de Damas qui vouloit prendre d'assault la ville  
 de Iherusalem: car il fut prins & mille payens tous vifz avecques luy: &  
 si les crestiens en tuerent plus de deux mille: & le demourant sen fuyt.  
 Mais peu de temps apres Balaac roy des Parthes vint au secours de les  
 deux roys Sarrazins / en si grant nombre de payēs qu'on ne les scauoit nō-

Paix entre le  
 pape calixte &  
 l'empereur Hen-  
 ri tiers,

Concille,

Desconfiture  
 de payens de-  
 uant Iherusa-  
 lem,



Le roy baul-  
doun fut mis  
en prison,

Cruelle occi-  
sion de sarrazins  
lan de nostre  
seigneur mille  
cēt & deux ans

bauldoun roy  
de Iherusalem  
deliure de pri-  
son,

brer. ¶ Lors quant le roy Bauldoun le sceut il ne voulut attendre aultre secours ne ayde de crestiens que ceulx quil auoit auecques luy / qui estoient las / & trauailliez pour cause des deux batailles quauoyēt euez: ceneāt moins fist mettre aulx champs sa benniere & vint a lencontre de Balaac ou les crestiens faisoient merueilles de tuer & occire les Sarrazins, Mais ilz estoient en si grant nombre que le roy Bauldoun fut prins tout vif / & plusieurs princes crestiens: & furent enchesnez de chesnes de fer & mis en prison: parquoy le pape fist hastier les crestiens de passer la mer: pour donner secours aulx crestiens: quil neussent dommaige, Se pendant que le roy Bauldoun estoit prisonnier, A lors Monde patriarche de Iherusalem homme de grande doctrine & vertu: admonnesta les Venitiens de acquerir gloire & renom: lesquelz se mirent sur mer auecques plusieurs nauires: dont estoit le capitaine Dominique Michel / & vindrent descendre en Ioppe: laquelle ville les Sarrazins de babillone auoyent assaillie par mer & par terre: & vainquirent les Sarrazins: & en occirēt beaucoup, Et fut Lan de nostre seigneur Mille cēt vingt & deux ans, ¶ Or ce voyant Emanuel empereur des grecz, qui auoit este mis au lieu de caloiohan fut fort enuieulx & mal content des grandes victoires quauoyent les Venitiens / latins & aultres crestiens: parquoy manda a la seigneurie des Venitiens quilz eussent a rappeller & reuoquer leurs gens & nauires / ce que firent, Mais le prefect & capitaine des nauires en fut si yre / & courrouce que en sen venāt: il fist destruire & piller Rhodes / ou estoit le corps saint Theodore que fist porter lors a Venise, Et oultre print les yslles de Samyee Mytelene / Andron qui appartenoyent a Lempereur de constantinoble, Et auecques ce pillerent Motone / & Tragurie qui estoit aulx hongres & la mist en la subiection & obedience de la seigneurie de Venise Cestuy prefect des nauires de Venise: fist apporter en la ville de Venise vne pierre: sur laquelle on disoit que nostre seigneur cestoit aultre fois assis / en Tyr, le roy bauldoun paya sa rāson & puis fut deliure des mains des Sarrazins / & sen vint en Iherusalem / dont les crestiens furent ioyeux car il estoient fort afoiblis depuis sa captiuite, ¶ En ce temps le pape calixte crea douze cardinaulx: il fist refaire plusieurs eglises: & les murs de la ville de Romme, Et fist venir a romme les eaulx, Et oultre fist munir & refaire les tours: & chasteaulx de la ville de romme, Et donna de grans dons / tant en or que en argent aulx eglises, Et achapta des terres seigneuriales / & fiefz / & les donna a leglise de romme, Il fist edifier leglise saint Nicolas / qui est au pallays, Mais affin que si grande felicite ne fust sur la terre sans calamite & misere, gregoire antipape lequel au parauant auoit nom burdin / & vsurpoit le nom de pape / & se tenoit en Sutre, & le souste noient aucuns princes seditieux & tyrans: lesquelz faisoient beaucoup de maulx aulx rommains / & a ceulx qui venoyent a romme: comme pelerins: & aultres / lesquelz ilz despouloyent: pourquoy le pape fist assembler gens darmes desquelz Iehan de cremonne: & gregoire prestre card



nal estoient conducteurs & prindrent la ville de Sutare & Burdin lanti  
pape lequel il monterent sur vng chameau & lamenrent a Romme: cō  
me en vng triumphe. Mais le pape Calixte luy sauua la vie: & le fist en  
fermer au monastere de Cauense. ¶ Or apres que le pape Calixte ayme  
de dieu & du peuple eut vescu en la papaulte cinq ans / dix moys / & six  
iours. Il rendit lame a nostre seigneur Iesus, Et lors vacca le siege de Rō  
me huyt iours,

¶ De Honore, clxx, pape, Et second du nom,



Onore pape second du nom, Il auoit nom  
Lambert / il fut natif de Immoles: quant il  
fut esleu pape il estoit euesque de Hostien  
se / & fut au tēps que le roy Bauldouin fut  
rachapte de la captiuite des Sarrazins. Ces  
tuy Bauldouin adiouta la ville de Antio  
che au royaulme de Iherusalem / apres que  
furent mors tous ceulx aulx quelz apar  
tenoit de droit, Et dicelle ville fist gouuer  
neur Raimōd filz de guillaume duc Dau  
triche: Pource quil auoit espouse la fille  
de Boemond dont cy dessus auons parle,

Or ce fait le roy Bauldouin vainquit en bataille le roy de Ascalonie lequel  
faisoit beaucoup de maux aulx crestiens par le moyē des Egyptiēs qui  
luy estoient ayde & secours a batailler & faire guerre aulx crestiēs, Et pa  
reillement vainquit par trois batailles Baldequane petit roy de Damas  
& fut tue a la tierce bataille tant de ses gens que oncques puis ne fut puis  
sant pour venir en bataille contre les crestiens, ¶ Or se retourne au pape  
Honore que combien quil fust natif de petit lieu & obscur / neantmoins  
par sa science doctrine: & bonne meurs: il estoit digne de telle dignite: il  
fut esleu du consentement de tous les cardinaulx pource que aps que Ca  
lixte fut mort / Leon Frangepagne commanda & interdit a tous les card  
inaulx quil neussent a eslire ne proceder a lelection d'ung pape nouveau  
sinon iusques a trois iours: & quil falloit bien veoir les decretz & statutz  
qui faisoient mention de eslire le pape / laquelle chose cestuy Leō ne fai  
soit pour bien, Mais il estoit si subtil & cauteleulx q au moyen des trois  
iours / il auoit temps & espace de briguer / & achapter les voix des card  
inaulx: affin de faire eslire vng pape a sa poste & volente / faignant quil  
vouloit bien quon esleust Lambert euesque de Hostiēce, Mais le peuple  
de Rōme vouloit auoir a pape: Saxon cardinal de leglise saint Estiēne  
& aussi le vouloit Leon Frangepagne / & cōtraignoit les cardinaulx & aul  
tres a eslire a pape, Or quāt aucuns des cardinaulx apceurēt que leō Fre  
gapagne vouloit faire eslire saxō / il eslirēt tibault prestre cardinal de sainte  
& i,

Altercatiō de  
lelection du  
pape Honore,



Anastaise & le nommerent Celestin, Lors quant Leon Fregepaigne vit qu'il auoit perdu sa brigue / & que ne pouoit faire eslire le Cardinal Saxo il commença a crier & faire crier le peuple a haulte voix / que Lambert estoit esleu a la papaulte de par le clerge & le peuple / & par tant qu'il debuoit estre prefect a la dignite, Et puis incontinent affin q'les cardinaulx & peuple ne neassent leurs volentez & esleussent vng aultre a pape: il fist prendre le Cardinal Lambert & le fist habillier de habillemens / & vestemens pōtificaulx: au lieu dit les synes qui est au pres de leglise saint Siluestre: & par ce moyē le cardinal Lambert fut aprouue a pape des cardinaulx & du clerge, & de tous: comme tel fut saue,

¶ Lors apres que le pape Honore eust obtenu la papaulte: il crea / & fist aucuns Cardinaulx / qui estoient grans clerz de grande science / & vertueulx / & se gouerna depuis par leur conseil: car il ne demandoit aultre chose que a estre en la compagnie de gens clerz / & scientifiques: & se delectoit de leur familiarite. Il retint a romme pource labbe de clugni homme de grande iustice: il extolloit la science engin / & bel entendement de Hildebert Euesque du Mans / lequel depuis crea Archeueque de Tours: car cestuy Hildebert estoit tres excellent / & fort expert a faire & composer vers / & mettres heroiques & elegiaques,

Hugues de  
saint Victor,

¶ En ce temps estoit Hugues de saint Victor: lequel estoit docteur de Paris: lequel auoit fait plusieurs oeures & libures, Cest assauoir vng liure des sacremens de leglise, Vng libure de sentences, Vng dyalogue qu'on appelle Didascalie, Vng libure de la cure de lame, Et vng aultre liure des ars / & de doctrine. ¶ Le pape Honore aymoient tant iceulx gens clerz & lettrez qu'il nestoit dignite que ne leur donnast / & confersast / au moyen de leurs sciēces & bonnes doctrines. ¶ Mais il aduint en ce tēps a romme que vng nomme Arnoul homme de grande science religion / & deuotion pource qu'il auoit presche contre les prestres & gens deglise / & reprins leur pechez luxures / & pompositez / de habillemens / & qu'il estoient par trop auaricieulx de auoir & acquerir des biens mondains / & qu'il debuoyent monstrier au peuple bonne exemple: comme faisoit nostre seigneur dieu / & que les reprenoit tres grandement / au moyende ce fut tue & occis de gueēt a pens par la fraude & machination des prelatz & gens deglise de romme: dont fut fort courrouce le pape Honore: & ne peult oncques trouuer ne scauoir qui estoient ceulx qui lauoyent tue & mis a mort: ne les auteurs & machinateurs qui auoyent ce faict. ¶ Le peuple de romme & les nobles le tenoyent comme vng vray disciple de dieu / & comme vng prophete le suyuoient en lextollāt iusques au ciel / mais ce cestuy saint homme fut prestre religieulx ou hermite on ne a riens escript. ¶ Apres que le pape eut vescu en la papaulte, v. ans / & .ii. moys il mouru dont le peuple / & le clerge plouroit: il fut enterre en leglise de Lateran: en grant hōneur & pompe. Et lors vacca le siege derome par lespace de huyt iours, Mais ie ne scay que veult dire icelle pierre



de mabre ou estoit escript son nō qui est deuant leglise sainte Praxede,

¶ De Innocent, clxxi, pape & second du nom,



Innocent pape second du nom il estoit natif de la ville de Romme / du cartier & region Transiberine, Son pere eut nom Iehan, Incontinent quil fut cree & esleu pape il fist guerre contre Roger filz de Roger cōte de la Secille : seul heritier de royaume de la Pouylle : pource que Guillaume estoit mort / & par tant toute la famille de Robert Guyfcard faillit en luy : lequel Roger vouloit occuper la Pouylle, Et a ceste cause le pape Innocent qui auoit son armee a saint Germain le dechassa pour la

force des Rommains & gens darmes que lors auoit le pape Innocent, Et fut prins le chasteau & setyra Roger en Galace : ou il fut asiege par lost du pape, Mais Guillaume duc de Calabre vint au secours de son pere en grosse armee & grant compaignie, Et fist leuer le siege des rommains / & par tāt deliura son pere, Et oultre print le pape & les cardinaulx lesquels estoient en lost des rommains, ¶ Mais peu de temps apres roger les enuoya a romme : parquoy puis apres fust en la grace du pape Innocent / & tout ce que voulut auoir du pape il le obtint facilement fors le tiltre de roy / lequel ne peut obtenir par argent promesses ne aultres dons que promist au pape, ¶ Ce pendant fut esleu vng antipape a rōme, Cestassauoir Pierre filz de pierre Leon : riche & puissant homme & cytoyen de romme / & fut appelle Anaclet : lequel incontinent quil fut cree pape : il pil-la & robba les eglises de rōme : & mesmemēt par force furtiuemēt prinst & emporta les tresors de leglise saint Pierre / & vng crucifix qui estoit tout dor : & les couronnes dor qui pendoient : & par telz moyēs assembla tant dor & dargent que facilement il obtint la domination de rōme par dons promesses / & argent que bailloit & donnoit aulx rommains cardinaulx & aultres, ¶ Or quant le pape innocent reuint a rōme : il trouua la ville de romme plaine de seditions & que sil y vouloit resister quil seroit cause de la mort de plusieurs : pourquoy se delibera de delaiser la ville de rōme & sen vint en la ville de pise : & de pise en la ville de Genes : & de la en France, ¶ Quant Anaclet antipape sceut que le pape Innocent sen estoit alle en France : il donna or & argent a plusieurs qui tenoyent la partie du pape affin quil fussent de son aliance : & oultre obtēpera aulx requestes & demādes de roger : & le crea roy des deulx Secilles, ¶ Le pape incontinent fist assembler vng concille en la ville de Cleremont en Auvergne / ou fut pierre antipape & ses sectateurs condempnez / & anathematizez, & puis sen vint le pape Innocent en la ville Dorleās pour veoir

Le pappe fut prins en guerre & les cardinaulx,

Concille a Cleremont,

& ii,



Le concille a  
Reins,

Lothaire em-  
pereur,

le roy Phelippes du quel il fut receu tres benignement; & honnestemēt.  
Et puis de Chartres sen alla par Troye en Champaigne: ou il trouua en  
son chemin Henry roy Dangleterre: lequel admonnesta pour plusieurs  
raisons de faire la guerre aulx Sarrazins, Et puis passa oultre & vint en  
Lorraine: ou il trouua Lothaire qui auoit este cree par les Germaines roy  
des Rommains: lequel luy promist iura & afferma de le restituer en son  
siege de Romme: & de y mener son armee pour ce faire, Et puis sent vint  
a Reins: ou il fist celebrer vng synode & concille: & ce fait sen retourna  
aulx Italles, Et apres quil eut fait vng concille en la ville de Plaisance il  
sen alla en la ville de Pise/laquelle, ville auoit lors grāt guerre auecques  
les geneuoyz: lesquelz il pacifia & accorda, Et si crea leuesque de Genes  
qui estoit subiect a Larcheuesque de Myllan/ Archeuesque/ & luy bail-  
la trois euesques de Corse ses suffragans, Et aulx pysans bailla pareille-  
ment trois eueschez de Corse subiectz a Larcheuesque de Pise, ¶ Lothai-  
re ainsi quauoit promis au pape Innocēt vint aulx Italles accompaigne  
de grant nombre de gens darmes, Mais le pape Innocent ladmonnesta  
quil falloit diuiser son ost: & vne partie occupa & print le coste de la vil-  
le de Romme quon appelle Ianicule, Et le pape Innocent auecques laut-  
re partie vint a Romme par le pont Mammee & vint occuper & pren-  
dre leglise de Lateran auant que Pierre antipape sen peust aucunement  
apercevoir, Et tellement furent estonnes ceulx de la ville de Romme  
qui tenoyent & deffendoyent la partie de Pierre antipape quil noserent  
oncques riens faire ne dire qui fust au contraire du pape Innocent, par-  
quoy le pape innocent courronna Lothaire empereur: & ce faiēt sen alla  
aulx Italles pour appaiser aucunes noyses & debatx des Leuticiens,  
¶ Or apres que tout estoit pacifie a Romme, le pape Innocēt sen alla en  
la ville de Romme pour celebrer vng concille pour cause & raison de la  
foy Crestienne/ & icelle deffendre, Mais ce pendant Pierre antipape/ &  
Roger se rebellerent a lencontre du pape Innocent: parquoy lempereur  
Lothaire apres quil eut faiēt & compose les differences des Leuticiens il  
sen reuint aulx Italles: & dechassa Roger des Italles/ & perdit tous les  
biens quil y auoit/ & sen fouyt en la Secille, ¶ Et quant Iehan lempereur  
de Constantinoble ouyt les nouuelles que lempereur lothaire auoyt  
ainsi vaincu & chassé Roger lequel estoit son grant aduersaire/ il en fut  
fort ioyeux/ & le remercia grandement par ses messagiers/ & ambassa-  
deurs: lesquelz luy auoytenuoyez tout expressement pour ceste affaire, Et  
entre lesquelz y auoit vng philosophe: qui se efforçoit par disputations/  
que leglise latine auoit tres grandement erre contre la sentence du concil-  
le qui auoit este tenu en la ville de Nycene: comme ilz disoit, par lequel  
est declaire que le saint esperit procede du pere, Et les latins auoyent ad-  
iousté du filz pareillement, Et lors Pierre dyacre homme tres saige/ &  
docte en augmentation/ qui estoit en la compaignie/ luy respondit/ di-  
sant: se les latins/ comme tu dis doibuent estre condempnez pource quilz



auoyēt adioustē q̄ le saint esperit procedoit du filz, les Grecz sont plus a pugnir qui auoyent adioustē que le saint esperit procede seullemēt du pere: car le concille auoit dīt seullement quil procedoit du pere: parquoy Cestuy philosophe qui estoit homme trop audacieulx fut deceu de la response que luy fist le diacre Pierre / & nen disputa plus, Or affin que Roger ne fist plus de guerre aulx Italles apres que lempereur sen seroit alle ilz laissa le conte de Rameon & le crea duc de la Pouille, ¶ Apres que lantipape fut mort: il fut ensepuely occultement par les cardinaulx qui le fauorisoyent: combien que fussent / & saignoient estre de la partie du pape Innocent: pourquoy on cuydoit que leglise / & siege de Rōme fust en paix, Subitement aucuns Rommains qui auoyent grande puissance a Romme furent par seditions esleuz & crees Senateurs: affin quilz gouuernassent la iurisdiction de Rōme / & la chose publique, cōtre lesquelz le pape Innocent resistoit fort: & pource fist celebrer vng concille en leglise de Lateran ou fut institue: & decrete: que nul homme lay ne touchast ne mist la main violement en la personne dung clerc, ¶ Le pape Innocent alla de vie a trespas, Lan mille cent & trois ans / sept moys & huyt iours. ¶ En ce temps estoit Gilebert natif de bretagne: qui fut hōme de grande science / & Amberc Archeuesque de Reins: son disciple qui estoit pareillement grant clerc.

¶ De Celestin, clxxii, pape & second du nom,



Elestin pape, ii, du nō: au parauāt auoit nō guyō: il estoit cardinal p̄stre de saint Marc de la nation Tuscan de chasteau & ville appellee anciennement Typherine: il fut cree & esleu pape du consentement de tous & au temps que Bauldouin roy de Iherusalem mourut, Et luy succeda Fulque conte Dangiers gēdre de bauldouin: & fut le, iiii, roy de Iherusalem & deffendit bien la ville au moyen de deulx de ses enfans q̄ estoient vertueulx & vaillans aulx faictz de la

Fulque roy de Iherusalē conte Dangiers.

guerre, Car comme les Turcz eussent occupe le port de Perse / & que au moyen de se faisoient des extorsions & grandes violences aulx habitās de Antioche, Le roy Fulque alla a lencontre deulx / & les vainquit & de chassa du pays / & tua & occist plus de trois mille Turcz / & en prist autant de prisonniers: au moyen de la quelle destination des Turcz: vng nōme Alaph Turc eut despīt & print en son secours ceulx de babylone / & en grosse armee de Turcz Sarrazis: & Payēs alla occuper & prēdre la ville de Edeffe en Mesopotamie laquelle ville les Hebreulx appellent & nomment Arach / laquelle cite aultre foys fut donnee par le Roy baul- &, iiii,



douin roy de Iherusalem / a vng de ses freres pour y demourer: & habiter Cestuy turc Alaph fist piller / & destruire icelle cite / & puis fist mettre amort tous les crestiens: qui ne vouloyent renoncer la foy Iesuchrist, Et fist oultre violer & stuprer les nobles dames filles / & pucelles en leglise saint Iehan Baptiste & dessus le grant aultel: pource quil scauoyt que les crestiens auoyent saint Iehan en grande reuerence, ¶ Or par fortune ou aultrement ainsi que le roy Fulco chassoit & couroit apres vng lieure luy estant a cheual / il cheut de dessus de son cheual & mourut / & son filz bauldouin obtint depuis le royaulme de Iherusalem, ¶ Le pape Celestin ne vesquit en la papaulte que cinq moys & puis mourut / & fut ensepueili en leglise de lateran. Cestuy pape ne fut eueulx que en vne chose: pource quil neut point de sedition, mais ie croy que ce fut pource quil vesquit peu de temps,

## ¶ De Luce, clxxiii. pape, Et second du nom,

La ville de  
Edeffe destrui  
te par les turcz  
& Sarrazins,



Croyfade,

Vce pape second du nom: il estoit de boulongne, Son pere eut nom Albert / & fut cree & esleu pape au temps que fut rappaisee que la ville de Edeffe auoit este destruite par les Turcz & Sarrazins, La cite de Edeffe / cest celle ou Thobie enuoya son filz a Gabelo: come les saintes escriptures tesmoignent, Et icelle ville fut conuertie a la foy crestienne par Thadee apostre de dieu & ou estoient les os saint Thomas: au moy en desquelz le roy Abagarus gaigna & obtint le royaulme, Cestuy abagarus escripuit vnes lettres a Iesuchrist: luy estant sur terre, Et nostre seigneur de la main luy en rescripuit vne aultre, ¶ Or quant saint bernard abbe de cleueaulx eut ouy les piteuses nouuelles de la ville de Edeffe / & des crestiens: il admonnesta & enhorta tant par parolles que par lettres & messagers / les roys & princes crestiens de France: pour prendre la croix / & se croysier: & aller a lencontre des Sarrazins payens / & Turcz: pourquoy lempereur Corrad de Sueue qui auoit este esleu empereur apres la mort de Lothaire se croysa & ordonna son armee pour y aller, Et pareillement aussi firent les princes de France, ¶ Or ce pendant Roger par la negligence du pape / ou aultrement retourna aulx Italles & recouura tout ce que auoit perdu: & puis apres contraignit le roy de Thunice de luy faire tribut tous les ans dont il en iouyst par l'espace de trete ans, Lempereur Corrad a toute son armee fist tant par ses iournees quil arriva en Constantinoble, Et luy pria & requist Emanuel second empereur des Grecz quil ne se voulsist auitailler ne prendre des viures en Costantinoble & quil luy en baillast



roit assez & plus q̄ ne luy en fauldroit: mais q̄ en Icomye fussent arriuez,  
 Quāt corrad & ses gēs furent deuāt Icomye il lassaillirēt apremēt, Mais  
 elle estoit presque imprenable/ tant pour la situacion du lieu / que pour  
 les garnisons & gens darmes qui estoient dedans/ qui la deffendoient  
 vaillamment, Puis le traistre Emanuel vīsa de mal engin grec: car il fist  
 mettre de la chaulx avecq̄s de la farine / & fist tout meller ensemble / dōt  
 on faisoit le pain quon bailloyt a menger aux gens darmes de lost de lē-  
 pereur Corrad / & a tous les crestiens qui y estoient. Pourquoi il mou-  
 rut beaucoup de cheualliers crestiens/ tellement quil faillut aux cresti-  
 ens leuer le siege / & sans riēs faire Corrad & si peu de gēs qui luy estoiet  
 demourez/ vindrent se retirer en Thrace, Mais toutesfoys icelle bataille  
 & armee de Corrad fist si bien/ que par leur moyen Bauldouin quatries-  
 meroy de Iherusalem/ print par force Ascalonie/ laquelle auoit lōgue-  
 ment assaillie, Et peu de temps auparauant auoit faict refaire la cite de  
 Gazam ville fort ancienne/ que les sarrazins auoyent du tout delaissee,  
 Et la bailla pour demourer & habiter aux freres templaies, Et oultre le  
 roy Bauldouin vainquit & tua les Satrapes des Turcz/ quilz ne faisoiet  
 que piller & gaster les habitans de Hierico, Et en vne seule bataille par  
 les crestiens furent tuez & occis cinq mille turcz, Le roy de Damas quon  
 appelloyt Noradin/ estoit venu deuant Iherusalem en grande compai-  
 gnie de Turcz/ & brusloit & gastoit le pays dentour Iherusalem, Mais  
 Bauldouin saillit avecques les Crestiens sur les Turcz/ & en tuerent tāt  
 que les champs estoient tous couuers de Turcz/ Payās/ & Sarrazins/ qui  
 estoient mors, Et les poursuuierent si vaillamment les Crestiēs iceulx  
 turcz qui sen fouyoient / quilz entrerent avecques les Turcz dedans les  
 murs de la ville de Damas, ¶ Or ie retourne au pape Luce/ lequel ne pē  
 soit aaultre chose sinon que enuoyer & faire aller Crestiens oultremer:  
 pour garder la ville de Iherusalē, Car il estoit cardinal & prestre du til-  
 tre de sainte croix en Iherusalem/ quāt il fut esleu pape, Laquelle eglise  
 de sainte croix de Iherusalem fist refaire du tout, Du consentement  
 & auctorite du pape Luce/ il fut tenu en France vng Synode ou furent  
 plusieurs euesques & abbez/ & Loys roy de France, Auquel Synode fut  
 vaincu Baliard philosophe peripathetique/ homme de grande science  
 & doctrine: pource quil erroit en la foy crestienne, Et en la presence de  
 tout le Synode & du roy de frāce/ se repentit & mua son opinion: & prist  
 labit de religion / & vesquit solitairement, Et puis sen alla avecques au-  
 cuns de ses disciples aux desers/ ou il vesquit saintement, Le pape Luce  
 ne vesquit en la papalite q̄ vnze moys & quatre iours: & puis alla de vie  
 a trespas, Et fut enterre en leglise de Lateran,

La trahison de  
 emanuel cōtre  
 les crestiens  
 De chaulx &  
 farine mellee  
 ensemble

Baliard philo-  
 sophe qui de-  
 puis fut moy-  
 ne,

¶ De Eugene, clxxiiii. Pape: &, iiii, du nom,

&, iiii,





Vgene Pape, iiii, du nom / estoit natif de la ville de Pise. Il fut religieux au monastere de Clereuault soubz saint Bernard: & fut abbe du monastere saint Anastaise: & de puis fut cree & esleu Pape en leglise saint Cefaree, Or ainsi q les cardinaulx estoient assemblez pour faire lelection du Pape / ilz ne scauoient lequel debuoyent eslire dentre eux, Mais soubdaynement furent frappez & inspirez du saint esperit, Et tous cõcordablement esleurent Eugene homme de sainte vie. Mais quãt ceulx qui lauoiẽt

esleu congneurent que aucuns Rommains en estoient marri: & le menassoient: les cardinaulx qui lauoyent esleu / de nuyt le menerẽt du monastere de Farfense en Sabine / ou il fut cõsacre. Et ce faict depuis ne tenoit conte des menasses des Rommains / ne de leurs faictz, Et tellemẽt mena les senateurs quilz furent contrainctz de renõcer a leurs offices / & requerir auoir paix, Et puis sen vint a Romme ou il sceut que les rommains auoyent faict paix avecques luy par fraulde & simulation, Pour quoy le pape ne se voulut fier aux Rommains / craygnant leurs insidias tions, Il sen alla par le Tybre: & ainsi quil sen fouyoit / les rommains cou roient apres iectans dars & fleiches, Mais il fist si grande diligence quil paruint a la ville de Pise. Et puis sen vint en Frãce ou fut receu de Loys roy de France: lequel enhorta si biẽ quil se croyra luy & son armee pour aller oultre mer / contre les turez, Et fist tant quil arriua en Constantino ble / ou il fut deceu & trompe par Emanuel / comme auoit este lẽpereur Corrad, Car cestuy Emanuel persuada tant le roy de france / quil le fist cheminer luy & son ost au mauuais temps par les desers de Syrie, Et le mist en si grãde necessite pour les mauuais chemins quil mourut grãt partie de lost de france: tellement q les francoys furent contrainctz eulx retirer en la ville de Anthioche, Pourquoy Rogier roy de Secille / con gnoissant les frauldes & deceptions quauoit faictes lẽpereur Emanuel au roy Loys de france / & aussi quil luy estoit fort cõtraire, Il sen alla luy & son armee en la Grece / ou il print & occupa lisle Corcyre / Corinthe / Thebas / & Euboiam: lesquelles estoient de lempire de lẽpereur Ema nuel, Etauoit deslibere daller assaillir la ville de Constantinoble: neust este les Venitiens qui lẽpescherent: car ilz vindrent au deuant en la mer Adriatique avecques soixãte nauires, Pourquoy Rogier roy de Secille fut contrainct / comme dieu voulut / aux riuages & mer Dasie / ou les sa razins auoyent enuironne Loys roy de france / qui estoit au port saint Symeon / pour aller en Iherusalem & Palestine, Et tellement Rogier & ses nauires assaillirent les turez / quilz furent cõtraĩnctz par force de se re tirer en vng lieu estroict & anguste / ouquel lieu il les desconfist, Et par

Lẽpereur ema  
nuel deceut le  
roy de frãce,



ce moyen garda le roy de france & son armee d'estre prins & tuez des sarrasins. Or ce pendant les Venitiens qui fauorisoient a l'empereur Emanuel/recouurerent les isles/terres/& pays/quauoyt gaignees & prinsees Rogier/qui estoient de l'empire de Constantinoble: Car il n'auoit laisse aux villes & chasteaulx aucunes munitions ne garde pour les garder & deffendre. Apres que Rogier eut delaisse le roy de France en l'oppe: il nagea tant par mer quil paruint iusques aux saulxbourgs de la ville de Constantinoble. Et fut si hardy quil assaillit par aucuns iours le palais & chasteau ou estoit le pereur Emanuel. Lequel vcoyt ce faire/& cueillir par le roy de Secille de ses mains des pommes en ses iardins:& neantmoins il n'osoyt sortir ne dire mot. Or apres ainsi que Rogier eut este assez de temps en Constantinoble/en sen retournant en la Secille/& que ses nauires alloient sans ordre/il tumba luy & aucunes de ses nauires entre les mains des Venitiens:lesquelz estoient prestz & en point pour barriller. Pourquoy il perdit vingt de ses nauires/& a grant peine en fuyant se peult il eschapper des Venitiens/quil ne fust prins. ¶ Ce pendat Loys roy de France/l'empereur Corrad/& Bauldouin roy de Iherusalem/ assemblerent toutes leurs armees ensemble/& assaillirent la ville de Damas. Laquelle ville les seruiteurs de Abraham auoyent ediffiee & construite:elle est situee en vng lieu champestre/lequel naturellement est aride & non fertile. Mais au moyen des labours artificiellement faictz il est fertile:car on auoit faict des fosses desloubz terre/ou on auoit mis des fistules & goutieres par ou passoyent les eaues qui arrousoyent les terres & fruiet: tellement que icelle terre estoit de grant rapport & vtilite. Aupres de la ville auoit vne petite riuiere seullement /qui passoyt aupres des murs de Damas/ou les crestiens tenoyent leur ost. Et facilement osterent aux habitans de Damas la faculte dauoir de leaue. Mais Bauldouin roy de Iherusalem/a la persuation d'ung homme de Syrie auquel Bauldouin se fioyt/& mesmement aux grades affaires,Fist desloger l'ost des crestiens ou il estoit/& le fist mettre contre vne des autres parties de la ville/disant que plus facilement on prendroit la ville de Damas par ce lieu la/& que la ville ny estoit garnie. Mais incontinent que les crestiens eurent leue le siege ou ilz estoient:les turcs y vindrent mettre leur ost/& le garnirent si bien que les crestiens neurent depuis des eaues. Pourquoy les crestiens furent longuement deuant la ville de Damas/qui n'auoyent point de eaues ne de viures/a ceste cause en grande confusio leuerent le siege:& sen retourna Bauldouin en Iherusalem:& le roy de France & le pereur Corrad en Europe. Mais auant quilz y fussent les crestiens endurerent beaucoup de maux & d'aduersitez. Et fut lan de nostre salut mille cent cinquante & deux. ¶ Lors le pape Eugene reuint a romme apres quil eut enuoye les Francoys & autres crestiens oultre mer/ou il fut honorablement receu des rommains:& puis se retira en Tybur pour se recreer:mais peu de temps apres mourut. Et son corps fut porte a rom

De la situatiō  
de la ville de  
Damas



De Anastaise, clxxv, Pape: & iiii, du nō, Et de Adriā, clxxvi, & iiii, du nō,  
me: & en grande pōpe fut enseuely en leglise sainct Pierre. Il ne fut pa-  
pe que huyt ans quatre moys & vingt iours.

¶ De Anastaise, clxxv, Pape: & iiii, du nom,



Anastaise Pape quatriesme du nom/estoit rommain, Son pere auoit nom Benoit, Il estoit abbe de sainct Ruffin /au diocese de Veliterne: & comme les aultres disent de Valēce, De cardinal fut faict pape au tēps que apres que Alphonce roy Despaygne fut reuenu de la guerre de Iherusalē & qui mourut Et en son lieu fut roy son filz Sanctie/lequel peu de tēps apres mourut pour la foy crestienne/en la guerre quil faysoit en Arabie, Et luy succeda son frere Ferdi-

nand, Apres que Anastaise eut este sacre Pape il donna vng beau calice dor tresprecieux/de bel ouuraige/& de grande estimation & valeur/a leglise de Lateran, Et fist faire de belles maisons au pres du pantheon quō appelle nostre dame rotunde. Et auoit deslibere de faire faire plusieurs choses singulieres/pour decorer leglise & la ville de romme/sil eust ves-  
cu, ¶ En son temps viuoit Richard de sainct Victor/homme de gran-  
de science & doctrine/qui auoit faict plusieurs liures:& entre les aultres vng liure de la Trinite, Et fist de beaux sermons pour instruire le peu-  
ple, En ce temps la famine fut en toute Europe: mais le Pape subuenoit aux paoures publiquement & secretement / en leur donnant aulmosnes Il ne vesquit en la papalite que vng an quatre moys & vingt & quatre iours/& puis mourut, Il fut enterre en leglise de Lateran en vne conque de Porphyre,

Richard de  
sainct Victor,

¶ De Adrian, clxxvi, Pape: & iiii, du nom,



Le pape Adrian quatriesme du nom/estoit Angloys, Il fut cree cardinal euesque Dalbanie par le pape Eugene. Et puis fut en-  
uoye en legation en Nouerge/ou il pres-  
chea & admonnesta si bien le peuple/quil se conuertit a la foy crestienne, Apres que le pape Anastaise fut mort/il fut cree pape Mais les rommains le tēterent & requirēt tant par belles parolles que par menasses/ quil eust a bailler & restituer aux consules ladministration & gouuernemēt de la vil



le de romme: laquelle chose il leur refusa, Les cardinaulx & le peuple le requeroient quil voulist aller a leglise de Lateran/pour se faire sacrer: laquelle chose refusa faire/se premierement on ne chassoit de romme Arnould de Brece heretique: lequel aultrefois auoit este condampne de heresie par le pape Eugene: laquelle chose le peuple de rōme ne voulut faire/en se courouffant contre le pape:& au moyen de ce baillerent deux coups despee au cardinal de sainte Pudētiāne/qui alloit par deuers le Pape/ainsi quil estoit en la voye & chemin sacre, Or quant le pape le sceut/il excommunia & anathematiza tous ceulx qui auoyēt faict les excès & vōyes de faict au cardinal: tellement que le peuple fut contrainct de chasser hors la ville de romme lheretique Arnould, Et pareillement les consules renoncèrent a ladministration de la ville de romme & en laisserent iouyr paisiblement le pape, Ce pendāt Guillaume roy de Secille, de Secille/qui auoit succede a Roger/occupa & print les faulxbourgz de Beneuent/Caperanne/& Baucum/villes & terres de leglise rommaine, Pourquoy le pape Adriā anathematiza le roy de Secille/& absolut tous les subiectz du royaulme de Secille/de leurs sermens foy & hommaige quauoyent faictz au roy de Secille. Federic premier empereur de la nation de Sueue/vint en la Gaule Cisalpine en grosse armee/& de la prit son chemin pour aller a romme, Le pape lors estoit en la ville de Viterbe/pour confermer les villes circonuoyfines en la foy crestienne, Il sen alla en Oruete/& de la en la cite de Castellanne: mais quāt il vit que son armee nestoit assez souffisante pour resister contre lost de lempereur Federic: la paix fut faicte par messagiers & ambassadeurs entre luy & lempereur, Et vint au deuant de luy Federic aux champs de Sutrie:& quāt il vit le pape il descendit de sur son cheual/& cōme vicaire de Iesuchrist le salua, Or ainsi que le pape Adrian bailloyt la couronne de lempire a Federic/en leglise saint Pierre:& quon auoit ferme les portes de rōme de paour du tumulte, Mais le peuple de romme sortit par le pont Adriā & par tout ou ilz trouuoeyt les Teutoniques & Germainz quauoit amenez lempereur/ilz les tuoyent & mettoyent a mort/dont le pape & lempereur furent couroucez, Et lors lempereur fist entrer dedans romme son armee qui estoit au pres de Neron/& lors il y eut a romme plusieurs rōmainz tuez & occis/& aultres prins captifz, Mais par les prieres du pape lempereur deliura les captifz & leur pdonna: mais pour obuier aux noyses & tumultes des rommainz qui estoeyt tous en armes/& quil failloyt que le pape & lempereur allassent a leglise de Lateran/ilz ne passerēt pas par les lieux acoustumez, Mais sen allerent a Malianne:& puis passerēt le fleuve du Tybre/& vindrent par le pont de Lucanne/en leglise de lateran ou fut parfaicte la solempnite, Les Tyburniens se donnerent eulx & leurs biens a lempereur Federic: mais quāt il sceut que icelle ville appartenoit au pape/il luy rēdit & restitua:& puis peu de temps apres sen retourna en germanie, Le pape ousta la moytie du royaulme de la pouil

Guillaume  
roy de Secille,

Federic fut  
courōne em-  
pereur



Paleologue

le que Guillaume occupoit, ¶ Or en cetemps vint par deuers le pape Paleologue/noble & excellent homme comme ambassadeur & orateur de Emanuel/second empereur de Constantinoble/qui presenta au pape ou nom de l'empereur Emanuel/cinq mille libres d'or, Promettant chascun dytallie Guillaume/sil vouloit promettre de luy donner troys villes de la Pouille estans aux riuages de mer/apres quil auroit expulse & dechasse icelluy Guillaume roy de la Secille, Quant Guillaume roy de Secille sceut icelles nouuelles/il demanda & requisit pardon au pape Adrian/luy promettant luy rendre & restituer tout ce quil auoit prins de leglise. Et oultre luy donner dauantaige plusieurs terres & seigneuries & luy promettant oultre ayder au pape contre les rebelles de leglise. Laquelle chose le pape refusa de faire/& ne voulut recepuoir icelluy Guillaume roy de Secille a pardon ne a mercy: car aucuns cardinaulx ne le vouloyent pas/& partant ne fut possible au pape de faire paix avecques luy. Pourquoy quant Guillaume vit que le Pape ne le vouloyt prendre a mercy ne faire paix avecques luy, Il assemble vne grosse armee bien instruite & equippee:& sen alla en la Pouille ou il mist tout a feu & a l'espee:& puis vint en Brundese/ou les Grecz auoyent mis & assis leur ost: lesquels vainquit & dechassa, Pourquoy quant les Apuliens & aultres habitans des chasteaulx & villes circonuoylines/virent que les Grecz estoient expulsez & chassez: au moyen dequoy se rendirent & mirent en la domination & subiection de Guillaume roy de Secille, Or quant le pape vit & congneut quil auoit mal fait/qu'il n'auoit receu le roy de Secille a mercy & pardon, Il fut ire & courrouce contre les cardinaulx: lesquels lauoyent empesche/qu'il ne fist paix ne receust a pardon & mercy icelluy Guillaume, Pourquoy il le receut en grace/& luy pardona tout le mal fait:& oultre luy bailla le tiltre des deux royaumes/apres quil eut iure & afferme de ne venir iamais contre leglise de romme/ne faire chose contre icelle, Apres que icelle paix fut faite/les rommains se eleuerent contre le pape/& vouloyent quil restituast aux consules la liberte de administrer & auoir domination en toute la ville rommaine: laquelle le pape Adrian leur auoit oustee & interdite. Mais pour obuier aux seditions & vexations/que luy faisoient les rommains/il sen alla en Ariguanne/ou peu de temps apres alla de vie a trespas, Et son corps fut apporte a romme/& fut enseuely en leglise saint Pierre/assez pres du sepulchre du pape Eugene, Il fut pape quatre ans & dix moys, Il delassa leglise rommaine en grande domination: car en son temps il fist plusieurs chasteaulx pres le lac sainte Christine/munir/refaire/& garder, Et fist oultre enuironner de murs & de tours Radicophane: tellement quelle estoit imprenable, Maintenant les Senoys & seigneurie de Senela tiennent, ¶ En ce temps Richard religieux de Cluny/fist & composa vng liure des histoires & croniques/en beau stile & elegant latin, Lequel liure plusieurs clerks lont en grande auctorite/& le louent grandement.

Richard de  
Cluny,





Alexandre, iij, estoit du pays de Senes. Son pere auoit nō Ranucio. Apres que le pape Adriā fut mort il fut esleu, p. xxii, cardinal a pape: cōbien q̄ Octouien rōmain cardinal du tiltre sainct clemēt neust que Octouien antipape qui fut troys voix: neātmoins voulut occuper la papalite / & se fist appeller Victor: p̄quoy appelle victor fut scisme en leglise. Mais Alexādre affin que leglise ne fust diuisee ne en sedition: il enuoya deux legatz p̄ deuers lēpereur Federic / qui estoit lors deuant la ville de cremonne / laq̄lle auoit assaillie / affin quil interposast son auctorite pour faire cesser le scisme. Mais lēpereur ne respondit aultre chose / sinō quil failloit q̄ les deux papes sen allassent en la ville de Pauie: & quil si trouuerroit pour cōgnoistre la cause de leur different. Or quant Alexandre ouyt icelle respōce / il sen alla en Anagnie / & Octouien occupa Signie. Lēpereur fut courouce que Alexandre nauoit obtēpere a son commandement: pourquoy il enuoya deux euesques a Alexādre / ausquelz bailla en mādement de citer Alexādre comme cardinal / pour venir au cōcille / & quilz ne lappellassent point pape. Mais le pape Alexādre cōfondit & reiecta iceulx deux euesques: lesquelz puis apres se trāsporterēt a octouien / leq̄l menerēt en la ville de Pauie / affin quilz eussent cestuy octouien / pour obicer au pape Alexādre. Par le cōcille qui fut tenu lempereur Federic cōfirma Octouien en la papalite: & le fist monter sur vng cheual blāc / & le mena par la ville Ticinienne / aultremēt dicte Pauie: & le adora comme Pape. Mais quāt le pape Alexādre le sceut il anathematiza Octouien & lempereur Federic. Et puis enuoya lettres a tous les princes crestiēs / par lesquelles mandoit que iustement & par droit auoit excommunies & anathematizes Octouien & lempereur. Et puis le pape Alexādre deux ans apres retourna a Romme / ou il trouua beaucoup de aduersaires. Pourquoy le pape Alexandre par le commandement de Phelippes roy de France sen alla en Terracine: & puis monta sur mer & sen vint en France. Et incontinent quil fut arriue il fist assembler vng concille en la ville de Clermont: auquel concille fist publier & recenser lanathematizatiō de Octouien & de lempereur federic. ¶ En ce temps mourut Bauldouin roy de Iherusalem: & luy succeda son frere Almeric: leq̄l incōtinēt vainquit Drogō / p̄fect & duc des egiptiēs / leq̄l estoit venu assaillir les crestiēs. Et puis sen alla luy & les crestiēs assaillir la ville de alexādrīe / laq̄lle occupoit Tyracine p̄uost du souldā p̄ fraude / & icelle auoit mise en son obeissance. Or cōme les habitās ne vouloient plus souffrir cestuy Tyracine / ne pareillemēt ne vouloyēt estre subiectz aux Crestiens: firent telle pactiō avecques Almeric Roy de Iherusalem: cest assauoir quilz chasseroient Tyracine hors la ville de Alexandrie:

A, i,

La mort de  
baldouin roy  
de Iherusalē



La translation  
des troys roys  
de millā a cou-  
longne

Le fleuve qui  
diuise les frā-  
coys aux ger-  
mains

Mil, lxxv, ans,

Et puis que les Crestiens restitueroyent la ville au Souldan: ce que fi-  
rent: mais le Souldan si fut ingrat / & ne voulut payer la somme d'argent  
quil auoit promise, Parquoy les Crestiens luy firent grosse guerre / & as-  
saillirent la ville de Caras / quon dict maintenant le Caire. Orce pen-  
dant l'empereur Federic tyrannisoit aux ytalles / & fist destruyre & ab-  
batre la ville de Millan / & la fist raser iusques au pres de la terre / & pa-  
reillement Dertone, Et lors les corps des troys roys qui auoyent adore  
nostre seigneur Iesuchrist quant il fut ne / qui estoient en la ville de Mil-  
lan / furent translatez & enuoyez en la ville de Coulongne / par Rhodul-  
phe lors archeuesque de Coulongne, Et au moyen dequoy les villes cir-  
conuoyfines se rebellerent contre Federic / & ne luy voulurent plus dō-  
ner secours: comme Veronne / Vincence / Padoue / & Venise, Or quant  
Federic le sceut / il delaissa la ville de Veronne laquelle auoit assiegee:  
& sen alla en la ville de Pauie: ou il manda au Roy de france quil voul-  
sist amener avecques luy le Pape Alexandre en la ville de Diion / ou le  
fleuve de la Sauue diuise les Francoys aux Germains, Et que la on fe-  
roit vng Concille / pour faire cesser le scisme qui estoit entre Alexan-  
dre & Octouien, Et y estoit venu Federic accompaigne du Roy descot-  
se / & du Roy de Boeme, Mais le pape Alexandre ny voulut point aller  
pource quil disoyt que ce nestoit pas a federic & nauoit pas auctorite de  
faire assembler vng concille: Mais que cestoit a luy / & quil lauoit encō-  
mence en la ville de Tours, Pourquoy l'empereur federic fut fort cou-  
rouce & sen alla en Germanie: & delaissa Octouien aux ytalles / lequel  
peu de temps apres mourut, Et fut subrogue en son lieu pour estre anti-  
pape Guion de Cremonne, ¶ Apres que les Rommains eurent cree &  
esleu des Consules qui estoient des amys du pape alexandre: Ilz appel-  
lerent & reuoquerent le Pape alexandre qui estoit en france, Lequel sen  
vint premierement en la Secille / & puis se mist par mer & entra dedans  
Romme / ou il fut receu tresbenignement & honnorablement, Or pour  
la venue du Pape alexandre / le peuple de la Gaulle Cisalpine fut tres-  
fort resiouy / & voulurent viure en liberte, Parquoy dechasserent ceulx  
qui gardoyent & tenoyent les villes & chasteaulx pour l'empereur fe-  
deric / & se rebellerent & mirent en armes contre luy, Et fut lan de no-  
stre salut mille cent soixante & cinq ans, Or quant federic sceut & con-  
gneut / que les villes cestoyent rebelles contre luy: il sen vint en grosse  
armee aux ytalles, Et puis passa le fleuve du Pau / & sen alla deuant la vil-  
le de Boulongne: & puis enuoya vne partie de son armee a Lucques / ou  
estoit l'antipape: & le demourant il le mena deuant ancone / laquelle il as-  
siegea: mais aps elle se redita luy, Et ce pendant les villes voyfines de la  
gaulle cisalpine / firent refaire la ville de millā / & la munirēt & mirēt gar-  
nison dedās pour la deffendre: & se alierēt les millānoys de ceulx de lau-  
de / qui auoyēt este leurs ennemis au pauāt / affin qlz peussēt resister a fe-  
deric empereur / sil les venoit assaillir, Or aps q Guillaume de normā-



die roy de Secille fut allé de vie a trespas / l'empereur Emanuel enuoya ses legatz & ambassadeurs par deuers le pape Alexandre, Lesquelz promettoyent ayder au pape contre l'empereur Federic, Et que les Grecz & eglise de Orient obeyroit a leglise Romaine / & quilz seroyent tout vng leglise Dorient & de Occident / sil vouloyt souffrir l'empire des Romains estre vnies: comme aultressoyz auoit este a l'empire de Constantinoble, Mais la responce que fist le Pape aux legatz & ambassadeurs de l'empereur de Constantinoble on nen scait riens: Car en ce temps la guerre estoit entre les Rommains / Tusculannes / & Albanoyz: pourquoy il ne pouoyt rendre certaine respõce aux ambassadeurs de Emanuel, Or lors le conte Aino qui auoit este dechasse de la duche de la Pouille / par Roger / qui gouuernoit les Tusculains & estoit au faict de la guerre fort expert, Il appella les Germainz a son ayde / & fist la guerre aux Rommains & tellement les vainquit quil en tua tant que oncques puis neurēt puissance de assaillir leurs voyzins / ne de garder la ville de romme, Au moy en dequoy l'empereur Federic print occasion de se vanger des iniures q̃l disoit que le pape Alexandre luy auoit faictes: & partit de Ancone / & vint deuant Romme mettre le siege au pres de Neron: puis voulut entrer aux faulbourgz saint Pierre en Vaticane: mais il fut expulse & dechasse par les familiers du pape Alexandre, Et le iour d'apres l'empereur Federic vint en leglise saint Pierre / & y entra p force deslibere de brusler leglise, parquoy le Pape sen fouyt en la maison de Fregepane, Et ce pendāt Guillaume roy de Secille filz du grāt Guillaume / luy enuoya secours par mer / & or & argent, Or ce voyant Federic le quel promettoit bailler & faire paix aux Romainz: leur dist quilz eussent a eslire le plus digne des deux papes / & que lung fust expulse & dechasse: Mais le peuple en donna la puissance a l'empereur Federic, Pourquoy le pape Alexandre de nuyt sen fouyt par mer: & premierement vint en Calette / & puis en Beneuent, Or depuis la peste chassa Federic & son armee de romme: car ilz mouroyent par tout / & les trouuoit on mors par les champs / comme bestes / & nully ne habitoit a Romme / pour la vehemente peste qui y estoit / parquoy sen alla en Germanie, Et puis les villes circonuoylines edifierent vne ville pres de Raurete a communs despens / & la nommerent Alexandrie / pour lhonneur du pape Alexandre, Et chascune cite enuoya pour y demourer & habiter quinze mille hommes: & leurs furent diuises les champs & lieux en la ville pour y faire maysons & y edifier, Quant les Rommains sceurent que Federic sen estoit alle / il leur soubuenoit encores de la grāde destruction & perte de leurs gens, Parquoy ilz prindrent par force la ville de Albe / & la firent abbatre & destruyre, Et en vouloyent autant faire aux Tusculains se neust este le pape q̃l leur deffedit sur peine de anathematizatiō, L'empereur Emanuel enuoya p deuers le pape Alexandre aultres ambassadeurs: lesq̃lz promettoyēt au pape plus grādes choses / q̃ nauoiet faict les aultres ambassadeurs

A, ii,

Le cōte Aino,

De l'edification de la ville de Alexandrie,



lesquelz par cy deuant auoit enuoyez Emanuel empereur de Constanti-  
noble. Mais le pape fist responce aux ambassadeurs quil ne vouloit re-  
uenir ne assembler les deux empires en vne: laquelle auoit este diuisee  
par ses predecesseurs par grande deliberation & industrie. En cetemps  
mourut Guyon de Cremonne antipape en leglise saint Pierre car l'em-  
pereur Federic luy auoit laisse avecques gens darmes qui y estoient en  
garnison. Et incontinent les sedicieux en eslirent vng aultre antipape/  
cestassauoir vng nomme Iehan abbe de Sarmenle/qui aultressfoys auoit  
este repris de furt & larrecin & declaire infame. Or pource que le conte  
Ainc craygnoit les Rommains pour la bataille quil auoit faicte contre  
eux. Il bailla aux Tusculains lantipape lequel receurent. Et puis sen al-  
la en la ville de Montflacon pour y demourer: mais les habitans ne le  
voulurent recepuoir/ & luy refuserent lentre. Pourquoy voulut reue-  
nir en Tusculanne: mais les citoyens ne le voulurent recepuoir & du tout  
en fut banny. Parquoy se retira par deuers le pape Alexandre/ & luy ce-  
da & dona tout tel droit quil pouoyt auoir en la ville/ terres & seigneu-  
rie de Tusculane: au moyen dequoy les Tusculains par concille & decret  
publicque receurent le pape Alexandre. Et en ce lieu de Tusculanne ou  
estoit le pape Alexandre vindrent les ambassadeurs de Henry roy dan-  
gleterre: pour purger & excuser le roy Henry de la mort & meurtre faict  
en la personne de saint Thomas archeuesque de Cantorbie/ disant quil  
en estoit pur & innocent. Mais le pape alexandre ne voulut croire si fa-  
cillement les ambassadeurs ne orateurs du roy Henry: mais pour en sca-  
uoir la verite & en faire inquisition y enuoya deux cardinaulx/ pour in-  
former & scauoir la maniere/ & comment auoit este faict si horrible in-  
fame & detestable homicide. Or quant le roy Henry sceut que le pape  
auoit enuoye deux cardinaulx/ pour scauoir la verite du meurtre: il de-  
laissa la guerre quilz faisoient aux Tyburnies & Escossoys: & sen vint  
pour faire honneur aux cardinaulx en Normãdie/ ou furent les causes &  
moyens de la mort de saint Thomas discutez & determinez. Or pource  
quil ne apparoyssoit occularement de la verite ne du faict du meurtre  
ainsi perpetre/ par le roy Henry de son auctorite auoit este faict. Neant-  
moins pource que durant la vie de saint Thomas/ il estoit notoire & com-  
mun/ quil le hayoit & auoit en hayne: parquoy fut dict que le roy Hen-  
ry se purgeroit par serment. Et iura & afferma sur les saintes euangilles  
auoir este & estre innocent du meurtre & mort de saint thomas. Apres  
quil eut faict le serment/ pour aucunes coniectures il fut dict par senten-  
ce des cardinaulx/ quil enuoyeroit deux cens cheualliers en Iherusalẽ a  
ses despens/ ou seroyent par l'espace dungan a batailler cõtre les Sarra-  
zins. Et que luy mesmes yroit faire guerre avecqs telle armee quil pour-  
roit mener contre les Barbares/ Turcs/ & Sarrazins. & y seroit par troys  
ans entiers. Et quil seroit garder la liberte de leglise en son royaume/ &  
ne pescheroit les appellatiõs q lon interiecteroit en la court de Rome

De la mort de  
saint thomas  
de Cantorbie

A quoy fut te-  
nu le roy Hen-  
ry touchant la  
mort de saint  
thomas de Can-  
torbie



Lesquelles choses apres quil les eut par serment confermees: il luy fut de  
 laisse le tiltre du royaulme Dangleterre/ a luy & a ses heritiers/ car ainsi  
 le voulut le Pape, Et au moyē de ce les roys Dangleterre recōnoissent  
 leur royaulme/ & droictz dicelluy du Pape, Or ainsi que le pape estoit  
 en Segnie/ les ambassadeurs & orateurs Dangleterre / vindrent par de-  
 uers luy: requerans que ce fust son vouloir de canoniser & faire mettre  
 au cathologue des sainctz/ sainct Thomas archeuesque de Cantorbie: Sainct Tho-  
 Ce que fist le pape tresvoulētiers/ apres quil fut bien informe de sa sain- mas de Cātor-  
 cte vie & miracles quil faysoit, Lempereur Federic retourna aux ytalles bīe canonizē.  
 par la montaigne de Senis/ & print par dol & fraude Secuse/ & puis la  
 fist destruire, Pourquoy les habitans de la ville Dast eurent paour & se  
 rendirent en son obediēce & domination, Il mist le siege deuant la vil-  
 le de Alexandrie/ ou il fut par quatre moys, Mais les habitans se deffen-  
 dirent si vaillamment/ quil y perdit beaucoup de ses gēs: parquoy il fut  
 fache & ennuye destre si longuement en vng lieu, A vng iour de pas-  
 ques fist leuer le siege/ & sen vint en la ville de Pauie/ ou fut accordee &  
 traictee la paix entre le Pape & les Venitiens: lesquelz auoyēt este de la  
 partie de lempereur de Constantinoble, Mais pource quil auoit faict fai-  
 re vne grande iniure a Henry Dandale Venitien leur ambassadeur: le-  
 quel auoyent enuoye a lempereur Emanuel/ leq̃l le fist & contraingnit  
 tant & si longuement regarder les metaulx darain tous rouges de feu/ ius-  
 ques a ce quil perdit la veue, ¶ Almeric roy de Iherusalem qui auoit as-  
 siege la ville du Cayre/ leua le siege de deuant au moyendune grāt som-  
 me dargent/ quon luy deliura & bailla. Et puis sen vint deuant Ascalō-  
 ne: mais par faulte de viures & que aussi les Crestiens estoient trauaillez  
 & lassez/ des grans labeurs quilz auoyēt euz/ il delaissa dassaillir Ascalō-  
 ne/ & sen retourna en Iherusalem/ ou peu de temps apres mourut, Et de-  
 laissa le royaulme de Iherusalem a son filz Bauldouin: que combiē quil  
 fust lepreux/ neantmoins il gouerna le royaulme de Iherusalem saig-  
 nement & prudemment, ¶ Le pape Alexandre institua vng euesque en la  
 ville nouuelle de Alexandrie: Lan de nostre salut mille cent septante &  
 cinq, Or depuis le pereur Federic retourna aux ytalles en grosse armee  
 mais les Milannoys & les villes circonuoyfines se assemblerent ense-  
 ble/ & luy firent si mauuaise & merueilleuse guerre/ quil ne sen faillut  
 guieres que Federic ne fust prins en la bataille: Car son cheual fut tue  
 & occis deffoubz luy, Et pource que leuesque de Pauie fauorisoit a lemp-  
 pereur Federic: le pape le priua de ne plus vser de Pallie/ ne de porter la  
 croix, Or quant les princes qui suyuoient lempereur Federic/ virent &  
 congneurent quil estoit contre leglise & la persecutoit/ le menasserēt de  
 le laisser/ & de eux retourner en leur pays, Parquoy Federic retourna en  
 la grace du pape Alexandre, Apres que Noradin Roy des Sarrazins fut  
 mort: luy succeda Saladin fort & puissant payan. Lequel print par for-  
 cedarmes le roy de Egipte & loccist, Et puis adiousta & mist a son empi-  
 A, iiii,

bauldouin, iiii  
 lepreux



De Honore, clxxii, Pape. Et second du nom,

Synode assem-  
ble a lateran

Phelippes roy  
de france,

re le pays de Egipte & de Syrie, Mais il ne fut pas si victorieux contre les Crestiens: car le roy Bauldouin le vainquit deux foys en bataille: l'une deuant Ascalonne/ & l'autre en Tyberiale, Le pape Alexandre estoit a Venise/ou Federic luy baysa les piedz/ a l'entree de leglise monsieur saint Marc: & puis le Pape & luy entrerent en leglise deuant le grant autel/ou parlerent assez longuement de la confederation & paix/ quilz vouloyent traicter & faire ensemble, Laquelle paix & traictie fut le lendemain faicte & accordee. Et puis sen retourna l'empereur avecques la bonne grace & amytié du pape Alexadre, Mais il vouloyt retenir vng chasteau nomme Bertonore: pource quil estoit en beau lieu & plaissant, Mais par les prieres du pape Alexandre/ il le restitua & delaisa a leglise de Romme, Apres que la paix fut faicte & accordee entre le Pape & l'empereur: le Pape ne voulut faire paix aux Rommains silz ne abolissoient les Consules quilz auoyent esleuz a Romme, Mais pource quil estoit bien difficile de pouoyr ce faire/ les Rommains iurerent que iamais ilz ne esliroyent de Consules/ quilz ne iurassent estre feaulx & fideles a leglise de Romme/ & quilz ne feroient riens quil ne fust au preiudice du Pape/ dõt le Pape fut cõtēt, Et pour la troysiesme foys retourna a rōme ou les Rōmains luy firent grāt hōneur pour sa venue, Et incōtinēt peu de temps apres il fist celebrer vng Synode & concille en leglise de Lateran/ pour reftermer & reigler lestat de leglise, Et fut prohibe & deffendu par le concille sur peine de anathematization a tous Crestiens/ de ne porter ou faire porter ne vedre/ boys/ fer/ ou armes/ aux Sarrazins/ Turcs & Payans: lesquelz sont tousiours contraires a la foy crestienne, ¶ En ce temps Emanuel empereur de Constantinoble mourut: & luy succeda & herita son filz Alexis: & pource quil estoit ieune daage Andronique fut son tuteur/ qui estoit homme de grande prudence, Et par son moyen Phelippes Roy de France bailla en mariage sa fille Agnes a l'empereur Alexis, Et lors Bauldouin quatriesme roy de Iherusalem bailla sa seur Sibille en mariage au Marquis de Monferrat/ nōme Guillaume de longue espee/ homme bien entendu & vaillant aux armes & faictz de la guerre: pour luy ayder/ & aux Crestiens quant il en seroit besoing & necessite, Apres que le pape Alexandre fut en paix & tranquillite/ des seditions & vexations des tyrans & aultres perturbations: & que aussi moururent quatre antipapes scismatiques: au moyē desquelz leglise estoit pleine de seditions: & mesmemēt leglise de Romme qui estoit presque subuertie & abolie, Le saint pere mourut a Romme, Il fut pape, xxi, an &, xix, iours,

¶ De Luce, clxxviii, Pape: &, iiii, du nom,





Vce pape troisieme du nom estoit de la nation Tuscaïne natif de la ville de Lucques & de nobles parens, Il fut esleu a la papaul- te du consentement de tous les cardinaulx, au temps que Andronique tuteur du ieune enfant Alexis / chassa les latins qui fauori- soient a lenfant Alexis: & vsurpa lempire de Constantinoble, Apres quil eut tue le ieune enfant qui se esbatoit en se iouant en vng basteau sur vne petite riuiere / & affin que vng peche & mal faict atyrast laultre a soy il fist tuer & occire tous les plus grans

Alexis fut tue par Androni- que son tuteur

seigneurs du pays dont il se pouoyt doubter qui luy pourroyent nuire, ¶ En ce temps Guillaume l'ogre espee mourut en Iherusalem: parquoy Bauldouin bailla sa seur Sybille a Guyon de Lusigniā natif de Poitiers par telle condition quil gouuernerait le royaume de Iherusalem: iusq's a ce que le filz de Guillaume Longue espee fust en aage pour le gouuer- ner / & tout ce faisoit de lauctorite du pape Luce / affin que les prices qui estoient en Asie contre les Sarrazins / Turcs / & Payes fussent tousiours conioinctz & vniz par affinite & beniuolence / pour resister contre les in- fideles, Le pape Luce fut dechasse de Romme pource quil vouloit abol- lir & adnichiller la puissance & nom des consules de Romme, Mais iceulx sedicieulx & fauteurs qui auoyent ce fait on leur creua les yeulx Mais ce nonobstant le pape sen alla en la ville de Veronne / ou il tint cō- cille / ou furent admonnestez tous les roys & princes de la crestiēte: affin de secourir les crestiens qui estoient oultre mer en Asie / contre les infi- delles: & mesmement contre Saladin qui destruisoit & gastoit le pays de Iherusalem, ¶ Guyon de Lusignian fut dechasse & oste de ladministra- tion du royaume de Iherusalem: pour son orgueil: & fut baillie ladmini- stration & tution a Bertrand conte de Tripole, Mais neantmoins le pa- pe Luce ne cessoit de leur enuoyer lettres & messagiers: par lesquelz leur mandoit que resistaissent tousiours contre les infideles & quil eussent bō courage iusques a ce quil eussent secours des crestiens / qui estoient en chemin pour les aller secourir, ¶ Or quant guillaume roy de Secille cō- gneut que Andronique auoit dechasse les latins: il passa la mer & sen al- la en Grece / ou il gasta & troubla tout le pays / car il print par force Thes- salonique qui est vne ville / & Macedone & plusieurs villes de Grece / & dechassa destruisit / & mist en grande paouurete / & misere / & nulli ne se deffendoit contre luy pource que Andronique estoit hay de dieu / & des hommes: pour les meurtres & homicides qu'auoit perpetrez / & commis / pourquoy les cytoyens & habitans de Constantinoble furent cōtrainctz de eslire pour leur empereur Ysaac qui estoit extraict de royale lignee: lequel fist guerre contre Andronique & le print & le tua & mist a mort,

A. iiii,

Le pape Luce expulse & chaste de Rō- me,

Guyon de Lu- signian,



De Vrbain, clxxix, Pape: & iiii, du nom,

¶ Or ce pendant le pape Luce mourut en la ville de Veronne: & fut enseuely en grant honneur & Pompe en leglise cathedrale deuant le grât autel: il ne vesquit pape que quatre ans / deux moys & dixhuyt iours,

Pierre Comestor,

¶ Le Pape Luce en son temps donna de grans / & beaulx priuileges a la ville dont il estoit natif: & fist tant a l'empereur Federic avecques lequel vesquit paisiblement / que les Hetrusciens ne vseroyent que de la monnoye de lucques: comme les longobars ne vsèrent que de la monnoye de Pauye signee & marquee a la marque de l'epereur. ¶ En ce temps estoit Pierre comestor qui escripuit sur le viel testament / & nouueau testamēt Et pareillement estoit labbe Ioachim en Calabre / au monastere de Flori lequel auoit faict edifier & construire: cestoit vng homme de grande doctrine / & scauoit lart & science de deuiner, Mais il le disoit par ambages,

¶ De Vrbain, clxxix, pape, Et, iiii, du nom,



Bauldouin  
iiii, lepreux,

Urban pape, iiii, du nom / estoit de la ville de Myllan, Son pere eut nom Iehan de la famille & lignee de Cribelle. Incontinēt quil fut esleu a la papaulte / il se efforca de admonnester les princes crestiēs daller cōtre les infidelles / pource que les crestiens estoient en debat & difference aps la mort de Bauldouin le lepreux: car le conte Tripolin tuteur de Bauldouin le. v. ne pouoit faire ne gouuerner a son plaisir le royaume de Iherusalem: pour l'empeschement que luy donnoit Guyon de Lusignian / &

Des dissensions  
entre les  
crestiens quelz  
inconueniens  
en procedent,

Sibille mere de bauldouin, Mais lenfant bauldouin ne vesquit que huit moys apres son pere, Mais la mere cela la mort de son filz Bauldouin iusques a ce que le patriarche de Iherusalem / & les seigneurs par dons & promesses eussent esleu Guyon son mari roy de Iherusalem / pourquoy Raymond conte de Tripollin fut fort marri & courrouce / & pour se venger demanda induces & treues a Saladin / au moyen de quoy les crestiēs perdirent la dominatiō de Tripolin / Tyberade / & de Galilee / lesquelles villes estoient subiectes aux crestiens / p le moyen de la femme qui auoit espouse Raymond / & affin que Saladin eust occasiō de faire guerre laquelle chose ne demādoit aultre chose / & oultre Raymond rompit & viola les treues quauoit avecques le prince du Mont royal / lequel diminoyt oultre le Fleue Iourdain / & au moyen de luy les crestiens de Iherusalem auoyent viures en grande habondance / pourquoy nen eurent plus, Et lors Saladin vit bien que les princes crestiēs estoient en noyses / & debat / & que le temps estoit venu quil vainqueroit les crestiēs / pour ceste cause assembla grāde multitude de Sarrazis / & Turcs / tant de pied



que de cheual & vint assaillir Ptolomaide. Mais les templiers estoient en garnison dedans qui se deffendirent vaillamment / & furent victorieux. Mais neantmoins le maistre des templiers / & plusieurs aultres vaillans cheualliers furent tuez en icelle bataille. Mais neantmoins que Saladin eust este vaicu: il print couraige & assemblea plus grosse armee quil nauoit au parauant & assaillit tres aprement les templiers. ¶ Or ce voyant par Raymond: il ne se fioit pas trop en Saladin & delaisa sa femme / en Tyberiadie & la en vitaila tres bien / & y mist garnison / puis sen retourna en la tour: par deuers Guyon roy de Iherusalem & fist la paix avecques luy. Et puis ne tint compte des treues quauoit faictes avecques Saladin: pourquoy Saladin eut cause de faire guerre aux crestiens: & fist assaillir Ptolomaide. Mais les crestiens qui estoient dedans la ville se deffendirent tres bien. Mais les templiers & Guyon roy de Iherusalem se mirent en bataille bien ordonnee / & fut assis lost des crestiens en vng beau lieu & delectable ou auoit habondance deaulx. Mais quant Saladin sceut que lost des crestiens estoit si bien assis / il fist tant quil fist reculler les crestiens du lieu ou ilz estoient: & se logerēt en vng lieu champestre & meschantou ny auoit point deaulx: & en se lieu Saladin vint assaillir les crestiens qui mouroyent de souef / & nauoyent point deaulx: parquoy facilement furent vaincus / & plusieurs princes / & mesmement y fut prins Guyon roy de Iherusalem / & le grant maistre des templiers. Et quant Saladin eut prins le roy de Iherusalem & mis en prison fermee: il alla assaillir la ville de Ancone / laquelle ville les crestiens qui estoient dedans se deffendirent vng peu de temps. Mais a la fin se rendirent / par telle condition q̄ vng chascun crestien emporteroit son bagaige / & habillement. Et oultre print Saladin & mist en son obediēce / Berite / & Bible / & aultres villes de mer. Mais les crestiens qui estoient dedans Ascalonne ne se voulurent rendre iusques a tant que Saladin eut prins la ville de Iherusalem. Or ce neantmoins lost & armee de Saladin fut p̄ l'espace de dix iours deuant Ascalonne / lesquels a la fin se rendirent / par telle conuention & pactiō que Saladin deliureroit Guyon roy de Iherusalem & le maistre des templiers / lesquels tenoit enserrez en ses prisōs / laquelle chose le roy Saladin volut bien faire / pource quil auoit entendu que lempereur Corrad & le Marquis de montferrat estoient desia venus par mer iusques en Tyr: pour donner secours aux crestiens. & que aussi y venoit Guillaume roy de la Sicille avecques quarante nauires. ¶ Or ce pendant quant les Turcs sceurent que Saladin auoit eu si grande victoire contre les crestiens / ilz voulurent auoir / & acquerir renommee & gloire aussi bien que luy: parquoy se assemblerent en grant nombre & prindrent la ville de Laodicee / & puis vindrent deuant la ville de Antioche pour la prendre. Mais les crestiens sortirent de la ville & vindrent a batailler contre les Turcs & en mirent plus a mort que nauoit fait le roy Saladin ne son ost: car les crestiens en tuerent cent mille. ¶ Lors le roy Saladin auoit

La prinse de  
Guyon roy de  
Iherusalem,

Guyon fut de  
liure de prison

Cent mille  
Turs descōfis



De Gregoire, clxxx, Pape: & viii, du nom,

Les crestiés en  
Iherusalé qua-  
tre vingtz &  
huytans,

mist le siege deuant la ville de Iherusalem / & la faillloit si asprement que les crestiens qui estoient dedans ne scauoient plus que faire, Mais apres quil virent que ne leur venoit secours ilz se rendirent par telle condition que vng chascun crestien & aultre qui sen voudroit aller / & sortir de la ville de Iherusalem emporteroit sur ses espaulles & sur luy tant de biens quil voudroit ce que fut fait & accorde / & les vngz sen allerent en Tyr les aultres en Antioche / & alexandrie, La ville de Iherusalem a lors que Saladin la prist & occupa / elle auoit este en la iouissance des crestiens quatre vingtz & huytans: depuis le temps que Godefray de Buyllon la uoit conqueste, Incontinēt que Saladin fut entre en Iherusalem / il fist abbatre toutes les cloches qui estoient aux tours & clochiers des eglises & puis prophana icelles eglises / excepte le tēple de Salomon, Mais deuant quil y entraist il le fist lauer deaulx de roses, Les crestiens Daye / de Syrie / Darmenye / Iacobites / Geordians / & grecz demourerent en Iherusalem par la promesse de Saladin, Et apres que Saladin eut mis garnison en la ville de Iherusalem: il sen alla deuant la ville de tyr pour la saillir, Mais guillaume roy Siculle estoit dedans qui la deffendoit vaillamment / & dechassa saladin & son ost parquoy saladin sen alla en antioche / pour la prendre. ¶ Le pape Urbain qui auoit prins si grant peyne afin de garder que Iherusalem ne fust prise des infidelles / & pour ceste af faire auoit este en la ville de venise pour faire avitailler des nauires: quant il sceut les nouuelles de la prise de Iherusalem / il en prist si grāt douleur quil en fut mallade: & puis mourut en ville de Ferrare, Apres quil eut este pape vng an dix moys / & quinze iours,

¶ De Gregoire, clxxx, pape Et, viii, du nom,



Regoire huytiēme du nō / estoit natif de Beneuent, Il fut cree & esleu a la papaulte du consentemēt de tous les cardinaulx, Incontinēt quil fut pape il māda & enuoya lettres & messagiers par toute la crestiente aux roys princes & aultres crestiens / a cel le fin quil voulussent ensemblement tant par mer que par terre / passer la mer / affin de recouurer la ville de Iherusalem / & aucunes places lesquelles auoyent este prises par force / par les Sarrazins / & affin quil parfist mieulx ce q̄ desiroit de faire, Il p̄tit de Rome & sen alla en la ville de Pise / pour traicter / & cōposer la paix entre les Pysians & les Geneuoys / qui estoient lors fort puissans sur mer affin que sen allassent en Iherusalem ayder a conquester ce que auoyent perdu les crestiens, Mais ainsi que le pere saint estoit empesche a faire



icelles besongnes y mourut en la ville de Pise, Le cinquante septiesme iour que fut eleu pape,

¶ De Clement, clxxxix, pape, Et, iiii, du nom,



Lement troiesme du nom estoit natif de Romme, Son pere eut nom Iehan lescollier, Incōtinēt quil fut pape / il fist vng edict pour aller contre les Sarrazins, Et Saladin auoit desia prins, xxv. villes du Royaulme de Antioche / & par force d'argent que auoit donne au patriarche / il auoit occupe la ville de Antioche / pourquoy les princes crestiens meuz / & enhortez par le pape se croysèrent & allerent oultre mer, Cest assauoir Lēpereur Federic / Phelippes roy de France / Richard roy Dangle terre / &

Croyade,

Oddo duc de Bourgonne / & auecqs eulx plusieurs euesques & archeuesques, les pisans & les venitiens auoyēt beaucoup de nauires biē acoustrees L'archeuesque de Rauenne estoit le chef & cōducteur des nauires des venitiens, Et des Pysans le prelat de Pise, Et Guillaume roy de la Secille pacifia les pyratres de mer: au moyē de quoy auitailla de tous biens lost des crestiens qui alloient oultre mer, Or les crestiens firent tant par mer quil paruindrent en Tyr / & tout ensemble commencerent a assaillir la ville de Tholomaide, Mais ainssi quil assailloyent icelle ville Le roy saladin vint contre les crestiens lune de ses armees venoit deuant & lautre derriere / tellement que les crestiens furent contrainctz de batailler deuāt & derriere / & par telle facon se deffendirent les crestiens quil eussent vaillement eu victoīre des sarrazins & Turcz neusteste le cheual dung nōme Gregoire q luy eschappa de ses mains & sen fouyt p lost des crestiens & aultres apres pour le prendre: tellement que les crestiens eurent paquir cuidant estre vaincuz & dechassez des turcz / vng chascun commēca a sen fouyr, Mais Gaifrede de Lusignian quon auoit laisse pour garder les tentes & pauillons: commenca auecques les crestiens qui estoient auecques luy entrer en la bataille: & firēt tāt quilz chasserent les turcz & payēs / & donna couraige aulx crestiens de resister contre eulx, Mais neantmoins en icelle bataille furent tuez & occis: deux mille crestiens / & y fut tue pareillement le maistre des templiers / & andri cōte de Bremense, Or pour ce que icelle guerre dung coste & daultre dura longuement, Il y auoit si grande famine en lost des crestiens quilz furent contrainctz de requerir & demander des viures & alimens aulx Turcz & Sarrazins leurs ennemis / & aduersaires, ¶ Or ce considerāt Saladin / que les crestiens mouroyent de famine & quil auoyent grande necessite de viures / il fist semblant / &

Deux mille crestiens occis

Cautelle de guerre,



Le royaume  
de la pouille a  
leglise de Rō-  
me,

La mort de lē-  
pereur federic

Le roy Dāgle  
terre occupa  
lisle de Cypre  
par force,

faignist sen fouyr / & delaissa ses tentes & pauillons sans garde / ou estoit grande habondance de tous biens & viures / parquoy incontinent les cre-  
stiens qui congneurent quil sen estoit fouy: sans aucune ordre coururent  
aulx tentes & pauillons des sarrazins pour les destruire rompre & abastre  
& prendre les viures que auoyent delaissez. Mais Saladin reuint inconti-  
nent avecque son ost & armee & tuerent & occirent beaucoup de cresti-  
ens lesquelz furent prins a despourueu par les Turcz: car les crestiens ne  
se doubtoient des sarrazins / & cudoyent que sen feussent fouyz. ¶ Or cō-  
bien que les crestiens eussent faulte & necessite de viures / ce neātmoins  
suruint vne malladie de flux de ventre en lost des crestiens: au moyen  
de quoy ilz en mourut grant nombre / & mesinemēt mourut dicelle mal-  
ladie Sybille femme de Guyon roy de Iherusalem / & quatre de ses en-  
fans quelle auoit euz de son mary Guyon. ¶ Ce pendāt que ses guerres  
se faisoient en asie Guillaume roy de la Secille mourut en la ville de Pa-  
norme: parquoy le royaume apartenoit / & venoit a leglise Romaine /  
pource q ny auoit aucun heritier qui fust legitime. Mais ce neantmoins  
les princes des isles eslurent Tancrede filz de Roger Normant / & estoit  
dune concubine quauoit entretenue aultre foys. Cestuy Tācrede estoit  
si lache & effemine que aultre foys Guillaume roy de Secille auoit de-  
nie que fust engendre & filz de Roger. ¶ Le pape Clement pour recou-  
urer le royaume de la secille enuoya grāt nombre de gens darmes. Mais  
Tancrede fist grosse resistance a lencontre de larmee du pape: parquoy  
cestoit pitie des pilleriez quon faisoit dung coste & daultre au royaume  
de la secille. ¶ Lors lempereur federic auoit ia passe la Hongrie & estoit  
venu par thrace en Cōstātinoble / & ladmōnesta lēpereur Ysaac de Con-  
stantinoble de passer en Bosphore: car craignoit son armee. Quant fede-  
ric eut passe Bosphore: il prinst la ville & cite de Philomene q les turcy  
tenoyent: & destruisit tout le pays de lconye: & oultre il prinst la peti-  
te Armenie & la mist en son obediēce & dominatiō. Mais ainssi que fe-  
deric lēpereur se vouloit & baigner en vng fleuve lequel estoit fort cou-  
rant il se noya dont fut grant dommaige: car puis apres son ost & armee  
sen alla deuant Antioche ou vne partie mourut & laultre ptie sen fouyt  
¶ Or ce pendant le roy Phelippes de france / & Richard roy dangleterre  
estoyent sur mer ensemblemēt mais par fortune du temps & vens les na-  
uires des francoys & des Angloys furent separees. Mais neantmoins le  
roy phelippes roy de france & ses nauires eurent le vent si propice & ag-  
greable quilz arriuerent au port de Ptolomaide: dont furent les crestiens  
fort aysez & resiouys / & leur doubla leur force & puissance. Mais le roy  
Richard par la tempeste de la mer fut transporte luy & ses nauires deuāt  
le port de lisle de Cypre / ou les Grecz ne vouloyent quil prinst terre ne  
port en icelle isle / & resisterent assez longuemēt cōtre les Angloys: pour  
quoy le roy Richard print par force lisle de Cypre & la fist piller & de-  
peupler par les Angloys & y mist guarnison dedans / & puis fist tant par



ses iournees quil arriua au port Ptolomaide / & de la se assemblea avecq's  
loft des crestiens Francoys & aultres, Quant les crestiens furent assen-  
blez ilz compterent de leurs auentures & souffrettes que auoyent euz sur  
mer. Et puis assaillirent la ville de ptolomaide fort aipremet & par chaf  
cun iour donnoyent des assaulx, Mais Saladin qui estoit dedas la deffen  
dit vaillamment: tellement que chascun iour les Crestiens auoyent de  
grans dommaiges par Turcz sarrazins & payens. ¶ Le pape Clement de  
laissa pour lors a faire la guerre cōtre Tācrede qui occupoit la Secille iuf  
ques a ce quil eust ouy que les crestiens qui estoient oultre mer eussent  
eu quelque bonne fortune contre les Sarrazins payens: parquoy se meist  
a corriger les moeurs & mauuaises coustumes des gens deglise / & fist re  
faire les murs du cloistre de saint Laurens / & fist refaire les maisons &  
eglise de Lateran / & les fist paindre de vermillon & aultres paintures, Et  
peu de temps alla de vie a trespas & fut ensepuely en leglise de Lateran  
en grande pompe funebre, Il ne fut pape de romme que trois ans & cinq  
moys,

Cruelle guer-  
re entre les cre  
stiens & les sar  
razins,

¶ De Celestin, clxxxii, pape, Et troisieme du nom



Elestin troisieme du nom estoit de la vil-  
le de Romme, son pere eut nom pierre Bu  
lo cest adire chouette ou chaouan, Incon-  
tinēt quil fut sacre pape: il luy fist mal que  
Tancrede tenoit / & occupoit le royaulme  
de la Secille / parquoy il fist venir p deuers  
luy Constance fille de feu Roger roy de la  
Secille: laquelle estoit rendue religieuse &  
professe en vng monastere de la ville de pa  
norme, Et aps quil leut dispensee de se ma  
rier il la bailla en mariage a Henry sixies-  
me filz de Federic barbe rousse / par telle cō

Constance filz  
le de roger reli  
gieuse fut ma-  
rie a Henry  
filz de lempe-  
reur federic,

uenance & condition / que icelluy Henry demāderoit pour son douaire  
tout ce qui estoit oultre lisse du pnare & par deca en reseruāt le sens & pē  
sion: que le royaulme de Secille debuoit tous les ans a leglise de Rom-  
me: lequel payoit par chascun an: & par ce moyen Henry rendit & re-  
stitua au pape Celestin le chasteau Tusculē: lequel auoit bien muny &  
garni, Mais quant les Rommains furent seigneurs de Tuscule: il le de-  
molirent & ny demoura pierre sur pierre: pour cause de la grande occisi-  
on qui auoit este faicte en ce lieu des Rommains, Et firent porter des pi-  
erres iusques au capitolle de Romme / ou ont este par lōg temps: pour dō  
ner memoire: & souuenance de la grande occision des Rommains,

Tusculē fut p  
les rōmains de  
moli & abbatu

¶ Or apres Henry & Constance sa femme assemblerent gens darmes de  
toutes pars & sen allerent assaillir la ville de Naples, Mais apres quilz y

B,i,



Cruelle guerre  
contre le sar-  
razins,

Guerre en ihe-  
rusalem entre  
Saladin & Ri-  
chard roy Dā-  
gleterre,

furent par aucun tēps: ilz furent contrainctz de leuer le siege pour la peste qui se mist en loſt. ¶ Apres q̄ les creſtiens eurent aſſiege la ville pto-  
lomaide par leſpace de deux ans, Les Sarrazins qui eſtoient dedans ſe rē-  
dirent par telle condition quilz rendroient aulx creſtiens vne partie de  
la vraye croix / laquelle auoit eſte perdue: cōme nous auons dit cy deſſus  
& par tant ilz ſen yroyent leurs habillemens ſaulues. Or pource que les  
creſtiens ne trouuoient point la ſaincte croix: le roy Richard occiſt plu-  
ſieurs Turcz barbares / & ſarrazins: parquoy Saladin eſtoit: cōme deſeſpe-  
re: car les creſtiens auoyent demoli & abbattu les murs de pluſieurs vil-  
les / au moyen de quoy penſa a luy meſmes / & ſe delibera de rendre & re-  
ſtituer la ville de Iheruſalem aulx creſtiens / ſe neult eſte le diſcord / qui  
lors fut entre phelippes roy de France: & Richard roy Dangleterre / qui  
vouloyent vng chaſcun obtenir & auoir le tiltre de roy de Iheruſalem:  
pourquoy phelippes roy de frāce pource quil eſtoit mallade ou faignoit  
leſtre ſen partit du pays Daſie & delaiffa richard roy Dangleterre: leq̄l  
batailla contre les Turcz & Sarrazins plus vaillēment / & de plus grant  
courage que nauoit faict au parauant: & fiſt tant enuers Guyon de Lu-  
ſignian / en le blādiſſant p̄ doulces polles: quil luy rendit & remiſt tout  
tel droit quauoit au royaume de Iheruſalem. ¶ Et depuis les roys An-  
glois retiennent & uſurpent le tiltre de roy de Iheruſalem, Or quant le  
roy Richard eut le droit quauoit Guyon au royaume de Iheruſalem  
il ſen partit en groſſe armee delibera daſſaillir Iheruſalē: mais il fut ſur-  
pris par larmee de Saladin qui vint frapper ſur larriere garde ou furent  
tuez pluſieurs creſtiens. Mais les creſtiens ſe deffendirent ſi vaillamment  
quilz gaignerent la bataille: & ce faict Saladin ſe retira pres la ville de be-  
thelem & y aſſiegea ſon oſt: affin dempeſcher q̄ les creſtiē neuffent des  
viures pendāt le tēps quil aſſailloyēt la ville de Iheruſalē: pourquoy les  
creſtiens furent fort aſaiblis: & meſmement pour le temps de lyuer / qui  
lors eſtoit: p̄quoy Richard leua le ſiege de deuāt Iheruſalem: cōbien q̄  
le pape Celeſtin luy euoyast or & argent: pour ſouſtenir larmee des creſti-  
ens. Mais ce nō obſtāt delaiffa la ville de Iheruſalē: qui eſtoit choſe fort  
neceſſaire & ſen alla faire reſaire la ville de Aſcalōne & gaze / leſquelles  
auoyent eſte deſtruictes p̄ Saladin. ¶ Lors par chaſcun iour les nauires  
des creſtiē qui gardoyent les portz & paſſaiges de la mer ſen alloiyēt: car  
les Piſans vindrent en la mer Adriatique / & prindrent & occuperent la  
ville de polle affin de y demourer le temps dyuer. Mais les Venitiens  
vindrent en grant nombre de nauires bien equipees dartilerie & de gēs  
darmes & par force dechafferent hors de pole les piſans: & puis apres pil-  
lerent la ville au moyen de quoy les piſans & les Venitiē eurent de groſ-  
ſes batailles ſur la mer. Et neult eſte le pape Celeſtin qui fiſt la paix en-  
tre eulx: ilz ſe fuſſent deſtruictz les vngz / & les aultres. Lyuer eſtoit paſ-  
ſe & le tēps de ver & prin temps eſtoit venu: parquoy Richard roy Dan-  
gleterre auoit delibera de aſſaillir la ville de Iheruſalē, Mais ſubitemēt



Luy vindrent nouuelles que le roy de france faisoit guerre en Normandie & que de la vouloit passer la mer & cōquerir le royaume Dāgleterre/pour bailler a son frere Iehan:parquoy le roy Richard fist paix & cōfederation avecques Saladin: par telle cōdition que Saladin auroit tout ce quil occupoit fors Tyr & Ptolomaide/& tout ce q occupoyent les crestiens il leur demouroit / & puis Richard monta sur mer / pour venir en Europe: Mais il fut prins p les Pyrates & fut rachapte de leurs mains/& paya audictz Pyrates grāde somme de deniers:& puis fist tāt par ses iournees quil arriua en Angleterre: le roy de France & luy eurent depuis de grosses guerres: de quoy le pape estoit fort courrouce de veoir guerre entre deulx roys crestiēs:& leur deffendit de ne faire ples guerre ensemble: leur admonnestant de recouurer la terre saincte: car lors Saladin estoit mort:parquoy facilement on pouoit recouurer Iherusalem, ¶ Saladin ordonna que apres sa mort on portast sa chemise au bout dune lance/deuant luy quant on le porteroit en terre/& que celluy qui porteroit la lāce ou pendoit la chemise criroit a haulte voix/le roy Saladin qui auoit este dominateur & seignr de toute Asie / de tous ses biens & richesses de son royaume/nen porte aultre chose que ceste chemise de lin, Cestuy Saladin fut homme fort puissant digne destre loue/& ne luy restoit fors quil nestoit pas crestien, ¶ Apres que Saladin fut mort / le pape Celestin eut grāde esperance de recouurer Iherusalē:parquoy il enhorta le pereur hēri apres que Tancrede fut mort/qui auoit occupe le royaume de Secille/de faire la guerre aulx sarrazins:mais lempereur se excusa di aller:non obstāt y enuoya leuesque de Magōce/& le duc de Saxone avecques grāde compaignie de gens darmes:& y eust le roy de France peillement enuoye, Mais il fut excuse de ce faire/pource q les Sarrazins auoyent desia prins le roy de Castille / & puis le royaume de Grenade, Et pour ceste cause se doubtoit le roy de france que les sarrazins ne voulussent descēdre en france: pour la victoire quauoyent eue / a ces moyens se tenoit sur ses gardes, ¶ Or les Germainz passerent la mer:& occuperent la ville de Bérinte:laquelle les sarrazins auoyent delaissee & la firent faire garnir & munir/& puis firent leuer le siege des sarrazins:qui estoient deuant Ioppe:& sen vouloient aller en Iherusalem, Mais ce pendāt le pape Celestin alla de vie a trespas & fut ensepueli en leglise saint Pierre, Il fut pape, vi, ans vii mois/& xi, iours, ¶ Le pape Celestin estoit saint homme & ne desiroit aultre chose sinon que Iherusalem fust recouuert, En son temps fist faire de manifiques maisons pres saint Pierre/ou les papes se logeroyēt dorefnauāt, Et sont encores de present les portes Darein que fist faire / & oultre fist leglise de Viterbe cathedrale/& y submist les eglises tusculane & de centucelle a icelle euesche de Viterbe,

Paix entre le  
roy Dāgleterre  
& Saladin,

Le triumphe  
Saladin apres  
sa mort,

Le trespas du  
pape celestin,

¶ De Innocent, clxxxiii. pape, Et, iiii, du nom,

B, ii,





Altercatiō de  
lection de  
l'empereur.

Croyade.

Innocent, iii, estoit natif de Anagnine. Son pere eut nō Trasimode extraict de noble lignee. Il fut esleu du cōsentemēt de tous les cardinaulx: pour sa science & doctrine. Incontinent quil fut esleu pape: il se efforça de entretenir les Germains qui estoient en Asie contre les Turcz. Mais quant ilz sceurēt que l'empereur Henry estoit mort ilz ne voulurent obeyr a nully / nonobstant les promesses dons / & argent que leur fist le pape / parquoy ilz delassoient le pays de Asie & sen reuindrent en Europe: laquelle chose fut cause de grans incōueniens que eurent les crestiens: & mesmement les crestiens qui estoient en la ville de Ioppe: lesquelz apres que neurent plus de garde: les Turcz / & Sarrazins les vindrent assaillir / & par force prindrent la ville / & puis tuerent tous les crestiens / tellemēt que nen rechappa pas vng / & ce faict abbatirent la ville iusques aulx fondemens. ¶ Les Germains eurent en Germanie de grans debat / differend / & seditions entre eulx / pour cause des electeurs: car vne partie vouloyent eslire Otho Duc de Saxe / & les aultres vouloyent eslire Phelippes Duc de Heturrie, lequel L'empereur Henry auoit esleu tuteur quant il voulut mourir a ses enfans / & afin que les differences & noyses fussent plus mauuais / le roy de France fauorisoit a Phelippes / & le roy Dangleterre a Otho. Mais le Pape Innocent pour appaiser les tumultes / noyses / & debat / Il conferma Otho Empereur: comme esleu bien & legitimement. Mais neātmoins Phelippes ne delaissa de nētre guarnisons aulx Italles / & heturrie. Et pareillement au pays de Sueue qui est en Germanie. Et aussi en fist autant L'empereiere Constance veufue de feu Empereur Henry: pour garder le royaulme de Secille / qui apartenoit a elle / & a ses enfans: pour obuier aulx guerres & discors qui pouoyent aduenir. ¶ Or ce pendant le pape Innocent ne voulut delaissier la guerre de Asie: parquoy fist tant par son auctorite que Boniface Marquis de Montferrat / Bauldouin conte de flandres Henry cōte de saint Paul / & Loysduc de Sauoye se croyserent & dung accord en grosse armee se delibererent daller contre les infidelles & firent tant quil arriuerent en la ville de Venise: ou les Venitiens ne les voulurēt recepuoir ne faire pparer leurs nauires sil ne leur eussent promis quil feroient guerre aulx Saderenses ce q̄ firent & les subiuguerent. ¶ Ce pendant que icelle guerre se faisoit en la mer adriatique Alexis dechassa son frere Ysaac de lēpire de Cōstantinoble & luy creua les yeulx & puis le fist enfermer & mettre en prison. Cestuy Ysaac fauorisoit aulx frācoys latins & gens ditalie: pourquoy son filz Alexis sen fouyt en lost des crestiens & leur demāda secours & ayde. Mais quāt les crestiens leurēt ouy: ilz luy promirent de luy donner secours / par telle condition & ma-



niere que leglise de Grece seroit subiecte a leglise de romme/ & quil pay  
 roit trente mille marc3 dor/ pour les grans dommaiges & interestz / que  
 aultre foys lempereur Emanuel auoit faictz aulx crestiens francoys / &  
 Venitiens: laquelle chose Alexis accorda de faire : pourquoy les cresti-  
 ens firent tant quilz prindrent lisle de Crete/ & la mirent en la subiecti-  
 on & domination du ieune enfant Alexis, Laquelle isle & seigneurie/dō  
 na a Boniface marquis de Montferrat/ qui estoit de son affinite & paren-  
 te, Et puis les crestiens firent tant p leurs iournees quil vindrent iusques  
 deuant la ville de Constantinoble & lassaillirent par mer & par terre tel-  
 lement quil la prindrent par force/ nonobstant Theodore Lascare gen-  
 dre de Alexis / qui deffendoit tressfort la ville de Constantinoble a len-  
 contre des crestiens, Mais alexis qui auoit creue les yeulx a Isaac son fre-  
 re quant il sceut que les crestiens auoyent gaigne la ville de Constanti-  
 noble/ il bailla en garde vng grāt tresor a Hyrene vierge & religieuse/ & ble prinse par  
 par nuyt sen fouyt, ¶ Or Ysaac pere de alexis fut remis en son Empire/ les crestiens,  
 peu de temps apres alla de vie a trespas: & pareillement alexis son filz ne  
 vesquit guieres apres/ car il fut empoysonne parquoy mourut. ¶ Apres  
 que Boniface de Mōtferrat eut gaigne le royaulme de Theffaline/ il eut  
 affaire dargent: & lors il vendit lisle ville & seigneurie de Crete aux ve  
 nitiens, ¶ Le pape Innocent estoit fort empesche/ pour trouuer & met-  
 tre ses gens darmes/ pour combattre contre les Turcz/ & Sarrazins/ qui as-  
 sailloyent les crestiens de tous costez, Et mesmement Hyminoline pay  
 en qui estoit descendu en Espagne / & auoit assailli la ville de Tollete:  
 parquoy le pape requist les francoys de donner secours aulx Espaignolz  
 cōtre les Turcz & Sarrazins, Et pour ce faire plusieurs francoys se assem-  
 blerent & allerent iusques aulx Espaignes pour cōbatre les payēs, Mais  
 les Espaignolz ne voulurent du secours des Francoys/ au moyen de quoy  
 vng chascū sen retourna en son pays: & a ceste cause Hyminoline prist  
 & occupa les deux Espaignes & vint iusques en la ville Darles/ & Au-  
 gnon/ en mettant tout a feu & a sang, ¶ Lors quāt les quatre roys Despai-  
 gne, Cestassauoir le roy de Castille/ le roy Darragon/ le roy de Portugal  
 le roy de Nauarre/ congneurent les tyrannies/ miseres/ & calamites que  
 faisoient les Turcz & Sarrazins/ ilz assemblerent vng chascū tant de cre-  
 stiens quilz purent/ & emsemblement assaillirent les Sarrazins & recou-  
 urerent les villes & terres que occupoyēt les Sarrazins & diceulx eurent  
 victoire & ne delaissèrent seullemēt a Hilminoline que le pays de Gre-  
 nate, ¶ En ce temps estoit vne heresie au pays Thoulousain quon disoit  
 lheresie des albigoy3/ laquelle fut abolie: au moyen de saint Domini-  
 que/ lequel puis apres fut canonise par le pape Innocent, Iceulx heretiqs  
 estoient si fors quil fallut les expulser & batailler a force darmes: ce que  
 fut faict p Symon cōte de Mōtfort, Otho epereur des Rōmain3 fut lors  
 vaincu p phelippes au moyē de quoy il mourut: & peu de tēps aps phe-  
 lippes fut occis en thraison p le cōte palatin, quāt les Germaīs sceurent

Constantino-  
ble prinse par  
les crestiens,

Le marquis de  
montferrat vē  
dit lisle de cre-  
te aulx Veniti-  
ens,

Saint Domi-  
nique,

B.iii,



Otho couron-  
ne empereur,

Le roy Dagle  
terre le rendit  
tributaire au  
pape Innocet,

Concille a rō-  
me,

Labbe Ioachi  
heretique,

la mort de Otho & de Phelippes: ilz esleurent pour Empereur le duc de  
Saxone: lequel fut appelle Otho le cinquiesme / & le couronna le pape  
Innocent: Mais peu de temps apres il fut anathematize / & priue de lem-  
pire par le pape: pource q̄ contre droit & raison il auoit occupe aulcunes  
villes de leglise Rommaine: comme Montflacon / radicophane / & plu-  
sieurs aultres chasteaulx / & que aussi il vouloit occuper le royaulme de  
Naples, Et fute esleu empereur federic roy de Secille qui lors nauoit que  
vingt ans, ¶ Lors depuis Otho sen alla en Germanie: parquoy le Pape  
facilement recouura ce que auoit occupe Otho aulx Italles, ¶ En ce  
temps les habitans de Crete se rebellerent contre les Venitiens: mais par  
force darmes les Venitiens les appaiserent & y enuoyerēt demourer plu-  
sieurs Venitiens femmes & enfans: affin q̄ feussent plus feables au moyē  
diceulx, Et fut Lan de nostre salut Mille deux cens dixneuf. Et lors fede-  
ric secōd vint a rōme affin q̄l fust couronne empereur par le pape Inno-  
cent, Mais le pape ne le voulut couronner / parquoy sen alla en Germa-  
nie & fut couronne roy des rommains par larcheuesque de Magunce, &  
puis fist aliance avecques Loys roy de france / au moyen de quoy le roy  
de france fist guerre a lehan roy Dangleterre: parquoy lehan roy Dan-  
gleterre se ayda du pape / & se rendit tributaire luy & le royaulme Dan-  
gleterre & hybernée a leglise rommaine promettant payer par chascun  
an cent marcꝝ dor / & par long temps les auoit payez, ¶ Federic lors perse-  
cutoit fort lempereur Otho, Et le roy de france print le pays & ville de  
Aquisgrane qui est la cite Daix en Allemagne, ¶ Or voyant le pape  
Innocent que les Sarrazins & payens se faisoient fors / & de iour en iour  
croysoient en Asie au grant preiudice & dommaige des crestiens, Il fist  
celebrer & assembler vng Concille a romme en leglise de Lateran: ou  
estoyēt le patriarche de Iherusalem soiyāte & dix archeuesques / quatre  
cens & douze euesques / & huýt cens abbez / & prieurs conuentuelz, Et y  
estoyent les legatz des Grecz ceulx de lempire & si y estoyent les ambas-  
sadeurs du roy de France / du roy Despaigne / du roy de Iherusalem, du  
roy Dangleterre / & pareillement ceulx de Cypre, Mais combien que  
le Concille fust excellent & magnifique & quon y mist de grandes ma-  
tieres & questions pour decider: & determiner / neantmoins il ny fut ri-  
ens conclud: pour cause des grandes guerres que faisoient les Pysans /  
& les Geneuoys les vngz aulx aultres: pourquoy le pape Innocent se par-  
tit de la ville de romme pour les mettre daccort, Mais ce pendant il mou-  
ru en la ville de pise / Il ne vesquit en la papaulte que dixhuýt ans / sept  
moys & seize iours, ¶ Cestuy pape Innocent fist plusieurs decretalles  
par le moyen desquelles furent reprinſes & abolies le mauuaies coustu-  
mes & moeurs des prestres & gens deglise / & pareillement aussi des gēs  
lays: Il fist des liures du iācremēt de la saincte Hostie / du sacremēt de  
baptisme / vng petit traicte & libure de la misere & condition humaine  
Il fist plusieurs beaulx sermōs: il reprouua le liure de labbe Ioachin / cō-



me heretique, Il condampna les erreurs de Almeric heretique/lequel depuis fut brusle en la ville de Paris/avecques ses disciples & sectateurs Et en ce temps les sciences doctrines & vertu; de saint Dominique/& de saint Francoys/luy aydoient tresbien:desquelz les ordres des freres prescheurs & freres mineurs sont venuz. ¶ Aulcuns ont voulu dire que en ce temps estoit Gratian qui fist le grant decret/& Papie lombart qui auoit faict le liure des vocabulaires & motz latins. ¶ Mais aulcuns disent que Gratian estoit du temps du pape Alexandre le tiers, Le pape Innocent fist faire a Romme lhospital du saint esperit/ou sont receuz les pe lerins petiz enfans orphelins & aultres non legitimes, Il fist refaire saint Pierre & le peindre de vermillon:comme appert par les escriptures qui sont au hault, Il donna a chascune eglise de Romme vne liure d'argent/pour faire des calices a faire le diuin seruice, Et oultre fist refaire leglise saint Calixte/laquelle estoit toute destruite & en ruine:mais les enuieux & maldifans disoyent lors/qu'il faysoit icelles donations & reparations:affin qu'on ne dist qu'il auoit mis & expose tout l'argent de leglise de Romme a faire vne tour/qu'on appelle maintenant la tour des cotes/qui est le surnom de la maison & famille dont il estoit issu, Mais quel que chose que le pape Innocent ait faict il na rien faict qu'il ne soit digne de memoire/& qui doit estre repute entre les bons papes,

Gratian qui  
fist faire le  
grat decret

La tour des cō  
tes

¶ De Honore, clxxxiiii, Pape: &, iiii, du nom.



Onore pape troysiesme du nom/estoit natif de Romme, Sō pere auoit nom americ Il fut esleu du consentemēt de tous les cardinaulx, Et lors vint a Romme Pierre empereur de Constantinoble & sa femme:& fut couronne par le Pape en leglise saint Laurens/hors les murs de Rōme, Et puis fut enuoye avecques luy le cardinal Iehan columnoys/auquel luy fut baillie la charge & legation pour aller a la guerre contre les infideles. ¶ Or lors les princes crestiens estoient arriuez en accone:cest assauoir an

dry roy de Hongrie:lequel auoit donne aux Venitiens tout tel droit q le duc Dautruche auoit en Dalmace/pour les recompenser des seruices que luy faysoient les venitiens de luy aprestre leurs nauires pour le mener luy & son armee, Et lors Henry conte de Neuers/Gaultier chambellain du roy de france/estoyent avecques Iehan roy de Iherusalem/& ensemblement assailloyent la ville de Damiette qui est en Egipte, lan de nostre seigneur mille deux cens & dixhuyt au moys de May. Icelle ville Damiette auoit aultressoyz este appelee Heliopole/pour le nom

M.cc,&,xviii

B.iiii,



Les murs &  
fortresses de  
Iherusalem fu-  
rent abbatuz

Damyette fut  
prise par les  
Crestiens

de l'empereur Helie le partinace/lequel auoit faict enuironner icelle vil-  
le de troys murs/& y auoit faict venir dedans vne petite partie du fleue  
du Nil qui enuironnoit la ville/pourquoy il sembloit que ce fust vne  
isle, Les crestiens pillerent les faulxbourgs de Damyette ou estoient de  
grandes marchandises. Or le fleue du Nil creut si vehementement quil  
gasta tous les fructz & biens qui estoient sur la terre/dont les crestiens  
eurent grande neccessite. Pourquoy furent contrainctz daller assaillir le  
souldan qui estoit venu contre les crestiens pour leur faire leuer le siege  
de deuant Damyette. Mais quant le souldan vit arriuer les crestiens qui  
venoyent en bataille bien ordonnee contre luy & son ost: il eut si grant  
paour & frayeur quil sen fouyt luy & tous ses gens/& laisserent grande  
habondance de viures en leurs tentes & pauillons/dont les crestiens fu-  
rent bien aysez/car ilz en auoyent bien affaire. Et pourtant les viures qua-  
uoient apportez ou faictz apporter le souldan & ses allies/pour faire le-  
uer le siege aux crestiens/leurs furent vtiles & necessaires/pour aydera  
prendre la ville de Damyette. Or quant Cordirin filz de Saladin sceut  
que les crestiens estoient deuant Damyette/& que par force ilz la prena-  
droyent/pourquoy il seroit dechasse de Iherusalem. Il fist abatre les murs  
de Iherusalem & les fortresses/& ny laissa chose entiere/que la tour de  
Dauid. Le temple & le sepulchre de dieu lequel ne voulut violer/pour-  
ce que a ce faire il fut requis des crestiens qui y estoient lors habitans. Les  
crestiens furent longuement deuant Damyette/& pour les affamer ou  
leur faire leuer le siege/le souldan reuint en plus grande armee quil na-  
uoit amenee au parauant:& se assiegea & mist son ost en vng fort lieu/en-  
tre le Cayre & Damyette/& estoit si bien ferme & clos que les crestiens  
ne les pouoyent assaillir/& ne vouloyent sortir de leurs tentes & paul-  
lons: neantmoins que les crestiens leurs donnassent plusieurs assaulx &  
les agouffoyent le plus quilz pouoyent faire/pour les faire sortir & met-  
tre en bataille. Mais neantmoins les crestiens les assaillirent sans tenir  
ordre/parquoy il en y eut beaucoup de tuez & occis. Mais nonobstant les  
crestiens apres quilz eurent assiege Damyette p l'espace de quinze moys  
ilz la prindrent par force:& fut pillée par les crestiens dont furent riches  
pour les grans biens qui estoient dedans. Or ce pendant le pape Hono-  
re conferma l'ordre saint Dominique & a sa requeste & priere. Et puis  
anathematiza Federic second & le priua de la dignite imperialle: pource  
que apres que sa mere Constance fut morte/contre droit & raison rete-  
noit ce qui appartenoit a leglise de Romme. Quant le souldan sceut les  
noyses & debatx quauoyent le pape Honore & l'empereur Federic/il al-  
sembla plus grande quantite de gens darmes quil nauoit faict iamais/&  
assaillit les crestiens. Mais le fleue du Nile lors creut & deuint si grant  
que en chascun lieu il estoit du hault dune coustee: parquoy les crestiens  
furent en grant esmoy:& fut faict paix avecques le souldan/par telle co-  
dicion/q les infideles renderoyent aux crestiens le fust de la sainte croix



& les prisonniers dung couste & daultre seroyent deliurez, Et sen retour neroyent en Tyr & Acone/ & delaisseroyent Damyette laq̃lle auoyēt prinse le iour de la purification nostre dame: Et la rendirent le iour de la feste de Noel ensuyuant, Lan de nostre salut mille deux cens vingt & vng, Et en ce temps les Tartarins qui est vng peuple de Scytie: ou com me disent les aultres: estoient venuz des montaignes des Indes/ & gaste rent Parthe/ Medee/ Perse/ Assyrie/ Armenie/ & firent tant quilz parui drent en Sarmate/ ou ilz habiterent, Les Crestiens sen retournerent de oultre mer aux ytalles avecques le cardinal Coulonnoys/ & Iehan roy de Iherusalē: lequel fut tresbenignement receu du pape Honore/ & luy donna de grans biens & magnifiques dons, Et puis Iehan roy de Iheru salem donna sa fille a Federic lempereur/ & pour son douaire luy donna tout tel droit quil auoit au royaulme de Iherusalem, Et cest pourquoy La cause pour quoy les roys de Secille & Naples se dis sent roys de Iherusalem

Or apres le mariage ainsi faict/ iceiluy roy Iehan de Iherusalem vint en France au temps que le roy Phelippes roy de Frāce estoit malade/ & qui faisoit son testament: par lequel delaisa audict Iehan roy de Iherusalē quarante mille liures d'argent/ & autant & pareille somme au grant mai stre du temple de Iherusalem, Quant le roy Iehan eut receu le laiz du roy Phelippes/ il sen alla en voyage a saint Iaques/ ou il print a femme Be regaire seur du roy Despaigne, Et fut au temps que saint Dominique mourut en la ville de Boulongne, Et que Federic fist promulguer & ap peller en alemaigne son filz Henry roy Dalemaigne/ cōbien quil neust que dix ans, ¶ Apres que le pape Honore fut en paix/ il fist refaire legli se saint Laurens qui est hors les murs de Romme/ & leglise sainte Vi uiāne, Et fist faire les maisons Case Marii/ & fist refaire le hault de saint Pierre fort magnifique, Il fist plusieurs decretalles, Et approuua lordre La mort de saint Domi nique

saint Frācoys/ lequel deux ans apres le pape Gregoire canoniza & mist au cathologue des saintz, Or apres que le pape Honore eut vescu com me vng bon pasteur il alla de vie a trespas: & fut enseuel y en leglise de la vierge Marie maior de la craiche, Il ne fut pape que dix ans sept moys/ & treze iours, Et apres sa mort fut si tresgrant tremblement de terre/ que des montaignes qui se rompirent & tumberent en bas/ furent tuez & oc cis plus de cinq mille hommes & femmes: & tumboyent les montai gnes & maisons/ & assommoyent & meurdriroyent tout le peuple qui estoit aux vallees, lordre de saint Francoys,

¶ De Gregoire, clxxxv, Pape: & ix, du nom,





Port de mer  
pour aller en  
grece

federic de re-  
chief anathe-  
matize

Regoire Pape neufiesme du nō/estoit du  
pays de Anagnime/de la famille & ligne  
des cōtes, Il estoit nepueu au pape Innocēt  
troysiesme, Il fut esleu a la papalite en Se-  
ptizode, Incontinent qu'il fut esleu Pape il  
commanda a l'empereur Federic sur peine  
de anathematization daller contre les Sar-  
razins & infideles/& leur faire guerre, La-  
quelle chose promist de faire l'empereur fe-  
deric/& manda a son ost que vng chascun  
se preparast:& mesmemēt aux princes des  
Allemaignes qui cestoyent croyses/qu'ilz

se trouuassent a vng certain iour/en la ville & cite de Brunduse/ou est  
vng port de mer/en facon d'une teste de cerf/& par la on va par mer en  
Grece. Or y estoit venu de Germanie grande multitude de gēs d'armes  
& mesmement Lantcraue de Asie:lequel mourut en la ville de Brundu-  
se/en attendant Federic qui estoit en la Secille saygnant estre malade:  
Mais la fraulde & simulation puis apres fut manifestee/car incontinēt  
qu'il sceut que Lantcraue estoit alle de vie a trespas/il narresta guieres q'il  
ne vint par mer en Brunduse/ou il print & desroba tous les biens qu'il a-  
uoit apportez en la ville de Brunduse, Et apres la pillerie qu'il auoit fai-  
cte/il fist semblant de vouloyr nauiger & aller en Asie contre les infide-  
les, Pourquoy commanda que vng chascun fist aprestier ses nauires:ce  
que fut faict/& se mirent les crestiens sur mer/& donnerent les voylles  
aux vens. Mais quāt Federic vit q' les crestiēs & aultres princes estoient  
partiz apres qu'il eut este vng iour ou deux sur la mer/il sen retourna en  
Brunduse disant qu'il auoit este agite des vens & tourmentes de la mer  
mais il mentoit/car il nauoit point de vouloir daller oultre mer contre  
les infideles. ¶ Or quant Iehan roy de Iherusalem congneut que le pa-  
pe Gregoire auoit tant faict qu'il auoit incite & admonnestē les crestiēs  
de se croiser & daller oultre mer contre les infideles/il en fut fort aysē &  
ioyeux: pourquoy il sen vint en la ville de Boulongne luy & sa femme  
Berangaire/& remercia le Pape/& puis print cōge de luy & se mist aux  
nauires & gallees des Venitiens pour aller en Iherusalem, Et quāt le Pa-  
pe cōgneut & sceut la fraulde & deception qu'auoit faicte Federic/il fut  
fort courouce & marry: au moyen dequoy il cōferma la sentence de ex-  
communiement & anathematization qu'auoit aultressfoys baillēe le pa-  
pe Honore tiers/a lencontre de Federic, Et luy eust faict beaucoup plus  
de maulx/neust este les infideles & mores qui estoient descēduz en espai-  
gne, Mais Ferdināt roy Darragon batailla cōtre les maures & sarrazins:  
& si vertueusement si porta qu'il les vainquit/& en tua vng grant nom-  
bre: parquoy il recouura l'isle maiorque, Et puis dechassa les sarrazins de  
la ville de Valence:& fist contraindre les habitans de viure selō la cou-



stume & maniere des crestiens, ¶ Or finalement l'empereur Federic fut contrainct par le Pape / tant par menaces que par prieres de ses amys: quil transfreta & alla oultre mer / & vint iusques en Cypre / affin que les crestiens qui estoient en la terre sainte eussent meilleur couraige de assaillir les sarrazins, Et lors le Pape estoit a Peruse pour aller en la ville de Asissium / pour se informer des miracles saint Francoys / lesquels auoit ouy dire quil auoit faictz. Or quant il y fut il congneut la verite / parquoy le canoniza & fist mettre au catalogue & nombre des saintz de paradis. Or ce pendant le Pape escripuoit & enuoyoit lettres & messaigiers aux crestiens qui estoient oultre mer / a batailler contre les infideles / quilz ne se fiasent point a Federic / car se nestoit que vng traistre & cauteleux homme / pensant tousiours a quelque tromperie & fraude, L'empereur federic peu de temps apres que le Pape eut escript aux crestiens il sen reuint en Brunduse / & chercheoyt tous les moyes quil pouoyt faire / pour auoir paix & confederation avecques le Pape / & luy promettoit que dorenavant il seroit feudataire & vassal de leglise Romaine / & quil recongnosteroit tenir le royaume de Sicille de leglise de Rome, Mais auant que le Pape luy pardonnast ses forfaitz / il paya premierement a leglise de Romme cent & vingt mille vnces dor / pour cause des pilleries & aultres dommaiges quil auoit faictz aux terres & seigneuries appartenans a leglise de Romme, Et ce faict le Pape sen retourna en la ville de Peruse / pour appaiser les noyses & debatx des banniz, Or ce pendant se engendra a Romme vne grande sedition & heresie / & en estoit chief vng nomme Hannibal de la famille Hanniballe / & avecques luy estoient plusieurs prestres / lesquels auoyent faict conspiration contre leglise de dieu / & le peuple de Romme les soustenoyent, Mais icelle heresie ne dura guieres / car la vengeance de dieu se manifesta en brief, Car le fleuve du Tybre soudainement deuint si grant / quil fist beaucoup de dommaiges aux biens & fructz de la terre: & pareillement aux habitans & peuple de Romme, Et oultre il fut si grant peste a Romme que a grant peine de dix lung reschappa quil ne mourust de peste, Or ce voyant par le Pape / il eut pitie & compassion de la pouurete & misere des Rommains: parquoy il vint a Romme & pardonna au peuple Romain: puis fist mettre hors & dechasser du senat de Romme Hannibal & les prestres qui furent couaincez de heresie / & qui recongneurent leurs erreurs / il les redressa & mist en bonne oppinion de la foy crestienne, Et puis fist refaire les lieux priez / & ce faict se partit de Romme / pour cause de la peste qui y estoit encores / & sen alla en la ville de Reate: ou il canoniza comme disent aucuns saint Dominique / chief de lordre des tresprescheurs: & saint Anthoine de lordre saint francoys / qui fut natif de Vlixipone / lequel mourut a Padoue, L'empereur federic vint parler au Pape en la ville de Reate / & luy promist de faire la guerre avecques luy contre les Rommains: mais cestuy federic le deceut & trompa / com

Saint francoys canonize,

Cet vingt mil le vnces dor

Saint Dominique,  
Saint Anthoine,



me tousiours auoit acoustume, car il sen alla en Germanie, Et bailla en charge & commandement a ses cheualliers & capitaines quilz obtemp-  
 rassent aux Rommains en tout ce quilz voudroyent faire, Pourquoy le  
 pape fut fort courouce & marry, Et lors le pape fist publier en lost des  
 Germains, que tous ceulx qui luy voudroyent aider & le seruir en guer-  
 re, quil les payeroit & souldoyeroit tresbien: au moyen dequoy il eut en  
 son armee si grande multitude de gens, que les Rommains nouserent af-  
 faillir larmee du pape: combien quilz fussent les vngz deuant les aultres  
 pres a batailler, Parquoy le pape conquesta & recouura les villes terres  
 & seigneuries du patrimoyne de leglise & de sainct Pierre, Or ce faict  
 le pape ne voulut ouyr les ambassadeurs du Souldan, qui demandoyt  
 auoir paix avecques les crestiens, mais les dechassa, Et puis enuoya des  
 freres prescheurs & des freres de lordre sainct fracoys, pour prescher en  
 Europe, & pour prescher la croysade, & conciter & esmouuoir le peu-  
 ple crestien daller contre les Turcz, Sarrazins, & Payans, Pourquoy se  
 assemblerent plus de crestiens pour aller batailler les infideles, que ia-  
 mais nauoit faict, ¶ Or ce pendant quon chercheoit vng bon chief de  
 guerre & capitaine, pour mener & conduire icelle armee: Le pape cano-  
 niza & mist au cathologue des saintes, sainte Helizabet fille du roy de  
 Hongrie, pour les miracles quelle faysoit, Thibault roy de Nauarre &  
 Aymeri de Montfort, & Henry conte de Bar, & de Champaigne, me-  
 noyent vne grosse armee de crestiens, & passerent par la Germanie &  
 Hongrie, & firent tant quilz vindrent deuant Constantinoble, Puis pas-  
 serent Bosphore & paruindrent iusques en Ptolomaide, & les crestiens  
 boutoyent tout a feu & a sang, Mais les infideles vindrent en si grãde mul-  
 titude contre les crestiens, quilz furent deux iours entiers continuelle-  
 ment a batailler les vngz contre les aultres, Mais finablement les cresti-  
 ens furent desconfitz par les sarrazins par faulte de conduicte & dauoir  
 bons chiefz de guerre & capitaines, Et lors fut en peu de temps destruiet  
 vng grant ost de crestiens, qui auoit couste beaucoup pour assembler,  
 Quant le Pape sceut la desconfiture des crestiens, il fut fort desplaisant  
 de leur misere & calamite: pourquoy sen retourna a Romme pour faire  
 faire processions & prieres a dieu nostre createur, pour appaiser son ire  
 sil en auoit conceue aulcune contre le peuple crestien, Mais de ce faire il  
 en fut garde par pierre fregepane, lequel fauorisoit & tenoit la bande &  
 party de lempereur federic, A ceste cause le pape de Peruse alla en la vil-  
 le de Viterbe, ou se delibera daller batailler & faire la guerre contre fe-  
 deric, qui oppugnoit & faysoit guerre contre aulcunes villes des ytalles  
 contredroit & raison; Et pareillement contre Ecelin tyran: lequel aul-  
 tressfoys auoit este capitaine de ges darmes soubz lempereur Otho troy-  
 siesme. Et lors tenoit le party de lempereur federic, & auoit faict desia de  
 grandes tyrannies en lyallie Transpadane: car il auoit mis en son obe-  
 dience & subiectio plusieurs villes: cest assauoir, Taruise, Padoue, Vin

Sainte heliza-  
 bet canonisee,

Grãde occisiõ  
 de crestiẽs par  
 faulte de con-  
 duicte



cence/Veronne/Brece, Et pourtant les confederations qui auoyent este faictes entre icelles villes & l'ocle de Federic l'epereur/lors furēt violees & rompues p Federic & ses gens darmes: car il leur fist vne merueilleuse guerre ou lieu dict Nouācourt/ou fut faict la bataille/& la furēt vaincuz & tuez les Millānoys. Mais quāt le pape sceut que les Millānoys & aultres villes estoient destruietes & occupees p federic/il se delibera de retourner a Romme: cōbien que Iehā Cincio qui estoit senateur de rōme/se efforca dempescher que le pape nētrast a rōme. Mais Iacques cappoce bourgeois & citoyen de Rōme/qui estoit riche hōme & puissant/resista a lencontre de Iehā cincio:& fut receu le pape magnifiquemēt de dans la ville de Rōme. On list & veoyt oīencores a rōme en leglise nostre dame de la craiche/le tabernacle & sepulchre dicelluy Iacqs cappoce, Et son frere Pierre cappoce pareillemēt y est enseuely. Il fut cardinal & psecuta fort Federic qui estoit scismatique. Il fist faire les escolles qui sont a Romme/quon appelle la sophie:& lhospital faict Anthoine/qui est pres nostre dame de la craiche. ¶ Apres que le pape gregoire eut paciffie la ville de Rōme/il anathematiza encores vne foys l'epereur Federic/& le priua de l'epire. Et puis il ouyt les legatz & ambassadeurs des geneuoyz & des Venitiens qui auoyent guerre mortelle ensemble. Et fist la paix & confederation p telle cōdition: cest assauoir/que les vngz sans les aultres ne feroient aucune pactiō ou cōfederation avecques l'epereur de Constantinoble. Et quāt voudroyent faire guerre/ilz la feroiyēt cōmunement/& nauroyēt que vng signe estādart ou baniere/laquelle on porteroit les vngz aps les aultres. Et ceulx qui violloyēt icelles pactiōs & confederations iusques a neuf ans/le pape des lors les excōmunioyt & interdifoit. Bauldouin qui auoit obtenu la ville de Cōstantinoble p l'espace de deux ans aps la mort de Iehan/ne se pouoyt plus bien garder ne deffendre cōtre ses ennemys: pource q'l auoit peu d'argent/& en auoit emprunte aux marchāz de Venise: ausquelz auoit baille en gaige son filz. Il fist arracher des eglises tout le plumb qui y estoit. Et oultre print la lāce de quoy nostre seigneur Iesuchrist auoit eu le precieux couste perce/ au temps de la passion/avecques la saincte esponge. Et le tout vendit a deniers contens/aux Venitiens qui estoient fort riches & pecunieux. L'epereur Federic estoit fort ire & courouce contre les Venitiens. pource qu'ilz fauorisoiyēt au pape gregoire/& leur faisoit beaucoup de maux. Mais les Venitiens & aultres villes circōuoyfines/se assemblerent & cōspirerent cōtre Federic. Et auoyēt pour leur chief de guerre/vng nōme gregoire de Mōtlōg/legat de Boulōgne. Parquoy la ville de ferrare qui estoit de leglise de Rōme: laq'lle lors occupoit Federic/fut prinse: cōbiē q'le capitaine Salingerre qui la gardoit pour federic la deffendit p aucuns iours,& fut baillie a gouuerner a Azō dast ou nō de leglise de rōme. Et fut lā de nostre salut. M, cc. xl. ¶ Quāt Federic congneut q' les villes dytallie fauorisoient & tenoyēt le party du Pape: il diuisa toutes les ci-

Cōfederation  
entre les gene-  
uoyz & les Ve-  
nitiens

La lāce & les  
pōge vēdues  
aux Venitiens

La ville de fer-  
rare apptiēt a  
leglise de rom-  
me

Ci.



La naissance  
des gibellins  
& guelfes

Beneuent rase  
par terre

tes & villes dytallie en deux parties / & en fist deux factions. Et lors fist appeller les villes & tous ceulx qui tenoyent le party du pape Guelfes, Et ceulx qui fauorisoient & tenoyent son party & de son empire / furent nommez Gibellins. Ces deux noms de factions ont faict beaucoup de maulx au genre humain / & ne furent trouuez que pour tout mal faire, Et iceulx deux noms furent premierement inuentez & trouuez en la ville de Pistore: car comme ilz eussent deiecte les Gibellins de la ville / ausquelz vng nomme Gibel fauorisoit: & son frere nome Guelf / tenoit l'autre partie. Et estoient deux freres Theutoniques lung contre l'autre. ¶ En ce temps les Florentins dechasserent hors de florence les nobles / & les enuoyerent en exil: pource quilz fauorisoient aux Pisans / qui fauorisoient les Gibellins. Et les Aretiniens & ceulx de Sene dechasserent hors leurs villes les Guelfes: tellement que en ce temps ce nestoyent que guerres ciuilles / aux villes des ytallies. Et plusieurs villes comme Viterbe & aultres / delaissèrent l'aliance du Pape & se rebellerent. Et pareillement le peuple de Romme se vouloit diuiser & rebeller / en ensuyuant icelles factions noyses & debatz: ce neust este le pape Gregoire qui fist porter les chefs saint Pierre & saint Paul en procession / & fist vng beau sermon au peuple en leglise saint Pierre / & leur remonstra les inconueniens qui pouoyent aduenir / de soustenir brigues & factions en vneville. Et tellement les persuada & enhorta / que tous volontairement prindrent la croix / pour deffendre & batailler pour leglise contre le empereur Federic / lequel firent reculler: car il estoit venu en armes iusques aux murailles de la ville de Romme. Mais quant Federic vit que les romains tenoyent le party du Pape / il fut si ire & marry contre les Romains / que tous ceulx quil pouoit prendre il les faisoit tourmenter de diuers tourmens / & puis les faisoit occire & tuer. Federic leua le siege de deuât Romme / & sen alla deuant Beneuent / & par force la print / & la fist piller & destruyre / & abbatre les murailles iusques aux fondemens. Et puis reuint deuât rôme par la voye latine: ou il spolia & fist desrober tous les biens qui estoient au monastere Cassinese / & dechassa les religieux du monastere. Et oultie il mist la ville de Sore a feu & a lespee. Il fist par tout destruyre & piller tous les biens des Templiers. Cestuy Federic aimoit tant les Sarrazins / que aux guerres quil faisoit il en auoit tousiours / & en faisoit ses capitaines & chefs de guerre: & leur donna vneville en la Champaigne / pour y demourer & habiter / que nous appellons Nucerie sarrazine. Il garda q le filz du roy de Tunis ne fust baptize en la ville de Panorme: combien quil le vouloit estre & ne desiroit aultre chose / que de se faire crestien: mais par belles parolles il len descouragea. Il print d'assault la ville de Rauene: pourquoy le pape gregoire manda faire assembler vng concille a rôme en leglise de lateran / pour abroger federic. Mais quant il sceut que les cardinaulx & prelatz de la crestiente y venoyent / il fist guetter les chemins / tant par mer que par terre / & a layde des Pisans



il fist prendre plusieurs cardinaulx & prelatz / & les fist mettre en prison: au moyen dequoy le pape en print si grant douleur que peu de tēps aps il mourut. Il fist vng peu deuant sa mort vne grāde esclipse de soleil / & plus grande qu'on ne vit iamais. Il fist compiller & faire le liure des decretalles / & luy ayda a ce faire Raymond de Barchelonne son chapelain. Le pape Gregoire ne vesquit que, xiiii, ans & iiii. moys. Plusieurs qui ont escript du pape Gregoire l'ont tāt exaulce & loue / qu'il n'est plus possible de le plus magnifier & luy donner louange.

¶ De Celestin, clxxxvi, Pape: & iiii, du nom,



Elestin Pape quatriesme du nō / estoit de la ville de Millan / de la famille Castilion ne. Il estoit euesque de Sabine quant il fut esleu a la dignite papalle. Et lors il estoit biē fort vieil / ancien / & maladiſ. Il ne vesquit en la papalite que dixhuyt iours / & puis alla de vie a trespas / & fut enseuely en leglise ſaict Pierre. Le peuple fut treſfort marry de ſa mort / car ilz esperoyent estre bien eureux sil eust vescu plus lōguemēt. Apres ſa mort le ſiege de Romme fut vacant p l'espace de vingt & vng moys. Car

les cardinaulx & meſmemēt les plus gransclercz & catholiques estoient daduis & oppiniō / qu'on ne debuoit point eslire aucun pour estre pape iusques a ce que federic eust redu deliure & restitue les cardinaulx qui detenoit prisonniers. ¶ Or ce pendāt cestuy federic gaſtoit & occupoit tout le pays de Picenne / ſaſant courcēs & pilleries aux terres & ſeigneuries de Fauente / & print la ville de Boulongne. Et pource quelle cestoit deffendue & auoit reſiſte p aucuns iours: il fist trāſſerer les escolles des loix decret & aultres ſciences qui estoient en Boulongne / en la ville de Padoue. Et tous ceulx qui pouoyt ſcauoir qui auoyent fauoriſe a legliſe de Romme / il leur ſaſoit ſouffrir plusieurs tourmens & aultres calamitez. Bauldouin empereur de Conſtātinoble en delaissant tout bon espoir de batailler contre les infideles / il ſen vint luy & Raymond / conte de Tholouſe aux ytalles. Et neantmoins fiſt tant enuers federic / que les cardinaulx & aultres prelatz furent deliurex de prison / ſains & non malades. Et puis peu de temps apres tous les cardinaulx ſe aſſemblerent en Anagnin / pour & affin de eslire vng Pape.

Les escolles de  
boulōgne trāſ  
ſerees a Pa-  
doue

¶ De Innocent, clxxxvii, Pape: & iiii, du nom,

C.ii.





Le mauuais  
courage de lē  
pereur federic

Cōcillea Lyō

Innocēt Pape, iiii, du nō: on lappelloit au parauant Synebalde. Il fut natif de Genes de la famille de Flisque conte de Lauine, Il fut esleupape en la ville de Anagnie/ & apres que federic lēpereur le sceut/ il nen fut pas trop content: car il congnoissoit les meurs & vertu: de Innocent/ pource quilz auoyēt par aulcun temps vescu ensemble assez familiarment: au moyen dequoy il craygnoit & doubtoit quil ne le voulust reprendre/ & luy faire rēdre conte/ & le faire

venira la raison de la meschāte vie quauoit au pauāt mēee. Pourquoi aulcūns disent quil dist aux amys du pape Innocēt/ q̄l: ne se resiouissoiēt pource quil estoit pourueu a si grāde dignite cōme la papalite: pource q̄ au tēps que Synebalde estoit cardinal il estoit mon amy: mais puis quil est cree & cōsacre pape/ ie le tiens mon grāt ennemy. Or apres q̄ le pape fut habille des vestemēs qui appartiennent a la dignite papalle: il sen partit de Anagnie & vint a Romme/ ou il fut receu en grāt hōneur & ioye de tout le clerge & peuple de Rōme. Et apres que les solēpnitez courōnement & consecration qui appartiennent estre faictz aux papes nouueaux furent faictz & accompliz du tout. On parla de faire la paix de federic lēpereur enuers leglise de Rōme: & le pape en bailla la charge de ce faire a Bauldouin empereur de Constātinoble: mais la chose fut prolongee & mise en suspend p̄ l'espace de quatre moys sans riens faire. Et finablement fut apoincte & cōuenue/ que le pape yroit en la ville de Castellāne/ pour attendre lēpereur federic/ & en ce lieu debuoyent p̄ler ensemble & traicter la paix. Mais le pape Innocent fut aduertiy des insidiatiōs & surprises que luy vouloit faire l'empereur federic/ tāt au chemin que a la ville de Romme Parquoy il sen vint par mer sur les nauires de Genes en frāce/ & fist tant quil arriua en la ville de Lyon/ ou il fut receu treshonorablement. Et peu de temps apres il y fist faire vng concille. Et fut lan de nostre salut, M. cc. xlvj. Et fut cite & appelle lēpereur federic pour y cōparoir sur grādes peines: mais quāt lēpereur se vit ainsi cite/ il y enuoya vng sien familier docteur aux droictz/ pour demāder delay de cōparoir au cōcille a Lyō. Et lors luy fut dōne delay p̄ le pape & le cōcille: Mais federic laissa passer le delay q̄l luy auoit este dōne. Pourquoi le cōcille cōsideroit quil nauoit ce fait q̄ pour trōper le Pape. A ceste cause de lautorite du pape & de tout le concille/ il fut priue de lēpire & royaulme de la Secille. Or quant Federic le sceut/ il fut si ire & courouce/ quil fist abbatre & demollir les maysons/ villaiges/ & metayeries/ quauoyent en la ville & hors de Parme/ les cousins affins & parens du pape Innocent: & puis apres les contraingnit de aller demourer & habiter en la ville de Plaifance. Et ce faict il fist confederation avecques le duc de Bourgōne



& puis sen alla en grande compaignie & grosse armee droit a Lyon, Et estoit desia venu iusques a Thurin/quant il receut nouuelles que les bāniz de la ville de Parme cestoyent assemblez/ & par force auoyēt dechassez les gens darmes quauoit delaïssez en la ville de Parme: & que par force ilz la tenoyent & occupoyent/ & oultre quilz auoyēt tuez & occis tous ceulx qui tenoyent son party au pres du fleuue du Tybre, Pourquoy federic delaissa le chemin daller a Lyō: & appella de toutes les ytalles tous ses gēs darmes cheualliers & aultres/ & assemblea vng ost de lx mille hōmes/ & alla assaillir la ville de Parme, Mais ceulx de Parme auoyēt tref bien auitaille la ville & faict bonne guarnison/ au moyē des villes circōuoyssines qui leur ayderent/ avecq̃s le legat du pape qui y estoit en grosse puissance, Mais quant le legat & larmee de ceulx de Parme eurent endure deux ans le siege & assault de lempereur Federic: vng iour que Federic ne se doubtoit ne luy ne son armee/ ceulx de la ville de Parme sortirent si vaillamment en lost de Federic/ quil le chasserent: & tuerent tāt de ses gens que sur les champs lon ne veoyt aultre chose que gens mors: combien que Federic eust faict enuironner & enclore son cāp ost pauillons & tentes/ de fosses grans paulx & pieux: tellement quil sembloit q̃ ce fust vne ville, Et auoit ce faict lempereur Federic/ a telle intencion q̃ apres q̃ la ville de Parme auroit este prinse/ & quil lauroit faict destruyre & raser iusques aux fondemens: car contre icelle ville auoit conceue vne grande hayne: que au lieu & place ou auoit este son ost/ auoit intericiō de y faire faire & ediffier vne ville quon eust appelee la ville de victoire, Et pour ce faire auoit faict faire de nouveau vne espece de monnoye pour payer les ouuriers/ quon appelloit victoriēs. ¶ Aucuns ont escript que Federic lempereur perdit en icelle bataille sa couronne de lepire/ laquelle estoit de grant pris & valeur/ son buffet tout dor/ & de grās vaisseaulx aussi dor fors puissans: au moyen dequoy il fut fort marry & courrouce/ & sen fouyt en Cremonne, Mais il nousa entrer en la ville/ ne aussi se fier aux Cremonnoys: pource que plusieurs qui estoient de la ville de Cremonne lauoyent ensuyui en icelle guerre/ la ou ilz auoyent este tuez & occis, ¶ Or quant le pape Innocent sceut & congneut comment lempereur Federic auoit este ainsi vaincu/ & quil auoit tant perdu de gens & de richesses: au moyen dequoy il cestoit du tout dōne a voluptez & plaisirs mōdains: car il auoit faict faire des iardins trefort plaisans & delectables a veoir & regarder, Et dedans iceulx y estoient enfermees & écloses avecques luy/ les plus belles filles qui peult trouuer lors Et y estoient aussi plusieurs spadoues & eunuques qui sont hōmes chastes/ & si delectoit en toutes voluptuositez infames/ desq̃lles pour le present nen parleray, Et retourneray au pape Innocent/ lequel delaissa le concille/ & enuoya ses legatz par le pays de Frāce & aultres prouinces: pour prescher & psuader au peuple crestiē daller batailler cōtre les infidelles, Laquelle chose le roy saint Loys promist de faire le voyage,

Ciii,

Lēpereur federic fut vaincu & pdit sa couronne dor

En quoy se delectoit lempereur Federic,



Sainct Loys  
roy de frâce de  
uât Damyette

La mort de lē-  
pereur federic

Mais il fut retarde/pource q̄ puis apres il tūba & cheut malade en la vil-  
le de Ponthaïse/ou il fut si griefuemēt malade quil fut habandonne des  
medecins:mais neantmoins il reuint en cōualefcēce & sante/pourquoy  
fist le veu du voyage de Iherusalem, Or ce pendāt les Tartarins se mi-  
rent en deux batailles/& auoyent desia occupe vne partie Dasie/& de  
Europe:car ceulx qui estoient en Asie estoient paruenūz iusques a la  
superiore Georgianne/& gastoyent Armenie & Ironie, Et les aultres  
Tartarins dont leur capitaine auoit nom Bato/estoyent descēduz en po-  
logue & Hongrie/& gastoyent & destruysoient tout le pays/& firēt tāt  
quilz vindrent iusques a la mer Pontique/ou degasterēt la ville de Rus-  
sie ou Rhuteme & Gaza, Et en ce temps le peuple de Grossonne qui est  
Darabie par le moyen du souldan assaillirent les Templiers & les vain-  
quirent en bataille, Et puis facillemēt prindrent Iherusalē:car les murs  
estoyent abbatus/& tous les crestiens qui estoient dedans tuerent & as-  
sommerent & mirent a mort cruelle, Et destirperent gasterent & firent  
grandes infames au sepulchrenostre seigneur:pourquoy le pape Inno-  
cent fist haster le roy de France sainct Loys/pour aller contre les sarras-  
zins:ce que fist le plus diligemment quil peut faire/& arriua en Cypre  
ou il fut tout lyuer:car a ce fut contrainct pour le mauuais temps de ly-  
uer, Et au temps de Ver & Printemps/il vint donner lassault deuant la  
ville Damyette/& dechassa larmee du Souldan qui estoit par mer, Et  
tous les crestiens batailloient par mer & par terre contre les infideles en  
attendāt secours des ytalles, Mais lēpereur Federic empescha le secours  
car apres les voluptez & plaisirs charnelz quauoit prins par long temps/  
il fist esmouuoir toutes les ytalles a tumultes & guerres/& auoit tāt fait  
que plusieurs villes des ytalles auoyent delaisse laliance du pape:cesta-  
sauer ceulx de la ville Forliue/les Ariminēses/& ceulx de la duchedur-  
bin/& tout le pays de Picēne, Et de Vmbrie qui est en la sixiesme regiō  
dytallie/fors & excepte les Tudertines:Peruliēs/& Assissiates, Il ny auoit  
que les Florentins au pays de Hetrurie/qui suyuissent le pape Inno-  
cent, Mais lēpereur Federic les molesta & trauailla/tant par guerre q̄  
aultrement/quil les cōtraingnit de chasser de leurs villes les Guelphes  
Lors les Boulongnoys furent si hardiz/quilz bataillèrent cōtre federic/  
& le vainquirent/& puis luy coupperēt la teste, Mais aucūns ont escript  
quil mourut en la ville de Panorme, Et les aultres affermēt quil fut grā-  
demēt malade en la Pouille:mais cōme il se leuoit & garissoit/il fut sus-  
foque & estouffe p̄ son filz bastard/nomme Maufrede:auquel aupauāt  
luy auoit donne la principalite & seigneurie de Tarēte/& plusieurs aul-  
tres chasteaulx, Et auoit delaisse son heritier vniuersel Corrad son filz/  
lequel auoit eu de Iole sa femme/fille de Ichā roy de Iherusalem, Mais  
peu de temps apres Maufrede le fist mourir par poyson, Et auparauant  
auoit prins p̄ force Naples & Aquine/lesquelles villes destruy sit:non-  
obstant que le Pape luy eust deffendu & prohibe de ce faire:pource que



le Pape ne demandoit q̄ faire paix aux ytalles/affin de enuoyer secours & gēs d'armes au roy saint Loys qui estoit deuāt Damiette: laq̄lle prist & la fist expier & nestoyer les infections & ordures des infidelles/ & fist faire crestienne, ¶ Or cōme Robert frere de saint Loys cōte Darthois batailleoit cōtre les Sarrazins au pres la ville Pharmianian & entre lost des crestiens & des infidelles y auoit vng fleuve: parquoy ne se pouoyent aprocher les vngz aulx autres: pour batailler / & ne faisoient que courser les vngz contre les autres: tousiours vng chascun gardāt son ost & armee Mais le conte Robert se voulut auancer de batailler contre les Sarrazins & Turcz, Mais par fraude & ambuche des Sarrazins/ il fut prins & mis en prison, ¶ Apres q̄ le pape Innocēt eut vng peu appaise les Italles ainsi que sen venoit a Rome: il canoniza Saint Emond Archeueque de Cantorbie: & saint Pierre natif de la ville de Verōne de lordre de saint Dominique & freres prescheurs: lequel auoit este occis & tue/ par les heretiques: fut pareillement par le pape Innocent canonize & mis au catalogue des saintz de paradis, ¶ Or ainsi que le pape estoit a Naples pour pacifier les princes de la Sicille: il alla de vie a trespas & fut enterre en leglise saint laurēs, Il ne fut pape que douze ans/ six moys & douze iours, ¶ Le pape Innocent ordonna que leglise celebreroit tous les ans les octaues de la natiuite de la vierge Marie, Et oultre ordonna q̄ les cardinaulx porteroient chappeaulx rouges quant yroyēt a cheual: Il fist vng appareil & libure sur le libure des decretalles/ qui est vng traicte fort scientifique/ & excellent/ & les canonistes en font grande estime/ pource quil declare les doubtes/ & questiōs qui sont au liure des decretalles, Et fist vng autre libure: cōme dit Hostien se en la somme appelee les autentiques il escriuit vng libure de la iurisdiction de lepiscopat & de lauctorite du pape/ contre vng nomme pierre de la vigne: lequel auoit dit & escript que tout estoit seulement en la volente vouloir & arbitre de lempereur. Et cestuy libure apres le pape Innocēt lappella apostolique: Il aymoit fort les gēs clerz/ & lettrez/ & se delectoit de estre en leur compaignie/ & leur faisoit de grans honneurs/ & leur donnoit les dignitez: car il fist cardinal de sainte Sabine Hugo: homme de grande science & lieterature, Mais cestuy Hugo qui estoit de lordre de saint Dominique ne delaissa pour la dignite cardinale a viure aisi quauoit acoustume, Cestuy Hugo fist les gloses sur le libure de la bible/ & les concordāces, ¶ Et Alexādre religieux de lordre de saint francoys: lequel estoit de grant aage: quāt il entra en la religion: par le commandement du pape fist la somme de theologie: qui est vng libure fort scientifique & vtile, ¶ Et a la requeste du pape Innocent Bernard de Parme/ & Cōpostelā/ qui estoient en ce tēps hommes de grāde doctrine: & fort doctes firent des libures sur les decretalles: lesquelz appellerēt appareilz, ¶ Et peu de temps apres la mort du pape Innocent: son nepueu Guillaume alla de vie a trespas/ & fut enterre en leglise monsieur saint Laurens qui est hors les murs de la ville/ &

C,iiii,

Robert frere  
du roy saint  
Loys fut prins  
des sarrazins,  
Saint pierre  
de lordre des  
freres p̄scheurs

Les octaues de  
la natiuite de  
la vierge Ma-  
rie,

Hugues cardi-  
nal,

Alexandre,

Bernard &  
Compostellā,



De Alexandre, clxxxviii, Pape  
cite de romme / & y voit on encores le sepulchre,

¶ De Alexandre, clxxxviii, & iiii, du nom,



Manfrede ex-  
communie,

Le roy saint  
Loys & ses freres  
furēt prins  
prisonniers,

Le Soldan fut  
occis,  
La deliurance  
de saint loys  
& de tous les  
crestiens,

Alexandre pape quatriesme du nom estoit de la nation de Champaigne: car au temps passe nous appellions les Herniens ceulx que maintenant appellons Champenoys, ¶ Incontinent que le pape Alexandre fut esleu a la papaulte: il admonnesta Manfrede quil ne fist chose qui fust cōtre la dignite de leglise, Mais ce neātmoins il enuoya querir secretement les Sarrazins de Nucerie: lesquelz vindrēt en grosse armee & prendrent & tuerent les gens darmes & cheualiers de leglise de Romme qui estoient en vng lieu dit la Fosse: lesquelz ne se doubtoient de riens: & mesmemēt de Manfrede: pource quil disoit quil estoit bien marri que Corradin estoit mort: Mais quil en estoit heritier & aussi quil lauait bien merite, ¶ Or les crestiens qui estoient oultre mer lesquelz auoyent mis & assiege leur ost deuant Pharamie: commencoyent a auoir famine & peste: car les infidelles auoyēt prins & occupe les passaiges dune partie du fleue du Nil dont venoyent les viures en lost des crestiens / & y estoit alle le patriarche de Iherusalem accompagne de plusieurs nauires, Mais il fut prins des Sarrazins: pour ceste cause le roy saint Loys / affin que ne mourust de fain & ne fust opprime luy ne ses gens / en sen allant en la ville damyette il fut prins des Sarrazins & infidelles / luy & ses freres, Mais apres que le Soldan eut fait icelle victoire: il fut tue: & occis de ses gens / & des plus familiers de sa court, Et icelluy Soldan qui obtint la seigneurie: au lieu du Soldan quon auoit tue & occis: apres quil eut recouert la ville Damiette & vne grosse somme de pecune: ilz deliura tous les crestiens & les mena iusques en Ptolomaide, ¶ Or par le conseil du pape Alexandre le roy saint Loys renuoya ses freres en Frāce / & demoura en Asie oultre mer iusques a ce quil eussent fait refaire munir & auitailler les villes de Sydon & Cesaree & aultres chasteaulx que les crestiens auoyent receuz par les Sarrazins / au moyen des cheuissances & compositions quauoyēt fait ensemblement, Et quant le roy saint Loys eut fait bien & deuement auitailler & mis guarnison en icelles villes six ans apres il sen retourna en France dont il en estoit parti, ¶ Apres que le pape eut excommunie Manfrede: il enuoya Octauian cardinal de Romme: qui estoit de la famille & lignee de Vbaldine: comme legat a Naples affin quil entretinēt & confermast les Neapolitains en la foy de leglise Romaine / & que en brief il les ayderoit contre Manfrede. & pareillement en man-



da autant a ceulx de Campanie, Mais Manfrede ne trauailloit pas seule-  
ment les Neapolitains, Mais il fist en Hetrurie vne grande faction: mes-  
mement en Florence: car apres quilz sceurent que Federic estoit mort: in-  
continent ilz se voulurent afranchir & viure en liberte: parquoy conclu-  
rent & decreterent ensemble de rapeller les Guelphes qui auoyent este de-  
iectez & dechassez au tēps de federic: affin quilz resistassent aulx effortz  
& debatx des Gymbellins, ¶ Adonc les Guelphes eurent si grant puissan-  
se quilz destruirent & gasterent p̄sque tout le pays de Hetrurie: & nestoy-  
ent que guerres noyses & debatx: & discentions en toutes les villes de Ital-  
lie: entre les Guelphes & Gymbellins: aulx quelz les Guelphes abbatirēt  
& desmolirent vng chasteau: & forte place quasi imprenable: ou les Gy-  
bellins se retyroyēt: qui estoit a douzemille de la ville de Sene, qui sont  
quatre lieuez francoyses ou enuiron: & se nommoit le chasteau Bonice:  
il estoit assis en la vallee de Helse, ¶ Or les florētins auoyent promis au  
pape Alexandre de luy ayder contre Manfrede, Mais quant Manfrede  
le sceut: qui ia estoit dit & desclaie roy de la Secille: il assemblea en la vil-  
le de Panorme grande multitude de Sarrazins & les souldoya: & les me-  
na en bataille contre larmee du pape, Laquelle menoit le legat de Rom-  
me & par les Sarrazins furent vaincus, Et puis Māfrede enuoya vng nō-  
me Iordane chef & capitaine de son ost avecques mille & cinq cens che-  
ualliers: pour donner secours aulx Senoys contre les florentins qui furēt  
vaincus occis & tuez par le fleuve de Arbie & fut faicte la bataille telle-  
ment que les florentins furent cōtrainctz de delaisser la ville ou ilz estoy-  
ent, Mais neantmoins le pape Alexādre ne delaissa a faire guerre: & fai-  
re batailler cōtre les tyrās en les poursuiuant en tous lieulx, ¶ En ce tēps  
Ecceline tyrant auoit occupe toute Venise / & auoit mis le siege deuant  
Mantue pourquoy le pape enuoya Phelippes de fontenāce Archeuesq̃  
de Rauenne: au pays de Venise lequel prescha & publia la croysade con-  
tre Manfrede & aultres qui occupoyēt les villes terres & seigneuries de  
leglise: & qui auoyent Turcz & Sarrazins en leur ost contre les crestiens:  
pourquoy plusieurs se croysèrent tellement quil assemblea vne grosse ar-  
mee / & au moyen dicelle fut dechasse de la ville de Padoue Anselme  
nepueu de Ecceline de par sa femme: pourquoy Ecceline leua le siege de  
deuant Mātue: & sen alla en la ville de Verōne, Mais quāt il congneut  
quil nauoit plus despoir de recouurer la ville de Padoue / il fist prendre  
tous les gens darmes qui estoient de la ville de Padoue: & terres adiacen-  
tes qui estoient bien a douze mille: lesquelz estoient a sa souldie: & les fist  
tuer & occire de plusieurs tourmēs: & de ce non cōtent Eccelin: il prinst  
deuant Bresse le legat du pape & leuesque de la ville & plusieurs grās sei-  
gneurs & prīces des Guelphes, mais apres que la ville de Bresse luy fut  
rēdue / il les laissa aller sans leur faire mal, Et fut lan de nostre salut mille  
deux cens cinquante & neuf, ¶ Or le legat fist tāt que Obert palauicine  
fut de son aliance: par le moyen dung cytoyen de Cremonne nomme

Māfrede leua  
armee contre  
le pape,

Douze mille  
hommes dar-  
mes occis,



Le commandement des debatz des geneuoys & venitiens.

Le monastere Sainte Sabe,

Bosum Doarium: & oultre les Myllannoys & Mantuans firent pactiō ensemble avecques daultres citez & villes. Mais quant Ecceline le sceut que toutes les villes auoyent conspiré contre luy / il assemble la plus grā de armee que peult faire pres la ville de Cassanne / & commença a gaster le pays de Insurbrie: parquoy toutes les villes quauoyent promis ayder les vnes aux aultres sortirent sur luy & sur son armee ou il y en eut plusieurs de tuez & occis d'ung coste & daultre. Mais finalement Eccelin fut vaincu & prins en la bataille & fut mene prisonnier en la ville de Scincine / au moyen d'ung grant coup d'une partuisanne quauoit eu en la bataille. ¶ Apres sa mort toutes les Italles furent en grande liberte / & le legat apostolique fist tāt qu'il prinst Alberic frere de Eccelin sa femme & ses enfans & leur fist trancher la teste / quāt le pape eut dechassé les tyrās des Italles: il pensa de la guerre de Asie / & de leur enuoyer secours: neust este la guerre quauoyēt ensemble les Venitiens & les Geneuoys: car lors les crestiens tenoyent & habitoiēt Ptolomaide & Tyr villes fort riches & habondantes en grās biens / aux quelles villes aux foyres & marchez les Geneuoys / les Pysans / & les Venitiens alloient en marchandise & y auoyent leurs garniers & places rues / & boutiques: ou estoient leurs marchandises / separement / & nauoyent rien commun les vngz avecques les aultres / sinon leglise & tous les marchans de tous pays regions & contrees tant de Orient que de Occident auoyent acoustume par l'espace de quarante quatre ans de y aller querir des marchandises. Mais il s'ourdīt entre les Geneuoys & les venitiens qui habitoiēt la ville de Tyr & ptolomaide / vne sedition & noyse / touchant le monastere de sainte Sabe: car vne chascune des deux villes le vouloit occuper & auoir du tout. ¶ Le pape Alexandre lors congnoissant les discors & differences des Geneuoys & Venitiens touchant le monastere sainte Sabe: pour nourir & mettre paix & confederation entre les Geneuoys & les Venitiens il māda par lettres & messagiers qu'il luy plaisoit & vouloit que le monastere fust cōmune tant aux Geneuoys que aux Venitiens. Mais quant les Geneuoys cōgneurent la voulēte du pape ilz se retirerēt par deuers phelippes de mōt fort preuost & gouuerneur de la ville & firent tāt enuers luy / que les Venitiens furent dechassez de la ville / & sen allerent tous / & puis les Geneuoys firent faire bastir & construire a l'entour vne tour forte & puissante & pour ceste cause firent confederation & aliance avecques māfrede roy de la Secille: parquoy les Venitiens & l'armee de māfrede firent tant p leurs iournees qu'il arriuerent par mer avecques grande multitude de nauires au port de ptolomaide & prindrēt d'assault le monastere sainte Sabe & le destruirent & desmolirent parquoy les Geneuoys furent fort irritez: puis assemblerent les nauires & vindrent par mer deuāt la ville de Tyr & prindrent la ville de Selimbre que occupoyent les Sarrazins / & puis la destruirent. ¶ Les Venitiens & les geneuoys se renforcerent d'ung coste & daultre & eurent grosses guerres les vngz contre les aultres qui



domineroit en la ville de Tyr: combien quelle fut commune aulx geneuoys & aulx venitiens, mais le pape eut paour q'icelle guerre ne fust domageable au peuple crestiē: parquoy feist venir p' deuers luy les ambassadeurs & legatz / tant de geneuoys venitiens / que pareillemēt les pysans pour faire & traicter la paix & confederation avecques eulx tous ensemble: laquelle paix estoit presque faicte: quāt il fut rapporte au pape que les venitiens & les Pysans auoyent faict confederation ensemble / & que entre Tyr & ptolomaide ilz auoyent vaincu les geneuoys / & quilz auoyent tant prins que submerge & noye vingt & cinq nauires des geneuoys: & oultre quilz auoyēt destruit & faict abbatre tous les edifices & maisons des geneuoys qui estoient en la ville ptolomaide: & que auoyēt pille & desrobbe les biens & iceulx auoyent expulsez & chassez de la ville: parquoy le pape Alexandre fut si marri & courrouce / quil ne voulut ouyr ne admettre les legatz & ambassadeurs des venitiens que premiere-ment ne rendissent & laissassent aller les Geneuoys captifz saintz & saulues, Et affin que le pape eust couroux & mal sur mal, ¶ Lors Bauldouin empereur de Constantinoble: ou il auoit esperance que au moyen de luy on recouurerait la terre sainte / estoit en propos de delaisser Constantinoble / & pēsoit comme pourroit se faire / car Michel Paleologue qui estoit tuteur des deulx enfans de Theodore / persecutoit fort les latins & francoys / & auoit desia dechasse de Achaye guillaume qui estoit francoys: parquoy Bauldouin estoit vexe & trauaille tant par guerre que par seditions aulx champs & a la ville pour garder la region pontique / & les cytoyens de Constantinoble par nuyt mirent dedans & firent entrer paleologue en grosse armee, A ceste cause Bauldouin & pantaleon patriarche de Constantinoble: pour obuier aulx seditions des guerres sen vindrent par mer en Europe. ¶ Or quāt paleologue vist que Bauldouin sen fut al le il fist tuer secretemēt les deux petitz enfans dont il estoit tuteur Et occupa l'empire de Constantinoble: laquelle auoyt este tenue & occupee p' les francoys & latins quarāte & huyt ans, Mais elle retourna aux Grecz ¶ En ce temps le pape canoniza sainte Claire vierge de lordre saint frācoys & la fist mettre au catalogue des saintz, Et ce faict le pape sen ala en la ville de viterbe: pour traicter & composer la paix entre les geneuoys & les Venitiens, Mais il y fut si lōguemēt quil sen ennuya: au moyen de quoy il prist vne douleur dont il mourut / & fut enterre en leglise saint Laurens: Il ne fut pape que sept ans, Et lors vacca le siege par l'espace de trois moys & quatre iours, ¶ Cestuy pape fut grant aulmonier / & aymoīt fort gens de religion, Il condāpna les libures qu'auoit faictz guillaume de sainte Amour: qui estoient faictz & escriptz contre paourette, ¶ Cestuy meschant guillaume disoit & affermoīt que les religieulx paouures & mendiāns viuans des aulmonnes: quil nestoyent point en lestat de salut, ¶ Et oultre le pape Alexandre / en son viuānt fist bruller a Rome vng libure qui disoit que lestat de grace nestoit de la loy de Le-

Les geneuoys  
vaincus p' les  
venitiens & py  
sans,

L'empire de Constantinoble re-  
tournee aulx  
grecz,

Sainte Claire  
canonizee,

Les libures de  
guillaume de  
sainte amour  
cōtre paouure  
te,



uangille, Mais de la loy du saint esperit / Laquelle oppiniõ estoit extraite des libures de labbe Ioachin: comme on disoit, Cestuy libure senõmoit & appelloit par les sectateurs le libure de leuangille eternelle,

Les libures du  
pape Alexan-  
dre,  
Hostiencie,  
Bartholle,

¶ Le pape Alexadre auoit faict plusieurs decretalles / & aymoît fort les gens doctes & clerz / & leur donnoit des dignitez & offices, Au moyẽ de quoy il fist Henry Cardinal de Hostiencie: homme de grande lictérature & doctrine: tant en droit Ciuil que Canon, Il extolloit & aymoît fort le docteur Bartholle Brixian: lequel fist beaucoup de beaulx appareilz aulx decretalles: & pareillement auoit faict sur tout le droict Ciuil: comme il est notoire: pourquoy il est dict lumiere de la science ciuille,

¶ De Urbain, clxxxix, pape, Et, iiii, du nom,



Urbain pape quatriesme du nom estoit natif de la ville de Troye en Champaigne, Quant il fut esleu pape, il estoit patriarche de Iherusalem, Et incontinent demãda secours aulx francoys: pour batailler contre Manfred de qui occupoit & vsurpoit les terres & seigneuries de leglise de rôme: pour quoy Manfred quant il sceut que les Frãcoys venoyẽt aulx Italles & au royaume de la Secille: ilz reuoca & appella Iordain son capitaine qui estoit en Heturie cõtre les guelfes & le fist aller en la Secille: p-

quoy les Guelfes eurent espace de reposer & prendre leur repos & aysẽse / & mesmement les Florentins / & les Lucains: lesquelz les Gybellins auoyent delibere de destruire & abollir du tout / & pareille faction estoit aulx villes de Bresse & circonuoyfines: par le moyen de vbert Pallaucine: lequel tenoit la faction Gybelline, Mais ceulx de Rhege / de Ferrare de Modeue / & de Boulongne / eurent paour: que cestuy Pallaucine ne voulüst icelles villes occuper, Ilz dechasserent de leurs villes tous les gybellins / & donnerent tous leurs biens aulx Guelfes & Florentins / qui estoient bannis: affin que les factions des Guelfes fussent plus fortes pour resister aulx Gibellins, ¶ Les venitiens auoient pour lors deiecte Paleologue de lempire de Constantinoble: neust este les Geneuoys qui luy ayderent contre les venitiens: au moyen de quoy ilz prinst Mononasia: dont il resistoit plus facillemẽt aulx venitiens / & a guillaume prince de Achaye, Or le pape auoit desia despeche vng legat pour enuoyer aux venitiẽs & geneuoys pour faire la paix ensemble, Mais en ce faisant Manfred descendit aulx pays terres & seigneuries de picenne: accompaigne de grãde multitude de sarrazis: pourquoy le pape enuoia icelluy mesme legat en France requerrir aulx francoys lesquelz auoit requis q se croyfai-



sent & quilz se deliberaſſent de venir viſiter pour ayder a legliſe contre Manfrede & pluſieurs aultres tyrans qui gaſtoient / & deſtruiſoyent toutes les Italles. Lors les Francoys firent tant par leurs iournees quilz arriuerent aulx Italles: & eſtoyt le Duc & chef Guyon eueſque de Auſerre, Et de plaine arriuee les Francoys prindrent la ville de Breſſe & vainquirent Pallauicine: & depuis ne trouuerent qui leur reſiſtat: parquoy vindrent iuſques a la ville de viterbe: ou ilz eurent & receurent la benediction du pape vrbain: puis apres ſen allerent par le pays de ymbrie: & trouuerent les Turcs / Sarrazins / & payens qui ſen eſtoient fouys en ſes lieux: leſquelz ilz deſconfirent / & les chaſſerent iuſques au fleuve de Lyrie. ¶ Or en ce temps les Rommains ne obtemperoyent au pape: car ilz auoyent faiect inſtitue / & cree en la ville de Romme telz officiers que auoyent voulu ſans lauctorite & conſentement du pape. Et commencerent a eſlire & creer vng Senateur de Romme qui neſtoit pas du pays ne de la ville. Ceſtaſſauoir Brancalon qui eſtoit de la ville de Boulongne. Ceſtoit vng homme de grant conſeil / & magnaninie / & en luy promettant bons gaiges & de grans dons ilz lauoyent faiect venir a Romme. Mais neantmoins puis apres iceulx Rommains conſpirerent contre luy: & le prindrent & mirent en priſon: parquoy les cytoyens & habitans de Boulongne furent fort irez & courroucez contre les Rommains: pour linuſure qu'on auoit faiect a Brancalon: pourquoy ilz prindrent aucuns Rommains & les mirent en priſon diſant que iamais ne ſeroient deliures / ne mis hors de priſon ſe les Rommains ne deliuroient Brancalon.

Les francoys  
dechaſſerent les  
Sarrazins des  
Italles,

Brancalon,

¶ Adonc quant les rommains ſceurent icelles nouuelles il ſe voulurent garder de auoir guerre: parquoy ilz deliurerent Brancalon de priſon / & le rendirent & reſtituerent en ſa premiere dignite. Et oultre firent les rommains des officiers en chaſcun cartier de la ville de romme / leſquelz ilz nommerent & appellerent Bandereſes / & auoyent pouer & puissance de faire mourir / & donner remiſſion & pardon aulx hommes.

Des officiers  
bandereſes,

¶ Or le pape congnoiſſoit que les rommains faiſoyent ſes inſolences en la ville de romme pource quilz ſcauoyent bien quil eſtoit fort empeſche & traueille de Manfrede: pourquoy il ne pouoit pour lors reſiſter a leurs mauuiſes entrepriſes. Mais affin que deietast les tyrans hors de legliſe Il enuoya des legatz par deuers Loys roy de France pour ladmonneſter / & enhorter a ce quil enuoyaſt aulx Italles Charles cote de Prouence / & Dangiers ſon gendre / parent & affin: car il auoit intention de chaſſer & expulſer Manfrede du royaulme de Secille / & de faire & couronner Charles roy de Secille: & leuſt faiect neuſt eſte quil mourut ce pendant. Mais aucuns ont eſcript que le pape qui vint apres le fiſt. ¶ Au temps du pape vrbain eſtoit Albert theutonique de lordre des freres pſcheurs: le quel pour ſon excellente & ſcientifique ſcience: on lauoit appelle Albert le grāt. Ceſtuy Albert auoit faiect des cōmentz ſur toutes les oeures & libures q̄ auoit fait le philoſophe Ariſtote: & auoit faiect la theologie

Loys roy de  
france,

D,i,



Albert le grāt crestiēne en stile fort eloquēt: & outre auoit fait vng libure des secretz de nature & plusieurs aultres liures / & mesmemēt auoit expose la plus grā de l'ordre des freres p̄scheurs de partie de la Bible. Il auoit fait des gloses sur les euangilles / & sur les epistres de sainct Pol, Il commēca la somme de Theologie, Mais il ne la paracheua pas, Il estoit si enclin a estudier & composer libures quil refusa Leuesche de ratiponen se: pource quil la falloit garder & gouuerner aucunes foys en tumultes guerres & discentions: comme il est de coustume de faire entre les germainz: car aucuns euesques du pays de Germanie gardent & deffendent leurs eueschez a lespee & aulx armes,

De saint Thomas daquin & de ses libures,

¶ Cestuy Albert auoit aultre foys leu publicquemēt en la ville de Coulongne: Et y mourut en laage de quatre vingtz ans, Et apres luy delaisa plusieurs disciples & escolliers de grande science, Et mesmement monsieur saint Thomas Daquin: lequel estoit de noble lignee, Cestassauoir des Contes de la Pouille & dellaisa tous ses parens & biens mondains / & sen vint demoure en la ville de Paris & y estudia en Theologie si bien quil estoit le plus grant clerc / & le plus parfaict en science qui feust point en son temps, Il fist & composa quatre libures de sentences, Il fist vng aultre libure cōtre Guillaume de sainte Amour hōme fort mauuais & perniciieux: & rempli de malice: comme cy dessus iay raconte & dit, Et oultre fist & composa deulx aultres libures, Cestassauoir des qualitez & essences, Et vng aultre des commencemens de nature,

Loffice du sacrement de l'autel,

¶ Sainct Thomas fut appelle par le pape vrbain: mais quant il fut a Romme il ne voulut oncques obtenir ne auoir aulcūe dignite & les desprisa: & du tout mettoit son entendement a lyre / estudier / & escrire, Il restaura les escolles de la ville Romme: & par le commandement: & vouloir du pape Vrbain il escripuit beaucoup de libures, Il exposa toute la Philosophie naturelle & morale & y fist dessus de beaulx cōmentz Et oultre il fist & composa vng libure contre les gētilz, Il desclaira le libure de Iob & le lya dune chesne dor, Et dauantaige il fist & composa l'office du saint sacrement de l'autel deuant lequel libure plusieurs figures du viel testament sont escriptes & comprises,

¶ Or ie retourne au pape vrbain qui alla de vie a trespas: & ne fut Pape que trois ans / vng moys & quatre iours, Il mourut en la ville de Peruse / & fut enterre en leglise Cathedralle, Et lors vacca le saint siege apostolique de Romme par l'espace de cinq moys,

¶ De Clement cent nonantiesme pape,  
Et quatriesme du nom,





Lemēt pape. iiii, du nom auoit nom Guy on Fulcodie, Il estoit natif du pays de Narbonne de la ville sainct gille, Il fut esleu a la papaulte pour sa saincte vie & grāde science: au parauant auoit este marie / & auoit eu femme & enfans: & estoit docteur aux loix homme de grant conseil: excellēt aduocat: bien plaidāt vne cause / sans aucune contention: tellement que au parlemēt & court royale de France nauoit son pareil / en science & bonne doctrine, Quāt sa femme fut allee de vie a trespas: il se fist de lor

Le pape Clement fut marie & aduocat en parlement,

dre & estat de leglise: il fut esleu euesque du Puys en Auuergne: & depuis euesque de Narbonne: & apres faict & cree cardinal, Il fut esleu a la dignite papalle du consentement de tous les cardinaulx, Cestuy Clement au parauant quil feust pape: la court de Romme & de France le tenoyēt si vertueulx & saige quil fut de tous esleu seul pour dirimer diffinir & cōposer les differences causes & proces: qui estoient entre Henry roy Dāgleterre & Symon conte de Montferrat, ¶ Apres quil eut este esleu a la papaulte en son absense: comme disent & ont escript aucuns: il sen vīt en habit de religieulx de lordre des mendiās: en la ville de Peruse: comme homme incongneu: & de la en la ville de Viterbe: ou il fut honorablement receu des cardinaulx. ¶ Or en ce temps cōme nous auons dit le cōte de Prouence: & Daniou auoit este appelle par le pape Urbain: pour luy bailler le royaulme de Secille & estoit pti du port de Marceille avecques trēte Gallions & aultres nauires & estoit arriue a Hostie sur le fleuue du Tybre: & entra a Rōme ou il obtint la dignite Senatorialle a rōme iusques a ce que tous les cardinaulx feussent venus quauoit enuoyez querir le pape pour le desclarer & couronner roy de Iherusalem & de la Secille ce que fut faict en leglise de lateran: par telle condition quil baileroit a leglise de romme par chascun an: quarante mille pieces dor: & de ce faire iura & afferma: & quil ne accepteroit lempire des Rommaĩns cōbien quon luy vouldist bailler volontairement, Car lors estoit vne grande contention & debat pour lempire: entre Alphonse roy de Castille: lequel vouloit auoir & occuper lempire par or & argent & par force darmes, Et le conte de Cantorbie frere du roy Dangleterre au quel les eslecteurs ne regardoyent & ne le vouloyent auoir: affin que Manfrede de mourast sans aucune esperance & quil ne feist la paix entre Alphonse & Charles conte Daniou & de prouence. Et lors estoit fort desire de la plus grande partie du peuple qui le desiroient pour estre empereur, ¶ Apres que le pape eut tant fait que Charles ne voulut de lēpie: il le anima & incita fort contre Māfrede / qui desprisoit & ne tenoit cōpte de

Du royaulme de Iherusalem

D, ii,



Bataille entre  
Charles & mā  
frede,

La mort de  
Manfrede,

Charles roy  
de Secille,

leglise Romaine: car lors l'armee des francoys auoit passe les Alpes & montaignes & estoient aulx Italles, Et tous les cheualliers & aultres qui tenoyent la faction des Guelphes menoyent l'exercice des francoys / par le chemin flaminee tellement que parvindrent iusques a Romme: & de Romme chemina oultre & prist Caperanne & dechassa les guarnisons & gens d'armes que Māfrede y auoit laissez: & puis occupa le hault / & la motaigne Cassinaee: cōbien que Māfrede luy mesmes auoit entrepris de le garder contre les francoys / mais il mua son oppinion / & sen alla en Beneuent pour attendre Charles & son ost: mais tousiours Charles / & son ost suiuyent Māfrede qui auoit mis & assiege ses tentes & pauillōs en vng plain chāp pour mieulx monstrer les faitz & vaillances d'armes & en ce lieu Manfrede & son ost qui estoient tous fraitz & non laissez attendoyent les francoys, Mais neārmōins quilz feussent las fatigues & trauaille des montaignes & grant chemin qu'auoyent fait: ilz ne refuserent point la bataille: & vng chascun ordonna ses batailles: & tres furieusement se entre assaillirent ou se firent dung coste & d'aultre plusieurs faitz d'armes: ou ilz y eut plusieurs Sarrazins & aultres crestiens / qui estoient du coste & partie de Māfrede: Or pource que la bataille estoit for meslee Charles qui estoit monte sur vng cheual d'armes qui veoyt que les francoys nauoyent lors pas du meilleur courroit aulx helles: puis a lauanguard & arriere garde donnant couraige a ses gens, Mais en se faisant: il fut enuironne de ses ennemis: & ilz luy tuerent son cheual soubz luy: parquoy il cheut & tumba a terre, Et lors les ennemis commencerent a crier a haulte voix quilz auoyent victoire, parquoy leur couraige leur creust: au moyen de quoy Manfrede lors asses imprudemment se meist a ferir en la bataille sans tenir ne garder ordre de bataille: dont il fut tue & occis par les francoys sur le champ, Et incontinent fut remonste Charles sur vng aultre cheual dont les francoys furent ioyeux: quant ilz le virent: car aucuns cuidoient quil feust mort: & commencerent la bataille plus asprement que par auant: tellement que lost de Manfrede fut du tout desconfist & mis a mort / & les aultres furent prins prisonniers. ¶ Adonc quant le roy Charles eut gaigne la victoire de la bataille: il sen vint luy & son ost deuāt la ville de Beneuēt: laquelle se rendit volontairement: & entra dedans: ou il fut receu tres magnifiquement par les habitants: & puis sen alla pour assaillir la ville & pays de Nucene: ou se estoient retirez tous les Sarrazins tant ieunes que vieulx. ¶ Et lors enuoya son mareschal avecques cinq cens lāces en Hetrunie affin de remettre les Guelphes chascū en sa ville dont ilz estoient expulsez & bannis par les gybellins. ¶ Apres que Charles fut paisible des deulx royaumes: & receu les foyz & hommaiges des gentilz hommes / seigneurs & vassaulx: fors excepte le pays de Nucerie ou estoient les Sarrazins & payens lesquelz leur promist y demourer & y viure selon leurs Loix & maniere de faire, Et puis aps sen vint en la ville de Viterbe: ou estoit le pape Clemēt lequel lauait



mande de sy trouuer:& y estoit pareillement Henry frere du roy de Castille:lequel auoit este dechasse par son frere:& par le moyen de Charles roy de Secille le Pape luy feist de grans biens:& le fist & crea Senateur de la ville de Rome,Et ce faict charles sen alla en Hetrurie pour batailler contre les Gibellins qui auoyent faict venir corradin ieune enfant nepueu de corrad de Sueue pour faire guerre aulx Guelphes, Mais les Gibellins furent contrainctz de eulx retirer au chasteau & forte place de bonice ou ilz furent assaillis, Mais ilz se deffendirent si vaillamment quon ne les peult preñdre:q par famine/au moyē de quoy rendirēt le chasteau au roy charles & puis sen alla cōtre les pisans & prinst sur eux vng chasteau appelle Mutronion:& le donna a ceulx de Luques:& leur eust donne & faict beaucoup daultres biens neust este que fut souldainemēt appelle & mādē de ceulx du royaume de secille pour les deffendre pour ce que les Pisans & aultres qui fauorisoyent a Corradin:& le vouloyent faire roy de Secille/& gasterent tout le pays de Luques/& tuerent le Marechal du roy Charles qui estoit en la ville de Arece:& fut par le commandement de Guyon feretane chef & capitaine de la faction des Gibellins, ¶ Or ainsi que corradin & son armee passoit par aupres de la ville de Viterbe: on dit que le pape clement luy prophetiza sa mort / & eut pitie de luy disant quon le menoit comme langneau a la mort: laquelle chose fut vraye: comme sera cy apres dit, Corradin vint a Rome luy / & son ost: ou fut receu par les Rommains en lappellant empereur, Mais ie ne scay se les rommains le faisoient de paour ou par cautelle, Il fist guyon feretane Senateur de Rome & le laissa en la ville / & puis sen partit pour aller au royaume de Secille, Mais pource quil auoit ouy dire q le roy Charles occupoit les montaignes & haultx pais de Hetrurie / & la voie latine: Il retourna & mena son ost & armee par les mōtaignes equi colles: lesquelles on appelle Tagiacocie:& fist mettre son ost au pres dūg Lac, Et le roy Charles fist asseoir le siēa dix stades pres en vne vallee: par le conseil & oppinion dūg homme nomme Alard Neapolitain / qui auoit longuement consuui les guerres & batailles avecques les Germain, Et puis le roy charles enuoia son Marechal habille dune robbe royale: avecques vne partie de ses gens darmes: pour & affin de appeller & prouoquer a bataille corradin, Et puis feist mettre au hault de la montaigne & derriere vne grande partie de gens darmes: pour escouter & regarder comment la bataille se conduiroit: pour & affin de donner ayde / & secours en temps opportun. La bataille auoit desia dure troys heures / entre les francoys & les Germain: quon ne scauoit qui debuait auoir la victoire, Le Marechal du roy charles fut occis & tue en la bataille: par quoy les francoys se reculerent vng peu: au moyē de quoy les germain furent plus hardis & courageulx / & commencerent a courir apres les francoys sans tenir ordre de bataille ne sans cōduicte, Mais incontīnāt Charles qui estoit aulx aguettes sortit sur les Germain / & luy & les francoys

La prophetie  
de la mort de  
Corradin,

Bataille entre  
Charles & cor  
radin,

D,iii,



Corradin eut  
la teste coupee

Le chasteau  
de Bonice fut  
vêdu aux flo-  
rentins,

La mort du  
roy saint  
Loys,

en tuerent tant que les champs estoient couuers de mors: car ilz com-  
cerent a fouyr quant ilz virent venir le roy Charles, Mais en la fuitte fu-  
rent prins Henry senateur en la ville de Reate qui sen fuyoit & Corradi  
& le duc Dautruche qui passoyent le fleuve du Tybre: pour eulx en fou-  
yr en Hetrurie / & puis en apres le Roy Charles leur fist trancher la te-  
ste: & par ainsi la prophetie du pape fut accomplie, Et fut lan de nostre sa-  
lut, Mille deux cens soixante & huit, ¶ Apres icelle grande victoire le  
roy Charles iouyست de tout le royaume paisiblement. Et puis vint a Ro-  
me ou il fut fait senateur de par le vouloir du pape: & ce fait enuoya en  
Hetrurie son mareschal pour composer & faire la paix entre les Senoys  
& les florentins: ce que feist le mareschal qui estoit homme industrieux  
& de grande prudence, ¶ En ce temps mourut le pape Clement a Viter-  
be & y fut enseveli, Il ne fut pape q̄ trois ans / vingt & vng iour, Et lors  
fut grande discention en toutes les Italles: & encores plus grāde entre les  
cardinaulx: pour faire: & eslire vng pape: tellement que le siege fut vac-  
cant par l'espace de deux ans, ¶ Pourquoi le roy Charles eut paour q̄ les  
terres & seigneuries de leglise de Romme eussent quelque inconuenient  
ou dommaige, Il sen alla en Hetrurie avecques vne partie de son ost: &  
prinست le chasteau Bonicien: dont estoit venue le commencement de toutes  
les factions noyses & debat: qui estoient lors aux Italles, Et icelluy vē-  
dit aux florentins: lesquelz le firent abbatre & desmolir: & en firent vng  
aultre: en la plaine assez pres d'icelluy quauoyent abbatu: & le nomerent  
Poge Bonice, Le roy Charles fist paix avecques les Pisans: pour ce quilz  
auoyent intention daller en Aphricque sur les galleres & nauires, Mais  
il sen retourna au royaume de Secille & laissa en hetrurie vne partie de  
son armee: dont feist chef & gouuerneur Ruffe conte de Angulaire,  
¶ En ce temps le Roy de france Saint Loys estoit parti de Marseille:  
pour aller oultre mer sur les Turcz / Sarrazins / & infidelles: & avecques  
luy auoit mene trois de ses enfans qui estoient assez ieunes daage, Cest-  
assauoir Phelippes / Iehan / & Pierre, Et fut lan de nostre salut, Mille  
deux cens soixante & neuf, Le Roy de Nauarre / & Thybault conte de  
Champaigne estoient avecque le roy de france: & pareillement le Le-  
gat de Romme en Thunis, & gasterent tout le pays dentour, Mais la pes-  
te se meist en lost des crestiens francoys tellement que le roy saint Loys  
en mourut & son filz Pierre le plus ieune, Et fut phelippes roy apres son  
pere, Et lors les crestiens se deliberoient de retourner en France / quant  
Charles roy de Secille arriua en lost des crestiens. Et fut fait paix entre  
les crestiens & sarrazins / & furent renduz & deliurez les prisonniers dūg  
couste & daultre, Et puis sen retournerent les princes francoys avecqs  
leur ost en la Secille / & en venant le roy de Nauarre mourut a Drepane  
pourquoy lost des crestiens se diuisa: car lune partie vint par terre & lau-  
tre par mer, Et fist tant le roy Phelippes & aultres princes & roys / quilz  
arriuerent a Viterbe / ou estoient assemblez les cardinaulx qui estoient



encores en debat & discention pour eslire vng pape Mais quant ilz virēt la presence de si nobles & puissans roys/ ilz eslirent Thibault archevyscre de Leodiense qui estoit absent & oultre mer/ lors qui fut esleu a la dignite papalle. ¶ Or ie retourne au pape Clement/ qui fut en son viuant & apres sa mort digne de toutes louēges: car il distribua les biens de leglise si honnestement & raisonnablement/ quil en donnoit plus pour dieu/ que a ses parens & affins. Il auoit eu en mariage de sa femme deux filles auparauant quil fust pape: il en mist vne en religion & luy assigna .xxx. liures tournoys seulement. Et lautre fille fut mariee/ a laquelle donna pour vne fois troys cens liures tournoys/ par telle condicion que puis apres iamaïs ne demanderoit plus riens a sa succession. Il auoit vng nepueu qui auoit troys chanoyneries prebendes. Mais quant il le sceut/ il cōtrainguit son nepueu de renoncer a deux des prebendes/ & nen retenir q̄ vne seulement. Et combien que plusieurs de ses amys le requeroient quil vouldist delaïsser icelles prebendes a son nepueu/ & quil ne les luy debuoit pas oster/ mais luy deburoyt bailler de gros & opulans benefices. A quoy respondit le saint Pape/ pleust a dieu & a la mienne volonte quil fust ainsi que tous les prelatz & papes du temps present/ ensuyuisent nostre seigneur Iesuchrist/ & non pas leurs parens cousins & nepueux. Dieu a voulu & commande que lon donnast de ses biens aux paoures & aux oeures charitables. Et nest pas digne destre successeur de saint Pierre/ qui donne plus a ses parens que aux paoures. Ainsi quil estoit a Viterbe & quil congneut les miracles Eduigem de Pologne: laquelle long temps auoit quelle estoit morte/ il la canoniza & la fist relater entre les saintes de Paradis. Il se delectoit fort aux liures & doctrine de saint Bonauenture: lequel estoit general de lordre des freres mineurs: & qui auoit escript sur la premiere/ secōde/ tierce/ & quarte partie des liures des sentences. Et cestuy Pape fut si loue des cardinaulx/ que apres sa mort ilz eurent grande altercation de eslire vng Pape/ quil fust aussi digne comme estoit celluy de parauant.

Excellēt notable pour les prelatz

Les oeures de saint Bonauenture

¶ De Gregoire, cxcī, Pape: & x, du nom.



Regoire Pape, x, du nom/ au parauant on lappelloit Thibault. Il estoit ytalien du pays Placentine archevyscre de Leodiēse. Lors quil fut esleu par le college & congregation des cardinaulx qui estoient en la ville de Viterbe: il estoit en Asie en lost des crestiēs/ contre les mfideles: ou temps q̄ Herdarde filz du roy Dangleterre estoit party du pays Dangleterre/ avecques grande multitude de nauires/ pour recouurer la terre sainte que occupoyent les infidel

D, iiii,



Herdarde filz  
du roy Dan-  
gleterre

Meurtre faict  
pguyon de  
montfort

La paix entre  
les geneuoys  
& venitiens

les, Or comme ainsi que Herdarde estoit deuant la ville Ptolomaide attendant le roy saint Loys/qui batailloit & faysoit guerre en Aphrique contre les Sarrazins, Ainsi que vng iour il estoit couche en son lit tout seul/vng sien familier nomme Arfacide/luy bailla troys coups mortelz dung poignart, Et ce neust este vng seruiteur & familier lequel lors arriua qui tint & print le braz de Arfacide/tellement quil ne sen peult defaire iusques a ce que les seruiteurs domestiques furent venuz qui les defirent/& puis occirēt cestuy Siccarie & meurtrier Arfacide, Or aps que Herdarde fut guarý & sanc des troys coups de poignart/que luy auoit baillez son familier Arfacide, Il print en grāde familiarite Thibault archedyacre/& laymoit & honnoroit fort/& aussi faysoient tous les roys & princes crestiens: car il leur donoit couraige de batailler & faire guerre aux Sarrazins, Depuis que Thibault archedyacre fut esleu a la dignite papalle/il fut appelle par les cardinaulx lesquelz luy enuoyerent des galleres & nauires bien equippees & honnorablement garnies de toutes choses, Et fist tant par ses iournees quil arriua en la ville de Viterbe/ou il fut receu honnorablemēt des cardinaulx, ¶ En ce tēps Henry filz du conte de Connubie estoit en Viterbe pour venir veoir le pape:& pareillement y estoit Phelippes roy de France/& Charles roy de Secille, Vng iour apres ainsi que Henry estoit en leglise cathedrale de la ville de Viterbe/Guyon de montfort qui estoit venu avecques lost des cresties tua & occist cestuy ieune enfant Henry deuant lautel de la grande eglise/pource que son pere Richart auoit aultresfoys tue & occis Thomas son pere par trahison & dol luy estant en Angleterre/& par ce moyen disoit quil vouloit vanger la mort de son pere, Mais quant il eut faict le meurtre il sen fouyt en Hetrurie/se rendre a Ruffe prefect & preuost de Hetrurie, Parquoy le roy de France Phelippes & le roy Charles furēt fort indignes & courouces/& se partirent de la ville de Viterbe/le roy Phelippes sen vint en Frāce/& le roy Charles sen alla en la Pouille/& y fist paix avecques les Sarrazins, ¶ Apres que le Pape eut este receu & courōne & faict tout ce qui appartient de faire a vng nouueau pape, Il fist faire la paix entre les Geneuoys & Venitiens par le moyen de Phelippes roy de France qui lors estoit en la ville de Cremonne/& fut faicte pour cinq ans:& premierement ensemblement daller contre les sarrazins, Or lors les ytalles estoyent en paix & transquillite/mais les Venitiens commencerent a les perturber /au moyen de nouueaulx fuccides & vectigaulx qui mirent sus/& exiguoyent & demandoient contre droit & rayson: car ilz auoyēt ordonne que nul ne passast p les portz de la mer adriatique/& mesmement par Pola, Pourquoy les Boulongnoys furent yrez & marriez des nouueaulx vectigaulx que faysoient les Venitiens: & a ceste cause eurent guerre par troys ans contre eulx, Mais finablement firent paix ensemble: mais les habitans de Ancone furēt pareillemēt couroucez dequoy les Venitiens prenoient tribut des marchandises quon



menoît sur la mer Adriatique / & que ce n'estoit chose raisonnable, Parquoy ilz sen plainirent / & firent leurs plaintes au pape Gregoire, Et q̄ c'estoit a luy de deffendre & phiber / de ne exiger & mettre sus nouveaulx tribuz & vectigaulx, Le Pape commanda aux Venitiens quilz eussent a cesser iceulx nouveaulx tribuz & exactiōs / & de nen plus prendre ne de mander, Mais les Venitiens respondirent au legat qui estoit venu leur faire les deffences / que le Pape n'entendoit pas bien le cas / & qui n'estoit bien & deument informe des choses, Et mais quil en fust bien informe quil iugeroit bien aultrement quil ne faysoit, Lors le pape ne peult par faire icelle cause des Venitiens / pource quil sen alloit au concille qu'avoit indite & faict essembler en la ville de Lyon / auquel concille se trouua Paleologue empereur de Constantinoble / en grande compaignie, Et fist tant que les Grecz qui auoyent par treze foys delaïssé l'uniō de leglise de Romme / se reunirent a leglise Romaine: Au moyen dequoy plusieurs princes de Tartarie les ensuyuirent & se firent baptizer, ¶ En ce temps lempire de Occidēt vacquoit / & fut esleu Rodulphe conte de Assane empereur / par telle condition que vng an apres il yroit a Rome pour se faire couronner, Lors que le pape Gregoire estoit en France les Florentins & Guelphes dechaïnerent les Gibellins hors de Florence combien quilz fussent compaygnons & citoyens dune mesme ville / & quilz eussent este rappelez p'eulx & remis en leurs terres maisons & seigneuries. Et pareillement les Boulongnoys en firent autant: parquoy le pape fut fort coutouce contre eulx / & les interdit, Mais peu de temps apres les Boulongnoys en furent bien pugniz: car les Guelphes bannis se assemblerent & tuerent plus de huyt mille Boulongnoys: au moyē dequoy plusieurs villes subiectes a la domination de Boulongne se retirerent de leur subiection: & mesmement la ville de Ceruie dont les Boulongnoys auoyent tous les ans grans tribut: a cause du sel & vente dicelluy, ¶ Apres que le pape Gregoire eut accomply & finy le concille de Lyon / ou furent faictz plusieurs decretz touchāt lelection du pape: pour lexpedition & guerres contre les infideles payans & sarrazins: & aultres decretz touchant l'union des grecz a leglise Romaine, Ainsi que le Pape sen venoit en ytalie / il rencontra au pres la ville de beau Caire Alphonce roy de Castille / se complaignant que le pape auoit discerné Rodulphe empereur, Mais neantmoins il ceda tout tel droit quil auoit & pouoyt auoir a lempire a Rodulphe, Puis le pape print conge de luy / & fut honnorablement receu des ytalliens, Et ne voulut aller par Florece pource quilz estoient interditz / & sen vint en la ville de Arece / ou il mourut & y fut enseuely, Il ne fut Pape que quatre ans deux moys & dix iours, Le pape Gregoire estoit vng hōme saige prudent & de grande entreprinse, Il ne tenoit conte de pecune. Il aymoit les paoures de lesucrist: & recepuoit tresbenignement ceulx qui se retiroient a leglise / & qui luy requeroient ayde & secours,

Le cōcille de  
Lyon

Rodulphe em  
pereur

La mort du pa  
pe Gregoire,





M, cc, lxxv.

Innocent Pape cinquiésme du nom / estoit natif de Bourgonne: on l'appelloit au parauant Pierre Tarentaise, Il estoit de l'ordre des freres prescheurs / homme de grande litterature / bien scauant & bon clerc en Theologie, Il fut esleu Pape en la ville de Aretie, Lan de nostre salut mille deux cés septante & cinq, Incontinēt quil fut esleu pape / il sen alla a Romme ou il fut courōne en leglise saint Pierre, Et puis enuoya des scientifiques & venerables legatz au pays de Hetrurie / qui auoyēt conspire cō

tre les Pisans: & pareillement aux Venitiens & geneuoys / qui auoyent guerre mortelle les vngz contre les aultres. que sur peine de anathematization ilz eussent a delaisser de faire guerre les vngz aux aultres / & que a ce faire fussent contrainctz par peines & fulminations ecclesiastiques, Et lors les orateurs & ambassadeurs du roy Charles estoient a Romme Or quant les Hetruriens ouyrent les monitiōs & commandemens du Pape / ilz y obeyrent / & mesmement les florentins. Pourquoy le pape Innocent les absolut de linterdict du pape Gregoire, Mais les Geneuoys & les Venitiens se haioyent / tellement que ce nonobstant tousiours faisoient guerres mortelles & plusieurs saillies les vngz sur les aultres / ou se faisoient de grans meurtres & homicides, Mais neantmoins le pape les eust appoinctez / si ne fust alle si tost de vie a trespas: car il mourut le sixiesme moys & deux iours apres quil fut pape / & fut esepuely en leglise de Lateran. La mort du pape Innocent ne fut pas trop moleste aux prestres seculiers / car vng peu au parauant quil mourust il fut debat & alteration entre les prestres seculiers de leglise cathedrale de la ville de Viterbe / & les freres prescheurs / touchant le corps saint du pape Clemēt quatriésme / vng chascū vouloit auoir icelluy corps, Mais le Pape le ad iugea par sentence aux freres prescheurs: pource que ainssi lauait ordonne le pape Clement en son temps. Et pour ceste cause le pape Innocent auoit vng peu offence en faisant se iugement / pour la faueur de lordre dont il auoit este, Mais quant au surplus on le reputoit homme de bien / dont on esperoit beaucoup de biens pour leglise,

La sentēce du  
corps saint  
Clemēt qua-  
triésme pape

¶ De Adrian cent nonante & troysiesme Pape:  
Et cinquiésme du nom,





Drían Pape cinquiésme du nom/estoit ge  
neuoy de la famille de Flisque: on lappel  
loit au parauant Othobon, Il fut esleu &  
cree a la papalite a Romme/ou lieu & en  
tree de Lateran, Il estoit nepueu du pape  
Innocent quatriésme/lequel le fist & crea  
cardinal & dyacre de saict Adriā, Et puis  
léuoya en Angleterre comme legat/pour  
faire la paix & faire cesser les tumultes & se  
dicions/qui estoient entre les barons dan  
gleterre & le roy, Incontinent quil fut cree  
pape il partit de Rōme & sen alla a Viterbe/ou il appella Rodulphie em  
pereur affin quil vint aux ytalles/pour diminuer & affoiblir la puissan  
ce quauoit lors le roy Charles de Secille/pource quil gouuernoit tout a  
Rōme ainsi que bon luy sembloit, Mais pource q Rodulphe estoit em  
pesche a la guerre contre les Boemiens/il ne peult satisfaire a la voulēte  
du pape, Lors quant le roy de Secille sceut lenuie des Rommains & du  
pape/la voulut euitier/& fist apprestier son ost & armee pour sen aller en  
Achaie/pour & affin de obtenir lempire de Constantinoble, Mais ce pē  
dant le pape Adriā mourut pourquoy le roy Charles retourna aux ytal  
les, Le pape adriā ne fut pape que par l'espace de quarāte iours/& alla de  
vie a trespas en la ville de Viterbe/deuāt quil fust sacre & courōne pape  
Il fut enterre au couuēt des freres mineurs, Il auoit intēcion de remettre  
& garder les droictz & seigneuries de leglise de Rōme/& de expulser les  
tyrās & exacteurs des terres de leglise, Et de faire rediger les decretz du  
pape Gregoire quauoyēt este faictz au cōcille de Lyon/en meilleure for  
me: mais ne les vouloit pas du tout abolir ne destruyre, Mais la mort a  
uoit resiste a ses intentiōs & entreprinles qui estoient magnanimes, Et p  
sa mort le siege de Rōme fut vaccāt p l'espace de .xxviii. iours.

Lenuie du pa  
pe & des roma  
ains vers le  
roy de Secille

¶ De Ichā, cxciii, Pape: & xxii, du nom,



Ehan Pape, xxii, du nom estoit espaignol/  
de la ville de Lixiponense, On lappelloit  
Pierre au parauant & estoit euesque de tu  
sculāne quant il fut cree & esleu a la digni  
te papalle, Et combien quil fut docte neāt  
moins il ne scauoit rien ordonner qui fust  
bien faict, Il estoit stolidē & de sauuaiges  
meurs & coustumes: au moyen dequoy il  
fist a la dignite papalle plus de mal & de  
detrimēt que de honneur, Il fist plusieurs  
folies & vaines choses durant quil fut pa



La folle iactance du pape Iehan,

La mort du pape Iehan, xxii.

Le pape Iehan estoit grant medecin & fist plusieurs liures

pe, Mais entre les aultres choses il auoit vng bien: car il entretenoit aux estudes paoures escolliers/ & puis les pourueoyt & leur donnoit des benefices ou de l'argent, Lors les Venitiens auoyent guerres & debat: a ceulx de Ancone qui exigoyent marchandise par mer en Dalmace, Et ne vouloyent payer les succides & tribuz qu'auoyent mis sus les Venitiens, Le pape soustenoit les habitans de Ancone & leur promettoit les garder contre les Venitiens: mais ce n'estoit que de parolle/ car il estoit prompt a bailler parolle/ & fort tardif pour parfaire ce qu'auoit promis, Pourquoy quant ceulx Dancone virent qu'ilz estoient delaissez du Pape/ ilz se assemblerent ensemble & firent vne armee/ & dechasserent les Venitiens qu'ilz les auoyent assilliz. ¶ Le pape Iehan vsoit du conseil de Iehan caietane cardinal de la famille des Vrsains/ par le moyen duquel il auoit este esleu pape, Et furent enuoyees lettres messaigiers & legatz a Paleologum: empereur de Constantinoble/ & a tous les roys de la crestiente: affin de faire paix en la crestiente & daller contre les Sarrazins, Cestuy pape Iehan estoit si ebete de entendement & prodigue de langaige/ qu'il disoit qui viueroit fort longuement a la papalite. Mais en ce disant va tumber vne chambre qu'auoit faict faire au palais de viterbe & cheut de floubz/ & fut trouue entre les pouldres & solines & pierres/ & ne vesquit que sept iours apres. Il ne fut pape que huyt moys/ & fut espuely a Viterbe. ¶ Or come iay dict le pape Iehan estoit homme de grande science/ mais il n'estoit point sage ne prudent, Il fist en son temps plusieurs canons en la science de medecine/ car il scauoit lart & science de medecine & estoit bon medecin, Il escripuit vng liure qu'on appelle le tresor des paoures: & fist des problemes comme auoit faict Aristote, Mais ie ne scay dont ce vient que aucuns hommes grans clerz & fort lettres sont bien peu ydoines a faire quelque chose magnifique,

¶ De Nicolas, cxcv. Pape: & .iii. du nom,



Nicolas Pape troysiesme du nom/ estoit natif de Romme de la famille des Vrsains/ on l'appelloit au parauant Iehan caietane, Il fut faict pape six moys apres la mort du pape Iehan: pource que les cardinaulx estoient en grans debat: pour eslire vng pape, Le roy Charles de Secille lors senateur de Romme estoit au conclaue avecques les cardinaulx/ qu'il ne demandoit sinon qu'on esleust vng pape qu'il fust de la nation de France, Mais neantmoins le pape Nicolas fut esleu, Et fut lan de nostre seigneur mille deux cens septante & huyt, Et pour diminuer la puissance de Charles



roy de Secille, Il luy osta l'office & vicariat de Heturie/ disant que lempereur Rodulphe nestoit pas contēt quil eust/ & que cestoit pource quil ne vouloit point aller en guerre oultre mer cōtre les Sarrazins: & aussi q la terre de Heturie estoit de la iurisdiction de lep̄ire, Laquelle vicarerie le roy delaissa au pape/ & la fist occuper par vng sien nepueu/ & aultre pays dytallie, Et oultre lestat & office du senateur de Rome/ quauoyēt acoustume dauoir les roys & princes/ luy mesmes la tenoit, Il dechassa de deuāt luy les ambassadeurs des Venitiēs/ qui auoyent guerre a ceulx Dancone, Mais puis aps fist rappeler iceulx ambassadeurs/ & leur dist plusieurs iniurieuses parolles/ en menassant la ville de Venise/ silz ne se abstenoyent & dorefnauāt se gardoyent de faire guerre aux Anconoys, Mais apres que les Venitiens & Anconoys eurent longuement faict la guerre les vngz cōtre les aultres/ ilz firēt paix ensemble, ¶ Le pape Nicolas auoit deillibere de faire & creer deux roys/ tous deux de la famille des Vrsins: cestassauoir vng en Heturie/ & lautre en la Lōbardie, Et a ce faire Pierre roy Darragon le persuaçoit au roy Charles de Secille/ de le faire faire au Pape: affin que icelluy Pierre roy Darragon peust auoir cause & moyē de recouurer le royaume de Secille: lequel disoit luy appartenir a cause de sa femme Constāce, Le pape Nicolas: comme disent aucuns qui ont escript de luy: quil estoit de grāt conseil & magnanime en ses faictz/ hōme de bōne vie & louables meurs/ bien parlāt en lāgaige & lāgue commune. Il aymoīt les gēs clerçz & lettrez/ & leur donnoīt benefices & dignitez, En faisant les ordres sainctes/ il crea & nomma plusieurs cardmaulx: cestassauoir/ leuesque Dalbanie de lordre sainct rraçcoys/ & de lordre de sainct Dominique fist deux cardinaulx/ lung cardinal de Hostiense/ & lautre de Portuense, Leuesque de Tusculāne & de Preneste furēt seculiers cardinaulx, Et oultre crea deux prestres cardinaulx/ Girard du tiltre des douze apostres/ & Hierome de lordre des freres mineurs/ du tiltre saincte Pudiciāne, Et oultre il fist deux dyacres/ lordain son frere du tiltre sainct Eustache/ & Iacques colūna/ du tiltre saincte Marie en la voye late, Et quāt a batir & faire edifices/ il estoit fort sumptueux, Il fist faire de belles & magnifiques maisons au pres de leglise sainct Pierre/ quon veoyt encores de p̄sent. Et depuis le pape Nicolas cinquiesme fist clore icelles maisons de murs cōme vne ville/ quō appelloit le Pomet sainct Pierre/ & est maintenant vng beau iardin qui est pres sainct pierre, Il fist refaire leglise sainct pierre/ qui estoit presq en ruine/ & y fist peindre tous les papes q estoit chose tresbelle/ & en fist autāt de leglise sainct paul, Il y crea .viii. chanoyines pour augmēter le seruice/ & leur assigna rētes pour viure, Il leur fist faire maisons pour chascū chanoyne selō leur natiō, & diuisa les ordres ecclesiastiqs entre eulx, Il pfist les maisons de laterā quauoit encōmēcees le pape adriā. v. Il fist refaire leglise & chappelle sancta sanctorū, Et puis fist mettre les cheffz sainct Pierre & sainct Paul en capses dargent/ & consacra icelluy iour le

E. i.

Le pape Nicolas estoit ambicieux de legier

Eglises & edifices faictz p le pape Nicolas.



Il ordōna que  
greffiers & no-  
taires ne se-  
royēt q̄vng an  
en leur office,

Il ostoit le biē  
de ses subiectz  
pour dōner a  
ses parens

Le corps de  
saincte marie  
magdalene,

glise & chappelle qui fut le iour de deuant les nones du moys de Iuillet  
**¶** Aulcuns historiēs ont escript que iamaïs on nauoit veu Pape sacrifi-  
 er & faire le diuin seruice si deuotement / car quāt il celebrōit il plouroit  
 tousiours & iectoit grosses lermes de ses yeulx. Il aymoît & gardoit lob-  
 seruance & ordre des freres mineurs: tellemēt quil expōsa & declaira par  
 vne decretalle aulcunes choses qui estoient ambigues & douteuses tou-  
 chant lordre saint Francoys. Quant les eglises estoient vaccantes in-  
 continent il y pourueoit le plus tost q̄ faire se pouoit / & baillōit les be-  
 nefices a gēs ydoines pour les regir & gouuerner. Il dechassoit les notai-  
 res tabellions & procureurs comme la peste: car il disoit quilz viuoyent  
 du sang des paoures gens. Et en ce ensuyuoit le pape Gregoire dixiesme  
 & le pape lehan, xxi. Et pource ordonna que greffiers tabellions & iu-  
 ges ne pourroyent obtenir offices / que p̄ l'espace d'un an / & sur peine de  
 anathematizatiō & maledictiō eternelle. Et fist oultre plusieurs beaulx  
 decretz a l'utilite & prouffit de leglise & du peuple / comme il appert par  
 les tiltres & liures ou sont escriptz. Mais neātmoins combien quil fust di-  
 gne de grāde louenge / si vint il a reprendre / pource quil aymoît trop ses  
 parens: car il desroboit & ostoit par force aux aultres pour dōner & bail-  
 ler a ses parens. Il osta p̄ force aulcuns chasteaulx a des nobles & gentilz  
 hōmes de Romme / & puis les dōna a ses parens. Et mesmemēt print par  
 force le chasteau Suriāne / & le bailla a ses parens: & peu de tēps apres il  
 y mourut subitement / combien que au boyre & mēger il fust fort absti-  
 nent. Il ne fut pape que .iii. ans. viii. moys & .xv. iours. Et aulcū auoyēt  
 predit sa mort: pource que le Tybre & fleue de Rōme estoit au para-  
 uant si fort creu / que leaue estoit p̄ dessus lautel de nostre dame la rotun-  
 de quatre piedz & plus. Son corps fut apporte a Rōme / & fut ensepue-  
 ly en leglise saint Pierre / en vne chappelle de saint Nicolas / laq̄lle auoit  
 faict ediffier. Et son tumbeau estoit de pierre de marbre / painct & ver-  
 millonne: le quel tumbeau on veoyt encores de present. **¶** Le roy Char-  
 les de Secille conte de prouence / fist mettre le corps de sainte Marie  
 Magdalene / le quel auoit este ensepue-  
 ly en la ville saint Maximin par  
 saint Maximin en vng beau & excellēt monument en vne chappelle  
 bien aornee. Et fist separer du corps le chief de la Magdalene / & mettre  
 en vng beau reliquaire faict d'argent. Et fut lan de nostre seigneur mille  
 deux cēs quatre vingtz / le iour des octaues de lassumption nostre dame.  
 Apres la mort du pape Nicolas le siege de rōme fut vaccāt p̄ l'espace de  
 cinq moys. Car ainsi q̄ les cardinaulx estoient en la ville de Viterbe au  
 cōclauē / pour eslire vng nouveau Pape. Richard de la famille de Hāni-  
 bal magnifique & de noble lignee Rōmaine: le quel auoit expulse de la  
 prefecture & p̄uoste de viterbe le nepueu du pape Nicolas qui estoit des  
 vrsins. Pourquoy deux cardinaulx de la lignee des vrsins empescheoiēt  
 quon ne fist lelectiō / q̄ premieremēt Vrsin ne fust restitue en son office  
 Mais Richard & le peuple de Viterbe entrerēt au conclauē / & prindrēt



les cardinaulx Vrsins / & les mirēt en prison, Et incontīnēt que la factiō des Hānibaulx sceut les nouuelles q̄ les cardinaulx estoient prisonniers ilz dechasserēt de Rōme tous les Vrsins & famille / & sen allerēt demourer en p̄neste, Et cinq moys aps les cardinaulx frācoys en labſence des vrsins q̄ demādoient vng pape de la natiō dytallie en eleurēt vng de frāce

¶ De Martin, cxcvi, Pape: & .iiii, du nom,



Artin Pape, .iiii, auoit nō auparauant quil fust pape Simon, Il estoit cardinal p̄stre du tître saincte Cecille, Il estoit frācoys / natif de la ville de tours. Quāt il fut esleu pape en la ville de Viterbe / il ny voulut estre courōne ne sacre / pource quil disoit & cuydoit que le lieu & la ville fust interdite / pour les excès & voyes de faict quon auoit faict aux cardinaulx, Pourquoy il sen alla en la vieille ville appelee Oruietū / où il fut sacre & courōne / ainsi quil apptient de faire a vng nouveau pape: & fut la, x, Kalēde du moys d'april: Et le iour de la resurrection nostre seigneur il crea, vi, cardinaux / du nōbre desquelz estoit le conte de Millan / du tître sainct Marcellin & sainct Pierre / & Benoist caietane dyacre du tître sainct Nicolas de la prison Tuliāne, Quant il sceut que le roy Charles de Secille venoyt a Rōme / il fist aller la court & seigneurie rōmaine au deuāt & le receut tresbenignement / & luy bailla & restitua la dignite & office Senatoriale / laquelle luy auoit ostee le pape Nicolas, De laq̄lle chose aucuns en furent mal contens: car pour ceste cause en suruindrēt beaucoup de noyses & debatz, Et lors les Hānibaulx & leur famille auoyēt este deiectez de rōme / & y estoient reuenus les Vrsins: lesquelz pour cause ilz auoyent encores en hayne le pape Nicolas & le roy Charles de Secille, Pourquoy Iehan frere de Latin cardinal / voulut veger liniure quon auoit faicte a son frere / & voulut recouurer la dignite & office que luy auoit baillie le peuple de Rōme, Au moyen dequoy il assembla vne grosse armee / & sen alla au pays de Viterbe / où il destruyſit & pilla tous les pisans & gens de labour, Mais quāt le pape Martin le sceut qui estoit lors en la ville de Montfalcon: il enuoya Mathieu cardinal vrsin / pour cesser les noyses debatz & pilleries & mena avecq̄s luy Iehan capitayne du peuple de rōme, Or tous les principaulx des factiōs Vrsines & Hānibales / par le commādemēt de Mathieu cardinal & legat du pape Martin cestoient tous assemblez: & y estoit Richard hānibal / affin quil fust absoulz de linterdict & violēce quauoit faict / pource quil auoit prins & mis prisonniers les cardinaulx vrsins, Il semist vne corde au col q̄ est signe de grāt penitēce / & se iecta aux piedz du legat du pape requerāt pardon & absolutiō / ce quil obtint: & puis fut faicte paix entre les deux factiōs, Et furent esleuz deux rōmains pour gou-

Les hānibaulx  
furēt deiectez  
de Romme

E.ii,



Notable du se-  
cret d'altruy

Iehā pchyte,

Machination  
contre les fran-  
coys,

Horrible cru-  
aulte enuers  
les francoys

uernier la ville de Viterbe: cestassauoir Gānibal filz de Pierre hānibal / & Pandulphe sabelle, ¶ En ce temps le Pape excommunia Paleologue empereur de Constantinoble / pource quil ne obseruoit & gardoit les pactiōns quauoit pmisses a leglise de Romme: & tout ce fut a l'instance & pourchatz de Charles roy de Secille, Pourquoy Paleologue craygnāt la puissance du roy de Secille / il fist confederation & alliāce secretemēt avecques Pierre roy Darragon: lequel disoit que le royaulme de Secille luy competoit & apptenoit / a cause de Constāce sa femme fille de Manfred & niepce de Corradin, Et au moyen des alliāces que firēt secretement l'empereur Paleologue & Pierre Darragon / ilz mirent sus & pparerent grāde multitude de nauires / galliās / barques / lucz / briquātis / hucques, Pour scauoir la cause le Pape enuoya vng legat par deuers Pierre roy Darragon / luy demander pourquoy cestoit quil faysoit si grant appareil de guerre, Mais le roy Darragon ne respondit aultre chose au legat / sinō que si scauoir que sa chemise sceust son secret & ce quil pensoit de faire / quil la destrōperoit & laisseroit, Laquelle responce ouye le legat sen vint sans faire aultre chose par deuers le Pape, Et ce pendant Pierre sen alla en aphrique / & pillā & robba tous les riuages de la mer / qui sont pres la ville de Hipponēse, Et ce faict sen vint en Sardine / pour attēdre que Iehā prochyte eust faict les discētions & esmeu le peuple du royaulme de Secille contre les Frācoys / comme il auoit pmiss de faire / & estoit ainsi cōuenu entre eulx deux, ¶ Ce pendāt plusieurs factiōns noyses & debatiz se faysoient a Millan / car les Turriānes gēs de noble lignee / furent mis hors de la ville de Millan par Lucine, Et en Hettrurie Luchine qui estoit vicaire de p l'empereur / lequel se tenoit au chasteau de Miniāte / faysoit de merueilleuses guerres aux Florētins & Luquoyz: & ne tenoit cōpte des monitiōns & interdictiōns du Pape, Les Perusiēs par force darmes prindrent la ville des Fulginiātes / & rompirēt vne partie des murs de la ville / pourquoy le pape les interdīst, Mais puis apres ilz furent absoulz en payāt vne grāde somme de deniers, Or ce pēdant les Siciliēs ne vouloyent plus endurer lorguel ne les lubricitez des Frācoys / & commēcerent a leur esmouuoir, Et ne attēdoit aultre chose Pierre roy Darragō Car a ce faire Iehā prochite les psuadoit: & fist tāt que tous les Siciliēs coniurerent & conspirerent contre Charles roy de Secille, Et prindrent tous ensemblement vng iour & signe: cestassauoir que incontīnēt qu'on oyroit sonner la cloche / qui sonne au vespre & soir / que vng chascū fust en armes pour tuer tous les frācoys / sans espargner hōmes femmes ne enfans de q̄l aage quilz fussent / laq̄lle chose fut faicte, Et furēt si cruelz q̄l prenoyēt les fēmes grosses du faict des frācoys & leur fendoyēt le vētre & puis pnoyēt les enfans qui estoiet dedās & les tuoyēt & iectoyēt cōtre terre. & poutāt les meres & enfans estoiet tuez & mis a mort / qui estoit vne chose horrible & fort enuenimée de cruaulte, Pourquoy & au moyē du grant meurtre & occision qui fut lors faict par tout le royaulme



de Secille des Francoys, Quant on veult desirer & couuoyter la mort & perdition de beaucoup de peuple: on dict en commun prouerbe, Vespere sicule, Cest adire les vespres Sicilliânes leur aduiennent. Et en ce mesme temps Guion appié estoit alle par le commandement du Pape avecques huyt cens cheualliers Francoys pour recouurer la ville de Româdiolo, Et ainsi quil auoit assiege Foroliue / il y auoit en la ville vng nomme Guion bonate grant astrologien & fort expert / lequel dist aux citoyens de Foroliue quilz ne sortissent ne allassent hors de la ville / iusques a ce qui le leur diroit / & que les astres signes du ciel & estoilles seroyent benignes doulces & amiables pour eulx. Et puis peu de temps aps il leur donna signe de sortir & saillir sur les Francoys / & les tuerent & deffirent tous. ¶ Or quant le roy Charles ouyt & sceut les nouuelles / que les Francoys auoyent este ainsi occis tuez & meurtriz cruellement / il en fut bien fort dolët & courouce. Pourquoy il fist assembler & pparer son ost pour aller en la Secille / & fist tant quil paruint iusques deuant Messane / laqle assiegea: & se vouloit rendre ce neust este que les Francoys se venterent de la mettre a feu & a fang / pour vanger la mort cruelle quon auoit faicte aux francoys. Quant Pierre roy Darragon eut entendu les nouuelles que les francoys auoyent este ainsi desconfitz & tuez / il partit de Sardine ou il auoit entendu les tumultes & conspirations quon faisoit contre les francoys / & sen vint en la Secille / & fut receu benignement & honnorablement des habitans de la ville de Panorme / & de tous les Siciliens: lesquelz accouroient par deuers luy en grant nombre & multitude & se redoyent a luy / & comme Roy ilz le receurent & proclamerent. Parquoy le Roy Charles fut fort estonne & eut frayeur & paour: & a ceste cause il delaissa la ville de Messane & sen alla en la Calabre / ou il attendit par aulcune espace de temps le filz du prince de Salerne / qui conduysoit & amenoit du pays & prouince de Narbonne / vne grande cohorte & compaignie de gens darmes. Le Roy Charles reprint le roy Darragon / pour ce quil vouloit prendre occuper & detenir son royaume de Secille / attendu quil estoit son parent & affin. Mais le roy Darragon ne fist aultre responce / sinon quil auoit ce faict pour charite & misericorde / pource quil auoit pitie & compassion du paoure peuple quil luy auoit requis & demâde ayde secours & confort: & que aussi le royaume de Secille luy appartenoit par droit heritaige & succession / pour & a cause de Constance sa femme fille de Manfrede & niepce de Corradin. Mais a ce donna bonne responce & solution le roy Charles / & eurent plusieurs parolles dung couste & daultre / tellement que les deux Roys conuindrent ensemble de batailler lung contre lautre / & vng chascun nauoit que cent hommes avecques luy seullemēt: & fut prinse & acceptee la iournee au pays de bordeaulx. Les deux Roys estoient parens & affins au roy Dangleterre Lequel roy Dangleterre & le pape Martin empescherent icela luy combat & bataille priuee. ¶ Or pource que le roy Darragon seffor-

E, ii,

Guio bonate  
gratastrologieLa responce du  
roy Darragon  
au roy Char-  
les,



Charles filz du  
roy de france  
fut prins prisō  
nier & mene  
en arragon

Le roy darra-  
gon excōie &  
priue de son  
royaulme par  
les tyrannies

La mort de  
Charles roy  
de Secille

coit de occuper par guerre le royaulme de Secille: il enuoya Girard cardinal de Parme comme legat au royaulme de Naples/affin quil admō-  
nestast le peuple destre tousiours fiables enuer le roy Charles leur vray  
seigneur: & q̄ aussi il aydast a gouuerner charles qui lors estoit assez ieune  
ne daage/ filz du roy Charles de Secille/lequel ne voulut croire le legat  
Parquoy il fut prins & ses gēs tuez & occis/ & fut mene prisonnier en Ar-  
ragon, Mais la fortune & accident ne luy fust pas aduenue sil eust voulu  
croire le legat qui lauoit tres bien admōnestē & cōseille/ de ne batailler  
ne mettre le royaulme en fortune de guerre cōme auoit fait, Car sil eust  
attendu son pere qui vint peu de temps apres par mer avecques grande  
armee/ il neust pas este prins ne ses gens descōfitz & mis a mort, Or quāt  
le sainct pape Martin sceut les nouuelles & que le roy Darragon auoit  
pris le filz du roy de Secille/ & quil estoit cause de la mort & martyre  
des Francoys a vng tel iour qui furent tuez comme le iour du vendredy  
sainct/ & tous bons crestiens ne portent espees ne bastons pour la reuerē-  
ce du iour que nostre seigneur souffrit mort & passion, Par grāde saige  
& iurisdique deliberatiō du sainct siege apostolique/ le pape Martin de  
la puissance a luy donnee excōmunia & anathematiza Pierre roy darra-  
gon, Et le royaulme Darragon desclara estre vaccant & quil le pourroit  
occuper seroit a luy de droicte iustice & eq̄te/ en absolvant ses subiectz &  
vassaulx des foy & serment quilz luy auoyēt faictz. Et incita & commā-  
da a tous crestiens se croyser & aller en bataille contre luy comme cōtre  
vng infidele sarrazin payen & iuif: pource quil occupoit le bien reuenue  
& patrimoyne de leglise, Et ce neust este que le Pape auoit des affaires  
au pays dytallie contre les Foroliuians/ qui cestoyent rebellez contre le-  
glise & ne vouloyent payer les reuenuz des terres & seigneuries: au moy-  
en de Guion de Montissfeldre qui les entretenoit en leurs mauuais fa-  
ctions, Le Pape eust enuoye au roy Charles ayde de gens darmes: mais  
puis apres Guion conte de Montissfeldre se repentit de quoy il auoit ay-  
de aux Foroliuians/ & fist paix avecques le pape, Il fist abbatre les murs  
tours & murailles de la ville de Foroliuie/ pour venger Guion Appie  
capitayne du Pape qui auoit este par eux vaincu, ¶ Or lors se faisoient  
en Hetrurie & aultres lieux des ytalles plusieurs courses de guerre pille-  
ries noyses debatiz tumultes & vexations/ dont le Pape estoit si fort agi-  
te & trauaille quil ne scauoit auquel peuple/ cestassauoir des Gencuoys  
ou des Pisans demander ayde & secours/ alencontre dicelluy Pierre roy  
Darragon/ que ce pendant ilz eurent entre eux si tresgrande altercation  
& contention touchant la possession & seigneurie de lisle de Corsique/  
que eulx mesmemēt demandoient ayde & secours aulx estrangiers les  
vngz contre les aultres, ¶ Ce pendant le roy Charles de Secille paruint  
iusques a Naples en grosse armee bien esquippee & en bonne ordre acou-  
stume: & le receurent les Neapolitains: comme leur seigneur & roy: &  
aps quil eut mis ordre par tout: il sen prit pour aller en la Pouille, Mais



vne fiebure le prinſt en chemin dont il mourut, Et lors eſtoit venu phelippes conte Darras filz de phelippes: roy de france, Mais neantmoins le roy Darragon ne laiſſoit a vexer & piller le royaulme de Secille & la pouille: combien que le roy de France phelippes en groſſe armee eſtoit deſcendu en Arragon pour occuper le royaulme: lequel auoit eſte dōne par le pape Martin au premier qui le occuperoit: cōme dit eſt cy deſſus

¶ Or entre ſes grandes tumultes le pape Martin mourut: dune fiebure lente en la ville de peruſe: & ne fut pape que quatre ans & vng mois, Il fut enſepuely en legliſe cathedrale, Auquel ſepulchre ceulx qui l'ont viſite eſtans mallades ont recouuert ſante & guarifon: les aueules ont recouuert la veue: les boyteulx ſont deuenus droictz par les miracles & merites du ſainct pape Martin,

Les miracles  
ſainct Martin  
pape, iiii,

## ¶ De Honore, cxcvii, pape, Et, iiii, du nom,



Onore Pape quatrieſme du nom: fut natif de Rōme de la famille Sabelle: on l'appelloit auāt qu'il fut pape Iacques, Il eſtoit cardinal & diacre, Et fut eſleu & cree pape en la ville de Peruſe, Et puis vint a Romme Lande noſtre ſeigneur, Mille deux cens quatre vingtz & cinq. Lors que ſon frere pandulphe excerſoit la dignite Senatoriale en la ville de Romme, Ceſtuy pandulphe eſtoit de ſi grande iuſtice & ſeuerite q̄ quant il eſtoit queſtion a Romme de chaſſer ou prēdre gueſteulx de chemins ou lar

M, cc, lxxxv,

rons qui eſtoient a romme & lieulx circonuoyſins: en grāde multitude & quantite on ne vouloit auoir que pandulphe: combien qu'il fuſt podagre & chyagre: ceſta dire q̄ ne pouoit cheminer ne ſe ayder des mains. Mais pour les malladies qu'auoit: neantmoins quant il eſtoit a cheual ou aultrement: il eſtoit magnanime prudent & ſaige en tous ſes affaires. Et le pape Honore auoyt aucune foys telle malladye: tellement qu'il auoit des inſtrumens qu'on luy auoit faitz ſi propres & de ſi grande ſubtilite q̄ au moyen diceulx il ſe aydoit a faire le druī ſeruice: & ſil eſtoit debile de corps: il eſtoit neantmoins vertueulx magnifique & de grant conſeil Il eſtoit & demouroit en la montaigne Auentine pres ſaincte Sabine / & y fiſt conſtruire de belles & ſumptueuſes maiſons: lesquelles on voit encores a preſent: au moyen de quoy pluſieurs rōmains y firent faire maiſons magnifiques: tellement que icelle mōtaigne fut habitable, ¶ Le pape Honore pour les grandes vexation contumelies & iniures que faiſoit pierre roy Darragon: il conferma l'interdict qu'auoit baillie le pape Martin, ¶ Et lors Lempereur Rhodulphe enuoya ſon chanſellier qui eſtoit

Le pape honore  
eſtoit podagre  
& chyagre,

E, iiii.



La mort pe pi-  
erre roy Dar-  
ragon,

Les Geneuois  
vainquirēt les  
pysans ou fu-  
rent prins que  
tuez douze mil  
le hommes &  
quarante neuf  
nauires,

La mort du pa-  
pe Honore,

de la famille & lignee de Flisque aux Italles: pour ce quil auoit affaire d'argent: pour faire & reduire le peuple & villes en liberte: moyennāt argent: pourquoy les habitans de Lucques pour estre francz & liberaulx de toutes tailles & impostz / & viure franchement baillerent douze mille lepieces dor, Et les Florentins en baillerent six mille, Et puis comme francz firent faire vng estādart & creerent officiers vng chascun en leurs villes. Icelle védition ne despleut pas trop au pape pource que la puissance de leglise au temps aduenir en seroit plus grāde: pource que au tēps aduenir lempereur ne pourroit troubler ne vexer icelles villes liberales, Mais estoit marri pource que cestoit vne chose non digne ne cōuenable a vng tel prince comme estoit lempereur, ¶ Or ainsi que le roy de France auoit assiege la ville de Geronde & que le roy Darragon vouloit empescher les viures de lost des francoys que leur venoit du pays de Narbone: les francoys & les Arragonnoys se rencontrerent ou il y eut vne merueilleuse bataille: tellement que le roy Darragon fut blese & naure / & fut asses mal pense & medicamente: au moyē de quoy peu de tēps apres alla de vie a trespas: parquoy la ville de Geronde se rendit au roy de France, Le roy darragon auoit deux enfans ferdinēt & Jacques / ferdinēt estoit le plus grant: parquoy il fut roy Darragon: & Jacques fut par testament roy de Secille, Et en ce faissant apres que les deulx roys furent mors les guerres & batailles retournerent aux secours des roys. & vng chascun se efforçoit de auoir ayde & secours: les vngz des pysans & les aultres des geneuys, Mais iceulx deulx peuples se auoyent en hainne si merueilleuse que par guerre les vngz contre les aultres se rencontrerent au pres de lisle de Lamelle qui est au pres du port de la ville de Pyse: la ou les Geneuys desirerent plus de douze mille Pysans: & les vngz furēt prins prisonniers / & les aultres tues & occis: & perdirent quarante & neuf nauires triremes: de laquelle descōfiture des pysans le pape Honore fut si ire & courrouce: quil ne sen fallut guieres quil ne mist linterdit de leglise aux terres des Geneuys: car depuis icelle bataille les Pysans ne se peurent depuis releuer: ne auoir force ne vigueur: pour faire vne armee, ¶ Lors Edouart roy Dangleterre se trāsporta en Gascongne: pour faire la paix entre Charles ieune enfant filz du roy de france lequel nous auons dit si deuāt auoit este prins prisonnier & mene en Arragon: & ferdinande filz de feu roy Darragon: & estoit fait la paix se neust este les nouuelles qui vindrēt que la ville de Cathene estoit occupee par le legat du pape / & le cōte Darras. Et pource ne fist riens le roy Dangleterre & sen retourna en son pais ¶ Roger Lorie print les nauires de France: parquoy ferdinande fut plus courageulx, ¶ Ce pendant le pape Honore mourut. Il ne fut pape que deux ans / & vng iour, Il fut aporte de saincte Sabine a leglise saint pierre en grande pompe funebre: & fut mis en sepulchre de marbre / que on veoit encores de present / & fut mis en ordre par le pape pie, ¶ Cestuy pape estoit de bonne vie & grāde deuotion, Il mua labit des freres des Car-



mes qui portoyent des manteaulx noyrz & blancz : & leur fist porter du tout blancz & aprouua leur ordre mieulx que nauoit este au parauant, Et oultre il conferma l'ordre des freres hermites de Sainct Augustin de la ville de paris qui nestoit bien approuuee, Il ne fist seullemēt en tout son temps que vng Cardinal, Jehā Bocamate euesque de Tusculāne: disant quil ne falloit pas mectre au colliege des Cardinaulx que gens dignes & aprouuez / & non pas gens ignares & non pas experts aulx sciēces diuines & choses humaines, Il aymoit fort ses cubiculaires / & ses gens familiers de sa maison. ¶ Apres quil fut mort le siege de Romme fut vaccant par l'espace de dix moys: car quant les Cardinaulx se assemblerent au conclaue en leglise sainte Sabine plusieurs soubdainement furent frappees de maladie & moururent / entre lesquelz estoient, Cestassauoir Iourdain Vrsin conte de Myllan / Hugues Angloys / Geruais Doyan de leglise Dangiērs: & de Paris: & Antere homme de grande science & liēterature pourquoy vng chascun sortit du conclaue & remirent lelection en vng aultre temps plus sain & conuenable: car lors il fut grant tremblement de terre.

Confirmatiō  
de lordre saint  
Augustin,

Le siege de rō-  
me fut vaccāt  
dix moys,  
La mort au cō-  
claue des Car-  
dinaulx,

¶ De Nicolas, cxcviii, pape & iiii, du nom,



Nicolas pape, iiii, du nom estoit Tuscaïn de la nation Picentine, au parauant auoit nō Iherosme, Il estoit de lordre des freres mineurs: & general de lordre / & puis fut prestre Cardinal, Il fut cree pape au lien sainte Sabine dix moys aps q le pape Honore fut alle de vie a trespas / & puis fut mis en la chaire saint Pierre / & se fait partit de Romme pour aucunes seditions & sen alla en la ville Reatine: ou il fist & crea des cardinaulx de toutes religiōs: il les aymoit autant les vngz que les aultres / & disoyt q

Cardinaulx  
nouueaulx  
crees,

on ne debuoit faire plus de biens a ses affins & parens: que a vng aultre: Mais quil soit homme de bien. Il aymoit les gens vertueulx: de ceulx q furent cardinaulx: entre aultres estoit pierre Colonne / Hugues Bolione docteur en theologie de lordre des freres prescheurs / Mathieu Agasparte general des freres minimes euesque de portuense, ¶ Apres que les seditions des Rommains furent cessez & apaisez / il retourna en la ville de Rōme & se tint & habita pres leglise nostre dame Maiour / laquelle eglise se luy & Jacques Coulōne firent refaire / comme encores appert: en vne ymage de nostre seignr qui est en leglise ou dung coste est lefigie du pape & de laultre coste celle du cardinal Jacques Coulonne: & oultre le pape fist refaire leglise de Lateran: cōme apert par lettres escriptures & epi-



La paix entre  
le roy Darra-  
gon & charles  
prisonnier,

Sainct Loys  
filz du roy de  
Secille de lor-  
dre sainct frā-  
coys,

Les crestiens  
se rendirēt au  
Soldan,

Troismille  
Gibellins oc-  
cis & deux  
mille prison-  
niers,

taphes qui y sont encores de present. ¶ Et ce pendant les roys de Secille & Darragon firent paix & confederation ensemble: par telle cōdition & pactiō que apres que Charles seroit mis hors de prison: q̄ trois ans ap̄s / a ses despens: il seroit iouir payiblement Jacques Darragon du royaulme de Secille: & si ne le faisoit il debuoit retourner en Arragon & se rēdre prisonnier: & neātmoins il auoit baille deux de ses enfans: pour ostai-ge, Cestassauoir Charles q̄ depuis fut cree roy de Hōgrerie: & Loys leq̄l apres quil eut vescu sainctement en lordre saint Francoys: il fut cano-nise & mis au nōbre des sainctz de paradis. ¶ Ce pendāt le Soldan prist la ville de Tripolin / pour cause des discordz noyses & debatz quauoyent les crestiens & mist tout a feu & a sang & fist destruire la ville: & puis en fist autant en la ville de Sydon & Barute sans ce que les crestiens se mī- rēt en deffence cōtre les Sarrazins ne le Soldā: pource que vng chascun vouloit dominer, Et ne resta aulx crestiens que la ville Ptolomaide: ou estoient aulcuns crestiens qui se deffendirent asses vaillamment, Mais neantmoins ilz se rendirent au Soldan par telle condition que se dedans deux ans nauoyent secours ou ayde des crestiens, ¶ Quant le pape Ni- colas sceut les nouuelles: il soudoya deux mille & cinq cens hōmes dar- mes & les enuoya en ptolomaide, Mais ilz firent plus de mal aulx cresti- ens que aulx Sarrazins, pourquoy quāt le Soldan vit quon ne luy tenoit promesse: il menassa tous les cresties de les exterminer & mettre a mort ¶ Adōc il y auoit grāde altercatiō entre les crestiens de la seigneurie & possession de la ville ptolomaide: car le patriarche de Constatinoble di- soit quelle estoit a luy / les cheualliers tēpliers maītenoyēt quelle estoit a eulx / & aussi faisoient les Theutoniques / le roy de Cyprie / & le roy de Secille disoyent quelle leur competoit / & les pyfans pareillement auoy- ent en volente de la repeter: neust este la guerre que faisoient en Hetru- rie contre les Guelphes / il firēt mourir de famine en prison le cōte Hu- goline / deux de ces enfans & deux niepces: parquoy les Florētins demā- derent secours a vng des capitaines de Charles roy de Secille: qui lors al- loit a Romme: & fut la bataille en vng champ pres du chasteau Typher- nade lequel depuis auroit este mue en vne ville / que a p̄sent on nomme Typherne: & y furēt tuez & occis beaucoup de Florētins: & mesmemēt Guillaume petre malle euesque de la ville de Aretie / & le cōte Feldera- ne, Mais quant les francoys se mirent en la bataille contre les pyfans / & Gybellins ilz ruerent de telle force & maniere quil fut tue & occis trois mille Gybellins / & deux mille qui furent prins prisonniers: pourquoy le lieu ou fust faict la bataille: les habitans des lieulx & villes circonuoy- sines appellerent icelluy champ Campaldine, ¶ Apres que Charles & ses gens eurent eu icelle grande victoire: ilz sen allerent droit par deuers le pape Nicolas / & fut receu roy de la Secille & pheudataire de legli- se de Romme, Mais quāt Jacques Darragon le sceut il assiegea & mist le siege deuant caiete, ¶ Lors affin que les crestiens fussent plus troublez &



empeschez que la terre sainte ne fust recouuerte: guerre se meut entre  
 phelippes roy de france: & Edouard roy Dangleterre/laquelle chose dō  
 na espoir & audace aulx infidelles de expulser & chasser les crestiens du  
 pays Dasie/ & terre sainte: pourquoy le Soldan que pour lors estoit mal  
 lade enuoya son filz avec cent cinquante mille payens & sarrasins deuant  
 la ville de ptolomaide. Mais peu de temps aps le Soldan mourut / & fut  
 en son lieu soldan son filz/ & plus aigrement: & de plus grant force il fist  
 assaillir la ville & fist combler les fosse; promettant a ses gens darmes de  
 donner les biens de la ville ptolomaide silz la pouoyent gagner & pren  
 dre d'assault. Mais les crestiens sortirent sur les Turcz infidelles & payens  
 & les rechasserent si vertueusement que le Soldan y eut grant dommai  
 ge & perte de ses gens. ¶ Et ce pendant que les crestiens deffendoyent la  
 ville ptolomaide le pape fist faire paix entre charles roy de Secille / qui  
 auoit este prisonnier: & lacques Darragon: & puis enuoya deux legatz la  
 teraulx en france & en Angleterre, cest assauoir Benoit caietā & gyraud  
 de parme. Mais les deux roys ne obeyrent aulx legatz & bonnes admoni  
 tiōs du pape: parquoy facilement les crestiens qui nauoyent secours ne  
 ayde delaissèrent & habādonnerent la ville ptolomaide & sen vindrent  
 douze mille crestiēs avecques le patriarche de Iherusalē: lesquelz peu de  
 temps apres furent par tempeste & naufrage de mer noyez & submergez  
 ¶ Quant le Soldan vist ptolomaide ainsi delaissee des crestiens  
 tout ce quil trouua dedans il fist mettre a feu & a sang/ & fist destruire &  
 abbatre la ville. Et fut lan cent nonante & six apres que godefroy de bil  
 lon lauoit prinse & conquise sur les infidelles: & depuis lisle de cypre/ &  
 & la petite Armenie: laquelle deuant on appelloit Ciliria: auoyent este  
 en la foy crestienne permanens. ¶ Or le pape Nicolas eut paour que le  
 demourant des crestiens qui estoient en Asie & terre sainte oultre mer  
 ne fust perdu: pquoy il auoit requis lempereur Rodulphe que voulsist  
 passer la mer avecques son ost pour secourir les crestiēs/ ce que eust faict  
 neust este que la mort le surprinst. Et luy succeda a lempire Adulphe.  
 Mais ainsi quil voulut repeter & conquerir les droictz de lepire que ob  
 tenoit Albert filz de feu rodulphe. Il fut tue & occis en la bataille qui fut  
 faicte au champ & lieu dit Spirense. Cestuy Adulphe estoit hōme vail  
 lant/ mais il estoit paouure d'argent & de gens darmes: parquoy il fut vain  
 cu plus par la grande multitude de ses ennemis que par faitz de guerre.  
 ¶ Quant le pape Nicolas congneut quil ne pouoit faire donner secours  
 & ayde aulx crestiēs doultre mer: & que tout luy venoit mal/ il prinst en  
 foy vng ennuy & desplaissance que peu de temps apres il mourut a Rom  
 me: & fut ensepuely en leglise nostre dame Maiour: ou alla de vie a tres  
 pas. Il ne fut pape que quatre ans/ vng moys/ & huyt iours. ¶ Apres que  
 les obseques du pape Nicolas furent faictes/ les Cardinaulx sen allerent  
 tous en la ville de Peruse: pour estre plus liberallement / pour eslire vng  
 pape nouveau. Mais ilz furent en si grans discordz & discentiōs quilz fu

Guerre entre  
 le roy de frāce  
 & le roy Dan  
 gleterre,  
 Cent cinquan  
 te mille sarras  
 zins deuant la  
 ville de Ptolō  
 maide,

Ptolomaide  
 prinse par les  
 Turcz,

La mort rodul  
 phe empereur



La mort de paleologue Em-  
pereur de constantinoble,  
Andronique filz de l'empereur paleologue renouua la foy catholique,

rent deulx ans & trois moys auant que eslire vng pape. ¶ Et ce pendant Michel paleologue empereur de Constantinoble mourut, Et les prestres & religieulx de Grece ne le vouloyent enterrer en terre sainte: pource quil auoit obey a leglise Romaine: quant fut fait le concille de Lyon comme a este dit cy dessus. ¶ Lors Andronique filz de l'empereur paleologue eust volentiers obey a leglise de Romme sil eust eu de layde & secours des crestiens: ou des Romaines. Mais pource que le siege estoit vacant & que nauoit aucun secours il delaissa la foy catholique. ¶ Quant Charles secōd roy de Naples sceut que le siege de Romme estoit vaccant si longuement / & les grans inconueniens qui en estoient aduenus: il partit de la prouince de Narbonne & vint en la ville de peruse: il enhorta souuentefois les Cardinaulx de eulx accorder & de pceder a eslire vng pape, & a ce faire les vouloit contraindre le magnifique & vaillant roy / neust este quil fut repris de Benoist Caietane du pays de agnanine disant que les Cardinaulx debuoyent liberallement & sans contrainte eslire vng pape,

## ¶ De Celestin, cxcix, pape, &amp; v, du nom,



Elestin pape, v, du nom / auoit nom au papeuant pierre morone. Il estoit hermite religieulx natif du pays Eserniēse. Il habitoit & demouroit en vng mōastere a deux mille de Sulmone. Il fut esleu a la dignite papale / au pourchatz & instāce du roy Charles & du Cardinal latin / dont vng chascun se esmerueilloit fort: pour cause de la sainte vie solitaire que menoit / & quil estoit paruenue a si hault & excellēt honneur: cōme destre pape. ¶ Apres qui eut este esleu il sen alla en Aquillee & fist appeller tous

les cardinaulx qui estoient en la ville de Peruse / affin que le suiussent, Mais les cardinaulx ny vouloyent aller: pource quilz disoyent que peruse estoit ville plus conuenable que nestoit Aquillee: mais neātmoins le pape Celestin le vouloit ainsi pource que cestoit la voulēte du roy Charles / & y allerēt tous les cardinaulx: & comme vray pape ladorerent. Ptolomee a escript que a son couronnement estoient deux cens mille hommes / & luy mesme y estoit / & la cause estoit q̄ les hōmes estoient esmeuz pource que cestoit vne chose nouuelle a voir vng si simple personnaige de si sainte & bonne vie: comme estoit cestuy qui estoit hermite venir a si grant degre de dignite: & que cela ne cestoit peu faire / sinon diuinement, mesmement aps si longue altercation & contention de cardinaulx. ¶ Apres quil fut cree & courōne pape il crea douze cardinaulx gens de

Deux cēs mil  
le hommes au  
couronnement  
du pape celesti



bien & honneste conuersation: entre lesquels estoient deux hermites,

¶ Et neantmoins la dignité papalle le pape celestin viuoit tousiours de la vie que auoit acoustume, Il estoit si bening & facile a donner quil donnoit a vng chascun tout ce que on luy demandoit: & aulcunes foys donnoit vne chose plusieurs foys: pourquoy la dignité papalle estoit en peu de reuerence / & au moyen de ce s'ourdoyent plusieurs contentions / & debat. Le pape celestin pour la vie solitaire qu'auoit menee en hermitaige: il estoit bien peu ydoine pour gouverner les choses mondaines,

¶ Apres la mort du cardinal latin: par lequel se gouvernoit le Pape celestin & tout se faisoit par son auctorité & conseil, Les cardinaux se assemblerent pour le demettre de la papaulte, Et mesmement le cardinal Benoist caietane homme de grande littérature & grant clerc en droit canon & ciuil: & fort subtil & cauteleux: lequel pour lors gouvernoit le pape celestin & luy conseilloit de iour en iour quil se desmist de la dignité papalle: affin que leglise de dieu ne cheust & tombast en inconueniēt pource quil nestoit clerc ne lettre: pour gouverner si grande prelatute / & dignite: comme la papaulte, Et le vouloit faire le pape celestin / neust este charles roy de Naples qui aymoît fort le pape celestin: & pour le destourner il le mena au royaume de Naples: car tout le peuple ne desiroit & ne voit auoir aultre pape que le pape celestin / & luy demandoyēt vng chascun pourquoy il se vouloit permettre de la papaulte: a quoy il ne respondit aultre chose / sinō quil feroit ce que plairoit a dieu, Mais les cardinaux estoient contre luy & luy disoyēt que leglise souffroit beau coup de maux pour luy: pource quil estoit ignorant: & quil en rendroit cōpte au iour du iugement deuant dieu: & qui luy seroit impute son ignorance: pourquoy le saint pape fut esmeu de leurs parolles & leur dit que feroit tout ce que voudroyent: mais que ce ne fust que droict, Et a ceste cause tous les cardinaux firent vne constitution: par la quelle il estoit licite a vng pape de renōcer a la dignité papalle & de laisser lestat & dignité: laq̃lle cōstitution depuis le pape Boniface, viii, son successeur aprouua & la fist rediger & mettre au sixiesme libure des decretalles: comme il apert, ¶ Apres que le pape Celestin eut este pape six mois il renōca a la papaulte & dōna puissance aux cardinaux de en eslire & subroger vng aultre en son lieu: & fut esleu de plusieurs cardinaux Benoist Caietane: estre pape: lequel apres quil eut accepte icelle dignité: ainsi que Celestin sen alloit en son hermitaige viure comme auoit acoustume: il le fist rappeler de son chemin & le bailla en garde au p̃fect & capitaine de la tour Sumonne qui est en Heruy: & faisoit ce le pape boniface: se disoit il afin que au moyen de Celestin les seditieux cardinaux ne fissent aucun moleste ne scandalle en leglise: combien quil fust saint homme, Mais quoy quil soit: il est tout notoire & veritable que le pape boniface estoit fort ingrat enuers Celestin: lequel vouloit mener vie dhermite / comme il auoit acoustume de faire, Et neantmoins par ses subtilitez & cautelles:

La vie du pape celestin,

La mort du cardinal latin,

Comment le pape Celestin renonça a la papaulte,

Le pape boniface, viii, fist mourir en prison le pape celestin,

F.i,



De Boniface, cc, Pape

La feste saint  
pierre celestin

il l'auoit fait mettre prisonnier en vne tour: ou il le contraignit mourir de douleur & paourete plus tost que neust fait: car il ne vesquit que p le space d'ung moys apres quil eut este esleu pape. ¶ Aulcuns disent que le pape Celestin apres sa mort fist plusieurs miracles: & fut canonize & mis au cathologie des saintz confesseurs: & ce fait la feste la quatorzieme Calende du moys de Iuillet qui fut le iour quil alla de vie a trespas & en fait on la feste par chascun an par institution faite en Auignon / par le pape Clement cinquieme de ce nom.

¶ De Boniface, cc, Pape. Et, viii, du nom,

M, ccxc, &, liii



Oniface pape huitieme du nom, estoit natif de la nation Hermianne du pays Anagnine: on l'appelloit au parauant Benoist Caietane. Il fut cree & esleu en la dignite papalle en la ville de Naples / la vigille de la natiuite nostre seigneur Iesuchrist, Lan Mille deux cens nonante & quatre.

¶ Le pape Boniface estoit excellent en science & auoit longuement demoure & frequente la court de Romme / & de degre en degre estoit puenue a la papaulte, Mais scauoit este par ambition: car depuis quil fut

Cardinal prestre du tiltre monsieur saint Martin des montaignes: il ne desiroit aultre chose que paruenir en la papaulte: fust par ambition fraud de / ou cautelle: car il scauoit toutes finesses & deceptions: pour y paruenir: depuis quil fut pape: il fut si arrogant / & presumptueux quil ne tenoit compte de nulli & desprisoit toutes psonnes / de quelque estat quilz fussent, Il reuoca les graces que auoit donnees le pape Nicolas quatrieme, Pareillement ceulx du pape Celestin cinquieme, Il persecuta fort les Gybellins: parquoy lors commença vne discention & contention entre luy & les Colonneys Gybellins: pource q fauorisoit ceulx qui estoient contre sa faction, Et mesmement eut en grât hayne deux cardinaulx Colonneys, Cest assauoir Pierre & Jacques hommes tres vertueux: & leur vouloit mettre a seur quil auoyent mal prins & desrobbe les tresors de leglise quant les papes alloient de vie a trespas, Et quil auoyent escript plusieurs libures faulx: & plains de iniures contre luy: & les auoyent enuoyez en plusieurs villes & citez: parquoy quant iceulx cardinaulx se virent ainsi villainement iniuriez par le pape Boniface: ilz escripurerent aulx roys & princes crestiens de larrogance & ambition du pape Boniface & coment il auoit occupe la dignite papalle frauduleusement & quil auoit fait renoncer Celestin en la papaulte: & que l'auoit fait puis apres mourir en prison. ¶ Aulcuns ont dit & escript q le pape Boniface auoit



fait mettre secretement en la chambre du pape celestin des gens lesquelz Les cautellesq  
 apres que le pape Celestin estoit couche par nuyt ilz faignoient que fuf faisoit le pape  
 sent anges de paradis & enuoyez du ciel : luy disant quil delaisast la pa boniface au pa  
 paulte / sil vouloit estre saulue, **C**Or le pape Boniface fist citer iceulx pe celestin,  
 deux Cardinaulx lesquelz noserent & ne voulurent comparoir par de  
 uant le pape Boniface : car il estoit fort vindicatif & pertinax en son op  
 pinion : a cause sen allerent eulx & leur famille en Nepese : pourquoy le  
 pape boniface les fist desclarer scismaticques & tous leurs biens villes cha  
 steaulx terres & possessions quauoyent a cause de leus pere / mere / & pa  
 rens : ilz les desclaira confisque / & diceulx les priua / & mesmement de  
 la dignite cardinalle, & la maniere & forme pourquoy depuis il fist met  
 tre par escript : comme appert au libure sixiesme des Decretalles, Mais  
 quant le pape boniface sceut & congneut que les Colonneys sen estoient  
 retires en Nepese : il assemble vne grosse armee & fist croysier plusieurs  
 gens darmes & vint assaillir iceulx Colonneys : pourquoy ilz se retire  
 rent en Preneste avecques leur oncle qui se nommoit Sarra / homme ma  
 gnifique & excellent, Mais le pape boniface les poursuivit iusques en  
 Preneste & enuironna la ville tellement que les Colonneys furent con  
 trainctz de eulx en fouyr, Et puis le pape boniface fist destruire preneste  
 & ce se faict poursuivit Zagarole & Colone : mais il delaisa a les pour  
 suivre pour la grande multitude de ses ennemys, Mais neantmoins ilz  
 fist destruire & abbatre Colone terre & seigneurie paternelle des Cardi  
 naulx & Colonneys : tellement que les deulx Cardinaulx furent con  
 trainctz de eulx en aller en la ville de Reate & Sarra sen fouyt cacher de  
 dens le boys de Ante / & y vesquit asses longuement : pour la crainte &  
 fureur du pape boniface, Et luy estant en se lieu il fut prins des pyrates &  
 larrons de mer & fut mis aulx galeres par force ou il endura beaucoup de  
 maulx / miseres / & calamites : car on luy faisoit tirer la rame & seruir au  
 nauire par force, Mais il aymoit mieulx iceulx maulx souffrir / & endu  
 rer que experimenter la cruaulte du pape boniface : qui auoit en haine  
 mortelle tous les Gybellins, Et pour ce monstrier vng iour des cendres  
 que le pape boniface bailloit les cendres aulx Cardinaulx en baillant les  
 cendres a prochete Larcheuesque de Genes luy estant a genoulx deuant  
 luy : il lui dist telles parolles / en delaisant les motz quont acoustume de  
 dire les prestres quant ilz baillent les cendres, Cest assaillauoir / Memen  
 to homo quia cinises / & in cinerem reuerteris, Cest a dire en Francoys /  
 Remembre toy homme que tu nes que cendre / & retourneras en poul  
 dre & cendre, Mais le pape Boniface en muant certains motz / il dist, Me  
 mento homo : quia Gybellinus es / & cum Gybellinis in cinerem reuer  
 teris / & luy iecta les cendre aulx yeulx : combien que on ayt de coustu  
 me de les mectre sur la teste, & oultre le priua de son euesche, Mais puis  
 apres il luy rendit & restitua pource quil sceut & congneut que les Car  
 dinaulx Colonneys nestoyent point alles en la ville de Genes,

La fuite des  
Colonneys  
pour la fureur  
du pape boni  
face,

Sarra se cacha  
aulx boys,

F.ii,



La couronne  
imperialle fut  
denice p trois  
foys a Albert  
duc dautriche

Liburne fut  
prinse par les  
Geneuoyz &  
bruslee,

Grant tréble-  
ment de terre,  
pquoy le pape  
fist faire vne  
maïso de boys  
en vng pre,

Creation de  
cardinaulx,

Le Iubile. lan  
mille trois cēs

¶ Apres que le pape boniface eut dechasse les Colonnays: ilz fist cele-  
brer & faire feste double des Apostres & Euangelistes & des quatre do-  
cteurs de leglise, Cestassauoir Sainct Gregoire / Sainct Augustin / Sainct  
Iherosime / & Sainct Ambroise, Et oultre fist canonizer monsieur saint  
Loys yssu de la lignee de france, Cestassauoir filz de Charles second roy  
de Naples: de lordre monsieur saint francoys: comme aucuns disent,  
Eta la requeste de bernard de castenet euesque de Albic: il dechassa de  
leglise cathedrale les chanoynes seculiers & en institua de reguliers: &  
puis fist faire le sixiesme libure qui fut redige & mis en forme par trois  
grans clercz & y adionsta plusieurs decretalles: qui sont intitulez soubz  
ion nom, Il denia a Albert duc de Autriche par trois foys la confirma-  
tion & couronne de lempire, ¶ Apres que Jacques Darragon fut mort  
Robert filz de Charles duc de Calabre ainsi quil auoit passe la Secille &  
auoit assiege & prins la ville de Cathyne, Incontinent toutes les Italles  
se commencerent a esmouuoir & mestre en guerre: car les Secilieus qui  
fauorisoyent aux Arragonnoys firent guerre par mer: & vainquirent  
Phelippes frere de Robert & le prindrent prisonnier, Et puis vint fede-  
ric Darragon en grosse armee & recouura toute la Secille & la Calabre.

¶ Et lors les Geneuoyz auoyent guerre mortelle contre les pisans: & a  
ceste cause les Geneuoyz prindrent Liburne / & puis la pillerent & brus-  
lerent: & les nauires des pisans qui estoient au port: ilz les enfondrerent  
en la mer affin que les pisans ne peussent plus nauiger ne aller par mer,

¶ Or combien que icelles guerres estoient la perdition / & destruction  
de la chose publique: neantmoins le pape nen tenoit compte / & ny vou-  
loit faire mettre la paix: ce que eut bien fait sil eut voulu, Et affin que  
lors on congneust & aperceust que nostre seigneur estoit courrouce con-  
tre le peuple chestien: ilz fut plus grant tremblement de terre quon na-  
uoit iamais veu: & a ceste cause tomberent plusieurs maisons chasteaux  
& aultres edifices, Et lors le pape boniface en la ville de Reate & toute la  
court Rommaine / & auoit paour que ne fust opprime & tue a cause des  
edifices & maisons qui tomboyent par terre par interualles de temps: &  
pour ce il fist faire vne Casule & petite maison faicte de petit & legiers  
aiz de boys en vng grant pre qui est au mellieu du cloistre des freres pre-  
cheurs: & y demoura par aucun temps, cōbien que lors il fist vng grant  
froit: car cestoit au temps de yuer: car icelluy tremblement de terre cō-  
mēca le iour & feste saint Andri: & apparut au ciel vne grande comette:  
qui signifioit quelque mauuaise chose & prestige qui debuait aduenir,

¶ Apres iceulx grans tremblemens & que le pape fut vng peu assieure il  
crea & fist plusieurs cardinaulx, Et entre lesquelz estoit larcheuesque de  
Tollete / Richard de Sene / Nicolas Tornise maistre de lordre des freres  
pscheurs, Iehan Muro general de lordre des freres mineurs / & pierre He-  
spagnol, Et fist publier le Iubile lors qui estoit, Lan, M. ccc. en dōnant  
plaine remissiō & absolutiō de tous peches a ceulx q visiteroient le segli-



ses saint pierre & saint paul: & l'exemple du viel testament, Mais icelluy Iubile des iuis: estoit bien aultre / & pour aultre cause & raison: car le Iubile des iuis se faisoit de cinquante ans en cinquante ans: & les debtors estoient quittes de toutes leurs debtes que debuoyent a leurs creanciers: & comme dit Iosephe qui auoit escript des antiquitez des iuis, Les serfs seruiteurs estoient francz & quictes de toutes seruitutes / car le nom de liberte se doit entendre estre frâc de corps & d'ame: car ceulx qui sont francz & en liberte se sont ceulx aulx quelz on a remis & delaisse ses pechez, ¶ Et ordonna le pape Boniface que le Iubile seroit de cent ans en cent ans, ¶ Or pour gaigner le iubile, Lors vint a Romme si grande multitude de peuple qu'on ne pouoit cheminer ne aller par la ville de Rome combien quelle soit ample & bien grande. Charles de Valloys frere de phelippes roy de france y vint: lequel charles auoit prins en mariage la fille de bauldouin dernier empereur de Constantinoble: & requist au pape boniface que fust son plaisir quil parmist a son beau pere Bauldouin de repeter & conquerir l'empire de Constantinoble: dont il auoit este de chaste & expulse: laquelle chose facilement octroya le pape boniface: car ilz auoyent precogite & a diuise de faire aller les princes crestiens oultre mer, ¶ Le pape boniface fist & crea charles de Valloys prefect de tout le patrimoine de leglise Rommainne: & de saint pierre / & luy donna toute puissance: & puis enuoya vng legat aulx Italles: pour traicter & composer paix entre les Guelphes noirs / & les Gibellins blancz. Mais il ny fist riens: parquoy charles de Valloys y fut. Mais il ny peult si bien faire que les florentins ne chassassent les blancz de florence ou il y eut meurtre & grâde effusion de sang. Les Gibellins estoient appelez les blâc, Et les Guelphes estoient appelez les noyrz, ¶ Le pape Boniface auoit grât de sir de faire vne expedition & guerre contre les infidelles: parquoy il enuoya par deuers Phelippes roy de France / son legat leuesque de Pamiers affin que cōtraignist le roy de Frâce de aller oultre mer, Mais il ne sceut tant faire enuers le roy de france quil voulsist pour lors entreprendre le voyage pour aucunes causes: q̄ lors touchoyēt laffaire de son royaume parquoy quant le legat vit quil ne pouoit aultre chose faire: il menassa le roy phelippes, Cestassauoir de interdire son royaume & le anathematiser: pour la quelle chose le roy phelippe le fist mettre & constituer prisonnier. Mais quant le pape boniface le sceut il en fut fort courrouce: par quoy il enuoya incontinent Larchediacre de Narbonne homme de grande science fort docte & magnifique: par le quel mandoit & anonçoit a phelippes roy de france quil otast & deliurast hors de prison Leuesque de pamiers: & que sil ne le vouloit faire quil luy dist & declarast publiquement que le royaume de france estoit acquis & deuolu a leglise Romaine pource quil auoit viole le droict & quil estoit contumax / & non obeissant aulx mandemens du pape: lequel mandement estoit pour soutenir & augmenter la foy de nostre seigneur Iesuchrist: & y estoit tenu,

F.iii,

L'institutiō du  
Iubile de cent  
ans en cent ansCharles de  
valloysLes blancz Gi  
bellins,  
Guelphes  
noyrz,Leuesque de  
pamiers cōsti  
tue & mis en  
prison,



Deffences de  
ne porter argēt  
a Romme,

La paix entre  
federic Darra-  
gon & charles  
second roy de  
Secille,

Le poete Dan-  
tes,

Hermant he-  
retique fut  
brulle,

Conseil tenu  
a paris,

Et oultre sil vouloit expedier de prison leuesque de pamiers quil anate-  
matizast le roy phelippes/& quil absolust les Francoys, des sermens foy/  
& fidelite quauoyent promise au roy phelippes: pourquoy le roy phe-  
lippes deliura leuesque de pamiers, Mais ce faict le roy phelippes pour  
les iniures que luy faisoit le pape Boniface / fist faire vng edict au roy-  
aulme de France/que nully du royaume de France nallast a Romme &  
quon ny portast point dargent, ¶ Or le second an du Iubile/ Charles de  
Valoys se retira par deuers Charles second roy de Secille: pourquoy Fe-  
deric Darragon: pour lamour quauoit a Charles de Valoys, Il fist paix  
auecques Charles second roy de Secille: p telles conditions quil luy ren-  
droit toutes les villes quil auoit prinſes en Itallie: lesquelles luy apparte-  
noyent/& par ce moien luy laisseroit le royaume de Secille: pour en iou-  
ir sa vie durant, ¶ Apres que Charles de Valoys sen fust alle de Hetru-  
rie, Les Gibellins blācz qui auoyent este dechassez de Florēce eulx leurs  
femmes & enfans tous ensemblement sen allerent demourer / & habiter  
en la ville de Foroliue, Et estoit du nōbre diceulx le magnifique & ex-  
cellent poete Dantes Aldegere homme docte en langaige Italique: &  
comme langue du pays: lequel par plusieurs foys auoit prins grant pey-  
ne & labeur pour retourner a son pays de florēce dont il auoit este expul-  
se & banni:& a ce faire les Boulongnoys/& vng nomme le grant Chien  
seigneur de Verōne. mirent grāt peyne en reuerant les florentins, Mais  
neantmoins il ne peult auoir faculte ne grace de y retourner: parquoy il  
se tint auecques le magnifique seigneur nomme le grāt chien:& de luy  
fut fort ayme & familier: comme apert par les oeures de Dantes & aul-  
tres poetes faccieulx: qui ont escript de luy, ¶ En ce temps le pape Bo-  
niface fist desterrer le corps dung nomme Hermant: qui auoit este en-  
sepuele en la ville de ferrare en vne eglise:& y auoit, xx, ans quō ladoroit  
comme faict:& le fist brusler: aps quil eut este faict inquisition de sa vie  
& heresie: car il estoit de la secte des petitz freres de la tierce ordre saint  
frācoys: ou comme les aultres disent il estoit de la secte des paouures de  
Lyon, ¶ Or pource que larchediacre de Narbonne que auoit enuoie le  
pape Boniface par deuers phelippes le beau roy de frāce: lequel auoit ex-  
communie le roy: il assemblea son cōseil a Paris/& appella des tors griefz  
iniures & excommunimens que le pape Boniface luy auoit faitz: au con-  
cille general: parquoy quāt le pape le sceut il fut si ire & presumptueulx  
quil fist assembler vng concille & priua phelippes le beau roy de france  
de son royaume/& le donna a Albert empereur: lequel au commence-  
ment auoit dechasse expulſe & denie la couronne imperialle, Mais quant  
le roy de france sceut & congneut larrogance & grāt orgueil du pape Bo-  
niface: il enuoya a Romme Sarra Colōnoys auecques Nogaret Cheua-  
lier de france: pour faire publiquement publier & atacher par les portes  
de la ville de Romme lappellation que auoit interiectee a lencontre des  
censures que le pape Boniface auoit donnees contre luy, Cestuy Sarra:



comme cy dessus a este dict: auoit este prins des Pirates & larrons de mer & fut congneu par vng Francoys/ainsi quil estoit au port de Marcelle en vne nauire/& le racheta le cheuallier Francoys des Pirates, Mais comme disent aucuns/ le roy Phelippes auoit bien aultre intencion/quant il enuoya Sarra & Nogaret en ytalie: ou firent tant par leurs iournees/ quilz arriuerent en ytalie, Sarra estoit habille comme vng seruiteur/& se retira par deuers ses amys/& assembla tant de ges qui peult de tous costez, Et Nogaret print & souldoya deux cens cheualliers de larmee & ost de Charles de Valloys/& les enuoya a Feretene/pour lu y doner secours en temps & lieu & quant il en seroit besoing: Puis de nuyt entra en la ville de Anagnin/par le moyen des Gibellins: lesquelz Boniface auoit longuement trauailliez & faict beaucoup de maux, Or ainsi que le pape Boniface estoit en la maison de son pere qui ne se doubtoit de riens/on rompit les portes:& ce faict Nogaret entra dedans/& print le pape Boniface & le mena a Rome/ou il mourut de despit trente & cinq iours apres, Il ne fut pape q̄ huyt ans neuf moys & xvii, iours, Il fut eterre en leglise faict Pierre/en vne chappelle & sepulchre quauoit faict faire & paindre/& encores de present y est, Le pape Boniface fist faire le porche & entree de leglise de lateran:ou il maudisoit & anathematisoit le iour de la cene Phelippes roy de France & les Colunnoys, Cestuy pape Boniface qui se efforçoit donner aux empereurs roys & princes/nations & communaulte de peuple/tremeur crainte & paour/plus que de religion & deuotion/mourut ainsi miserablemēt, Il souloit donner les royaumes & puis les oster, Il dechassoit les hommes a sa volente/& puis les appelloit quant il vouloit & que cestoit son plaisir, Il fut le plus auaricieux pape qui fut iamais/& conquist de grāz tresors de tous costez p̄ subtilz moyens, ¶ Or congnoissent & apprennent a lexemple du pape Boniface/les princes seculiers & prelatz de leglise/qui leur doit souffire destre les seigneurs & maistres du peuple & clerge/& non pas de viure ainsi orgueilleusement & iniurieusement comme auoit faict le pape Boniface/duquel nous parlons, Mais soyent imitateurs de Iesuchrist & de ses disciples:& doyuent desirer estre aymez du peuple & non pas estre craints & redoubtez: car cest a faire a tyrans destre tant redoubtez & craints du peuple, ¶ Aucuns ont escript que cestoit le pape Boniface / qui faysoit & nourrissoit les noyses discentions & debatx aux ytalles: & mesmement entre les Geneuoys & les Venitiens/qui est vng peuple bie fort & puissant sur la mer,

Sarra Colunnoys fut deliure des Pirates

Le pape Boniface fut prins en la maison de son pere

¶ De Benoist, cci, Pape,  
Et vniesme du nom.

F. liii,





Nagoret & sar  
ra furent ana-  
thematizez

Phelippes le  
beau fut ab-  
soulz des césu-  
res de boniface

Enoist vnzième du nom/estoit de la nas-  
tion Dyallie/du pas de Taruise. On lapa-  
pelloit au parauant quil fust pape Nicolas  
& estoit cardinal de Hostiense. Il fut esleu  
ala dignite papalle les kalendes de Nouē-  
bre. Cestuy Benoist des son ieune aage il  
entra en lordre des freres prescheurs/& y  
vesquit si vertueusement quil fut esleu p  
les freres a toutes les dignitez de lordre/&  
finablement fut general de lordre saint do-  
minique. Et vesquit si saintement que a-  
pres la mort il auoit este repute & mis au  
nombre des saintz de paradis. Apres quil fut sacre & couronne pape il  
anathematiza Nagoret & Sarra & aultres leurs alliez & complices/qui  
auoyent ayde a prendre le pape boniface. Et quant il eut congneu & en-  
tendu la cause pourquoy Phelippes le beau roy de France auoit este ex-  
communie de par le pape Boniface/il le absolut de toutes césures degli-  
se. Et puis fist reuenir a Romme Iehan & Iacques cardinaulx colonoys  
Lesquelz le pape Boniface auoit expulsez & euz en grande hayne: car il  
soustenoit la faction des Guelphes & laymoit plus quil nestoit conue-  
nable ne raysonnable a vng Pape de faire. Il leur fist rendre & restituer  
tous leurs biens/& pareillement les restitua en la dignite cardinale dot  
ilz auoyent este priuez par Boniface. Mais il leur deffendit de le porter  
si tost/& furent vng peu de temps quilz nen portoyent point/par le com-  
mandement du pape boniface. Et ce faict il crea des cardinaulx/ou nō-  
bre desquelz furent faictz cardinaulx/Nicolas de Pratenze de lordre des  
freres prescheurs/lequel fut euesque de Hostiense:& lenuoya en Hetru-  
rie/pource que en ce lieu cestoyent les plus grandes factions & tumultes  
de guerre & noualitez quilz fussent point en ytalie. Cestuy Nicolas ara-  
riua en Florence/& y fist & institua de nouueaulx officiers/& leur ordō-  
na demourer au palais de Florence/quon appelle maintenant le pallays  
de messeigneurs. Et ce faict il eut avecques les Florentins beaucoup de  
peine & plusieurs parolles/affin quilz voulissent que les Gibellins qui  
estoyent banniz de Florence retournassent en la ville. Mais il ne le peult  
faire/pource que alors mourut le Pape benoist. au moyē dequoy les ytal-  
les se esmeurent: cest assauoir/Guelphes contre Gibellins. Tellement q  
les banniz Gibellins & aultres leurs alliez se assemblerent & vindrēt de  
uant la ville de Florence de nuyt/& entrerent par la porte qui va a la vil-  
le de Boulongne: car les murs dicelle porte nestoyent encore acheuez de  
faire/& furent iusques deuant leglise de sainte Reparate. Mais pource  
quilz se mirent a piller & rober/& demandoyent conseil a leurs amys cō-  
ment ilz se debuoyent gouuerner/donnerent couraige temps & espace a  
leurs ennemys de se armer & mettre en ordre/parquoy vindrent sur eux



ou fut vng meurtre & occision tresgrant: au moyen dequoy furēt expulsez & reiectez hors de la ville. Le Pape benoist auoit intencion de enuoyer ayde & secours aux crestiens de la terre sainte/pour leur ayder cōtre les Tartarins qui estoient descenduz en Iherusalem/Syrie/& en la terre sainte: mais ce pendant mourut en la ville de Peruse ou il estoit alle. Il fut enterre avecques grande pompe en leglise des freres prescheurs. Lan mille troys cens & troys: aux nones du moys de Iuing. Il ne fut Pape q̄ huyt moys & dixsept iours. Ap̄s la mort du pape benoist il fist plusieurs miracles/il guarissoit malades/& ceulx qui auoyent le dyable au corps incontinent quilz venoyent a son sepulchre les dyables sen fouyoient. Le siege de Romme fut vaccant depuis les nones du moys de Iuing/iufques aux nones du moys de Iuillet: cōbien q̄ les cardinaulx qui estoient au cōclaue fussent presse & menassez du peuple de Peruse de eslire vng Pape nouveau,

Des miracles  
du pape Be-  
noist

## De Clement, ccii, Pape: &amp; v, du nom,



Lement Pape cinquiēme du nom/estoit Vasque euesque de bordeaulx: au parauant auoit nom bertrand gottho. Il fut esleu a la dignite papalle p̄ les cardinaulx lors estās en la ville de Peruse: combien quil fust absent & non present. Apres quil sceut quon lauoit esleu Pape il consentit a icelle election: Et puis sen vint en la ville de Lyon ou il appella tous les cardinaulx/lesquelz y vindrēt tresvoulentiers. Et pourtāt lors la court Romaine fut translatee au pays de France: & fut lan mille troys cēs & cinq

La court rom-  
maine transla-  
tee en france,

ou elle fut par lespace de, lxxiiii, ans. Au moyen dequoy plusieurs crestiens eurent grandes incommoditez miseres & pouretez. Et mesmemēt la ville de Romme & les eglises souffrirēt beaucoup de pouretez/car les eglises tumberent par terre: pource que ceulx qui en auoyent la cure & gouuernement ne residoyent & ne se tenoyent sur le lieu/mais estoient absens. ¶ Quant le Pape fut couronne a Lyon/y furent presens Phelippes le beau roy de France/& Charles son frere qui estoit reuenu des ytalies:& Jehan duc de bretaygne, Lequel fut tue & plusieurs aultres/pource que ainsi quon faysoit la pompe en menant le Pape par la ville:& que le peuple auoit desir de veoyr le Pape & lexcellente & triumphte chose/que iamais on nauoit veu en france. Vne grāde multitude de peuple monta sur vng grant vieil mur qui estoit fort caduque. Et pour la pesanteur du peuple qui estoit dessus tumba & cheut par terre/dont fut le roy Phelippes vng peu blese & debille de sa personne. Et le pape Clement

Le courōnement  
du pape Cle-  
ment



Dulcin & mar  
guerite hereti  
ques

Beatrix fille  
de charles roy  
de Naples  
Azo Marquis  
Dast fut tue  
en prison par  
son filz.

qui estoit monte sur vng cheual blanc / fut si espouante & eut si tresgrat  
paour quil perdit vne escharboucle qui estoit au Thyare / qui valloit six  
mille escuz comme aucuns ont escript, Et apres que tout fut paciffie le  
pape Clemēt crea beaucoup de cardinaulx frācoys / & nen voulut point  
faire de la nation dytallie. Mais il restitua du tout & remist en leur pre-  
mier estat & dignite Jehan & Jacques cardinaulx Columnoys, Et puis  
enuoya troys cardinaulx a Romme pour gouverner les terres & seigneu-  
ries de Romme & des ytallies / & la senatoriale dignite, ¶ Or pource q  
en ce temps les Geneuoys & les Pisans auoyent guerre mortelle ensem-  
ble / l'isle de Sardine fut occupee des Sarrazins: au moyen dequoy le pa-  
pe Clement la donna a Federic roy de Secille par telle cōdition / quil en  
dechasseroit les Sarrazins, Les Venitiens lors firent confederation avec-  
ques Charles second / pour luy ayder contre lempereur de Constantino-  
ble / & dechassent le roy Rassiane: & fut lan mille troys cens & sept,  
Mais puis apres les Venitiens deffailirent au roy Charles, ¶ En ce tēps  
commença en Nauarre vne heresie nouuelle par vng nomme Dulcin  
& Marguerite / & estoit que les hommes & femmes en toute libidine &  
ordure de luxure habitoient ensemble charnellement, Et se appelloiēt  
fraticelli: cest assauoir les petitz freres, Mais le Pape y enuoya vng legat /  
lequel les fist enuironner aux montaignes ou sen estoient fouyz / & les  
vngz moururent de froit & les aultres de famine: & ceulx qui furent prins  
furent mis a mort, Et furent prins Dulcin & Marguerite auteurs de l'he-  
resie: & furent decoupez leurs mēbres les vngz apres les aultres / & puis  
brullez & leurs os mis en cēdre, ¶ Et en ce meisme temps les cheualliers  
du temple renoncerent la foy crestienne / & auoyent confederation avec-  
ques les Sarrazins. Parquoy tous ceulx qu'on peult prendre furent mis a  
mort / & leurs biens furent donnez a nouvelles religions / & vne pte aux  
cheualliers de Rhodes: lesquels vng peu deuant auoyent occupe icelle  
isle de Rhodes, Le roy Phelippes le beau dechassa du royaume de fran-  
ce tous les iuifz / & leurs vestemens furent derompuz & lacerez: & tous  
leurs biens confisquezz pour cause de leur auarice, & aultres maulx quilz  
auoyent faictz aux crestiens, Lempereur Albert fut tue & occis par Jehā  
son nepueu filz de son frere: pourquoy toutes les villes Dytallie firent &  
constituerent des capitaynes pour les gouverner. ¶ Charles second roy  
de Naples bailla Beatrix sa fille a Azo marquis de Ast, Mais puis apres  
Frisque filz de Azo / quant il vit que son pere auoit espouse Beatrix qui  
estoit sa nouerce: il mist son pere en prison & puis le tua & meurtrit en  
la prison, Et a layde des Venitiens il occupa la ville de Ferrare / & print  
le chasteau Thedaldum qui est pres le pont, Or quant le pape Clement  
le sceut / il enuoya le cardinal Pelagure a Boulongne: lequel de l'autori-  
te du pape anathematiza les Venitiens pource quilz faysoiēt guerre aux  
habitans de Ferrare / lesquels vouloyent estre subiectz a leglise Rōmaie  
ne, Mais ce neantmoins quāt Frisque eut prins la ville de Ferrare / il fist



brusser presque la moytie de la ville. Pourquoy quant les habitans de ferrare virent icelle iniure quon leur faysoit se mirent en armes: & deiectionrent Frisque de la domination & seigneurie de ferrare, Et se donnerent aux Venitiens cuydant estre par eulx bien deffendu. Mais quant le cardinal Pelagure le sceut il fut fort idigne & courouce: & fist crier la crosade contre les Venitiens & ceulx de ferrare, Et ce faict quant le pape Clement eut congneu la cupidite & contumace des Venitiens quilz ne demandoient / q conuerre & occuper les terres & seigneuries ou nauoient riens, Il les anathematiza & leur interdift tous sacremens / & declaira tous leurs biens vaccans / & come sers les reputa / & qui pouoyt auoir de leurs biens il les faysoit siens, Au moyen dequoy les Venitiens qui sont gens qui font grant faict de marchandise par mer / tant en france que en angle terre / perdirent grandes marchandises & eurent beaucoup de dommaiges. ¶ Apres ce / le pape Clement enuoya aultres cardinaulx en ytalie faire deffences a Robert de Calabre / aux florétins & Luquoys & aultres quilz eussent a delaïsser dassaillir la ville de Pistore Lesquelz tous obeyrent au mandement du Pape / fors & excepte les florentins & Luquoys, pourquoy ilz furent interdifts & anathematizez, Or ainsi que Robert duc de Calabre estoit venu en la ville Dauignō pour saluer le Pape. Les Pistoriens qui estoient lassez & fatiguez des florétins & luquoys se redirēt Et ce faict les florétins & luquoys entrerēt en Pistore / & firent abbatre les murs de la ville & remplir les foïsez. Et entre eulx diuiserēt les terres & seigneuries / & fut la ville de Pistore commune aux florétins & luquoys: & y eut vng biē / car ilz ne mirent nully a mort, Mais peu de tēps apres les florétins rompirēt laccord & confederation quauoyent faict avecqz les Luquoys & firent refaire les murs de Pistore / & puis tous seulz par force loccuperent, Et affin que la ville fust plus forte / ilz achapterēt le chasteau Acianum qui estoit aux Vbaldins & puis le firent abbatre, Et apres firent ediffier Scarperie & Chasteau franc & saint Iehan en la vallee de Arne, Et pource que les florétins & luquoys ne tenoyēt contedes censures & interdictiōs de leglise: le pape Clemēt y enuoya Neapolio Vrsin cardinal pour continuer & publier linterdict, Pourquoy les florentins opprimerēt & trauaillerent fort grādemēt les gens deglise / & leur faysoient payer de grādes succides vectigaulx & exactions. Et oultre les florétins furent si meschās & pleins de cruaulte / quilz occirēt Curse donat bourgeois de la ville de florēce / homme magnifique & noble: lequel auoit faict beaucoup de biēs a la chose publique des florétins. Mais pource quil auoit espouse la fille de Vgution fagiolanne homme puissant & noble: car lors les florentins auoyent en hayne mortelle les nobles. ¶ Apres que le cardinal Pelagure eut recouuert la ville de ferrare & le chasteau Theodalde qui estoient occupez des Venitiens / ilz furent receuz en grace & leur pardonna le pape clement, Et fut lan mille troys cens & neuf, Et en cest an charles secōd roy de Naples alla de vie a tref-

Les Venitiens  
interdifts

Les florétins  
rompirēt leur  
foy & accord  
aux luquoys

Curse donat  
fut tue par les  
florétins

La mort de  
charles secōd  
roy de Naples



pas, Et luy succeda au royaume son filz Robert/lequel fut enuoye par le Pape a Boulongne ou estoit le cardinal Pelagure, Et pource que Ferrare se vouloit rebeller/le roy Robert fut fait Prefect de leglise de Rome, Mais pource quil vouloit aller au royaume de Naples/il delaiſſa son gouuerneur Degue catelan/homme excellent & vaillant aux armes Mais les habitans de Ferrare ne tenoyent conte de luy: combien quil les persuaçoit de parolles destre feaulx & non noysiz ne sedicieux/& qui les menassoit de leur faire iustice & pugnition de ceulx qui trouueroiteste aucteurs des sedicions & noyses: mais ilz nen tenoyent conte, Pourquoy fist descendre du chasteau de Ferrare grant nombre de cheualliers francoys qui tuerent plusieurs citoyens de Ferrare, Et puis print, xxviii, des plus riches & grans seigneurs de ferrare/qui vouloyent auoir la domination & seigneurie Dast/& les fist pendre & estrangler, ¶ En ce temps Henry de Lucembourg fut esleu empereur des Rommains:& fut cōferme par le pape Clement par telle condicion/que dedās deux ans il yroit a Romme prendre la couronne/affin que les ytalles se pacifiassent pour laduenement de lepereur, Et incontinent enuoya ses ambassadeurs aux villes Dyallie/& aux princes:& mesmement aux florētins qui batailloient contre les Aretiens, Et leur manda quilz preparassent logis en la ville de Florēce pour luy & pour son ost:& quilz delaiſſassent de faire la guerre aux Aretiniens, Mais les florentins respondirent aux orateurs & ambassadeurs de lempereur assez imprudemmet: disant que cestoit mal fait a vng tel prince comme lempereur/de mener aux ytalles gens Barbares:& quil anoit este esleu empereur pour garder que les ytalles ne fussent oppressees des estrangiers & gens barbares/lesquelz se efforce de mener aux ytalles avecques luy, De laquelle responce on dict que Dantes appella les florentins avecques luy/pource quilz auoyent respondu si follement a lambassade de lempereur, Mais les florentins qui estoient Guelphes se fioient au Roy Robert/qui auoyt promis deffendre la faction des guelfes, Apres que lempereur eut passe les Alpes & descendit au plat pays/tous les princes & gouuerneurs des villes vindrent au deuant pour luy faire honneur & reuerēce, Or lors estoient en la ville de millan deux factions/lune on lappelloit les Turrians/& lautre cestoit des Vicontes, Guion turrian estoit le chief & capitaine des Guelphes, Et Mathieu viconte estoit capitayne des Gibellins, Or eut paour Guion que le viconte ne sa faction nentraist premier en grace avecques Henry lempereur, Pourquoy il assemblea son armee & se logea aux chāps pres millan/pour veoir qui sortoit hors la ville de Millan contre sa volente, Mais Mathieu enuoya lettres & messagiers par deuers lempereur/luy mandant quil vint a Millan/& que cestoit le domicile & mayson de lepereur des Rommains: parquoy lempereur vint & arriua en la ville de Millan en grosse armee, Et apres quil eut compose & appeise les noyses & debat/il enuoya Guion a Verſeil/& puis fist Mathieu duc & gou-

La folle respo  
ce des florētins

Deux factiōs  
en la ville de  
millan,



uerneur de son armée, Apres que l'empereur eut occupez Millan / toutes les villes se rendirent en son obeissance / fors Alexandrie, Il print la couronne de fer en la ville de Millan: Combien que les empereurs eussent au tēps passe acoustume de la prendre a Modoece, ¶ Or pour la grāde multitude que la couronne de uoit l'empereur avecq's luy / il molestoit fort les habitāz de Millan, Par fer quoy ilz seismeurent & se armerēt, Mais quant l'empereur l'entendit / il enuoya q'rir les capitaynes des deux factiōs: cest assauoir / des Guelphes & Gibellins, Et vint a luy Galeace filz du Viconte Mathieu / accōpaigne d'une grande multitude de gibellins. Et dist a l'empereur q' cestoyent les Turriās Guelphes qui auoyent incite le peuple / & vouloyent par force dominer en la ville & tyranniser, Parquoy les Germainz avecques les Gibellins se mirent tous ensemble, Et dechasserent les Turrians qui cestoyent lors assemblez en la place pres nostre dame la nouue / ou ne pēsoyent a riens, Et par la suasion & commandement de Guion ilz s'en allerent tous a Verseil demourer: & dicelle faction ne furent tueez & occis que trēte / dont il y en auoit quatre Turrians, Et puis apres l'empereur Henry fist guerre aux habitans de Cremense & Cremonne / qui auoyēt dechasse & expulse les Gibellins, Mais pource que ceulx de Cremonne se rendirent volontairement / l'empereur Henry leur fut vng peu plus doulx, Mais neantmoins il fist abbatre toutes les murailles de la ville de Cremense, Ceulx de Parme eurent grant paour / parquoy ilz receurēt le Vicegerant de l'empereur, Les habitans de la ville de Brece de nuyt se fouyrent aux montaignes / & delaissèrent icelle ville toute vague, Au moyen dequoy les Germainz desmollirent les murailles de la ville & ce voyant toutes les villes circonuoyśines eurent grant paour, Parquoy se rendirent a l'obeissance de Henry l'empereur: cest assauoir / Mantue / Veronne / Vincence / Padoue / Taruise / & Venise, ¶ Et apres que l'empereur eut paciffie le pays des ytalles / il ouyt les ambassadeurs: cest assauoir / des Geneuoys & Pisans / de Robert roy de Naples / & de Federic roy de Secille, Lesquelz se disoyēt estre bons amys ensemble / mais ce n'estoit que simulation d'ung couste & daultre, lay biē voulu iusques icy parler des inconueniēz qui lors estoeyēt aux villes & chasteaulx des ytalles: car il ny auoit si petite ville ou chasteau quil ne fust en diuisiō on battoit les vieilles gēs: les habitāz se tuoyēt les vngz & aultres: on estrāgloit les enfans / se n'estoit que cruaulte & tyrānie, Parquoy il auoit este de besoing q' l'empereur y alast en grosse armee / cōme il fist p' le cōmādemēt du Pape, Et cōme aucūz ont escript / sauoit faict le Pape / pour le profit de la puīnce / & pour appaiser les guerres qu'auoyent les habitans les vngz aux aultres, Et pour ce le pape auoit fait cōme dict Homere, Vnus fit princeps ad quē oīa referātur, Cest adire / il fault qui soit vng price auquel tout se doit referer, L'empereur enuoya Loys filz du duc de sauoye avecq's v, cēs cheualliers deuāt a Rōme / & quant il fut au pres du palais de lateran / il fist paour a la faction des Vrsins, Ce faict Henry arriua a

Des diuisions  
& debat̃z des  
ytailles

G.i,



Héry empe-  
reur fut courō  
ne a rōme par  
troys cardinaulx

Viterbe/ou il fut honnorablement & magnifiquement receu. Et puis fut couronne a Romme par troys Cardinaulx, Et en apres fist faire le serment aux Rommains comme on a acoustume de faire, Et ce faict fist vng festin & banquet a toute la noblesse de Romme/ fors & excepte les Vrsins, Or pource que lempereur apres quil eut mis bonne garde en la ville de Rōme/ il fut si hardy quil mist tribut sur le peuple & plus grāt quilz nauoyent acoustume de payer, Au moyē dequoy le peuple & toutes factions se assemblerent & se retirerent ensemble avecques les Vrsins, Pourquoy lempereur fist assaillir les Rommains, Mais Iehan frere de Robert roy de Naples ayda aux Rommains: tellement que lempereur fut contrainct de sen fouyr de Romme, Et puis par le commandement des cardinaulx Iehan frere du roy Robert sen alla de la ville de rōme apres que tout fut paciffie & appaise. Et fist tant par ses iournees lempereur quil vint iusques a Peruse/ & puis de la en Aretine/ ou il fist cister & adiourner Robert roy de Naples/ a comparoir par deuant luy/ disant quil estoit crimineulx de lese maieste, Mais pource quil ny vint ne comparut point/ il le priua de son royaume, Mais le pape Clement ne approuua pas ce que auoit faict lempereur: pource quil auoit cite & adiourne le roy Robert a comparoir en sa personne/ en vng lieu quil nestoit pas seur pour luy ne conuenable ne ydoine, Et que aussi il nappartenoit pas a lempereur de le priuer ne de chasser de son royaume/ lequel ne luy appartenoit point, Mais maintenoit le pape Clement que le royaume de Naples & de la Sicille competoit & appartenoit a leglise Romaine: & pourtant a luy comme Pape & que luy seul auoit la puissance de donner iceulx royaumes/ & den priuer tel que bon luy sembleroit ¶ Or ce faict Lempereur partit de la ville de Aretie/ & vint faire guerre aux Florentins & aux Lucquoys/ & print le chasteau de Bonice/ la ou il cheut & tumba mallade, Mais pour recouurer sante & guarison/ il se fist mener aux baingz Macerete, Mais puis apres les baingz il se trouua plus mallade quil nestoit par deuant, Et a ceste cause sen retourna a Bonconuent/ ou il fut par lespace daulcuns iours/ & puis y mourut, Et ce fut par le moyen des Florentins: comme aulcuns ont escript: quilz baillerent & donnerent de largent a vng religieux moyne: lequel empoysonna le pereur Henry en luy baillant la saincte sacree Hostie qui estoit enuenimee. Et quant lempereur fut mort/ les Pisans eurent grant paour des Florentins: & a ceste cause se donnerent & liurerent a Hugution Duc de Flagiolane, ¶ Quant le Pape Clement sceut les nouuelles que leglise Constantiniane estoit bruslee & consummee par feu/ il en fut trefort dolent: & pour la refaire il enuoya a Romme grande somme & quantite de deniers. Combien que lors au royaume de France la charte & famine y estoit si tresgrande/ quil nauoit point assez dargent pour acheter & auoir des viures pour nourrir sa famille, Et lors apparoyoyent au ciel esclipses de soleil & grandes comettes, Et alors fut aussi la peste

Léperceur Héry fut empoysonne en vne hostie p vng moyne au pourchatz des florentins

Leglise cōstātiniane fut bruslee



par tout le monde, Le pape Clemēt fist par troys foys les sainctes ordres il fist plusieurs cardinaulx gens lettrez & de grande doctrine, Et fist en diuers lieux troys concilles generaulx/ou il fist & institua de beaulx statutz, Il fist destruyre la secte de Dulcin/lequel repugnoit aux gens deglise, Il abolit les Templiers qui auoyēt regnie nostre seigneur Iesuchrist Et vne foys resista au roy Phelippes luy estant a Poictiers/lequel demādoit aulcunes choses qui nestoyent point raisonnables: cest assauoir/que le pape Boniface fust condāpne par luy/& quil voulsist absouldre Nagoret & Sarra Mais quant au pape Boniface iamaïs ne luy voulut accorder ne consentir, Et de absouldre Nagoret il luy ottroya/par telle condicion que lors Nagoret promist daller contre les infideles & Sarrazins: Car le pape Clement ne demandoit aultre chose: comme appert par les concilles & synodes quil auoit faictz, Le pape Clement canoniza & fist mettre au cathologie des sainctz le Pape Celestin cinquieme/soubz le nom de Pierre confesseur, Cestuy Pape fist compiller & faire le liure des Clementines au concille de Vienne, Et puis peu de temps apres il luy suruint plusieurs malladies/comme de flux de ventre & mal de coste dont il mourut, Il ne vesquit en la Papallite que par lespace de huyt ans dix moys & quinze iours, Et lors vacca le saint siege apostolique de Rōme par deux ans troys moys & dixsept iours, Et la cause estoit pour ce que les cardinaulx ne scauoyent lequel ilz debuoyent eslire & creer a la dignite papalle, Et aussi pareillement estoient les electeurs de lempire en grant discord pour eslire vng empereur apres la mort de Henry: car les vngz vouloyent eslire Loys duc de Bauieres: les aultres vouloyēt auoir Federic duc de Austrie, Pourquoy iceulx deux ducz firēt guerre ensemble/& fut vaincu Federic, Au moyen de laquelle victoire Loys duc de Bauieres fut si orgueilleux/que sans lauctorite du saint siege apostolique il se fist appeller empereur, Et fauorisoit fort aux vicontes des ytalles/affin quilz fussent les maistres en la ville de Millan/& quilz luy donnaissent passaige par la ville de Millan/pour sen aller a Romme prendre la couronne dor/comme il est de coustume de faire, ¶ Or quant les Guelphes sceurent que Loys duc de Bauieres estoit fauorise des vicontes qui tenoyent la faction des Gibellins/ilz eurent grant paour, Pourquoy ilz se alierent avecques Guion de Pierre malle euesque de Aretie & de Phelippes prince de Tarente/& du frere du roy Robert Roy de Naples,

Importunes  
demādes du  
roy phelippes  
le beau au pa-  
pe,  
Nagoret & sar-  
ra absoulz

Le pape cele-  
stin cinquieme  
canonize,

Altercatiō en-  
tre les ele-  
cteurs de lemp-  
pire

loys de Bauie-  
res  
Federic Dau-  
trice,

¶ De Iehan deux cens & troysiesme Pape:  
Et vingt & troysiesme du nom,

Sm



Creation de  
cardinaulxHuges euesq  
de cahors de-  
gradueleglise de thou-  
louze en arche-  
ueschelordre des che-  
ualliers de Ie-  
suschrist

Ehan Pape vingt & troysiesme du nom / auoit nom auparauant Iacques de Cahors deuant quil fust Pape il estoit euesque de Portuense, Il fut esleu & cree a la dignite papalle par vingt & troys cardinaulx / en la ville de Lyon: les nones du moys de Septembre, Et fut couronne en leglise cathedrale / & puis sen alla avecques toute la court Rommayne en la ville Dauignon. Il fist huyt cardinaulx aux iours des quatre temps de laduent nostre seigneur Iesu- christ: entre lesquelz fut faict cardinal Iac-

ques de Cahors son nepueu filz de sa seur: & Iehan Caietane dyacre du tiltre saint Theodore / qui estoit de la famille des Vrsins, Il fist canoniser & mettre au cathologue des saintz / saint Loys euesque de Thoulouze / filz de feu Charles Roy de Secille, Mais toutesfoys aucuns ont escript que ce fut le pape Boniface: comme iay dict cy deuant, Or pour ce que Hugues euesque de Cahors auoit conspire & machine la mort du pape Iehan / il fut priue de son euesche & de toute dignite pontificalle: cest assauoir de laneau / de la mitre / & de la chappe / du chapeau & chemise Rommaine, Et puis apres il fut degrade & bailla a la court seculiere / la ou il fut tourmente de plusieurs griefz tourmens / dont il en mourut, Le Pape Iehan aymoit bien fort leglise de Thoulouse / & pour ceste cause il institua & fist de leuesche vne archeuesche: & puis apres fist de six chasteaulx six citez & villes / affin que larcheuesque eust des villes & citez / sur lesquelles peust auoir domination & preeminence, Il adiousta & bailla aux dioceses de larcheuesche de Narbonne / Limose & labbaye de saint Ponce. Cestuy pape Iehan estoit si inuentif de faire choses nouuelles / quil diuisoit les simples eueschez & en faisoit deux / & puis il les reunioyt ensemble, Aussi pareillement aucunesfoys faisoit de eueschez abbayes / & aussi de abbayes eueschez, Il creoyt aucunesfoys de nouuelles dignitez aux eglises / & de nouueaulx colleges & chanoynes, Et puis quant il les auoit faictz & constituez / tout incontinent apres il les mettoit en aultre forme & maniere, Il fut si tresgracieux quil conferma le liure des Clementines: & puis manda aux vniuersitez & docteurs quilz eussent a lire les clementines publiquement, Il reforma & mist en meilleure forme lordre de Grantmont / laquelle estoit fort difformee par mauuaises coustumes de meschâtes personnes Et pource quil aymoit leglise Cesar auguste / il la fist Metropolitaine & luy assigna cinq eglises cathedrales de vnze / quauoit leglise Metropolitaine de Terrascône, Et oultre ordōna en Lusitane & Portugal / vne nouvelle ordre de cheualliers de Iesu-christ: pour resister cōtre les sarrazins q̄ habitoyēt Beti-



que & Aphrique, La region & pays de Betique maintenant on lappelle **Betique**  
 Grenade/pour cause de labundance de cocco / qui croist en ceste partie **Grenade**  
 despaigne: car cocco cest vne graine dõt on tainct les laynes, Or le chief **Cocco graine**  
 de lordre & principal lieu de ses cheualliers de Iesuchrist/est en vng cha- **Le chiet de lor**  
 steau pres de la mer/du dyocese Siluense, Et le Pape & le roy de Portu- **dre des cheual**  
 gal leurs donnerent & assignerent tous les biens des Templiers/affin q̄ **liers de Iesu-**  
 plus facilement ilz eussent de quoy viure & resister contre les infideles, **christ**

Et est le gouuerneur & maistre/labbe Alcohafiane monastere de lordre  
 de Cisteaulx diocesis Vlixiponensis, Et a ceste puissance de recepuoir  
 les cheualliers & les deposer, ¶ Le pape Iehan fist reduire & mettre deux  
 sainctz Thomas au cathologue des sainctz apres quilz furent canonizez:  
 cest assauoir/sainct Thomas euesque de Herfendense/qui fut extraict  
 de noble lignee: Lequel auoit vescu saintement & bien approuue par  
 ses miracles, Et lautre fut sainct Thomas Daquin/de lordre sainct Do-  
 minique tres excellent docteur: duquel & de sa science & doctrine nous  
 auons parle cy dessus, Lan mille troys cens vngt & deux, Il crea sept car-  
 dinaulx pour la seconde foys, Et puis fist vng edict & statut/quil declai-  
 roit heretiques & pertinax/tous ceulx qui affermoient que nostre sei-  
 gneur Iesuchrist & ses disciples nauoyent rien en priue/laquelle chose  
 ne conuient pas bien auecques la sainte escripture: Iuxta illud, Qui nõ  
 vendiderit omnia que habet & pauperibus dederit/non potest esse di-  
 gnus nec meus discipulus, Et pour ceste cause le Pape auoit reputé vng  
 chascun heretique qui croyroit & affermeroit que les disciples de nostre  
 seigneur Iesuchrist neussent eu pouoyr de vendre/donner/alienier/te-  
 ster/& dacquerir tout & ainsi que bon leur sembloit & leur venoit a vou-  
 lente, Et de ce le pape Iehan en fist lettres & institutiõs quil enuoya aux  
 vniuersitez & colleges/affin quon nen disputast plus au contraire/& sur  
 peine destre reputé heretique, Et oultre le Pape Iehan condampna vne  
 glose de frere Pierre de lordre des freres mineurs/par laquelle auoit or-  
 donne vng couuent de la tierce ordre de saint Francoys/qui se disoyet  
 ensuyure la pourete de nostre seigneur Iesuchrist:& diceulx en fut brus-  
 le & ars plusieurs, Alors le Pape fist dix cardinaulx par la delibération  
 du college des cardinaulx: entre lesquelz furent Iehan de la Coulumne  
 & aussi frere Mathieu de lordre des freres prescheurs/& de la famille  
 des Vrsins, ¶ Or ce pendant que le pape Iehan faysoit & creoyt iceulx  
 Cardinaulx en la ville & cite Dauignon/les Florentins furent vaincu-  
 subiuguez par Huguce Fagiolle/aupres de la montaigne Catine, Mais  
 neantmoins les Lucquoys ne pouoyent plus souffrir ne endurer la ty-  
 rannie de Huguce Fagiolle. Et pour auoir cause & moyen de le chasser  
 dicelluy pays/ilz expulserent & mirent hors de Lucques Nerie son filz  
 ainsi quil vouloyt mener au gibet Castruce homme vaillant & prompt  
 ala main: pource quil auoit fort gaigne de grans biens sur les Florentins  
 Et quāt son filz se vit ainsi expulsé de la ville de lucques/il sen alla a son

Luce, xliiii.

G,liii,



Les gibellins  
habitās en la  
ville de genes  
furēt expulsez  
p les guelfes  
aussi habitās  
dicelle ville

pere & luy conta comment les Lucquoys lauoyent dechasse. parquoy il sortit de la ville de Pise pour aller faire guerre aux Luquoys, Mais incontinent les Pisans luy fermerent les portes: & a ceste cause il sen fouyt luy & son filz aux malles espines, Et par plusieurs foys par prieres dons & promesses cuydoit bien retourner aux dignitez quauoit eues. Mais il ne peult: & par le commandement du Pape il sen retourna en Flaminee dont il estoit natif, Et ce faict Castruce qui estoit en grāde calamite misere & pourete & dangier de sa personne vint soubdaynement en grant honneur & felicite: car il fut esleu gouuerneur & potestat de la cite & ville de Lucques, Et quant le Pape sceut & cōgneut q les Vicōtes & ceulx Dast auoyēt expulsez & dechasse par layde & secours de Loys duc de Bauieres / la garnison de leglise de la ville de Ferrare: il interdift les Vicon-tes / & ne voulut interdire les habitans de la conte Dast / iusques a certain temps, Et auoit le pape en hayne & estoit plus mal content du Duc de Bauieres qui vouloit vsurper la domīnatiō & tiltre de lempire / que des Vicon-tes. ¶ En ce temps les citoyens & habitans de la ville de Genes / qui estoient Gibellins furent chassez & expulsez de la ville de Genes / par la faction des Guelfes aussi citoyens & habitans de Genes. Et a ce faire leur ayda Robert roy de Naples / auquel les geneuoys cestoyēt dō- nez, Et pourtant tous les geneuoys & gibellins sen allerent demourer eulx & leurs enfans en la ville de Sauonne, Et puis le roy Robert ainsi quil sen venoit en France il passa par Sauonne / ou estoient les gibellins quilz se rendirent a luy. Mais ce neantmoins il les traicta assez rudement & de mauuaise sorte, Parquoy quāt le Pape le sceut il enuoya aux ytal les Charles de Valloys / filz de Phelippes roy de france / affin de ayder aux guelfes. Mais auant que Charles arriuaist aux ytalles / lempereur Loys & le Viconte Galeace / dechasserent de Verseil les Turrians guelphes. Et fut icelle ville mise & redigee en la domination des vicon-tes Castruce puis apres print la ville de Pistore. Et Guion de Pierre malle euesque de Aretie print Typheme / maulgre & contre la voulente des florentins: & en icelle prinse les florentins y eurent grant dommaige & perte de leurs gens darmes qui furent tuez & occis. Quant le pape Iehan vit q Loys duc de Bauieres soy disant empereur gastoit & troubloit les ytalles / il le anathematiza & interdift solempnellement / & guion petre- malle euesque de la ville de Aretie exauctoriza & priua de son euesche / & dignite sacerdotalle, Et puis erigea & fist vne cite de Cortone / qui estoit du diocese de Aretie / & y crea vng euesque: cest assauoir / Iehan de Viterbe. Et ce pendāt Nicolas Dast seignr de ferrare / print p force & occupa sur leglise de Rauenne le chasteau Argentam / & luy ayda a ce faire Passarin Bonacossio / occupateur & tyrāt de la ville de Mantue. Leql vng peu au parauant auoit prins en mariage la seur de Nicolas. Or tous ses tyrās furēt si hardiz / qlz se assemblerēt tous ensemble & assaillirēt les Boulongnoys, Mais par le moyē de Bertrād duc & capitaine de larmee



de leglise Rommaine:furent vaincu:& eurent grant dommaige /& per  
 re de leurs gens:& oultre furent tous par le pape anathematisez & Ferra-  
 re interdite iusques a ce quilzeussent rendu & restitue le chasteau argē-  
 tam, Et ce pēdāt Castruce faisoit guerre aulx Florētins & sur eulx auoit  
 prins le chasteau de signe /au moyen de quoy il faisoit des courses souuē  
 tessoy sur les Florentis:& a ceste cause ilz se donnerent & firent leur sei-  
 gneur Charles filz de Robert roy de Naples. ¶ Le pape enuoya Iehan  
 Vrsin Cardinal aulx Italles:affin quil mist en grace & amour les Florē  
 tins & Guelphesauecs le duc de bauieres: qui auoit desia passe les Al-  
 pes & montaignes en grāde compaignie:pour aller a Romme recepuoir  
 la couronne dor.& estoit arriue a Myllan:a la requeste & priere des Gy  
 bellins:& aps quil eut prins la courōne de fer. Il eut affaire dargēt pour  
 quoy en vouloit exiger & demander au peuple de Myllan:dont auoit le  
 gouuernement Galeace,& pour ceste cause fist mettre en prison tous les  
 vicontes:& puis establit vingt & quatre cytoyens & bourgeois de la vil  
 le de Millan & eurent le gouuernement de la chose publiq. Mais il leur  
 bailla vng preuost de sa natiō: pour gouuerner la ville de Myllan, Mais  
 depuis les vicontes furēt deliurex & mis hors de prison: par les prieres &  
 requestes de Castruce gouuerneur de Lucques: car les Lucquoys receu-  
 rent benīgnement Lempereur en la ville de Lucques: & le conuoya Ca-  
 struce iusques a Romme auecques mille & cinq cēs cheualliers, Et fut  
 courōne en leglise de Lateran par Estienne Colōne. ¶ Lors presidoyēt  
 & gouuernoient Romme deux nobles Rommains, Or pource que Ni-  
 colas estoit lors absent Estienne Colonne le couronna seul:& ses deux se  
 nommoient vicaīres de lempereur. ¶ Apres que Loys duc de bauieres  
 fut couronne:il crea & fist vng antipape,cestaſsauoir Pierre corborienſe  
 de lordre des freres mineurs:natif du pays de Reate,cestuy estoit venu &  
 yſſu de petit lieu & basse lignee, Mais il estoit fort docte & ſaige & apre  
 a faire tout ce quon vouloit, Il estoit marie quant il prīnt labit de lordre  
 ſainct Francoys:& le prīnt contre la volente de ſa femme: car elle ne  
 vouloit pas quil fuſt religieulx:pource que cestoit ſon mary espouſe,ce-  
 ſtuy ſaulx pape ſe fiſt appeller Nicolas ciquieſme:& fut par lempereur  
 & ſes aderans tenu & reputé comme vray pape/& vicaire de leſuchriſt:  
 Il crea des cardinaulx & des eueſques tous ſemblables a luy & ainſi cau-  
 telleulx. ¶ Et ce pendant que lempereur estoit a Romme: les Francoys  
 qui estoient a Florence au ſecours des Florētins:par nu yt damblee prin-  
 drent la ville de Piſtore:parquoy fut contrainct Castruce de partir de rō-  
 me & venir en haſte & auecques la meee des vicontes/il aſſailit Piſtore,  
 Mais a la fin la ville ſe rēdit:pource quil nauoyēt plus de viures & mou-  
 royēt de famine, Et puis apres vint lempereur pour ayder a Castruce/&  
 delaīſſa lātīpape en la ville de viterbe:& estoit delibere de aſſailir la vil-  
 le de Florence ſe ne uſte la malladie que ſuruint a Castruce:dont il  
 mourut:car il auoit trop prins de grās labeurs & peīnes pour lempereur

G,liii,

Loys duc de  
 bauieres print  
 a Myllan la  
 courōne de fer

Nicolas,v,an-  
 tipape estoit  
 cordelier &  
 marie,



Mais neantmoins l'empereur fut ingrat enuers le filz de Castruce: car il les expulsa & chassa de Lucques & de pise: & par force iouist l'empire de celles villes. ¶ Quāt Galeace fut mort / Acciee & Marc ses deux enfans sen fouyrent par deuers l'empereur Loys de bauieres: & luy requirēt que se fust son plaisir & volente de les remettre en leur pays & ville de millan: & luy pmirēt vne grande somme d'argent. Cestuy empereur estoit fort couuoiteulx & auaricieulx d'argent: pour ceste cause / il enuoya Acciee en la ville de Millan: & en fut chef & gouuerneur. Et iusques a ce q̄ il fust du tout paye de la somme que les freres luy auoyent promise: il re tint en hostaige & pour fideiusseur & plaige Marc frere de Acciee,

¶ Apres que l'empereur eut ce faict il delaissa l'antipape & Marc le viconte en la ville de viterbe & print son chemin: pour sen aller aulx Allemaignes: & en sen allant voulut entrer dedās la ville de Myllan. Mais Acciee ne le voulut souffrir pour cause des iniures qu'auoit faictes a son pere: pourquoy quant les allemans & germainz qui estoient en Heturie & aultres lieulx de Itallie que Acciee auoit denye & refuse a l'empereur de la ville de Millā & q̄ luy auoit clos & ferme les portes: ilz priserent beaucoup la sagesse de Acciee: & pour ceste cause ilz pmirēt foy & loyaulte a Marc frere de Acciee qui estoit prisonnier & en firēt leur duc & seigneur: & depuis prinst la ville de Lucques & en eut la domination mais vng peu de temps ainsi que le viconte marc estoit absent: les Germainz comme variables faucerent leur foy: & vendirent la ville de Lucques a vng Geneuoys qui estoit homme fort riche & puissant sur la mer lequel estoit de la famille & lignee de Spinole. ¶ Apres que le duc de bauieres sen fut alle aulx Allemaignes & q̄ nauoit riens fait q̄ vaulsist touchāt l'epire. ¶ Boniface conte de pise: pour faire plaisir au pape Iehan xxiii. du nom: print l'antipape & le mena en Auignon ou se tenoit le pape Iehan: & fut mis en prison l'antipape: ou il mourut peu de temps apres. ¶ Or quāt le pape fut deliure de deux grādes calamitez & miseres, Cest assauoir de l'antipape qui estoit mort: & du duc de bauieres qui auoit delaisse les Italles: & sen estoit alle en Germanie: il dōna les decimes a philippes roy de france: affin de faire guerre & aller oultre mer sur les Sarrasins. ¶ En ce tēps ceulx de ferrare furēt absoulz des censures & interdictions par le pape: aps quilz eurent restitue le chasteau Dargentan: qui estoit de leglise de Rauenne, mais neantmoins peu de temps aps ceulx de ferrare & Dast assaillirent le chasteau sainct felix: contre lequelz vint au secours Charles & manfred de filz du roy de boesme & ioynirent leurs bannieres ensemblement & coururent sur les ferrariens & leurs allies: tellement que les desconfirent & furent tueez & occis de leurs gens d'armes iusques au nombre de huyt cens: & oultre y furent prins les plus nobles / & gens de bien qui fussent en la bataille: & entre lequelz fut prins prisonnier Nicolas Dast frere du marquis Renalde. ¶ Adonc le legat du Pape qui estoit a Boulongne assembla vne grosse armee entre lequelz estoient

Spinole geneuoys  
achapta la ville de lucques,



Galleot maleteste de Arimene/francoys Ordela phe de foro iule/& Richard Manfret de fauente & Hostace de Polente: lesquelz tous assemblement assaillirent la ville de ferrare:& auoyent prins les faulx bourgz de saint Anthoine: quant vint au secours des ferrariens Phelippes Gonzaga/Mastine/Scale qui furent enuoyez par vrbain Carrariese: pourquoy les ferrariens sortirēt avecques eulx de la ville & descōfirēt larmee du legat & prindrēt prisonniers tous les capitaines & chefs de guerre: lesquelz depuis furent deliurez par telle condition que iamais ne feroient guerre contre Ferrare: parquoy les Boulongnoys dechasserēt le legat & la garnison de Boulongne a laide des florentins: & voulurent viure franchement liberallement/& a leur volente: en mettant a mort aulx villes/& champs les garnisons du pape/& de leglise: au moyē de quoy le legat fut contrainct de sen retourner en auignon / quant il se vit delaisse de toute aliance. ¶ Et fut Lan Mille trois cens trente & quatre, Auquel temps le pape Iehan alla de vie a trespas aage de quatre vingtz dix ans, Il fut pape dixneuf ans:& quatre moys, Il delaissa en ses tresors plus dor & dargent que iamais nauoit faict pape, Il fut enterre en leglise cathedrale en grāt pompe funebre. ¶ Aulcuns disent quil relata au cathologue des saintz/Pierre Murronne qui fut pape Celestin cinquieme, Le pape Iehan ay moit fort les hommes doctes & saiges:& en son temps fist de grans biens a deux docteurs en medecine, Cestassauoir a Gentil fulginate & a Digne florentin,

M,ccc,xxx,&  
iiii,

¶ De Benoist, cciiii, pape, Et, xii, du nom.



Enoist pape, xii, du nom: estoit du pays de Toulouse: de lordre de Cyteaulx: au parauant auoit nom Jacques/ & estoit prestre Cardinal du tiltre de sainte Prisce, Il fut esleu & cree pape en la ville Dauignō, xvi iours apres le trespas du pape Iehan, Et incontinent il conferma les censures ecclesiastiques du pape Iehan que auoit baillez contre le duc de Bauieres qui vouloit vsurper lempire de Romme. ¶ Or pource que lempire estoit vaccant: vng chascun tant fust il petit seigneur estoit en armes & se efforcoient les vngz contre les aultres de vsuper les villes & chasteaulx: car les Scaligerins nestoyent contens des villes de Veronne / Bresse / & Bergame, mais se efforcoient dauoir & conquerir contre les Rouges / la domination & seigneurie de parme, Et Gonzaga vouloit occuper Rhege, Le conte Dast mutine, Et les florētins desiroient fort a occuper & cōquerir la ville de Lucques, ¶ Lors Nicolas print a femme Beatrix fille



de guyou gonziace: parquoy il eut ayde de son beau pere; & print par force la ville de mutine. ¶ Et philippin print la ville de Rhege & en eut la domination: au moyen que les habitans de leur volente se rendirent a luy. ¶ Et Mastine Scalle auoit mis & redige en sa domination & puissance Parme / Lucques / & Padoue, Or pour abolir si grande domination que auoyent Mastine Scale & Gonzaga. Le peuple & les princes des Italles se assemblerent & conspirerent contre eulx: & mesmement les Venitiens & Luchine viconte qui auoit succede a la domination apres Acciee, Les venitiens auoyent mis le siege deuant veronne ce pendant que Lichine avecques grosse armee & exercite print & mist en sa subiection bresse & bergome. ¶ Quant les venitiens sceurent les nouuelles: ilz eurent paour Celsa saoir que quant ilz auroyent deffait mastine de la puissance quil auoit: que lichine en fust plus fort a ceste cause firent paix par telle maniere & condition avecques mastine Scaligere / quil laisseroit Padoue a vbertin Carrariense: & bresse & bergame seroit a lichine viconte, Et mastine auroit seulement veronne / Parme / & lucques, Icelle paix des plut fort aux florentins & a leurs amis & aliez: car ilz desiroyent fort auoir la ville de luques. mais pour lors ilz nen firent point de querelle: & sen turent iusques a vng aultre temps. ¶ Le pape enuoya vng legat a Romme par le quel mandoit au Senat / & peuple de Romme que ceulx de leglise gouuernassent la dignite Senatoriale: combien que au parauant les roys la gouuernoient: parquoy la dignite Senatoriale fut prolögee iusques a cinq ans en la personne de Estienne Colonne / & luy furent baillez des collegues par chascun an. ¶ Or ce faict le pape manda venir par deuers luy le Senateur Estienne, Et ce pendant vrsin conte de Anguiliare colleague de Estienne Colonne luy estant au capitolle publiquement & deuant tout le peuple & noblesse de Romme donna & bailla la couronne poetique a francoys petrarque homme tres eloquent / & mesmement en langue commune / & a faire vers / mettres & rimes, Et fut lan de nostre salut, mille trois cens trente, & huyt, Pource que lempire vacquoit le pape eut peur que le pays de Itallie ne fust occupe par quelque tyrant ou aultre ennemy de leglise, A ceste cause il institua ses vicegeres & vicaires lichine viconte & lehan son frere Archeuesque de Myllan de la ville de Millan & aultres villes que possedoyent, Et pareillement est fist autant a Mastine Scalle de Veronne & de vincence: a Philippin Gonzaga: bail la Mantue / & Rhege: & Albert Padoue, Et disoit le pape que quat lempire est vaccant: toute la puissance de lempire demoure & reside au pape qui est en terre seul & vnique vicaire de Iesuchrist roy supnel, Mais neantmoins imposa vectigal & tributa obition Dast que par chascun an il payroit au pape & eglise Rommaine dix mille pieces dor. ¶ Le pape benoist ne fist pour tout le temps quil fut pape que six prestres cardinaulx non pas de sa lignee: comme font les papes de maintenant, Mais de toutes regions & pays print des plus gens de bien quil peut trouuer: toutesfoys

Francoys petrarque fut a Rome couronne poete.

M,ccc,xxx,& viii,

Lempire vaccant la puissance reside au pape,



ie ne repprouue pas les affins & parens du pape / dicelle dignité / filz sont dignes & capables dauoir telles dignitez. ¶ Le pape Benoist estoit de si grande constance / que par prieres pmesles / ne par force : il neust iamais denie ne faiet chose / que ne fust selon droit & raison, Il ay moit les bōs / & auoit en hayne les mauuais / & seditieulx, Il se efforca fort de faire la paix entre Phelippes roy de France / & Edouard roy D'Angleterre / & leur enuoyoit souuent des legatz : car lors les Francoys & les Angloys auoyēt de grandes guerres ensemble & eurent plusieurs rencontres les vngz contre les aultres : car les Angloys deffirent vne foys au port de Lesclose qui est en Flandres / les Francoys : ou furent tueez & occis trente & trois mille Francoys pour vne foys / & en vne bataille : comme aucuns ont escript, ¶ Apres que le pape eut faiet refaire leglise pontificalle, Il alla de vie a trespas, Il ne fut pape que sept ans / trois moys / & dixsept iours, Il delaisa beaucoup dor & dargent / non pas a ses parens & cousins, Mais a leglise, Il auoit intention de louer & marchander a Zote excellent & magnifique painctre : pour faire paindre les hystoires des martirs aux eglises q̄ auoit faictes, Chascun plouroit quant on le portoit en terre : car il auoit este en son temps / de bonne vie & dhōeste conuersation,

Trente trois  
mille Frācoys  
tuez & occis p  
les Angloys a  
Lesclose,

¶ De Clement, ccv, pape, & vi, du nom,



Lement pape, vi, du nom : estoit du pays de Lymoges : on lappelloit Pierre, Il fut premieremēt moyne / & puis archeuesque de Rouen / & finalement fut esleu & cree pape / en la ville Dauignon, Il estoit homme de grande science / belle doctrine & eloquēce / liberal & fort humain, Il fut esleu a la dignite papalle aulx nōnes du mois de may Lan Mille trois cens quarante & deux, Et puis fut courōne la, xiiii, Calēde du mois de Iuing, Et les quatre temps ensuiuans / le p̄mier an de son pontificat : il fist huyt pre-

M,ccc, xl, & ii

Creatiō de cardinaulx,

stres cardinaulx / & deux diacres, Cest assauoir son frere qui estoit religieux profes / & Guillaume son nepueu filz de sa seur, vng des huyt cardinaulx prestres estoit son affin & de sa parente, Et lan ensuiuant il fist pareillement deulx cardinaulx dont en auoit vng qui estoit filz dune sien ne seur, ¶ Les Rommains requirent au pape Clement quil voulsist mettre le Iubile a quarante ans : & que les hommes ne viuoient pas tant quil peussent en leur tēps gagner le Iubile : combiē que le pape boniface, viii leust institue de cent ans en cent ans : quon apelle vng Siēcle / & dont se nomment & appellent les ieulx seculiers / qui ne se faisoient que de cent ans en cent ans : car p le iubile en visitant les eglises saint pierre & saint

Le Iubile remis a, xl, ans,



Frescobaldes  
expulses de flo  
rence,

Gaultier duc  
d'athenes chef  
& capitaine  
des florentins,

M,ccc,lxvi,

Paul on gaigne plaine remission de tous ses pechez, ¶ Le pape accorda tres volentiers que lan du iubile doresnauant seroit de quarante ans en quarante ans, ¶ En ce temps les Italles estoient troublees en tumultes & guerres: pource qu'on disoit que le duc de Bauieres deuoit descēdre & venir en grosse armee aux Italles: parquoy le pape conferma seulement en Subrie lichine & iehan vicecōte en leurs viccaires & ne fist point de mentiou des autres princes des italles: en estimant que eulx deulx resteroient bien au duc de Bauieres sil venoit en armes au pays de itallie: & lesquelz deulx viccaires imperiaux vng chascun ordonna viccaires en chascune ville, ¶ Le pape conferma en leurs offices iehan de la rue / qui estoit prefect de viterbe / & oultre cōferma en leur estat, Cestassauoir Galeot Maleteste & ses freres / & autres princes de italie: combien que plusieurs: comme iay dit cy deuant en la vie du pape benoist: que aucuns des princes de itallie occupoyēt vne partie des villes par force / & lautre par beniuolence des habitans qui cestoyent rendus a eulx, ¶ En ce temps les Florentins chasserent la famille & lignee des Frescobaldes / qui estoient fort riches & puissans cytoyens & habitans de la ville de floreće: parquoy les frescobaldes conciterent & esmeurent les pysans contre les florentins au moyē de quoy les florētins eurent de grās dommaiges: car en ce temps les florentins auoyēt achaptē la ville de parme des Scaligeres & auoyēt desia eūoye tous leurs enfāns: pour gaiges iusques a ce quil eussent paye cinq cens mille ducas dor: & pour faire ceste vendition: le duc de ferrare en estoit le mediateur & auoit esleu des florētins & scaligeres / mais les florentins lors furent si pressees de guerres tāt des pisans que leurs autres voy sins & compaignons & allies / quil furent cōtrainctz de delaisser a acheter icelle ville de parme: pour subuenir a leurs affaires: & ayderēt aux lucquoys qui estoient assiegez par les pisans / & fut lost des pisans leue & osteau moyen de Maleteste dict vngaire, ¶ Robert roy de Naples qui estoit amy des florentins. il leur enuoya vng cheuallier frācoys nomme Gaultier duc de Athenes avecques vne petite compaignie de gens darmes / & les Florentins / & luy firent tant par subtilitez / que Maleteste fut deiecte du gouuernement de leur exercist & ost: comme homme ignorant des faitz darmes, Cestuy Gaultier fut si bien ayme des florētins ql abolirent toutes les offices de florence & fut faict seul preuost & gouuerneur de florence / chef & capitaine de toute leur armee, Et peu de temps apres les Aretiens Pistorienses / & volterans se donnerent & rendirent a luy, ¶ Or pource que Accius Corrigiēse ne pouoit garder ne deffendre la ville de parme: il la bailla a Obition dast: au moyē de quoy il fist guerre a philippin Gonzagia & fut la bataille aux champs de Rhege, Mais Obition fut vaincu & le poursuīuit Philippin iusques a ferrare: pourquoy Obition comme desespere voyant que ne pouoit retenir la ville de parme: il la bailla au viceconte Lichine pour la garder, Et fut lan de nostre salut Mille troiscēs, lxvi, ¶ Les florētins ne pouoyēt & ne vouloyēt



souffrir ne endurer la tyrannie de Gaultier: car il en faisoit tuer & mourir tous les iours beaucoup: a ceste cause ilz coniurerent: & cōspirerent cōtre luy & se assemblerent tous en armes en la maison de Ange Acciaio: le quelque de florence affin de chasser & expulser Gaultier / & que vescuissent en liberte. ¶ Quant gaultier vit les Florentins qui estoient en armes, Il veoit bien quil nestoit pas le plus fort: pquoy il fist paix avecqs eulx: & fut accorde que sen yroit luy & ses cheualliers hors de Florence / & emporteroit ses biens / ce que fut raict, Mais le peuple & commun de florence que tousiours se monstroit ingrat enuers ceulx qui leur faisoient des biens & qui leur conseilloyent en toutes leurs affaires / & necessites, Cestassauoir les nobles & aultres riches gētilz hommes de la ville de florence / Se neantmoins quelque bien quilz leur fissent ilz les expulserent / & chasserent / & les bannirent de la ville de florence, Et pillerent & deciperent tous leurs biens / & firent abatre leurs manoyrs & magnifiques & excellētes maisons. ¶ Et affin que toutes les Italles fussent perturbees au royaulme de Naples / commancerent de grans discors / & debat: car lors Robert roy de Naples alla de vie a trespas sans enfans / & filz masse / & auoit donne en mariage Iehanne sa fille / a Andry son nepueu / filz de Charles roy de Honguerie: car lors se ieune enfant estoit venu a Naples Mais icelle Iehanne fist tuer & occire de guet a pensee son espoux pour ce quil nestoit hōme vaillant / & vertueux, Mais sans entendement / & aussi quelle ne laymoit point / mais le hayoit mortellement: & apres sa mort elle print en mariage vng nomme Loys lequel estoit son beau frere filz du prince de Carente / & estoit frere de Robert roy de Naples, Or pour veger la mort ainsi villainemēt aduenue en la personne de Andry lors le roy de Honguerie frere de Andry / premier mari de Iehāne vint en grosse armee aulx Italles / & premierement batailla contre les Sulmonen ses que si hardis & presumptueux de resister a lencontre de luy, ¶ Or ce pendant estoit grant debat & discention a Romme / pour faire & creer les Senateurs par lauctorite du pape: pourquoy Nicolas Renti / cytoyen & habitant de la ville de Romme / & scribe publique / homme de grant couraige / par armes il occupa le capitolle de romme / & auoit la beniuolence & amytiē du peuple de romme & en faisoit tout ce que vouloit: car il auoyt mis en sa deuise / & pour son tiltre: pour alier a soy la beniuolence & faueur du peuple Rommain telles parolles, Cestassauoir, Nicolaus seuerus / & clemens libertatis pacis / iusticieq; tribunus: ac sacre Romane reipublice liberator illustris, Or pour la somme de ses parolles & tiltre il fut ayme de tout le peuple des Italles & auoyent de luy bonne opinion & luy enuoyerent legatz pour auoir cōfederatiō & amytiē avecques luy tellemēt que aucunes prouinces cuidoiēt que lempire Rōmaine reuint en sa force & vertu cōme aultre foys auoit este, mais icelle gloire ainsi pallie & fulquee ne demoura guieres & neut pas lōgue demouree: car neantmoins quil cōseillast aulx rommains aucunes bon

Gaultier fut  
dechasse de flo  
rence;

La mort de ro  
bert roy de na  
ples,

Iehanne fille  
du roy robert  
fist occire son  
mari,

H.i,



nes choses / toutesfoys il deuint tyrant / & voulut viure trop excessiue-  
ment: parquoy sept moys apres que fut en si grãde dignite & office sans  
se que les Rommains sen aperceussent aulcunement: par nuyt en ha-  
bit dissimule sen fouyt de la ville de Romme / & sen alla en Boesme par  
deuers Charles filz de Iehan roy de boesme, ¶ Cestuy Nicolas auoit este  
faict & institue Cenata la requeste & pourchas du pape Clement par les  
esleuteurs: pour faire iniure au duc de bauieres: & la cause pourquoy le  
pape Clement auoit ce faict / estoit pource que cestuy Nicolas parloit  
toutes langues, Mais depuis charles prinst icelluy Nicolas Tribune / &  
lenuoya en Auignon au pape clement, ¶ Apres que Loys roy de Hon-  
grerie eut longuement assailly Sulmonne: il la prinst / & puis apres fa-  
cillement iouyst du royaulme de Naples / & sen fouyrēt au pays de Nar-  
bonne hors du royaulme de Naples, cestassauoir Iehenne fille du roy  
Robert / & Loys son adultaire / & delaissērēt pour gouuerner le royaul-  
me de naples Dyrachine nepueu du roy Robert, Mais il fut vaincu / &  
pris par Loys roy de Hongrerie & puis apres luy fist couper la teste,  
¶ Or pource que en ce tēps la peste estoit en tout le pays de Itallie Loys  
delaisla garnisons au royaulme de Naples / & se faict sen retourna en hō-  
grerie, Et fut au temps q̄ Lichine viceconte mourut / au moyen de quoy  
Iehan archeuesque de Myllā: seul obtint le vicariat de la ville de Myl-  
lan du pape clement, ¶ Quant le pape eut faict mettre Nicolas Tribu-  
ne en prison / il enuoya a Romme aulcuns cardinaulx pour gouuerner  
lestat de la ville de Romme, Et leur persuada Francoys Petrarque quilz  
creassent des Senateurs tant de ceulx de la commune que daultres: pour  
obuieraulx seditions / & que nestoit pas conuenable que les estrangiers  
fussent admis tousiours a estre Senateurs de Romme / & quon en  
auoit faict quon ne scauoit dou ilz estoient ne de quelz parens. Et lors fu-  
rent desclarez & instituez senateurs de la ville de Romme, Cestassauoir  
Pierre Sarra colonnoys / & Iehan filz de vrsin, Et fut au temps que la pe-  
ste fut aulx Italles si grande / par l'espace de trois ans / que de mille hom-  
mes nē rechappa dix que ne mourussent tous, Et la cause fut pour ce que  
en ce temps estoit le Iubile / & pour lefluence du peuple / tout le pays de  
romme fut contagieulx & infect dordure & punaisie, ¶ En ce temps le  
chasteau de la vallee / & Gemiuianne se rendirēt aulx Florētins / & Bou-  
longne se donna / & se mit en la puissance & domination de Larcheues-  
que de Myllan de quoy quant le pape Clement le sceut / il nen fut pas  
content / & y enuoya vng legat pour & affin de inciter & esmouuoir les  
Elorentins & Mastine Scale contre Larcheuesque vicecōte, Mais puis  
apres que Mastine Scale fut alle de vie a trespas Larcheuesque fist paix  
& confederation auecques le grant Chien filz Mastine Scale / & pareil-  
lement auecques tous les Gybellins / & puis enuoya Bernabone en Bou-  
longne: affin de entretenir les habitans & cytoyens de Boulongne,  
¶ Les Florentins prindrent & occuperent Pistoie / & Pratense par force,

Vehemente  
peste que de  
mille nen re-  
chappoit dix,



¶ En ce temps les Geneuoys & les venitiens auoyent de grosses guerres sur la mer les vngs contre les autres / & furent premierement les Geneuoys vaincus. Mais puis apres les Geneuoys a layde de Phelippes Aurié duc & gouuerneur des nauires des Geneuoys prindrent lisse de Chie appartenant aulx venitiens & oultre prindrent Euboye: qu'on appelle Negrepont. ¶ Or affin que la paix se fist aulx Italles le pape Clement institua Loys prince de Tarète roy de Naples / & fist la paix auecques le roy de Hongrie / & achapta la ville Dauignon: de Iehenne fille au roy robert, car cestoit de son patrimoine / & fut pour le pris remis le tribut du royaume de Naples que debuoit a leglise de romme. ¶ Or pour euer les guerres discentions & debat des Italles: & de l'empereur charles le pape clement fist accort auecques les vicecontes par telle condition & maniere que Boulongne demouroit a eulx en payant douze mille ducas par chascun an a leglise de romme. Et puis fist paix entre les Florentins / & les vicecontes: par telle condition que nul deulx ne troubleroit ne trauailleroit les Pysans / Lucquoys / Senoys / ne les Perusins. ¶ Le pape clement se efforça fort de faire la paix entre Phelippes de Vallois roy de france / & Edouard roy Dangleterre: lequel apres que fut victorieux des Francoys & que en champ de bataille / il eut tue & occis vingt mille Francoys & puis apres mist le siege deuant la ville de callays: ou il y fut par l'espace de vnze moys & ce faict par famine se rendirent les Francoys qui estoient dedans. ¶ En ce temps furent les Escocoys vaincus par les Angloys. ¶ Le pape crea lors des cardinaulx. Cestassauoir gilles Hespaignol Archeuesque de Tollete / Nicolas natif de la ville de romme / & regnault Vrsin Prothenotaire de leglise de romme / & son nepueu: lequel puis apres fut pape & appelle gregoire vnzieme du nom.

¶ Aucuns ont escript que le pape Clement fist mettre au catalogue des Sainctz de paradis / Monsieur saint Yues / prestre confesseur / que estoit natif du pays de Bretagne. Et puis apres le pape Clement alla de vie a trespas en la ville Dauignon: ou fut ensepuey en grande & honnestre pompe funebre / des cardinaulx qui lors y estoient. Il ne occupa le saint siege apostolique de Romme que par l'espace de dix ans six moys vingt & huyt iours. Et fut lan de nostre seigneur Iesuchrist, Mille trois cens cinquante & deux:

La ville Dauignon fut achaptee par le pape Clement,

De saint Yues,

M,ccc.l, & ii,

¶ De Innocent deux cens & sixieme pape,  
Et sixieme du nom,

H,ii,





Bons & saintz  
statutz,

L'estat d'ung  
bon prelat,

Innocent pape sixiesme du nom: estoit du pays de Lymoges on lappelloit premierement Estienne, Il estoit docteur en chascū droit & estoit aduocat & puis fut eueque de Claiemōt en Auvergne & apres cardinal & a la fin fut esleu a la dignite papale, Lan de nostre salut mille trois cens cinquante & deux / la dixseptiesme Calende du mois de decembre, Il estoit homme de bonne vie & de grande constance & assez austere quant aux malfaicteurs, Il ne donnoit les benefices de leglise que a gens clerz dignes & ydoines de les auoir & exercer, Apres quil fut couronne il suspendit plusieurs reseruatiōs quauoit donnez le pape Clement, & ordōna & istitua sur peine de anathematizatiō q̄ vng chascū cure: & autres benefices sen allassent tenir & faire leurs residēces ou lieu de leurs benefices, Il disoit q̄ les brebis debuoyēt estre gardez du vray pasteur: & non pas d'ung seruiteur ou mercenaire, Il diminuā les excēs & grandes impenses quont acoustume de faire les papes / & rēdoit le nombre de ses seruiteurs & familiers a vne bonne ordreen mettant hors la superfluitē de sa court, Il ne vouloit auoir que gens de bien & dhōnestē conuersatiō en sa maison & court / & ainsi de le faire il le commanda aux Cardinaulx / & de ce en fut vng edict disant que sa vie & ceulx des cardinaulx debuoyēt en suite nostre seigneur Iesuchrist: lequel nauoit riens faict en toute sa vie q̄ ne fust a lutilite salut & biē des humains, Il istitua & ordōna sallaire aux auditeurs du saint palais apostoliq̄ affin quil ne fussent corrompus en iugeant les proces: par dons or argēt / ou promesses: laquelle chose se faict volentiers quant on a indigence ou paourete: & pour obuier a ce leur donna bon gaiges & grans sallaires, ¶ Le pape Innocent estoit fort chiche & estroit en sa despence, Mais il estoit fort excessif & large quant il estoit question de faire guerre pour retirer / & treceuer les terres & seigneuries qui apartenoyēt a leglise Rommaine: lesquelles auoyent este occupez & vsurpez par puissance & tyrans. Et a cest cause il enuoya en Itallie Gilles Hespaignol de la famille & lignee de Rarille / de Sabine: comme legat alatere: en luy baillant autant de puissance que sil y eust este present: pour & affin de expulser & dechasser les tyrans des terres de leglise de Romme, ¶ Et fut au temps que le roy Darragon / Lē pereur de Constantinoble / & les Venitiens firent confederatiō & alian ce ensemble contre les Geneuoys / & les assaillirent avecque grāde multitude de nauires lesquelles estoient bien esquipees & garnies d'artillerie / & de gens darmes entre Constantinoble & calcedone: & en vng lieu sur la mer: ou les Geneuoys estoient asses mal pour le vent qui leur estoit cōtraire: neātmoins la bataille dura depuis l'aulbe du iour / iusque a iour



fini/& se reuenchetent les Geneuoys si vaillamment que les grecz sen fouyrent, Et les Catelans/& les Venitiens furent desconfis/& fut tue & occis leur chef de guerre, Et tout par la bonne conduicte de Pagane Aurie leur duc & capitaine des nauires. ¶ Or pour la grande defaicte & perte des gens/& nauires que auoyent eu les Venitiens: ilz eurent grant honte/& deshonneur: parquoy les venitiens/& Catelans se rassemblerent: pour batailler contre les geneuoys & firent & constituerent leur chef & capitaine vng nomme Nicolas de pise. lesquelz venitiens/& Catelans assaillirent si furieusement les geneuoys au pres des isles de Corse que les vainquirent & effondrerent/& mirent en la mer quarante nauires trirèmes plaines d'artillerie & de gens d'armes: dont les geneuoys furent fort esbays:& espouantes: parquoy ilz se donnerent eulx/ leurs biens / & cite de genes a Larcheuesque de Myllan, Et lors se rassemblerent les geneuoys avecques leur capitaine Pagane Aurie: & se portirent si vaillamment quilz desconfirent les venitiens sur la mer / pres le promontorium de sapience en Peloponnense/& prindrent le capitaine des venitiens, Cestassauoir Nicolas de pise / & cinq mille hommes que menerent tous prisonniers en la ville de genes. Et ce fut lan de nostre salut, Mille trois cens cinquante & quatre, Mais lan ensuiuant Larcheuesque de Millan alla de vie a trespas: au moyen de quoy facilement les venitiens & leurs compaignons furent deliures: par le moyen de Bernabeuf & de galeace: nepueulx de Lichine / & heritiers de larcheuesque leur oncle, Les geneuoys ne voulurent faire confederation avecques eulx, Mais les venitiens firent paix & aliance avecques Bernabeuf & galeace par le commandement du pape & du legat gilles, ¶ En ce temps Kaloiehan empereur de Constantinoble retourna en constantinoble / & chassa par force d'armes Catacufine qui tenoit & vsurpoit l'empire de Constantinoble par force/ contre droict & raison / & a ce faire luy ayda gataluse geneuoys: homme fort ingenieulx & expert quant aulx guerres de la mer, & pour le recompenser kaloie han luy donna Mytelene & Lesbodonne, Mais depuis le Turc auoit occupe & prins icelles isles par force ostez aulx gateluses geneuoys. ¶ Apres quil eut vsurpe constantinoble & tout le pays de Thrace, ¶ Et lors estoient a Romme grandes discentions & debat: car Barocelle citoien de la ville de Romme homme puissant & riche dechassa la dignite Senatoriale Iehan vrsin & pierre colonne / & vsurpa la dignite tribunalle / & telz estoient ses tiltres, Franciscus Baroncellus scriba senatus dei gratia albe vrbis tribunas secundus: ac Romanus consul, ¶ Or quant le pape Innocet le sceut, Il fist mettre hors de prison vng nomme Nicolas Cencie lequel auoit aultre foys ainsi & de telle sorte & maniere vsurpe telle dignite / & lenuoya a Romme pour repeter icelle office tribuianne contre Baroncelle, Il fist tant par ses iournees quil arriua a Rome / & a layde des nobes / & vne grãde partie du peuple de Rome par force d'armes il dechassa du capitolle Baroncelle / & puis le tua & occist / &

Le venitiens  
viancus p les  
geneuoys,  
M,ccc,liiii,

H,iii,



Nicolas Cenci fut decapité,

luy seul iouyt du Capitolle & office tribune. ¶ Apres que cestuy Nicolas fut payfible en icelle office: il ne luy souuenoit plus de sa premiere misere: ou il estoit cheut & tombe par sa tyrannise. Et a ceste il recommença a persecuter les nobles du pays de Romme / & mesmement les Colonnays: qui sen alloient par la porte Expilîne en Hermie avecques leur train clientule & famille: pourquoy il fut dechasse iusques au capitolle: ou il se retyra. Et depuis changea de robbe & sen vouloit fouir hors de la ville de Romme. Mais il fut congneu par les cytoyes de Romme & par eulx eut la teste trachée: parquoy Guyon Iordain fut seul cree pour vng an Senateur de Romme / & par lauctorite du pape. ¶ En ce temps lempereur qui estoit filz du roy de Boesme fut magnifiquemēt receu des carariens Gonzaces / & des vicecontes de Myllan: en laq̃lle ville il prist la couronne de fer: comme il est de coustume de faire / & puis sen alla a pi se ou il trouua les ambassadeurs de la ville de Sene de Volterās: & p̃sque de tout le pays de Hetrurie se offrant du tout a Lempereur / & en eussent autāt fait les Florētins: mais ilz sestoyēt rachaptez / & mis hors des mains de lempire: par grande pecune & argent que luy auoyent baillie. Lempereur fist tant par ses iournees quil arriua en la ville de Romme / ou il fut couronne par deulx cardinaulx: que le pape auoit enuoyez tout expres / par telle condition que ne demoureroit / ne seiourneroit guieres a Romme / ne aulx Italles: laquelle chose fist: car incontinent quil fut couronne il sen retourna en Germanie. ¶ Et lors le legat Gilles recouura les villes & chasteaulx quauoyent occupez les princes / & tyrās des Italles / par le moyen du duc de Bauieres: qui vsurpoit lempire. Mais neantmoins il conferma aulx chasteaulx & villes les vigniers / viccaires / & aultres officiers / qui auoyent tousiours este fidelles a leglise de romme: comme furent Galleot maleteste / & Guyon poletāne. Et ce faict il dechassa les varanenses de Flamīnee / & Picene / & les Ordelaphes qui ne vouloyent iamais obeyr a estre subiectz a leglise rommaine / & fut le Legat deux ans a leur faire guerre: tellemēt quilz furent contrainctz de delaissier foroiule / & Cestēne: cōbien quil eussent peu retenir quelque partie diceulx chasteaulx / & villes: pour leur demourance / dominatiō & seigneurie: car ilz estoient bien aymez du cardinal Iacques de Colōne: lequel aymoīt tres fort icelles familles des Ordelaphes. Mais ilz aymerent mieulx tout perdre en guerre: & a ce estoient obstinez que de retenir quelque ville ou chasteau: pour leur habiter. ¶ Quant le legat Gilles eut pacifie les Italles: il se delectoit fort & aymoīt a demourer en la ville de foroiule: & y mettoit tout l'argent quon luy enuoyoit de la ville Dauignon / & celuy du patrimoyne de leglise: quon debuoit employer a refaire les tours / & chasteaulx de la seigneurie & patrimoine de saint Pierre. Il fist aulcunes institutions / & statutz en icelle ville: dont ilz vsent encores de p̃sent. ¶ Apres que le legat Gilles eut este par l'espace de cinq ans aux ytalles a faire refaire les chasteaulx & tours / quauoyent demolliz les ennemys:



& quil eut mis paix & cōfederation entre les princes & peuple dytallie, Il eut vng successeur qui fut enuoye en son lieu & legation: cest assauoir Ardouin natif de Bourgonne/abbe de Cisteaulx: lequel nestoit diligēt ydoine ne conuenable a telz affaires cōme ceulx Dytallie, Parquoy incontinent que le legat Gilles sen fut alle du pays Dytallie/tous les princes Dytallie les villes & communes de peuple/commencerent a se mettre en armes, Les Pisans firent guerre contre les Florentins/& gasterent tout leur pays & prindrent le chasteau Figine appartenant aux Florentins/& bruslerent & ardirent les maisons & villaiges de toutes leurs terres & seigneuries/sans que aucun leur donnast ayde contre les Pisans, Lors Pandulphe Malleteste estoit Duc & capitayne de lost & exercice des florentins: lequel fut dechasse & desapoincte de son estat & office p le peuple de Florence: pource quil nosoit batailler ne se mettre en guerre contre les Pisans/lesquelz faisoient courses iusques aux portes de Florence: au moyen dequoy ilz acquirent de grandes richesses/quilz emporterent a Pise, Et peu de temps apres les Florentins se assemblerent & firent leur duc & capitayne Galeot Maleste: lequel donna de largēt aux cheualliers & gens darmes des Pisans: parquoy les florentins vainquirent les Pisans, Mais les Pisans de ce aduertiz/ilz expulserent & dechasserent les Gambacurtes citoyens de Pise/qui estoient fort riches & puissans/& leurs mettoient assus quilz auoyent tresmauluaisement distribue les gaiges aux gens darmes & quilz les auoyent retenuz, Et ce faict rappellerent Agnelle qui estoit banni: lequel estoit bien ayme de Bernabeuf/& auoit en grant hayne les Gambacurtes: parquoy Agnelle eut le gouuernement de la ville de Pise, Le Pape fist la paix entre les Pisans & les Florentins: en ce temps apres que la paix fut faicte Iehā Hancur/qui auoit aultresfoys este a la soulte & gaigez des Pisans/il assemble tous les gens darmes des ytalles quilz sen estoient allez/dont les villes auoyent grant paour: car on ne scauoit pourquoy il le faisoit, ¶ Or lors y auoit grant discord & debat a Rōme pour faire les senateurs, Mais le Pape apaisa tout/au moyen dung senateur quil y enuoya qui nestoit pas de la ville de Romme/mais estoit de la ville de Sene/& se nommoit Raymōpthomee, Il obtint lestat & office senatoyre par lespace dung an entier, Et fut lan de nostre seigneur: mille troys cens cinquante & neuf, Mais les Rommains qui sont gens variables dechasserent de Romme icelluy senateur:& firent & creerent sept citoyens de Romme:lesquelz nommerent & appellerent/les reformateurs de la chose publique/& le peuple leur ottroya & donna toute puissance, Pourquoy le Pape Innocent crea senateur de Romme Hugues de Lusignan roy de Cypre: lequel lors sen alloit en guerre contre les Turcz & infideles:& luy dona le pape en mādernēt quil dechassast & abolist iceulx sept reformateurs, Car lors le pape estoit fort empesche de faire la paix entre le roy de Frāce/& le roy Dāgleterre: affin quilz allassent contre les Turcz, Mais les Angloys auoyēt

Ardouin abbe de cisteaux

Les pisans gasterēt le pays des florētins

Les pisans vaincuz p les florētins

M,ccc,lxx,

Hugues de lusignan roy de Cypre,

H,liii,



De Urbain, ccvii Pape,

marin duc de  
venise fut tue  
dane coignee

Eclipse de so-  
leil fort grãde,

Barthole

lors prins Iehan roy de Frãce/& son filz Phelippes & aultres princes de France, Touteffoys le roy Dangleterre donna conge aux seigneurs & barons de france qui estoient prisonniers par telle condicion/q̄ iamais ne porteroient armes& ne feroient guerres contre luy, Mais nonobstãt la promesse les francoys se rassemblèrent:parquoy le roy Dangleterre fut contrainct dassaillir la ville de Paris. ¶ Le pape Innocent auoit de- libere de faire faire guerre aux infideles/& faire auitailler les nauïres & galleres des Pisans, Mais lors les Pisans Florentins& Venitiens/auoyẽt guerre avecques Loys roy de Hongrie:lequel auoit assiege Taruise, Mais neantmoins en la ville de Venise lors estoit grant discord & noy- se entre les Venitiẽs/& y fut tue & occis dune coignee Marin duc de Ve nise:pource quon disoit quil vouloit tyrannizer le peuple de Venise. Quant le Pape congneut icelles guerres & turbations du peuple crestiẽ il cheut mallade/de laquelle malladie alla de vie a trespas, Mais deuant sa mort il fist plus grande eclipse de soleil /que iamais on auoit ueue/& estoit signe de grande mortalite, comme le demonstroyent les planettes Le pape Innocẽt ne vesquit en la papalle que neuf ans huyt moys& six iours, ¶ En ce temps viuoit Barthole grant iuriste /& le plus scientifiq̄ en la science legalle qui fust homme viuant:comme ses liures & oeures quil a faictz le demonstrent,

¶ De Urbain, ccvii, Pape:& v, du nom.



Urbain Pape cinquiẽsme du nũ/estoit du pays de Limoges:on lappelloit guillaume grisa auant quil fust pape, Il estoit abbe de labbaye sainct Victor de Marseille. Il fut esleu pape luy estãt absent:car lors il estoit enuoye en ytalie en legatiõ par deuers les Vicecõtes, Il fut par les cardinaulx appelle & couronne en la ville Dauignon. ¶ Et apres quil eut este couronne pape/il mist tout son entendement & estude a garder & deffendre leglise & patrimoyne sainct pi- erre/& aymoĩt fort ceulx qui estoient a ce faire ydoines & diligens. A ceste cause le pape Urbain enuoya aux ytal- les le cardinal gilles hespaignol/homme de grande vertu & excellẽt cõ seil /duquel cy dessus nous auons parle/& luy bailla le pape toute puis- sance, Mais incontinent quil fut arriue aux ytalles/il fist confederation & alliance avecques Loys gonzague/Nicolas Dast/& Francoys Carra- re:& tellement les annima & incita contre le Viceconte Bernabeuf/que en champ de bataille il fut vaincu & blese/& a grant peine eschappa q̄l ne fust prins prisonnier:son filz fut tue & occis en icelle guerre, Et y fu-



rent prins prisonniers: cestassauoir Andry pepule banny de Boulongne  
 Sinebalde Ordelahe/Paul mirandule/Guy Folianne/Azon Corrigie  
 se/Guillaume Caualcabe/qui estoient capitaynes & chiefz de la batail  
 le de Bernabeuf. ¶ Or les roys de France/Dangleterre/& de Cypre/eu  
 rent pitie de la calamite & perte quauoyent eue les Vicecontes: parquoy  
 iceulx roys enuoyerent vng chaicun ambassades au legat Gilles/affin  
 de faire paix avecques les vicecontes, Laquelle chose le legat gilles accor  
 da facilement & fut faicte la paix: mais elle ne dura guieres longuemēt  
 Car Iehan Haucut qui tenoit le party des vicecontes/trauaila fort les  
 Forentins & les vainquit au pres du chasteau Miniāte, Pourquoy le le  
 gat gilles enuoya pour secourir les florentins le capitayne Thomas obi  
 tion/avecques troys mille hommes darmes & grāde compaignie de gēs  
 de pie, Et fut la bataille faicte & assignee entre Arete & Cortone/& du  
 ra la bataille plespace de quatre heures quō ne scauoit qui auoit le meil  
 leur, Mais finablement Thomas obition a layde des gens de pie gagna  
 la bataille: tellement que de six mille hommes quauoit Iehan Haucut  
 Angloys/il en reschappa bien peu quilz ne fussent tous tuez & occis/&  
 fut prins icelluy haucut, Pourquoy quat ceulx qui faysoient guerre cō  
 tre leglise de Romme & qui cestoyent rebellez/eurēt si grāt paour pour  
 cause dicelle grāde victoire/que soubdainement se rendirent a lobediē  
 ce de leglise/& seigneurie Rommaine. ¶ En ce temps le pape Urbain le  
 quatriesme an de sa papallite vint aux ytalles pour icelles pacifier, Et  
 luy vint au deuant Gilles le legat iusques a Cornet/ou il rendit conte &  
 reliqua au Pape de ladministration de sa legation & prouince quauoit  
 gouvernee, Et apres quil fut deliure dune si grande charge il sen alla a  
 Romme/& puis retourna en la ville de Viterbe pour se reposer & viure  
 en paix & trāsqillite/car lors il estoit fort vieux, Mais il ny fut q̄ troys  
 moys q̄l nallast de vie a trespas, Son corps fut porte a la ville Assisie/&  
 fut ensepuey en leglise saintfrācoys en vng sepulchre quauoit fait fai  
 re en son viuant, Cestuy Gilles en son viuant auoit biē garde & deffen  
 du les droictz de leglise. ¶ Quant Charles empereur sceut & congneut  
 que le pape Urbain estoit a Romme/il y vint luy sa femme & enfans/&  
 osta aux florētins le chasteau de Miniāte/& lattribua a sa domination,  
 Les historiens ne escripuent point & aussi il nen appert point quil fust a  
 Romme: pource quil auoit este couronne de lauctorite & commande  
 ment du pape Innocent sixiesme/par le cardinal de Hostiense: lequel le  
 pape auoit enuoye tout expres a romme Mais apres que lempereur eut  
 receu des florentins vne grande somme dargent: il sen retourna en Ger  
 manie & ne fut que troys moys aux ytalles, Et fut lā de nostre seigneur  
 Mille troys cens soixante & hu yt, Le pape Urbain luy estant a Romme  
 il fist chercher assez longuement les chiefz & testes des apostres: cestassauoir  
 de saint Pierre & saint Paul/& finablement furent trouuez, Ilz ne  
 stoyent lors en honneur ne reuerce du peuple: car on lesauoit oubliez

M.ccc.lxviii,  
 Les chiefz de  
 saint Pierre  
 & saint Paul



De Gregoire, ccviii. Pape.

Le pape Urbain a romme

Iehan de haucut deliure de prison

ou lieu ou ilz estoient assez indecemment/ou lieu & reliquaires qu'on dict sancta sanctorum, Apres que le Pape les eut trouueez il les fist enchasser en chasses d'argent/& puis comenda qu'on fist vne procession ou il estoit present & tout le clerge peuple de Romme en grande magnificence & deuotion/& furent les sainctz chefz portez en la grande eglise de lateran/sur le grant & maistre autel dicelle eglise furent mis & posez, Et puis le pape fist refaire les maisons de la vieille Romme & de Montflacon/ou se souloyent tenir & habiter les papes au temps deste/pour obuier aux challeurs qui sont en icelluy temps a romme, Et ce faict le pape Urbain pource quil faillloit qui retournaist en France/il deliura de prison Iehan de haucut/& le fist capitaine & chief de guerre de l'armee de leglise que aultresfoys auoit eu Gilles le legat quant il viuoit/affin quil deffendist les terres de leglise iusques a ce quil fust retourne aux ytalles/car il auoit intencion de y retourner & demourer, Mais ainssi quil sen venoit de Rome en France/il mourut en la ville de Marceille:ou comme disent les aultres historiens il mourut en Auignon, Et fut au temps que sainte Brigide femme tresdeuote vint a Romme du pays de Souysse/par deuotion & veu, Apres que Nicolas acciole fut mort / qui estoit gouuerneur de la Pouille/homme saige & de grant conseil:le peuple se esmeut/& aucuns des princes, Le Pape Urbain ne fut Pape que huyt ans & quatre moys,

¶ De Gregoire, ccviii, Pape: & xi, du nom,



Le pape Gregoire, xi, disciple de Balde

Regoire Pape vnzieme du nom/estoit Limosin/& se nommoit auant quil fust Pape Pierre Beaufort, Il estoit cardinal & dyacre de sainte Marie la noue, Il fut cree & esleu Pape en la ville Dauignon/du cōsentemēt de tous les cardinaulx, Le pape Clement sixieme le fist cardinal lors ql estoit encores ieune enfant/& nauoit encores q dixsept ans, Et affin quon ne dist que cestoit mal faict au pape Clement/& quil ne pourueoyt pas bien a leglise/pource quil estoit son nepueu & de son propre sang, Il le bailla a endoctriner a de saiges docteurs & grans clerchez/& meismement au docteur Balde/qui lors lisoit & tenoit les escolles & estudes en la ville de Peruse/soubz lequel estudia si bien que aulcunesfoys quant Balde estoit doubteux de quelque doctrine science ou cas quil nentendoit assez suffisamment:il sen conseilloit aluy & luy en demandoit son opiniō:& icelle approuuoit comme legalle iuste & raisonnable, Cestuy pape Gregoire estoit doulx amyable innocēt fort humain & pitoyable:



tellement qu'il estoit ayme prise & honnore de tout le monde,

¶ En ce temps les Bandereses gouuernoient la chose publique de Rome: & se disoient & appelloient Bandereses qui est langaige de Germanie: pour les banieres qui souloyent porter aux guerres & batailles, Les decuriens & vng chascun deulx se congnoissoient par leurs signes & banieres, Et maintenant on les appelle capitaines des regions & quartiers qui sont par dessus & president aux lignes & familles, Or les princes qui ay dictz & nommez cy dessus prindrent par amblee la ville de Rege/ qui appartenoit aux vicecontes/ & dechasserent Lucie theutonique qui estoit le capitayne de la ville, Mais ilz nauoyent pas prins le chasteau de Rege par ou entra Bernabeuf/ & a force darmes il dechassa ses ennemys & recouura facilement icelle ville, ¶ Or en ce temps pendant icelles guerres des ytalles/ Perin roy de Cypre auquel son pere cestoit demis de son royaume de Cypre/ fut cause de grandes discentions & guerres entre les Geneuoys & les venitiens, Car ainsi qu'il estoit en Famagouste ou il faisoit le triumphe & pompe pour cause de son couronnement/ & que le baillie des geneuoys & celluy des venitiens: cest adire leur prefect & preuost des marchandises, Vng chascun deulx vouloit aller a la cheuauchee a coste & dextre du roy de Cypre, Il se commença si grant tumulte entre les geneuoys & les venitiens/ qu'il fut lors tue & occis grant multitude de geneuoys/ & les autres furent dechassez inuoluntiers & villemēt & le roy de Cypre se retira du coste & part des venitiens, Pour laquelle cause & iniure les geneuoys par le moyen de Pierre fregose & Domini que fregose le duc son frere/ qui ayderent aux geneuoys de quarante nauires tresmes bien equippees/ entrerēt en l'isle de Cypre avecques quatorze mille hommes qui mirent tout a feu & a sang: pource qu'on leur auoit fait violence & l'auoit souffert le roy de Cypre, Quāt le roy de cypre vit qu'il estoit destitue & delaisse d'ung chascun/ il fist paix avecques les geneuoys & leur bailla Famagoce: & par chascun an leur promist bailler quarante mille pieces d'or, ¶ Et en ce temps le legat du pape arriua en ytalie/ & fist confederation & paix avecques les vicecontes: Au moyen de quoy toutes les villes se voulurent mettre en liberte/ & ne vouloyent plus estre subiectes a leglise & seigneurie de Rome: & enuoyoient les vngs aux autres lettres & banieres/ pour & affin de se rebeller contre leglise Romaine/ & quilz vesquissent en liberte & franchise, Et les premiers qui se rebellerent & ne voulurent obeyr a leglise Romaine/ se furent les Typhernates/ lesquelz on appelle Castellās: & puis les Perusins Tudertins/ spoletins/ les Egubiens/ viterbiens/ Asculās/ & ceulx de Foroliue, Lors Astorge Manfrede occupoit le chasteau Granariole: pour quoy le legat de Boulongne y enuoya Iehan de haucut avecques vne cohorte de gens darmes, Mais les Florētins & les Boulōgnoys deffendirent Astorge Manfrede/ & dechasserēt le capitayne haucut voulāt viure dorenavant en liberte, Et quāt Haucut vit & congneut que les Fauētins se

Les geneuoys  
chassez d'au-  
pres du roy de  
cypre p les ve-  
nitiens,



De Gregoire, ccviii Pape,

rebelloyēt / il entra en la ville luy & ses gēs d'armes / & fist mettre a mort cruelle tous ceulx qui peult trouuer en la ville & qui rencontroit en son chemin, Et puis vendit icelle ville vingt mille ducatz dor a Nicolas & a Albert Dast freres: Et ce faict il occupa Bagnacualle ou il tint le demourant de son armee iusques a vng temps. ¶ Or quāt le pape cōgneut & sceut les grandes perturbations noy les debat; discentions & guerres q̄ estoient aux ytalles, Il y enuoya le cardinal de Genesue comme legat avecques six mille hommes d'armes du pays de Bretaigne / & passerēt les monts & vindrent sans faire sur les champs aucuns dommaiges au peuple / iusques au pres de Boulongne pour lassaillir, Mais quāt le legat cōgneut que les Florētins venoyent donner secours aux Boulongnoys / il differa dassaillir boulongne & fist retirer loist en Cefenne / ou passerent leur yuer, Mais il se fist si grāt tumulte en icelle ville pour le gouuernement & orgueil des Francoys / quil fut tue & occis six cēs Bretons / & le demourāt dechasse & mis hors de la ville. Mais ilz se rassemblerēt & reterrent par le chasteau en la ville / & pillerēt & mirent a mort tout ce qui rencontrerēt / & ne reseruerēt que les filles vierges & les honnestes femmes matrones. Quāt les Foroliuiens congneurent le meurtre & occision des habitās de Cefenne / ilz eurent paour & crainte que le legat ne leur fist quelque iniure ou mal / pource quilz nauoyent point de cōseil ne de gouuerneur, Pour ceste cause firent venir en leur ville les seigneurs / Synebalde pine / Iehan theobalde Ordelaques / par le moyen desquelz ilz furent tresbien deffendus des bretōs. ¶ Lors le pape Gregoire estoit fort marry & courouce des maulx quilz se faisoient aux ytalles, Et disoit q̄ paraduventure quilz se faisoient pource quil ny residoit ne demouroit point / & pour son absence icelles discentions & guerres se faisoient: & pour ceste cause il pensa assez longuement comment il pourroit sen aller demourer a Romme, Et a ce faire lemeut vng euesque / car ainsi que le pape Gregoire se pourmenoit apres soupper avecques cestuy euesque: il luy dist pourquoy il estoit si longuemēt quil ne retournoit a son euesche & eglise / disant que se nestoit pas bien faict a luy de laisser son euesche si longuemēt sans pasteur. Mais le euesque respondit au pape Gregoire & luy dist / mais toy pere saint qui doys donner exemple a tous prelatz deghse / pourquoy ne vas tu a ton euesche: cest assauoir ton eglise Rōmaine, Et lors le pape Gregoire fut esmeu des parolles de le euesque / & secretement fist pparer des nauires & galleres iusques au nombre de, xxi, sur le fleuve & riuere du Rosne qui passe deuāt la ville Dauignō / & afin quil ne fust retenu des Francoys pour cause de lemolument & gaing quauoyent que la court de Romme estoit en France il faignit daller en aultre lieu que a romme, Et fist tāt quil arriua en la ville de Genes / & puis a Cornete: & pource quil estoit fatigue & lasse de la mer il se mist a terre pour allera romme / & estoit au tēps dyuer, Et arriua en la ville de romme: lan de nostre seigneur mille troys cens soixante & six: aux ydes

Le pape Gregoire, xi. laissa le pays de France pour demourer a romme,



du mois de Ianuier: & auoit este desia pape sept ans, Et lors la court de Romme auoit este en France par l'espace de septante ans, On ne scauroit penser ne croire lhonneur triumphe & pompe que les rommains firent La ioye q̄ firent a l'entree & venue du pape Gregoire/ ne pareillement la ioye que tout le les rommains a peuple de romme faisoit, Car ilz estoient aussi plains de ioye comme se la venue du pape roit vng filz quāt il voyt reuenir son pere de loing pays ou il auroit este pe gregoire, xi longuement, La ville de Romme les murs & eglises & aultres maysons tours & chasteaulx auoyent besoing & necessite tresgrande de la venue du pape & court de romme/ car tout estoit en ruyne & cadence. Lesquelz edifices le pape fist refaire a ses despens: comme de ce appert par escript en vne tour qui fist faire qui est pres nostre damie de maiour, Les Rommains auoyent delaissē & perdu leurs bonnes conditions & meurs/ & estoient deuenus tous rustiques & barbares: combien que au temps passe ilz fussent lexemple & mirouer de toute vrbane & bonnes coustumes: tellement que de tout le monde on venoit a romme pour apprendre les conditions & manieres des rommains: pour le magnifique & excellent gouuernement & pollice qui tenoyent & faisoient garder. ¶ Le pape Gregoire mist & posa son siege en la ville de rōme: & ce faict il enuoya vng legat aux Florentins qui estoient en armes: & leur manda quilz ne refusassent point a faire paix avecques leglise rommaine, Mais les Florentins tenoyent larmee du pape pour suspecte: & afin quilz ne fussent contrainctz a faire paix: ilz firent confederation & alliance avecques Bernabeuf/ ennemy de leglise, Et oultre ilz firent tant que par argent ilz retirerent de leur party Iehan haucut capitayne de larmee de leglise: & puis ce faict il ne fut iniure ne villennie quilz ne firent & dirent au Pape, Pourquoy il les anathematiza & interdift: mais iceulx florētins & leurs allies ce nonobstant contraignirent les gens deglise de celebrer le sacrifice messes & diuin seruice, Or quant le Pape Gregoire ne peult par prieres ne admonitions faire paix avecques les Florentins il fist la guerre contre eulx, Mais premierement il fist paix avecques les Bononiens/ & fist capitayne de larmee de leglise Varranne: auquel donna grans gaiges & pension. neantmoins icelle guerre fut differee/ pource que lors les Geneuoys & les Venitiens auoyent grosse guerre ensemble, Et que Achnique a layde des Geneuoys auoit dechasse son pere Iehan empereur de Constantinoble: & auoit donne aux Geneuoys pour layde quilz luy auoient faict lisle Tenedon/ dōt furent marriez & couroucez les Venitiens Mais pour lors ilz se abstinerent de faire guerre de paour destre anathematisez par le Pape: lequel disoit que de ce nauoyent que faire rāt les geneuoys que les venitiens. ¶ Apres q̄ le pape eut faict tout ce quil apparteenoit a vng bon pasteur: il luy suruint vne grāde maladie en la vescie/ dōt il mourut la, v, kalēde du mois dapril, Il ne fut q̄, vii, ans, v, mois pape: & fut ensepuey en leglise nostre dame la nouue/ en vng sepulchre de marbre/ quō voyt encores de p̄sent, Pour la mort le peuple rōmain &

La mort du pape gregoire,

I.



De Urbain, ccix, Pape

autres pleuroient / non pas tant pource quil estoit alle de vie a trespas, Mais pour les grandes calamitez & miseres quon scauoit bien quilz viendroyent pour la discention des cardinaulx & papes qui seroyent apres, Il mourut lan mille troys cens, lxxviii,

¶ De Urbain, ccix, Pape: & vi, du nom,



Pres que le pape Gregoire fut alle de vie a trespas / le clerge & peuple de Romme courut aux cardinaulx / & les prierēt quilz voulsissent & fust leur plaisir deslire vng Pape qui fust prudent & saige de la nation dytallie / affin quil voulsist bien gouverner le glise de Romme & les crestiens / ou autre mēt seroit faict du nom foy & renommee des crestiens son nelliſoit vng bon pasteur, Les Rommains demandoient vng ytalien car ilz craygnoyēt que son esliſoit vng francoys / quil faudroit que encores vne fois

Remōstrāce  
des rommains  
aux cardinaulx  
affin deslire  
vng pape ytalien

la court Rommaine passast les montz & retournaſt en France / qui seroit le detrimēt & paourete de la ville de Romme & de toutes les ytallies: car ilz disent q̄ pour labſence du Pape les tyrans gaſtent & destruyſent tout le pays & les eglises deuient en ruine: pource q̄ les prebendes & gouverneurs ne ſi tenoyent: Et meſmement les cardinaulx qui auoient les eglises des ſainctz martyrs & les abbayes & monasteres de la ville de Romme: & pour leur abſence les eglises couuertes & murs dicelles estoient tous abbatuz & mis par terre: ausquelles eglises ou lon ſouloyt faire le diuin ſacrifice / les beſtes brutes & oyſeaulx habitent & ſe logent cōme ſe fuſſent eſtables & lieux prophanes. Parquoy il estoit biē decēt & cōuenable quen la ville de Rōme le ſiege du Pape fuſt reſident: pource que ſainct Pierre auoit delaiſſe ſon pays / ſa natiō / parēs & amys pour y demourer & faire ſa reſidence, Et lequel lieu de Romme les Papes & peres ſainctz qui y ſont enterres & enſeueliz / dont leſq̄lz ont eſte martyrs / & par leur ſang le lieu a eſte conſacre & augmente / & les autres ſont mors vrayſ cōfeſſeurs de Jeſuchriſt: au moyen de quoy les papes doyēt demourera Romme & non en autre lieu. Car par ſon abſence tant aux villes que aux champs ſe ſont meurtres / debatz / noyſes / factions / diſcentions / & tyrannies / & le patrimoyne de leglise ſe pert: tant aux ytalles que ailleurs / & eſt occupe par tyrans & mauuais peuple, Et oultre diſoyent les rommains que au moyen que le Pape ne ſe tenoyt a Romme / que la deuotion & religion des hommes estoit abolie & du tout refroydie, Et ne venoyent plus de pelerins creſtiens a romme pour viſiter les corps ſainctz & gaigner les pardons, Et tout pource que les Papes ne



se tenoyent a Rome: laquelle chose se pouoyt recouurer & reintégrer sinon qu'on esleust vng pape qui fust de la nation Dytallie, Et quant les cardinaulx eurent entendu tout ce que les rommains auoyent dict/ ilz leur firent respōce q̄ leur intētion estoit deslir vng hōme de biē a la dignite papalle/ sans aucune acceptiō de personne: comme imitateurs & a l'exēple de nostre saulueur: lequel auoit esleu ses apostres & disciples de toutes nations, Et a ceste cause quilz sen allassent & quilz eussent bon couraige: car ilz ne faysoient riēs quil ne fust a lhōneur de dieu & de leglise romaine/ & de tout le peuple crestiē, Et ce faict les cardinaulx entrerēt au conclaue en leglise saint Pierre: & pour la seurete de leurs psonnes firent mettre garnison en Vaticanē pres saint Pierre: pour obuier au tumulte des Rōmains qui vouloyēt auoir vng pape de leur nation, Quāt les cardinaulx voulurēt proceder a lelection du pape/ il y auoit treze cardinaulx Frācoys/ lesquelz vouloyent qu'on esleust vng deulx pour estre pape, Et nestoyēt que quatre cardinaulx du pays dytallie/ du nōbre desquelz vng de la lignee des Vrsins aspiroit & brigoit fort pour estre esleu pape, Mais les Frācoys le gaignoyent pource quilz estoyēt en plus grant nombre, Mais soubda ynemēt & p fortune selmeut discention & discorde entre les cardinaulx de Limosin & les aultres Frācoys: car vng chascū vouloit eslire vng pape qui fust de sa nation, Parquoy fut esleu Barthelemy archeuesque du Bar/ lequel estoit lors absent & estoit Neapolitain, Mais comme aucuns disent il estoit de Pise: & fut appelle Urbain, vi, Mais deuāt que les cardinaulx sortissent du cōclaue/ & quilz se oulassent monstrer publiquemēt/ les Rōmains voulurēt scauoir de quelle nation estoit le pape, Mais neātmoins les cardinaulx Frācoys disoyēt & maintenyēt que icelle electiō estoit frauduleuse & faicte par force: pource q̄ les Rōmains lors estoyēt tous en armes/ & cōtraignirent les cardinaulx deslir vng pape de la natiō dytallie, Et pour ceste cause incōtinēt qlz furent hors du cōclaue/ les aulcūns sen fouyrent au chasteau saint ange: & les aultres aux mōtaignes/ pour euer la fureur du peuple de Rōme, Le cardinal Vrsin sen alla & retira en Vicouare: & auoit grāde esperāce de paruenir a la papalite au moyē des discors & controuersies des cardinaulx & des rommains. Mais peu de temps apres les cardinaulx qui sen estoyēt fouyz retournerēt a Rōme & se repentirēt de ce quilz auoient fait & cōme vray pape hōnorerent le pape Urbain/ & le cōfermerent, Et ce faict pource que les cardinaulx Frācoys craignoyent le pape urbain/ ilz luy demāderent conged aller demourer hors la ville de rōme/ pour euer les challeurs & mauuais aer de rōme/ qui est fort nuyfible aux corps humains: & mesmement aux Francoys pour la peste qui y regne souuēt pour le pays qui est chault & nō tempere. Et la cause pourquoy iceulx cardinaulx sen estoyēt allez/ c'estoit pource que le Pape les auoit reprins par plusieurs foys de ne prendre argent ne dons quant ilz decideroyent ou seroyēt iuges daulcunes causes/ & sur toutes choses leur deffendoit le

Discetiō estre  
les cardinaulx  
limosins & frā  
coys

I, li,



crime de simonie, Et oultre leur auoit commande de abolir & oster les magnifiques pompes / tant en seruiteurs quen cheuaulx, Et que en ce faisant ilz despendoyent les biens de leglise & des paoures / & quil failloit mieulx les employer a faire refaire les eglises dont ilz estoient titulaires desquelles prenoient les reuenuz & delaïssoyent icelles tüber & cheoir en decadēce. Et pour ceste cause le Pape les menaïsoit de les pugnir / silz ne changeoyent leurs manieres de viure, Et oultre pource que aucunesfoys les cardinaulx francoys parloyent & desiroient que la court de Rōme retournast en France: le pape Urbain declaira publiquement quil demouroit en la ville de Romme / & que iamais ne laisseroit romme pour quelques parolles ne persuasions quon luy peust dire: car il disoit que rōme estoit le fondement de toute leglise vniuerselle & de la foy crestiēne. Quant les cardinaulx frācoys & mesmement ceulx qui auoyent acoustume de piller & prendre les tresors de leglise quāt les papes alloient de vie a trespassement / & quilz faysoient tout ce quilz vouloyēt a leur vouldente, Ilz sen allerent premierement en la ville Ananienne / & puis sen fouyrent a Fundes ou cōmencerent a mal parler & dire plusieurs maulx du pape vrbain / disant quil auoit este par force esleu a Pape & couronne & q icelle election auoit este faicte en vng lieu qui nestoit pas seur pour les cardinaulx / a cause des Rommains, Et que quāt on veult faire & eslire vng pape / on doit estre en lieu de liberte & donner sa voix frāchemēt & liberallement. Et que tout ce quilz auoyent faict sauoit este par force: pource que les Rommains vouloyēt vng pape de la nation Dyallie, Et que pour ses causes quil nestoit point pape / & que le siege de Romme estoit vaccāt, Et estoient huyt cardinaulx lesquelz estoient soustenuz & fauorisez par Iehanē royne de Naples: parquoy iceulx cardinaulx eslirent pour pape le cardinal de Genesue / qui auoit este enuoye au parauāt legat au pays Dyallie: & fut nomme Clemēt, vii, Et lors fut grāt scisme & discord en leglise de dieu / & y fut assez longuemēt: car aucuns prices crestiēs tenoyēt le party du pape vrbain / & les aultres tenoient pour vray pape le pape Clemēt. Et combiē que les cardinaulx ainsi sedicieux eussent faict vng merueilleux scisme en leglise de ce nō contents. Ilz appellerent les Bretons qui estoient aux ytalles & qui auoient prins & occupe plusieurs villes & chasteaulx de leglise de Rōme quauoient depopulez pillez & destrōpez. Et iceulx bretons en bataille ouuerte assaillirēt les Rommains & le Pape: tellemēt que a la porte Salare les Rōmains furent vaincuz / & furent les bretōs victorieux. Et fut pour cause q les rōmains sans ordre de bataille cestoiēt mis en guerre, Mais puis aps les rōmains se rassemblerēt / & en bōne ordre de bataille ou lieu dict Marine se porterēt vaillāmēt cōtre les bretons qui se deffendirēt tresbien. Mais ilz furent par les rōmains si asprement assailliz q a grāt peine reschappavng bretō / pour reporter les nouuelles de la bataille / quilz ne furent tous occis, Et ceulx qui occupoient les chasteaulx se deffēdirēt le mieulx q peurēt: & mesmemēt

Clemēt, vii,

Scisme en leglise de dieu

Bretōs descōfitz p les Rommains



le capitayne du chasteau Surianne qui tint longuement icelluy lieu, mais a la fin il le rēdit au pape Martin. ¶ En ce temps les Geneuoys mōstrerent & descouurirent leur hayne enuie & malalant quauoyent cōceue contre les Venitiens: & pour leur ayder appellerēt Loys roy de hōgrie / Francoys tarrariense seigneur de Padoue / le duc Dautriche / le patriarche Daquilee, Les venitiens auoyent a leur ayde & secours Perrin de lusignan roy de Cypre / & le viceconte Bernabeuf en la première bataille & rencontre qui fut faicte entre les Geneuoys & les venitiēs, Les geneuoys perdirent cinq nauires triresmes en la mer & riuage de Auciate: & estoit prefect & capitayne des nauires des venitiens Victor Pisan, Les Marquis de Carrete a layde de Bernabeuf occuperēt & prindrēt Albingue Naule: & chasteau franc qui appartenoit aux Geneuoys, Mais puis apres ilz firent paix & cōfederatiō avecques les geneuoys / au moyē de quoy tout leur fut rendu & restitue, Et ce faict les geneuoys mirēt en prison le duc Dominique Fregose & son frere Pierre, Et puis firent & creerent Nicolas Cualchue duc de genes: & Auria fut faict prefect & capitayne de leurs nauires. ¶ Bernabeuf viceconte auoit marrie sa fille au roy de Cypre / & icelle luy enuoya honnorablement avecques douze nauires triresmes: cestassauoir six Catelānes & six Venitiēnes / au moyē desquelles nauires le roy de Cypre assaillit Famagouste, Mais ceulx qui estoient dedans la ville se deffendirent vaillamment: tellement que le naulx gallions & nauires par tempestes & vens furent dechassez & agitez par la mer, Les geneuoys & les venitiens faysoient tousiours guerre / tāt aux haultes mers que aux inferiores & basses: car Zene qui estoit capitayne des nauires des venitiēs faysoit beaucoup de maulx aux geneuoys sur la mer tyrene, Et Luciāne auria capitayne des naulx & galleres des geneuoys occupoit la mer Adriatique / & faysoit aussi plusieurs rauissements & courses sur les venitiens dont ilz auoyēt grās dommaiges: & faisoit ses stations a Iadere qui estoit au roy de Hongrie & les venitiens ne le pouoyent auoir ne exiter a guerre: pourquoy ilz bruslerent deux chasteaulx qui estoient au roy de Hongrie: cestassauoir Catarū & Sibiniq. ¶ Et en ce temps alla de vie a trespas Galeace vicecōte, Et fut lan de nostre seigneur mille, ccclxxix, Lucian capitayne des geneuoys print au port de Pole les nauires des venitiens & les vainquit, Mais ainsi quil psecutoit & courroit apres les venitiens quilz sen fouyoient / il fut frappe dune lance dont il mourut, Et par ses moyens les deux exercices & ostz furent vaincu & victorieux / & furent menez les nauires des venitiens par les geneuoys en Iadere: ou les geneuoys creerent ou lieu de Lucian qui estoit mort / son frere Pierre auria: lequel trouua plus de deux mille hommes qui auoyēt este prins en la bataille quauoit gaignee son frere / & beaucoup qui auoyēt este noyez en la mer, Lors les venitiēs estoient assailliz par terre par les Carrariēses & leurs allies / dont say parlay cy dessus, Mais les venitiens en icelle guerre auoyent a leurs secours & ayde

Liii,

Le vicecōte  
galeace mourut  
lā mille, ccc,  
lxxxix,



Venitiens vain-  
cus p<sup>r</sup> les gene-  
uoys

Inuētiō de bō  
barde,

Albrique Barbiāne conte de Cune: Pierre Auria chief des nauires des geneuoys vint deuāt Venise avecques soixāte nauires triresmes/ & prit par force grade comacle & Caprulas/ & puis les fist brusler. Et puis mist le siege deuant Clugie / qui fut assez bien deffendue des Venitiens qui estoient dedans. Mais a la fin il la print par force ou furent tuez & occis plus de six mille hōmes/ & plus de neuf cens cinquante Venitiens prins prisonniers & furent enuoyez a Ladere. Mais neantmoins on ne fist poit de mal aux femmes ne de deshonneur. Les Venitiens furēt fort atteneuez de ceste guerre & perte de leurs gens/ & nauoyent desesperance dauoir secours ne par mer ne par terre. Apres que les captifz venitiens furent deliurez des prisons des Geneuoys/ ilz sen allerent en Clugie au prefect des geneuoys/ pour & affin de faire paix avecques eulx/ & que doresnauant ilz viuroyent soubz telles loix & statutz que voudroyent faire les geneuoys quilz les auoyent vaincus. Mais les Geneuoys qui estoient fort orgueilleux haultains & fiers dauoir obtenu si grande victoire contre eulx ne voulurēt faire paix avecques eulx silz ne se donnoyent a eulx/ & pareillement tous leurs biens. Et ce faict les Venitiens qui estoient demourez & qui gardoyent Venise/ firent faire de grādes chesnes de fer qui firent estandre deuāt les entrees des portz de la mer/ & en chascun riuage de mer furent mis troys cens hommes darmes & autāt de gēs de pied/ & puis regarderēt le plus y doine pour estre le capitayne de leur ost: & a ceste affaire estoient en diuerses & variables oppinions. Mais ainsi quilz estoient en ceste perturbation on ouyt vne voix/ & on ne scauoit ou il auoit proferee & dictē qui dist quil ny auoit qung Pisan nomme Hene qui seroit victeur des Geneuoys & qui congnoissoit leurs facons & manieres. Icelle voix ne fut pas tenue temeraire mais comme celle eust este enuoyee du ciel/ & tous fouyrent aux prisons & prindrent cestuy Pisan qui estoit prisonnier de lordonnāce des Venitiens pour cause quil auoit mal ordonne son casquāt les Geneuoys bataillèrent a Pole. Il fut mis hors de prison & fut faict capitayne des nauires des Venitiens. Les geneuoys auoyent prins tous les chasteaulx qui estoient entour & a leuiron de la ville de Venise/ & sefforcoyent de la prēdre & de entrer dedās. ¶ Or apres quilz eurent longuement assailly Venise/ Ichā Barbadique fist apprester & acoustrer de petites nauires appellees Lambes fort legieres/ au moyen dequoy il assailloyt les geneuoys & les repulsoit quilz nē trassent en la ville/ car les grādes nauires des geneuoys ne pouoyent venir ou les lambes alloient. Et en chascune petite nauire auoit deux bombardes/ qui furēt lors trouuees & inuentees par vng Theutonique/ & est appellee Bombarde/ pour le son & tempeste quelle faict quāt elle se descharge/ dont les geneuoys estoient fort molestez/ car ilz nauoyēt point acoustume de ouyr & veoyr telles bombardes/ & ne sen pouoyent garder ne deffendre: car a chascū coup que vne bombarde iectoīt vng coup elle tuoyt deux ou troys geneuoys. Les Venitiens requeroyēt Bernaboue



viceconte qui estoit leur amy quil voulist faire guerre aux geneuoyz: afin quilz fussent deliurez de si grāde calamite ou ilz estoient: car ilz nauoyent plus de viures & leurs estoient failliz. ¶ Or cestoit faict des venitiens se les geneuoyz eussent creu le cōseil de Carrariēse: cest aliauoir qui gardassent bien que ne arriuaissent viures par mer / aulx venitiens / Bernaboue eut vng peu de pitie des venitiens / & a ceste cause: il enuoya son ost & armee contre les geneuoyz / & pillerēt ses gens a lavallee Pulcephere / mais les geneuoyz luy donnerent dixneuf mille ducas affin q̄ les laissast en paix: p̄quoy les geneuoyz bataillierēt cōtre bernaboue: p̄ or & nō pas par fer / ne espee / & sen retourna bernaboue en son pays charge dor & dargēt. ¶ En ce tēps Caloiehan empereur des Grecz qui fauorisoit aulx Venitiens assailit la ville de Pere q̄ apartenoit aulx Geneuoyz / qui estoit pres Constantinoble, Mais Andronique filz de lēpereur des Grecz a lay de des Turcz: aulx quelz auoit faict aliance: il deffendit tres bien la ville car il hayoit fort les venitiens / & mit son pere en telle necessite q̄ delaisa la confederation des Venitiens / & tint le parti des Geneuoyz. ¶ Or le pape Urbain ne mettoit point sa cure ne estude de faire mettre paix entre le peuple crestien qui estoit en si grandes guerres, Mais se voulut vanger des iniures q̄ disoit / que la royne de Naples luy auoit faictes / & pour ce faire appella Loys roy de Hongrie: affin de venger la mort de son frere / & quil luy ayderoit / pourquoy le roy de Honguerie y enuoya son filz charles / qui batailloit contre les Venitiens en Teruesie / & a ceste cause les venitiens furent vng peu soulaigēz. Car lors arriua Zene prefect des nauires de venise / & assaillit si aigrement les Geneuoyz qui estoient en Clugie quon ne scauoit qui auoit plus grande necessite de viures: ou les venitiens: car vng chascun auoit clos les passaiges quon ne pouoit arriuer des viures: Pierre aurie chef des Geneuoyz fut tue dung coup de bōbarde en deffendant Clugie / dont les Geneuoyz furent fort dolens & marries. Mais en son lieu fut mis & institue Matieuroussau. ¶ Le cardinal Agapite de Colonne: requeroit & prioit aulx Geneuoyz & venitiens de faire la paix entre eulx, Mais ilz respondoyent quil nestoit pas question entre eulx de la domination / & q̄ pour ce ilz ne faisoient guerre / les vngz aulx aultres, Mais quil estoit question entre eulx de la vie & de la mort: parquoy ne voulurent iamais obeyr aulx admonitions du cardinal Colonne, Les geneuoyz furent si presse & enuironnez par les venitiens / que ne pouoyent auoir viures / & mouroyent de famine. Combien que Matieuroussau seigneur de Padoue leur en eust promis de faire mener / mais neantmoins ilz ne peult: au moyen de quoy les geneuoyz rendirent la ville de Clugie / aulx venitiens / aulx calendes du moys de Iuillet, Lan de nostre salut, mille trois cens quatre vingtz, Il fut prins en icelle bataille quatre mille geneuoyz / & en mourut plus de trois cēs quarāte / tant de faim que aultrement. Mais neantmoins les geneuoyz pour icelle bataille perdue ne laisserent a faire guerre: car ilz ammerent trēte huyt nauires tri

Les geneuoyz  
dōnerent, xix,  
mille ducas a  
Bernaboue af-  
fin que les lais-  
sast en paix,

Responces des  
venitiens & ge-  
neuoyz au car-  
dinal de Colō-  
ne,

M,ccc,lxxx,

I,liii,



L'accord fait  
p le duc de Sa  
uoye entre les  
Geneuoys &  
venitiens,  
M,ccc,lxxxi,

Loys Danion  
descendu au  
Italles,

resmes/ & contraingnirent les Tergestines qui estoient subiectz aulx venitiens / de obeyr au patriarche Daquillee, Et oultre prindrent Iustino-  
pole: & nō pas la tour, Et puis en grosse armee vindrēt encōtre vne foys  
deuant la ville de venise/mais ilz netrouuerent nulli/qui les vouldist cō-  
batre: pourquoy sen allerent en Istre/ & prindrēt par force la ville de Po-  
le/ & puis la bruslerent, Les venitiens/ & les geneuoys auoyēt lors eu gros-  
ses guerres ensemble/ dōt vng chascun peuple estoit fort trauaille/ & las-  
se: & a ceste cause le duc de Sauoye fist la paix entre eulx/ p telle maniere  
& forme, Les octaues Calēdes du moys de Septēbre. Lan mille trois cēs  
quatre vingtz & vng, Cest assauoir que les venitiens bailleroiēt par chas-  
cun an au roy de Hongrie sept mille pieces dor: & par tant ne souffreroit  
aucuns pyrates en Dalmace/ & que ne permettroit y faire du seel: & que  
lacort fait en Foroiule: avecques le patriarche Daquillee auant la guer-  
re encommencee demouroit en son entier & force, Et que les geneuoys/  
& les venitiens delaisseroient vng chascun deulx aller frāchement sains  
& saulues/ les prisonniers qui auoyent este prins aulx guerres dung chas-  
cun coste, mais il ne fut point fait demētion des pilleries que vng chas-  
cun peuple auoit fait les vngz aulx aultres: / & furent abbatuz les tours/  
chasteaulx qui estoient sur les fleues/ & furēt mises & apposees bornes  
entre padoue & venise. ¶ Ce pēdāt Charles filz du roy de Hōgrie estoit  
venu descendre en Itallie avecques huyt mille hommes darmes pour as-  
saillir & faire guerre a la royne Iehanne: par lennortement du pape Ur-  
bain: il prinst premierement la ville de Aretie/ & la mist en sa subiecti-  
on: puss il sen vint contre les Florentins/ mais il fut rechasse & reculle p  
Iehan haucut qui lors estoit a estaige/ mais ce neantmoins les Florētins  
eurēt paour que ne peussent sonstenir ne venir a bout de la puissance du  
roy Charles: parquoy firent paix avecques luy en luy baillant quarante  
mille ducats dor, Et ce fait le roy Charles vint a Romme: pour saluer le  
pape/ & puis vint au royaume de Naples: ou apres quil eut vaincu les  
ducz & capitaines de la royne Iehanne/ les cytoyens de Naples se rendi-  
rent: Or ainsi quil faisoit assaillir la royne Iehāne qui estoit au chasteau  
neuf/ les Aretiens Guelphes se rebellerent & contraingnirent Iacques ca-  
razolle cytoyen de Naples lequel auoit este enuoye de par le roy Char-  
les: pour faire cesser les tumultes & discors: se retirer au chasteau avecqz  
les Gybellins, Cestuy Iacques vouloit que les gybellins & les guelfes  
eussent en la ville pareille preeminence les vngz/ comme les aultres,  
¶ Et lors Loys Danion parent & lignagier des roys de France/ estoit ve-  
nu & descendu aulx Italles avecques trēte mille hōmes darmes/ & estoit  
desia au pres de Boulongne: il estoit venu pour la cause de lantipape cle-  
ment qui lauoit en horte de venir/ pour expulser le pape urbain / & non  
seulement pour ayder & secourir la royne Iehāne qui estoit assiegee au  
chasteau neuf de Naples/ parquoy Charles de Hongrie quant il sceut q  
les Francoys venoyent ou secours de la royne Iehāne il appella & fist ve-



nira luy & a son ayde Albrique / & Ferrebac a la requeste & priere du pape vrbain , ¶ Les Florentins enuoyerent Iehan de Haucut aussi au roy Charles, Loys Daniou auoit tant faict par ses iournees quil estoit venu iusques au fault de Casinense: ou il attendoit encores douze mille hommes oultre ceulx quil auoit menez vindrent / & entrèrent aulx Italles / & en estoit chef & cappitaine Adegrane / & sen venoit par le pays de Lucques / Elorance / & Senes / & vindrent iusques en la ville de Arete / & icelle ville pillerent, Mais le chasteau & tour se deffendoit fort cõtre les frãcoys: car les Guelphes estoient dedans en garnison: laquelle ville apres quelle fut assiegee: par quarante iours / ilz se vouloyent rendre neust este que Loys Daniou mourut lors: pourquoy Adegrane vendit la ville de Arete aulx Florentins, Et puis sen retourna en France, Les cheualliers de Loys Daniou: quant se virēt sans chef ne capitaine: pour la mort aduenue a Loys leur duc: ilz sen retournerent deulx trois ensemble: en france comme paouures mendyans: & assēs mal acoustrez, ¶ Apres que le pape vrbain se vist estre deliure de la paour quauoit des francoys: il sen alla a Naples & requist au roy Charles que creast / & fist son nepueu prince de la Campanie: laquelle chose ne voulut faire le roy, Il le menassa & iuria fort: parquoy le roy fut si ire & courrouce cõtre le pape quil nosoit sortir ne aller publiquement: pource que le pape auoit mis garde partout pour le prendre, Mais le pape dissimula icelle iniure: iusques a vng temps, Le pape prit cõge du roy Charles / & sen alla en Nucerie pour eiter les chateurs: cõme il disoit, Et ce faict il fist sept nouueaulx cardinaulx & puis fist prendre sept aultres vieulx cardinaulx & les fist constituer & mettre en prison / & leur mettoit assurs quilz auoyent conũre contre luy / & que soustenoyent le parti du roy Charles / & de Clement antipape, Et pour ceste cause il commença a faire le proces contre le roy charles: apres quil leur faict citer & adiourner de comparoir par deuant luy, Mais a la citation / & adiournement / le roy charles fist telle responce quil viendroit & de brief: pour se lauer des faulx crimes & faitz quon lu y mettot assus: non pas par proces ne parolles / mais par force darmes: pourquoy le roy charles arriua deuāt Nucerie en grosse armee / & y mit le siege: dõt fut esmeu & courrouce Raymond balcianne / de la lignee & famille des vrsins filz du conte de Nole / que depuis fut prince de Tarēte print le pape vrbain / & toute sa court & les fist mettre en galeres sur mer: pour les mener en la ville de Genes: & apres que le pape fut arriue a Genes: il fist prendre les sept cardinaulx q̄ auoit raict mettre prisonniers & les fist coudre & mettre en cinq sacz: & puis les fist iecter en la mer ou furent noyez, ¶ Apres que Loys roy de Hongrie fut mort les princes de Hongrie enuoyerent vne ambassade par deuers charles affin que sen vint au pais / ce quil fist, Mais ainsi que ne pensoit en aucun mal / & mettoit peine de mettre police & bon gouuernement au royaume de Hõgrie: il fut decapite / & ce fist faire la royne Iehanne, Lan mille trois cens quatre vngt & cinq,

La mort de  
loys duc  
Daniou,

La cautelle du  
pape vrbain,

M,ccc,lxxxv,



De Boniface, ccx. Pape,

¶ Quant le pape vrbain eut este vng an en la ville de genes il sen partit de genes/ & sen vint p Lucques/ & Senes iusques a Peruse / & apres quil eut conferme lestat de leglise il faingnit auoir desir dallerueoir le pais de Naples: mais la verite estoit quil ny alloit q affin de faire quelque trouble a Ladislac qui estoit ieune enfant/ & a leha son frere filz / & heritiers de charles touchant le royaume de Naples, Mais il ni peult riens faire: pourquoy sen retourna a Romme ou il fut receu au plus grant honneur quon receut iamais pape / & pource quil congneut que les Banderes luy vouloyent dōner & faire quelque mauuais tour il abolit leur estat & of fice, Il crea en vng iour, xxix, cardinaulx du nombre desquelz estoient trois Rōmains: & le demourāt estoient tous Neapolitains, ¶ En ce tēps les florentins q ne demādoiēt qua dominer/ prindrent part/ ruses/ & cauetelles deux chasteaulx de lancienne seigneurie & dominiō des Senois, Cestassauoir Policienne/ & Pucianne/ & les rendirent subiectz a eulx. ¶ Or le pape Vrbain qui nauoit riens faict en son temps qui fust digne de memoire/ mais tousiours auoit este mal heureulx, alla de vie a trespas en la ville de Romme/ & y fut enterre/ en leglise saint Pierre / & ne fut guieres ploure du clerge/ ne du peuple: car cestoit vng homme rustique & non pitoyable: on voit encores a p̄sent son sepulchre faict de marbre/ asses emplement faict: & pareillement son epitaphe rustique, Il fut pape vnze ans/ & huyt moys,

¶ De Boniface, ccx, pape, Et, ix, du nom,



M,ccc,xxx,  
& ix.

Oniface pape, ix, du nō: estoit du pays de Naples: au parauant il auoit a nom Pierre Tomacelle, Il fut cree & esleu a la dignite papalle a Rōme/ du consentement de tous les cardinaulx, Lan de nostre seigneur. mil le trois cēs quatre vingtz & neuf, Il nauoit que trente ans ou enuiron: quāt il fut esleu pape, Mais il y vesquit saigemēt sans estre reprins tache/ ne soulie daulcū vice / ne luxure: combiē que en son ieune aage il sembloit qui eust mue sa ieunesse/ en vieillesse: Il estoit de si grant conseil que tout le peus

ple de Romme luy donna auctorite & puissāce de eslire luy seul toutes les offices de Romme, Il fist refaire le chasteau saint Ange qui est en la molle de Adrian: qui est au pres du pont du fleue du Tybre par ou on va a saint Pierre, Galeace viceconte lors faisoit guerre contre les florētins & les Boulongnoys: & estoient ses chefs & capitaines de son armee & ost Iehan Vbaldine/ & leuesque Petremale: lesquelz destruisoyent/ & gastoyent tout le pays des florentins vers la vallee de Arne, Et Iacques



Vermes gастоit le pays des Boulongnoys / & fist beaucoup de maux a la ville & cōte de Boulongne. ¶ A ceste cause les florentins / qui sont gens qui se gardent bien & sont fort curieulx de leurs affaires, Ilz enuoyerent au secours des Boulongnoys: qui estoient leurs amis & aliez Iehan haucut / Charles filz de Bernabeut: & Anthoine Scalle avecques quatre mille hommes d'armes & deux mille hōmes de pied, Et oultre sollicitèrent par messagiers & lettres Estienne de baueres / auquel francoys filz de frācoys Carrauenſe ſen estoit fouy / quāt Galeace print Padoue & mist son pere frācoys prisonnier, Et avecques ce les florentins enuoyerent querir a leurs despens le conte Darminac: parquoy francoys Carrarienſe le ieune par la faueur des Venitiens ſecretemēt entra en habit diſſimule / en la ville de Padoue / & ioyst dicelle ville / & incōtinent le duc de bauieres y entra apres / & assaillirent le chasteau. quant ceulx de Verōne virent les permutations: ilz dechasserent la guarnison de viceconte / & appellerent a leur ayde & pour leur gouuerneur Anthoyne Scalle, Mais il mourut ce pendant en Heturie / & nauoit laisse pour son heritier que vng ieune petit enfant: parquoy se repentirent de ce que auoyent faict / & appellerent vgolote blancarde: lequel estoit au pays de Cremōne / avecques loſt & exercist de Galeace, Mais pour la faulte & grande coulpe qu'auoyent faicte payerent ie ne ſcay combien de mille ducas dor, Incontinent que le capitaine blancarde entre luy & ses gens d'armes / en la ville de veronne: il ne peult empescher ne garder ses gens que ne pillerēt la ville de veronne qui estoit opulente & riche, Mais trois iours aps la femme de Galeace eut pitie de la pillerie qu'on faisoit en la ville de veronne: parquoy trois iours apres fust prohiber / & deffendre de ne plus piller / ne faire mal en la ville, Le duc de bauieres se complaignoit que les florentins ne le vouloyent point payer de ses gaiges: q̄ luy auoient promises: parquoy il delassa a assaillir le chasteau: & tour de Padoue / & ſen retourna en son pais de Germanie, Mais ce neantmoins les florentins enuoierēt Albert Daſt qui long temps auoit que auoit hayne cōtre Galeace / & Iehan haucut: lesquelz firent tant que ceulx de la tour & chasteau se rendirent, Et lors estoit desia venu aulx Italles le Conte Darminac avecques vingt mille hommes qui estoient souldoyez par les Florentins / & le cōte Darminac auoit prins p force Castellace / & icelluy desmoly: pourquoy Galeace fut contrainct de appeller / & faire venir son ost contre les Armignars: lesquelz estoient aulx faulx bourgz de Myllā en menassant les Myllannois de les mettre tous a feu & a sang / & y fut assēs longuement bataille / & dura icelle bataille si lōguement que loſt des Italliens & de Galeace vint par derriere sur loſt & exercist du cōte Darminac qui ne se doubtoient de la venue / & a ceste cause la bataille fut fort cruelle / & y furent tuez & occis beaucoup darminarz / & y fut blesse le conte Darminac en icelle bataille: parquoy fut prins prisonnier: mais il mourut incōtinent du coup qu'auoit eu en la bataille, Et oultre furent prins Rainault Lana



Gambecourte  
& sa famille  
furent occis,

Louange de  
Albrique,

Iehan galeace  
print le tiltre  
de Myllan,

figiace/ & Iehan Ríce Cheualliers Florentins qui auoyent amene le cō  
te Darminac en Itallie, ¶ Apres q̄ Galeace eut gaigne la bataille & que  
il eut victoire des Arminac: il enuoya vne partie des ses gens darmes cō  
tre Iehan haucut ca: i aine des Florentins: Mais quant les Florentins vi  
rent quil nestoient pas les plus fortz ilz appellerent leur capitaine Hau  
cut, ¶ Mais puis apres le pape Boniface fist la paix en la ville de Genes  
entre Galeace/ & les Florentins, Mais quāt le pape eut destainct vng feu  
il sen alluma vng aultre: car lors pierre gambecourte seigneur de pile fut  
tue & occis ses enfans/ & tout son conseil par Iacques Appiane scribe pu  
blique/ & obtint la domination/ & seigneurie de Pise, ¶ Apres que Al  
bert Estence fut mort/ Accius qui estoit de la lignee Estēce/ & qui auoit  
expulse & dechasse du pays long temps auoit, Et par laide des contes de  
Cunes vouloit recouurer & auoir sa terre & seigneurie, Mais les tuteurs  
de Nicolas filz de Albert se mirent en armes contre luy / & promirent a  
Iehan conte de Cunes deux chasteaulx, Cestassauoir Lucien/ & Consili  
ce: sil vouloit tuer & occire cestuy Accius: laquelle chose le conte Iehan  
& pour les tromper il fist occire vng homme semblable a Accius, Mais  
puis apres quil eut les deulx chasteaulx/ & quil eut mis garnison dedans  
il fist monstrier & apporter publiquement Accius: car Albrique natif &  
venu dicelle famille neust iamais commis vng tel meurtre & occision:  
car les Italliens le extollerent & en dirent plus de bien / que ne firent ia  
mais de tous leurs ducz/ chefs/ de guerres/ & capitaines, Il leur mōstra pre  
mierement comment ilz se debuoyent gouuerner en guerre/ & porter les  
armes: car ilz les auoyent delaissez: long temps auoit / & en estoient tous  
desacoustumez: au moyē de quoy ilz se sont tousiours deffendus de leurs  
ennemys: tant familiers que estrangers, Au parauant quāt les Italliens  
vouloyent faire quelque guerre entre eulx: ou contre quelque aultre na  
tion: ilz souloyent appeller pour faire leur guerre/ & estre leur chef & ca  
pitaine/ Cheualliers & gens darmes estrangers, Mais soubz la banniere  
& estandart de Albrique/ ou estoit painct saint gregoire: ilz assembloit  
tant de gens darmes quil vouloit: au moyen de luy les bretons qui auoy  
ent destruit & gaste la prouince des Italles/ & chasteaulx de leglise Rom  
maine/ furent mis a mort, Et pareillemēt les Theutoniques/ & puis aps  
les Angloys furent dechassez des Italles: pour leur mauuais gouuerne  
ment. De luy son venus les bons cheualliers brachianes & Sforcianes p  
le moyen force & vertu desquelz les Italles ont este gouuenees / & bien  
deffendues en paix & tranquillite contre les ennemis, ¶ En ce temps  
Clement septiesme antipape mourut, Et en son lieu les Cardinaulx qui  
estoyent cause dung si grant scisme/ esleurent pour estre pape/ en la ville  
Dauignon pierre lune/ & lappellerent benoist, xiii. Et lors succeda a lē  
pire des Rommains Vencelaus filz de Charles qui fut tue & occis / & de  
luy Iehan galeace viceconte print le tiltre de la duche de Myllan par le  
moyen de pierre philarge archeuesque de Myllan: qui fut en ambassade



par deuers Vencelaus: pour Iehan galeace, Cestuy archeuesque depuis Le commande-  
 paruint a la papaulte / & fut appelle Alexandre cinquiesme, ¶ Apres q ment de la du-  
 Iehan de Haucut duc & capitaine de Florence fut mort / & enseuely en che de myllan  
 la ville de florence, Iehan galeace duc de Myllan enuoya Albrique avec  
 ques vng ost & exercist: affin de mettre paix entre les florentins / qui fai-  
 soient guerre au tyrant Applanne qui occupoit la ville & seigneurie de  
 pise: les chefs de guerre & capitaines de l'armee du duc de Millan cestoit /  
 Paul / Vrsin / Cecole / Brolia / brandoline / Paul sabelle / & Lucas Cauale:  
 lesquelz tous ensemble mirēt & poserēt leur siege en leglise & monastere  
 des chartreulx pres la ville de florence: & faisoient tous les iours de gran  
 des icursions pilleries / & rapines / & mettoyēt le feu en plusieurs lieulx  
 des terres & seigneuries des florentins & gastoyent tout le pays de floren-  
 ce, Et estoit lan de nostre seigneur Iesuchrist, Mille trois cens quatre  
 vingtz / & dixsept, auquel temps le pape boniface cestoit transporte en la  
 ville de Peruse: pour faire & mettre paix entre les nobles / les plebeians /  
 & peuple commung, Mais neantmoins que le peuple eust promis & bail-  
 le la foy au pape: que ne feroient riens aulx nobles & gentilz hommes de  
 la ville: ce neantmoins en la presence du pape se mirent en armes / & tue-  
 rent plus de quatre vingtz des plus grans seigneurs de la ville, Et firēt &  
 constituerent en la ville de Peruse les principaulx gouverneulx / & sei-  
 gneurs, Cestassauoir / byorde / & Micheloton / gens de vil estat / & basse  
 condition: pquoy le pape sen partit de peruse & sen alla a Assisie duquel  
 lieu il enuoya ses orateurs mander au vicecōte galeace: quil eust a delaiss-  
 ser la ville de Mantue / laquelle par terre & par eue lauōit assaillie,  
 ¶ Peu de temps apres Jacques Appian mourut / & luy succeda son filz  
 gyward / mais pource quil ne pouoit gouverner ne estre maistrē & seignr  
 de la ville de Pise / pour les florentins qui y mettoient discentions: il vē  
 dit icelle ville de pise a galeace viceconte / & retint pour luy seullement  
 le chasteau & bourg de plombin: pour luy / & pour les siens, Et fut lan de  
 nostre seigneur Iesuchrist mille quatre cens & vng, ¶ Apres que Lan-  
 thedesche eut meurtri / & mis a mort par guet a pencee byode lung des  
 deux gouverneurs de la ville de peruse: les perusins voulurēt viure en li-  
 berte / & pource que le vicaire du pape boniface les vouloit mettre en la  
 subiection de leglise: ilz se donnerent au viceconte galeace: lequel deulx  
 moys apres faulcement & a faulx tiltre / il occupa boulongne / & Luca-  
 ques: dont les Florentins eurent grant paour & disoyent que cestoit fait  
 de eulx & que ne regneroyent plus guieres se le vicecōte galeace ne mou-  
 roit, ¶ Lors les ambassadeurs / & messagiers de la ville de Romme vīn-  
 drent par deuers le pape boniface qui estoit en la ville de Assisie luy re-  
 querir que ce fust son vouloir & plaisir de retourner a Romme / pource  
 que lan du Iubile aprochoit, aulx quelz le pape boniface respondit & dit  
 que nen feroit riens & quilz sen pouoyent bien retourner, combien que  
 ne demandoit aultre chose que de y aller / en leur disant que nauoyent

K.i,

Le pays de flo-  
 rēce fut fort p-  
 secute de guer-  
 re,  
 M,cccxcvii.

La ville de pi-  
 se fut vēdue a  
 galeace,  
 M,ccc, lxxxi.



Lan du Iubile  
M,cccc,

L'inuention &  
vsaige des an-  
nates sur les be-  
nefices de le-  
glise,

Ladislaio roy  
de Naples,

voulu recepuoir les Senateurs qui auoyent este esleus par luy, mais ilz auoyent institue des Senateurs qui nestoyent pas ydoynes/ne fouffisans/& que se gouuerneroyent par les conseruateurs Bandereses:& faysoient tout ce quil ordonnoyent/& vouloyent, Lors les Rommains promirēt au pape de abolir oster & destruire du tout les Bādereses:& a la faueur du pape fut receu Senateur de Romme Maleteste filz de Pandulphe homme saige & prudēt, Et oultre baillerent de largēt au pape boniface: pour faire ses despens en venant a Romme:parquoy le pape vint a Romme & fut du tout seigneur & dominateur de Romme, Lan du Iubile commanca Lan mille quatre cens, Et vint a Romme pour gaigner le Iubile innu merable peuple de toutes regions, ¶ Les Forentins qui ne demandoient que de diminuer & affoiblir la force de Galeace: & pour ce firent venir Robert duc de bauieres qui auoit este subrogué & esleu par les eslecteurs de lempire:ou lieu de Vecelaulx de boesme:pource que estoit vng homme ignare lache/& non congnoissant aulx faitz darmes, Mais les Florentins auoyent faict vne telle paction & conuenance avecques icelluy robert que ne debuioit point recepuoir argent que ne fust venu iusques en la duche de Myllan, Apres quil fut arriue aulx champs de bresse ou il receut vne partie de son argent:il batailleoit cōtre larmee de Galeace, Mais il perdit la bataille/& son fouyt en Tridente/& ne le peurent retenir les Florentins:ne les venitiens pour quelques promesses quilz luy peussent faire:que ne sen retournaist en Germanie, ¶ En ce temps le pape boniface trouua le p̄mier linuention des annates/& ce fist pour la paour & crainte quil auoit du viceconte Galeace pour sa puissance que lors auoit:ou il le fist pour auarice & couuoitise quil auoit de augmenter leglise & domination de leglise rommaine, Icelle annate estoit vne impositiō sur les benefices de leglise, Et vng chascun qui obtenoit vng benefice payoit a leglise rommaine le reuenu de la moytie que valloit le benefice, ¶ Aulcuns ont escript que les annates furent inuentez & trouuez par le pape lehan,xxii,vng chascun approuua icelles annates/fors & excepte les Angloys:qui disoyent que les annates ne se debuoyent payer:que des eueschez seullement/& non pas des aultres benefices, Mais ce nonobstant le pape assembla par ses moyēs & cautelles subtiles/de grans trefors, Et ce fait il fist restituer au royaume de Naples Ladislao:qui estoit ieune enfant:filz de Charles roy de Naples: combien que lors icelluy royaume fut occupe par aulcunstyran & aultres qui tenoyēt le royaume de Naples & faueur de Loys Daniou. & affin que plus hōnestemēt le pape fist icelle restitution, Il abroqua la priuation du royaume de Naples:que auoit este faicte p le pape Urbain sixiesme de la personne du roy Charles pere de Ladislao/& enuoya le pape boniface le Cardinal de Florence iusques en la ville de Gayette:qui estoit seule demouree en la foy de Ladislao/& en ce lieu y fut trouue par le Cardinal, ¶ Apres que lempereur robert sen fut retourne au pays de Germanie:le vicecōte galeace



fist guerre contre Iehan bentiuole: pource quil auoit mis en sa puissance & subiection la ville de Boulongne, & auoit dechasse la garnison de Galeace, ¶ Or en lost & armee de Galeace estoient Frâcoys Gonzage Albrigue / Pandulphe / Maleteste / Ottobon rouge cytoyen de Parme: dôt furent fort esbays les Florentins / & a ceste cause ilz enuoyerent Bernadô ne duc & capitaine de leur ost & armee pour secourir bētiuole / & les boulongnois, ¶ Or quant ceulx qui estoient dedans boulongne virent venir le secours des Florentins / ilz furent si hardis quil sortirent de la ville contre larmee de Galeace / & tellement se rencontrerent que dung coste & daultre il se deffendoyent asses vaillāment: mais les florentins & boulongnois furent vaincus / & furent tuez & occis en icelle bataille tous les hommes darmes & cheualliers / & le duc bernadô / & y fut prins Jacques Carrarie. Mais il fut garde par les prieres de Francoys Gonzage, Quant Iehan bentiuole vit quil auoit pdu la bataille: il sen fouyt avecques peu de gens dedans la ville de boullōgne / & ainsi quil la deffendoit des ennemis qui lassailloyēt: il tomba au mellieu de ses ennēmys: & pource quil ne peult estre prins vif: on luy couppa la teste, Et ce faict Galeace iouist lors paisiblement de la ville de Boulongne / sans quil y eust aulcun qui y mist empeschement: parquoy les Florentins eurent grant paour, Mais peu de temps apres Galeace alla de vie a trespas dune fiebure en la ville de merengue: au moyen de quoy les florentins furēt deliurez de la paour quilz auoyent du duc Galeace: au paruāt sa mort / il aparut au ciel vne comette qui signefioit sa mort, Et fut Lan Mille quatre cens & deux, ¶ Apres que Galeace fut mort toutes les villes de Itallie se rebellerent / & plusieurs tyrans qui auoyent este expulsez / & dechassez des villes / & Chasteaulx que aultre foys auoyent occupez par force & violence / ilz les reprindrent, Les factions des Gybellins & des Guelfes recommencerent leurs debat / qui auoyent desia demoure aux Italles par lespace de deux cens ans dont le pays en estoit grādement gaste & dommaige, ¶ Lors Albrigue fut appelle par le Pape Boniface / & par Ladislao roy de Naples / & fut faict & constitue Cōnestable du royaume de Naples pour & affin de ayder a gouuerner la gendarmerie de Naples / de cestuy Albrigue sortit deux factions, Cest assauoir deux manieres de gens darmes qui estoient fort vaillans aux faitz de laguerre / Les Brachians / & les Sforcians: car quant aucuns estoient oppressez ou auoyent guerre ilz appelloient a leur ayde & secours: les brachians & pour les scourir: & les parties contraires souldoyent les Sforcians: & par tant na este riens faict par soixante ans au pays de Itallie / que icelles deux factions ny fussent / ou dung coste ou daultre, ¶ Albrigue fist tant au royaume de Naples que Ladislao fut paisible de tout le Royaume de Naples, Mais peu de temps apres les Hongres enuoyerent querir Ladislao: pource quil luy apartenoit le royaume de Hongrie / & incontinent se partit du royaume de Naples auant quil eust receu la foy & hommaige des princes: par

K.ii,

La mort du  
duc galeace,  
M,cccc,&ii,

Albriq cōne  
stable du roy  
aulme de Na  
ples,



Le pape Boni-  
face mourut  
Lan, iiii, cccv

Tamburlane  
menoit le roy  
des Turcs en  
chefne de che-  
fnes de fer,

Du prestre ha-  
bille de blanc  
portoit vng  
crucifix qui  
plouroit pour  
les pechez du  
peuple crestie

quoy incontinent quil fut en ladere: laquelle assiegea & prinist & puis la  
vendit aulx Venitiens / tous les princes de Naples se rebellerent / au moy-  
en de quoy il retourna a Naples / & dechassa lors les princes / & aultres  
gentilz hommes qui ne vouloyent obeyr, Et entre aultres il fist punir fort  
cruellement la lignee & famille de ceulx de Seuermate: car il les fist tous  
mourir par diuers tourmens, ¶ Lors le pape boniface fut fort mallade de  
douleur d'ung costé dont alla de vie a trespas, Lan de sa papaulte quator-  
zieme & neufmoy, Lan de nostre seigneur Iesuchrist. Milie quatre cés-  
& cinq. Il fut enseveli en leglise monsieur saint pierre / en vng sepul-  
chre de marbre painct: lequel on voit encores de present avecque de bel-  
les gentillestes qui sont tout entour: qui demonstrent quil auoit faict fai-  
re beaucoup de belles oeures / & edifices: comme en la Molle Adriane  
ne / au capitolle / au pallays saint Pierre, ¶ Cestuy pape fut fort magni-  
fique & plain de gloire: se ne fust quil obtemperoit fort a ses parens / & af-  
fins: au moyen de quoy il auoit este soulie / & tache / & acquis mauuais  
bruit: par le moyen de ses parens: il se faisoit a Romme de grandes symo-  
nies contre droit & raison: publiquement a Romme on vendoit les par-  
dons & indulgences: parquoy on ne tenoit compte de la puissance aucto-  
rite & clefz de saint Pierre / ne pareillement des lettres apostoliques / &  
bulles, Il seroit beaucoup mieulx & plus prouffitabel a leglise Rommai-  
ne / se les papes dechassoyent dentour eulx leurs parens: en leur assignant  
ou donnant quelque bien pour viure, ¶ Et mesmement en ce temps que  
apres que Tamburlane estoit alle de vie a trespas: lequel auoit vaincu les  
Turcs & menoit leur roy: comme prisonnier en chesne de grosses ches-  
nes de fer: la ou il vouloit / & auoit laisse les Armeniens / Perses / Assiriens  
sans gouuerneur: parquoy facilement les crestiens pouoyent recouurer  
la sainte ville de Iherusalem: & le saint sepulchre, ¶ Mais le pape bo-  
niface faisoit bien le contraire, car vng an deuant le Jubile descendit des  
montaignes, Et vint aulx Italles vng prestre & auoit avecques luy gran-  
de multitude de peuple: comme lay ouy dire a mon pere qui lauait veu /  
Il estoit vestu de linge blanc & estoit fort modeste / & doux en ses parol-  
les, Incontinent quil fut arriue aulx Italles hommes / & femmes le sui-  
uyent tous habillez de blanc: tant nobles hommes / bourgeois / cytoyens /  
gens de labour seruiteurs / femmes / chamberieres / & aultres sans auoir  
esgart plus aulx vngs que aulx aultres / & la ou la nuyt les prenoit / ilz se  
couchoyent & reposoyent: comme font bestes brutes: ilz mengoyent pu-  
blicquement / & leur donnoit on des viandes assez largement: car il sem-  
bloit a ceulx qui les donnoyent quil faisoient sacrifice a dieu de ce faire,  
¶ Cestuy prestre vestu de blanc portoit deuant luy vng crucifix: lequel di-  
soit quil plouroit souuent pour cause des pechez du peuple, Et quant ce  
auenoit quil plouroit tout le peuple qui le suiuoit commancoit a crier a  
haulte voix misericorde & requeroit pardon de leurs pechez & offences  
que auoyent faictes enuers nostre saulueur & redempteur Iesuchrist!



& disoyent des louanges de la vierge Marie / & des hymnes qui estoient assez pprement faictz & cōposez: par cestuy prestre: ilz passerēt par flāmīne / Hetrurie / & Picene / & par tout le pays pou passoyent / nō pas seulement le peuple / mais les euesques & princes du pays en auoyēt grāde estimation / & le reputoient pour saint homme. Il se reposa en la ville de viterbe pource qu'il estoit las & fatigue: pour les grans chemins que auoit faitz. Il disoit qu'il yroit a Romme pour veoir & visiter les saintz lieulx & corps saintz de Romme. Mais le pape Boniface eut paour qu'il y eust de la iuspection en ce prestre: & que ou moyen du peuple & faueur qu'il auoit ne fust esleu pape. A ceste cause il enuoya des gens darmes en Viterbe qui prindrent icelluy prestre & le menerent a Romme au pape Boniface. ¶ Aulcuns ont dit que le pape luy fist bailler la question & gehēne: & que au moyē dicelle il dit & declaira la fraulde qu'il vouloit faire: parquoy le pape Boniface le fist brusler. ¶ Et les aultres ont escript q'en cestuy prestre n'auoit point de fraulde ne de mauuaise. Mais que le pape l'auoit faict prendre & puis brusler par enuie pour faire abolir sa bōne vie / & renōmee. Mais sil est vray dung coste ou daultre dieu le scait: pour la grāde multitude du peuple qui vint a rōme de tous pays / & regions: il y en eut grāde peste dont plusieurs moururent. Mais neātmoins que les Italles lors fussent entachez & polus de tant de maulx & perturbationz. Il y aduint vng grant bien: car Chrizoloras de bizāce vint demourer aulx Italles qui monstra & manifesta la science & lettres Grecques & y tint les escolles: & furent ses disciples & escolliers. Cestassauoir Guerīn Victorin / Philelpe / Ambroyse moyne / Leonard Aretin / & Charles / & plusieurs aultres qui furent grans clerchez en la langue latine / & pareillement aussi en langue Grecque. Et depuis monstrerent / & manifestrent leur science & doctrine publiquement aulx Italiens & aultres diuerses nations.

Le pape Boni-  
face fist brus-  
ler le prestre  
blan,

Chrizoloras,

¶ De Innocent, ccxi, pape, Et, vii, du nom,



Innocēt pape septiesme du nom: estoit du pays Sulmonnense: on l'appelloit au parauant Cosmate: il estoit cardinal prestre de sainte croix. Il fut faict & cree pape a Rōme au temps que toutes les Italles estoient en tumultes guerres & discors: aps la mort de Iehan Galeace qui auoit delaisse deux de ses enfans viuans. Cestassauoir Iehan marie filz aisne qui eut la duche de Myllā Et phelippes marie puisne / eut la seigneurie de pauie. Mais les aultres cytez & villes qui estoient au nōbre de, xxv, qui estoient

K.iii,



Francoys gon-  
zague duc & ca-  
pitaine de lar-  
mee des veni-  
tiens,

La fuite de frā-  
coys Carrariē-  
ce,

de la duche & vicecôte se rebellerent & ne vouloyent estre plus en sa sub-  
jection des vicecontes: car paul Guinise cytoyen de Lucques: vsurpa la  
seigneurie & domination de Lucques: & Frācoys Carrariēse print & vsur-  
pa Veronne, Bresse / Bergame / & Cremonne a layde des Guelphes: &  
puis manda par messagiers & lettres a Francoys Gonzague que voulist  
tenir son parti & faire confederation avecques luy / ou autrement il le te-  
noit pour son ennemy & que se repentiroit se ne faisoit societe avecques  
luy. Lors francoys gonzague delibera de ne rendre responce iusques a ce  
quil eust ouy les ambassadeurs des venitiens lesquels scauoit bien quilz  
estoyent en chemin & voye: pour venir par deuers luy. Lors les cytoiens  
de la ville de vincence se donnerent aulx venitiens: car ilz ne vouloyent  
point estre subiectz a Francoys Carrariēse: quant les venitiens eurent  
prins la domination & garde de la ville de vincence: ilz maderent a frā-  
coys Carrariēse: que ne voulist plus exiger ne mettre sus aucuns im-  
posts subsidies / ne gabelles sur icelle ville / ou autrement ilz le persecute-  
royent par guerre mortelle. Quant Francoys Carrariēse eut entendu  
ce que luy auoyent mande les venitiens: il leur fist respōce quil se esmer-  
ueilloit des venitiens / & de leur petite puissance: disant quilz nauoyent  
rien ne aucune domination sur les fins & limites de leurs terres de Ve-  
nise: & quil sen allassent en leurs ruisseaux & palus: & que ce nestoit pas  
a eulx de vouloir dominer sur les villes & citez / & pource que se conten-  
tassent des lieulx que leurs pdecesseurs auoyent habitez. Dicelle respō-  
ce les venitiens furent fort indignez & courroucez, parquoy firent confe-  
deration & aliance avecques francoys gonzague: & le firent duc & capi-  
taine de leur armee en luy baillant grande pension / laquelle luy promi-  
rent payer par chascun an: parquoy francoys gonzague avecques ses gēs  
& larmee des venitiens print la ville de verōne: qui se redit pource quel  
le nauoit esperance daulcun secours ne ayde / & aussi les bourgeois & ci-  
toyens hayoient a mort Francoys Carrariēse: pource quil auoit faict  
mourir par venin guillaume Scalle / & puis auoit mis ses enfans en pri-  
son: pour & affin de auoir la domination & seigneurie de la ville de ve-  
ronne. Mais ainsi que les venitiens vouloyent entrer a veronne, lacques  
Carrariēse frere de frācoys Carrariēse vint au deuāt les assaillir. Mais  
il ne se trouua pas asses fort & puissant pour la grāde resistance quon luy  
fist: parquoy fut contrainct de abandonner la bataille & de sen fuyr / &  
ainsi quil auoit passe le fleuve de Pade: il fut prins prisonnier en la vil-  
le de venise par les venitiens: puis apres les venitiens assaillirent la ville  
de padoue: laquelle prindrent. Mais francoys Carrariēse sen fuyt au  
chasteau luy & ses enfans & nepueulx. A ceste cause les venitiens assail-  
lirent si impetueusement & de telle sorte & maniere que ceulx qui estoy-  
ent dedās pour les grās maulx quilz souffroyent contraingnirent frācoys  
Carrariēse de rendre le chasteau / car ilz mouroyent de fain. Le chasteau  
fut rendu & Francoys prins & mene prisonnier a Venise / ou il fut tue &



occis: & pareillement son frere Jaques. Or cest la fin de telles gens quilz ne scauent entretenir & nourrir paix quant on leur demande, Mais ilz sont si aueuglez aux biens mondains & couuoytise de regner quilz ne veulent venir a la raison, Et croy que icelles guerres se faysoient pour la negligence des papes: car quant ilz voyent que vne ville ou peuple crestien faiet guerre contre vne aultre ville/ il les doit admonester de faire paix & cesser a faire guerre: & mesmement ceulx qui ont tort & mauuaise querelle: ou aultremet les doit excommunier & interdire/ comme faysoient les bons papes du temps passe, Mais ie croy q les scismes qui lors estoient en leglise/ estoient causes diceulx debat guerres & tyrannies, ¶ Le pape Innocent durant quil estoit cardinal/ il disoit & souloit reprendre la negligence des papes qui auoyent este deuant luy/ disant que cestoit leur faulte que le scisme estoit en leglise & quilz estoient cause dicelluy/ & quilz le debuoyent abollir & estaindre, Mais quant il fut pape il nen vouloit point ouyr parler/ & du tout ensuyuoit les meurs & coustumes du pape Urbain sixiesme, Vne fois on luy dist & remonstra comme du temps mesmes quil estoit Cardinal/ quil disoit que sil estoit Pape quil abolliroit le scisme de leglise, De laquelle remonstrance il se coursoit fort & ne vouloit quon luy en parlast aucunement: car ainsi que vne fois les rommains luy eussent enuoye vne ambassade/ pour luy remonstrer quil voulsist leur redre le capitolle & chasteau saint Ange: & pareillement faire cesser le scisme qui estoit en leglise: & que a ce faire le roy de france luy ayderoit: & que Pierre de la lune qui estoit antipape ne demandoit aultre chose sinon quon mist le cas & doute au concille general pour en determiner/ qui estoit le vray pape & vicaire de dieu, Le pape Innocent fut si ire contre les Rommains quil les enuoya a Loys son nepueu/ qui estoit loge aupres de lhospital du saint esperit/ en la voye Saxone/ comme sil les eust enuoyez a vng bourreau: lesquelz fist tuer & puis iecter par les fenestres aux rues & places de Romme, Quant les Rommains sceurent q le pape auoit ainsi faiet tuer & occire leur ambassade: ilz se mirent en armes & appellerent avecques eulx pour leur ayde contre la fureur du Pape Innocent & la cruaulte de Loys son nepueu Ladislao roy de la Pouille, Mais quant le pape vit que le peuple de romme estoit en armes/ pour obuier a la fureur il sen fouyt luy & Loys son nepueu/ & sen allerent en la ville de Viterbe, Pourquoy quant les Rommains congneurent quilz ne se pouoyent vanger du meurtre quon auoit faiet de leurs ges/ & quilz ne pouoyent prendre le Pape ne Loys son nepueu/ qui estoient auteurs du mal faiet, Ilz tuerent & occirent les seruiteurs gentilz hommes & familiers du Pape & de son nepueu Loys: & prindrent deciperet & emporterent tous les biens quilz peurent trouuer appartenans au Pape & a son nepueu, Et ce faiet prindrent le capitolle & occuperent le pont Miluie, Et sefforcerent dassaillir la tour & chasteau Hadrian: mais au secours & par le commandement du Pape arriueret Paul Vrsin/ Mostarde & Ce-

K, iiii,

Remonstrance  
au pape InnocentLes romains  
en armes contre  
le pape Innocent  
& loys son  
nepueu



Creation de  
plusieurs car-  
dinaux qui  
depuis furent  
tous papes,

cholin avecques grosse compaignie de gens darmes / & se logerēt aupres de Neron / & firent tant quilz dechasserent Iehan Colūne & larmee du roy Ladislao / dont les Rommainseurent grāt dommaige & pte de leurs gens, Et a ceste cause firent tant quilz firent paix avecques le Pape / & retourna en la ville de Romme, Le pape Innocēt estoit de sa nature beau parleur & blandissoit les gens de son langaige, Il estoit grāt clerc & sciētifique en la science de droit canon & ciuil: parquoy par raison & douleur de parler il attiroit & cōuertissoit facillemēt vng chascun a sa volente & oppinion, ¶ Apres que les accors & reconciliation furēt faictz le pape crea plusieurs cardinaux: duq̃l nōbre estoit Ange carrare natif de Venise p̃tre cardinal du tiltre sainct Marc, Et en la papalite quil obtint puis apres fut appelle Gregoire, xii. Et oultre fut faict cardinal Pierre philard / de la nation de Crete du tiltre de leglise des douze apostres: & depuis fut cree par le cōcille de Basle Pape / & fut nomme Alexādre cinquiēme, Et le tiers fut Addo / natif de Romme & de grande famille & noble lignee: lequel depuis fut Pape & fut nomme Martin cinquiēme, Et ce faict il institua son nepueu Loys Marquis du pays de Picene & prince de Firmane: & peu de temps apres il alla de vie a trespas. Il ne fut que deux ans Pape: il fut enterre en leglise sainct Pierre en vne petite chappelle / laquelle au temps passe auoit este faicte & dediee pour enterrer les papes: & lauoit faict refaire le pape Nicolas cinquiēme,

La ville de Pi-  
se fut prinse p  
les Florētins

¶ Et pource que les Italliēs & Rommains en ce tēps ilz nauoyēt point de bon Pape ne de vertueux empereur / vng chascun faysoit des maulx ainsiquil vouloit: car ilz nauoyent nully qui les reprint des guerres d'inscensions & aultres meschancetez quilz faysoient par chascun iour: Car Cabrine tua & occist en trahison Charles & ses freres cousins & parens en la ville Machasturme / qui est pres de Cremonne, Et puis occupa la ville de Cremōne / ou il ne delaissa a faire toutes les tyrannies dont il se pouoyt rauiser / pour & affin de vsurper icelle ville, Lors les Millānoys estoient en armes cōtre Guececal de gouuerneur de Genes / pour le roy de Frāce qui vouloit mettre & ce efforçoit de ce faire la ville de Millan en la subiection & obediēce du roy, Mais Fazine chien tenoit le party de Iehā maria / qui estoit duc de Millan, Et pour faire & composer paix entre Otto seigneur de Parme & Nicolas estēse: fut accorde quilz setrouueroyent au chasteau de Rubere, Mais incontīnēt que Otto y fut arriue on luy couppa la teste: & le fist faire Nicolas estense par Sforcia Cotignole, Et au moyen de la mort de Otto / les habitās de Parme & de Rege se donnerent volontāirement a Nicolas estense / car ilz auoyent en hayne Otto, ¶ En ce temps les Florentins firent guerre contre les Pisans / & apres longues guerres & assaulx les vngz contre les aultres les Florētins prindrēt la ville de Pise / par le moyē & ayde de Tarralia & Sforce leurs chefz & capitaynes, Et fut lā de nostre seignr. M. ccccvi.

¶ De Gregoire, ccxii. Pape: & xii. du nom,





Ors que le scisme estoit en leglise au grant detrimment du peuple crestien: il y auoit a Rome vng Pape & vng aultre en la ville Dauignon/Lequel soustenoit les princes de Frâce: cest auoir les ducs de Bourges/de Bourgonne/& de Orleās, Lesquelz gouuernoient le royaume de Frâce/pour ce que le roy Charles. vi, estoit pturbé aul eunessoyz de son entendemēt, lceulx princes eurent compassion & pitie du trouble & scisme qui estoit en leglise de dieu: A ceste cause ilz vindrent en la ville Dauignō/ou

prierent & requierent a Pierre lunc antipape/nomme Benoist. xiii, quil voulsist auoir pitie de leglise qui estoit en si grande discention, Et pour ceste cause si failloit quil renocast a la papalite & fust de necessite qui le fust ainsi/qui lauoit promis au conclaue entre les mains des cardinaulx par foy & serment quāt il fut cree & esleu, Et aussi luy remōstrerent que apres la mort du Pape Innocent/les cardinaulx Rommains & ytalliens en auoyent autāt faict faire au pape quauoiet esleu, Et oultre qu'il estoit accorde entre les princes Dytalie & ceulx de France/que celluy qui auoit le meilleur droit a la papalite/demouroit seul & vniue pape & pere des crestiens, Mais lors Benoist fust respōce quil offenserait griefuement dieu si delaissoit leglise de dieu comme bon pasteur & esleu des bons cardinaulx/nō pas furtiuement mais publiquement, Et pour ceste cause quil ne vouloit mettre son affaire & cas en doubte/leql estoit euidentement cler bon & magnifeste Mais il estoit daccord & content quon mist hors de leglise le scisme/& pour ce faire quon esleust vng lieu seur a chascune des parties/affin que lune des parties ne fust cōtrainct par force de ceder son droit ou aultrement, Et oultre dist que se le scisme de leglise ne se pouoyt oster aultremēt quil failust qui renocast a la dignite papalle/quil estoit cōtent de ce faire: mais que lautre pape le voulsist pareillement faire & iurer de son couste, Et quāt les princes eurent entē du la volente de Benoist. xiii. conspirerent comment ilz le pourroyent faire cōdescendre a leur volente & oppiniō, Mais ce pendāt le pape fust auitailer & mettre guarñison au palais Dauignon craygnant que les princes de Frâce le voulsissent cōtraindre de faire appoinctement touchant la papalite, Quant les princes sceurent & cōgneurent quil cestoit retire en son palais & chasteau: ilz le firent assailir & assieger & y fut le siege p aucuns moys, Mais il trouua maniere deschapper & se mist sur le fleue du Rosne en vne nauire/& sen fouyt au pays de Cathelognie/ dont il estoit natif, ¶ Aulcuns disent & ont escript q les princes furent admonnestez de ce faire par les cardinaulx qui auoyent en hayne icelluy benoist/pource quil nestoit pas de la natiō Francoyle, Car quāt il fut que-

Pierre lunc antipape nome benoist, xiii,

Benoist, xiii.  
& Gregoire  
xii, lunc pape  
qui fut de la papalite  
en France

Benoist, xiii.  
sen fouyt en  
Cathelognie



Benoist, xlii,  
& Gregoire  
xlii, turent pri-  
uez de la papa-  
lite.

La famine a  
Romme

stion de s'lire vng pape apres la mort de Clemēt, il y eut grāde altercatiō entre les cardinaulx frācoys. Mais apres longue & grāde discentiō, ilz eslirent cestuy bon homme qui aymoist biē leglise / & qui admōnestoit les cardinaulx de biē & honnestement viure / & quilz le gardassent de symonie / ou aultremēt qui les pugnirait. Pourquoy les cardinaulx ne lay moient point / & ne pouoyent endurer ses meurs & bōnes admonitions: & a ceste cause inciterent contre luy les princes de frāce. Les cardinaulx ytalliens apres la mort du pape Innocēt cōuindrent ensemble eulx estās au conclaue / & iurerēt que sil aduenoit que lung deulx fust esleu a la dignite papalle, sil estoit besoing & necessite il renōceroit a la papalite: afin qui fust esleu de tous les cardinaulx tant frācoys que ytalliēs vng pape seul / auquel les roys & princes obeyroient: & ainsi lauoyēt faict & ordonne les frācoys cardinaulx: & quon ne pouoyt aultremēt abolir & destruyre le scisme de leglise. Lā de nostre seigneur, M. ccccvi, le iour deuant les Kalendes de Nouembre: Ange corare Venitiē prestre cardinal de saint Marc fut esleu / qui depuis fut nomme Gregoire, xlii. Et auparauant iura promist & afferma par deuāt deux notaires & tesmoingz: & mesmement de sa propre main se obligea de renoncer a la papalite quāt seroit necessite pour oster le scisme. Mais quant il auroit este besoing de ce faire / iceulx papes iāmais nont voulu eslire vng lieu certain pour ce faire / & cōme fracteurs de foy & calūniateurs / ont faulce leur foy & serment. Lung demandoit que le cōcille se fist en la ville de Pise / lautre en la ville Dauignon. Mais tāt les cardinaulx frācoys que les ytalliēs / tous ensemblement priuerent de la dignite papalle le pape Benoist, xlii, & Gregoire, xlii, & toutes les nations le cōsentirent / fors & excepte la basse hespaigne / le roy descoisse / & le cōte darminac / qui fauorisoyēt a benoist xlii. Les cardinaulx dung commun accord puis apres que iceulx deux Benoist & Gregoire furēt ainsi priuez / eslirent sans sedicion ne discorde Alexandre cinquiēme. Mais lors que les cardinaulx faysoiēt icelle election que Gregoire, xlii, cestoit absente: le roy Ladislao assaillit les Rommains & leur faysoit beaucoup de maulx: Mais puis apres firent la paix avecques luy & le receurēt comme leur seigneur: & mua & changea les officiers de la ville de romme / & en fist & crea de telz quil voulut. Mais en ce faisant Pol Vrsin avecques larmee de leglise Romaine arriua a Romme / ou il deffist beaucoup des gens du roy & des plus nobles: parquoy Ladislao fut contrainct de sen retourner a naples. Mais furēt prins deux cheualliers de sa compaignie: cestassauoir Galeot normāt vaillant cheuallier: & Richart sanguin de noble & anciēne lignee / lesquelz furēt decapitez: & les autres prisonniers furēt deliuez par telle condition qlz ne feroient plus de guerre cōtre les Rommains / ne suyueroient le party du roy Ladislao. ¶ En ce temps a Romme la charte fut si grāde / que la mesure de seigle quon appelle a romme Rouge / se vendoit dixhuyt florins: & la cause estoit pour les gēs darmes qui auoient destruit les gens



De Alexandre, ccxiii, Pape, Et, v, du nom,  
rustiques & laboureurs des champs prins & menge leurs bestes,

Fueillet, CCIII,

¶ De Alexandre, ccxiii, Pape: & v, du nom,



Alexandre Pape cinquiesme du nom estoit de Crete: on l'appelloit Pierre, Il estoit de l'ordre des freres mineurs/ & estoit archeuesque de Millan/ homme de sainte vie, Il fut esleu du consentement de tous les cardinaulx estant au concille en la ville de Pise, Lors Gregoire, xii, sen estoit fouy en la cite de Austre: Mais pource quil n'estoit pas bien assure en icelle ville/ il sen alla en Aremine ou il fut receu tresbenignement par Charles maleteste, Or Benoist, xiii, apres quil eut tenu vng concille en la ville

de Parpignan/ affin quil fust plus seurement il sen alla tenir au chasteau Panischole/ qui est vng lieu fort & bien muni/ & y demoura assez longuement, Mais combien quilz fussent tous deux priez & exhortez de la dignite pontificale par le concille de Pise: toutefois tous deux comme vrais papes ilz faisoient & croyent des cardinaulx, Et mesmement Gregoire ainsi quil estoit en la ville de Lucques & du consentement des cardinaulx qui estoient avecques luy lors & ne lauoyent encores delaisse ne habandonne/ fut fait cardinal Gabriel condemare: lequel puis apres fut esleu pape & fut appelle Eugene, iiii, ¶ Or ie retourne au pape Alexandre qui estoit vng homme tresvertueux & sage/ & en tout son temps auoit este de bonne vie. Et des son ieune aage fut fait profes de l'ordre de saint Francois: puis il estudia aux arts liberaulx en l'universite de Paris/ & y fut fait docteur en theologie/ & y leut publiquement/ & escript/ & fist des liures sur les liures de sentences, Il estoit grant orateur & grant prescheur. Pourquoi il fut appelle par Jehan galeace duc de Millan & estoit le premier de son conseil: Par les prieres & requestes du duc galeace il fut euesque de Vincence/ & puis il delassa icelle euesche & fut euesque de Nouarre/ & finalement fut archeuesque de Millan/ & le crea cardinal le pape Innocent septiesme, Il auoit este appelle Alexandre par ses merites/ car il estoit liberal & magnanime: tellement qu'on le pouoit comparer a tous bons princes, Il estoit si liberal a donner aux paoures & gens lettez/ quil ne luy demouroit riens, Et pour ceste cause souloit dire en se iouant & esbatant/ que quant il estoit euesque il estoit riche/ & quant il fut cardinal paoure: mais depuis quil estoit deuenu Pape mandien, En cestuy pape n'estoit pas ce qui est de coustume qui aduiet souvent aux vieilles gens/ car ilz sont couuoiteux & auaricieux/ mais il ne l'estoit point, Car il estoit si sage quil scauoit bien refrener icelles cupiditez & auari-

Le chasteau  
Panischole

Alexandre, v,  
du non docteur  
& theologien  
de Paris

Notable di-  
gne de memoire,



Ladislaos fut  
priue du roy-  
aulme de Na-  
ples/& adiuge  
au duc Loys  
Daiou

ces/que ne doibuent iamais auoir gens sciētifiques/mais leur doit souffri-  
re dauoir des biens moderement pour souuenir a la vie. Le pape Alexan-  
dre fut si excellent & magnanime/qu'il priua Ladislao du royaulme de  
Naples/& l'approuua le concille de Pise & declaira icelluy royaulme de  
Naples competer & appartenir au duc Loys daniou, Car Ladislao auoit  
comis felonnie contre leglise rommaine/il print & occupa les villes &  
chasteaulx appartenās a leglise & qui estoient du patrimoyne de legli-  
se, ¶ Apres que le concille de Pise fut faict & acheue/le pape sen alla a  
Boulongne ou il trouua Baldefar cossa cardinal de saint Eustache qui  
estoit legat pour le Pape/& icelluy cōferma: car cestoit vng homme in-  
dustrieux/& par son gouuernement il auoit bien deffendu les terres &  
seigneuries de leglise contre les tyrans & vsurpateurs, Il estoit plus cruel  
& audacieux qui n'appartenoit a vng homme deglise/& estoit plus di-  
gne dauoir este gendarme que prestre, Quant le pape Alexandre se sen-  
tit malade/il fist venir tous les cardinaulx deuant luy & les admones-  
ta quilz fussent paisibles & concordables pour garder la paix & vnion  
de leglise. Et puis protesta publiquement par la mort qui debuoit brief-  
uement recepuoir quil nauoit aucune tache en sa conscience touchant  
le concille de Pise/lequel auoit este iustement & canoniquement faict  
& celebre/& que tout ce que y auoit este faict & institue/auoit este faict  
sans fraude dol & deception/dont chascun commença a pleurer incontī-  
nent qui leur dist le mot que nostre seigneur disoit a ses apostres/lequel  
ne pouoyt bien proferer pour la mort qui estoit prochaine/disant, Pacē  
meam do vobis/pacem meam relinquo vobis, Et incontīnēt alla de vie  
a trespas le huitiesme mois de sa papalite, Il fut ensepuely en la ville  
de Boulongne en leglise des freres mineurs:& en cestuy an la peste & la  
famine estoit bien grande.

De Iehan, ccxiiii. Pape, & xxiiii. du nom,



Ehan Pape, xxiiii. du nom/estoit du pays  
de Naples extraict de noble lignee, Il sap-  
pelloit deuāt quil fust Pape Balthasar cos-  
sa, Il fut du consentement de tous les cardī-  
naulx esleu pape en la ville de Boulōgne  
Aulcuns disent quil fut esleu pape par for-  
ce & violence: car lors il estoit legat en la  
ville de Boulōgne/& quil auoit tant faict  
en la ville & aux gens darmes qui estoient  
en armes/que sil ne pouoyt paruenir a la  
papalite par prieres/qui le seroit par force  
ou menaces, Mais quelque chose quil en-  
ait este/il est certain quil fut cree pape/a laqelle dignite auoit tousiours



espere, Car vne foys comme il estoit encores ieune enfant & estudioyt  
 endroit ciuil en la ville de Boulōgne / & quil eut prins son degre & licē Balthasar cos-  
 ce cōme on a acoustume: il print son chemin pour aller a Romme, Mais sa alloit a rom-  
 ses amys luy demandoyent ou il alloit / & il leur fist respōce quil sen al- me pour estre  
 loit a Rōme pour estre Pape, Il fut receu du pape Boniface, ix. & fut son pape.  
 secret cubiculaire, Et puis fut cree cardinal de saint Eustache / & faict  
 legat a latere & enuoye a boulōgne, Lequel en brief tēps par puīssance  
 darmes il fist reduyre & mettre en l'obediēce de leglise Rommaine vne  
 grande partie de Flamīnee / & en dechassa les tyrās & les aultres fist mou-  
 rir, Il gouuerna icelle legation p l'espace de, ix. ans / ou il gaigna & assem-  
 bla de grans tresors, Pourquoy apres q le pape Alexandre fut alle de vie  
 a trespas: il donna de grans dons aux cardinaulx qui auoyent este faictz  
 par le pape Gregoire / qui estoient paoures: au moyen dequoy il fut fa-  
 cillement esleu pape, Et ce faict incontīnēt enuoya vne ambassade aux  
 electeurs de lēpire / affin quilz esleussent empereur Sigismonde Lucē-  
 burgue roy de Hōgrie & de Boeme / car il estoit hōme trespagnanime  
 & puīssant / & a tout faire prompt & deslibere, ¶ Et par ces moyēs le pa-  
 pe Iehan fut en la grace de lēpereur Sigismonde, Il auoit este ordōne au  
 concille de Pise / que dedās vng certain tēps on debuoit celebrer vng cō-  
 cille general / & quil ne debuoit estre ailleurs quen la ville de Pise: mais  
 le pape voulut quil fust a Rōme, Et affin que plus facillemēt & assure-  
 ment vng chascun y peust venir: il sefforca de pacifier les ytalles qui es-  
 toient en grandes sedicions, Car lors Fazine chien ne faysoit q susciter  
 noyses / & auoit vng tas de gēs darmes a sa soulte qui faysoient beaucoup  
 de maulx / & les auoit acoustumez de payer de pilleries & larrecins quilz  
 faysoiēt aux villes, Ence tēps par fortune aduint q les habitans ne vou-  
 loient obeyr a Phelippe maria: pource ql estoit encores ieune enfant: &  
 se mirēt en armes: & mesmemēt ceulx de la ville de beccarie qui estoiet  
 Gibellins / & se alierēt de Fazine & de ses gens darmes: & les mirēt en la  
 ville par telle conditiō quilz auroient les biēs des Guelphes, Mais quāt  
 Fazin le chien & ses Satrapes furent dedās la ville de Paue / ilz pillerent  
 tous les biēs des guelphes / & pareillemēt ceulx des gibellins, Pourquoy  
 les gibellins furent fort marriēz & couroucez / & sen vindrent plaindre a  
 icelluy fazin chien duc & capitayne luy disant quil auoit faict contre la  
 pmesse & foy qu'auoit bailliee aux gibellins: cestassauoir quilz nauroiēt  
 par luy aucun desplaisir ne mal: mais neantmoins on leur auoit prins &  
 pille tous leurs biens, Lors fazin leur fist responce / quil auoit bien garde  
 les gibellins quilz neussent aucun mal, Mais leurs biens pource quilz  
 estoient guelphes / ilz auoyent este habandonnez a ses gens darmes, Et Les gibellins  
 par icelle responce les deux factions: cestassauoir les Gibellins & les & guelphes fu-  
 Guelphes quilz ne demandoyent que a dominer furent trompez & de- rent deceuz  
 ceuz p leurs folies, Apres q fazin le chiē eut ce fait / il mist guarnison en  
 la ville de Paue / & print la tutelle & garde du ieune enfant Phelippe /

L.i,



Le pape Iehan  
cite au concil  
le de constāce,

iusques a ce quil fust en aage, Lors le roy de Hōgrie avecques xii, mille hommes darmes & hu yt mille hommes de pie/ disoit quil sen alloit a rōme pour se faire courōner empereur, Mais il fist la guerre contre les Venitiens & print Foroliue: puis assaillit Taruise, Mais les Venitiens firēt leur capitayne Charles maleteste, Lequel ne vouloit batailler cōtre lempereur/mais lempescheoit de passer oultre, ¶ En ce tēps la ville de Verōne cuyda estre prinse par trahison/mais les traistres furēt prins & mis a mort, Apres q̄ Fazin le chien fut mort/aulcū sedicieux tuerēt Iehan maria duc de Millā:& puis firēt entrer en la ville de Millā les enfans & nepueux de Bernabeuf. Phelippes maria p la suasio lors print en mariage Beatrix veufue de Fazin le chien/qui estoit riche & fort opulēte en biēs, Et les citez & villes qui furēt a Fazin se rendirēt a Phelippes: cest assauoir Carminole & Mōtagnane, Et ce faict Phelippes fist guerre cōtre Astorge filz de Bernabeuf: leq̄l fut tue & occis en chap de bataille, ¶ Et ce pēdāt q̄ les guerres se faysoiēt en Insubrie/le pape Iehā enuoya querir Frācoys Gonzague/qui vint avecques grāde compaignie de gēs darmes tāt a pie que a cheual/pour ayder & dōner secours aux Boulōgnoys qui estoient assailliz par Maleteste: qui militoit & estoit a la soulte du roy Ladislao, Mais les Boulōgnoys p le moyē de layde & secours quilz eurent/deffendirent vaillāment la ville de Boulōgne, Leste apres le roy Ladislao vint assaillir le pape Iehan, Parquoy il partit de Romme & vint a Florēce & a Boulongne/& de Boulongne en la ville de Mātue/ou il fut tresmagnifiquemēt receu de Iehan Francoys Gonzague, Lequel mena avecques luy vne partie de son ost & exercice en Laude Pōpeiane/ou debuoit venir le roy de Hōgrie, Le pape Iehā se fioyt fort a Gonzague: car il lauoit experimēte aux guerres de Boulōgne:cōbien q̄ Maleteste qui tenoit le pty du roy Ladislao lauoit fort sollicite par dōs & pmes de faire alliāce avecq̄s Ladislao & tenir son pty/mais il ne le voulut iamais faire, Quāt le Pape & Sigismōde furēt arriuez en Laude/ilz apperceurent quilz ny estoyēt pas seuremēt, A ceste cause enuoyerēt Iehan frācisque Gonzague en la ville de mātue/car ilz y vouloyēt aller: pour faire les preparatifz & pour recepuoir si grāde cōpaignie cōme celle du Pape & du roy Sigismōde, Le Pape fut receu treshumainement du peuple de Cremonne & de mātue/& eut la faueur & beniuolēce de tout le peuple, ¶ Or il fut deslibere de chasser le roy Ladislao & tous ses alliez des ytalles/qui auoyēt occupe rōme & plusieurs chasteaulx appartenans a leglise rōmaine:& disoyēt quil estoit necessite de ce faire si vouloiēt deliurer le pays dytallie de toutes guerres, Mais lors le pape Iehā fut cite du cōsentemēt de toutes les natiōs/affin de cōparoir en la ville de Cōstāce en la puīnce de magūce/ou auoit este deslibere de tenir le cōcille, Le Pape se deslibera dy aller:mais aucū de ses amys luy disoyēt q̄ ny debuoit point aller:car sil y alloit pape il en reuiēdroit simple prestre cardinal: ce que fut faict & aduint, Ce neantmoins le pape Iehan, xxiii, si en alla



accompaigne de gr̃s clercz & scientifiques docteurs en toutes facultez & sciēces, Et fut dispute tressfort touchāt le scisme. tellemēt que les Ger mains ne scauoyēt que dire / & estoeyēt en doubte si demouroit seul pape Mais lors vint Sigismōde lequel pmist a tous de disputer frāchemēt & liberallement sans auoir paour . Parquoy on mist assus au pape Iehan xxiiii, plusieurs maulx quauoit faictz & faict faire, A ceste cause quant le pape Iehā se vit ainsi accuse il eut paour quil ne luy aduint aulcū mal en sa psonne / & se habilla de strāges vestemens / & chāgea ses seruiteurs & famille secretemēt, Puis partit de Constāce & sen fouyt en la ville de Scaphuse qui est vne cite de la duche de Anthioche / & plusieurs cardinaulx quil auoit faictz & creez sen fouyrent avecqs luy en icelle ville, Mais iceulx cardinaulx par lauctorite du cōcille furent rappelez / affin de cōparoir au concille. Parquoy le pape Iehā delaissa Scaphuse & sen alla en la ville de Fubarg / & auoit deslibere de sen fouyr au duc de Bourgonne / sil eust peu bonnemēt ce faire. Mais par lauctorite & pourchatz du concille le pape Iehā fut prins & mis prisonnier en lisle sainct Marc qui est pres la ville de Constance / & lors nauoit regne pape q̃.iiii, ans & x, moys, Il fut baillie cōtre luy certaines accusatiōs / contenāt, xl, chapitres & articles: sur lesquelz il fut examine par iuges deleguez par le cōcille: & aulcuns diceulx articles estoeyēt droictemēt cōtre la foy / & telz furent iugez par le cōcille / & les aultres estoeyēt au grāt scandalle de la foy crestienne, Parquoy apres q̃ le pape Iehan sur iceulx articles fut amplemēt interrogue: il fut pour les demerites p sentence du concille deiecte & demis de la dignite papalle laquelle il approuua: aumoyen de quoy il fut enuoye prisonnier au duc de Bauieres pour le garder / qui fauorisoit avecqs le pape Gregoire, xii, & fut mis prisonnier tout seul sans cubiculaire ne seruiteur dytallie / au chasteau huldebergue / ou il fut par, iiii, ans & le gardoyēt des Theutoniques qui ne lentēdoient point / non faysoit il pas eulx / & ne parloyēt a luy q̃ par signes & demonstāces / & aussi ne faysoit il / pource quil ne scauoit pler leur lāgaige. ¶ Apres q̃ le cōcille eut priue le pape Iehā, xxiiii, ilz firēt vng statut & decret qui fut pmulgue & publicquemēt public / q̃ du cōcille general Iesuchrist en estoit le chief / & de luy auoit le cōcille lauctorite & puissance. Et partāt quil estoit p dessus le Pape & que le Pape estoit & debuioit estre subiect au cōcille: Parquoy fut necessite que Gregoire, xii, qui ne vouloit se trouuer au cōcille / deuoyer au cōcille quelquun pour approuuer icelluy decret & a ce faire le cōtraignit lēpereur Sigismōde. A ceste cause il y enuoya Charles maleteste / hōme vertueux & insigne: mais quant il vit & ouyt les oppiniōs & sentēce du cōcille / par laquelle estoit condampne Gregoire, xii, de delaissier la dignite papalle, Il se leua du siege la ou il estoit comme se le pape Gregoire y eust este / & publicquemēt il renonca a la papalite, Pour laquelle renōciation ainsi faicte liberallement / la cōgregation du concille institua & crea Gregoire legat au pays de Picene.

L.ii,

Iehā Pape  
xxiiii, p le cō  
cille fut deie  
cte de la digni  
te papalle

Iehā, xxiiii,  
pape fut mis  
en prison

le pape Iehā  
xxiiii, p le cō  
cille fut deie  
cte de la digni  
te papalle

Gregoire, xii,  
renōca a la pa  
palite



Mais peu de temps apres il mourut de despit & denuy quil en print / en la ville de Raquenas, Pource que trop soubdainement Charles maleteste auoit faict icelle renonciation: car il vouloit que le cas fust dilate & prolongue le plus que faire se pouoyt / & mettoit son esperance au temps aduenir, Il fut enseuely en leglise de Raquenas. ¶ Or apres que iceulx deux papes furēt deiectez & expulsez de la papalite / il ne restoit plus que Benoist treziesme Pierre lune, Et a ceste cause lempereur Sigismonde enuoya ambassadeurs / & pareillement le concille pdeuers le roy de France & le roy Dangleterre: que ce fust leur vouloir dauoir les sentences donnees par le concille / par lesquelles Iehan & Gregoire estoient priuez de la papalite / & les eussent pour agreables / & que cestoit pour oster le scisme de leglise. Les roy de France & dangleterre eurent pour agreable tout ce quauoit faict le concille, Et ce faict les ambassadeurs sen allerent en Narbonne par deuers le roy Darragon / luy prier que ce fust son plaisir de persuader a Benoist. xiiii. de obeyr au concille de Constance: comme auoyent faict Gregoire & Iehan, Mais Benoist qui estoit au chasteau Panischole qui estoit fort & de bonne garde / ne voulut consentir en riens de tout ce quon luy disoit, Car il disoit quil estoit vray pape & vicaire de dieu / & que Constance nestoit pas vng lieu conuenable pour comparoir & estre en liberte. Pource que Iehan, xxiiii. y auoit este contrainct de renoncer a la papalite / & neantmoins ilz len suyuoient, Mais quant les princes Despaigne virēt la pertinacite de Benoist / ilz condescendirēt a loppinion & sentēce du concille de Constance. Il y auoit cinq natiōs qui approuuoient le concille de Constance: cest assauoir / Itallie / France / Germanie / Hespaigne / & Angleterre, Et tout ce estoit faict au concille par icelles natiōs / & estoit approuue & tenu pour bien faire, Or pource que Benoist, xiiii. ne vouloit comparoir au saint concille / combiē que temps & delay luy eust este donne: fut discute du droit quil pouoyt auoir en la papalite, Mais puis apres par sentēce du concille il en fut priue: nō obstant les natiōs qui le soustenoyēt: cest assauoir / les Escossoys / & le cōte Dardminac / cōbien quilz fussent absens, Au concille de Constance fut cōdāpne lheresie de Iehan vigiles / & deux de ses imitateurs furēt bruslez qui estoient heretiqs: cest assauoir Iehan hus / & Hierome son disciple, Iceulx heretiques entre aultres heresies disoyēt q̄ les gēs deglise debuoyēt estre paoures & ensuyure la pourete de nostre seignr: car pour leur grāt habōdāce de biēs & richesses le peuple crestien estoit scādālizē, ¶ Quāt le concille eut expulse iceulx antipapes & q̄ leglise fut reformee / il fut q̄stio de eslire vng nouveau pape / p̄ quoy fut accorde p̄ le concille quō esliroit de chascune natiō, vi. hōnorables p̄sonnaiges qui entreroient au cōclaue avecq̄s les cardinaulx pour eslire le pape, Ce que fut faict: Lan Mille, ccccxvii, la sixiesme yde du mois de Nouembre: & le consentirent les cardinaulx qui estoient, xxii. de toutes nations Il y auoit desia quatre ans q̄ leglise estoit sans Pape: au moyē de quoy estoient venus de grans scālines,

Iehan vigiles  
Iehan hus &  
Hierome furent  
bruslez,

Mil. ccccxvii.



**C**Or la troyſieſme yde du moys de Nouembre/qui eſtoit le iour & feſte de monſieur ſainct Martin/a heure de tierce Oddo Columne Romain cardinal & dyacre du tiltre ſainct Gregoire a la toyſon dor fut eſleu & cree Pape, Et a ceſte cauſe vng chaſcun fut ſi ioyeux / que a grant peine pouoyent ilz parler ne dire mot/pour la ioye quilz auoiet en leurs cueurs, Car lors lempereur Sigifmunde entra au conclaue ſans garder ordre de dignite/& remercia les eſliſans de ce quilz auoyent eſleu vng ſi venerable perſonnaige & grant homme de bien/pour gouuerner legliſe qui eſtoit preſque toute deſtruiſte gaſtee & annichillee/pour les ſciſmes qui y auoyent regne, Et ce faiſt en tresgrande humilite il ſe iecta aux piedz du pape & les luy baiſa: mais le pape le print & lambrassa/& comme ſon frere le tenoit & luy rendit graces: pour ce que par ſes moyes & industrie la paix eſtoit remiſe en legliſe. **C**Le pape ſe fiſt nommer Martin/pource que le iour de ſainct Martin il auoit eſte cree & eſleu, Et en ce temps mourut le roy Ladilla/& luy ſucceda ſa ſeur Iehanne/ qui auoit mis guarniſon au chasteau ſainct Ange/qui eſt au pres de legliſe monſieur ſainct Pierre de Romme, Lequel Brache Montone auoit aſſailly/car par force il iouyſſoit de la ville de Romme, Mais Sforce Duc de loſt de la royne le dechassa: Et en icelle guerre fut tue & occis Iehan Columne,

Grāt ioye fut  
de lelectiō de  
Oddo colūne,

Guarniſon au  
chasteau ſainct  
Ange

**C**De Martin, ccxv, Pape: &, v, du nom;



Artin Pape cinquieme du nom/estoit natif de la ville de Rome: on lappelloit Oddo Columne, Il fut cree & fait pape au concille de Constance d'ung commun accord de tous les cardinaulx/& pareillement des nations, Il fut par ses parens en son ieune aage enuoye en la ville de Peruse/ou il auoit tresbien estude / & mesmement en droit canō estoit fort grant clerc, Et a ceſte cauſe incontinent quil fut retourne a Rome le pape Urbain sixiesme le fiſt referendaire/& tellemēt si bien exerça icelluy office/

quil fut fait cardinal par le pape Innocent septiesme: Mais neantmoins pour les honneurs & dignitez il ne changeoit ſa facon de faire/& estoit plus humble que au parauant nauoit este/& patrocinoit humainement pour vng chaſcun. Il estoit au concille de Constance/ou il y auoit de grādes altercatiōs & oppiniōs diuerſes/pour cauſe des factiōns & natiōs, Mais il nēclinoit a lune ne a lautre des pties/& tousiours cōſeilloit ſelō ql estoit vtile pour la choſe publiq. Et a ceſte cauſe il fut cree p lepeur/cardinaulx/& autres, Depuis ql fut pape il ne ſe adōna a dormir ne

Liii,



La nature du  
serpēt hydre

Les responce  
de Pierre lune

Sainct Hiero  
me

a estre ocieux ou negligēt. Mais du tout se adōnoit a ouyr les causes qui venoyent & estoient agitees en court Rommaine/en consultations il estoit merueilleusemēt prudent. Il estoit facile a ouyr ce quon luy vouloit demander/& se la chose estoit honneste il la donnoit/aultrement parolles honnestes il le refusoit & dissuadoit quon ne debuoit telle chose demander ne ottroyer, Il scauoit bien ce quon debuoit donner & ce quon debuoit eūiter/toussiours ses parolles estoient pleines de auctoritez: il ne sortoit rien de sa bouche quil ne fust de iustice. Souuent il disoit a ceulx qui gouuernoient les prouinces, Diligite iusticiam qui iudicatis terram. Leglise & nauire de saint Pierre auoit bien besoing dung tel pape/ou aultrement elle estoit en dangier destre submergee, Mais par le moyen de luy elle est venue a bon port de salut, ¶ Apres que le pape Martin fut conferme en icelle grande dignite/il sceut que Benoist, xlii, vouloit encores persister en sa damnee volente:& comme le serpēt hydre a qui on auoit coupe la teste la recommençoit a remettre: cest adire quil faysoit le scisme en leglise, Et a ceste cause le pape enuoya en Arragon vng legat de son coste: cest assuoir / Alemant Ademare cardinal/saint Eusebe homme scientifique & grant clerc/natif du pays de Florence/& duq̃l on voyt encores a Florence en leglise nostre dame la nouue son sepulchre, Lequel admōnesta Pierre lune Benoist, xlii, quil eust sur peine de anathematization a sen deporter de se nommer pape/& que a icelle papallite renoncast, Quant les cardinaulx qui ensuyuoient iceluy Benoist congneurent & sceurent la sentence qui auoit este donnee contre Benoist, xlii, Ilz sen allerent a luy & le prierent q̃ ce fust son plaisir de oster & abolir le scisme de leglise/qui si long temps auoit regne en leglise au grant preiudice du peuple crestien:& que Iehan & Gregoire auoyēt faict ce pour oster le scisme, Mais Pierre lune leur fist des responses pleines de cauillations & frauduleuses/disant quil vouloit scauoir sil estoit vray de ce quauoit ouy dire du pape Martin/& sil estoit si humain quon le faysoit:& quilz ne luy parlassent plus de ceste affaire/& nen fussent plus empeschez, Parquoy de quatre cardinaulx qui lors estoient avecques luy/il en y eut deux qui le laisserent quant ilz virent sa pertinacite & obstination/& se vindrent rendre au pape Martin, Et ceulx qui demourerent avecques Benoist, xlii, furent appelez anticardinaulx: lūg estoit Chartreux/& lautre auoit nom Iuliā doble, Tout le pays Despaigne peu de temps apres ensuyuit le pape Martin/& pareillement escosse & le conte Darminac/& ne resta que lisse Peninsule, ¶ Or pource q̃ le concille de Constance auoit desia dure par l'espace de quatre ans/ou les prelatz & aultres auoyēt eu de grans interestz & dōmaiges, Parquoy fut le plaisir du pape Martin q̃ le concille seroit remis envng autre tēps plus ydoine: affin de mieulx pourueoir a corriger les abus & mauuais coustumes dune chascune natiō: car cōme dict saint Hierome, vne chascune prouince a ses coustumes & manieres de faire: quon ne peult pas toīt



abolir ne oster soubdainemēt sans grāde pturbation : parquoy estoit besoing de grant conseil & meure deliberation : & pource les scismes estoient venus de petites choses . & que le pape lehan , xxiii , estoit eschappe / & sen estoit fouy des prisons ou il estoit , A ceste cause fut decrete & faict statut que de dix ans en dix ans le cōcille general seroit tenu en vng lieu ydoine ou seroyent agitez toutes choses touchant la foy crestienne / & icelluy decret approuua le pape Martin / & en furent faictes bulles expressez / & tous les decretz & statutz qui auoyent este faitz deuāt qu'il fust pape & au temps du scisme / se nestoyent pour lutilite de la foy crestienne & bōnes meurs : il les abolist & adnichilla : & pour mōstrer qu'il auoit bon desir que le concille general fust tenu : il desclaira publiquement la ville de Pauie estre lieu seur & conuenable : pour tenir & celebrer le concille general : & en fist faire vne bulle dōt la teneur censuit , ¶ Martinus seruus seruorum dei ad futuram rei memoriam, Cupientes ac etiam volentes huiusce generalis concilii decreto satisfacere concilio approbante & consentiente : cum de loco ambigeretur urbem Papiam auctoritate nostrarum litterarum designamus, Nulli ergo hominum liceat huius nostri decreti paginam infringere. Si quis autem attentare presumpserit omnipotentis dei iram beatorumque Petri & pauli apostolorum huius se noscat incursum, Datū & actum constātie in loco publice sessionis tanti concilii, xiiii, Calendas Maii pontificatus nostri, anno primo, Et ce faict pour ce que le pape ne demandoit aultre chose que sen aller / & pareillement l'empereur Sigismonde, Le pape fist assembler tout le cōcille : & puis fist dire & prononcer publiquement deuant tous : par l'abbe cardinal diacre du tiltre saint vit en Macelle / Domine ite in pace / & fut donne conge a tous ceulx qui estoient venus au concille / de eulx en aller vng chascū en son pays, ¶ Apres que le concille de constance fut dissolu & acheue, Les princes de France priērent au pape Martin : que ce fust son vouloir de venir en France & qu'on le recepueroit honnorablemēt, Et pareillemēt l'empereur Sigismonde, Et les Germainz priērent le pape de demourer quelque temps en Germanie / mais le pape leur monstra par raisons euidentes qu'ilz ne le debuoyent pas faire / car il disoit que pour labſence des papes qui ne seſtoient point tenus a Romme / les terres seigneuries & patrimoine de leglise de Romme estoit deperdu gaste / & occupe par les tyrans : pource que la ville de Romme qui est chef de la foy crestiēne estoit sans pasteur & gouuerneur : & par ces moyēs la peste / famine / guerres / seditions / & aultres incōueniens auoyent destruit Rōme : les eglises estoient en ruines tombez par terre / & mesmemēt leglise saint pierre, Et a ceste cause remercioit le pape / tant les Francoys q̄ les Germainz de demourer en leurs pays ne daler en France / & que la raison & la necessite requeroit qu'il allast a Rōme : pour se alſcoir & mettre au lieu & siege de saint Pierre, disant que leglise de Romme est la mere de toutes eglises, Et a ceste cause le pape y debuoit demourer & auoir sa residēce : & comme vng

L.iiii,

Contenu de la  
bulle du cōcil=  
le tenu a pauie



Phelippes duc  
de Myllan,

Le capitaine  
Calabrine eut  
la teste coup-  
pee,

bon nautonnier & gouuerneur de la nauire saint pierre / ne debuoit laif-  
fer a gouuerner le gouuernal qui mainne & conduit la nauire pour aller  
en aultre partie de la nauire que seroit au grant destruiment & dommai-  
ge des nauigans, Cestassauoir des crestiens / & de la chose publique de la  
foy crestienne Le pape partit de Constance & passa par Sauoye / & vint  
iusques en la ville de Myllan ou il fut receu de phelippes duc de myllan  
& du peuple tres benignement, Lors phelippes duc de myllan estoit en  
armes & faisoit guerre contre aucuns tyrans qui occupoyent les terres &  
seigneuries que luy appartenoyent: come p droit heritaige venu & escheu  
de son pere, mais p le moyen du pape martin le duc phelippes avecques  
pādulphe maleteste: qui occupoit la ville de Bresse, Cestassauoir qui lti  
endroit icelle ville tant & si longuement quil viuroit en payant tribut a  
phelippes duc de myllan: p chascun an: mais que de icelle ville nen pour-  
roit disposer sa vie durant ne par testament: car apres sa mort la ville de  
Bresse retourneroit franchement au duc de myllan, mais vng an apres q  
laccord fut ainsi fait pādulphe ne voulut tenir icelluy accord: parquoy  
le duc phelippes luy fist guerre mortelle: pource quil auoit rompu la paix  
& confederation quauoyent faicte ensemble, ¶ Le pape fist tant par ses  
iournees quil arriua en la ville de Forence / & ne voulut aller en la ville  
de Boulongne: pource que les Boulongnoys / quant ilz sceurent que Bal-  
dasar cossa auoit este expulse & deiecte de la papaulte, Ilz auoyent chassé  
& mis hors la guarnison de leglise / & cestoyent mis en liberte, ¶ Lors phe-  
lippes duc de myllan fist si bonne guerre contre pādulphe quil vainquit  
Loys meliorate nepueu du pape Innocent septiesme qui estoit paré & af-  
fin a pādulphe: lequel estoit venu au secours avecques grande compai-  
gnie de gens darmes / mais ilz furent tous tuez & occis: tellement que fut  
contrainct de sen fouir villainement: puis aps fut reduit en la subiectiō  
& puissance la ville de Carmignole: Bresse & Cremonne / & fut prins le  
capitaine Calabrine le tyran / & luy fist le duc phelippes trancher la te-  
te, ¶ Quant Nicolas Estence sceut que phelippes duc de Myllan auoit  
eu icelle victoire il eut paour: & a ceste cause rendit & mist en obedience  
& subiectiō la ville de parme: laquelle il auoit occupee aps la mort Ot-  
tone / & retint seul le met la ville de Rhege / en foy & hommaige du duc  
de Myllan / & encores ce fut par les prieres & requestes du pape martin  
qui en requist le duc de Myllan de ce faire, ¶ Apres que le pape Martin  
sen fut alle les Venitiens firent confederation avecques pādulphe & luy  
aidoyent dargent & de ges darmes: affin de tousiours occuper la ville de  
Bresse contre le duc de Myllan, pquoy le pape enuoya en ambassade le  
cardinal sainte croix pour faire la paix avecques phelippes duc de myl-  
lan, mais le cardinal ne peult trouuer le moyen de faire paix: car les Ve-  
nitiens & les florentins qui estoient aliez ensemble contre le duc de myl-  
lan demandoyent choses qui nestoyent a demander: parquoy vng chas-  
cun fist vne grosse armee / & par trois foys en vng an eurent bataille / au



lieu du chasteau Gotholengue pres Cremonne/mais vng chascun se defendit si bien que nully neut du meilleur/mais puis apres se recontrerēt ou lieu dit Macholodie/ou fut vaincu phelippes duc de myllan / & fut prins Charles maleteste chef & capitaine de toute son armee, /mais il fut deliure par le prince de mantue qui l'auoit prins pource qu'il estoit son parent & affin, ¶ Lors le duc de myllan fist paix avecques Amedee duc de Sauoye lequel auoit assailli icelluy duc & pour faire la paix essemble le duc luy bailla & delassa la ville de Verseil / & puis fist tāt qu'il anima l'empereur Sigismonde & Scalle contre les Venitiens, Le pape martin voyant que le duc phelippes estoit assailli tousiours des Venitiens: il renouya encores vne fois le cardinal saincte croix aux Venitiens pour faire la paix entre eulx / & le duc phelippes: lequel cardinal fist tant / & par le moyen des princes & villes que la paix fut faicte entre les venitiens & le duc / en ceste maniere, Cest auoir que les Venitiens retiendroyent la ville de Bresse & les chasteaulx / tāt de Bresse que de Cremone: lesquelz auoyent au parauant prins, Et les venitiens par tant bailleroient au duc phelippes bergome & tout le terrouer: laquelle paix ainsi faicte le pape aprouua de paour que phelippes ne fust du tout dechasse de sa duche: car il laymoit fort, ¶ En ce temps le pape martin fist guerre contre brachiē montone: lequel estoit vaillant quant aux faitz d'armes, Cestuy brachiē occupoit la duche de Peruse / & vne grande partie de Spolente: qui estoit le patrimoyne de leglise de Romme: quant il sceut que le pape estoit en Florence & que sen vouloit aller en la ville de Romme il fist mettre par tout les chemin / gens d'armes: pour prendre le pape: parquoy le pape le anathematiza: & interdit tous ceulx qui luy obeyroyent / & fut phibe & deffendu aux prestres de ne celebrer ne faire le diuin seruice / en quelque lieu que seroit luy ou ses gens & familiers, Quāt les Florentins sceurent linconuenient de brache: ilz firent faire la paix avecques le pape martin par telle condition que brache a deux genoulx en baissant les piedz du pape luy demanderoit pdon & misericorde: ce que y fist / & rendit & restitua au pape plusieurs chasteaulx de leglise de Romme qu'il occupoit, Et oultre que seroit aux gaiges du pape & de leglise Rommaine: & que seroit tant qu'il redroit la ville de boulongne qui estoit rebelle cōtre le pape subiecte a leglise: & estoit le chef de leglise en ceste bataille Gabriel Condelmere / qui fut faict legat: p le moyē du quel & idustrie / & aussi p la vaillance & vertu de brache la ville de boulongne fut reduite en l'obedience du pape / & de leglise Rommaine, ¶ Or ce pendant que la guerre se faisoit deuant boulongne, Les quatre cardinaulx qui se tenoyent avecques Pierre lune faulx pape vindrent se redre au pape Martin qui estoit en Florence & furent receuz honorablement p le pape / & publiquement au consistoire le pape voulut q retinsent le tistre de cardinaulx: ilz estoient trois cardinaulx diacres & le quatriesme estoit prestre car au parauant il estoit chanoine religieulx, ¶ Lors baldeser Cossa: estoit encores pri-

La paix faicte  
entre les veni-  
tiens & le duc  
Phelippes,

Boulongne re-  
couuerte par  
le pape,

Quatre cardi-  
naulx de Pier-  
re lune se redi-  
rent au pape  
Martin,



Baldefer coffe  
se rachapta de  
prison,

Baldefer coffe  
recongneut le  
pape martin a  
vray vicaire  
de Iesuchrist,

La mort de bal  
defer coffe,

Dou sont ve  
nus les riches  
ses de cosme  
de medicis,

sonnier au chasteau de Heldebergue: en germaine & le gardoit le cote pa  
latin: parquoy continuellement aucuns cytoyens & bourgeois Floren  
tins & mesmement cosme de medecis requeroient & prioient tous les  
iours le pape Martin q̄ voulsist deliurer de prison baldefer coffa/mais le  
pape leur faisoit tousiours respōse que aussi feroit il/ & il y auoit enuoye  
vng legat pour ce faire/ mais baldefer estoit si courrouce / fache / & lasse  
destre li longuement en prison quil ne attendit pas que le legat fust venu  
& donna au conte Palatin, xxx, mille pieces dor: au moyen de quoy il fut  
deliure de prison/ & senvint aux Itallies/ & se retira avecques pierre rou  
ge baron de Parme qui estoit de ses vieulx amis, Mais pource quil con  
gneut quon luy vouloit faire quelque trayson de nu yt: il sen fouit avec  
ques le legat du pare: quil auoit trouue en chemin: par Thomas fregose  
lung de ses amys: parquoy vng chascun cuydoit & eut en ymagination  
que le scisme se renouelleroit, Cestoit vng hōme de grāt couraige & in  
genieulx/ & quon cuydoit que ne sceust endurer de viure priuemēt: car  
lors il y auoit asses de gens qui luy vouloyent ayder a faire guerre: car ilz  
ne demandoient que noualitez/ discentions/ & guerres, Mais dieu tout  
puissant ne voulut pas q̄ son eglise fust en pturbatiō: il frappa & esmeut  
li bien baldefer: que sans aucunes pactions ne sans requerir au pape cau  
tion ne asseurement de sa personne: il sen vint a Florēce/ ou estoit le pape  
Martin: dont vng chascun fut fort esbay/ & esmerueille il baissa les piedz  
du pape Martin/ & puis le salua: comme esleu a la dignite papalle cano  
niquemēt & vray vicaire de Iesuchrist/ vng chascun reputoit icelle cho  
se admirable & quelle venoit de dieu plus que des hommes: que vng hō  
me couuoiteulx & fort ambitieulx q̄ nauoit iamaïs demāde qua regner  
& cestoit veu en si grāt honneur: & estoit ayme de tous: si soubdainemēt  
deuenir si doulx & amyable: au moyen de quoy vng chascun se prist a  
plourer de ioye/ & mesmement les cardinaulx qui lauoyent ensuiui: cō  
me pape: mais se baldefer se monstra doulx & traictable enuers le pape  
martin: aussi fist le pape: car peu de temps apres il le fist euesque de Tu  
sculanne retenant le tiltre de cardinal/ & depuis lauoit en grant hōneur  
& reuerence: tant publiquement que priuement: mais ce neātmoins peu  
de temps apres baldefer alla de vie a trespas/ en la ville de Florence/ & cō  
me aucuns disent il se ennuyoit de ce quil menoit vie priuee/ la quelle il  
nauoit pas acoustumee, Il fut honorablemēt enterre en leglise saint Ie  
han baptiste qui est pres leglise cathedrale de la ville de Florence/ & fut  
mis en vng magnifique tōbeau & sepulchre/ & ce faisoit Cosme de me  
decis: car il le gouernoit, Et aucuns disent que au moyen des richesses  
de baldefer: cestuy Cosme sestoit fort enrichi / & auoit fort augmente sa  
maison: tellement quil estoit le premier/ & le plus riche de tous les Flo  
rentins cytoyens & habitans de la ville/ & par lauenture plus que hom  
me qui fust en aultre nation ou barbare. ¶ Au sepulchre de baldefer sont  
escriptz telz motz, baldefaris coffe Iohānis, xxiiii, quondam pape corpus



hoc tumulto conditū, Cest a dire en lāgaige francoys: ycy repose le corps de Baldefer coise au temps passe pape, xxiiii. ¶ En ce temps les orateurs & ambassadeurs de lempereur de Constantinoble vindrent par deuers le pape Martin disant q leglise de Grece se vouloit reduire a la foy & vni- on de leglise Rommaine: se on leur vouloit faire bonnes & esgalles pacti- ons & conditions, A ceste cause le pape enuoya en Constantinoble: com- me legat Pierre Fōtayne seche du pays de Hespaigne cardinal de saint Ange/ homme de grande doctrine & lettre en toutes sciences: grāt clerc & saige/ mais au parauant que le pape y enuoyast cestuy cardinal hōme si scientifique/ il y enuoya premieremēt Anthoine Massane general & gouuerneur de lordre des freres mineurs: pour scauoir & congnoistre ce que vouloit faire lempereur/ & pareillement les Grecz & de luy en man- der la verite. ¶ Lors les Rommains sollicitoyent fort le pape Martin de retourner a Romme, Mais auant que de partir de florēce il exigea & fist de leuesche de Florence archeuesche: & transmua leglise cathedralle en metropolitaine: & y a subiecta: cōme a mere les eueschez & eglises, Cest- assauoir/ voleterane/ Pistore/ & Fesulane. Et puis dedia le grant autel de sainte Marie la nouelle: au monastere des freres prescheurs laquelle est fort apte & conuenable a recepuoir les papes. ¶ Le pape se partit de florē- ce & arriua en la ville de Romme: ou le recepuerēt les princes seigneurs & peuple de Romme/ en si grant honneur & reuerēce quil leur sembloit que le soleil ou estoilles estoient arriuees a Romme: car le pays latten- doit: comme leur pere seul & vniue: dont ilz auoyent si grant ioye quilz firent mettre & escrire a leurs croniques & libures/ le iour quil arriua a Romme, Et fut lan de nostre seigneur M, cccc, xxi, la dixiesme Calen- de du moys Doctobre. ¶ Le Pape martin trouua la ville de Romme si caduq̃ & ruyneuse quelle nauoit aucune face ne forme de ville: les mai- sons estoient tombees/ les eglises toutes en ruine/ les rues/ & places tou- tes desertes plaines dordures/ de fanges boues/ & aultres immōdicitez: tel- lement que la ville estoit si paouure & affamee de toutes choses que ce- stoit pitie de la veoir: car il ny auoit chose digne dhonneur: les cytoyens & habitans resembloyent estre gens venus de estranges pays & contrees: parquoy le pape eut pitie de la ville/ & commēca incontinent a faire sta- tutz & loix affin que le peuple fust reduit en bōnes moeurs/ & puis fist re- faire le murs de la ville & aultres edifices, mais lan reuolu la vigille saint Andry le fleuve du Tybre creut & se enfla: tellement quil entra par la porte flaminee & estoit toute icelle partie de la ville en eau/ & estoit le- glise de Pantheon plaine deaulx iusques au grāt autel, mais deux iours apres que les eaulx sen alloient & descroisoient ilz emmenerēt les bestes qui estoient aulx champs/ & fist beaucoup de dommaige aulx habitans de Romme: on menoit les basteaulx par la ville de Romme: comme on faisoit sur le fleuve du Tybre. ¶ En ce temps Alouise filz du roy Loys vint a romme & luy bailla le pape martin le tiltre du royaume de Na-

Ambassa-  
deurs de lēpe-  
reur de Con-  
stantinoble,

Leuesche de  
florence fut re-  
duite en arche-  
uesche,

Lan que le pa-  
pe martin en-  
tra a romme.  
Mil, ccccxxi,



Alouise fut in-  
uesty du roy-  
aulme de Na-  
ples par le pa-  
pe Martin,

Concille de  
Pise, pavis

Concille de  
Sene,

ples : & tout par le consentement & oppinion de tous les cardinaulx , Il disoit que le royaume luy appartenoit pource / & a cause quil auoit este adopte par la royne Iehanne seur de Ladislao, Or il cuidoit cōquerir icel luy royaume sans guerre / mais il fut dechasse de la ville de Naples par aucuns : parquoy il sen fouyt en Calabre, ¶ Lors estoit venu le tēps quō debuot tenir le concille comme il auoit este ordonne au concille de Cō- stance : parquoy le pape & du consentement de tous les cardinaulx furēt enuoyez aucuns prelatz en la ville de Pauye : pour le commander : car le lieu & ville de Pauye estoit le plus ydoine & cōuenable q̄ on peust trou- uer, Le pape y enuoya Pierre Donat archeuesque de Crete, Jacques Cā- ple euesque De spolette, Pierre Roçace abbe de Aquilee, Frere Leonard florentin general de lordre des freres prescheurs : lesquelz commencerēt le concille de lauctorite du pape / & du siege apostolique / il nestoit enco- tes nully venu fors & excepte deux abbez de Bourgonne / parquoy il fut conclud quon differeroit & mettroit on le concille iusques a vng aultre temps iusques que fust venu de chascune natiō quelques personnes : car nulz nestoyent venu de France / ne de Germanie / & pource ilz disoyent que se que feroient seroit de petite valeur / se icelles nations ny estoient, ¶ Or ce pendant la peste commanca si grande & si vehemente en la vil- le de Pauye que les p̄sidents du concille furēt cōtrainctz de muer & chā- ger de ville / & du temps : parquoy par le commandement le concille fut assigne en la ville de Senes : auquel concille de Sene y vint plus grande multitude de gens que nauoit faict en la ville de Pauye : car Alphonse roy Darragon qui naymoit pas le pape Martin : pource quil nauoit peu auoir le tiltre du royaume de Naples / ne de Secille : pource quil lauait baillie a Alouise filz du roy Loys, Il enuoya ses ambassadeurs au cōcille affin que par argent / ou aultrement Pierre Lune qui se disoit Benoist, xiii, fust reintegre en la papaulte / & vouloit corrompre les presidents / & aultres qui estoient venus au concille de ce faire, parquoy quant le pape Martin le sceut : pour obuier a ce que pourchassoit le roy Darragō : il mā- da quon cessast le concille : pour lors & quil aprouoit tout ce quilz auoy- ent faict & les decretz qui touchoient la foy crestienne : & affin quon ne dist que le pape fouioyt a faire celebrer le general concille : il ordōna que le concille general seroit tenu & celebre septans apres en la ville de Bres- se / & par ses moyens fut par sa prudence & sageffe obuie aulx grans scis- mes que aucuns vouloyent faire au concille de Sene, ¶ Lors le roy dar- ragon se plaignoit publiquement / & deuant tous : q̄ par le moyē du pape Martin il auoit este abroge & frustre du royaume de Naples p̄ la roy- ne Iehanne, Et que premieremēt elle lauait institue son heritier, Et que depuis il auoit faict instituer Alouise filz de Loys roy de Secille : pour estre roy de Naples, ¶ Le pape Martin disoit le contraire / & que la veri- te estoit que Alouise : comme heritier de la royne Iehanne auoit este du royaume de Naples cōforme par le pape Alexandre cinquiesme / & de-



puis par le pape Iehan, xxiiii, ¶ Quant Brache vit q̄ Alphonse roy darragon auoit debat & noyse avecques le pape Martin ilz firent confederation ensemble & prindrent par force plusieurs chasteaulx & villes de la terre de leglise de Rōme, Et oultre assaillirēt la ville de Aquillee qui est vne ville du royaulme de Naples, Parquoy le Pape fist assembler vne grosse armee / & luy ayderent & vindrēt au secours les cheualliers & gēs darmes qui auoyent acoustume de militer & estre souldoyez de p̄ la royne Iehāne & du roy Alouise: & tellemēt q̄ la bataille fut ordōnee dūng coste & daultre deuāt la ville Daquillee en vng champ: ou Brache fut vaincu & occis / en la bataille de Brache estoit le filz de Francoys Sforciā ne que depuis aucun tēps au pauant se estoit noye ainsi quil vouloit passer le fleuve piscaire: lequel les anciēs appellēt Aeterne, Le corps de brache fut aporte a Rōme & fut enterre en lieu pphane hors la porte saint Laurens, Au moyen de la victoire que le pape eut contre Brache / & après sa mort paix & tranquillite fut en tout le pays & retournerent a la domination & subiectiō de leglise, Peruse / Tuderte / Assisie & plusieurs autres villes & chasteaulx que Brache occupoit / qui estoient des terres de leglise, Il sembloit au peuple q̄ le temps de lēpereur Octouien estoit reuenue: car vng chascū pouoit dormir a son aise: aller p̄ forestz / boys / & chemins / & aller en marchādise: car les larrōs & guetteurs de chemins auoyent este tous mis a mort: & mesmemēt apres q̄ Tartalie lauelle & autres tyrās furent desconfis & mis a mort: car ilz viuoient de pilleries & larcins plus que de souldes gaiges de gens darmes, ¶ En ce tēps les boemyēs heretiques gastoyent les Germain tant par guerre que par leur heresie: pour quoy le pape y enuoya trois Cardinaulx: affin de donner couraige aulx Germain & aultres crestiens de batailler contre les Boemyens heretiques, Mais les Germain furēt si laches & remis que furent par leur ibecillite & couardise vaincus, Dont le Pape Martin fut fort courrouce, Et se delibera de faire plus grande guerre contre les Boemyens, Mais auant que fist icelle guerre, Il voulut pacifier les discordz & noyses qui estoient aulx Italles, entre les Florentins / & les Lucquoys, ce que fist: & puis se mist a faire refaire les eglises de Romme & mesmement leglise saint pi erre qui tomboit / & oultre fist pauer leglise de Lateran / & icelle paindre tres excellemment: il fist refaire les maisons pres les, xii, apostres ou il demoura assēz longuement par aucuns ans, ¶ Quant les cardinaulx virēt que le pape faisoit ainsi refaire les eglises: vng chascun cardinal fist refaire les eglises dont ilz estoient titulaires: parquoy la ville de Romme en fut plus belle & magnifique, ¶ Le pape Martin crea des cardinaulx du nombre desquelz son nepueu Prosper Colonne en fut vng & fut dyacre saint Gregoire de la toyson dor, Lors Pierre lune mourut en Panicholle, Mais apres sa mort les deux cardinaulx qui estoient demoures avecques luy / & dont nous auons parle cy dessus par lēhortement & persuasiō de Alphonse roy Darragon qui estoit grant ennemy du Pape Mar-

M.,

Brache fut occis & enterre en terre pphane,

La mort de Pierre Lune,



tin: esleurent pour pape gilles munion chanoine de bar chelonne & le apellerent Clement, viii, il estoit venu de noble lignee incōtinēt quil fut esleu pape il crea plusieurs cardinaulx & faisoit ainsi quauoit acoustume de faire vng vray pape. Mais aps q le roy Alphōse eut fait paix avecqs le pape: le cardinal de Foix legat de p le pape fut enuoye p deuers alphō ce roy darragon & fist reduire la ville & chasteau panischolle en l'obediē ce de leglise Rōmaine p le cōmandement du roy alphonse, Gilles qui auoit este esleu pape se demist du tout: p quoy le pape Martin fut enuers luy fort humain: car il le fist euesque de Manocque. Et les cardinaulx q auoyent este faitz p gilles volontaiřemēt renōcerēt a le dignite cardinal le. Mais les deux qui auoyent este faitz par Pierre lune furēt obstinez: & ne voulurent obeyrau pape martin, p quoy le legat les fist mettre en prison. Et par ses moyēs par le pape tout scisme fut aboly, Le Pape Martin estoit fort saige a distribuer & donner les benefices: car il ne les dōnoit q a gēs lettrez & ydoynes / & senqueroit aulx cōmunautēz & collēges qui estoient les estudiās & vertueulx / & puis il les subleuoit en leglise & leur donnoit les benefices. Il estoit si prudēt & constāt: car il nauoit que deux freres dont lung auoit nom Iourdain prince de Salerne: qui estoit laisne & mourut de peste, & lautre moinsne auoit nom Laurēs & fut brusle p fortune de feu qui se mist en vne tour ou il estoit / mais le pape pour les incōueniens aduenus a ses freres ne monstra oncques signe de impatience.

La mort du pape Martin.

¶ Apres que le pape martin eut este pape, xiiii, ans & trois moys il mourut dune apoplexie lan de son aage soixante & trois ans. Il auoit ordōne estre enterre en leglise Constatiniāne deuant les chefz des apostres en vng sepulchre darain: tout le clerge & peuple de rōme plouroit pour sa mort autant que silz eussent perdu leur pere. Le siege fut vaccant, xii, iours,

¶ De Eugene, ccxvi, pape, Et, iiii, du nom.



Vgene pape quatriesme du nom: estoit de Venise de la famille Condelmerie de ancienne lignee populaire. Son pere auoit nom Ange. Il vint a la papaulte par ce moyen. Cestassauoir quant le pape Gregoire douziesme du nom / qui estoit de la lignee des Corrariēs / & de Venise / enuoya querir son nepueu Anthoyne Corrare: qui estoit chanoine portant labit de Celestin de la congregation saint George en Alga. Cestuy Anthoyne mena avecques luy Gabriel cōdelmaire qui estoit dune mesme professiō & avecques lequel de son ieune aage auoit familièrement vescu. Le Pape Gregoire le fist premierement thresorier / & puis apres le fist & cōsti-



tua euesque de Sene/mais les Senoys ne le vouloyent accorder,car ilz di-  
 foyent quil nestoit pas conuenable ne ydoync / que vng estrangier fust  
 euesque de la ville de Sene / & quilz y en auoit assez de ceulx de la ville  
 qui estoient a preferer a luy qui estoit estrangier / & quil ne scauoit pas  
 les statutz / coustumes / & maniere de viure : comme scauoient les cy-  
 toyens / & gens deglise de la ville , ¶ Quant le pape Gregoire sceut / &  
 congneut que son cas touchant la papaulte naloit pas biē / & que nestoit  
 pas fort assure en la ville de Romme / il sen alla en la ville de Lucques  
 ou il voulut augmenter le nombre des cardinaulx & fist Anthoynne son  
 nepueu / & Gabriel Condelmaire cardinaulx / & depuis le Pape Gre-  
 goire se seruoit & confioit en cestuy Gabriel / & depuis que Gregoire  
 fut demis / priue / & abroge de la papaulte , Le Pape Martin le prinst /  
 & sen aydoit en ses grans affaires : & mesmement en la legation Picenti-  
 ne : lesquelz Picentins qui se estoient rebellez reduit en bonne paix & cō-  
 federation avecques le pape : & fist mourir les seditieulx / & puis fist re-  
 faire leglise saincte Agnes : & le port Danconne : qui estoit tout rompu  
 & decasse : au moyen des eaulx : tout & ainsi que laudit commance Lem-  
 pereur Traian , ¶ Quant le pape Martin congneut que les Boulōgnoys  
 se vouloyent rebeller & faisoient choses nouuelles , Il fist venir de Pi-  
 cene Gabriel / & lenuoya en la ville de Boulongne legat , Mais inconti-  
 nent quil y fut arriue les Boulongnoys furent tous apaisez , ¶ Apres que  
 tout le pays fut en paix , Il sen retourna a Romme , Et peu de temps apres  
 le Pape Martin deuint mallade parquoy alla de vie a trespas , Ou lieu du  
 quel fut esleu par les cardinaulx qui estoient vint & deux , dōt il estoit du  
 nombre eulx estant au cōclauē ou dit la minarue , Lan de nostre seigneur  
 Mil quatre cens trēte & vng , La , v , None du moys de Mars , Et muā son  
 nom : comme on a acoustume de faire / & fut appelle Eugene , Il fut mene  
 a sainct Pierre en grande triumphe / ou il receut la couronne pontificalle  
 & puis on le mena en leglise sainct Iehan de Laterā : comme il est de cou-  
 stume / & ce faiēt retourna en Vaticanē / & au mesme iour fist vng con-  
 sistoire general : ou il fut si grande multitude de gens que les poultres se  
 rompoient & trembloient : pour la pesanteur du peuple : pourquoy vng  
 chascun eut si grant paour & fraieur que en sen fouyant tous ensemble :  
 il y en eut plusieurs estainctz & mis a mort , Et mesmement leuesque Se-  
 negale natif de Rōme de la lignee & famille Meline : fut estoufe & tout  
 derompu . pour le peuple qui marchoit sur luy dont il mourut , cest le lieu  
 ou maintenant est le consistoire de Romme / mais les belles & somptueu-  
 ses maisons qui y sont a present ny estoient pas faictes , ¶ Aulcuns rapor-  
 terent au pape Eugene que le pape Martin auoit este fort auaricieulx &  
 couuoiteulx dor & dargēt & que ses parens & familiers lauoyent prins /  
 & desfrobbē apres la mort , parquoy assez legierement le Pape Eugene les  
 creut / & a ceste cause dit quon prinst Odde Pice vichambrier du Pape  
 Martin & pour ce faire bailla la charge & negoce a vng nōme Estienne

M,cccc,xxxi,

M,ii,



Oddo fut me-  
ne publique-  
mēt par la vil-  
le de Romme  
comme vng  
larron,

Colonne: lequel auoit fait duc & prefect de son armee: car cestuy Estienne Colonne ne tenoit point le parti des aultres Colonnais: & tout ce faisoit faire le cardinal Vrsin: & le cardinal des contes: par le moyē desquelz tous les maulx estoient mis sus a Oddo, Or combien que le pape Eugene eust mande & dit a Estienne qu'on admenast Jehan Oddo par deuers luy sans tumulte: noyses ne debatiz/ ne sans luy faire aulcūe iniure: ce nō obstant/ Estienne Colonne & ses gens darmes rauirent/ prindrēt tous ses biens: & comme vng larron Oddo fut traïne & mene par la ville de Rōme publiquement & deuant tous iusques au pallays du pape: dont le pape Eugene fut fort courrouce cōtre Estienne Coulōne/ dauoir ainsi mene & traicte Oddo euesque de Tiburce / & qui auoit este cubiculaire du pape Martin/ a ceste cause: il menassa fort cestuy Estienne: parquoy Estienne craignāt la fureur du Pape Eugene: il sen fouit en preneste: au prince Colonne: & luy offrit: luy ses biens & ses gens: pour dechasser le pape Eugene de Romme: car il auoit delibere de mettre a mort & abolir tous les Colonnais: & le nom diceulx: & disoit que le scauoit biē: car il auoit este au conceil quant le Pape auoit icelle chose deliberee / & en debuoit estre participant/ & pour ceste cause il sen estoit fouy par deuers luy. Le prince de Colonne fut esmeu & ire contre le pape Eugene: au moyē des parolles que luy auoit dit & raconte Estienne Colonne: & aussi quil persecutoit ainsi les seruiteurs du pape Martin cinquieme du nom, A ceste cause fist assembler ses gens & les fist mettre tous en armes pour aller assaillir le pape Eugene iusques a Romme. Mais pmièrement il admonesta le cardinal posper son frere qui estoit a Romme de se detourner & sortir hors de la ville de Romme. ¶ Or le prince de Colonne & tous ses aliez vindrent a Romme pour assaillir le Pape Eugene, Jehan Baptiste auoit desia occupe la porte Appie/ & puis entrerent dedans la ville de Romme tous en armes sans faire aucun mal ne desplaisir a nulle personne / & estoient desia paruenus iusques a Sainct Marc en la rue Colonne. Mais soudainement larmee du Pape Eugene / & vne grande partie du peuple de la ville de Romme sortirent & vindrent audeuant de eulx / & incontinent commencerent a ruer les vngz sur les aultres / tellement que dung coste & daultre ilz y en eut beaucoup de tuez prins & occis, Mais quant les Colonnais virent & aperceurent que le peuple de Romme dōnoit ayde & secours au pape Eugene: la quelle chose ne cuydoient pas parquoy furent fort esbays/ & incontinent sortirent de la ville de Rōme & en leur en allant pillerent & desrobberent partout ou ilz passoyent les biens des laboureulx & aultres & prindrent & emmenerent le bestial & dauantaige prindrent les hommes & les emmenerent prisonniers, ¶ Quant ceulx de Romme virent que les Colonnais faisoient iceulx maulx & extorsions, Ilz pillerent pareillement tous les biens des Colonnais du cardinal Posper/ & de tous les familiers qui furent du pape Martin / & de tous ceulx qui auoyent vescu familièrement avecques luy:



tellement quilz abatirent leurs maïsos & aultres edifices : parquoy vng chascun fut si irrité les vngs contre les aultres / quilz ne bataillèrent pas seulement publiquement mais commencerent a yser de trayson. car il fut prins a Romme le filz de Anthoyne Colonne archeuesque de Beneuent : & son frere Masius / & luy bailla on la torture & question : au moyen de quoy il confessa quil auoit intention de prēdre par dol le chasteau sainct Ange / & que en ce faisant il debuoit tuer & mettre a mort le capitaine du chasteau / & le bailler aux Colōnois / & par tant quilz debuoyēt chasser & expulser le pape Eugene de Romme / & pareillement tous les vrsins. Cestuy mansius fut degrade en campe de flour / & puis son corps fut mis en quatre parties / & en chascune grande rue en la plus publique fut mis & pendu vne partie de son corps. Mais de larcheuesque de Beneuent il nen fut point faict de mention. ¶ Or ce faict incontinent le pape Eugene cheut & tomba en vne maladie / & comme aucuns disent que cestoit de douleur & despit quil auoit pource que se voyoit en si grande perturbation. Les aultres disent que la maladie luy pcedoit pource que vng sien soldane il auoit este empoisonne : parquoy il fist paix avecques les Colōnois & icelle prouua & fist Angelot Folco cyroyen de Romme / & a ceste cause il le fist puis apres cardinal avecques Frācoys Cōdelmere son nepneu. Et fist diuulger & publier ceste paix le plus tost quil le peult. Pource que Lempereur Sigismonde estoit desia descendu aux Italles qui venoit a Romme. Il fist Francoys son nepneu chambrier / & luy bailla pour le duyre & gouuerner gens fort industrieulx / & de bon conseil / pour gouuerner la seigneurie & domination du reuenu de leglise. ¶ Les florentins lors congnoissant que lempereur Sigismonde venoit aux Italles / ilz eurent paour pource quilz fauorisoyent Phelippes duc de Myllan / qui estoit ennemy des florentins / Aceste cause il enuoyerēt Nery Cappon cyroyen de florence par deuers le pape Eugene : pour luy remōstrer que la venue de lempereur estoit le grāt domnaige aux Italles / & pareillemēt a la ville de Romme & que si leur vouloit ayder quilz le garderoyēt bien de passer iusques a Romme. Le pape Eugene se accorda avecques les florentins : parquoy Nicolas Tollentine qui estoit chef de larmee du pape assembla & ioinnit avecques michelet Cotignole duc & capitaine des florentins. Et ensemblement vindrēt pour empescher q̄ Sigismonde ne son armee ne passast le fleuve de Arne. Mais ce pendant que Nicolas Tollentine vexoit / traualloit / & pilloit le pays des Senois & faisoit courses contre eulx. Lempereur Sigismonde eut temps de passer le fleuve de Arne / & a ce faire luy ayda fort Anthoine pontadere hōme vallant quant aux faitz darmes / & grant ennemy des florentins : parquoy sigismonde facillemēt sans bruit ne isulte vint iusques en la ville de Senes ou il fut receu honorablemēt. Apres que lempereur eut este en la ville de sene, vi. mois aux despēs des senois cuidāt tousiours faire paix avecques les florentins ce q̄ ne peult faire : parquoy il fist paix avecques

M, iiii,

Masius degra  
de & mis par  
quartiers.Nery Cappō  
florentin.



Barbe fille de  
Brādibourgē-  
ce mariee a  
Loys frācoys,

Guerre entre  
Phelippes duc  
de millan & le  
pape pape Eu-  
gene.

le pape Eugene/& a ce moyen sen alla a Romme ou il fut receu du pape/  
& du peuple tres benignement:& y fut courōne empereur:& ce fait ptist  
de Romme avecques la bōne grace & amour du peuple:& vint en la vil  
le de mantue ou il y demoura par aulcuns iours / & fist Iehan Francoys  
seigneur de Mantue/marquis/& luy bailla le signet imperial / & p tant  
puis apres fut appelle marquis de Mantoue : & ce fait il donna en maria  
ge Barbe fille de Brandibourgence/a Loys filz de Iehan Francoys mar-  
quis de Mantue, Icelle nopces mirent a hōneur la famille & lignee Gō  
ziague:car icelle fille Barbe estoit parente de lempereur Sigismonde/&  
son pere estoit lung des eslecteurs de lempire, ¶ Quant lempereur sen  
fut alle, Les Venitiens/& le duc de Myllan firent paix ensemble / & par  
le moyē de Eugene, Et fut lan, mil, quatre cens, xxxiii, & en faisant icel  
le paix fut dit que le duc de myllan laïsseroit Glarea Abdue/ainsi sapel  
loit le lieu & que les rendroit au marquis de Monferrat/& Aorlāde Pal  
laucine:car iceulx lieulx terres & seigneuries leur apartenoit cōme leur  
heritaige paternel/& les auoit spoliēs icelluy duc de Myllan, Et tout ce  
que auoit este prins sur les Florentins/Lucquoys /& Senoys/tout seroit  
rendu a ceulx a qui apartenoyent, Et tout se rendroit dung coste & daul  
tre dedans, xxx, iours ou autrement celluy que ne feroit seroit repute en  
nemy mortel de trestous/& par ses moyens la paix fut ainsi faicte, ¶ Le  
pape Eugene cuydoit estre en paix/mais puis apres soubdainement Phe  
lippes duc de Myllan qui ne demandoit que choses nouuelles / & estoit  
fort couuoiteulx de dominer & regner, Il fist guerre contre le pape euge-  
ne, Et pareillement Francoys Sforce/vindrent en grosse armee/ en Fla-  
minee saignant quil sen alloit en la Pouylle: pour deffendre Alphonce,  
Mais la verite estoit au contraire:car il print beaucoup de chasteaulx a-  
partenans a leglise de Romme, Et de ce non content le duc Phelippes, Il  
enuoya en grande diligence Nicolas fort bras homme de grant engin &  
prompt a la main avecques vng nombre de cheualliers qui occuperēt la  
porte Flaminee qui estvne de portes de Rōme dont le pape fut biē esbay  
car il ne sen doubtoit pas, Cestuy Nicolas aultrefois auoit este aulx gai-  
ges du pape Eugene/& luy demandoit ses gaiges: disant quil nauoit pas  
este paye/mais le pape luy fist respōce quil auoit este trop bien paye: car  
il auoit destruit & pillē la ville de vetralle/& la vielle ville: dont se deb-  
uoit bien cōtenter de ses gaiges: car il auoit trop gaigne & eu du pillage  
qui valloit plus que ses pensions & gaiges, De la quelle respōse Nicolas  
fut fort ire & indigne contre le pape:parquoy il pilla & depopula tout le  
pays de Romme/& print prisonniers tous ceulx que peult prendre / &  
emmena les beufz vaches/moutons/& aultre bestial quil peult trouuer:  
dont le pape Eugene ne fut pas content / & ne scauoit que debuoit faire:  
car les Rommains venoyēt a luy se plaindre des iūres pilleries & voyes  
de fait que souffroyent & enduroyent, Lors le pape estoit sans bon cōseil  
& pource quil estoit malade il enuoya iceulx cytoyens de Romme:&



aultres a son nepueu Francoys qui estoit chambrier/lequel ne vacquoit & ne faisoit aultre chose/sinon q̄ prēdre toutes ses voluptez charnelles: car a ce il estoit adonne, Et quant il eut ouy les clameurs & pertes des romains/& quilz se pleignoient tāt souuēt, Il leur fist responce quilz mettoyent trop leur esperance aux bestes quilz disoyēt quon leur auoit mal prinſes & desrobees, Et que les venitiens quilz nauoyent ne bestes ne iumens/menoyent meilleure vie & plus honneste que ne faisoient les romains: de laquelle responce les Rommains furēt indignez & couroucez. Lors Nicolas auoit prins le chasteau sublacence/& auoit faict confederation avecques les Colūnoys apres que le prince de Columne eut faict tuer Estienne Columne/qui estoit tousiours contraire aux Colūnoys: Neantmoins quil fust de la famille/se armerent & se assemblerent avecques Nicolas & entrerent a Romme/& dechasserēt tous les officiers du pape Eugene/puis prindrent son nepueu Francoys chambrier, Et aps creerent de nouueaulx officiers pour gouverner la ville de Romme:& eslirent sept citoyens & bourgeois de Romme/lesquelz furent gouuerneurs/& leur donnerent toute puissance de faire viure ou mourir,

Quāt le pape Eugene se vit ainsi assailly/il se habilla en habit de moyne & print sur luy vne coulle & froc de moyne/& avecques Arsene moyne se mist en vne petite nauire sur le fleue du Tybre, affin de sen fouyr en Hostie. Mais aucuns Rommains le congneurent ainsi quil estoit sur le fleue du Tybre/& coururent apres luy en luy icētant des pierres & tirant des fleiches & saiettes, Car ilz ne vouloyent retenir le Pape, sinon iusques a ce quilz eussent prins le chasteau saint ange, Mais le pape fist si bonne diligence quil vint a Pise & puis en Florence, Mais les Rommains ne cesserent dassaillir le chasteau saint ange, Parquoy le capitayne du chasteau par le moyen de Balthasar aufida /homme fin & cauteleux/trouuerent vne cautelle pour prendre les Rommains, Et pour ce faire Balthasar debuoit sortir ainsi quon sortiroit du chasteau pour courir sur les Rommains & qui se laisseroit prendre, Et ce faict quant il seroit avecques les rommains quil dist beaucoup de mal du chastellain anthoine ridium/& quil estoit trop cruel & mauuaistyrant, Et si le vouloyent laisser aller & luy donner de largēt/quil le tueroit & les mettroit dedans le chasteau saint ange, Laquelle chose asseꝯ facilement creurēt les Rommains/& luy pmirent vne grande somme de pecune mais quil eust faict, Or pour ce faire le laisserent aller/& quant il fut au chasteau saint ange/le lendemain bien matin il print les chausses & habillemēs de anthoine chastellain/& la teste dung homme semblable a luy:& puis commença a ouurir la basse court en criant a haulte voix quil auoit tue & occis le chastellain/& quilz entraſſent dedans: mais quon luy portast l'argent quon luy auoit promis/ce que fut faict, Et puis des plus riches romains & grans seigneurs de romme entrerent dedans le chasteau saint ange/car ilz croyoient que le chastellain fust mort & ne se doubtoient

Les officiers  
du pape Eugene  
ne dechasseꝯ  
de romme

Le pape Eugene  
en habit dis  
simule,

La finesse de  
Balthasar aufi  
da enuers les  
rommains

M,iiii,



point de la fraulde, Parquoy incontinent que aulcuns furēt entrez ilz furent prins & arrestez prisonniers/ & puis se commēcerent a mocquer les Rommains en leur iectant par ioye bombardes & aultres choses, Quant les Rommains se virent ainsi trompez & demoquez ilz penserent comment ilz pourroyent recouurer leurs gens: tellement que pour les rauoir il faillut quilz delaiassent aller le chambrier nepueu du pape Eugene/ lequel tenoyent en prison: & partant tous les Rommains qui auoyent este ainsi prins au chasteau saint Ange furēt deliurez, Et ce faict la ville de Romme fut reduicte en l'obedience du Pape: car les officiers du Pape gaignerent le capitolle & lauittallerent/ & dechasserent les sept gouuerneurs que les Rommains auoyent faictz, Quāt le chambrier & nepueu du Pape fut deliure il sen alla par deuers le Pape: & vint a Romme Iehan videliche quon appelloit le Patriarche, Cestoit vng homme cruel qui menoit miculx la vie dung tyran que dung crestien: parquoy les Rommains n'osoient dire vng mot ne ouurir la bouche pour parler,

Alphōce roy  
Darragon fut  
mene prison-  
niera Millan

¶ Cependant quon faisoit ces tumultes & guerres en la ville de Rōme le roy Darragon Alphonse auoit assailly la ville de Naples & Caiette/ laquelle auoit este bien deffendue par les marchans Geneuoyz, Et finalement firent tant les Geneuoyz par le commandement de Phelippes duc de Millan qui estoit leur duc & gouuerneur quilz vainquirent Alphonse & le prindrent/ & le menerent prisonnier en la ville de Millan, Mais le duc Phelippe le receut honnorablement & nō pas comme vng prisonnier ou ennemy des Geneuoyz: mais comme roy & luy fist grant honneur & luy donna de beaulx dons, Puis apres Alphonse sen retourna en son royaume dōt les Geneuoyz furent courroucez dequoy il lauoit laisse aller/ pource quilz auoyent prins en bōne guerre, A ceste cause ne voulurent plus que le duc de Millan fust leur duc ne gouuerneur: & eslirent pour leur duc Thomas Fregose: au moyen dequoy le duc de Millā fist plusieurs guerres aux Geneuoyz & a leurs allies, ¶ En ce tēps le pape Eugene voyant que par tout le pays Dyallie & aultres lieux se nestoyent que guerres, Et pareillement que le cōcille de Basle estoit desia commence en la ville de Basle: & y estoient les nations de Frāce, Germanie/Hespaigne/ & aultres plusieurs princes qui y estoient venuz/ pour garder & faire garder la foy crestienne/ car ilz mettoient tout leur espoir au concille, Et pour obuier q̄ icelluy concille ne fust tenu en Basle/ le pape Eugene du consentement des cardinaulx qui estoient ses adherans/ voulut & manda que nonobstant que le pape Martin eust institue & ordonne/ que le concille seroit tenu en Basle: ce neantmoins il le transféreroit en la ville de Boulongne, Mais le pereur & les princes qui estoient venuz a Basle au concille ne voulurent obeyr au mandement du Pape: Et oultre luy manderent ou nom du cōcille que si ne venoit a Basle qui estoit le lieu qui auoit este ordonne & institue par le pape Martin/ quon procederoit contre luy/ comme on a acoustume de faire contre vng pre-

Le cōcille ordōne a basle p  
le pape martin



uaricateur & contumax: car il auoit este cite p troys foys/affin quil vint & comparust au concille luy & ses cardinaulx. Quant le pape Eugene eut entendu ce que on luy mandoit il eut paour/& par lettres apostoliqs il conferma tout ce que le concille auoit faict/& donna conge & licence a tous ceulx qui y voudroyent aller, Lors le pape estoit de tous coustez guerroye: pourquoy il enuoya a Romme lehan viteleche hōme prōpt a ses affaires/mais il estoit fort cruel & seure, Il fist guerre contre tous les Coulonnoys & Sabelliques/& destruyt toute la factiō des Gibelins, Il fist rōpre & destruyre le chasteau Gaudulphe qui estoit au pres du lac Albane, Et oultre il fist abbatre les chasteaulx Saballe & Bourget & la cite Dalbe/Preneste & Zagarole:& tous les habitans qui y estoient demourez il les fist aller demourer en la ville de Romme, Et ce faict il mist toute la Campagne en lōbedience de leglise de Romme, Il print Anthoine pontadere qui estoit ennemy de leglise/lequel fist pendre & estrangler dung licoul a vng arbre doliuier:& puis sen vint a Romme ou il fist abbatre plusieurs maisons des Rommains sedicieux: tellement que vng chascun trembloit de paour pour la fureur & cruaulte des coniuurateurs & sedicieux de Romme, Il fist tant que entre les aultres il print vng Rommain quon appelloit pulcelle/& le fist tournēter en cāpe de flour/de forces de fer chauldes/& puis le fist pendre & estrangler, ¶ Vne foys le peuple se vint plaindre a luy/ que par la uarice & cupidite des riches Rommains le ble estoit enchery/& quilz estoient presque affamez/ neantmoins quil y eust assez bledz en la ville de Romme, Parquoy par son commandement on amena tāt de bledz & aultres grains au marche de Romme/ q chascun en eut en grant habondance/ car on craygnoit trop la fureur de Viteleche, Or quant il eut paciffie le pays Rommain & la ville il sen alla au royaume de Naples: lequel vng peu deuāt Alphonse roy Darragon auoit occupe, Il print le prince de Tarente & deux mille cheualliers, Et puis il occupa la dominatiō & seigneurie du conte de Tarente, Icelluy Viteleche disoit que le royaume de Naples competoit & appartenoit a leglise de romme & au Pape, Il fist treues avecques Alphonse: mais neantmoins ce pendant il le cuida prendre par cautelle & fraulde, Mais il fist la paix avecques le prince de Tarente apres que les chasteaulx appartenans a leglise saint Pierre furent renduz Et ce faict il sen vint en la ville de Preneste laquelle cestoit rebellee par le moyen de Laurens Colūne:& pour ceste cause il fist du tout destruyre & abbatre totalement icelle ville de Preneste/& enuoya tout le peuple dehors la ville, Et fut lan de nostre seigneur, Mccccxxv, & fut lan q le pape Eugene dedia leglise cathedrale de Florence, Puis il sen vint en la ville de Boulongne ou il fist faire vne tour/du couste de la porte q lon va deuers la ville de Ferrare/ou se tiennent maintenāt les legatz, Et lan ensuyuāt il transfera le concille de Basle en la ville de Ferrare: pour ce quil disoit que les Grecz ne vouloyent point aller au cōcille de Basle

La factiō des gibellins fut destruite & les coulōnoys,

Anthoine pōtadere fut pendu & estigle

Prouidēce de ichāviteleche pour le peuple de rōme/dont les officiers deburoyēt prendre exemple



La mort de l'empereur Sigismond

mccccxxxviii

Pourquoy les presidens du concille de Basle par promesses & aultremēt requeroient aux Grecz quilz delaissassent le pape Eugene / & quilz sen vinsent en la ville de Basle. Et oultre leur manderent quilz deposeroient le pape Eugene sil ne venoit luy mesmes au concille de Basle. A ceste cause le pape Eugene estoit en grant doubte & ne scauoit quil debuoit faire. Et pour le deffendre & excuser il enuoya au concille de Basle Iehan francisque docteur aux droictz & cheuallier de Padoue. Mais ce pendāt lempereur Sigismonde par le moyen duquel le concille auoit commēce alla de vie a trespas. Et ou lieu de Sigismonde les electeurs esleurent Albert duc Daustrie. Pourquoy le pape fist commencer le concille general en la ville de Ferrare par le cardinal de sainte croix: & y fut le pape Eugene / pource quil disoit que lempereur de Constantinoble Iehan paleologue se debuoit trouuer avecques plusieurs nauires des Venitiens & du Pape / affin quon ne luy fist aulcū desplaisir ou inconueniēt. Pource que le Pape disoit que le concille auoit enuoye des nauires de trāce au deuant de lempereur en la mer Ionique / pour le faire aller au concille de Basle / ou sil ny vouloit aller pour le garder quil nallast en Ferrare. Mais le pape Eugene fist tant par or & argent quil donna au patron & capitayne des nauires de France quil le fist condescendre a son vouloir / & laissa le party du concille & se mist du party du Pape. Parquoy facilement lempereur de Constantinoble vint iusques en la ville de Ferrare / & fut receu par le Pape aussi honorablemēt comme on auoit acoustume de faire les empereurs Rommains. ¶ Apres que Iehan viteleche eut paciffie les terres & seigneuries de leglise de romme / & quil eut faict faire iustice & pugnition daulcuns prestres qui auoyēt mal prins & desrobe certaines pierres precieuses qui estoient aux chefz de saint Pierre & saint Paul / & quil eut tue & occis Iaqués galese & ses allies & compaignons qui faysoient & commençoient faire des sedicions en la ville de Romme. Il sen alla en la ville de Ferrare ou il fut faict publicquemēt au consistoire de par le pape cardinal. ¶ Le pape Eugene qui auoit grāt desir & vouloir de reunir les deux eglises: cestassauoir leglise des Grecz a leglise Romaine / qui auoyent este longuement fort cōtraires. Et fut lan de nostre seigneur. Mccccxxxviii. Il fist faire processions & prieres a dieu / & puis celebra messe du saint esperit. Et ce faict il entra au concille avecques lempereur des Grecz & patriarche de Constantinoble: & puis fist asseoir lempereur de constantinoble en vng siege magnifique: & les aultres Grecz du couste du Pape. Et puis fist demande publicquement se vng chascū ne vouloit pas bien que ce ne fust que vne eglise des deux eglises: cestassauoir de leglise des Grecz & de leglise des Latins cest leglise de Romme / qui si longuement auoyent este en discors & differēs. A laquelle voix & demande vng chascun dist tout hault quil leur plaisoit bien. Mais quil failloit premierement que les oppinions & causes pourquoy estoient les deux eglises en si grans differēs fussent disputees



& confundes p raisons & doctrines, Or de ce tous les iours les docteurs latins disputoyent contre les grecz: & mesmement ceulx qui auoyēt este esleuz a ce faire par les deux eglises, ¶ Ce pendant la peste fut si grande en la ville de Ferrare/ quil faillut que le concille fust transfere en la ville de Florence ce que fut faict, Et ce temps pendant par le mandement de Phelippes duc de Millan/ le capitayne Picennine print & occupa les villes: cestassauoir/ Foroliue/ Imole/ Rauenne/ & Boulongne, Pource que le pape Eugene fauorisoit aux Venitiens & aux Florentins ses ennemys mortelz, Et oultre icelluy Picennine passa le fleuve de Pade avecques son armee/ & print & occupa Casalernage & Platine/ qui est mō pays & lieu ou ie prins ma naissance, Et finalement tout ce que tenoyēt les Venitiens au pays & terres de Cremonne/ en brief tēps mist en son obediēce, Et dechassa Gattamelate chief & capitayne de lost des Venitiens, Et ce faict le prince de Mātue se associa avecques Nicolas picennine, Pour quoy les Venitiens furent assailliz de tant de coustez quilz ne scauoyent quilz debuoyent faire/ & estoit faict deulx & de leur puissance/ car ilz estoient assiegez & mouroyent de fain, Mais ilz firent tant quilz enuoyèrent Iaques donat aux Florentins leur prier & requerir que ce fust leur plaisir de les secourir ou aultremēt cestroit faict de leur seigneurie de venise: car Phelippes duc de Millan & Francoys prince de Mātue/ les oppressoyent merueilleusement par guerre, Quant les Florentins ouyrent les nouuelles des Venitiens ilz en eurent pitié: car ilz estoient leurs alliez & confederes/ & auoyent promis la foy lesvngz aux aultres, Parquoy ilz leur enuoyèrent au secours Francoys sforce avecques grande cōpaignie iusques au pays de Venise, Mais auant quil voulust aller le pape Eugene le declaira Marquis du pays de Pincennine, Il auoit avecques luy douze mille hōmes darmes & cinq mille hōmes de pied, Il fist tant quil paruint iusques au pres de Verōne ou il eut forte bataille: mais nulle partie ne se reculloit, Et pource que Nicolas picennine estoit bleffe & fort malade il se retira vng peu/ & aussi il nauoit lors que biē peu de gens, Mais Francoys sforce vint assaillir le chasteau/ qui tenoit le party de Phelippes duc de Millan, Parquoy Picennine y vint pour le deffendre: mais ainssi que violement comme il auoit acoustume de batailler/ & quil ne se donoit point de garde de ses ennemys/ il fut enclos p iceulx/ & eust este prins par Francoys sforce neust este Charles gonzague filz de Iehan francoys qui luy donna secours & ayde, Mais neantmoins il vint si grāt nombre de gens darmes/ quil fut prins & mene prisonnier en la ville de Veronne & mis en prison, Mais aucuns ont escript q pource quil auoit este bleffe en la bataille & quil ne pouoit aller a cheual ne retourner a ses gens/ quil fut prins par vng sien seruiteur nōme Todeschine qui estoit hōme fort & robuste/ & le mist dedans vng sac cōme vng homme mort Et puis le chargea sur son coul/ & p le millieu des ennemys le porta iusques ou lieu ou estoient ses gens & son armee, ¶ Quant le duc de Millā

Le pays & terre  
dou estoit  
natif Platine



Amedee duc  
de Sauoye fut  
esleu pape par  
le concille de  
basle

Les grecz re-  
duictz a la foy  
p le concille te-  
nu par le pape  
Eugene

seut & congneut que les Florentins auoyent donne secours aux Venitiens en faueur par le conseil du pape Eugene, A ceste cause le duc fist tant que ceulx qui tenoyent le concille de Basle citerent par vne /deux/ troys foys/le pape Eugene/de venir & comparoir au concille de Basle: Mais il ny voulut aller, Parquoy le duc les persuada tāt quilz priuerēt le pape Eugene de la dignite papalle, Et en son lieu eslirēt Amedee duc de Sauoye/qui estoit beau pere du duc de Millan:lequel menoit vie de hermite en Rīpalie avecques daulcuns nobles & gentilz hommes, Cestuy Amedee fut appelle Felix par le moyen dicelle electiō, Il y eut de grandes seditions en leglise/car les crestiens ne scauoyent silz debuoyent ensuyure le pape Eugene ou le pape Felix, Les aulcuns ne ensuyuoient ne lung ne lautre & se disoyent neutres, Mais de tout ce q̄ faysoiēt ceulx qui estoient au concille de Basle il ne luy en challoit/& perseuera au concille ou estoient les Grecz, Et fut tant dispute entre les Grecz & Latins/que les grecz furent vaincuz p raisons:tellement quilz furent cōtrainctz de confesser q̄ le saint esperit procedoit de dieu le pere & de dieu le filz/& estre homūtion/& quil ne procedoit pas seulement du pere cōme ilz croyoient, Et que doresnauant ilz celebrieroyēt & consacreroyēt le corps nostre seigneur en azīme/& non pas en ferment & pain leue, Et oultre quilz croyoient quil estoit vng lieu quon appelle purgatoire, Aussi pareillement quilz croyoient que le Pape de Rome estoit le vray vicaire de Iesuchrist/& le legittime successeur de saint Pierre:laquelle eglise se de Rōme tient le premier lieu en tout le monde/a laq̄lle leglise orientale & leglise occidentale doit obeyr, ¶ Apres que toutes les choses desusdictes furent publiees les Grecz sen allerent en Grece:les Armeniēs creurent en nostre foy apres quilzeurent delaisse leurs erreurs, Et fist de ce faire le pape Eugene lettres apostoliques ou estoient escriptes les raisons des concordāces avecques lincription, Datū in sacrosancta coeconomica sessione concilii Florentini qđ in cathedrali ecclesia habitū est, Lan de nostre seigneur, Mccccxxxix, le, xxii, iour de Nouēbre, Et affin que le pape Eugene informast & annichilast le concille de Basle/il fist lors vng cōsistoire publique ou il fist, xviii, cardinaulx/du nōbre desq̄lz il y enuoyoit deux Grecz:cest assauoir Nicene & Rutene/affin quilz demourassent tousiours en la vraye foy crestienne, Mais peu de tēps apres ilz retournerent en leurs erreurs cōme deuant, Et oultre le pape Eugene fist & crea cardinaulx Pierre barbo filz de sa seur/& Alouise de Pauie/leq̄l il fist Patriarche Daquilee/& cameraire ou lieu de son nepueu Frācoys cōdelmaire/lequel il fist vicechancellier, ¶ Cependāt que ces choses se faysoient a la ripe de Tridēte/& que vng chascun cuydoit que le prince de Mātue & Nicolas Picēnine ne deussent plus guerroyer/pour ce quilz auoyent eu si grāt inconuenient & perte degēs, Ilz prindrent la ville de Verōne & y entrerent par vne cistelle/& eschellerēt la ville & entrerent dedās sans que aulcun les peust ouyr/car lors il courroit vng



vent Daquilon & faysoit froit: parquoy plusieurs gens d'armes cestoyent retirez aux maysons & aultres lieux pour eüter le froit. ¶ Or quant francoys sceut que la ville de veronne estoit prinse / il assemblea son armee & vint assaillir par grant couraige les ennemys qui estoient dedans. Mais audeuant de luy vindrent aucuns capitaynes du duc de Millan / & se recontrerent si bien quil y eut plusieurs coups ruez dung couste & daultre & estoit icelle bataille du couste de la ville qu'on diët & appelle lisse: tellement que les gens d'armes se assemblerent tous en vng tas sur vng pont qui estoit faict de boys / lequel pour la pesanteur dicelle assemblee rompit. Parquoy tous ceulx qui tumberent furent noyez & submergez / car ilz estoient las & trauaillez dauoir longuement bataille / & aussi ilz estoient armez. Et pource que les habitans ne vouloyent obeyr au prince de Mantue ne a Nicolas picennine / ilz furent dechassez de veronne quatre iours apres quelle eut este prinse par eulx. Pourquoy quant le duc Phelippes vit quil ne pouoyt rien faire / pource que francoys Sforce qui estoit duc des venitiens & enuoye par les florentins / & payerent esgallement les fraitz de la bataille. A ceste cause pour trauailler les florentins il enuoya Picennine au temps dyuer avecques six mille homes d'armes pour faire guerre en Heturie & contre les florentins. Parquoy les florentins requierent au pape Eugene secours / & leur enuoya Iehan vitelesche / duc & legat de l'armee du Pape. Mais pource que les florentins congneurent quil auoit conspire & coniuere avecques le duc Phelippe / ilz firent faire des lettres & feignirent que le pape Eugene les auoit enuoyees / affin qu'on tuaist Iehan vitelesche. Ce que fut faict par Anthoine ridie capitayne. ¶ Apres que les florentins furent deliurez de si grant paour & crainte quilz auoyent / & croy bien que icelluy Iehan vitelesche fut tue & occis par le conseil & faueur de Alouise. Alors Picennine gastoit & destruysoit toute la vallee Mugullanne / & mettoit tout le pays de Fesule a feu & a sang & print la ville de Peruse. Puis apres il enuoya le legat au pape Eugene. Et ce faict print le tresorier de la ville & mua tous les officiers. En apres il crea dix citoyens pour gouuerner la ville / qui auoyent puissance de faire mourir ou de sauluer la vie a ceulx qui vouloyent.

Iehan vitelesche fut tue & occis

¶ Or les Perusiens eurent grant paour que Picennine ne voulust mener vie de tyrant / & a ceste cause on luy donna & bailla cinquante mille pieces dor & quil voulust delaïsser la ville / laquelle chose fut faicte. Lors le prince de Mantue perdit Asole / Louate / & Picherie / qui estoient troys chasteaulx assez grans & amples bien muniz & fortifiez. Mais nul ly pour lors ne les destendoit ne gardoit / pource que picennine estoit absent aulcun nosoit se mettre en champ de bataille.

¶ Alors picennine sen partit de Burgue / qui estoit le iour & feste des apostres monsieur saint pierre & saint paul / laquelle feste est aux kalendes du mois de Iuillet : pour cuyder surprendre & destruy-

N.i.



relost des florentins & celluy du pape Eugene/qui estoient a Anglare, Mais il ne choysit pas bien vng bon lieu & propre pour luy a batailler: neantmoins que la bataille dura cinq heures & plus, Mais pour la multitude de ses ennemis & la folie des Francoys/son filz qui estoit sorty du lieu ou il debuoit demourer Picennine fut vaincu. Et pour ceste cause il perdit son estandart & banniere/& fut contrainct de sen retourner en Burgue, Et le lendemain sen partit & sen vint par le pays de Flaminee iusques au duc de millā Phelippes, Icelle victoire fut fort agreable aux Florentins/& pareillement au pape Eugene, Et a ceste cause aucuns disent que le Pape fist Alouise de Padoue Cardinal, Or pource q̄ le conte Poppi auoit donne secours a Picennine/les Florentins le chasserent de Heturie, Quant le duc Phelippe vit quil estoit ainsi persecute/ il demanda secours & ayde aux estrangers, Et manda au roy Alphonse qui tenoit lors le royaume de Naples/quil fist assaillir les chasteaulx & villes qui competoyent & appartenoyent a Francoys Sforcia/afin quil delaisast les Venitiens, Laquelle chose fist volentiers le roy de Naples, Mais ce neantmoins francoys Sforcia nentint conte/& vint au deuant de Picennine pres la ville de Brece/& presenta la bataille a Picennine, Laquelle Picennine ne refusa point: combien quil neust pas tant de gens a beaucoup pres comme auoit francoys Sforce:& tant dung couste que daultre ilz se porterent si tresvaillamment que vng chascun fut victorieux: parquoy ilz se departirent & delaisserent les vngz les autres, Lors dist francoys Sforce quil luy souffisoit dauoir honneur & louange de guerre/pource quil auoit assailly & presente la bataille franchement & volontairement a son ennemy Picennine,

**Frācoys sforce** ¶ Apres que francoys Sforce eut bataille & mene guerre contre Picennine/en sen allant au temps dyuer/ il print & mist en la subiection & obediēce des venitiens plusieurs chasteaulx & villes quauoit prins Picennine/& ce faict vint assaillir Martinegue,

**estoit connois-  
teux aux faictz  
darmes** ¶ Lors Picennine auoit augmente son exercice & ost: pource quilz luy estoient venuz a son secours & ayde/son filz frācoys & le prince de Matue:lesquelz assiegerent leur ost & armee a mille pas pres lost de frācoys: Tellement que les gens darmes de francoys ne scauoient plus ou aller querir viures ne fourages/ne pareillement neust sceu sortir du lieu ou il estoit sans dangier de sa personne, Mais neantmoins sans ce que aucun en sceust aucune chose/soubdainement le duc Phelippes fist & accorda la paix avecques icelluy francoys Sforce, De laquelle auoit este aultresfoys parle occullement/par le moyen de Eusebiole nomme Chaim de laquelle chose ne scauoit riens Picennine, Mais quant il le sceut il appella les dieux & les hommes a tesmoingz & les accusoit, Et mesme-ment linconstance du duc Phelippe/lequel comme victeur demandoit & faysoit paix avecques celluy qui estoit vaincu,

¶ Apres que les ost tant dung couste que daultre furent separez & sen



furent allez vng chascun en son pays: la paix fut faicte & traictee en la ville de Caprienne en telle maniere, Et fut lan de nostre seigneur: Mil le quatre cens quarante & deux: Francoys Sforce print en mariage Blanche fille du duc Phelippe, Et luy bailla le duc pour son douaire Pontremole & Cremonne/ avecques les terres & seigneuries de Cremonne/ fors & excepte Picigitone/ & iceulx chasteaulx que le prince de Mantue & Pallauacine tenoyent & occupoyent, Et ceulx qui ne voudroyent entretenir icelle paix ilz seroyent reputez ennemys de tous, Le Pape Eugene fut fort courouce dicelle paix/ pource quil nauoit pas faict ne accorde que tout ce qui auoit este prins de ses amys seroit rendu/ comme Boulongne que Picentine auoit occupee, Et a ceste cause se delibera de partir de Florence & sen venir a Romme: & affin quil trouuast tout paciffie & en bon accord il y enuoya deuant Alouise de Padoue/ prestre & cardinal du tiltre saint Laurens en Damaso, Lequel remist les chanoynes reguliers en leglise de Lateran/ qui auoyent este expulsez & dechassez par les chanoynes seculiers/ pour le debat & discention quilz auoyent eu a porter le corps nostre seigneur Iesuchrist le iour de la feste dieu/ quant on va aux supplications & processions, Et en oultre il fist mourir Gine Albanese tres excellent & vaillant quant aux faictz darmes: pource quil auoit cuyde troubler la paix qui estoit faicte entre Alphonse roy de Naples & le pape Eugene, Et puis apres fist couper la teste a Paul Lamora/ homme de tres grant conseil/ fort puissant & ingenieux,

**¶** Quant le pape Eugene entendit que icelles choses estoient faictes/ & que tout estoit bien appaise a Romme/ il partit de la ville de Florence/ combien que les Florentins sefforcoient en toutes manieres de le retenir, Mais ilz ne peurent quil ne vint a Romme: Lan de nostre seigneur Mille quatre cens quarante & troys/ le vingt huytiesme iour du mois de Septembre, Les Rommains pour sa venue luy firent tant de triumphes & honneurs quilz peurent faire, Il coucha icelle nuit aupres de la porte Flaminee, Et le lendemain en son habit pontifical/ & tout le clerge & peuple estant en procession sen alla a leglise saint Pierre, Mais en allant il ouyt & entendit que le peuple murmureroit/ pource que on auoit mis nouuelles exactions & tributz sur le vin: car ilz auoyent double le vectigal & limposition, Pourquoy le pape Eugene fist faire paix & silence, Et puis tout hault il dist & declaira que icelle exaction estoit iniuste & quelle fust ostee/ & la cassa & annichilla, A ceste cause tout le peuple commença a haulte voix a crier & dire/ Vive le pape Eugene, Combien que auparauant ilz disoyent/ meurent tous ceulx qui ont este inueteurs diceulx vectigaulx & impositions, **¶** Ordix iours apres il manda & escripuit lettres par tout le pays aux princes & nations/ quil vouloit faire & celebrer vng concille general en leglise de Lateran, Et il ne vouloit faire icelluy concille/ sinon & affin de informer & contredire le concille de Basle, **¶** En ce icelluy temps Alphonse lequel longue

La paix faicte  
entre Francoys  
Sforce & Phelippe  
duc de  
millan

Pol lamora de  
capite,

Lettre du pape  
Eugene a  
romme

Les tributz &  
impositions du  
pape eugene  
aboliz,

N.ii,



Hannibal bentiuole

La mort de hannibal bentiuole

La mort de baptiste canedole

Le cardinal angelot de saint marc occis par son cubulaire

ment auoit assiege la ville de Naples, il entra par vng trou de retraictz au moyen dequoy il recouura Naples & dechassa Rene: & tout par la vertu & puissance de Picennine, Parquoy le roy Darragon Alphoë ne ayma pas seulement Picennine lequel auoit faict duc & capitayne de son armee / mais l'adopta en la famille Darragon, Hannibal bentiuole le luy estant au chasteau Pelegrin ou l'auoit baillie en garde Picennine: pource quil se doubtoit de luy & le craygnoit quil ne fist quelque coniu ration, Fist tant quil trompa les gardes quilz le gardoyent & sen fouyt a Boulongne / & print Francoys picennine & la garnison qui estoit dedas & puis fist venir tous les bannyz / tant ceulx de sa famille que aultres: & mesmement Baptiste canedole fist reuenir en la ville de Boulongne, Et puis les Boulongnoys enuoyerent leurs ambassadeurs par deuers les Venitiens & les Florentins / & leur requierent auoir societe & amytie ensemble / laquelle chose ilz obtindrent des Venitiens & des Florentins: & puis retournerent a Boulongne & prindrent la tour de boulongne / ou estoit encores la garnison de leurs ennemys: lesquelz dechasserent & puis demollirent & abbatirent icelle tour: & oultre firent fouyr Aloise ver me du pays de boulongne, ¶ Quant le duc Phelippes sceut que les boulongnoys auoyent faict confederation & amytie avecques les Venitiens & les Florentins il en fut fort courouce & ire, Parquoy pour se vanger il suborna aulcuns amys de Baptiste canedole / affin quilz tuaissent & missent a mort Hannibal bentiuole / & ce faict ilz seroyent les princes & seigneurs de Boulongne eulx & leur famille, Lors Bertault canedole qui estoit participat & adherent de lhomicide & occision qu'on vouloit faire en la personne de Hannibal bentiuole, Il fist tant quil suborna vng boulongnoys affin quil requist & priaist Hannibal de vouloir estre son compere & leuer son enfant de dessus les fons / ce que luy promist de faire Hannibal bentiuole, Or le lendemain le Boulongnoys vint dire a Hannibal que lenfant estoit a leglise de saint Iehan / & que ce fust son plaisir de si trouuer, Laquelle chose promist de faire / & si en alla accompaigne seulement de deux de ses seruiteurs: mais ainsi quil estoit en chemin les traistres cōiurateurs qui estoyent ambuchez & cachez envne maison / sortirēt sur Hannibal quil ne se doubtoit de la trōperie / & ruerēt sur luy a grās coups despee, Mais il fut deffendu par ses deux seruiteurs au mieulx quilz peurēt, Nonobstāt il fut tue & occis, ¶ Quāt le peuple de boulōgne sceut la trahison & machinatiō de Cānedole / ilz se mirent en armes & tuerent & occirent les principaulx dicelle faction & trahison: & mesmement fut decapite Baptiste canedole / & fut son corps trayne par la ville & villement enseuely, ¶ Lors a Romme il aduint vng horrible cas & meurtre / car le Cardinal Angelot du tiltre saint Marc fut tue & meurtry par son seruiteur cubulaire: lequel apres quil eut mis a mort / il print & emporta tout son or & argent / lesquelz il auoit amassez par grāde ardeur dauarice & couuoitise, Mais le cubulaire depuis fut



prins & tourmente de variables tourmens: & puis son corps fut diuise en quatre parties: & en chascune porte de la ville il en fut pendu vne partie. ¶ Quant les Florentins & les Venitiens sceurēt lincōuenient qui estoit aduenū a Boulongne/ ilz eurent paour que le duc Phelippes voulüst la uoir & tenir en ses mains/ car icelle ville leur estoit fort propice quant aux faictz de la guerre, Parquoy ilz enuoyerēt aulcunes cohortes de gēs d'armes/ affin de ayder aux Bolongnoys leurs associez & compaignons, Les Venitiens firent bien & fut bonne leur oppinion/ car le duc Phelippes auoit intencion de y enuoyer a la requeste des banniz de Boulongne Picennine avecques son ost & armee, Mais Picennine mourut ce pendāt de douleur quil eut/ pource que son filz Francoys lequel auoit laissē en Picene avecques son ost & armee/ auoit este vaincu par Frācoys sforcia & le cardinal legat de Firmane, Vng an apres le duc Phelippes persuada au Pape quil voulüst recouurer la ville de Boulongne/ & luy promettoit de luy ayder a faire la guerre & payer vne partie de la despēce qu'on y feroit, De ce le pape Eugene fut esmeu/ parquoy il fist paix & confederation avecques Alphonse, Et puis enuoya Sigismonde maleteste avecques grant exercice & ost en Picene contre Francoys/ affin que plus facilement il paruint deuāt Boulongne, Le duc Phelippes auoit desia enuoye Guillaume de Montferrat & Charles de Gonzague/ avecques vne grosse armee qui estoit au pays & tēres des Boulongnoys/ & gästoyent & pilloyent tout ce quilz pouoy. ¶ Les Florentins eurent pitie de leurs associez & confederes Boulongnoys: & a ceste cause ilz leur enuoyerent secours: cest assauoir Astorge de Fauence/ qui menoit avecques luy mille & cinq cens hommes d'armes & deux cens hommes de pied: iusques a ce que les Venitiens & pareillement les Florentins leurs eussent enuoye plus grāt secours de gens. ¶ En ce temps estoient en Cremonne/ Boulōgne/ & aultres lieux grans guerres/ lesquelles faisoit le duc Phelippes contre les Florentins & les Venitiens/ lesquels se defendoyent vaillamment & vertueusement: combien que Alphōce roy de Naples aydast au duc de Millan Francoys sforce/ & aultres leurs allies. ¶ Or ce pendant affin qu'on ne cuydast que le pape Eugene ne fist & pensast aultre chose que dauoir en cure & sollicitude les faictz de la guerre, Il canoniza saint Nicolas de Tollentin de lordre saint Augustin/ pour cause des miracles quil faisoit, Et le reduysit au nombre des saintz de paradis/ car il partit de leglise saint Pierre en procession & tous les cardinaulx/ & vint en processio a leglise & monastere de saint Augustin/ la ou il fist le diuin seruice present tout le peuple de romme/ & tout le clerge, Et ce faict il dechassa de leglise de saint Iehan de Lateran tous les chanoynes seculiers/ & y mist tantseulement les reguliers, Et puis apres il fist refaire leglise & icelle peindre, Et en oultre la mitre de saint Siluestre qui estoit en Auignō fist apporter a Romme: laquelle luy mesmes porta en leglise de Lateran en grande & solempnela

N,iii,

Saint Nicolas  
de tollētin  
canonize

La mitre de  
saint siluestre.



La mort du pape Eugene,

Le pape Eugene ne desiroit gens doctes

le deuotion/ou le peuple cardinaulx & prestres chantoyent hymnes & letanies. ¶ En ce temps le roy Alphōce vint en la ville de Tybur pour parler au Pape des faictz de la guerre: car lors le pape auoit intention de persecuter les Florentins qui auoyent donne secours & ayde a ses ennemis, Mais en ce pēsant il tūba & cheut malade dont tout fut trouble/ car dicelle maladie il alla de vie a trespas: lan de son pontificat le, xvi. la, vii. kalēde du moys de mars: lā, Mccccxvi. Cestuy pape Eugene estoit vng homme fort variable au commencement de sa papallite. Il fut mal conseil le parquoy il troubla fort leglise & les hommes: car il mist le peuple de Romme aux armes, Et le concille de Basle dont sont venuz infinitz maulx auoit approuue & auctorise par lettres apostoliques & decretz, Mais apres quil considera son cas il ne fist riens qui ne fust faict saigement & par prudence, Il estoit en son parler fort graue & nō pas fort eloquent ne beau parleur, Il nestoit pas de grande litterature/mais il estoit fort scauāt & scientifique quāt aux hīstoires, Il estoit fort liberal & mesmement aux gens clerctz/ dont il auoit familiarite & se delectoit estre avecques eulx, Il auoit pour son cōseil secret Leonard aretin/ Charles po ge/ Aurispe de trapezunce/ & Blonde/ gens doctes & sciētifiques, Il ne se courroucoit point pource quon faysoit contre luy plusieurs libelles & dictez plains dmiures, Il aymoīt les colleges & lectures publiques & les fauorisoīt, Et mesmemēt lestude de Rōme/ou il fist venir des docteurs & clerctz en toutes sciēces/ poule aprendre & monstrier toutes sciēces, Il aymoīt merueilleusemēt les leuzieus & leur augmētoīt de iour en iour leurs reuenuz/ & leur dōnoīt de grans immunitez & frāchises, Il aymoīt trop les guerres/ car apres quil eut faict & compose la paix entre Charles vii, roy de France & le duc de Bourgonne: il fist venir & a ce faire incita Charles, vii, dēuoyer Loys son filz daulphin de Viēne/ en grosse armee contre les habitās & aultres de la ville de Basle, Et oultre il fist destruyre & dissiper le cōcille de Basle par le roy de Poulōne, Et puis il enuoya contre les Turcz avecques Iuliā cesarine cardinal dyacre, Mais en la bataille qui fut faicte par les crestiēs cōtre les turcz/ lesquels furent par les crestiens tuez & occis iusques au nōbre de, xxx, mille/ entre Hadrinopolin & le Dan, Mais neantmoins que le roy de Poulōne eust gaigne vne si grande victoire: touteffoys il y fut tue & pareillemēt le legat, Le pape Eugene vouloit que sa famille & seruiteurs fussent bien acoustres de habillemens: mais de luy il ne luy en challoīt, Il beuuoīt biē peu de vin & ne laymoīt guieres: tellemēt que bien souuēt il nen beuuoīt point, Il auoit peu de seruiteurs mais ilz estoyēt saiges & industrieux: a cestecause il sen aydoīt en ses affaires/ & les faysoīt tousiours venir quāt il estoit en sa chambre secreta/ & leur demandoīt & interrogeoyt quon faysoit en la ville/ & quon disoyt de luy & de ses gens: affin que sil en oyoīt aulcunement quelque mauuaise nouuelle ou rapport/ quil le corrigeast & fist amander par ses officiers, ¶ Quant le pape Eugene mourut il auoit



soixante & quatre ans, Il fut ensepuely en leglise sainct Pierre en yng le  
pulchre de marbre: ou furent & sont escriptz les vers & mettres

¶ Eugenius iacet hic quartus cor nobile cuius

Testantur vite splendida facta sua.

Istius ante sacros se prebuit alter ab ortu:

Alter ab occasu cæsar vterq; pedes:

Alter vt accipiat fidei documenta latinæ:

Alter vt aurato cingat honore caput

Quo duce & Aremini graiorum exempla secuti

Romanam agnorunt ætiopesq; fidem

Inde syrii ac Arabes mundi q; e finibus indi

Magna sed hæc animo cuncta minora suo

Nam valida rursum Theucros iam classe petebat.

Dum petit ast illum sustulit atra dies.

Qui semper vanos tumuli contempsit honores

Atq; hac impressa condite dixit humo,

Sed non quem rubro decorauerat ille galero.

Non hoc Franciscus stirps sua clara tulit.

Suscepitq; memor meriti tam nobile quod nunc

Cernis tam præstans surgere iussit opus.

¶ Apres la mort du Pape Eugene: le siege de Romme fut vaccant par  
lespace de douze iours.

Lepitaphe du  
pape Eugene.

¶ De Nicolas. ccxvii. pape. Et. v. du nom



Nicolas pape cînquiesme du nom: auoit nō  
Thomas Sarzane: pourcequil estoit dūg  
bourg appelle Sarzane: au terrouer & pais  
de Lunense, Il fut esleu pape du consente-  
ment de tous les Cardinaulx: le iour de-  
uant les Nones de Mars, Lan Mil quatre  
cens quarāte sept, Il estoit venu & yllu de  
petis parens: sa mere auoit nom Andre-  
le: & son pere Barthelemy: & estoit mede-  
cin: mais il estoit si vertueulx saige: & a-  
uoit si bone grace & beau pler: quil estoit  
digne dicelle dignite papalle, Il estoit fort

M,cccc,xlvii,

liberal, Mais ce neantmoins il disoit quil nestoit pas digne dauoir & ob-  
tenir vne si grande dignite: comme la papaulte: & quant il fut esleu il se  
mist a genoulx deuant les cardinaulx leur priant & requerant: que fust  
leur plaisir de bien regarder celuy quil eslisoyent / & quil y en auoit de  
plus souffisans & ydoynes que luy, Mais le cardinal de Tarente ladmō-  
nesta & luy dit quil se gardast bien de empescher la voye du saict esperit

N.iiii,



De la naiffan-  
ce du pape Ni-  
colas.

Le cardinal  
saincte croix  
entretint aux  
escolles le pa-  
pe Nicolas,

& quil falloit quil en prinft la charge sur luy, Au fortir du Conclau le cardinal Portuense fut interrogue: qui estoit celluy quilz auoyent esleu a pape: & il respondit quil auoyent esleu Nicolas pour maintenât/ mais dieu lauoit prelu & designe: il y auoit long tēps. ¶ Aucuns ont escript que cestuy Thomas estoit natif de Pise & quil auoit este nourry a Lucques: & quil auoit estude en la ville de Boulongne en philosophie & en theologie/ & lentretenoit aux escolles le cardinal saincte croix nomme Nicolas Albergate: car il laymoit pource que en son ieune aage il auoit vng excellent & bon engin/ & entendement: & a ceste cause quant le pape auoit este esleu il auoit prins le nom de Nicolas: pout lamour que le cardinal qui lentretenoit aux escolles auoit nom Nicolas, Il fut docteur en theologie & auāt que receust le degre: il fut fort examine & esprouue Le cardinal saincte Croix puis apres le fist estre scripteur de la penitencie/ & puis le pape Eugene auoit grāde estimation de luy pource quil lauoit veu disputer au concille de Florēce/ & de Ferrare: cōtre les Grecz tres subtillement, Le pape Eugene lenuoya avecques Iehan Caruagial le qui depuis fut cardinal saint Ange/ au pays des Germaings pour abolir & oster le cōcille de Basle & la neutralite des Germaings: car les Germaings furent appelez neutrales: pource quilz ne obayssoyent point aux faitz & ditz du pape Felix ne du pape Eugene: pour laquelle cause leglise soustenoit/ & auoit de grandes calamitez & miseres/ & ne tenoit on compte de la maïeste & dignite papalle. Pour abolir & oster icelle neutralite: il y eut plusieurs assemblees faictes dūg coste & daultre: par deuers Federic roy des Rommaings: & par deuant luy Enee Picolhomine secretaire de lempereur & depuis fut pape, Il fist de belles oraisons en admōnestāt les Germaings quilz voulsissent delaïsser leur folle & faulce oppinion: & tellement cestuy Enee les persuada que les Germaings obeyrent & obtēpererēt au pape Eugene, & lors la neutralite & scisme fut du tout aboly & oste du pays de Germanie: pquoy les orateurs, Cestassauoir Thomas Sarzane/ & Iehan Caruagialle sen retournerent par deuers le pape Eugene luy estant a Romme, Mais quant le pape sceut quilz auoyent si bien fait leur legation: tous les cardinaulx commencerent a dire au pape quil estoient dignes vng chascun deulx dauoir vng chapeau rouge, Et a ceste cause le pape Eugene leur enuoya au deuant quilz entraissent a Romme par la porte Flaminee vng chapeau rouge: affin quilz entraissent en la ville de rōme plus magnifiquemēt & honorablemēt: & en ce mesme an Thomas fut fait euesque de la ville de Boulongne/ & puis pape: dont tout le clerge & le peuple receut grant ioye. ¶ Apres que le pape Nicolas qui ne demandoit que paix & tranquillite eut receu la courōne pōtificalle: cōme on auoit de coustume de faire, Il enuoya le cardinal de Morienne en la ville de Ferrare: pour composer & faire la paix: avecques les Florentins Venitiens/ & le roy Alphonse, Les Venitiens offrirēt au roy Alphonse de faire entre eulx treues & induces de cinq ans/ & que ce pen



dent vng chascun iouyſt de ce quil occupoit & tenoit, Ou faire paix finale en delaiffant aulx Venitiens la ville de Creme : auecques les chasteaulx qui estoient oultre le fleuve Abduc / & le riuage quauoyent prins les Venitiens, Et Cassane demouroit au vouloir & arbitraie du pape: & affin que la paix fust plus ferme: il auoit este enuoye de par les ambassadeurs vng homme par deuers le duc phelippes: pour luy donner & bailler le chois & option, Mais vng iour deuant que le mesſagier arriuaſt en la ville de Myllan le duc alla de vie a trespas dune maladie de apoplexie la, vi, Yde du moys Daoust, Mil. quatre cens cinquante & sept,

¶ Quant le cardinal de Morienne qui estoit legat enuoye de par le pape pour faire & composer la paix: sceut & congneut que le duc de Myllan estoit mort ce neantmoins il demanda aulx ambassadeurs & legatz de venise silz vouloyent entretenir laccord & paix quil auoyent fait accorde / & approuue, Les ambassadeurs de Venise respondirent quilz ne pouent riens faire ne accorder pour la mort qui estoit interuenue de la personne de Phelippes duc de Myllan, Et quil falloit premierement en rescripre au senat de Venise: & ce fait quilz feroient tout ce que le Senat & la ville leur manderoit faire, A ceste cause les legatz orateurs & ambassadeurs qui estoient assemblez: quant ouyrent la response des Venitiens: qui ne demandoient que a regner / acquerir / & dominer tout le pays des Italles Ilz se departirent & vng chascun sen alla en sa maison: & par tant le legat demoura sans faire aulcune paix ne confederation: combien que par plusieurs foys il les admonnestoit de venir a paix & concorde, Mais ilz nen vouloyent riens faire, ¶ Quant Francoys Sforce: qui auoit este dechasse & expulſe de Picene: qui estoit au pays de Bourgonne ou il se reſoſoit luy & son armee qui estoit fort laſſee & trauaillee sceut & congneut que Phelippes duc de Myllan son beau pere estoit alle de vie a trespas il vint a cremonne le plus tost que peult, & puis il fut par les Myllannoys fait capitaine de toute larmee pour batailler cõtre les Venitiens: parquoy il passa le fleuve du Pau & vint loger son ost a Camurague pres loſt des Venitiens: aulx quelz Francoys donoit plusieurs assaulx & courſes pour veoir se les Venitiens sortyroient hors de leur champ: la quelle chose ne vouloyent faire / mais tousiours se tenoyent enclos & bien munis sans sortir ne donner assaulx, ¶ Quant les habitans de Pauye ouyrent nouuelles q Francoys Sforce estoit chef & capitaine des Myllannoys: lesquelz aultre foys auoyent eu fort en hayne / mais ce neantmoins ne vouloyent point estre en la ſubiection & domination des Venitiens ne auoir auecques eux aulcune aliance / & aymoyent mieulx souffrir beaucoup de maux que de estre leurs aliez: parquoy ilz se rendirent eulx & la ville de Pauye a Francoys Sforce, ¶ Orce pendant Alphõse roy de Naples estoit venu assailir par mer les Senoys: combien quilz ne se doubtaſſent point de luy / & quil luy adminiſtraſſent des viures / & aultres neceſſitez pour entretenir son ost, ¶ Quant les Florẽtins ouyrent que Alphonse estoit venu & de

La mort de  
Phelippes duc  
de Myllan,  
M,cccc,lviij,

Frãcoys Sfor-  
cie capitaine  
de larmee des  
Myllannoys,



La nature des  
Hespaignolz,

Le pape Nico  
las fist faire p  
cessiono a Ro  
me,

scendu au pays de Senes: ilz manderent aul Senoys que Alphōse n'estoit venu que pour les mettre en sa subiection / & pareillement auoit intenti on den faire autant aulx Florentins: car il ne demādoit aultre chose que acquerir & vsurper par force ou aultremēt les villes & chasteaulx: pour tyrer & exiger or & argēt du peuple de Itallie: ne daultre nation: car cest la nature des Hespaignolz de vouloir estre tousiours les maistres & seigneurs & ne leur chault / mais que facent leur prouffit quelque part que soyent. ¶ Quant les Senoys sceurent & congneurēt ce que leur auoyēt mande les Florentins: ilz ne voulurent plus bailler viures ne laisser entrer en la ville de Sene: ne pareillement aproucher des meurs les Hespaignolz: ne le roy Alphonse: parquoy quant le roy Alphonse sceut & congneut la diligēce & bōne garde q̄ faisoient les Senoys: il se partit du pays & sen vint au pays des Volaterans / & terrouer de Picene ou il print plusieurs villes & chasteaulx: tant par force que par composition / & mesmement le chasteau Castellone / & Pisciāre: qui apartenoit aulx Florentins. ¶ Lors le pape Nicolas ne delaissoit point de admōnester le roy alphōse & les venitiens de faire paix ensemble / mais ilz estoient les vngz contre les aultres si enflambez / que tant plus on leur en parloit ilz en faisoient pis / & ne vouloient obeyr / ne croire les bonnes & salutaires monitions du pape Nicolas. ¶ A ceste cause Francoys Sforce assembla le plus grāt ost que peult / ou estoient les cheualliers compagnies & bendes de Sforcians / & de Brachians: lesquelz estoient les plus vaillans / & redoubtez de tout le pays des Italles / & vint assaillir pareaulx & par terres la ville de Plaifance: laquelle les venitiens auoyēt bien auitaille & mise bōne garnison de gens darmes pour la deffendre / mais neantmoins la ville fut prise par force / pillée & destruiete par Francoys & ses gens darmes. Dicelle prinse Frācoys Sforce eut grant louēge & gloire pource quil auoit prins icelle ville de Plaifance: au temps dyuer / & que leseaues estoient grandes / & par tant quelle estoit quasi imprenable. ¶ Quant le pape Nicolas vit quil ne pouoit faire paix entre les Mylannoys & les Venitiens: par voye & suffrage humain: il fist faire processions solennelles pour apaiser lyre de dieu / & le prier quil luy pleust donner paix au peuple crestiē. Le pape & tout le clerge fut en icelles processions en grande deuotion de puis leglise saint Pierre iusques a leglise saint Marc: mais neātmoins pour icelles prieres ne processions la fureur & ire de dieu ne fut apaisée: pour les maulx qui regnoient lors: car deux ans apres la peste fut si grande par tout le pays de Itallie: qui demoura bien peu de peuple qui ne mourust de peste. Il fut grant esclipse de soleil / & tremblement de terre. Les prescheurs qui preschoient disoyent que vendroit grande calamite & misere au peuple humain, Et mesmement frere Robert de lordre de saint Frācoys: qui estoit vng bon prescheur: lequel tellement esineut par ses predicatiōs le peuple de Rome les femmes & petitzenfans que quant il cheminoit par la ville de Rome: ilz crioyent a haulte voyx /



& demandoient a dieu misericorde. ¶ Ceste a<sup>ns</sup> Francoys Sforce faisoit grosse guerre contre les Venitiens a Cassalle la grant ou y contraignit les Venitiens de brusser leurs nauires & de leur retirer en la ville / mais neantmoins il vint mettre le siege deuant Gerre a Carruage / aultremēt dit Carruas: lequel chasteau estoit muny & garny de gēs d'armes par les Venitiens. Mais quant les Venitiens virent que le chasteau estoit assailly par les Myllannoys. Ilz disoyent que cestoit fait deulx: se le chasteau de Carruas estoit prins par les Myllannoys: pourquoy ilz se mirent en armes contre les Myllannoys / mais y furent contrainctz de eulx reculer & sen fuyrent. Francoys & son ost les poursuirent de cy pres quilz en tuerent vng grant nombre / & en prindrent de prisonniers, tāt cheualiers que gens de pied iusques au nombre de cinq mille: parquoy peu de temps apres y firent paix avecques Francois & baillerēt chascun moys seize mille pieces dor iusques a ce quil fust paisible a la duche de Myllan. ¶ Quant Francoys eut fait paix avecques les Venitiens / il receut en son obedience plusieurs villes & chasteaulx de la duche de Myllan. Les Venitiens eurent paour que Francoys ioyst de la duche de Myllan: laquelle le roy Alphonse disoit luy appartenir par droit heritaige. A ceste cause ilz firent confederation & aliance avecques les Myllannoys. Mais Cosme de Medicis qui estoit riche homme de Florence presta de largēt a Frācoys Sforce pour luy ayder a soustenir les faitz de la guerre: finablemēt apres plusieurs assaulx & batailles: ou il eut de grādes pertes il print & ioyst de la ville de Myllan. Lan mil quatre cens quarante & neuf. ¶ Quant les venitiens sceurent que Francoys Sforce estoit dominateur de Myllan. Ilz se alierent avecques le roy Alphonse qui persecutoit Frācoys affin de le dechasser de la duche de Myllan / & requirrent les florentins quilz se aliaissent avecques eulx, affin de leur ayder: mais les florentins leur firent respōce que iamaïs ne seroyent aduersaires de Francoys Sforce duc de Myllan. A ceste cause & pour faire desplaisir aulx florentins les Venitiens dechasserent hors de leurs villes tous les marchāns florentins: & requirrent au roy Alphonse quil en voullust autāt faire en ses villes: ce que fist pour leur cōplaire. ¶ Lors le pape Nicolas fist cōmandement aulx princes & communaultez de villes de traicter & faire paix ensemble. car lan ensuiuant estoit lan du Iubile: affin q̄ tous tant sur terre que d'ailleurs vincent liberallement sans cōtraincte ne paour en la ville de Romme pour gaigner le Iubile: car cestoit le cinquantesme an ou auoit este ordōne la planiere remission du Iubile. ¶ Lors le pape crea & fist six Cardinaulx: duquel nombre estoit Latin vrsin & Phelippes frere vterin du pape du tiltre sainct Laurens en lucie. ¶ L'empereur federic a la requeste du pape Nicolas fist tant que le pape felix renonca a la papaulte: pource que par le moyen de luy leglise auoit este en grande sedition & scisme / mais le pape Nicolas vsa de grant douceur: car il luy enuoya vng chapeau de cardinal & le fist legat des Germaïns: affin quil

Frācoys Sforce duc de Myllan,  
M,cccc,xlix,

Le Iubile,

Felix renonca a la papaulte,  
Felix legat des Germaïns,



M, cccc, xlix,

Lan du Iubile

L'empereur federic fut marie a Rome a leonore & puis fut couronne,  
M, cccc, lii,

ne vescu point sans aulcū dignite, Tous les cardinaulx qu'auoit fait le pape felix se vindrent mettre en l'obedience du pape Nicolas. Et fut lan Mil, cccc, lx, & ix, au moys Dauril: parquoy le peuple de Rome & tout le clerge la nuyt apres quil ouyrent les nouuelles: que felix auoit renonce a la papaulte: vng chascun deulx monsterent sur cheuaulx / mulles / & mulletz fallerez portāt vng chascun vne torche alumee / & cheuauchoyent parmy les rues de la ville de Rome: & disoyent a haulte voix viue le pape Nicolas: & affin que le pape ne se mōstrast ingrat enuers dieu du grant bien que luy auoit fait dauoir fait cesser le scisme: il fist faire & celebrer des belles processions, & pareillement en firent autant les villes Italiens. Lors le pape fut en si grāt auctorite quil fist faire paix entre plusieurs princes. Lan du Iubile estoit ia venu / & a ceste cause estoit a Rome si grā de multitude de peuple qu'on vit iamais: car ainsi que vne foys le peuple reuenoit de saint Pierre: ou on auoit monstre lymaige & effigie du saulueur qu'on appelle la Veronique: se trouua en la presse la mulle de pierre barbes cardinal de saint Marc & pource quelle ne pouoit aller ne retourner elle cheut / & pareillemēt quatre cheuaulx / & le peuple les vngz sur les aultres / tellement que les quatre cheuaulx & la mulle furent tuez & plus de deux cens personnes qui furent meurtris & estains sur le pont Adrian / sans plusieurs aultres qui cheurent au fleuve du tibre / qui furent noyez. Il en fut enterre cent & trente en leglise saint Celse & le demourant fut enterre au champ saint: qu'on appelle campe sainte. Le pape Nicolas fut bien marry de la mort qui estoit aduenue au paouure peuple: parquoy fist abatre & desmurer certaines petites maisons qui empeschoyent le chemin du pont / & ordonna gardes par les chemins de paour que les pelerins ne vissent aulcūz maulx par brigans / ne aultres guetteulx de chemins. Il fist par tout lan Iubile stations & les visitoit luy mesmes accompagnie de tous les cardinaulx. Lan ensuiuant il fist refaire les murailles du chasteau saint ange: pource que l'empereur Federic debuoit venir a Rome / ce faire couronner: & a ceste cause il vouloit estre a seur: car de sa nature il estoit paoureux / & craintif: parquoy il fist mettre garnisons en la ville de Rome. Il crea treize marichaulx qui auoyēt la charge & garde des terres / & quartiers de la ville de Rome / & a chascun deulx leur donna vne robbe coccinee / & puis treize cardinaulx / & tous les officiers de Rome furent au deuant de l'empereur Federic: lequel vint iusques aupres de leglise saint Pierre ou il trouua le pape / & sen vindrēt ensemble luy & leonore fille du roy de Lusitanie niepce Dalphonse / & les mena le pape iusques dedans leglise saint Pierre & chanta le pape la messe puis les espousa ensemble: Cestassauoir l'empereur & Leonore / & ce fait luy bailla la couronne dempereur / & fut lan Mil, cccc, lii, le, xviii, iour de Mars / & ce fait prist conge du pape & sen alla a Naples luy & sa femme pour veoir le roy alphonse. ¶ Quant l'empereur eut este asses loque ment au royaume de Naples / & que le roy alphonse leut bien festoye,



Il ouyt des nouuelles de germanie q̄ aulcū prince du pays se vouloyēt esmouuoir & faire des noualitez en Germanie & en Hongrie pour cause du roy Ladislao qui estoit ieune esfant: lequel estoit avec le pereur federic parquoy il sen partit & sen alla par mer en son pays. Quant les Venitiens sceurent que le pereur sen estoit alle en Germanie: il assemblerēt des gēs darmes & entrerēt aulx terres & pays de Crémone en pillant & depopulant tout le pays chāpestre: ilz prindrent le chasteau de soncine & aultres chasteaulx lesquelz mirent en leur subiectiō. Mais Loys Gonzague qui estoit amy de Francoys duc de myllan vint en grosse armee a lencontre des Venitiens lesquelz il dechassa iusques a Venise tellermēt quil nosoyēt sortir de hors de leurs paluz: ne vouloyent batailler en plain champ, & le faisoient iceulx Venitiens en mettāt leur esperāce: pource quilz scauoyent bien q̄ le duc francoys nauoit pas beaucoup dargent pour lōguemēt soustenir icelle guerre: parquoy ilz ne demandoient q̄ le tenir en suspēs & lōguement sans faire aulcūes faillies sur luy: & oultre ilz attendoyent que les Myllānoys se rebelleroyent cōtre luy: affin de se remettre hors des tributx & vectigaulx q̄ auoit iposez: & viure liberallement cōe auoit acoustume. Le roy ferdināt pere de Alphōse enuoya p̄ le cōmādement de son filz: en Heturie, viii, mille hōmes darmes & quatre mille hōmes de pied pour faire guerre cōtre les florentins: ilz assaillirēt Corcone & le chasteau foiane qui est au pays de Aretie & furent, xl, iours deuant/mais ilz ne le sceurent prēdre: parquoy lost de Alphōse se retyra au pays de senes ou il assiegea Casteline/mais il ne le peult prēdre: pquoy se retira au riuage de la mer pour se yuerner & demourer car cestoit le temps dyuer.

¶ Quāt les florētins cōgneurent que alphōse & les venitiēs estoient fort puissans & recens tāt par mer que par terre ilz eurent paour: a ceste cause/ & p̄ le moyen de francoys Sforce duc de Myllan ilz enuoyerent Ange Acciocolle cheualier florentin en ambassade par deuers le roy de france qui remōstra q̄ les florētins auoyēt tousiours este des amys & allies de la maison de france & que ne tenoyēt aulcū bien sinō des roys de france & persuada tant le roy quil fist deffendre au duc de Sauoye que ne fist aucune guerre ne dommaige en fait ne en dit a frācoys duc de Myllan: car il estoit amy & associe du peuple de florēce qui tousiours auoit honnore la courōne de frāce. Et se aulcū luy vouloyēt faire guerre ou ayder a ses ennemis quil les declaroit ses ennemis mortelz. Cestuy Ange Acciocolle le promist au roy Rene Daniou au nom des florentins de luy bailler argent/ & gens darmes pour conquerir le royaume de Naples: du quel il auoit este dechasse par Alphonse.

¶ Quant les Venitiens ouyrent que le roy de france aydoit au duc de Myllan & aulx florentins: ilz ne refuserēt point a faire paix aulx florentins & a francoys duc de Myllā.

¶ Vng an deuāt le pape Nicolas auoit enuoye le cardinal sainct Ange: pour faire paix entre tous les princes & villes de Italie mais il ne le peult: pquoy il se idigna fort cōtre les princes de Italie & cōmunaultez: car le vouloir du pape estoit de faire guerre contre les Turcz qui se deliberoient de assaillir

O, i,



le pays des alo  
brogues aultre  
ment dit Sa-  
uoye,

& prendre la ville de Constantinoble, Et a ceste cause auoit enuoye le cardinal de Rutene natif de Constantinoble: par deuers l'empereur de Constantinoble luy faisant assaouir que les crestiens luy doneroient secours & ayde sil vouloit tenir & garder la foy catholique: tout ainsi quil lauoyent promis au concille de Florence. ¶ Ce pendāt Rene Daniou qui ne demandoit aultre chose que de recouurer le royaume de Naples / & a ce faire le duc de Myllan & les Florentins luy auoyent promis or argēt / & gens darmes. Il passa le pays des Alobrogues que nous appellōs Sauoyēs ou il fut presque tout leste / & puis sen vint en la ville de Sauōne / & de la iusques au pays de Myllan. Il auoit avecques luy deux mille hōmes darmes / mais quant les Venitiens congneurent que Rene Daniou estoit venu / & que le duc de Myllan & les florentins estoient plus puissans que eulx: ilz eurent paour & se retirerent aulx mōtaignes de Bresse. Mais ce neantmoins lost de Rene les poursuiuit: tellement quilz prindrent plus de quarante chasteaulx tant de Bresse que de Bergame. Or ce pendant le temps dyuer vint que vng chascun se retiroit aulx villes & maisons. Or pource q Rene se courrouca cōtre frācoys duc de Myllā & les florētins: il se ptit du pays de Italie & sen vint en frāce & delaiissa son filz aulx florentins. Lors cestoit le temps dyuer que faisoit froit & vng chascū auoit le couraige refroidy de faire plus guerre les vngz cōtre les aultres: ou ilz auoyent despēdu beaucoup de fināce, a ceste cause p lenhortemēt du pape Nicolas on cōmença a pler & vouloit traicter la paix entre les venitiens / le duc de Myllan / & florētins: mais ce pendāt le pape fut empesche: pour la cōiuration de Estienne Porcaire cheuallier de Rōme qui estoit vng hōme fort eloquent & beau parleur: tellemēt quil auoit fait conspirer plusieurs Rōmains cōtre le pape / mais ilz furēt descouuers de leur cōspiration: & fut prins cestuy Estiēne & enuoye en exil en la ville de Boulōgne par telle cōdition q vng chascun il seroit tenu de se mōstrer a Nycene gouuerneur de la ville de Boulōgne / mais vng iour il faignit destre malade: p quoy il sen vint a Rōme avecques ses aliez & cōplices / & debuoyent incontīnēt que seroit venu a Romme se mettre tous en armes en appellāt le peuple a leur ayde: affin de viure liberallemēt sans payer tribut ne gabelles & debuoyent prēdre le pape & les cardinaulx: mais pour ce q long tēps auoit quil nauoit dormi pour le grāt chemin quauoit fait de venir de Boulōgne a Rōme: il fut asses longuemēt a se reposer: par quoy ce pendāt la thraison & cōiuratiō fut descouuerte & enuoia le pape en sa maison Jacques Lauagnole cytoyen de Verōne Senateur & vice-chābrier de Rōme avecques vne grosse cōpaignie de gēs darmes pour le prēdre & mettre en prison. Mais quāt Estienne entēdit que les gens darmes venoit pour le prēdre il sen fouyt en la maison de sa seur / & delaiissa en sa maison baptiste sarra avecqs aucuns seruiteurs: mais on cōgnut p aucūs indices quil sen estoit fouy en la maison de sa seur ou fut trouue: quil estoit enferme en vng coffre. Il fut prins & confessa la contration q auoit entreprinse de faire: par quoy incontīnant il fut pendu sur les murs

Estienne por-  
caire trouue  
en vng coffre  
& puis pendu,



du chasteau saint Ange / & puis fut pareillement pugn  par mort ange  
 massa son filz / & son compaignon Saue: car il estoit des contracteurs, Et  
 funt lan Mil quatre cens cinquante & trois, la cinquiesme Y de du moys  
 de Ianuier, La reste des conspirateurs furent tue  & occis, Cestalfauoir  
 Francoys Gabade / Pierre Monterotonde / & Baptiste Sarra par les veni  
 tiens fut mis a mort: combien que sen fust fouy en leur ville pour estre a  
 sauluede, ¶ Apres que le pape eut purge la ville de Romme: & fait faire  
 la pugnition des contracteurs: il ne se monstra plus si familier aux R mains:  
 comme il auoit acoustume: & ne se m stroit si souu t aux lieux  
 publiques: comme il auoit acoustume / & ceulx qui venoy t pour parler  
 a luy: il ne parmetoit si facilement de parler a luy: c me auoit fait au pa  
 uant, ¶ Le Pape puis apres cheut en vne malladie de podagre: cest quil  
 auoit mal aux pied  dont il estoit fort persecute / Mais ri s ne luy faisoit  
 si grant mal: que les nouuelles quil eut que le Turc dassault: & par force  
 il auoit prins Pere & Constantinoble: tue  & occis les crestiens / & mesme  
 ment auoyent decapite lempereur de Constantinoble: & oultre il croioit  
 que le cardinal de Rutene eust este decapite, Mais il estoit eschape de la  
 ville de Constantinoble en habit & robbe dissimulee, Et oultre le Pape  
 estoit fort ire & indigne: pource que le c te Auerse faisoit armee contre  
 les Spoletins sans son conge ne licence: lesquel  se debatoy t les vng  c   
 tre les aultres pour les limites & terres de R me, a ceste cause enuoya an  
 ge Ranconne avecques grosse armee de leglise: affin de lenclorre & em  
 pescher que ne retourna t en ses chasteaulx, Mais pource quil ouyt q  sca  
 uoit este la faulte quil nauoit este prins par les gens darmes il le fist venir  
 pler a luy & puis le fist mettre en prison au chasteau saint ange & le fist  
 decapiter a trois heures apres minuyt, ¶ Aulc s ont escript que le pape  
 Nicolas fut fort courrouce & sen repentit de ce quil auoit fait faire & q   
 le prefect & preuost du chasteau saint ange auoit trop tost ac pli la vou  
 lente d t se rep toit. ¶ Ce pend t Sym net de lordre des augustins fist  
 tant quil fist la paix entre les Venitiens & Fr coys duc de Myllan & fut  
 publiee les Y des du moys Dauril, M, cccc, liii, & fut accorde q  tout ce q   
 auoit este prins deu t icelle guerre seroit rendu fors & excepte Gerre ab  
 due quauoit prins Francoys duc de Myllan / & Caltinolle P scharie q   
 auoit prins le roy alphonse sur les florentins: laquelle paix fut accordee  
 par le roy alphonse en la ville de Naples: & toutes les villes fur t de cest  
 accord, fors & excepte les Geneuoys pour aulc s tribut  que leur faisoit  
 payer le roy alphonse, ¶ Lors le pape Nicolas fort desplaisant de la prin  
 se de la ville de Constantinoble mourut dune fieure & podagrie d t il fut  
 fort moleste & tourmente de la maladie, & fut lan de son pontificat, Mil  
 cccc, l, & v, Il fut ensepuey en leglise saint Pierre honorablement / &  
 en grant pompe: & luy fut fait cestuy epitaphe,

¶ Hic sita sunt Quinti Nicolai antistitis ossa:  
 Aurea qui dederat s cula Roma tibi

O, il,

Ange Renc   
 ne decapite p  
 le c m dem t  
 du pape dont  
 apres se repen  
 tit,



Lepítaphe du  
pape Nicolas,  
v, du nom,

Consilio illustris virtute illustrior omni  
Excoluit doctos doctior ipse viros,  
Abstulit errorem quo scisma infecerat orbem,  
Restituit mores menia templa domos  
Tum Bernardino statuit sua sacra Senensi  
Sancta iubilei tempora dum celebrat,  
Cinxit honore caput Foederici coniugis aureo  
Res Italas iuncto federe composuit,  
Attica Romane complura volumina linguæ:  
Prodidit: e tumulo fundite thura sacro,

¶ Le pape nicolas estoit fort loue pource qu'il estoit fort liberal/ & mes-  
mement aulx gens clercz leur donnoit or/argent/offices/& benefices, Il  
les persuadoit a toutes bonnes oeuvres faire/ & mesmement de translater  
certains libures qui estoient en grec de les mettre & translater en langue  
latine: laquelle langue grecque auoit este par, vi, cens ans a nonchalance  
& pour ceste cause enuoya en Europe pour trouuer les libures des grecz  
les plus veritables qu'on pouoit trouuer de Poges/ il trouua Quintillian/  
& Enoh Esculā, Il trouua Macele & Pomponé/ & Porphirio qui auoit  
escript dessus les oeuvres de Orace, Il fist edifier de magnifiques & bel-  
les maisons: pour demourer & habiter les papes au pres de leglise sainte  
Marie la Crache, Il fist refaire le Panthee & couvrir de plomb: qui est  
au mellieu de la ville de Romme: lequel aultresfoys auoit este construit  
& edifie par Marc agriphe: & en oultre il fist faire les sumptueuses mai-  
sons qui sont au pres de Sainct Pierre en Vaticane: & pareillement des  
tours pres leglise saint Pierre: pour garder leglise Sainct Pierre: & le  
palays du pape, Il fist pauer toutes les rues de Romme, Il faisoit de gran-  
des aulmosnes, Et mesmement aulx paoures nobles & gentilz hommes  
qui estoient venus a pouurete par fortune, Quāt aulcuns embassadeurs  
venoyent par deuers luy il leur faisoit faire de grans honneurs: & les re-  
cepuoit honnorablement, Il estoit homme qui se coursoit asses tost, mais  
il estoit tost reuenue en amour & amitie, Il n'estoit point auaricieulx il ne  
vendit iamais office: ne pareillement donnoit les benefices par symonie  
quant il faisoit le seruice diuin, Il estoit fort sermonieulx, Il donoit aulx  
eglises vaisseaulx dor & dargent chasubles aornez dor de perles & aultres,  
Il fist faire & aorner vne belle estude ou estoient les plus beaulx libures  
qu'on peult trouuer & de toutes sciences couuers de velours a fermoieurs  
dor & dargent, Il aymoient fort les religieulx: tellement qu'il leur donnoit

Sainct Benar-  
din de lordre  
sainct frācoys  
fut canonise p  
le pape Nico-  
las,

des benefices. Il canonisa Sainct Bernardin natif de Senes de lordre  
des freres mineurs: & le fist mettre au catalogue des saintz de paradis:  
car p la predication doctrine & admonition de saint Bernardin les facti-  
ons & seditions qui estoient aulx Italles tant des Guelphes que des Gy-  
bellins furent la plus grant partie abolis & detaintes en demonstrent au-  
peuple crestien la voye & maniere de bien viure, Le corps de Monsieur



Sainct Bernard repose en la ville Daquillee : ou il est magnifiquement honore & requis des creftiens,

¶ De Calixte, ccxviii, pape & iiii, du nom,



Alixte Pape troisieme du nom : auoit nō Alphonse Boria / & estoit de la nation de Hespaigne : du pays Satiuense ou diocese de Valence, Son pere eut nom Iehan / & sa mere Francoyse / nobles gens / & viuant noblement, Il fut cree & esleu pape du consentement de tous les cardinaulx : la sixiesme Yde du moys Dauril, Mil quatre cens cinquante & cinq. ¶ Apres q le pape Calixte eut quatorze ans il fut enuoye aulx estudes de Ileridense : ou il estudia si biē que en brief temps il fut docteur en chascun droit / &

M. cccc, lv,

Calixte docteur en chascun droit,

depuis lisoit les decretz & loix aulx aultres escoliers estudiās : car il estoit scientifique / & de grande science : parquoy Pierre lune qui depuis fut appelle Benoist treiziesme du nom, de son propre mouuement luy donna & conferra la chanoinerie de leglise de Ileridense, Or pource que de iour en iour sa science croissoit & multiplioit : il fut appelle de Alphonse roy Darragon / & fut de son conseil secret, Depuis le pape Martin le fist gouuerneur de leglise de Maïorique : & comme ses amys luy persuadoyent / & disoyent quil prinst icelle eglise en tiltre, Il leur faisoit responce quil nen feroit riens : car il attendoit leuesche de Valence : laquelle depuis par ses merites il eut : car apres que Pierre Lune quō disoit pape Benoist treiziesme du nom fut alle de vie a trespas iceulx deux anticardinaulx dont nous auons parle en la vie du pape Martin esleurēt Gilles chanoine de Baroucelle ou lieu de Benoist / & le nommerent Clemēt huitiesme du nom : lequel depuis fut contrainct de renoncera la papaulte par les moyens raisons & auctoritez que luy dit lors le pape Calixte : & a ceste cause le pape Martin fist & constitua Gilles euesque de Maïorique : & Alphōse boria apresent pape : il le fist euesque de Valence, ¶ En ce temps ce cōmanca vne guerre mortelle entre Alphonse roy Darragon : & Iehā roy de castille & dura par l'espace de sept ans, Mais Alphonse boria fist si grandes diligences entre les deux roys quil fist la paix & confederation : tellement quilz eurent affinite ensemble & dure icelle encores a present,

¶ Le pape Eugene fist & crea vingt cardinaulx : dont Alphōse euesque de Valence fut diceulx : combien quil le refusa. Mais neantmoins depuis il fist tant quil fut cause de la paix qui fut faicte entre Alphōse roy de Naples & le pape Eugene : parquoy le pape Eugene laymoit fort / & leut depuis en grāt hōneur & reuerence, cestuy Alphonse nestoit point

O, iiii,



pompeulx en habitz: car il hayoit la vaine glorie: & pareillemēt flateulx  
 & adulateurs, Apres que le pape Eugene fut mort / & pareillement son  
 successeur Nicolas, Il fut esleu a la dignite papalle: & prinst le nō de Ca-  
 lixte, Incontinent il fist faire guerre contre les turcz: & lauait de veu: au  
 parauant que fust pape: cōme depuis fut trouue par escript en vng de ses  
 libures: quauoit escript de sa main en telz motz, ¶ Ego Calixtus pōtifex  
 deo omnipotenti voueo: & sanctæ indiuiduæ trinitati me bello: maledi-  
 ctis: interdictis: execrationibus: & demū quibuscūq; rebus putero thur-  
 cos cristiani nominis hostes sceuissimos persecuturum, De ce veu vng  
 chascun estoit fort esbay: pource que parauant que fust pape: ce neant-  
 moins il se attribuoit le nom, Il estoit viel homme & tout decrepi: & ne-  
 antmoins il faisoit icelluy veu: lequel puis apres que fut pape: il enuoya  
 par tout Europe prescheurs qui admōnestoyent le peuple crestiē: de dō-  
 ner de leurs biens: pour & affin de faire guerre contre les Turcz, Iceulx  
 prescheurs firent si bien leur debuoir que de l'argent qui fut donne & auf-  
 monne le pape fist faire a Romme, xvi. nauires triremes: lesquelles il fist  
 bien auitailler / & en fut chef & capitaine le patriarche Daquilee: lequel  
 par trois ans fist guerre aulx turcz & print sur eulx plusieurs isles / & leur  
 fist beaucoup de maulx, ¶ Lors le roy alphonse & le duc de Bourgonne  
 auoyent prins la croix & promis aller oultre mer pour faire guerre cōtre  
 les turcz: mais neantmoins ilz ni allerent point: & aymèrent mieulx vi-  
 ure en leurs voluptez & plaisir que de acquerir vne si excellente gloire,  
 ¶ Ce pendāt que le pape estoit a saint Iehan de Lateran pour estre cou-  
 ronne deulx cheualliers lung estoit au cōteauerse: & l'autre a vrsin nea-  
 polie / prindrent noyse & debat ensemble: pour vng ieune paige dung gē  
 darne: & tellement se blefferent lung l'autre que incōtinant moururēt:  
 parquoy Neapolo vrsin fist mettre en armes toute sa famille & faction:  
 & sen vindrent rompre & destruire les maisons du cōteauerse qui estoit:  
 lors en leglise de Lateran: & y vouloit aller Neapolo vrsin pour le assail-  
 lir neust este qu'il fut detenu par son frere Latin: & du chambrier du Pa-  
 pe: car sil y fust alle il y eust eu grant meurtre: car toute la faction des Co-  
 lonnoys estoit en armes: qui fauorisoyent au conteauerse: parquoy le pa-  
 pe Calixte enuoya deux aduocas du consistoire, Cestassauoir Iehan Ba-  
 roncelle / & Lele du val: lesquelz firent paix entre eulx: combiē que tous-  
 iours puis apres par plusieurs fois ilz se entreatirent ou furent tuez & oc-  
 cis plusieurs de leurs gens: tant dung coste q̄ daultre, ¶ Le pape Calixte  
 canoniza & fist mettre au nombre des saintz de paradis saint Vincent  
 natif Despaigne de lordre des freres pscheurs & saint Edmōd angloys  
 & ce fait pour rendre graces a nostre seigneur dieu: il fist faire vnes deu-  
 tes processions: qui partirent de leglise de la Minerue & furent en leglise  
 saint pierre: ou estoyēt tous les cardinaulx / & le peuple de Romme: en  
 apareil, ¶ En ce temps les aulcuns laboureulx / & gēs rustiques de bourg  
 & chasteau de Palombar qui auoyent este bannis & dechassez: par vug

Deux gentilz  
 hommes se en-  
 tretuerēt pour  
 vng paige,

Saint vincēt  
 de lordre des  
 freres pscheurs  
 & saint Ed-  
 mond angloys  
 furent canoniz-  
 zes,



nomme Iacques sabelle seigneur du lieu de Palumbare retournerent en leurs maisons, Et de guiet a pend prindrēt les deux filz ieunes enfans de Iacques sabelle & leur coupperent la teste: & puis voulurent mettre en l'obedience & subiection du pape & de leglise Rommaine icelluy chasteau de Palumbare, Mais le Pape n'y voulut consentir ne en auoir la domination par telz moyens: a ceste cause il y enuoya le cardinal de Coulongne/lequel fist tant qu'il fist la paix entre les habitans du chasteau & de Iacques sabelle, Mais ce neantmoins Vrsin neapolio eut paour que le cardinal de la Coulongne ne occupast luy mesme icelluy chasteau, Pourquoy il si en alla avecques vne grosse compaignie de gens darmes/ & assaillit le chasteau par aucuns iours, A ceste cause vindrent au secours Mathieu poiane & Francoys sabelle/ & plusieurs aultres compaignies de gens darmes par le mandement du pape & du cardinal de Coulongne, Au moyen dequoy le siege qu'auoit mis Neapolio vrsin fut leue: & entrerēt dedās le bourg & chasteau les capitaynes & chefz de guerre de leglise de Rōme, Et puis firent prendre iusques au nombre de, xx, habitans tous gens rustiques du chasteau de Palumbare/qui estoient les principaulx auteurs & qui auoyent faict les tumultes & sedicions/lesquelz furent penduz & estranglez: & puis leurs corps mis en quatre parties pour monstrier exemple aux aultres quilz ne debuoyēt pas faire telz excès a leurs seigneurs/ ne pareillement commettre telz homicides comme ilz auoyēt faict, Lors apparut au ciel vne comette qui estoit fort rouge & auoit des rayes cōme cheueulx: a ceste cause les astrologues & mathematiques disoyent quelle signifioyt vne grande peste/ cherte de biens & aultres calamitez qui debuoyēt aduenir, Parquoy le pape Calixte fist faire & celebrer par plusieurs iours processions pour prier dieu/ q̄ ce icelle calamite/ peste/ & cherte de biens debuoyt aduenir/ quelle ne aduint point aux crestiens, Mais que ce fust sur les chiens maulditz turcz ennemis de la crestiente, Et oultre le pape Calixte ordonna qu'on sonneroit tous les iours a l'heure de mydi les cloches/ & que a ceste heure la les crestiens se missent a genoulx & en oraison pour prier dieu pour les crestiens qui batailloient contre les turcz/ affin quilz eussent victoire, Et croy q̄ lors par les merites & prieres des crestiens Iehan vaionade homme tres-excellent & vaillant aux armes eut victoire contre les turcz, Car en ce temps il estoit en bataille cōtre les turcz/ ou lieu dict Bellograde: & portoit Iehan capistrane de lordre des freres prescheurs le signe de la croix pour banniere & estandart, Tellement que les crestiens eurent victoire contre les turcz/ & en tuerent plus de six mille: mais des crestiens il nen fut tue que bien peu/ & prindrent les crestiens plus de cent & foixāte bombardes/ & force de viures que laisserent les turcz en leur ost/ qui firent grāt bien aux crestiens, D'icelle defette & victoire des crestiens le turc en eut sigrant paour qu'il sen fouyt a grande diligēce iusques en la ville de Constantinoble, Et comme disoit le pape Calixte/ se les princes crestiens qui

Homicide  
faict p gens  
ruraulx,

Le chasteau  
Palumbare

Comette

Victoire con-  
tre les turcz

O,iiii,



font guerre les vngz aux aultres y eussent este la nation & generatiō des mauldictz turcz estoit du tout abolliē & annichillee, A ceste cause ne cestoit le pape Calixte de admonnester par lettres & messaigiers les roys & princes crestiens/ quilz voulsissent aulcunesfoys leuer leurs yeulx & pēser au ciel/ pour ayder aux crestiens qui estoient oultre mer a batailler contre les turcz: Mais il ne leur en challoit & nen tenoyent conte, Parquoy le Pape les admonnestoit en vain/ dont puis apres fist dommaige a la crestiente, ¶ En ce temps Jacques picennine assembla vne grosse armee & vint assaillir les Senoys: pource quil leur demandoit vne grosse somme de deniers quil disoit que ceulx de Sene debuoyēt a Nicolas son pere pour ses gaiges: car il auoit este longuement leur chief & capitayne & pour eulx faict plusieurs guerres & batailles, Parquoy les Senoys requirent a tous leurs allies & confederez des ytalles de leur dōner secours & ayde, Et mesmement au pape Calixte/ lequel leur mādā quilz ne baillassent pas vng qutrain a Jacques picennine, A ceste cause il enuoya aux Senoys secours & ayde de gens darmes, Et pareillement aussi firent les aultres princes Dyallie/ comme Francoys sforce duc de Millan/ & les venitiens, Parquoy Jacques picennine demoura sans aucun secours ne ayde/ sinon que de Alphonse roy de Naples: lequel luy auoit enuoye troys nauires triresmes/ sur lune desquelles fut contrainct de se mettre & de sen fouyr par mer au royaume de Naples, Car il nauoit point d'argent pour soustenir & payer ses gens darmes/ ne pareillement de viures, Et partant les Senoys furent deliurez de Jacques picennine/ par le moyē du pape & du secours quon leur donna contre Picennine, ¶ En ce mesme an fut grant tremblement de terre au royaume de Naples/ cest assauoir aux nones du mois de Decembre, Tellemēt que plusieurs eglises maisons & edifices tumberent/ dont furent tueez & occis plusieurs personnes: & pareillement des bestes a cause des edifices qui tumboyēt sur eulx, Et mesmement en la ville de Naples/ de Tape/ Caiette, & aultres villes de la Champaigne, Lesquelles ruynes & edifices rompues ie les ay veues: car ie auoys grāt desir de veoir les antiquailles & magnifiques edifices du temps passe, Le roy Alphonse lors pour la troysiesme fois promist en brief temps daller oultre mer batailler contre les turcz, Mais il estoit si effemine & encharne aux delices & plaisirs mōdains quil prenoit au royaume de Naples/ que puis aps il ne luy souuenoit daller contre les turcz, ¶ Apres que le pape Calixte eut appaise & mis en paix les ytalles/ il fist & crea neuf cardinaulx/ entre lesquels furent deux de ses nepueux filz de ses seurs: cest assauoir Theodoric boria/ & Loysiehan/ en son sur nom Nullāne, Et avecques iceulx il fist & crea Enee euesque de Sene/ par le moyen duquel fut faicte la paix aux ytalles quant les Senoys estoient oppressez de guerre par Jacques picennine, Pour la mort aduenue au conte Taliace/ quauoit faict le pape Calixte preuost de la ville de Romme vngan deuant/ il se esmeut guerre entre le cōte Auer-

Grant trebe-  
ment de terre  
au royaume  
de naples

Creation de  
Cardinaulx



se & Neapolion vrsin, Car le conte auerſe auoit prins & occupe apres la mort du conte Taliace/le chasteau terres & ſeigneuries de Monticelle/ qui eſt au pres de Tybure: car il diſoit quil appartenoit a la fille du cote Taliace qui eſtoit ſa bruze/ & auoit eſpouſe ſon filz, Mais au contraire diſoit Neapolio que le chasteau luy competoit & appartenoit par droit de heritaige/ car le conte Taliace eſtoit de la ligne & famille des Vrsins, Au moyen duquel debat & differant furent faictes pluſieurs courſes & guerres/ dont le peuple de Romme eut de grans dommaiges & pertes, Mais par le moyen du pape Calixte la paix fut faicte entre les parties, Et ordonna le Pape/ Theodorice boria ſon nepueu/ preuoſt de la ville de Romme: & le fiſt chief & capitayne de toute l'armee de legliſe de Romme/ affin que les princes & barons par ſon moyen demouraffent en paix & concorde. ¶ Lors peu de temps apres Alphonſe roy de Naples alla de vie a trespas/ ſans hoir ne heritier legitime pree de ſon corps, Parquoy le pape Calixte fut ſi magnanime & hault couraige/ quil diſoit & main tenoit que le royaulme de Naples luy competoit & apptenoit/ & eſtoit deuolu & retourne au ſiege apoſtolique & eglife Romaine/ par faulte dhoir pour le droit feudal, A ceſte cauſe le roy Ferdinand qui ſe diſoit heritier/ ſe miſt en armes contre le pape Calixte: car il congnoiſſoit la haulteſſe & magnanimité du pape Calixte & ſes moyens, Il vouloit entretenir les habitans du royaulme de Naples de ſon couſte & alliance, Mais ce neantmoins ce pendāt le pape Calixte alla de vie a trespas: parquoy le roy Ferdinand fut deliure de grant deſtoubier & differant / que luy faſoit le pape Calixte, Le pape Calixte mourut le troysieſme an de ſon pontificat/ troys moys & ſeize iours, Il fut enterre en legliſe ſainct Pierre/ a ſeñestre en legliſe ronde/ qui eſt dediee a noſtre dame des ſieures/ la quelle auoit eſte reſaicte par le pape Nicolas, Et peu de temps apres mourut ſon nepueu Boria/ qui ſen eſtoit ſouy en la cite vieille pour la paour des Vrsins, Pource quil auoit fauoriſe & maintenu la famille & faction contraire des vrsins, Le pape Calixte fut en ſon temps digne de louangne: & meſmement quant il eſtoit eueſque de Vallée & cardinal iamais ne voulut auoir aultre benefice en commande/ diſant quil eſtoit content dauoir ſeulement vne eſpouſe & vierge en mariage: ceſt adire: leueſche de Valence, Et auſſi les droitz canons le prohibent & deſſendent dauoir pluſieurs benefices, Il donnoit argent pour marier paoures filles/ & ſouſtenoit les paoures gentils hommes/ & eſtoit fort magnifi que aux princes quāt il eſtoit de beſoing/ & meſmemēt a ceulx qui vouloyent ayder a faire guerre contre les turcz & payens, En ſon temps il en uoya Loys natif de Boulongne de lordre ſainct Francoys/ aux Roys de Caſſianne/ de Perſe/ & princes de Armenie leur enuoyant de grās dons & riches/ & en les perſuadant & enhortāt de faire touſiours guerres mortelles contre les turcz/ ce que faſoient par chaſcun iour, Et a ceſte cauſe iceulx roys & princes enuoyerent ambaffades au pape Calixte/ leſquelz

La mort de alphonſe roy de Naples,

La mort du pape Calixte



De Pie, ccxix. Pape,

depuis parlerent au pape Pie: & iceulx ay veuz dont ie mesmerueilloys de leurs facons dabit & vestemēs / & aussi pareillemēt destre venuz de si loing pays & lieux si dangereux a passer / tant par mer que par terre,

La feste de la  
trāsfuration  
nostre seignr,

¶ Aulcuns disent que cestuy roy de Cassanne escripuoit souuent au pape Calixte des victoires quauoit contre les turcz / & que cestoit au moyē des prieres & oraisons des crestiens, Tellement que depuis lamytie faicte a Calixte a tousiours, dura iusques a p̄sent entre celluy roy & les crestiens / car continuellement il faict guerre contre les turcz, Le pape Calixte auoit quatre vingtz ans quant il mourut / mais tousiours il estudioyt ou faysoit lire deuant luy, Il fist & composa l'office de la transfiguration de nostre seigneur / & commanda & ordonna quon celebrast icelle feste ainsi quil lauoit faicte / en donnant grandes indulgences a ceulx qui celebreroyent la feste & orroyent le seruice diuin, Quant il venoyt par deuers luy aulcuns orateurs ou ambassadeurs / il les recepuoit tresbegninement, Et si demandoient choses licites & honnestes / il leur ottroyoit / aultremēt nō, Par plusieurs foys il dissimuloit & ne vouloit dōner bail-ler ne optemperer aux petitions & vouldentez du roy Alphonce / pource quil demandoit des eueschez & dignitez pour des gens quilz nestoyent pas dignes / ne capables de les auoir & obtenir / comme gens nō lettrez ne icauans les sciēces ne lettres latines, ¶ Le pape Calixte delaissa apres sa mort cent & quinze mille pieces dor / lesquelles auoit acquises & receues pour faire guerre contre les infideles turcz, Ainsi quon faysoit les obseques & funerailles du pape Calixte / mourut Dominique card inal de saincte Croix / grant penitencier de Romme / dont le peuple pleura fort car cestoit vng homme de bien,

¶ De Pie, ccxix, Pape: & second du nom,

La naissance  
du pape Pie &  
de son nom,



Le Pape second du nō auoit nom Enee Piccolhomine, Il estoit de la nation Dyallie natif de Corsce & nourry en la ville de Sene, Son pere auoit nom Siluie / & sa mere victore, Il fut esleu a la dignite papalle du consentement & voix de tous les cardinaux La, xiii, kalende du moys de Septembre, Mccccviii, Le pere de Pie fut mis hors de la chose publique de la ville de Sene avecques aulcuns nobles de la ville, Parquoy al la demourer au chasteau de corsique / & en ce lieu le conceut sa mere / & apres quil fut ne son pere le fist appeller Enee Siluie, ¶ Quant la mere du pape Pie estoit grosse de luy / il luy vint en vision & songe quelle enfanteroit vng enfant a tout vne mitre en la teste, Parquoy la mere fut tousiours en



doubte que icelle vision ne fust de mauuais sorte/& quil fist quelque mauuais cas qui deust estre au deshonneur de sa lignee/& nen fut a son ayse iusques a ce quelle ouyt les nouvelles quil estoit euesque de Terge stine. Parquoy puis apres elle fut appaisee & rendit graces a dieu/dece quelle congnoissoit que sa vision retournoit a tout bien & honneur. Le pape Pie aprint en Corlisque sa grammaire/& viuoit assez durement. Tellement que par pourete & autrement il fut contrainct de prendre & faire tous les actes negoces & labeurs qui appartenoyent a vng homme rustique & laboureur. Or depuis quil paruint en laage de dixhuyt ans/ il sen vint en la ville de Sene/ou il fut mis aux escolles par aucuns de ses parens/lesquelz luy ayderet. Parquoy il ouyt les lections des Poetes & puis des orateurs. Tellement que en brief temps il fut grant clerc en poeterie & en oratorerie. Il faysoit de beaulx liures en poeterie & en langage Hetrusque qui est langaige commun. Quant il estoit ieune enfant qui est le temps quon se donne a plaisirs & choses venereiques/il se mist a estudier en droit ciuil. Mais peu de temps apres il fut cōtrainct de laisser lestude pour la guerre qui vint entre les Florentins & ceulx de Sene: car alors les viures estoyent fort chiers pour icelle guerre/& aussi le cōmun peuple de la ville de Senes dechassa hors la ville les nobles/pource quilz les auoyent en suspition. A ceste cause le pape Pie se mist au seruice de Dominique caprane/homme scientifique & de grande science: lequel passoit par la ville de Senes & sen alloit au concille de Basle/pour se plaindre des iniures que luy auoit faict le pape Eugene. Pource quil ne luy vouloit pas bailler le chapeau de cardinal/lequel luy auoit donne le pape Martin luy estant absent de Romme pour ses merites & vertuz. Il fut fort familier de son maistre/& avecques luy passa les mons & haultes Alpes pleines de neiges. Et firent tant quilz passerent par le pōt denfer/& le lac de Lucerne & le pays de Souysse. Tellement que apres grans labeurs froidures & morfondures arriuerent en la ville de Basle. Et combien que Pie fust assez empesche aux affaires de son maistre/car il estoit son secretaire:touteffoys quant il estoit a delaysir tousiours estudiant. Et pource que le pape Eugene retenoit tous les benefices & biens paternelz de Dominique caprane/dont il auoit grandes necessitez. A ceste cause il faillut que Ence luy donnast conge/& non pas sans pleurer/& se mist au seruice de Barthelemy euesque de Nauarre/& vint avecques luy iusques en la ville de Florence/ou estoit le pape Eugene. Mais cestuy euesque fut accuse de crime de lese maieste & mis en iustice/parquoy Ence le delassa. Et puis se mist a su yure Nicolas cardinal de laicte croix homme de sainte vie. Lequel peu de temps apres il sen vint avecques luy en la ville Darras/par le commandement du pape Eugene ou estoyent assemblez plusieurs nobles de France & de Bourgōne/pour faire & traicter la paix entre le roy de Frāce & le duc de Bourgonne qui fauorisoit aux Angloys. Et fist tant que par les moyes la paix fut faicte

Ence fist la  
paix entre le  
roy de frāce &  
le duc de bour  
ne



entre le roy de France & le duc de Bourgonne, Et ce faict retournerent le cardinal saincte Croix & Enee aux ytalles/ou estoit attendu pour faire & composer la paix entre Phelippes duc de Millan & les Venitiens, Mais pource que Enee nestoit point ayme du pape Eugene/il sen alla au concille de Basle/ou il fut tresbien venu & recueilly en grât hōneur Il fut scribe du concille de Basle & abbreviateur des lettres apostoliques Il ne se faysoit rien au concille sinon par son auctorite & cōseil, Quatre conuens estoient au concille de Basle/& en chascun conuent estoit vng president/& on y disputoit de la foy crestienne / de reformation / de la paix & aultres choses:& iceulx presidens estoient chāgez tous les moys Et fut president Enee beaucoup de foys, Or comme vne foys il fut question deslire vng lieu conuenable pour tenir le concille, parquoy il luy fut baille charge de faire la harengue & oraison & en dire son opinion: Car aucuns demandoient la ville Dauignon/les aultres Vtine/& Florence, Mais il monstra que la ville de Pauie estoit a preferer sur toutes icelles villes/pour loportunité & situatiō du lieu & des magnifiqs maisons/du bon air & affluence de biens, Quāt il se faysoit au concille quel que chose par les nations/Enee de la nation Dytallie estoit tousiours le premier nomme & appelle/pour cause quil estoit grant orateur & de excellent entendement/pour faire quelque legation ou ambassade, Il fut troys foys en Argentine/vne foys en la ville de Tridente/deux foys en Constance/& en Frāquefort vne foys, Et puis fut enuoye ambassadeur au pays de Sauoye, ¶ Apres que le pape Eugene eut este demis & expulse de la dignite papalle/& que le pape Felix fut esleu de par le concille de Basle:Enee reffusa & ne voulut accepter loffice de secretaire du pape Felix, Mais neantmoins il fut enuoye cōme orateur & ambassadeur par le pape Felix a lempereur Federic, Et fist si bien & honorablement icelle ambassade & legation/& print lempereur Federic si grant plaisir & doulceur/a ouyr parler si eloquemment & scientifiqment Enee:quil luy donna & bailla la couronne des poetes/& le fist & crea vng de ses p-tenotaires, cest assauoir vng de ses secretz conseillers/& ainsi les appellēt les Germainns, Et depuis lempereur le fist senateur/en laquelle office il se porta si bien & vertueusement/que en toutes choses il estoit repute le plus magnifique & honorable de tous les aultres, ¶ Quant il fut question dabollir & du tout annichiller le scisme entre le pape Felix & le pape Eugene:Enee fut delegue & enuoye par lempereur Federic/pour aller par deuers le pape Eugene, Mais en allant au lieu ou estoit Eugene/Enee passa par la ville de Senes/ou il y fut par aucun temps pour se re- freichir & reposer, Mais combien que ses amys luy voulsissent persua- der quil nallast par deuers le pape Eugene:pource quil auoit fort impu- ne & offense du temps du concille de Basle:a ceste cause ilz craygnoient que le pape Eugene ne luy fist quelque desplaisir, Mais Enee estoit hō- tne si constant saige & prudent/que pour les admonitions de ses amys &

Enee fut cou-  
ronne poete  
Enee senateur  
de lempereur Fe-  
deric,



parens/il ne voulut delaïsser a poursuivre son affaire & sen alla a rōme:  
ou il trouua le pape Eugene/deuant leq̃l il fist vne excellēte harēgue &  
oraïson en se excusāt/pource quil auoit ensuyui lauctorite du cōcille de  
Basle:leq̃l cōcille auoit approuue & auctorise le pape Eugene, Et puis  
ce faict cōmenca a pler des choses pour lesquelles il estoit enuoye par lē  
pereur federic au pape eugene, Parquoy le Pape enuoya en Germanie:  
cest assauoir Thomas sarzana & Iehan caruagilla:au moyen desquelz &  
par lindustrie de Enee la neutralite des Germainz fut abolie du tout:  
cōme nous auons dict cy deuant en la vie du pape Nicolas, Et pour mō  
strer que Enee auoit este cause de ce grant bien: depuis lēpereur Federic  
enuoya Enee au pape eugene, Et luy māda par luy q̃ les Germainz vou  
loyent obeyr au Pape/non pas seulement quāt aux choses humaines &  
terrestres/mais aussi aux choses diuines, ¶ En ce tēps le pape Eugene al  
la de vie a trespas:& pource quil estoit de necessite q̃ les cardinaulx es  
leussent vng nouueau Pape, Il fut esleu Enee pour estre orateur au con  
clauē/car il ny auoit nul lors a Rōme qui fust plus digne de lestre q̃ luy  
Le pape eugene le fist soubdyacre/& puis euesque de Tergistine, Aps  
que Phelippe duc de Millā fut mort sans hoir: Enee fut enuoye au peu  
ple de millā/pour leur remōstrer quelle foy & liberte ilz debuoiēt auoir  
mais ilz ne le creurēt pas, Parquoy Frācoys: sforce entra p force en la vil  
le de Millā/ou le peuple eut grant dōmaige/pource quilz ne voulurent  
croire Enee, Depuis le pape Nicolas le crea euesque de la ville de Sene  
dōt il auoit prins son cōmencemēt & origine, ¶ Aps quil eut faict paix  
& confederatiō avecques Alphonse roy Darragon & lempereur Fede  
ric/il fist tant que Federic vint aux ytalles/pour aller a Romme recep  
uoir la couronne/& espouser Leonare fille de Lusitane/aultrement dict  
Portugal/dont il auoit faict laccord & promesses quant il fut ambassa  
deur au roy Darragō, Lēpereur lēuoya deuāt en la ville de Sene pour at  
tēdre son espouse Leonare/qui y debuoit arriuer par mer, Mais aps que  
enee y eut este vng peu de tēps/le peuple leut en suspitio: cest assauoir q̃  
quāt lēpereur viēdroit/quil ne dechassast le peuple & y fist venir les gē  
tīlz hōme spour gouuerner la ville, Parquoy enee voulut releuer de su  
spicion le peuple/& sen alla a Thalamonne ou debuoit arriuer Leonare  
Mais neantmoins le peuple pour son absence ne cesserent tant quilz eu  
rent dechasse les nobles de la ville de Sene/& iceulx enuoyez demourer  
aux champs pour vng temps, Mais peu de temps apies le peuple qui  
nest riens plus variable rappellerent les nobles, Pource quilz congneu  
rent q̃ lempereur federic estoit hōme de iustice/& quil ne vouloit point  
faire de noualitez/& aussi quilz apceurēt la prudēce de leuesque Enee,  
Quāt Enee sceut q̃ Leonare & les portugalloyz estoiet arīuez en la ville  
de Pise, La pucelle Leonare luy fut baillie & icelle mena a lēpereur Fe  
deric qui estoit a Senes, Et puis ptirent de Senes & firent tant quilz vin  
drent iusques en la ville de romme/ou il receut la couronne/& puis es

P.i,

La neutralite  
des germainz  
fut abolie par  
enee

Enee orateur  
descardinaulx  
au conclauē  
quant calixte  
fut esleu pape

Enee fist le  
mariage de lē  
pereur federic  
& de Leonare  
fille de portu  
gal



poufa Leonare: & tout ce faisoit par les moyens de Enee,  
**Q**uant Federic voulut aller a Naples pour saluer Alphonse il de-  
 laissa en garde & tutelle le roy Ladislao ieune enfant: Lequel les Pano-  
 niens & les Bohemiens par plusieurs foys cestoyent efforcez/de le rauer  
 & emmener furtiuement, Apres que lempereur Federic fut retourne de  
 Naples/il print conge du Pape & le remercia/& puis se partit & sen al-  
 la en Gerhanie, Or pource quil auoit aucuns discors avecques les Bo-  
 hemies pour cause du roy Ladislao/car ilz vouloyet lauoir, A ceste cau-  
 se il y enuoya pour ambassadeur Enee/& pareillemēt en toutes les vil-  
 les de Austrie, Et fist si bien Enee quil fist & traicta la paix entre eux &  
 lempereur Federic, Et ce faict il se trouua a lassemblee qui estoit en Ra-  
 tisponse: tenant le lieu pour lempereur, Ou il fist vne si excellente &  
 scientifique oraison & harengue/de la cruaulte & immanite des turcz/&  
 des maulx miseres & calamitez quilz faisoient aux paoures crestiens:  
 Que le Duc de Bourgonne Phelippes & Loys Bosarie/promirent al-  
 ler oultre mer & faire guerre contre les infideles turcz, Mais neātmoins  
 ilz nen firent riens puis apres/par leurs ambitions & auarices,  
**O**r apres q̄ Enee eut faict plusieurs legations & ambassades en loing-  
 tains pays/il se trouuoit las & vieulx: pourquoy il se vouloyt retirer en  
 la ville de Sene dont il estoit euesque. Mais il ouyt nouuelles que le pa-  
 pe Nicolas estoit alle de vie a trespas, Parquoy lempereur qui vouloyt  
 faire guerre & aller avecques les Germainz oultre mer contre les infide-  
 les turcz/tout ce qui en auoit este commence fut delaisse, Et disoyent les  
 Germainz a lempereur/quil ne debuoit plus obtemperer ne obeyr au  
 Pape/& quil estoit de pire condition que les Francoys qui auoyent la  
 Pragmatique sanxion, Mais par le moyen de Enee tout fut appaise/di-  
 sant a lempereur q̄ le peuple a tousiours hayne mortelle contre son prin-  
 ce: car ilz ne se gouernent que selon leurs cupiditez & volentez & non  
 pas selon raison, Parquoy il debuoit obeyr au Pape & non pas au peu-  
 ple qui ne scait quil demande, Lempereur se accorda a la sentence & opi-  
 nion de Enee, Et a ceste cause il enuoya ambassadeur par deuers le pape  
 Calixte/& luy fist le serment acoustume de faire ou nom de lempereur  
 Et toute son oraison & harengue ne fut que de faire guerre aux turcz in-  
 fideles, Il estoit tressfort enuenime contre eulx/car il disoit que puis que  
 les turcz auoyent prins & occupe la Grece/quilz viendroyent bien plus  
 auant, Parquoy il admonnestoit le pape Calixte de contraindre les prin-  
 ces Dytallie de faire paix ensemble, Car lors le Conte Pitilianne & Iac-  
 ques picenine/lesquelz auoyet secours du roy Alphōce faisoient guerre  
 aux Senoys, Mais p̄ le moyē de Enee qui fut enuoye p̄ le pape Calixte  
 en ambassade au roy Alphōce/la paix generallemēt fut faicte aux ytal-  
 les, Et tellemēt psuada Enee le roy alphōce/quil aymoīt fort/& pmist  
 passer la mer & faire guerre aux turcz infideles. **O**r ainsi que Enee eut  
 faict sa legation & quil estoit retourne a Romme pour sen aller en son

phelippes duc  
de bourgonne  
& loys bosarie

Le pape Pie  
estoit expert  
pour faire am-  
bassades



pays: il fut retenu du pape Calixte/ & faict & cree Cardinal du consentement de tous les cardinaulx, Ainsi q̄ le cardinal Enee estoit aux baingz de Viterbe/ pour se refaire & guarir: car il estoit vng peu mal disposé pour les grans labeurs & peines quil auoit euz & prins/ & quil auoit encommence lhistoire & croniques des Bohemes, Il luy fut apportee nouuelles que le pape Calixte estoit mort: & a ceste cause il sen vint a Rome, Mais quant le peuple sceut quil venoit/ vne grande partie vint au deuant/ & le saluoient comme sil eust desia este esleu Pape: laquelle chose fut faicte, Car incontinent quil fut entre au conclaue il fut esleu a la dignite papalle/ du consentement de tous les Cardinaulx, Apres quil eut receu la couronne papalle & rendu graces immortelles a nostre seigneur dieu, Il se mist a faire faire paix par toutes les ytalles/ combiē que alors vng chascun cuydoit que ce fust chose impossible, Il crea & ordonna prefect & preuost de Rome ou lieu de Borja qui estoit mort/ le prince de Colonne, Il partit de Rome au temps dyuer/ & y delaissa legat Nicolas Cardinal de saint Pierre aux liens, Et fut par toutes les villes Dytallie ou il scauoit que estoient noyses sedicions & discors/ pour les appayser & accorder ensemble, Il fist tant quil paruint iusques en la ville de Mantue/ ou estoit grant nombre de princes crestiens de toutes nations qui si estoient assemblez: & fut dict & celebre au concille de Mantue/ que les princes crestiens feroient guerre contre les infideles, Car le pape Pie auoit la langue si diserte & bien parlant/ que en faisant sa harangue vng chascun pleuroit quant il remonstroit & declairoit les cruaultez/ miseres/ & calamitez/ que faysoient continuellemēt les turcz aux crestiens, ¶ Le pape Pie se excusa fort des cas que luy imposoyent les Francoys: & mesmement le roy Rene Dāiou qui disoit quil auoit confirme Ferdinand filz de Alphōce roy de Naples/ & quil luy auoit baille la couronne, Or toutes ses choses se faysoient au concille de Mantue/ que les guerres intestines & crestiens contre crestiens commencerent: Car lors les Germainz les vngz contre les aultres faysoient guerres: & pareillement contre les Panoniens, Les Angloys dechasserent leur roy/ & en vouloyent auoir vng aultre/ qui auoit este pareillement par eulx dechasse de lisle Dangleterre, Les Hespaignolz faysoient guerre aux Aragonnoys/ ausquelz les Frācoys donnoient secours cōtre ceulx de Barcelonne, Jehan filz du roy Rene/ sefforçoit de expulser du royaume de Naples Ferdinand, Pourquoy lors auoit deux factions & bādes au royaume de Naples, Car les vngz tenoyent le party de Ferdinād/ & les aultres estoient pour le filz du roy Rene, Tellement que toute la crestiente estoit en guerres/ laquelle chose fut cause que lon ne fut point oultre mer contre les infideles turcz, Parquoy le pape Pie delaissa le concille de Mantue/ pour faire cesser les guerres qui estoient au pays Dytallie, Il fist rēdre & restituer la ville de Viterbe qui estoit prinse & detenue par leurs ennemys, Il appaisa les picentins qui auoyēt grosses guerres/ pour

Enee fut cree  
cardinal par le  
pape Calixte

Lelection du  
pape Pie

Le concille de  
Mantue

Pourquoy la  
guerre doultre  
mer fut delaissēe

P, ii,



Le pape Pie  
dōna secours a  
Ferdinād con-  
tre le filz du  
roy Rene

Le pape pie  
malade

cause de fins & limites de leurs terres & seigneuries / tant par menasses que pareillement par bonnes & salutaires raisons qui leur disoit, Et puis apres il fist abollir & annichiller les sedicions de la ville de Senes / pour le gouuernement de la ville, Car il fist retourner dedans la ville de Senes plusieurs nobles hommes / lesquels auoyent este dechassez & bannis, & leur bailla le gouuernement de la ville, Et puis il print Tyburce filz de Ange maissiane / lequel fut pendu aux fenestres du Capitolle / par le commandement du pape Nicolas, Et ainsi fut cestuy Tyburce / pour ce quil auoyt occupe leglise Pantheon / & se tenoit dedans luy & daultres mauuais brigans / & lauoyent muny & garny comme vng chasteau Et quant ilz auoyent faict aucuns larrecins & pilleries par la ville de Romme / ilz se retiroient au Pantheon comme en vng chasteau, Il dechassa plusieurs tyrans des terres & seigneuries de leglise, Mais iamais le pape Pie ne faysoit guerre contre aucuns / que premieremēt il ne leur eust enuoye legatz & ambassadeurs / affin quil les peust cōuaincre & faire venir a la raison deuant que de faire guerre, ¶ Le pape Pie fist chief & capitayne de son armee / Federic vrbinate avecques Alexādre sfortia, Lesquelz il enuoya contre Iacques Picennine / qui vouloit passer oultre les ytalles pour aller donner secours au filz du roy Rene / lequel faysoit guerre a Ferdinand, Les Francoys dechasserent Ferdinand tellement quil sen fouyt en Sarne, Et luy aydoit fort le pape Pie / affin quil ne fust expulse ne mis hors du royaume de Naples par les Francoys, Car il auoit paour que se les Francoys estoient victorieux & paisibles du royaume de Naples / quilz fussent si haultains quilz voulussent mettre toutes les ytalles en leur subiection & domination / & quilz ne seroyēt plus en liberte, Il ne voulut ouyr les ambassadeurs des Francoys en les menassant / au moyen de layde & secours que le pape Pie enuoya a Ferdinand, Il gaigna vne bataille en la Pouylle / aupres du chasteau de Troye ou fut desconfict le prince de Tarente / & plusieurs autres qui tenoyēt le party des Francoys, Et tellement furent espouentez quilz firent paix avecques Ferdinand: & ceulx quilz ne voulurent tenir son party / ilz furent dechassez hors du royaume de Naples,

¶ Quant le pape Pie fut deliure dicelles guerres / il voulut parfaire ce qui auoit este ordonne au concille de Mantue / touchant la guerre des infideles, Et a ceste cause il enuoya lettres & messagiers aux Roys princes & nations, Et mesmement au roy de Hongrie / a Phelippes duc de Bourgonne / & aux Venitiens: lesquels auoit alliez avecques luy / comme les plus promptz a faire icelle guerre, Cependant le pape Pie sen alla en la ville de Senes / affin daller quant seroit besoing aux baingz Petriolane / car il disoit que iceulx baingz luy faysoient tresgrant bien / & quilz luy ostoyent la peine & douleur dune maladie quil auoit, Mais quant il ouyt & entendit les nouuelles de Phelippes duc de Bourgonne / lequel cestoit voue & auoit promis daller oultre mer faire guer-



re contre les Turcz/lequel auoit failly de sa promesse, Et aussi pareillement plusieurs aultres princes qui empescheoyent les vngz & les aultres daller cōtre les Turcz/qui estoit vne guerre fort necessaire & digne de tresgrande louange, Il delaissa les baingz & vint a Romme: puis il en uoya ambassadeurs & legatz pour admonnester les princes & nations/ affin daller oultre mer, Mais ce pendant le Pape fut fort malade dune douleur quil luy vint aux piedz/ & dune vehemente fiebure dont il fut malade par aulcuns iours, Au moyen de quoy il ne se peult trouuer au moys de Iuing a Anconne comme il auoit promis, Apres quil fut vng peu guairy il ouyt les ambassadeurs du roy de France/ & de Phelippes duc de Bourgonne: lesquelz excusoyent le Roy de France & le Duc de Bourgonne, Pource quilz nestoyent venuz pour aller oultre mer comme ilz auoyent promis de faire, ¶ Le Pape fist appeller & conuoquer tous les Cardinaulx/ou fut remonstre que le roy de Boeme nestoit pas bon catholique & crestien/ & tenoit aulcunes heresies, Parquoy il fut deslibere & ordonne quil seroit cite a comparoir a Romme: ce que fut faict, Et puis le pape Pie se fist porter en vne litiere iusques en la ville de Romme, Et en son chemin rencontroit grande multitude de gens darmes/ de Germanie/ de France/ & Despaigne/ quilz venoyent pour aller batailler contre les Turcz/ ausquelz donna labsolution de tous leurs pechez, Il renuoya les Germainz en leur pays/ car il leur dist quilz nestoyent pas ydoines pour icelle guerre, Et aussi ilz nauoyent apporte argent pour fournir a la guerre comme il auoit este ordonne par les lettres apostoliques, ¶ Or ce pendant que les nauires estoyent au port de Anconne & quon attendoyt le capitayne & chief des Venitiens: le pape Pie estoit tousiours malade de la fiebure lente & continuelle/ de laquelle il alla de vie a trespas, Lan de nostre seigneur. Mille quatre cens soixante & quatre: la septiesme kalende du moys de Septembre/ enuiron troys heures du matin, Il fut six ans Pape/ moins six iours, Le pape Pie estoit de si grande constance/ que durant sa maladie laquelle estoit fort grieve & mauuaise: ce neantmoins il ne laissoit point de se occuper a ouyr les causes & negoces de diuerses nations: en iugeant/ prohibant/ admonnestant/ ou en faisant signer bulles/ & enuoyer lettres & legatz, Deux heures deuant sa mort il appella & fist venir tous les Cardinaulx/ & les pria & requist quilz fussent tous concordables quant ilz esliroyent vng pape nouueau: affin que a lhonneur de dieu & dignite de leglise/ quon paracheuast la guerre contre les Turcz/ laquelle il auoit encommencee au salut de son ame, Il recommanda toute sa famille/ & mesmement ses nepueuz silz estoyent dignes de recommandacion/ & aussi quilz se mōstrassent gens de bien, ¶ Et quant il eut tout ce faict il demanda tous les sainctz sacremens de leglise/ en demonstrent les signes dung bon Crestien, Quant ce vint au sacrement de lunction il disputa fort contre Laurens rouchelle euesque de Ferrare leql estoit docteur en Theologie

Ambassades  
de france

La mort du pa  
pe Pie

P.iii.



homme de grande science, Affauoir sil estoit licite de reïterer lonction: pource quil auoit este vne foys enoynt & receue lextreme vnction en la ville de Basle quant la peste y estoit ou il fut fort malade, Ce neantmoins quil fust si malade tousiours disoit ses heures canonialles/combien que ses familiers & seruiteurs luy disoyent quil sen pouoyt biē passer pour cause de sa grant maladie/mais ilz ne len pouoyt garder, Il dist tout hault le symbole & grant credo saint Anastaise/& quant il eut dit il dist tout hault quil estoit vray & salutaire, Il nauoit point de paour de la mort/& ne fist aulcuns mauuais signes quant il rendit lesperit/car il auoit este longuement malade, Son corps fut porte a Romme/& quant il fut mort ceulx qui louurirent disoyent quil auoyent trouue son cuer tout vif, Son corps fut porte de Anconne a Romme/en magnifique & excellente pompe funebre:& toute sa famille estoit vestue de draps noirs qui pleuroyent, Apres que les exeques & seruice diuin fut dict/il fut enterre en leglise saint Pierre pres lautel saint Andry/en vng sepulchre que fist faire Francoys cardinal de Senes/& y fut mis cestuy Epitaphe,

¶ Pius secundus pontifex max, natione Thuscus: patria Seneñ, gente Picolominea, sedit annis sex, Breuis pontificatus ingēs gloria fuit conuentum christianorum Mantuæ pro fide habuit oppugnatoribus Romanę Sedis intra atq; extra Italiam restitit: Catherinam Seneñ, inter sanctas christi rettulit: pragmaticam in gallia abrogauit: Ferdinandum Aragonensem in regnum Siciliæ cis fretum restituit: rem ecclesiæ auxit, Fodinas inuentum primum, Aluminis apud tolfam instituit: cultor iusticiæ & religionis admirabilis eloquio: vadens in bellum quod Thurcis indixerat Anconæ decessit: ibi & classem paratam & ducem Venetorum cum suo senatu commilitones christi habuit, Relatus in urbem est partum decreto & hic conditus vbi caput Andreę apostoli ad se peloponeso aduectum collocari iusserit, Vixit annos, lviij, mēses, ix, dies, xxxviii, Il delaissa au college des Cardinaulx cinquante cinq mille pieces dor/ pour faire la guerre contre les turcz, Les Cardinaulx prindrēt icelle somme avecques les nauires qui estoient au port Dacōne/& baillerēt a Christoflemaureduc des Venitiens qui estoit arriue deux iours deuant que le pape Pie fust alle de vie a trespas/accompaigne de vnze nauires triremes, Et fut baillie icelle pecune/p telle condition quil en prendroit vne partie pour conuertir & payer les gaiges des gens darmes crestiens & lautre partie bailleroit a Mathias roy des Hongres/qui faysoit continuellement guerres mortelles contre les turcz, ¶ Le pape Pie abroga & abolit la pragmatique de France/au temps de Loys vnzieme roy de France Car il diloit qui nestoit riens plus pernicieux & contraire a leglise de romme, Il naymoit point les Frācoys/car pource que Borsio duc de Mutuēse:& Sigismonde maleteste fauorisoyent aux Francoys il leur faysoit beaucoup de mauix. Il excommunia & anathematiza Sigismonde duc de Autriche:pource quil auoit prins & mis en prison Nicolas Cusane

Epitaphe du  
pape Pie

Pragmatique  
sanxion



cardinal sainct Pierre aulx liés, Il priua & expulsa l'archeuesque de Beneuent de son archeuesche pource quil auoit voulu mettre les francoys en la ville de Beneuent, Il persecutoit ceulx qui estoient contre luy / & qui fauorisoyent aulx princes / qui occupoyent les terres de leglise / & les reputoit ses ennemis publiques / mais ceulx quil aymoyt: il les extolloit & entretenoit tres humainement: comme Federic empereur des Romains / Mathias roy des Hongres / Ferdinand filz de Alphonse / Phelipes duc de Bourgonne / Francoys Sforce / & Loys Gonzague: lesquelz aymoit fort, Il fist douze cardinaulx, Cestassauoir Reatine / Spoletine / Traanenfe / Alexandre de Saxoferrat / Barthelemy / Rouerelle / Iacques de Lucques / Francoys Gonzague: lesquelz estoient tous Italiés, Et des trās mettane Salsburgense / Loys Librete / Arras / Vergelense, ¶ Quant est de la maniere de viure du pape Pie: il se leuoit matin a l'aulbe du iour disoit ses heures & seruice diuin / & puis pensoit aulx besongnes & negoces de la chose publique: ce fait cheminoit vng peu p aulcūe espace en vng iardin pour se recreer: ce fait disnoit / il mangoit des viandes communes lesquelles ne vouloit que fussent exquisement preparez: & en auoit peu, Il buuoit peu de vin / & du plus petit quō pouoit trouuer: car il naymoit point gros & fors vins, Apres disner il ploīt & disputoit vne demye heure avec ses familiers / & autant en faisoit apres soupper / & le plus souuēt a lire ou escrire passoit presque toute la nuyt, Il nestoit au liēt que cinq ou six heures, Cestoit vng homme de petite stature, Il eut les cheueulx blancz & la face appareissant vielle: quil estoit encores ieune hōme / mais cestoit pour les peynes & trauaulx quil auoit euz daller aulx pais estrangers en ambassades / sa regardure estoit vng peu seuerie avecq's vne douleur & beau maintiē / nature luy auoit dōne le corps asses robuste & fort mais les grandes peines & labeurs qu'auoit soustenus lauoiēt redu fort debile, Il auoit malladies communes: comme la toux / pierre grauelle & si estoit podagre: tellement que aucune fois il en estoit si persecute / quil nauoit riens vif sinon que la voix: autant quil assembloit d'argent il le dōnoit, Iamais ne vouloit estre present quant on comptoit son or & argent: ou qu'on le mettoit au coffre: car il se fyoit a ses seruiteurs & familiers, Il se delectoit a ouyr les poettes, Il hayoit les menteurs & rapporteurs, Il pardonnoit facilement a ceulx qui disoyēt mal de luy: mais a ceulx qui vouloyent faire iniure au siege apostolique de leglise Romaine, Il prenoit les iniures a cuer & deffendoit leglise: au moyen de quoy: il auoit en plusieurs debat & haines enuers les roys ducz & princes: pour supporter & deffendre leglise, ¶ Quāt aucun luy auoit dit iniure: il ne vouloit point quil en fust pugnē: car il disoit que en vne ville de liberte vng chascun peult parler liberallemēt: on luy dist vng iour que vng quidā auoit dit & parle mal de luy: a quoy respondit se vous estiez en champ de flour vous en orriez bien plusieurs aultres: qui disent encores plus de mal de moy, La ville de Romme & lair luy estoit fort contraire, quant a la mal-

La maniere  
de viure du pa  
pe Pie,

Parler en ville  
liberale libe  
rallement,

P,iiii,



ladie: parquoy bien souuent sen alloit en la ville de Senes: & demouroit au temps deste aulx boys. Il frequentoit souuent les baingz de Maceranne / & Petrolane: pour recouurer sante, Il vestoit souuent vne vielle robe rese / toute sa volupte estoit a lyre ou escripre, Il aymoît mieulx les liures que saphys / esmeraudes: ne aultres pierres p̄cieuses: car il disoit que en iceulx libures auoit beaucoup de crysolites / & belles pierres de grant valeur, Il aymoît fort manger au pres dune fontaine / & ne luy challoit de viandes / & sumptueuse table & viuoit de viandes rustiques: parquoy vne fois fut reprins de ses familiers de ne faire magnifiques banquetz: cōme ont acoustume de faire les papes / & quil en estoit a despriser / a quoy fist response que ce que faisoit: il le faisoit pour cause de sa sante / & que la dignite pontificalle nen estoit point amoindrie: car en quelque lieu quil fust il faisoit le deu de son office ainsi quil appartenoit faire a vng Pape, Il ne mangoit iamais seul: & auoit tousiours avec luy leuesque de Spolite / ou de Pauye / & aultres / & en buuant & mangeant tousiours disputoit ou parloit de quelques bonnes sciences: ou hystoires, Aulcune foys sede lectoit a estre en la cōpaignie dung Florētīn: quon appelloit Grec: car il auoit este en plusieurs pays / & scauoit les meurs & coustumes du pays ou auoit este / & parloit tous langaiges: parquoy le pape Pie estoit bien ayse de louyr parler & contrefaire la maniere des estangiers / & barbares nations: car cestuy Florentin le faisoit le plus excellentemēt quon neust sceu faire / & faisoit rire le pape biē souuent / & pareillemēt ceulx qui estoient presens, Quant on parloit au pape Pie de monstres songes prodiges / il nē tenoit cōpte: ne pareillemēt des nigromantiens: car il ne le croioit point & ny donnoit aulcune foy, Il reprenoit ses gens: quant il leur oyoit dire quilz auoyent eu grandes pertes en guerre: ou autrement: car il disoit q par conseil on pouoit remedier aulx fortunes & inconueniens: & pareillement a vne maladie, Il ne falloît que le medecin en la main / mais que on le face en temps & lieu, Il fist refaire les grans degretz de leglise sainct Pierre, Il auoit encommāce le portail & porche ou le pape a acoustume de donner la benediction au peuple, Il fist vne magnifique tour en Tybur, Il fist faire le magnifique portal qui est a Senes, Il fist vne ville en Corsique qui fist appeller Pièce a cause de son nom Pie, Il fist faire vng magnifique sepulchre de marbre en leglise des freres mineurs en la ville de Senes: ou il fist mettre les os de son pere & de sa mere: & y fist ce distichon, Cestassauoir ses deux vers,

La ville de Pie  
ence faicte par  
le pape Pie,

Syluius hic iaceo coniunx Victoria mecum est:  
Filius hoc clausit marmore papa Pius,

Les libures du  
pape Pie,

Il auoit quatre nepueulx filz de sa seur: il en bailla les deux plus petitx au roy Despaigne / lesquelz il fist cheualliers: & ferdinād luy bailla sa fille en mariage / & le fist duc de Almaphitane / & le second qui fut nomme pie fut cardinal, Le pape Pie fist plus de trois mille epigrammes / & aultres oeuvres: dont la plus grande partie a este perdue en la ville de Basle,



Il fist vng libure de la puissance & auctorité du concille de Basle, Vng aultre libure de l'origine & commencement du fleuve du Nile: & de la maniere de chasser/de la prescience de dieu, Il delaisa vng dialogue imparfait de l'heresie des Boemiens & contre les Turcz: on trouue encores les epistres par luy faictes contre le Thure & comment il admonnesta le Turc de delaisier la faulce loy de Mahomet / & prendre la vraye foy de Iesuchrist, Il fist vng petit libure de la misere des gens de court, Il fist vng libure de grammaire lequel donna & dedia a Ladislao qui estoit enfant roy de Hongrie, Il fist, xxxi, oraisons p lesquelles il enhortoit les roys & princes a paix & concorde, Il parfist l'hystoire de Boesme / mais il ne parfist pas celle de Australle, Il auoit commace vne hystoire de tous les lieulx ou il auoit este / mais il ne la pas parfaicte, Il fis douze liures commentaires des choses par luy faictes, Il fist & escript plusieurs bones sentences & auctoritez lesquelles iay delibere en escrire aulcunes, Il disoit que la diuine nature estoit plus a croire p foy que par disputation & icelle se comprenoit mieulx, Et oultre que la foy crestiene se debuoit receuoir pour lhonneste: combien quelle soit approuuee par miracles / celui qui congnoist plus de sciēces est le plus douteulx / largēt doibt estre au peuple / lor aulx nobles / & les pierres precieuses aulx princes: ou lieu des lecteurs, Les bons medecins ne doibuent pas demander la pecune au malade / mais la sancte, Les folz sont prins & esmeuz par vne oraison fictē & artificielle / mais les saiges ne sen esmeuēt point, Il disoit que les loix auoyent leur force & vertu au peuple / mais ilz ne disoyent mot aulx riches & puissans hommes, Vne grosse & magnifique besongne ne se determine point par loix / mais par armes, Les flateurs mainnēt vng roy ou ilz veulent / la plus ifecte & mauuaise peste que peult auoir vng roy cest vng flateur, Vng roy qui ne se fie en nully est iutile / & qui croit tout ce qu'on luy dit ne vault riens, Qui gouuerne / il fault quil soit gouuernē de plusieurs, Il nest pas digne destre roy & porter le nom de roy: qui prefere son prouffit singulier au bien public / & qui ne tient compte de leglise, ¶ Le pape Pie disoit des plaideurs, Cest assauoir plaideurs se font oyseaulx / le lieu ou on plaide / la place des oyseaulx / le iuge / la retz / les aduocatz les preneurs doyseaulx / & quō debuoit dōner les hommes aulx dignitez: & non pas les dignitez aulx hommes, Vng euesque qui ne scet riens on le doibt acomparager asne, Les mechans medecins tuent les corps des hommes / & les ignorans prestres tuent les ames, Vng moyne vacabont cest le seruiteur du diable, Vng vray amy est a preferer a vng grāt tresor Qui pardonne trop de leger a son enfant il nourrit son ennemy, Vng hōme auaricieulx ne plaist aulx hommes / & ne leur fait plaisir sinon après quil est mort, Mentir cest vng vice seruile, Luxure gaste lhōme / en tout temps / en viellese le tue, Lor argent & pierres precieuses ne donnēt pas trasquillite & paix a lhōme, La mort est douce aulx bons / & fort dure aulx mauuais, Il vouldroit mieulx mourir par mort hōnestē que viure

Les auctoritez que disoit le pape Pie,

Contre plaideurs,



villainement & infamement, ¶ Or cest ce que iay voulu dire de la vie  
 du pape Pie, mais oultre pour sa louage ie adioustera y vne sainte oeuvre  
 sainte Katherine de Senes, cest que en sa vie il canoniza sainte Katherine de Senes: & la fist mettre au  
 cathologue des saintes, Il aporta a Rome le chef saint Andry que luy  
 donna le prince de Pelloponense & le fist enchauffer & mettre en vne bel  
 le chaille que fist faire & oster vng tas de sepulchres de Cardinaulx & de  
 papes qui empeschoyent leglise,

## ¶ De Paul, ccxx, pape, Et, li, du nom,

M, cccc, lxiiii,



Le pape Paul  
 estoit fort grāt  
 & aage quant  
 voulut estudi-  
 er,

Aul pape secōd du nom: au parauāt auoit  
 nom Barbo, Il estoit de la ville de Venise,  
 Son pere eut nō nicolas / & sa mere Police  
 ne Il estoit p̄stre cardinal saint Marc, Il fut  
 cree le iour deuant les Calen, du moys de  
 Stembre, Mil, cccc, lx, & iiii, Il estoit nep-  
 ueu du pape Eugene filz de la seur: lors q̄l  
 estoit a Venise & ainsi que sen vouloit al-  
 ler en marchandise / & auoit fait porter son  
 coffre & armures / & aultres besōgnes aux  
 nauires: il luy fut dit & denonce que Ga-  
 briel Condelmaire son oncle estoit esleu a  
 la dignite papalle, parquoy il fut accuse par ses amis / & mesmement par  
 son frere Paul Barbo: quil estoit laisne / & cōbien quil fust lors bien grāt  
 neantmoins il se mist a estudier / & eust pour son maistre Jacques Ricio-  
 nie / & aultres aux quelz quant il fut pape il leur fist de grans biens fors a  
 Jacques Ricionie, Et disoit quil nauoit pastenu a eulx que ne fust grāt  
 clerc & scientifique, Mais il estoit trop viel pour comprendre les lettres  
 & sciences: Paul Barbo qui estoit homme magnanime & de grande sciē  
 ce il cōgnoissoit bien la nature de son frere, & quil aymoît mieulx viure  
 en paix & tranquillite / que estre de lestat de marchādise / & negociateur  
 a ceste cause vng iour ainsi quil estoit venu a Florence: pour veoir le pa-  
 pe Eugene: il luy requist quil luy pleust de enuoyer querir son frere Pier-  
 re & quil le fist de leglise / & luy dōnast quelque benefice: ce que fist le pa-  
 pe Eugene / & enuoya querir Pierre Barbo: & luy dōna larcheuesche de  
 boulōgne / & puis peu de tēps il eut leuesque de Ceruie en cōmāde: car il  
 estoit des grās p̄thenotaires qui prengnēt des plus grans pourfitz, Or ce  
 fait le pape Eugene son oncle le crea cardinal avec alouise de Padoue me-  
 decin lequel depuis fut patriarche Daquilee / & chambrier, Quant Pier-  
 re barbo fut cardinal incontinent il conceut vne enuye & hayne contre  
 Alouise: & luy faisoit mal que cestuy Alouise tenoit / & auoit le premi-  
 er lieu & dignite apres le pape. parquoy vindrent plusieurs discordz noy-  
 ses & discentions entre eulx deulx / & leurs familiers: car Pierre barbo di



soit quil luy appartenoit auoir icelle dignité de chābrier: car il estoit nep-  
 ueu du pape Eugene/ & patrice de la ville de Venise/ & mesmemēt avec  
 Francoys Cōdelmaire vicechambrier filz de la seur du pape de Eugene  
 Mais apres quil fut mort toute la hayne quil auoit a luy il la cōuertit au  
 patriarche, combien que par plusieurs foys: p le moyē d'aulcuns de leurs  
 amys on faisoit faire la paix entre eulx, Mais ce n'estoit que simulation  
 & n'estoit point vraye paix ne amour/ & vesquērent longuemēt soubz di-  
 uers papes & disoyent des ifametez/ iniures & opprobres les vngs des aul-  
 tres dont a present nen parleray & pour cause affin que on ne disse que ie  
 donne foy aulx mauuais faitz & maledictions, ¶ Apres que le pape Eu-  
 gene fut alle de vie a trespas, Cestuy Pierre Barbo fut fort en la grace du  
 pape Nicolas successeur du pape Eugene: & par le moyen du frere du pa-  
 pe Nicolas: tellement quil fist tant que le pape Nicolas fist oster l'office  
 de chambrier a Alouise, Pierre barbo estoit naturellement attrayant a  
 foy les cueurs des hommes, il vsoit de parolles blandices / & estoit si cau-  
 telleulx que ou il vouloit il se monstroit fort humain: & quant il ne pou-  
 oit auoir des gens ce quil demandoit: par belles parolles: il les prioit &  
 requeroit si fort que par belles parolles & pleurs il obtenoit ce quil vou-  
 loit faire, ¶ A ceste cause le pape Pie par ioyeufete le souloit appeller la  
 vierge Marie pitoiable, Il fist tant au pape Calixte quil enuoya Alouise  
 comme chef de leglise faire guerre contre les Turcz disant que c'estoit le  
 plus magnifique personnaige qu'on sceust trouuer pour bien faire icelle  
 guerre: car aultre foys il auoit mene & cōduit les guerres de leglise & fait  
 plusieurs belles conquestes contre les tyrans qui occupoyēt le patrimoi-  
 ne & demainne du saint pere / & eglise Rommaine, ¶ Quant Pier-  
 re barbo fut deliure de Alouise: il fut bien aise: car puis apres il gouuer-  
 na luy seul le pape Calixte toute sa vie/ & ne faisoit riens le pape Calixte  
 que par le conseil de Pierre barbo: tout ce quil vouloit auoir ou impetrer  
 du pape Calixte pour luy ou ses amys: il l'auoit facillēmēt, il aymoit fort  
 ses parēs/ & ses familiers/ & les faisoit tous officiers de Romme/ ou d'aul-  
 tre lieulx: & iceulx deffendoit fort contre tous: car il estoit si curieulx d'i-  
 ceulx que se vng sien amy ou seruiteur eust este mallade il le visitoit en  
 sa malladie & leur bailloit des oygnemens & aultres huy lles/ & triacles  
 qu'auoit en sa maison: car on les y apportoit de Venise, Il faisoit tant quilz  
 estoit executeur du testamēt se aucun alloit de vie a trespas: & puis pre-  
 noit les biens & les apliquoit a son singulier prouffit: ou en faisoit ce que  
 bon luy sembloit, Il aymoit aulcuns Rommains avec lesquels y faisoit  
 de bones cheres & danses ioyeufetez & banquetz/ & mesmement Priabi-  
 se/ & Francoys Malecher/ & par ses moyens il gouernoit aulcuns gen-  
 tilz hommes de Romme, & pareillement se vouloit faire aymer & crain-  
 dre aulx champs: car vne foys se vouloit entreprendre d'aller en la Cāpai-  
 gne pour mettre d'accord le conte Auerse & Neapolio Vrsin/ mais il ne  
 sen fallut guieres quil ne fust mis prisonnier par le cōte Auerse pour aul-



Le pape Paul  
dechassa tous  
les abreuia-  
teurs de la  
court de Rom  
me qu'auoit in-  
stitue le pape  
Pie,

cunes villaines parolles qu'il auoit dittes & proferees du côté Auerse dōt il estoit fort courroucé : parquoy puis apres auoit tousiours eu en hayne le conte Auerse. ¶ Apres que le pape Calixte fut mort / & q̄ Pie luy eut succede: il parmuta leuesche de Vincēne a leuesche de Padoue: parquoy les Venitiens en furent si irez & pareillement le pape Pie que au moyen dicelle permutation: son frere Paul qui estoit Senateur de Venise fut de pose de l'estat & office Senatorialle. A ceste cause Pierre Barbo conceut vne grande enuie & hayne contre les Venitiens: & dissimula icelle enuie longuement. ¶ Quant le pape Pie fut alle de vie a trespas, Il fut son successeur en la papaulte / & incontīnāt il desapointa tous les abreuiateurs qui auoyent este mis en ordre & erigez par le pape pie / & la cause on nen scauoit riens sinon qu'il naymoit point ce que auoit fait le pape pie ne ses statutz ordonnances / & decretz disant que iceulx abreuiateurs estoient iustilles / & gens non scauans ne clerctz. Et oultre il les spolia de tous leurs biens: aps que leur eut fait perdre leurs offices / qui estoit cōtre droit & raison: car il leur debuioit plus tost faire des biens: car cestoyent tous gens de lectures saiges & grans clerctz tāt en droit diuin canon & humain: cestoit grans orateurs: poettes: lesquelz faisoient grant honneur a la court Romaine. Mais le pape Paul les expulsa & dechassa: comme gens estrangiers: & mesmement de leurs terres & possessions: combien q̄ de ce ilz eussent lettres apostoliques / & quilz fussent accepteurs de bonne foy. Aulcus se efforcerent de luy demander & requerir iustice: & les causes pour quoy il auoit ce fait. Et moy mesmes qui estoys du nombre des abreuiateurs luy demāday & requis que nous voulussit faire iustice & que ce fust son plaisir & vouloir de cōmettre icelle cause aulx iuges publics qui sont les auditeurs de la roue. Lors le pape paul me regarda si furieusement en tournāt les yeulx en la teste disant me enuoyes tu ainsi aulx iuges: cōme se tu ne scauoyes que tout le droit fust en moy. Mon edit & sentēce demoura telle que ie lay voulu bailler q̄ vng chascū sen voyse ou ilz voudra: car ie ne les tiens pas. Le suis pape il m'est licite & a mon arbitre de rescinder & abolir les faitz statutz & decretz des aultres papes q̄ ont este deuant moy: ou de les approuuer se ie veulx. A ceste cause nous estions nuit & iour a attendre a la porte du pallays du pape paul: requerant & priant vng chascun / & mesmemēt les plus petitz seruiteurs affin qu'on nous fust parler a luy / mais on nous dechassoit comme se nous eussions este interditz de leglise / & qu'on nous eust deffendu & prohibe: comme excommuniēz & prophanes de ne nous bailler feu ne eau combien que continuellement par, xx, nu ytz incessamment estions en sa porte: car le pape paul ne faisoit riens & ne tenoit cōsistoire que de nu ytz. Or quāt ie vis & congneu que moy & mes compaignons ne pouoyent trouuer facon & maniere de parler a luy en secret ne publiquement. Le fis & cōposey vnes lettres pour luy enuoyer en telz motz ou semblables en substance. O pere saint si ta este licite de nous spolier de nostre iuste & legitime emption & marchā-



dise/il nous est licite de nous plaindre & conquerir de l'iniure ignomineeuse & iniuste que tu nous as faicte: car nous auons este expulsez & dechassez par toy: par grant contumelie: a ceste cause nous yrons aulx roys princes/& leur dirons & compterons les spoliatiōs que tu nous as faitz: affin que contre toy ilz assemblent le concille general: pour te contraindre / & dire les causes & raisons / pourquoy tu nous as spoliez de nostre iuste possession & legitime. ¶ Quant le pape Paul eut leu les lettres, Ilz declaira Iehan Platine crimineulx de lese maieste / & le fist mettre prisonnier / & fist mettre de gros fers en sen piedz: & pour luy faire son proces commist & establit leuesque de Taruise le quel me interroqua disant que iestoys crimineulx de lese maieste / & que iauoys fait plusieurs libelles diffamatoires du pape Paul / & que ie vouloys inciter le concille general contre luy. A ce respondi & dis que quāt aulx libelles diffamatoires / que ie ne les auoys point faitz / & que mō nom nestoit point escript en la fin: ne au commencement: parquoy se nestoyent point libelles fameulx ne diffamatoires: qui fussent este faitz ne composez par moy. Et quant au concille general dont iauoys fait mention en mes lettres, le respondi que ce nestoit pas vng crime capital ne si crimineulx que disoit le pape Paul: car par les synodes & concilles q̄ auoyent faitz nos peres sainctz en plusieurs lieulx / & principalement par nostre sauueur Iesuchrist / & ses disciples le fondement de nostre foy auoit este fait & establi / & furent / & sont faitz les concilles / & synodes affin que les paouures / & petites gens ne soyent foulles / & destruis des puiffans & des grās personnaiges / Mais que a vng chascun soit fait droit & iustice: sans faire iure ne promettre quelle soit faicte. ¶ La censure iustice & cohertion des Rommains: au temps passe auoit este faicte & instituee: affin que ceulx qui viuroyent priuemēt / & pareillement ceulx qui viuroyent en estat de office ou plature sur les autres qui sont tenus de rendre compte de ce quilz ont fait & administre en leur estat ou office du temps passe / & a ce faire estoyēt contrainctz & scindiques. Mais non obstant mes raisons ie fus serre & enferme les gros fers aulx piedz & mis prisonnier au hault dune tour: au temps dyuer: ou tous vens se assembloyent les vngz contre les aultres / & y fus p quatre moys. Mais a la fin par les prieres de Francoys Gonzague cardinal de Mantue ie fus deliure de prison / & cōbiē que ie ne peusse cheminer pour les gros fers que ie auoys euz aulx piedz. Il me fut fait commandement de p le pape Paul que ie ne sortisse de la ville de Romme / & que se iestoys aulx indes quil me enuoyroit querir, le fis le commādemēt du pape Paul & fus trois ans sans partir de la ville de Romme / en cūydāt quil auroit pitie / & cōpassion de ma fortune & misere. ¶ Apres que le pape Paul fut couronne: cōme on a acoustume de faire aulx papes, Il luy souuint q̄ les chanoynes reguliers auoyēt este dechailles de sainct Iehan de Lateran: lesquelz le pape Eugene auoit aultre foys colloquez & mis, Il les rapella & leur fist faire le seruice separemēt apart des aultres chanoynes seculiers / & laissa

Q.i.



viure tous les chanoynes seculiers, Mais quant il en estoit mort vng chanoyne seculier, Le pape Paul ne vouloit point donner les chanoyneries & demouroient vacantes, Et quant ilz vacquoit quelque benefice / il le donnoit a vng chanoyne seculier / & le contraignoit de renoncer a la chanoynerie / sans le bailler a vng aultre: affin q̄ finablement icelles chanoyneries fussent abolis / & estaintes du tout / & quil ny eust que vng corps, Cestassauoir chanoynes reguliers, ¶ Les Rommains estoient fort desplaisans & marris que le pape Paul dechassoit ainsi les chanoynes seculiers: qui estoient cytoyens / & filz des habitans de la ville de Romme / & quil faisoit deprimer icelles chanoyneries / & benefices / qui auoyent este instituez par les predecesseurs, Mais il ne challoit au pape Paul de ce que les Rommains luy disoyent: p̄quoy en hayne de ce il appella plusieurs chanoynes seculiers / & les contraignit par menasses / & aultrement de renoncer a leurs benefices / & chanoyneries se que firent / & les aultres ne le voulurent point en attendant le temps que se peussent venger de l'iniure que leur faisoit le pape: ce que firent apres que le pape Paul fut mort, ¶ Quant le pape paul ouyt les nouuelles q̄ le Turc auoit presque prins toute Epire / & quil se efforçoit de venir & prendre son chemin deuers l'Ilirique, Il enuoya orateurs & legatz aulx roy & princes crestiens: leur admonnestant que voulsissent faire paix ensemble / & aller oultre mer contre les infidelles / mais les orateurs ny firent riens: car lors les princes crestiens estoient en grosses guerres les vngz contre les aultres: car les Anglois estoient bandeiz les vngz contre les aultres / aucuns demandoient vng roy les aultres en vouloyent auoir vng aultre / qui auoit este expulse & dechasse par eulx, Les Hespaignolz / & les Francoys promirent donner secours, Mais ilz nen firent riens, ¶ Lors le pape Paul estoit bien marri de l'heresie du roy de Boesme / lequel petit a petit cestoit demis & oste de la foy crestienne, Il auoit delibere de enuoyer le roy de Hongrie contre luy en grosse armee & luy eust enuoye neust este quil faisoit guerre aux Turcz / & aussi sil eust peu faire la paix entre luy & l'empereur: car apres que ladiſlao roy de Hongrie son nepueu alla de vie a trespas sans heritier l'empereur disoit que le royaume de Hongrie luy cōpetoit & apartenoit & que Mathias filz de Vaioade l'auoit occupe, Or pour lors le pape ne peult faire la paix: parquoy il remist la chose a vng aultre tēps / & se mist a faire la paix entre Jacques filz de Iehan Albert / & Felix nepueu Antoine Caparelle / tous deux gentilz hommes de Rōme, Mais ce neantmoins peu de temps apres Jacques filz de Alartin ne peult souffrir l'iniure que on auoit faicte a son pere, Il se efforça de tuer Antoine Caparelle / & luy bailla plusieurs coupz despee / & puis le laissa: car il cuidoit l'auoir tue / & mis a mort: parquoy le pape Paul fut fort marri & courrouce: pource quil cuidoit bien faire la paix entre eulx, a ceste cause il fist abbatre & desmolir les maisons & edifices de Albertin & puis apres confisqua tous leurs biens / & puis les bannit & dechassa de la ville de Romme, Mais



puis apres par aulcūe espace de temps le pape Paul les rapella & leur fist rendre & restituer tous leurs biens / & fist la paix entre eulx aps que tous ceulx eurent este par aucun temps prisonniers: par le commandement au pape Paul, ¶ Lan Mil quatrecentz soixāte & quinze Alouise chambrier du pape cardinal prestre du tiltre sanct Lauens en Damase homme fort riche / & fort saige / & prudent en ses affaires, Mais en la fin de sa vie il fut vng peu assez imprudent: car il auoit fait son testament / & auoit delaisse ses deux freres / qui se nommoient par leur surnom Scarampes ses heritiers en partie de ses biens: combien que fussent gens de bien toutesfoys ilz nestoyent pas dignes dauoir tant de biens, A ceste cause le Pape Paul fist prendre les deulx freres / & les fist garder en vng lieu asses honestement / & fist apporter tout lor & argent de Alouise qui estoit a Florence: en la ville de Romme: combien que le pape Paul luy eust donne lettre & conge de tester / & faire testament, ¶ Or iceulx Scarāpes sen fouyrēt du lieu ou lesteuoit le pape paul / lesquelz fist poursuiure & prendre / & puis les fist mettre en prison, Mais ce neātmoins: il ne leur fist poit de mal / & les laissa aller / en leur donnant vne somme de deniers / non pas si grande que leur auoit laisse le patriarche Alouise / & oultre la volente du testateur fist dela reste a sa volente: combien que le patriarche eust mieulx voulu que iceulx biens eussent este entre les mains des Turcz / que le pape Paul les eust euz: car ilz auoyent eu ensemble plusieurs disceptions / noyses / enuyes / & rancunes, Cestuy Alouise auoit tant a queste de biens & a si grant peyne: quil luy sembloit quil viuroit autāt ou plus que Mathusalle, A ceste cause par la diuine prouidence / & vouloir de dieu aps la mort de Alouise / & quil fut mis au sepulche / en leglise saint Lauens en Damase, Il fut despouille tout nu de nuyt: par gens deglise / aulzquelz auoit donne des benefices / & luy osterent ses habillemens / sa mitre / & ces agneaulx, mais le pape les fist pugnir tres griefuement, ¶ En ce tēps Federic qui estoit encores ieune daage filz de Ferdinād qui debuoit espōser la fille de Frācoys Sforce: vint a rōme & luy fut au deuāt de luy le Vicechancier Rhodorique, Le pape Paul le receut tres benignement & luy donna la roze que le pape a de coustume de donner par chascun an aulx roys & princes crestiens, ¶ Or ce fait Ferdinand auoit propose & delibere de faire guerre contre ceulx qui auoyent ayde / & donner secours aulx Francoys quant ilz luy faisoient guerre au Royaulme de Naples, Et mesmement contre le Duc de Soranne, Mais le pape Paul empescha icelle guerre / & manda a Ferdinand par larcheuesque de myllan quil luy enuoyast gens darmes: comme il y estoit tenu de faire: pour cause du fief du royaulme de Sicille quil tenoit de leglise: car il vouloit faire guerre aulx filz du conte Auerse: qui estoit mort au temps que le pape Paul fut cres & esleu pape: & ses enfans ne vouloyent obeyr a leglise de Romme, A ceste cause il les vouloit abolyr & destruire du tout, Or quarante iours apres que le pape Paul les eut assailliz ainsi que point ilz

Q. ii,

La mort de  
Alouise patri-  
arche Daquil-  
lee lequel de-  
laisa de grans  
tresors,



Discours entre  
le pape Paul  
& le roy ferdi-  
nand,

Le roy ferdi-  
nand fist tuer  
Iacques Picen-  
nine,

Noces de fe-  
deric filz du  
roy de Naples  
& de la fille  
francoys Sfor-  
ce duc de Myl-  
lan,

ny pensoient point & q̄ le pape eut prins neuf chasteaulx entre lesquels en auoit aucuns quasi imprenables. Les deux freres ne sceurent resister: au moyen de quoy Francoys fut prins prisonnier: & mene au chasteau Adrian ou il fut cinq ans / & depuis fut deliure p̄ le pape Sixte. Mais son aultre frere Deiphebe auoit paour q̄ fut prins & mene au roy Ferdinand: pource quil disoit quil lauoit voulu emprisonner: a ceste cause il fist tant quil eschappa & sen souit: tellement quil ne fut point prins. ¶ Lors commencerent de grosses innemytiez entre le pape paul & le roy Ferdinand car le roy Ferdinand demandoit au pape Paul quil luy delaisast le tribut & pension quil luy debuoit du temps passe a cause du royaulme de Secille: pource que son oncle lauoit tenu & occupe: & aussi que le Pape debuoit regarder & penser les biens faitz & merites quon luy auoit faitz: & les grandes guerres que continuellement auoit euz contre les Fr̄coys & que les gens darmes qui tenoit: estoient autāt a la garde & tution du Pape & eglise Rommaine que de son royaulme: & que de ce il estoit as- ses auerti: pour la guerre & gens darmes que auoit enuoyez au pape cōtre les filz & enfans du conte Auerse. A quoy le pape Paul respondoit & di- soit au contraire les biens faitz que leglise de Romme auoit faitz au Roy Ferdinand. A ceste cause ilz eurent grādes altercatiōs ensemble / & vng chascun ne demandoit le temps pour recouurer & auoir son droit. ¶ Or ce pendant le roy ferdinand auoit paour de Iacques Picennine: le quel tenoit beaucoup de chasteaulx & fulmōne, a ceste cause craygnoit sa puissance. Ce neantmoins Francoys Sforce beau pere de Ferdinand luy enuoya Iacques Picennine: apres quil luy eut promis de luy renuoyer sain & sauue touteffoys quil luy plairoit. Mais il aduint bien aultre- ment: car incontinent que Iacques Picennine fut en la ville de Naples: le roy Ferdinand le fist prendre luy & son filz / & les fist mettre en prison & puis le fist mourir en prison: disant quil festoit rompu vne iambe. ¶ Aucuns disent quil est encores viuāt / mais ie ne le croy pas: car il ny a homme aulx Italles si vaillant & plus conuenable a faire perdre le roy- aulme de Naples / que cestuy Iacques Picennine. Mais se le duc de Myl- lan / & le pape Paul estoient cause de sa mort plusieurs nen doubter point. A ceste cause le dit de Virgille est veritable, Nescia mens hominum fa- ti fortisq; futuræ. Cest a dire quon ne scet de quelle mort on doit mou- rir / ne la fortune que doit aduenir. Le pape Paul neust sceu trouuer hō- me plus excellent & milleur cheualier: que cestuy Iacques Picennine: pour faire la guerre & repeter la pension: que luy debuoit le Roy Ferdi- nand. ¶ Apres que les nocces furent faictes du filz de Ferdinand / & de la fille du duc de Myllan, Ferdinand rendit & restitua au pape Paul au- cuns chasteaulx quil tenoit & occupoit, parquoy paix fut faicte entre eulx: & n'osoyent commencer la guerre lung contre laultre, pource que en ce temps grande esclipse de soleil & de lune furent, Parquoy tout le peuple crestien estoit fort esmerueille pour les signes qui estoient au ciel:



& disoyent que c'estoit mutation de royaumes, Or afin que ne cuydez que les corps & influences celestes ne souffrent point sans cause, Lan ensuiuant francoys Sforce duc de Myllan & de Genes alla de vie a trespas, deulx ans deuant les Geneuoys cestoyent donnez a luy: combien que au parauant de leur liberalle voulente se fussent donez aux Francoys, lesquels puis apres dechasserent tant par mer que par terre: & en tuerent & occierent six mille deuant les yeulx du roy Rene qui estoit venu p mer avecques triersmes bien equippees de gens darmes pour recouurer la ville de Genes dont les Francoys auoyent este expulsez & dechassez,

La mort du  
duc de Myllan

¶ Apres que Francoys Sforce duc de Myllan fut alle de vie a trespas Galeace son filz lequel auoit enuoye en Frace avecques gens darmes: pour donner ayde & secours au roy de France Loys vnzieme du nom contre lequel les princes & nobles hommes de France faisoient guerre, Ilz estoient confederes par affinite: car le Duc de Myllan auoit espouse Galea leur du duc de Sauoye & de la Roynie de France femme du roy Loys,

¶ Or quant Galeace sceut les nouuelles il delassa la guerre quil faisoit contre le duc de Bourgongne & sen vint iusques a Lyon, & de la en habit dissimule entra en la ville de Myllan ou il fut receu tres honorablement du peuple de Myllan & de sa mere qui auoit bien gouuerne la ville quelle ne se mutinast, ¶ Lors le grant maistre de Rhodes estoit a Rome qui estoit fort paouure: tellement que la ville de Rhodes estoit mal gouvernee p lescheualliers Rhodiens: pourquoy le pape paul fist faire plusieurs assemblees en leglise monsieur saint Pierre: pour corriger les erreurs des Rhodiens & leur negligence, Mais ce pendant le grant Maistre de Rhodes dennuy/paouurete & viellese quil auoit alla de vie a trespas & fut ensepuely en leglise Monsieur saint Pierre: au pres de la chapelle saint Andry, Et fut fait cree & esleu en son lieu Charles Vrsin: grant maistre de Rhodes: lequel fut enuoye en lisle de Rhodes pour la gouuerner & garder, ¶ En ce temps le pape Paul fist pugnir le seignr du Bourg & chasteau de Pole: qui est situe aulx Equicoles / & pareillement huyt hommes & six femmes: car ilz tenoyent la secte & heresie de ceulx qui disoyent & affermyent que nully nestoit vray vicaire de Iesuchrist: depuis saint Pierre fil nen suiuyoyent paouurete: come faisoit Iesuchrist, ¶ Le pape Paul fist & crea, x, cardinaulx: du nombre desquelz furent Francoys de Sauoye general de lordre saint Francoys / Matheus Barbo Euesque de Vincence: par le conseil du quel le pape Paul se gouuernoit en ses gras affaires, / Oliuier archeuesque de Naples / Amy euesque de Aquilanne / & Theodore de Montferrat / & la reste estoient de France / de Hongrie / & Dangleterre, ¶ Lors les factions & ceulx qui tenoyent le pti de Pierre des Medicis expulserent & chasserent aulcuns cytoies & gentilz hommes de la ville de florence entre lesquelz estoient Ange Aciolle, Nicolas Sudorine: & aultres, a ceste cause iceulx banis demanderent ayde a Berthelemy de Bergome: lequel auoit grade cōpaignie de cheualliers / & de pietons:

Galeace duc  
de Myllan,

Charles desvr  
sins grant ma  
istre de rhodes,

Creation de  
cardinaulx,

Q.iii,



lesquelz vindrent en Hetrurie contre les Florentins pour restituer & remettre iceulx bannis en la ville de Florence, Et a ce faire les Venitiens leur donnerent secours/mais cestoit secretement: tellement que les Italiens lors se cuiderent esmouuoir/se neust este Galeace duc de Myllā l'armee des Florentins & du roy Ferdinād, Or ainsi q̄ le duc Galeace estoit en la ville de Florence pour faire & composer la paix: les bannis & bergamatiens se rencontrerent contre lost des Florentins: tellement / & d'une telle sorte que iamais on ouyt parler de telle guerre: tant ilz estoient animés les vngs contre les aultres: tellement que en icelle bataille furent tués & occis plusieurs nobles & gentilz hommes tāt dung coste que daultre. Mais se Galeace duc de Myllan y eust este cestoit fait des bergamates. Or ce neantmoins/ tous les discordz & differences pour faire la paix: tout fut remis au pape Paul: lequel fist la paix en telle maniere, Cestassauoir que tout ce qui auoit este prins au moyen dicelle guerre seroit rendu / & que Berthelemy se retireroit en la Gaule cisalpine, & seroit gardee la paix & confederation qu'auoit este faicte entre Francoys Sforce & les Venitiens ou lieu de Lande Pompeiane, Mais le duc de Myllā Galeace ny voulut comprendre le duc de Sauoye/ ne Phelippes: car ilz auoyent fait guerre contre le roy de France qui estoit son amy & cōfedere/ disant que iamais il n'auoit pour son amy & compaignō: qui seroit ennemy du roy de France, Mais neantmoins le pape Paul: par doulces parolles blandices fist tant avec l'ambassadeur de Galeace: tant par promesses que par argent quil le fist condescendre a son vouloir & y fist comprendre le duc de Sauoye/ & Phelippes: pource quilz tenoyent le parti des Venitiens: neantmoins que icelluy ambassadeur neust charge de ce faire/ Mais le fist contre le decret & voulēte de Galeace: dont il fut si courrouce: quil enuoya icelluy son ambassadeur nomme Laurens de Pisurienſe en exil: & puis fist telle guerre aux Sauoyēs quilz furent contrainctz de luy demander paix: laquelle depuis fut faicte par le moyen de Loys roy de France de la royne & de sa mere qui estoient seurs du duc de Sauoye. ¶ Quant le pape Paule se vit quil estoit en paix, Il fist faire a Romme par le moyen de Vianese natif de Boulongne vicechambrier de Romme plusieurs ieulx & esbatz au temps de Karesme prenant: & fist mettre en lieulx publiques hu yt pieces de drap de soye pour dōner a ceulx qui courroyēt le mieulx & le plus legieremēt: tant de ieunes que de vieulx: & mesmemēt les iuifz & oultre leur fist faire vng chascun iour le banquet, Apres q̄ vng chascun auoit bien repeu & menge tout son soul/ & que les aulcū estoit yures ilz estoient contrainctz de courir/ dont cestoit pour rire: car ilz auoyent tant menge que nepouoyent courir ne aller, Apres on faisoit courrir les cheuaulx/ les asnes/ les beufz: la quelle chose faisoit tāt rire le peuple que a grant peyne ilz se pouoyent soustenir sur les piedz, ¶ Or le lieu & stade ou ce faisoit la cource estoit depuis larc Domitian iusques aux maisons saint Marc, Le pape Paul prenoit si grant plaisirs & voluptez diceulx

Les ieulx que  
fist faire le pa-  
pe paul a Rom-  
me,



ieulx quilz fist donner a aucuns enfans qui vindrent dancier tous nuz deuant luy / tous plains de boue & fange: avng chascun vng carlin: cest vne piece d'argent qui vault trois solz tournois / ou six blancs, Mais apres icel le grant ioye: vint & arriua subitement vne grâde tristesse: & paour qu'on fist au pape Paul: car on luy vint denoncer & dire que plusieurs ieunes gens & aultres qui auoyent fait leur duc & capitaine Calimache: auoyent tous conspiré la mort du pape Paul: dont il eut si grant paour quil ne pouoit parler ne retirer son alaine, Et oultre en ce mesme instât fut rapporté au pape Paul: par vng quon nommoit le Philosophe: homme fort seditioneulx plain de maulx & crimes: que Lucas Totie cytoyen de Romme qui estoit banny & demourant a Naples: estoit aulx boys des Veliterins avec gros nombre de gens darmes / & aultres bannis tous en armes / & qui debuoyent venir en brief en la ville de Romme: parquoy le pape Paul eut si grant paour quil ne scauoit que faire: pource quil disoit quil seroit assailly en la ville / & aulx champs, Lors le pape commanda prendre plusieurs gentils hommes de la court de Romme / & aultres plusieurs cytoyens Rommains, Le vicechambrier Vianese donoit plus de paour au pape que la chose ne le requeroit: car les familiers du pape & du vicechambrier couroyent & alloient de tous costez rompre les maisons / & icelles piller a leur volente: & puis menoyent les Rommains & aultres en prison leur faisant acroyre quilz estoient des traistres & coniurateurs: combien que ne fust pas vray, Or & affin que ie ne fusse frâc ne quitte de iceux inconueniens & calamitez Les satallites & mauuais garçons: par le commandement du pape Paul vindrent circuir & enuirôner la maison ou ie demouroys: par nuyt & rompirent les huys & fenestres: & prindrent vng mien familier nomme Demetrye natif de Lucques / & luy demanderent ou ie estoys: lequel leur dit que souppoyis en la maison du cardinal de Mantue: & incontinent ilz accoururent au lieu ou iestoys: ou ilz me trouuerent & me prindrent / & menerent au pape Paul, Quant le pape Paul me apperceut deuant luy il me dit: esse la cōiuration que tu vouloys faire cōtre nous par le capitaine Calimache, Mais pource que ie me sentoys tout innocent: & me confiant en mon innocence ie commencay a dire & respondre franchement que en moy il ny auoit aucun mal fait / & que ie nen tenoyis point ma cōscience chargee: Mais le pape Paul estoit tout destint & palle au visaige: & que se ie ne luy disois la verite quil me feroit endurer plusieurs tourmens & la mort, Quant ie vis quil estoit ain si ire & courrouce / & que tout estoit en armes & tumulte: ie euz paour q'il ne voulsist monstrier son ire contre moy: a ceste cause ie luy remonstre praisons quil ne debuoit point craindre que Calimache luy fist aucune coniuration ne conspiration: pource quil nauoit ne conseil / gens darmes ne richesses: & q'il ne voyoit goute / & oultre nestoit q' vng dormeur plus q' ne fut iamais letulle / & plus gras q' ne fut Lelius crasso: pource que cestoit vng homme fort grâs & pelant / & pareillement ie dis quil ny auoit

Q.iiii.

Des feditions  
& faulces con-  
spiratiōs en la  
ville de rōme

L'honneste rē-  
sponse de Pla-  
sine enuers le  
pape Paul,



cytoie de la ville de Rōme qui voulsist entreprēdre la liberte du païs: ne prelat qui voulsist faire aucun mal au pape Paul: pour auoir la papaulte Luy disant que ce nestoit riens de Calimache/ & qu'il ne scauroit riens faire a'encontre de luy: car il nestoit point beau pleur: ne eloquēt/ ne prōpt en la main: car pour faire telles coniuurations il faudroit quil eust gēs riches pour luy ayder: si ne se vouloit ayder de ses compaignons, Cestassa uoir Gланque/ & Petree/ & aultres Gabineans/ & Statilleans ses compaignons qui sen estoient fouys avecques luy, Mais le pape Paul se retourna par deuers Vianenses vicechambrier disant telles parolles: en me regardant p fureur/ & mauuais regard/ disant il fault quil soit tourmente/ & mis en la gesne/ & que par force il dise la verite: car cest vng cauteleux homme: qui scet tres bien lart & la maniere pour faire telles coniuurations

**L**ors ieusse voulu qui eust vſe de cōseil: car il ne meust pas fait tourmenter ne mis en la gesne & question: comme il fist: car quant on sen quiert d'aucun fait qui napert point/ & memsment en vne coniuuration: on sen quiert que cest qu'on a fait deuant/ & aps on consydere aussi la vie/ meurs & conditions de icelluy qui fait la coniuuration/ la cupidite & ambitio d'icelluy se na este riens dit/ fait/ ne escript, Mais le Pape Paul nauoit tenu compte dicelles considerations/ mais tout souldainement nous fist mettre emprison/ & ce pendant luy fut rapporte q̄ Lucat Torcie nauoit bouge de la ville de Naples: parquoy il reuoqua vng edit: par lequel il promettoit or & argent a ceulx quil luy pourroyent amener Lucas: comme crimineulx de lese maïeste: fust vif ou mort, Mais neantmoins il ne voulut deliurer de prison les freres de Lucas/ lesquelz il auoit prins & mis en prison/ & iceulx mis en la torture & question de paour quil ne fust repris & argue de legierete/ & folye disant quil y auoit quelq̄ chose patēte & couuerte: parquoy il enuoya au chasteau Adrian le vicechambrier Vianence/ Jehan Francisque/ & aultres satallites: pour nous faire gesner & tourmenter/ & nous faire dire ce que iamais nous ne sceumes: ne pensames: plusieurs furent gesnez en la tour & chasteau Adriā/ & sembloit du chasteau que ce fust le sepulchre du beuf Darain que fist le tyrant Phalaridis pour les voix/ cris/ pleurs/ & lamentations: que faisoient les paouures/ & miserables ieunes gens prisonniers que faisoit tourmenter & gesner, Lucide hōme fort innocent fut tourmente & gesne Demestrie/ Augustin: qui estoit de Champaigne ieune enfant/ & le plus grāt clerc qui fust au royaulme de Naples/ & de la Secille: lequel mourut peu de tēps apres: pour les tourmēs qu'on luy auoit faitz en deux iours, Les satallites/ & bourreaulx en tourmenterent & gesnerent plus de vingt, Or ce fait ie fus appelle par deuant le vicechambrier: ou ie fus despouille tout neu: cōme se ie eusse este vng larron: ou vng guetteur de chemins: le vicechambrier estoit assis en vne haulte chaire: comme Minos lung des iuges denfer: toute tapissée de tapis de haulte liffes/ & sembloit q̄l estoit au souper de Atreus/ & de Tantalus: combien quil fust homme deglise/ & que les



sainctz canons & decretz deffendant & prohibant que gens deglises ne fa-  
cent gesner ne tourmenter gens lays: car la mort suruiet aulcune foys en  
faisant la gesne: pquoy il écourēt irrégularitéz: or ainsi iestoys estādū en  
la question en grāt tourmēt & misere, Le vicechācellier print vne bague  
& aigneau quauoit vng capitaine nomme Sange Clugiēse / & luy demā-  
doit qui luy auoit donne ceste bague / & se cestoit la dame par amours, Et  
apres quilz eurent bien parle de leurs amours / il se retourna vers moy / &  
me demanda q̄ ie luy disse / & racontasse toute la maniere & facon: de la  
coniuration de Calimache / qui estoit chose fabulleuse: & que ie luy cōtas-  
se la verite: & la cause pourquoy Pompone qui estoit a Venise luy auoit  
rescript & en ces lettres mauoit appelle pere sainct: disant que les coniu-  
rateurs me vouloyēt creer & faire pape, Et oultre me iterrogoit si iauoys  
point baillie des lettres a Pompone: affin de les porter a Lempereur: ou a  
quelque printe crestien: pour fusciter scisme en leglise & concille: contre  
le pape paul, Je respōdi q̄ ie ne fus iamais du cōseil de Calimache / & ne  
scauoy pour quelle cause Pompone mauoit appelle pere sainct: & qui  
luy pourroyent demander, car le vicechancellor disoit quon lamenoit  
pour me le confronter de la papaulte, Je luy fis respōse que ce nestoit pas  
mon cas / ne mon estat / & que iauoys volente de viure tousiours de vie  
priuee / & oultre que ie nauoys point enuoye de lettres a Lempereur / ne  
fait enuoyer par Pompone, ¶ Apres que le vicechancellor meust assēz  
interrogué, Il me fist oster de la gesne / & torture disant que landemain ie  
en auroys / & endureroys de plus grāt tourmens, Je fus porte au liēt: cō-  
me demy mort, Mais soudainement fus rappelle & me demāderēt quel-  
les parolles mauoit dictes Sigismonde Maleteste: qui estoit lors a Rom-  
me, Je leur fis responce que nous parlions ensemble des sciences / & aul-  
tres vertueulx faitz des anciens / & aultres parolles quon peult dire ainsi  
quon parle ensemble / a quoy me respondit le vicechancellor que ie pen-  
sasse bien / & quil reuendroīt demain pour me interroger plus auant / &  
que ce pendant ie pensasse bien a respondre aultrement, A ceste cause ie  
fus reporte a vne petite chambrette: ou ie cuiday mourir / & ne desiroys  
aultre chose que la mort: pour les douleurs que iauoys: car mes membres  
estoyent desia refroidis / & estoyent tous rōpus: a cause de la gesne & tour-  
mens quilz mauoyent fait endurer, Mais lhumanite de Ange Bruffal  
cheuallier Rommain qui estoit prisonnier vng an auoit par le comman-  
dement du pape paul: pource que son fis Marcel auoit tue & occis fran-  
coys Cappadoce / & le pape Paul luy mettoit assus que scauoit este p son  
commandement & suasion / mais il en estoit innocent. Cestuy Ange / &  
son nepueu francoys me bailloyent a manger par leurs mains: ou aultre-  
mēt ie fusse mort de fain: car ie ne me scauoy remuer ne ayder: pour les  
grans douleurs & tourmens q̄ ie auoys endurez, Deulx iours apres Chri-  
stophle de Verōne medecin du pape Paul vint en la prison parler a moy  
& me dīt que le pape Paul me mandoit que eusse bon couraige & que en



briefie seroys deliure, Lors ie luy demandey quant ce seroit: & il respon-  
dit que ce ne seroit pas si tost affin qu'on ne arguast le pape Paul de lege-  
rete/ & cruaulte quauoit faicte dauoir si cruellement fait tourmenter/ &  
gesner tant de prisonniers/ & puis les laisser aller si tost: comme innocēs  
du cas a eulx impose. ¶ Lors Pompone homme simple & de grant vertu  
qui nestoit trouble de aulcune coniuration/ ne d'aucun mal: fut prins en  
la ville de Venise & amene lie & garrote par toutes les Italles iulques en  
la ville de Romme deuant le pape Paul & luy fist demande: pourquoy  
il muoit les noms des ieunes adolefcens, A quoy respondit: pource quil  
estoit homme franc & liberal, disant, que auez vous affaire se ie me nom-  
me ou me veulx faire appeller Fenicule/ ce nest point de mal/ mais qu'on  
le face sans dol ne fraulde, Il fait bon ensuiure les noms de nos anciens ou  
iceulx bailler aulx ieunes enfans: pour leur donner couraige destre ver-  
tueulx: comme ilz ont este, ¶ Lucine comme criminel de lese maieste  
qui estoit & faisoit sa residence en Sabine ou il menoit vne vie fort auste-  
re: fut amene/ & traîne prisonnier en la ville de rōme: pource quil auoit  
escript vnes lettres: par lesquelles il reprenoit les amours de Heliogobal  
le, Mais cestoit assez obscurément/ qu'on ne le pouoit facilement enten-  
dre. ¶ Lors reuint le bon pasteur Vianese vicechancellor qui nous tour-  
mentoit tous les iours qui regardoit les murailles des prisons: car il auoit  
paour que nous en volissions: comme fist dedalus: par quoy il se pensa de  
faire des prisons soubz terre & enuoya querir des serruriez/ & aultres gens  
de mestier/ & fist enfermer Francoys Angullaire/ francoys Aluiane/ lac-  
ques Ptolomee: lesquelz auoyēt desia este prisonniers par l'espace de qua-  
tre ans, on ne parloit point de nostre deliurance. ¶ Lors lempereur estoit  
venu a Romme pour acomplir vng veu quil y auoit fait: & le receut le  
pape paul a ses despens: ou il despendit dixhuyt mille pieces dor pour le  
festoyer, Apres que lempereur sen fut alle le pape Paul fut bien ayse: car  
il auoit paour que les Rommains se emeussent ou fissent quelques noy-  
ses quant lempereur estoit present, ¶ Or il y auoit dix moys q nous esti-  
ons prisonniers: que le pape Paul vint au chasteau saint Ange ou nous  
estions prisonniers/ & nous imposa beaucoup de cas, Et premierement q  
nous disputions de limmortallite de lame & quelle estoit immortelle &  
que nous tenions l'opinion de Platon/ laquelle saint Augustin tiēt &  
approuue/ & Cicero entre les philosophes appelle platon vng dieu: car il  
a uoit eu plus de science & de entendement que tous les philosophes qui  
furent iamais, Mais le pape paul leur disoit que en disputant il appelloy  
ent platon dieu qui est vne heresie: a quoy ie luy fis response que iestoys  
bon crestien/ & que iamais ne partit de ma bouche chose qui fust contre  
la foy crestienne ne cōtre la symbolle: & que ie nauoys point hante les sy-  
moniacles/ ne iceulx heretiques ensuiuy: comme firent les carpocraciā-  
nes/ Ophites/ Siuerians/ Alogios/ paulins, Maniches/ Macedoniens/ &  
aultres sectes, Et oultre le pape paul nous reprenoit de quoy nous estions



amoureux / & curieux des faitz des gentilz / & choses antiques, mais luy mesmes en estoit si curieux / & lesaymoit tant q̄ faisoit chei cher en toute la ville de Romme les anciēnes medailles & antiquailles / & les faisoit mettre en vne maison que faisoit faire soubz le Capitolle / & oultre il fist prēdre le sepulchre de sainte Cōstance qui estoit en leglise sainte Agnes pour mettre en icelles maisons qu'il faisoit contre la volente des religieux, Mais icelluy sepulchre apres la mort du pape Paul, Le pape Sixte le fist refaire de pierre de porphire, ¶ Le pape Paul nous fist interroguer par deulx religieux lung de lordre saint Francoys / & lautre de saint Dominique, Mais pource que le religieux de lordre saint Frācoys dist que en nostre fait nauoit point de heresie: le pape Paul ne voulut plus q̄ se entremist de nostre affaire, Mais Lelle du val Rommain nous deffen dit tres bien contre ce que auoit dit Leonard / & Andry de sainte croix, ¶ Et lors ainsi quō faisoit mētiō de la secte des Academiēs: & que nous la tenions. Mathieu Barbe cardinal saint Marc dist tout hault que nous nestions pas Academiens, Mais fedateurs & gateurs de Academie, A quoy fut respondu que nous ensuiuions les vrayz Academiēs du temps passe / & non pas les nouueaulx: lesquelz ne mettoyēt riē certain aux choses / & par tāt que nous nestoyons point larrons / ne bouteulx de feu, mais ce non obstant le pape Paul appella tous les Academiens heretiques / & pareillement tous ceulx qui par ieū ou autrement parleroyent du nom de Academie, Or icelle iniure a este faicte a platon qui sen deffende, ¶ Le pape Paul se vouloit faire aparoir & monstrier en toutes choses sage & subtil / & oultre il vouloit se mocquer dung chascun & sen rire / & mespriroit tout le mōde, Il iterroqua Pōpone quel nō luy auoyēt baille ses parens quant il fut ne / Pompone respōdit quil auoit deulx noms: par quoy le pape Paul fut cōfus / & ne senquit plus du nom, Et puis se retour na a parler vers moy disant que ie luy estoys bien ingratyeu les biens que mauoit faitz, Mais cestoit au contraire: car il mauoit oste tout mon bien / estat & office / mis en prison / fait gesner / & tourmēter / me deffendre que ne partisse la ville de Romme / & vela tout le biē que iamais mauoit fait ¶ Le pape Paul se partit de nous en nous menassant / & pource quil auoit iure que nous demouriōs en prison p̄ l'espace dung an: il ne voulut estre pariure / finalement il nous fist tenir en sa maison p̄ l'espace de .xx. iours & nous deffendit de partir ne sortir hors lhuys de la maison, Mais apres que les cardinaulx lurent prie & requis de nous deliurer: il nous laissa aller, ¶ Apres que ie fus deliure Loys Gōzague me enuoya des lettres: afin q̄ ie men allasse auecques luy aulx baingz Petrolane: pour recouuer ma sancte: car iestoys mallade en vne espaule a cause des tourmens que mauoit fait endurer, Mais le pape Paul ne me voulut laisser aller: disant quil me vouloit faire du bien / & le pmist au cardinal Bessarion / & aulx orateurs / & ambassadeurs des Venitiēs, Mais il me tint deux ans en esperance que me fist des biens, Mais il ne men fist point: car ce pendant il



La mort du pape Paul,

La mytre de Paul & de sa stature & maniere de faire,

mourut d'une apoplexie a deulx heures de nuyt / en son liſt / & ny auoit nully qui le viſt mourir: combiē que ce iour il fuſt fort ioyculx & auoit tenu le conſiſtoire, Il fut pape ſix ans / & dix mois / & mourut la cinquieme kalende du mois Daouſt, Mil quatre cens ſeptante & vng an. ¶ Le pape Paul eſtoit fort grant & bel homme, Aulcuns diſent q̄ quant il alloit publicquement par la ville de Romme quil ſe fardoit, Il auoit fait faire la plus riche & ſumptueuſe mytre quaſi inestimable / pour les pierres precieufes qui y eſtoient quauoit achaptez biē cheremēt / & enuoye querir / & chercher par tout le pays du monde, Il y auoit des dyamans / ſaphis emeraudes / criſolites / iaſpes / perles / & generallement de toutes excellentes pierres exquiſes, Et quant il auoit icelle mytre en la teſte: il ſembloit que ce fuſt vng aultre Aron: & alloit ainſi publicquemēt / & vouloit que le monde le regardaſt & de luy ſe eſmerueiller, Ilz auoyt bien ſouuent fait demourer les pelerins qui venoyent a Romme: pour veoir le ſainct ſuaire de noſtre ſeigneur: affin que ce pēdāt il en vint daultres & fuſſent en plus grant nōbre: pour ſe monſtrer a culx en habit & triumphe, Il fiſt vng edit que nully ne portaſt des bonnetz tains en eſcarlate: fors & excepte les cardinaulx: auſquelz le premier an de ſon pontificat donna a vng chaſcun Cardinal vne piece de drap deſcarlate: pour faire vne houſſe a leurs mulles / & mulletz, Il vouloit auſſi faire que les chappeaulx des cardinaulx fuſſent faitz de ſoye rouge, Mais aulcuns ſaiges cardinaulx luy remonſtrèrent quil ne falloĩt pas augmenter les pompes de leghſe, Mais les diminuer: car ce ſeroit le deſtruimēt de la foy creſtiēne, Le pape Paul diſoit que ſil aduenoit quil fuſt vne foys pape: quil donneroit a vng chaſcun cardinal vng chasteau pour leurs aller eſbatre au tēps deſte / & pour obuier aulx challeurs de la ville de Romme, Il enuoya leueſque Tricaricenſe en France qui fiſt la paix entre le roy de France & le duc de Bourgonne / & auſſi pour oſter linterdict qui eſtoit au Liege: pource q̄ le peuple auoit expulſe & dechaſſe leur eueſque, Mais iceulx Liegeoys prindrent leueſque Tricaricenſe: parquoy le duc de Bourgōne qui auoit fait paix avecques le roy de France Il fiſt guerre contre les Liegeoys & print la ville du Liege & la fiſt abbatre & par ſe moyen furēt deliurez les deux eueſques, Le pape Paul de ſa nature eſtoit fort negligēt & ne faiſoit riens ſil neſtoit fort preſſe, Mais pour aſſembler or & argent, il eſtoit fort diligent: & donnoit volentiers les eueſchez & benefices a ceulx qui auoyēt offices venales affin que les vendiſt / & en receuſt l'argent, En ſon temps toutes les offices eſtoient venales / & les vendoit pour ceſte cauſe, ceulx qui vouloyent auoir benefices ou eueſchez Ilz achaptoyēt premieremēt vne office & par ce moyen ilz auoyent des eueſchez / & y eſtoient pourueuz gens non lettrez / & ignares / & les grans clercz & ſaiges nen pouoyēt auoir, Des pecunes que aſſembloit ainſi le pape Paul il en faiſoit des biens il en donnoit pour marier les paouures filles vierges / & diſtribuoit aulx cardinaulx qui eſtoyēt paouures / & paouures gentilz hōmes / aulx



estrangez femmes veufues / & aultres qui en auoyent necessite, Il faisoit faire bonne police en la ville de Romme quant aux viures / tellement qu'on en auoit fort grant marche / & plus qu'on n'auoit acoustume deuât quil fust pape, Il fist vng sumptueux pallays de saint Marc / & aultres edifices a saint Pierre / Il fist faire & edifier vne belle garenne aux champs de Merule / & en estoit le p̄uost son nepueu filz de sa seur: lequel auoit fait cardinal sainte Luce avecques Baptiste Zene son aultre nepueu. ¶ Le pape Paul dormoit de iour / & partant il estoit bien difficile de parler a luy: & quant il regardoit ses pierres precieuses: dont il auoit grande multitude / de nuyt il tenoit le consistoyre, Quant il parloit / il estoit si longuemēt a parler quil fachoit les assistēs / & ceulx qui le escoutoyent parler tant estoit long en ses parolles, Il estoit fort difficile & terrible a ses seruiteurs / & famille / bien souuent quāt il auoit promis de faire quelque chose soubdainnemēt / il faisoit puis apres le contraire, Il vouloit estre veu fin & cauteleulx en toutes ses choses parquoy bien souuent il sen trouuoit perplex / & ne scauoit quil disoit / a ceste cause il nestoit point ayme des princes, Il vouloit auoir de diuerses viandes a manger / & tousiours mengeoit des plus meschantes / & se on ne luy bailloit telles viandes quil vouloit il cryoit tressort a table contre ses seruiteurs, Il beuuoit fort / mais cestoyent petis vins, Il aymoient fort les pompons / cancre / escreuices / & pastes de poyson / au moyen desquelles viandes ie croy que sengendra la Poplexie dont il mourut: car le iour dont il mourut la nuyt il auoit menge deulx pompons, Il naymoit point les poetes / ne les ars & sciences humaines / & appelloit ceulx qui en estoient heretiques & a ceste cause admonnestoit souuent les Rommains de ne faire guieres estudier leurs enfans aux sciences / & quil souffisoit quil sceussent lire & escrire, Il estoit fort dur & mauuais quant on luy demandoit quelque chose / & de ce non content: bien souuent disoit des iniures / & opprobres contre ceulx qui le requeroient de quelque chose / mais aucunes fois il faisoit tout aultrement de ce quil auoit dit & monstre, ¶ Le pape Paul doit estre loue dune chose: car il ne nourrissoit point / ne faisoit nourrir des monstres & baistes sauuaiges, Il vouloit que ses seruiteurs / & famille fust tousiours en la maison / affin de noyes & debat du peuple de Romme / ou daultres gentilz hommes,

Le pape paul  
faisoit du iour  
la nuyt,

Le pape paul  
variable en ses  
promesses,

¶ De Sixte deux cens vint & vngiesme pape,  
Et quatriesme du nom,

R. i.





IXte pape quatriefme du nom: au parauāt auoit nom Francoys de Arruere: natif de Sauonne pres la ville de Genes, Il estoit ministre de lordre saint Francoys, Apres que le pape Paul fut alle de vie a trespas du ne apoplexie, Il fut cree & esleu a la dignite papalle par les cardinaulx, Cestoit vng homme de grande science & lieterature/ tellement que en son temps il ny auoit hō me aulx Italles qui fust aussi grant clerc que luy en toutes sciences/ & mesmement en faculte de Theologie, Il fist plusieurs

Les liures faitz  
par le pape  
Sixte,

Le pont Sixte

Le Iubile,

Laurens de  
Medicis,

libures / & oeuvres tres elegantes, Cest assauoir de la puissance de dieu / du sang nostre seigneur / de la Conception de la Vierge Marie / & aultres oeuvres qui ne sont venuz a lumiere / Mais ont este perdus, Il estoit fort pitoyable / & grant aumonnier / il ay moit les religieulx / & nourrissoit les estrangiers / & aultres bannis & dechassez de leurs pays comme estoy ent les enfans de lempereur de Constantinoble nomme Palleologue / & la Roynede Bossine / & aultres qui estoient expulsez & dechassez de leurs pays terres & possessions par le Turc payens / & infidelles, Et oultre le pape Sixte fist pauer vne grande partie de la ville de Romme: laquelle au parauant estoit vne chose inhabitee / & plaine dordures / & de boues, Et avecques ce il fist faire / construire / & edifier vng pont sur le fleue du Tybre: lequel pont on appelle presentement le pont sixte, Et au vray parler: cestuy pape Sixte auoit fait en son temps / & durant le temps quil fut pape de si grandes reparations / & edifices en la ville de Romme, Que sans iniure on le doit appeller & nommer / vng aultre Romule / & reparateur de la ville de Romme, Il fist reparer leglise monseigneur saint Pierre / & y institua des prestres / oultre ceulx qui y estoient / & leur assigna beaucoup de biens & de reuenuz pour viure, Il fist refaire Lhopital du saint Esperit qui estoit tout en ruyne / & y fist paindre sa vie / & tout ce quil auoit fait, ¶ Et pour la grande reuerence quil auoit a la glorieuse Vierge Marie / Il fist refaire tres magnifiquement leglise de la Vierge Marie, ¶ Quatre ans apres qui eut este pape Il fist celebrer le Iubile par toute Crestiente, ¶ Aulcū ont blasme le Pape Sixte pour ce quil ay moit trop ses parens & leur donnoit trop des biens de leglise / & aultres oultre la raison, Il fist beaucoup de guerres au pays Ditalie / & mesmement contre les Florentins: car il anathematiza & censura Laurēs de Medicis Florentin qui presidoit / & estoit le premier / & plus riche de la ville de florence / & la cause estoit pource que icelluy laurens & ses gēs auoyēt fait pēdre & estrāgler le cardinal Raphael nepueu du pape sixte filz de sa seur violētine / & frācoys saluat archeuef de Pise & plusieurs aultres qui estoient avec eulx: cōbien que aulcuns disent que le cardinal



nepueu du pape Sixte quatriésme du nom ne fut pas pendu, Laurens de Medicis fist faire cestuy exploit pource q̄ Iulian son frere ieune & beau adolescent par les siccaires familiers / & a leur requeste auoit este meurtre tue & occis en leglise Saincte Liberate, ¶ Or ce neantmoins le pape Sixte fist venir le roy Ferdinand a la suasion du Conte Hieronime en grosse armee contre les Florentins: lesquelz endurent / & eurent beaucoup de maux, Mais apres que le pape sceut & congneut la verite que Francoys Saluiat Archeuesque de Pise auoit eu tort & mauuaise cause, Il absolut Laurens de Medicis des censures de leglise / & excommuniemen, ¶ Puis apres le Pape Sixte excommunia les Venitiens / pource quil faisoient guerre contre Hercules Dast / & iceulx priua de toutes dignitez / & aultres priuileges quilz auoyent: tellement que les Venitiens durant la vie du Pape Sixte ne furent point absoulz / & ne les vouloit absoudre nullement, Mais peu de temps apres le Pape Sixte alla de vie a trespas dune fiebure, Parquoy les tumultes / & noyses qui estoient aulx Italles entre les princes cesserent & furent apaisez, Il ne fist durant sa papaulte que vingt cardinaulx / entre lesquelz Iulian son nepueu filz de son frere fut le principal cardinal de saint Pierre aulx liens: lequel fist ensepuelir / & enterrer le pape Sixte en leglise monsieur saint Pierre en Vatican, ¶ Le pape Sixte fist / institua / & augmenta beaucoup de festes / oultre ceulx que leglise faisoit, Cest assauoir la feste de la Conception de la glorieuse vierge marie / & de la presentation, La feste Madame sainte Anne mere de la Vierge Marie, Saint Ioseph, Et saint Francoys, ¶ Le pape Sixte mourut au tēps quil estoit fort agite & trouble de guerres Lan de nostre seignr Iesuchrist, Mil quatre cens quatre vingtz & quatre: au moys Daoust le treziésme an de son pontificat,

Iulian de Medicis fut occis en leglise,

Francoys Saluiat archeuesq de Pise fut pendu avec le nepueu du pape, La mort du pape Sixte,

La feste de la Conception nostre dame, La feste sainte Anne & saint Ioseph,

¶ De Innocent, ccxxii, pape, Et, viii, du nom,



Innocent Pape huytiésme du nom, auoit nom Iehan Baptiste du pays & ville de genes: de moyens parens asles honorables Son pere auoit nom Aaron homme de bien, Il estoit cardinal prestre sainte Cécile / & fut esleu a la dignite papalle du consentement de tous les cardinaulx, Lan de nostre seigneur Iesuchrist, Mil, cccc, quatre M, cccc, lxxx, vintz & quatre: aulx Ydes du moys daoust iiii, Il estoit homme affable doulx & amyable & fort graue / & magnifique en ses affaires / Louage du pape Innocent, fort subtil ingenieulx / & de grant entendement eloquent / & fauent, Il pria & requist aulx princes crestiens de faire la paix ensemble affin de faire guerre contre les Turcz qui se efforcoient de occuper les terres & sei-

R, ii,





Debatz entre  
les Vrsins &  
Colonnoys,

La guerre du  
pape cōtre fer-  
dinand roy de  
Naples,

Bucalín tyrāt

Sainct Helio-  
polde duc de  
Austruche,

gneuries des crestiens, ¶ Le pape Innocent fut bien appelle Innocēt: car il estoit de bonne vie & simple, Il n'estoit point ireulx / pertinax / ne obsti-  
ne: c'estoit vne escale luy sante / entre les aultres, Il ne faisoit riens sans cō-  
seil / & ne vouloit faire les guerres soubdaynement: comme auoyent fait  
ses p̄decesseurs papes, Mais disoit quil ne falloit pas faire la guerre pour  
auoir victoire / ou gloire: mais affin que la paix sen ensuiue, Les ambassa-  
deurs des Roys & princes Crestiens: qui ont acoustume venir saluer le  
pape quant il est cree nouuellement, quant il le vindrent voyr / & saluer,  
Il les admonnestoit de faire paix & de eüter la guerre: car par icelles les  
eglises sont pphanes & destruietes / & le diuin seruice delaisse, Les vier-  
ges en sont violees / & tous biens de la terre gastes / & destruis: car comme  
dit Lucaïn. Nulla fides pietasq; viris qui castra sequuntur, Cest a dire ilz  
n'ya point de foy ne de pitie a gens darmes: ne gens qui suiuent & aymēt  
la guerre, Tutesfoys lors les Vrsins & les Colonnoys ne tenoyent com-  
pte des salutaires / & saintes admonitions que faisoit le pape Innocēt / &  
auoyēt les vngs contre les aultres guerre mortelle / & maulgre / & contre  
le vouloir du pape faisoient seditions / noyses / & debat: en la ville de rō-  
me, ¶ Or pour ce que le roy Ferdinand ne vouloit point payer la pensio  
& tribut de leglise Rommaine quil debuoit a cause du royaume de la  
Secille que lors tenoit, Fut fait guerre contre luy neātmoins que le pape  
Innocēt en fut fort courrouce / quil falloit que fist guerre / & en fut chief  
& capitaine de larmee du pape Robert Senfeueritane / homme vaillant  
aulx armes, Mais quant le roy Ferdinand vit quil estoit assailli du pape  
& quil ne pouoit euader que ne se deffendist: car larmee du pape pilloit  
toute la Pouille / & gastoit tout, Il fist tant quil apointa avecques le pa-  
pe & fut fait paix / en telle maniere que tous les ans il payeroit le tribut &  
pension au pape quil debuoit a cause du royaume de Naples, Et ce fait  
le pape Innocent fist tant quil fist la paix entre les Vrsins / & les Colon-  
noys, Et puis fist guerre contre le tyrant Bucalín: qui faisoit beaucoup  
de maulx aulx crestiens / & tellement le pape & son armee se porterent li  
vaillamment que apres plusieurs assaulx / & occision de peuple: cestuy  
Bucalín fut prins & mene prisonnier a Loys Sforce Duc de Myllan,  
Et dicelle prinse & bataille le pape innocent eut grant gloire & louenge,  
Il ne fit pas de grans biens a ses parens: & ne les extolla ainsi cōe auoyent  
acoustume de faire les papes: fors & excepte son filz bastard: nomme Frā-  
coys & Theodorine sa fille aulx quelz il donna beaucoup de richesses, Il  
maria son filz Frācoys a la fille de Laurēs de Medicis qui estoit fort bel-  
le fille / & ainsi quil estoit au liēt de la mort du consentement des cardī-  
naulx il luy donna vng grant tresor, Il maria sa fille Theodorine a vng  
riche gentil hōme, ¶ Le pape Innocēt canoniza Heliopolde duc de Au-  
struche: q faisoit lors plusieurs uiracles / & le fist mettre au cathologie  
des sainctz, Il absolut les venitiēs qui estoit excōmuniēs du pape Sixte,  
Il dōna vne eglise faicte dargent a leglise des Augustins de Bergomate.



¶ Le pape Innocēt estoit ayme de tous: pour sa bōne vie, Quāt il alla de vie a trespas, les nobles clerge / & le peuple le ploura fort pource q̄l estoit ayme & bien voulu dung chascun. Il ne fut pape que huyt ans / & vīngt six iours: car il mourut là de nostre seignr, Mil quatre cēs quatre vīngtz & douze, Le xxvi, iour de Iuillet, Et de luy fut fait ses deux vers,  
**Hunc deus absoluat: infenses abluat ipsū:**

Culpis sit superis post pia fata plagis,  
 Cest a dire dieu vueille absouldre / & pardonner les maulx / & pechez du pape Innocent: & le colloquer au Royaulme de paradis / & region super-nelle,

¶ De Alexandre, ccxxiii, pape, Et, vi, du nom



Lexandre pape sixiesme du nom: estoit du pays Despaigne: on lappelloit au parauāt Theodoric, Il estoit de la famille / & maïso de Borgie fort noble & aciēne, Le pape Calixte quatriesme du nom estoit son oncle: lequel fist apprendre & estudier Alexandre aulx sciences / & ars liberaulx / & le bailla a gouuerner pour lendoctriner & apprendre a des scientifiques maïstres / & grans docteurs: tellemēt qu'il fut endoctrine en bōnes sciences / & estoit le plus docte / & grant clerc de tous ses compaignons / tant en philosophie que en la saincte escripture, Il naymoit point flateurs / ne rap-porteurs / & ne croyoit point en leurs parolles, Romme fut bien eueuse lors qui fut pape: car comme dit Platon en son liure de la chose publique Beata ciuitas vbi philosophi imperant, Cest a dire la ville ou cite est bien eueuse laquelle est gouvernee par philosophes & saiges, Iamais le pape Alexandre ne perdoit ne occupoit le temps en vain: car il lysoit estudioit ou faisoit quelq̄ chose pour le biē publique, Il nestoit occupe au diuin seruice pour ses grandes vertus, Il fut fait en son ieune aage cardinal & vicechancellier, Apres q̄l eut tres biē & hōnestemēt gouuerne lestat / & office de vicechancellier par l'espace de quarante ans, Il fut esleu du cōsentement de tous les cardinaulx a la dignite papalle / & ce fait il fist & crea deulx de ses enfans cardinaulx, Cest assauoit Iehan Borgia / & Valētin: & apres il enuoya icelluy Iehan Borgia du consentement des cardinaulx au royaulme de Naples pour couronner le roy Alphonse roy de Naples & y fut acompaigné dune grande compaignie de gentilz hommes & plusieurs aultres / couronna / & bailla la couronne a Alphonse / & luy fist faire le sermēt / & iurer qu'il garderoit tousiours la foy a leglise de Romme / & payeroit tous les ans la pension / & tribut dicelle eglise ce

R.iii,

Platon,

Alphonse couronne roy de Naples,



La cōqueste de  
Charles, viii.  
roy de frāce du  
royaulme de  
Naples,

La nature des  
Italliēs & Hes-  
spaignolz,

que Alphonse promist de faire, ¶ Lors en ce temps Charles huytiesme du nom Roy de France se mist en armes pour aller oultre les mons: pour acquerir & prendre possession du royaulme de Naples: lequel luy appartenoit / & appartient a la Couronne de France: par droit heritaige. Mais quant le pape Alexandre & le roy Alphonse sceurent & congneurent q̄ le roy de France venoit au royaulme de Naples, Ilz firēt cōfederation ensemble / & tout par le moyen de son nepueu Iehan cardinal, Et pource q̄ le pape creygnoit la puissance de Charles roy de France: le roy Alphonse enuoya des gens darmes secretement au Pape: pour garder la ville de Romme & aultres chasteaulx: affin de empescher le passaige du roy de France / & la noble conqueste que vouloit faire le tres excellent / & magnifique roy Charles: car cest la nature des Italliēs / & des Hespaignolz / de vouloir empescher lhonneur / & gloire des Francoys: lesquelz ilz n'ayment point: combien que les Roys de France les ont tousiours secourus / & fait tant de biens: que toutes les plus anciēnes villes / & chasteaulx qui sont aulx Italles / & Hespaignes / ont este constituez / & edifiez par les Roys de France. Les papes remis en leurs sieges, Les princes tyrans subiuguez / & mis a mort: par les Frācoys / & nobles de Frāce, Et neantmoins ilz ont en hayne & nen voudroyent iamais ou yr parler: si non quāt ilz en ont affaire: parquoy il ne se fait pas trop bō fier en leurs p̄messes / & mesmement fidefragues: gens qui ne demandent point dhonneur / & gloire au temps aduenir / & ne leur chault de bailler foy: ne faire cōfederation & souldaynemēt icelle violer & rompre: comme se iamais nen eussent parle ne ouy aucunes nouuelles. ¶ Le roy Charles fist tant: q̄ luy & son armee passerent oultre les mons / & vint iusques dedans la ville de Romme: ou fist faire & exercer iustice: cōme sil eust este au royaulme de France: dont le pape & les Rōmains n'osoyent dire mot: tant auoyēt de paour & cramte: car le pape Alexandre se retira au Chasteau Saint Ange / & auecques luy plusieurs gens darmes. Mais ce neantmoins le roy Charles enuoya par deuers le pape Alexandre / Monsieur de Fouez / Mōsieur de Bresle / le Marechal de Gye / Monsieur de Ligni / & maistre Iehan Darcly euesque de la ville Dāgiers son confesseur: lequel fist la harengue au pape en si tres excellent & fauēt latin / que le pape fut tout esbay de ouyr parler si aornement / & beau latin: parquoy il fut apayse / & asseure. Et lors sen fouyrent le duc de Calabre / & les gens darmes: lesquelz le roy Alphonse auoit enuoyez pour garder que le roy Charles nentraist en la ville de Romme. ¶ Quant la paix & accord fut fait entre le roy de France / & le pape Alexandre, Leuesque saint Malo fut fait lors cardinal: car ce stoit celluy qui gouuernoit le roy Charles huytiesme du nom. Cestuy cardinal estoit fort prudent saige / & modeste en tous ses faitz / & ne entreprenoit chose quil nen vint bien a son hōneur: combien quil ne fust pas de grande lićterature. Mais neantmoins iamais ne faisoit riens sans conseil de gens clercz: lesquelz tenoit en sa maison. Le pape Alexādre dōna



planiere remission aulx Francoys / & a tout loſt & armee de France / & leur fiſt monſtrer par trois foys la ſaincte Veronique / & fiſt declarer par trois Cardinaulx qui eſtoient ſur vng echaufault deuant legliſe monſieur ſanct Pierre / en trois langaiges quil leur donnoit plaine remiſſion / & abſolution de tous leurs pechez & offences, Lung des Cardinaulx le dit & profera en latin / lautre en Frācoys / & lautre en lāgaige & parole Italiēne / & commung vulgaire des Rommains, Et affin que le roy fuſt plus aſſure du pape Alexādre : aps quilz eurent fait de grās banquetz enſemble / il luy bailla ſon filz Borgia Cardinal Valētinoys / & luy dōna le frere du Turc nommē Zizime: le quel le roy Charles emmena avecques luy : affin que quant il auroit conquis le royaulme de Naples / & la Pouylle, Il feroit par ſon moyen la guerre aulx Turcz & infidelles,

¶ Apres que le roy Charles fut party de Romme & vint loger en la viſle de Baſestre: qui eſt le chemin pour aller a Naples, Le cardinal Borgia filz du pape Alexādre qui eſtoit avecques le roy Charles ſe ptit de nuyt & ſecretement delaïſa le roy & ſen vint a Romme cōtre ſa foy & promeſſe quauoyent promis le pape ſon pere / & luy au roy de Frāce, Mais ce nō obſtant le noble roy de Frāce ne ceſſa de pourſuiure ſa fortune / & fiſt tāt quil miſt en ſa ſubiection & obediēce tout le royaulme de Naples & la Pouylle, ¶ Or ce pendant le pape Alexandre / Maximilian roy des Rōmains / Ferdinand roy Darragon / Loys Sforce Duc de Myllan / Les Venitiēs & aultres princes des Italles firēt cōfederation & aliāce enſemble pour prendre le roy Charles au retour de Naples au pres dune ville appellee Fournoue: combien que iceulx tous euſſent promis la foy / & fait cōfederation avecques le roy Charles: le quel apres quil eut mis ordre / & police au royaulme de Naples, Il ſen retourna en France / & pource quil auoit delaïſſe beaucoup de ſes gens darmes au royaulme de Naples: pour garder les places & chaſteaulx: il ne auoit au retour avecques luy q̄ ſept mille hommes & ſes ennemys qui latendoyent eſtoyēt plus de quarante mille hommes darmes, Mais neantmoins les Francoys ſe monſtre rent ſi vaillammēt q̄ a force darmes leſpee a la main quilz paſſerent outre ſans ce quilz euſſent grant dommaige ſinon q̄ aucuns perdirent leur bagaiges, Mais ce neantmoins y furent tuez & occis pluſieurs Lombars capitaines & cheſz de guerres: par les Francoys: tellement que victorieu ſemēt & en grāt triūphe le roy Charles vint iuſqs en la ville Daſt, Lors le duc Dorleās eſtoit aſſiege en la ville de Nouarre & mouroyēt de ſain pource quilz nauoyent plus de viures, Mais le roy Charles fiſt tant quil les deliura, On ne ſcauroit aſſez louer ne donner louenge au roy Charles huytiēme du nom: le quel vſoit touſiours de bon conſeil / & combien quil fuſt de petite ſtature touteſſoys il eſtoit fort magnanime & de grant couraige: tellement que le Turc auoit lors grant paour / & crainte quil ne fuſt du tout deſtruiēt & mis a nient par icelluy Charles roy de France, ¶ Or apres que Charles Roy de France fut alle de vie a trepas / en la

La thraïſon  
du cardinal va  
lentinoyſ,

Laliāce du pa  
pe du More &  
aultres contre  
le roy Charles  
viii, au retour  
de Naples,

La iournee de  
Nouarre,

Le duc Dorle  
ans deliure de  
Nouarre par  
le roy Charles

R, iiii,



De Pie, ccxxiiii. Pape, & ,iii, du nom, De Iule, ccxxv,

ville Damboise, ¶ Le pape Alexandre fist nouuelle aliance & confederation avec le roy Loys, xii, dernier decede/que dieu absolue, Et ce fait le pape fist vne grosse armee/& en fut chief & capitaine son filz duc de valentinoys/& fist la guerre a Katherine vicecontesse laquelle ilz vainquit & amena prisonniere a son pere Alexandre/& puis de l'auctorite du pape/& des cardinaulx fut cree duc & espousa & print en mariage Lucrelle fille de Hercules Dast,

¶ De Pie, ccxxiiii, pape, & ,iii, du nom,

La vouleute  
du pape Pie,  
troisieme,



Le pape, iii, du nō: estoit natif de la ville de Senes nepueu du pape Pie second: filz de sa seur Laodemie, Il fut cree pape du consentement de tous les cardinaulx: apres que le pape Alexandre fut mort, Cestoit vng hōme qui enduroit/& estoit fort sobre au boyre & au manger, Mais il vouloit ensuiure la facō & maniere de son oncle pape Pie second: car il auoit intention de expulser/& de chasser les Francoys des Italles/& du royaulme de Naples, Mais la mort ce pendant le print: car il ne fut pape q̄ seize iours

dont les Rommains furent fort courroucez/& mesmemēt ses parens qui estoient lors venus a Romme/& ceulx qui luy auoyent preste argent, Et lors ie estoys a Romme par quoy ien parle: cōme scauant, par la mort du pape Pie le siege de Romme fut vaccant par l'espace de, xiiii, iours,

¶ De Iule, ccxxv, pape, Et second du nom,

Le cardinal  
Damboise,



Vle pape second du nom: estoit natif de la ville de Sauonne, Il fut nepueu du Pape Sixte, Il auoit nom Iulian/& estoit cardinal de Hostie/& grant penitencier. Il fut esleu pape apres la mort du pape Pie, Le premier iour du moys de Nouembre, Lan de nostre seigneur, Mil cinq cens & trois/& fut couronne le, xvi, iour, ¶ Et lors George Damboise cardinal/Legat Dauignon/& de Frāce estoit a Rōme: le quel sil eust voulu espier a la dignite papalle, il eust este fait cree & esleu pape, Mais pource quil estoit

malladif/& que lair de la ville de Romme ne luy estoit pas conuenable ne salutaire, Il ayma miculx se tenir en France/ou il gouuernoit du tout



Loys, xii, Roy de France, Et laymoit fort le roy: car des sa ieunesse / & au temps quil nestoit que Duc Dorleãs: il estoit en son seruice: parquoy il se fyoit en luy: comme on doit faire a vng loyal seruiteur / & homme bi en conditione, Cestuy cardinal congnoissoit la complexion du roy: telle ment que le roy ne faisoit riens: au moins bien peu de choses touchant le royaulme de France: ne de la duche de Myllan / ne aultres affaires: quil nen eust la charge / sil falloit faire paix / guerres / mariages de roys / de prin ces / ouyr ambassades / redre responce / tout passoit par le conseil du legat Damboyse: le quel ne voulut iamais auoir qung benefice, Il estoit arche uesque de Rouen, Cest celuy qui auoit fait batir & construire icelle sum ptueuse maisõ / qui est sur la riuere de Seyne: au pres de la ville de Rou en a huyt lieulx: quon appelle Gaillon: car p icelluy ouuraige on peult congnoistre que en son temps il estoit magnanime / & tres magnifique / & quil luy procedoit de noble couraige de faire telz excellẽs edifices: car le droit escript / & les iurifconsultes lapprouent: que on ne scauroit mi eux prouuer qung homme en son temps auroit este magnanime / idustri eulx / & ingenieulx / si non quant on voit les edifices par luy composez / & ainsi subtillement / & artificiellement faitz, ¶ Or ie me tays: & ne dis mot de ceulx qui voudroyent dire quil eust mieulx fait / sil eust iceulx deniers quauoit employez en ses bastimens maisons de plaissance / tours bñieres peintes dazur / & dor fin / de fonder ou faire vne eglise / monaste re pour faire / & augmẽter le seruice diuin: ou auoir fait / & fonde vng col liege pour paouures escoliers dont il eust eu meilleur marche plus grant los & prouffit a lame: que dicelle maison: touteffoys cest vne belle maisõ & fault laisser pler qui voudra car iamais enuie ne mourra / ne mauuais rapport son filz, ¶ Or ie retourne au pape Iule, car comme iay dit il fut cardinal / p le pape Sixte dernier son oncle: & fut fait & enuoye legat en France: dont il acquist de grãs tresors / & se retyra en Auignon: dõt estoit legat & gouuerneur, Il fonda vng colliege en la ville Dauignon: que on appelle le colliege de Ruuere, Il fist faire vne tres excellẽte tour qui est sur le riuage du Rosne: qui passe par deuant Auignon, Et fist faire & ba stir le petit pallays: ou se tient larcheuesque Dauignon: qui est fort sum ptueulx, ¶ Mais au temps que le pape Alexandre estoit viuant: il neust ose se trouuer a Romme: pour aulcũes iniures dictes / & proferees par Iu le contre la sainctete du pape Alexandre: tellemẽt quil luy conuint sen fouyr par nuyt / & en habit dissimule: se tenir sur mer: au pres de la ville de Sauonne: pour euter la fureur du pape Alexandre: qui tellement le poursuiuoit: quil ne recepuoit riẽs de ses benefices, Mais pource que aul tre foys: il auoit trouue si grant amour honorable recueil en Frãce il sen vint rendre au roy de France: le quel fist tant enuers le pape Alexandre que sa paix fust faicte, Mais neãtmoins il nauoit garde daller demourer ne se tenir a Romme nonobstant que le pape luy eust pardonne tout ce que luy auoit fait, ¶ Aulcuns disent quil auoit reprouche au pape Ale

La maison de  
Gaillon,

Des edifices  
construits p le  
pape Iule, ii,

R, v,



xandre quil occupoit le siege apostolique par argent / & quil auoit achap-  
 te la dignite papalle / & fist faire de luy plusieurs libelles diffamatoires /  
 vers / & mettres par lesquelz lhonneur du pape Alexandre estoit fort dimi-  
 nue enuers plusieurs nations princes / & roys crestiens, ¶ Apres la mort  
 du pape Alexandre, Il fist telles brigues & alliances quil cuyda obtenir  
 la papaulte, Mais les cardinaulx Hespaignolz / & le duc Valentinoys qui  
 tenoyent le chasteau saint Ange par force luy resisterent: pquoy les car-  
 dinaulx esleurent le cardinal de Senes pape Pie troisieme du nom: hom-  
 me viel & tout maladif: le quel auoit vne maladie aulx iambes quon sca-  
 uoit bien quil ne viuroit guieres: p le cours de nature, ¶ Je ouy dire lors  
 que iestoy a Romme que le pape Pie mourut ainsi soubdainemēt pour  
 vne emplastre quon luy mist sur vne playe quauoit aulx iambes / quon  
 disoit estre itoxique & enuenimee, Il peult estre q nestoit pas vray dieu  
 le scet, Mais ses familiers en auoyent grande suspicion / & mesmement  
 aucuns banquiers qui luy auoyent auāce force ducas / & prestres: lesquelz  
 apres sa mort furent contrainctz faire banque faillide, ¶ Le pape Iule  
 au commencement fist exercer a Romme bonne iustice, Il fist degrader  
 vng prestre natif de Venise: qui auoit este maistre dostel du cardinal saint  
 Ange: le quel auoit en poysonne au temps du pape Alexandre & disoit q  
 le pape Alexandre / & son filz le duc Valentinoys luy auoit fait faire affin  
 quil eussent la despouille & biens du cardinal: qui auoit soixāte ou quatre  
 vingtz ans fort riche, ainsi quon le degradoit sur vng eschaufault deuant  
 leglise saint Pierre, ¶ Le ouys lire son pces tout hault quon luy auoit fait  
 & cōfessoit quil auoit empoisonne le cardinal son maistre dune pouldre  
 blanche: laquelle auoit ietee & mise au potaige du cardinal: & que incō-  
 tinent quil eut gausse & mange du potaige il mourut demye heure apres  
 & pour ce faire debuoit auoir dix mille ducas / & des benetices, combien  
 que le cardinal son maistre luy en eust donne plusieurs qui valloyent de  
 reuenue sept a huyt cēs ducas, Quāt la court seculiere leut pris pour le iu-  
 sticier, Il cryoit a haulte voix: par les rues de Rōme / Ha Maledicte Pa-  
 pe Alexandre / quon le tuo filio, Disant quil auoit refuse p plusieursfoys  
 a faire le villain cas quil auoit fait, Mais que le duc de Valentinoys luy  
 auoit mis vng poignart au gosier disant quil le tueroit si nempoisonnoit  
 son maistre: & que de paour de mourir, Il promist ce faire / ce que fist a la  
 malheure: car il fut escartelle, ¶ En ce temps estoient a Romme beau-  
 coup de Hespaignolz gens oyseuz / pillars / ruffiens / & faisoient beoucoup  
 de maulx aulx courtisiens de Romme & aultres, Mais le pape comman-  
 da au Barisier / qui est comme le cheuallier du guet a Paris / qui va iour /  
 & nuyt par la ville de Romme acompaigne de soixāte ou quatre vingtz  
 fergans: tous armes: portāt vng chascun vne partuyane / ou aultre bastō  
 sur leurs espaulles: quil expulsast & dechastast iceulx Hespaignolz / ce q  
 fist / & en fut pendu & estranglé plusieurs qui furent trouuez apres quon  
 eut fait le cry / que toutes gens sans aueu ne mestier vidassent la ville de

Le cardinal  
 saint Ange  
 empoisonne p  
 son maistre do-  
 stel,



Romme, ¶ Ce en la ville de Paris ou la fleur de iustice regne / on gar-  
doit icelle rigueur, Cest assauoir de faire pendre / & estrangler les bannys /  
efforillez / & larrons: quant on les retrouue en la ville sans grace du roy no-  
stre sire: ou rapel, Il ne se feroit pas tant de meurtres ne pilleries: comme  
il se fait de iour en iour, Mais la ville de Paris est si grande / & spacieuse /  
franche liberalle / & plaine de peuple quil seroit bien difficile de garder  
ne obseruer iceulx statutz / & ordonances, Parquoy ne seroit pas trop mal  
fait quil y eust vng Barifier / comme a Romme qui allast de iour par les  
lieulx publiques & places marchandes: pour prendre les gens oyseulx  
ruffiens & aultres ioueulx de dez / cartes quilles / & ieulx prohibez & des-  
fendus: ou faire commandement aulx officiers commissaires de chastel-  
let de faire loffice: car cest a eulx a faire / & pour ceste cause on leur auoit  
assigne & ordonne fergens / & lieulx ou doibuent demourer: pour gar-  
der leurs cartiers de aulcuns insulte debat ou noyse / & iceulx purger de  
mauluais garçons, ¶ Le pape Iule estoit facecieulx / & aymoît fort cōpai-  
gnie / & quāt beuuoit & megoit desiroit / & appetoit fort scauoir / & ouyt  
des nouuelles de tous pays, Cest leur nature, Il ne mengoit point de bon-  
nes viandes / mais poissons / & chairs salées / saulces a oygnons / & souent  
mengoit des eschalottes, Il estoit grant buueur & deuorateur de vin / les  
plus fors vins ne luy estoient pas assez bons, Il auoit seruiteurs de toutes  
natiōs, Il appelloit les Hespaignolz *volucres celi*: car il disoit quilz esto-  
ient trop glorieulx / & vouloyent tousiours auoir le dessus / & se faire apa-  
roir, Les Geneuoys / & Venitiens: il nommoit *pisces maris*: car tous leurs  
biens estoient sur mer / & que les poissons estoient souuent alimentez / &  
nourris de leurs corps / & chairs, Les Allemans / & Germainz: il les nom-  
moit *pecora campi* / & les tenoit rudes dentendement / & sentretiennent:  
comme pourceaulx: car quant vng pourceau crie les aultres y accourent  
au secours sans ordre ne mesure / aussi disoit il q̄ les Germainz faisoient  
ainsi, Et les frācoys appelloit *pisce vine*, Mais vng sien seruiteur boutil-  
lier qui estoit Normand respondit ioyeusement au pape Iule quil estoit  
bon francoys: & le pape luy demandoit: pourquoy / & y luy respondit  
pource que vous estes le plus grant *pisce vine* que ne fut iamais frācoys:  
dont le pape se print si fort a rire quil en beut deux foys dauātage: en ap-  
pellant son boutillier Magnigolde Bourrache, Il ne mettoit point deau  
en son vin & aussi il auoit le visaige rouge & vermeil, ¶ Apres q̄ le car-  
dinal Damboyse fut alle de vie a trespas, Il dit ses motz, Or suis ie main-  
tenant pape tout seul: pour ce que le cardinal Damboyse estoit legat en  
france / & l'argent du royaume de france demouroit au royaume / & nen  
portoit on point a Romme, Dont iay veu aultre foys moy estant a Rom-  
me: que la legation estoit en france / que les Rōmains officiers abbrevia-  
teurs de bulles / & aultres maudissoient le pape Iule / & les cardinaulx:  
pource quilz auoyent consentu / quil y eust vng legat en france: car ilz ne  
gaignoyent riens au moyens bien peu des aultres natiōs au pres de france,

Du pape Iule  
qui ce esbatoit  
a facecier des  
pays,



La iournee de  
de Rauenne,

La mort du  
duc de Ne-  
mours,

¶ A ceste cause le Pape haussa ses cornes / & fist nouvelles aliances au roy Despaigne, a Maximilian roy des Rommains; & aux Souyces par le moyen du cardinal de Syon / & du tout se efforca a faire guerre aux Francoys / & luy mesme y fut en personne par plusieurs foys: laquelle chose n'estoit conuenable a luy qui estoit pape qui doit procurer la paix entre les crestiens; & il leur faisoit la guerre a la petitesse d'aucuns enuieux de la couronne de France, Mais neantmoins les Francoys se porterent si vaillamment en la iournee de Rauenne quil n'est memoire de guerre si aspre / & si furieuse, que fut icelle; & de grant perte pour les Hespaignolz ou furent tuez & prins la fleur tant des Rommains que des Hespaignolz en icelle iournee, nonobstant que apres la victoire des Francoys: que par inconuenient fut tue & occis le noble Duc de Nemours chief & capitaine general de l'armee des Frâcoys / & aultres princes qui le suiuirent pour le secourir dont fut grant dommaige, A ceste cause fait il bon vser de conseil: pour obuier aux incouueniens de fortune qui est plus muable & mobile que le vent, Parquoy ieunes princes doibuent croire le conseil des anciens cheualliers: quant se trouuent en guerres; ou batailles: car ce n'est pas tout que dauoir victoire son ne se garde puis aps des las & isidiateurs de fortune qui sont plus variables que n'est la Lune, ¶ Quant le pape Luile ouyt la destruction & cruelle occision: que les Francoys auoyent fait de ses gens / & des princes Despaigne / & aultres qui estoient ses aliez / & confederes, Il mena vng si grant dueil que aucuns disent quil fist vng edict: que tous Francoys sortissent de Romme; & dechassa aucuns siens seruiteurs qui estoient francoys tant estoit courrouce & marry, Il fist le mort par plusieurs foys: & c'estoit affin que les cardinaulx francoys allaissent a Romme: pour leur faire quelque vergonne, Mais quant ilz sceurent & congneurent la finesse vng chascun se tenoit sur ses gardes, Mais peu de temps apres alla de vie a trespas,

¶ De Leon, ccxxvi, pape, Et, x, du nom,

M, cccc, xiii,



Leon pape dixiesme du nō estoit natif de la ville de florence: de la famille & magnifique maison des Medicis ancienne / & noble lignee, Il fut esleu du consentement de tous les cardinaulx, Et le sacre & couronnement de luy fut fait le lundy, vnziesme du mois Dauril, Lan de nostre seigneur Jesuchrist, Mil cinq cens & treize: ou furent faitz par les coulounnoys Vrsins / & aultres princes / & grans seigneurs Rommains plusieurs triumphes / & arcz triumphaulx / & entre aultres en fut fait vng sur le pōt saint



Ange ou estoit escript en lettres dor & d'azur, Leo decimus pontifex maximus qui se ipsum vincendo omnia superauit, Le pape Leon partit du chasteau saint Ange a six heures de matin: pour aller a saint Iehan de Lateran ou il ne fut quil ne fust douze heures pour la grosse seigneurie & compaignie qui estoit au triumphe/ & conuoy du pape/ & mesmement les ambassadeurs de France/ Despaigne/ & aultres nations / Le pape fist vng festin & banquet a Saint Iehan de Lateran a tous venans: qui fut fort magnifique/ & ce fait le pape sen retourna en grant triumphe au chasteau saint Ange enuiron trois heures apres mydi, ¶ Peu de temps aps le pape Leon fist & crea plusieurs cardinaulx de toutes nations entre lesquels pour le present ne furent faitz que trois cardinaulx Francoys,

¶ Le pape Leon congnoissant les grans biens suffraiges/ portz faueurs/ & aydes que ses bons predecesseurs papes auoyent euz de la noble couronne/ & maison de France: comme vng saige prudent / & bon pasteur de la monarchie de leglise par inspiration diuine/ plus que humaine: comme ie pueu lassermer & croire fist confederation & aliance & ce seroit retire a la noble & non violee loyalle foy Francoyse: tellement que depuis q le treffaint pere pape Leon/ & le tres crestien roy de Frace Francoys eurent ple ensemble en la ville de Boulōgne, Apres sa glorieuse & diuine victoire de sa duche de Myllā/ leurs deulx cueurs puis aps furent si vnīs ensemble q ne fut qung: car puis aps les actes hōneurs/ & lettres euoyē rēt lūg a lautre / & mesmemēt par nostre saint pere le denotēt & demōstrent en escripuant au tres crestiē roy de Frace / Mō trescher filz tu es le bouclier deffēce/ & garde totale du siege apostolique par tes pdecesseurs Roys de France, Mes predecesseurs papes du nom Leon dōt a present par diuine prouidence porte le nom/ leur ont este par les roys de Frace honorablement magnifiez / & de tous leurs aduersaires gardez remis en honneur & magnificence/ pquoy le noble & magnifique duc Urbain auoit bien voulu se alier en la noble maison de Boulongne tres excellente magnifique & noble maison de France, ¶ Or pource que les deux tres

Laliace du pape & du Roy de France,

aymez/ le tres saint pere pape Leon, & le tres illustre Francoys

Roy de France/ viuent & regnent a present en deuotion

foy & magnanimité, Diceulx ie nen pleray plus

ne de leurs magnifiques & excellens faitz/

priant la diuine essence leur dōner sain

cte prosperite en leurs vies, Et

a la fin la gloire eternelle/

& au bon conseil de

France,

M.CCCC LX

*multi cardinales etc. creatus ut coram eo omnes deus  
fuerit qd. lura passus de*



# **C**i finissent les faitz et gestic des

sainctz peres Papes depuis nostre seigneur Iesuchrist/iuſques

au pape Leon dixiesme a present seant en la chaire

sainct Pierre/faictes & composees en latin par le

tres renomme Hystoriographe Platine / &

nouvellement trāsſlatees de latin en Frā

coys/ala louange de dieu/ & ex al-

tatiō de nostre foy, Et furēt ache

uez de Imprimer en ceste ville

de Paris, le penultime iour

Daoust, M, cccc, & xix

Par maistre Pierre Vi-

doue, Pour hōneſte

personne Galliot

du Pre Mar-

chant Libraire demorant sur le Pont

Nostre dame a lenseigne de la Gallee,

Et ayant sa Boutique en la grand ſalle

du Pallays

au troisiē-

me Pila-

lier,



**Avec le priuilege du Roi nostre sire.**



# Table Alphabétique des noms A. Des papes

Adrien. i. 97. // 2. 109. // 3. 112. // 4. 176. // 5. 193. //

Agapit. i. 59. // 2. 133.

Agatso. i. 81. //

Agatso. i. 81. //

Aléxandre. i. 7. // 2. 163. // 3. 177. // 4. 188. // 5. 213. // 6. 223. //

Anacle. i. 5. //

Anastase. i. 41. // 2. 52. // 3. 124. // 4. 175.

Anicet. i. 12. //

Anthère. i. 20. //

**B** Boniface. i. 44. // 2. 57. // 3. 68. // 4. 69. // 5. 71. // 6. 115. // 7. 140. // 8. 200. // 9. 210. //

Benoist. i. 64. // 2. 83. // 3. 107. // 4. 120. // 5. 135. // 6. 138. // 7. 141. // 8. 151. // 9. 163. // 10. 166. // 11. 201. // 12. 204. //

## C

Cajus. i. 29. //

Calixte. i. 17. // 2. 169. // 3. 218. //

Celestin. i. 45. // 2. 172. // 3. 182. // 4. 186. // 5. 199. //

Cristophe. i. 122. //

Clement. i. 4. // 2. 156. // 3. 181. // 4. 190. // 5. 202. // 6. 205. //

Clet. i. 3. //

Conon. i. 85. //

Constantin. i. 90. //

Cornille. i. 22.



D.

Damañs. i. 39. // 2. 157. //

Diel' donno. i. 70. //

Dhuis. i. 25. //

Doy. i. 8. // 2. 139.

E.

E. 24. // 2. 14.

E. 24. // 2. 93. // 3. 96. // 4. 99. // 5. 113. // 6. 116. // 7. 128. //

// 8. 131. // 9. 160. //

E. 24. // 2. 14.

E. 24. // 2. 101. // 3. 173. // 4. 216. //

E. 24. // 2. 14.

E. 24. // 2. 14.

f.

f. 24. // 2. 14.

f. 24. // 2. 14.

f. 24. // 2. 14.

G.

G. 24. // 2. 14.

G. 24. // 2. 14.

G. 24. // 2. 14.

H.

H. 24. // 2. 14.

H. 24. // 2. 14.

H. 24. // 2. 14.

H. 24. // 2. 14.

I.

I. 24. // 2. 14.

I. 24. // 2. 14.

I. 24. // 2. 14.



Innocent. i. 42. // 2. 171. // 3. 183. // 4. 187. // 5. 192. // 6. 206. // 7. 211. // 8. 222. //

Júlio. i. 36. // 2. 225.

L.

Laudo. i. 125.

Levy. i. 47. // 2. 82. // 3. 98. // 4. 105. // 5. 121. // 6. 127. // 7. 130. // 8. 136. // 9. 158. // 10. 226. //

Libero. i. 37. //

Liy. martir. i. 2. //

Lúcio. martir. i. 23. // Lúcio. 2. 173. // 3. 178.

M.

Marc. i. 35. //

marcel. martir. i. 31. //

marcellus. martir. i. 30. //

Martín. i. 76. // 2. 111. // 3. 132. // 4. 196. // 5. ~~215~~ 216. //

melciade martir. i. 33. //

N.

Nicolas. i. 108. // 2. 162. // 3. 195. // 4. 198. // 5. 217. // 6. 221. //

P.

Pau. i. 95. // 2. 220. //

Pasqual. i. 100. // 2. 167. //

pelayo. i. 62. // 2. 65. //

pier. p. ii. // 2. 219. // 3. 224. //

s. pier, apóstol. de martir. i. i. //

pontias martir. i. 19.

R.

Romain. i. 117. //

S.

Sabinian. i. 67. //

S. elixir. i. 73. //

Sergio. i. 86. // 2. 104. // 3. 123. // 4. 150. //



S. Siluestre. i. 34. // 2. 147. // 3. 154. //

Siluestre. i. 60. //

Simplin. i. 49. //

Sirin. i. 40. //

Sisin. i. 89. //

Sipt. i. martir. 8. // 2. martir. 25. // 3. 46. // 4. 221. //

Sotyle. i. 13.

Symace. i. 53. //

T

Telspzw martir. i. 9. //

Tgudow. i. 75. // 2. 118. //

Ty.

Tyalutis. i. 102. //

Victor martir. i. 15. // 2. 159. //

Vigilis. i. 61. //

Vitalias. i. 78. //

Vrbais martir. i. 18. // 2. 166. // 3. 179. // 4. 189. // 5. 207. // 6. 209. //

Z

Zaccari. i. 93. //

Zepheris. i. 16. //

Zozimo. i. 43. //



71


















Ayuntamiento de Madrid



Ayuntamiento de Madrid